

৩০/-
গ্রন্থালী-সিরিজ

জ্যোতিরিন্দ্র নাথ গ্রন্থাবলী

(চতুর্থ ভাগ)

জ্যোতিরিন্দ্রনাথ ঠাকুর প্রণীত



শ্রীমতীশচন্দ্র মুখোপাধ্যায় প্রকাশিত

কলিকাতা, ১৬৬নং বহুবাজার ষ্ট্রীট, বহুমতী বৈজ্ঞানিক রোটারী মেসিনে

শ্রীপূর্ণচন্দ্র মুখোপাধ্যায় মুদ্রিত ।

মূল্য ১/- এক টাকা ।

সূচীপত্র

১।	বেণী-সংহার	(নাটক)	...	১
২।	মালতী-মাধব	(নাটক)	...	৫৭
৩।	দায়ে প'ড়ে দারগ্রহ	(প্রহসন)	...	১১৩
৪।	হিতে বিপরীত	(প্রহসন)	...	১৩১
৫।	পুনর্বসন্ত	(গীতি-নাট্য)	...	১৪৩
৬।	রজত-গিরি	(ব্রহ্মদেশীয় নাটক)	...	১৫৫
৭।	ধ্যান-ভঙ্গ	(গীতি-নাটিকা)	...	১৭১
৮।	বসন্তলীলা	(গীতি-নাটিকা)	...	১৮৫
৯।	হঠাৎ নবাব	(প্রহসন)	...	১৯৫
১০।	কিঞ্চিৎ জলযোগ	(প্রহসন)	...	২৩৩
১১।	প্রবাসীর আত্মকথা		...	২৫১
১২।	ঘণ্টা-তিনেকের আত্ম-নিবেদন		...	২৮০
১৩।	ভারতের উপকূলস্থ "মাহে নগর"		...	২৮৩
১৪।	ওবক-বন্দর		...	২৮৭

বেণী-
ব্রাহ্মণকে
এই জন্ম অ
আদিশ
বন্দের অধি
বৎসর ধরি
নবম হইবে

যুধিষ্ঠির,
ধৃতরাষ্ট্র, ছে
রাষ্ট্রের সার
(তাপস-বেশ
একজন রাণ

৩৮
৩৮

বেণীসংহার নাটক

জ্যোতিরিন্দ্রনাথ ঠাকুর অনুবাদিত

ভূমিকা

বেণী-সংহার নাটকের রচয়িতা সুপ্রসিদ্ধ ভট্টনারায়ণ। বঙ্গাধিপ আদিশূর কনৌজ হইতে যে পঞ্চ
ব্রাহ্মণকে বন্দে নিমন্ত্রণ করিয়া আনেন, তাহার মধ্যে ভট্টনারায়ণ একজন; ইনি শাঙিল্য-গোত্রীয় ছিলেন;
এই জন্ম আধুনিক বঙ্গের সমস্ত শাঙিল্য-গোত্রীয় ব্রাহ্মণেরই ইনি আদি-পুরুষ।

আদিশূরের পর ২১ জন রাজা হইয়া, তাহার পর বল্লালসেন। ত্রয়োদশ শতাব্দীতে বল্লালসেন
বঙ্গের অধিপতি ছিলেন, ইহা একরূপ স্থির হইয়াছে। তাঁহার পূর্ববর্তী রাজাদের রাজত্বকাল গড়ে তিন শত
বৎসর ধরিলে, আদিশূরের রাজত্বকাল দশম শতাব্দী বলিয়া নির্ধারণ করিতে হয়। অতএব আনুমানিক
১১বম হইতে দশম শতাব্দীর মধ্যে যে কোন সময়ে বেণীসংহার নাটক রচিত হইয়া থাকিবে।

পাত্রগণ

পুরুষবর্গ

যুধিষ্ঠির, ভীম, অর্জুন, নকুল, সহদেব, কৃষ্ণ,
ধৃতরাষ্ট্র, ছর্ঘোধন, কর্ণ, কপ, অশ্বথামা, সঞ্জয় (ধৃত-
রাষ্ট্রের সারথি); সুন্দরক (কর্ণের অনুচর); চার্কাক
(তাপস-বেশধারী রাক্ষস); ছর্ঘোধনের সারথি;
একজন রাক্ষস; অনুচর, দূত, সৈনিক ইত্যাদি।

স্ত্রীবর্গ

দ্রৌপদী, ভাহুমতী (ছর্ঘোধনের স্ত্রী); গান্ধারী
(ধৃতরাষ্ট্রের স্ত্রী); দ্রৌপদীর পরিচারিকা; ভাহুমতীর
পরিচারিকা; সিদ্ধরাজ জয়দ্রথের মাতা; একজন
রাক্ষসী ইত্যাদি।

বেণীসংহার নাটক

প্রথম অঙ্ক

নান্দী ।

ইন্দু-করে বিকশিত মুকুল বাহার,
নিবারিত হইয়াও মধুকরগণ
পিপে যার মধু—হরিচরণ-বিকীর্ণ
হেন পুষ্পাঞ্জলি—সভা-নয়ন-রঞ্জন—
করুক মোদের সবে সাক্ষ্য বিধান ॥

অপিচ :—

রাধায় ত্যজিল রুক্ষ যবে সেই কালিন্দীর
পুলিনের পরে,
রাস-রস-প্রিয়-রাধা কাঁদিতে কাঁদিতে চলে
কেলি-মান-ভরে ।
রুক্ষ যান পিছে পিছে রাধার পদাঙ্কে পদ
করিয়া স্থাপন
—হইয়া রোমাঞ্চ তত্ব ; প্রসন্ন-দৃষ্টিতে রাধা
রুক্ষের মুখের পানে ফিরি' ফিরি' চাহেন তখন ;
—অক্লম এ অহনয় তোমাদের করুক পোষণ ॥

পিচ :—

ধূর্জটী করিলা যবে ত্রিপুরে দহন,
প্রীতা হয়ে হুগী তাহা করেন দর্শন ।
অসুর-বধুরা সবে “এ কি হ'ল” বলি দেখে
ভয়েতে বিহ্বল,
দেখেন করুণ-ভাবে শাস্তচিত্ত তরসার
মহর্ষি সকল,
সম্মিত দেখেন বিষ্ণু ; আকর্ষিয়া অস্ত্র-শস্ত্র
দৈত্য-বীরগণ
—প্রশমিয়া বধুর উদ্বেগ—সগর্বে মা তৈ বলি
করয়ে দর্শন,
—দেবেরা সানন্দমনে ;—এ হেন ধূর্জটী তোমা
করুন রক্ষণ ॥

(স্বত্রধারের প্রবেশ)

স্বত্রধার : অতি প্রসঙ্গে প্রয়োজন নাই ।
ভারত নামেতে যেই অমৃত-আখ্যান
শ্রবণ-অঞ্জলিপুটে সবে করে পান,
তার রচয়িতা যে গো কৃষ্ণদ্বৈপায়ন,
আমি করি এবে তাঁর চরণ বন্দন ॥

(চারিদিকে অবলোকন করিয়া) এই পরিষদের
মহামাণ্ড অগ্রগণ্য সূধীবর্গের নিকট আমার
কিছু নিবেদন আছে ;—

অপর কুসুমাজলি কাব্যের প্রবন্ধ-রূপে
হেথা আমি করি বিকিরণ ।
স্বল্পগুণ হইলেও মধুকর-সম সবে
মধুবিন্দু করিও গ্রহণ ॥

এখন আমরা সিংহ-লক্ষণাঙ্কিত কবি ভট্টনারা-
য়ণের রচিত বেণীসংহার নামক নাটক অভিনয়
করতে উচ্চত । তা, কবি পরিশ্রমের অনুরোধেই
হোক, উদাত্ত আখ্যান-বস্তুর গৌরবেই হোক,
নবনাটক দর্শনের কোতূহলেই হোক, আপনারা
এক্ষণে অবহিত হয়ে দর্শন শ্রবণ করুন, এই
আমাদের প্রার্থনা ।

(নেপথ্যে)—মহাশয় ! শীঘ্র করুন—শীঘ্র করুন ।
এই রাজ-পুরুষ আর্ষ্য বিজয়ের আজ্ঞাক্রমে সমস্ত
নটদের এই কথা বলছেন :—“বাণ-বিজ্ঞাসাদি
সমস্ত কার্য এখন আরম্ভ করে দেও । এখন
দেবকীন্দন চক্রপাণির প্রবেশ-কাল । তিনি
: উরত-কুলের হিত-কামনায় স্বয়ং দৌত্য স্বীকার
ক'রে মহারাজ দুর্ঘ্যোধনের সন্নিবিষ্ট শিবিরের
দিকে যাত্রা করতে উচ্চত, তাঁর সঙ্গে পরাশর,
নারদ, ভৃগুর, জামদগ্ন্য প্রভৃতি মুনিগণও
আসছেন ।”

স্বত্রধার । (শুনিয়া সানন্দে) ওগো ! দেখ দেখ !
যিনি সকল জগতের সৃষ্টিস্থিতি-প্রলয়কর্তা, সেই

কংসারি বি
নার্থ দৌত্য
সঙ্গে সক
পারিপাশ্ব
নিযে ঐক্য

পারি । আচ্ছ
কোন ঋতু
স্বত্র । যে ঋতু
সপ্তচ্ছদ, কু
দিগ্গণ্ডল ধ
সেই শরৎ
প্রবৃত্ত হও

* সুপক্ষ

—সেই

পারি । (সভ
কাজ নেই
স্বত্র । (অপ্রি

কালের বণ
কথা বলি
পারি । কি
অমঙ্গলের
ক'রে আম
স্বত্রধার । মা
কংসারি
কার্যের
হবে ।

বৈরানল

পাণ্ডুপুত্র

*ইহা স্বার্থ
পুত্রগণ । স্বপক্ষ
ননোরধ । মান
হংসদের অবতরণ
সিদ্ধ করিয়া শে

বেণীসংহার নাটক

কংসারি বিষু কুরুপাণ্ডবের যুদ্ধ-প্রলয়াগ্নি প্রশম-
নার্থ দৌত্য স্বীকার ক'রে ভরতকুলকে ও সেই
সঙ্গে সকলকেই অন্নগৃহীত করেছেন। তবে
পারিপার্শ্বিক! তুমি এখনও কেন নটদের
নিয়ে ঐক্য-সঙ্গীত আরম্ভ করচ না বল দিকি ?

(পারিপার্শ্বিকের প্রবেশ)

পারি। আচ্ছা, এই আমি আরম্ভ ক'রে দিচ্ছি।
কোন ঋতুর উপযোগী গান হবে বলুন দিকি ?
সূত্র। যে ঋতুতে চন্দ্রাতপ, নক্ষত্র, গ্রহ, ক্রৌঞ্চ, হংস,
সপ্তচ্ছদ, কুমুদ, কোকিল, ও কাশ-কুমুম-পরাগে
দিঘাগুল ধবলিত, যে ঋতুতে জলাশয়ের জল স্বাদু,
সেই শরৎকালকে আশ্রয় ক'রে, সঙ্গীতকার্যে
প্রবৃত্ত হও। এই শরৎকালে :—

* সুপক্ষ মধুরভাষী মদগর্ভে সমুদ্রত
যাহাদের আরম্ভ উত্তম।

—সেই ধার্ত্তরাষ্ট্রগণ পুরি' আশা, কাল-বশে
ধরাপৃষ্ঠে হইল পতন ॥

পারি। (সভয়ে) মহাশয়! থাক থাক, ও-সব কথায়
কাজ নেই।

সূত্র। (অপ্রতিভ হইয়া সস্মিত) মারিষ! শরৎ-
কালের বর্ণনায় আমি ধার্ত্তরাষ্ট্র অর্থাৎ হংসের
কথা বলছিলাম—রাজপুত্রদের কথা নয়।

পারি। কি জানি মশায়—কিন্তু আপনার এই
অমঙ্গলের কথাটা পাছে সত্যি হয়, তাই মনে
ক'রে আমার বুকটা যেন কাঁপছে।

সূত্রধার। মারিষ! সে সব কিছু ভেবো না—
কংসারি শ্রীকৃষ্ণ যখন সন্ধির জন্ত স্বয়ং দৌত্য-
কার্যের ভার নিয়েছেন, তখন সব অমঙ্গল দূর
হবে।

বৈরানল নির্ক্যাপিয়া,

অরিগণে করি' প্রশমিত

পাণ্ডুপুত্রগণ সবে

হোক সুখী মাধব-সহিত : :

* ইহা ষাৰ্ধাঙ্গক। ধার্ত্তরাষ্ট্র—এক জাতীয় হংস ও ধৃতরাষ্ট্রের
পুত্রগণ। সুপক্ষ—উৎকৃষ্ট পাখা ও মৈত্র। আশা—দিক ও
মনোরম। মানস সরোবর হইতে ফিরিয়া আসিয়া ধরাপৃষ্ঠে
হংসদের অবতরণ এবং ধৃতরাষ্ট্রের পুত্রগণও প্রথমে নিজ মনোরম
সিদ্ধ করিয়া শেষে রণক্ষেত্রে পতন।

* রক্ত-প্রসাধিত-ভূমি

আর যারা বিক্ষত-বিগ্রহ

—সেই কুরু-পুত্রগণ

স্বস্থ হোন্ ভৃত্যগণ-সহ।

(নেপথ্যে—তিরস্কার-সহকারে)

আরে! ছরাত্মা বুথা-অমঙ্গল-পাঠক নটাদম!

লাফা-গৃহ জ্বালাইয়া, বিষ-অন্ন খাওয়াইয়া

কেশ-বস্ত্রে ধরি' টানি'

সভা-মাঝে দ্রৌপদী বধুকে,

—জীবিত থাকিতে আমি—ধনে প্রাণে করি' হানি

ধৃতরাষ্ট্র-পুত্রগণ

পারিবে কি থাকিতে গো সুখে ?

(উভয়ের শ্রবণ)

পারি। মহাশয়! কোথেকে এ কথাটা আসছে ?

সূত্র। (পৃষ্ঠভাগে অবলোকন করিয়া) এই যে,
বাসুদেবের আগমনে, কুরুদের সহিত সন্ধির
প্রস্তাবে অসহিষ্ণু হয়ে, ক্রুদ্ধ ভীমসেন পৃথুল
ললাটতলে বিকট ক্রকুটি ধারণ ক'রে, খর-দৃষ্টি-
পাতে আমাদের সবাইকে যেন গ্রাস করতে
করতে সহদেবের সহিত এই দিকে আসছেন।
তা, এখন ওঁর সম্মুখে থাকটা আমাদের ভাল
নয়। আসুন, আমরা অস্ত্র যাই।

[প্রস্থান।]

ইতি প্রস্তাবনা।

(সহদেবের সহিত ক্রুদ্ধ ভীমসেনের প্রবেশ)

ভীম। আরে! ছরাত্মা বুথা-অমঙ্গল-পাঠক নটাদম!

(ইত্যাদি পুনরাবৃত্তি)

সহদেব। (সান্নয়নে) দাদা! ক্ষান্ত হোন্, ক্ষান্ত

হোন্। নটমুখের বাক্য আমাদেরই অল্পকূল।

দেখুন :—(বৈরানল নির্ক্যাপিয়া ইত্যাদি

পুনরাবৃত্তি পূর্বক) “বৈরানল নির্ক্যাপিয়া ইত্যাদি

যা বলেছে, সে তো ষথার্থ কথা। আরও এই কথা

* ইহাতেও ষাৰ্ধ আছে। রক্ত-প্রসাধিত ভূমি—অমুরক্ত-
গণকে ধারা ভূমি দান করেছেন ও ধীদের রক্তে ভূমি অলঙ্কৃত
হয়েছে। বিগ্রহ—দেহ ও যুদ্ধ। স্বস্থ—স্বর্গস্থ ও স্থয়।

৫
গামের

কথা
ই কথা

ইত্যাদি

নাপনি
নি।

মতে

করায়,
করায়,

দ্যুত-
দেওয়া

শাশ্বক

অর্থাৎ
জয়—
শেষে



বলেছে “সভূতা কৌরবেরা রক্তালঙ্কৃত-ভূমি ও
কৃত-দেহ হয়ে স্বহৃৎ হোক অর্থাৎ স্বর্গস্থ হোক !”

ভীম ! (তিরস্কার-সহকারে) না না, কৌরবদের
অমঙ্গল চিন্তা করা কি তোমাদের উচিত ? যাও,
তোমরা সব ভাই মিলে তাদের সঙ্গে সন্ধি
কর গে।

সহ। (সরোষে) দাদা !

ধৃতরাষ্ট্র-তনয়েরা পদে-পদে করিগাছে
বৈর-আচরণ,
কোন অহুঙ্কেরা তব সহিত তা’—নৃপতি না
করিলে বারণ ?

ভীম। সে কথা সত্য। তাই আজ হ’তে তোমাদের
থেকে আমি পৃথক হলেম। দেখ :—

কৌরবদিগের সনে ঘটিল শত্রুতা মোর
আমি শিশু ছিলাম যখন,
তাঁদের বিদ্বেষের নহে রাজা—অরজুন
অথবা গো তোমরা কারণ।

তব সংযোজিত সন্ধি—ভীম হয়ে ক্রোধে প্রজ্বলিত—
জরাসন্ধ-বক্ষ সম করিবে গো পুন বিয়োজিত।

সহ। (অনুন্নয়-সহকারে) দাদা, তুমি অত ক্রুদ্ধ
হ’লে মহারাজ বোধ হয় মনে মনে কষ্ট পাবেন।

ভীম। কি ?—দাদা কষ্ট পাবেন ? তিনি কি
জানেন, কষ্ট কাকে বলে ? দেখ :—

দেখিলেন যবে দাদা পাঞ্চালীর সেই দশা
নৃপ-মাঝে রাজার সভাতে ;
অরণ্যে মোদের বাস বহুকাল ধরি’ যত
বলকল-ধারী ব্যাধ-সাথে ;
বিরাট-নিবাসে মোরা অনুচিত কাজে লিপ্ত
কত দিন ছিন্ন সঙ্গোপনে ;
—এই সব কুরু-কার্যে আমার এ কষ্ট দেখি
তাঁর কষ্ট হয়েছিল মনে ?

তাই বলছি সহদেব, তুমি কিরে যাও। যার
বহুদিনের সঞ্চিত ক্রোধ এখন প্রজ্বলিত হয়ে
উঠেছে, সেই ভীমের এই কথাগুলি তুমি
রাজাকে জানাও গে।

সহ। দাদা, কি কথা জানাবো ?

ভীম। সহিষ্ণু অহুঙ্ক-মাঝে
তব আজ্ঞা করিয়া লজ্বন

পাপে মগ্ন হয়ে আমি
হইয়াছি নিন্দার ভাজন।

রক্তারুণ গদা মোর ক্রোধ-বশে উত্তোলিয়া
উত্তত করিতে আমি কৌরব-বিনাশ।
আজ হ’তে জেনো দাদা, তুমি নহ প্রভু মোর,
আমিও নহি গো তব আজ্ঞাবহ দাস ॥

—এই কথা জানিও। (উদ্ধত-ভাবে পরিক্রমণ)

সহ। (ভীমের অনুগমন করিয়া) এ কি ! দাদা
যে দ্রৌপদীর অন্তঃপুরের দিকে গেলেন। আচ্ছা,
আমি তবে এইখানেই থাকি। (অবস্থান)

ভীম। (ফিরিয়া আসিয়া ও অবলোকন করিয়া)
সহদেব ! তুমি দাদার অনুবর্তী হও। আমিও
অস্ত্রাগারে গিয়ে অস্ত্র-শস্ত্রে সজ্জিত হই গে।

সহ। দাদা ! ও তো অস্ত্রাগার নয়—ও যে পাঞ্চালীর
অন্তঃপুর।

ভীম। (মনে মনে বিতর্ক করিয়া) কি ? এ
অস্ত্রাগার নয় ?—এ পাঞ্চালীর অন্তঃপুর ?
(চিন্তা করিয়া সহর্ষে) হাঁ, পাঞ্চালীর সঙ্গেও
আমার পরামর্শ করতে হবে। (সম্মুখে
সহদেবের হস্তধারণ-পূর্বক) ভাই, তুমিও এসো।
কৌরবদের সঙ্গে দাদা সন্ধি ইচ্ছা ক’রে আমাদের
কি কষ্ট দিচ্ছেন, তা তুমিও দেখ।

(উভয়ের প্রবেশ)

দৃশ্য।—প্রাসাদের অন্তঃপুর।

ভীম। (সক্রোধে ভূতলে উপবেশন)

সহ। (ব্যস্ত-সমস্তভাবে) দাদা ! এইখানে আসন
পাতা আছে, এইখানে ব’সে মুহূর্তকাল কৃষ্ণার
আগমন প্রতীক্ষা করুন।

ভীম। দেখ ভাই, “কৃষ্ণার আগমন”—এই কথার
প্রসঙ্গে কৃষ্ণের নাম মনে প’ড়ে গেল। আচ্ছা,
ভগবান কৃষ্ণ কিরূপ সন্ধি করবার জন্ত
সুযোজনকে ব’লে পাঠিয়েছেন ?

সহ। দাদা ! পাঁচটি গ্রামের পণে।

ভীম। (কান ঢাকিয়া) ওঃ ! এ যদি সত্য হয়,
মহারাজ অজ্ঞাতশত্রুর ভেজের কতটা অপকর্ষ
হয়েছে—গুনে আমার হৃদয় যেন কাঁপছে। দেখ
ভাই, তুমি যেন এ কথা ভীমকে বল নি—ভীমও
যেন এ কথা কিছুই শোনে নি। (ফিরিয়া
দণ্ডায়মান)

বেণীসংহার নাটক

৫

ফাল্গু-তেজ বাহা ছিল
অগ্রজের প্রচণ্ড হৃৎকর
দ্যুত-ক্রৌড়া কালে তাও
হারাইলা নৃপতি নিশ্চয়।

(নেপথ্যে)—ঠাকুরাণি! অত অধীর হবেন না।
সহ। (নেপথ্যাভিমুখে অবলোকন করিয়া স্বগত)
এই যে, দ্রৌপদী অশ্রুজল কোনরূপে সম্বরণ ক'রে
দাদার কাছে আসছেন। এইবার দেখছি
ঘোরতর বিপদ উপস্থিত।

আর্ষা আজি ক্রুদ্ধ হয়ে যে বৈজ্ঞাতিক জ্যোতি
করেন ধারণ
—বর্ষা-সম কৃষ্ণা আসি নিশ্চয় তাহারে আরও
করিবে বর্ধন।

(দাসীর সহিত সেইরূপ ভাবে দ্রৌপদীর প্রবেশ)

দ্রৌপদী। (ছল-ছল চোখে নিঃশ্বাস ফেলিয়া)
দাসী। ঠাকুরাণি! অত অধীর হবেন না। কুমার
ভীমসেন কোরবদের বন্ধ-শত্রু, তিনি নিশ্চয়
আপনার কোপ শাস্তি করবেন।

দ্রৌ। ওলো বুদ্ধিমতিকে! তা হ'তে পারে যদি
মহারাজ প্রতিকূল না হন। তাই নাথকে
দেখবার জন্ম আমার হৃদয় উৎসুক হয়েছে।
আমাকে তাঁর ঘরে নিয়ে চল।

দাসী। এই দিকে ঠাকুরাণি, এই দিকে। (পরিক্রমণ)
এই তাঁর ঘর—প্রবেশ করুন।

দৃশ্য।—ভীমের কক্ষ।

দ্রৌ। নাথকে বল, আমি এমিছি।

দাসী। যে আজ্ঞে ঠাকুরাণি! (পরিক্রমণ করত
নিকটে আসিয়া) কুমারের জয় হোক!

ভীম। (না শুনিয়া, “ফাল্গু-তেজ বাহা ছিল” ইত্যাদি
পুনরাবৃত্তি)

দাসী। (ফিরিয়া আসিয়া) ঠাকুরাণি! এফটা
স্বসংবাদ দি। দেখে মনে হ'ল, কুমার যেন
কুপিত হয়ে আছেন।

দ্রৌ। ওলো, তা যদি হয়, তাঁর অবজ্ঞাতেও আমার
মনে সান্ত্বনা হচ্ছে। আচ্ছা, তবে এইখানে
একান্তে ব'সে শোনা যাক, নাথ কি বলচেন।
(উভয়ের তথাকরণ)

ভীম। (সহদেবের প্রতি) কি?—পঞ্চ গ্রামের
পণে সন্ধি?—

শত শত কোরবের
—রণে আমি সংহারিব প্রাণ
হুঃশাসন-বক্ষ হ'তে
রুধির করিব আমি পান।
গদায় করিব চূর্ণ
হর্ষোদন-উরুশূল আজ
করুন না সন্ধি কেন
পণ লয়ে তব মহারাজ।

দ্রৌ। (সহর্ষে, জনাস্তিকে) নাথ! একরূপ কথা
তো তোমার আগে কখন শুনি নি—ঐ কথা
আবার বল, আবার বল।

ভীম। (না শুনিয়া, “শত শত কোরবের” ইত্যাদি
পুনরাবৃত্তি)

সহ। দাদা! মহারাজ যা ব'লে পাঠিয়েছেন, আপনি
তার গুঢ় তাৎপর্য ঠিক গ্রহণ করতে পারেন নি।

ভীম। এর আবার গুঢ় তাৎপর্য কি?

সহ। মহারাজ এইরূপ ব'লে পাঠিয়েছেন:—

ভীম। কার নিকট?

সহ। হর্ষোদনের নিকট।

ভীম। কি ব'লে পাঠিয়েছেন?

সহ।—* ইন্দ্রপ্রস্থ, বৃকপ্রস্থ, জয়স্তু, বারণাবত
বাহাদের নাম

—চারি গ্রাম দেও মোরে, তাহা ছাড়া পঞ্চমেতে
আরও কোন গ্রাম

ভীম। তার পর কি?

সহ। তাই, এই চার নামের গ্রাম প্রার্থনা করায়,
আর পঞ্চম গ্রামের নাম উল্লেখ না করায়,
আমার মনে হয়, বিষভোজন, জতুগৃহ, দ্যুত-
সভাদি অপকার-স্থান স্মরণ করিয়ে দেওয়া
হয়েছে।

ভীম। (দর্প-ভরে) ভাই! এতে হ'ল কি?

সহ। দাদা! এর দ্বারা স্বগোত্র-ক্ষয়ের আশঙ্কা

* ইন্দ্রপ্রস্থ অর্থাৎ বাণবপ্রস্থে নির্বাসন—বৃকপ্রস্থ অর্থাৎ
বৃকোদর ভীমের বিধপান—জয়স্তু অর্থাৎ দ্যুতক্রৌড়ায় পরাজয়—
বারণাবত অর্থাৎ জতুগৃহ দাহন ইত্যাদি স্মরণ করাইয়া শেষে
পঞ্চম গ্রাম অর্থাৎ পঞ্চম-প্রাপ্তিস্থল সংগ্রাম প্রার্থনা।

প্রকাশ করা হ'ল; আর, কুরুরাজের সহিত
সন্ধি হ'তে পারে না, এই কথা বলা হ'ল।

ভীম। এ সমস্তই অনর্থক; কেন না, এখান থেকে
আমরা বনে গিয়ে যখন সমস্ত কুরুবংশ ধ্বংস
করব ব'লে প্রতিজ্ঞা করি, তখন ত প্রকারান্তরে
বলা হয়েছিল, কুরুদের সহিত সন্ধি হ'তে পারে
না। তা ছাড়া, ধার্ত্তরাষ্ট্রদের কুলক্ষয় হবে ব'লে
লোক-মাঝে তো প্রসিদ্ধই আছে।

সহ। (লজ্জিত)

ভীম। কি?—আরে মূর্খ! এটা তোমাদের লজ্জার
বিষয় হ'ল?

তব লজ্জা হ'ল, শুনি— ক্রোধবশে লোক-মাঝে
শক্রর নিধন?
আর নাহি লজ্জা হয় পত্নীর স্বচক্ষে দেখি—
কেশ-আকর্ষণ?

দ্রৌ। (জনাস্তিকে) নাথ, এদের তো লজ্জা নেই।
কিন্তু তুমিও কি আমাকে বিস্মৃত হবে?

ভীম। দেখ ভাই, পাঞ্চালীর এত বিলম্ব হচ্ছে কেন?
সহ। দাদা! তিনি অনেকক্ষণ হ'ল এসেছেন—

রোষের আবেশে আপনি তা লক্ষ্য করেন নি।
ভীম। (দেখিয়া সাদরে) দেবি! আমার অভ্যস্ত
রাগ হয়েছিল, তাই তুমি কখন এসেছ, জানতে
পারি নি। তুমি কিছু মনে কোরো না।

দ্রৌ। নাথ! তুমি যদি উদাসীন হও, তা হলেই মনে
করব। কুপিত হ'লে কিছু মনে করব না।

ভীম। তোমার যদি অপমান বোধ না হয়ে থাকে
(হস্ত ধরিয়া পাশে বসাইয়া, মুখাবলোকন),
তবে কেন তোমাকে এরূপ উদ্ভিগ্ন দেখছি বল
দিকি?

দ্রৌ। (কষ্টে দীর্ঘনিঃশ্বাস) নাথ! তুমি কাছে
থাকতে আমার আর উদ্বেগ কিসের?

ভীম। না, তুমি উদ্বেগের কারণটা আমাকে বল
না। (কেশ অবলোকন করিয়া) অথবা বলেই
বা কি হবে?

জীবিত ও সন্নিকটে
থাকিতে গো পাণ্ডুপুত্রগণ
পাঞ্চাল-হুহিতা যবে
এ বৈধব্য করেন বহন।

দ্রৌ। ওলো বুদ্ধিমতিকে! নাথকে বল, আমার
অপমানে আর কারই বা কি কষ্ট হয়েছে?

দাসী। যে আজ্ঞে ঠাকুরাণি! (ভীমের নিকটে
আসিয়া, অঞ্জলিবদ্ধ হইয়া) কুমার! আজ
দেবীর এ অপেক্ষাও অধিক কোপের কারণ
আছে।

ভীম। কি? এর চেয়েও অধিক?—বল বল।

মুক্তবেণী এই কৃষ্ণা — যিনি কুরুবংশ-বনে
মহা ঘোর ধূম-শিখা সম—
এ'র গাত্র পরশিয়া সেই কুরু-দাবানলে
কে করে পতঙ্গ-আচরণ?

দাসী। শুভ্রন কুমার! আজ দেবী মায়ের সঙ্গে,
স্বভদ্রা প্রভৃতি সপত্নীবর্গে পরিবেষ্টিত হয়ে,
গাঙ্ধারী ঠাকুরাণীর পাদবন্দন করতে গিয়েছিলেন।

ভীম। ঠিকই করেছিলেন, কেন না, গুরুজনেরা
প্রণম্য; তার পর, তার পর?

দাসী। তার পর কিরে আসবার সময়, দেবীকে
ভানুমতী দেখতে পেলেন—

ভীম। (সক্রোধে) আঃ! শক্র-পত্নী দেখতে পেলে?
ঠিক! ঠিক! এ স্থলে দেবীর ক্রোধ হবারই
কথা। তার পর, তার পর?

দাসী। তার পর, তিনি দেবীকে দেখে, সখীর
মুখের পানে চেয়ে হেসে বলেন—

ভীম। শুধু দেখলে তা নয়—আবার কথা বলে?
ওঃ! কি করা যায়?—তার পর, তার পর?

সহ। “ওগো যাজ্ঞসেনি! শোনা যাচ্ছে নাকি,
সম্প্রতি পাঁচটি গ্রাম প্রার্থনা করা হয়েছে। তবে
এখনও কেন তোমার চুল বাঁধা হয় নি বল
দিকি?”

ভীম। সহদেব!—শুনলে?

সহ।—দাদা! ও তো ত্র্যযোধনের জ্বর উক্তি।
দেখুন:—

সাহচর্য্য-বশে শুধু স্বামীর সদৃশ হয়
স্নীগণের চিত।
বিষ-বৃক্ষাশ্রিতা-লতা মধুর হলেও করে
অন্তরে মুচ্ছিত ॥

ভীম। বুদ্ধিমতিকে! তার পর, দেবী কি বলেন?

দাসী। কুমার! দাসী সঙ্গে থাকলে তিনি নিজে
কিছু বলেন না।

ভীম। আচ্ছা, তুমি কি বল্লে, বল।

দাসী। কুমার! আমি এই কথা বল্লেম;—“বলি ওগো ভানুমতি! তোমার চুল বাঁধা থাকতে, আমাদের ঠাকুরাণী কেমন করে চুল বাঁধেন বল দিকি?”

ভীম। (পরিভূষ্ট হইয়া) বেশ বলেছ বুদ্ধিমতিকে! আমাদের দাসীর উপযুক্ত কথাই হয়েছে। (নিজের আভরণাদি বুদ্ধিমতিকে প্রদান করিয়া অধীরভাবে আসন হইতে উত্থান) ওগো পঞ্চাল-তনয়ে! আর হুঃখ কোরো না—অধিক আর কি বলুব, শোনো আমি কি করতে যাচ্ছি—শীঘ্রই দেখবে, ভীম:—

চলন্ত-ভুজ-বুর্গিত

প্রচণ্ড সে গদার আঘাতে

চূর্ণি হুয়োধন-উরু,

ঘন-রক্ত-লিপ্ত সেই হাতে

মুক্তকেশ তব, দেবি!

বন্ধন করিয়া দিবে মাথে।

দ্রৌ। নাথ! কুপিত হ'লে তোমার অসাধ্য কি আছে? তোমার ভ্রাতারাও যেন সর্বপ্রকারে এ কার্যে অহুমোদন করেন।

সহ। এ কার্যে আমাদেরও অহুমোদিত।

(নেপথ্যে মহা কোলাহল)

সকলে। (সবিস্ময়ে শ্রবণ)

ভীম।—মহু-দণ্ড সঞ্চালনে অর্ণব-সলিলে ষার
গহ্বর প্রাবিত,

—সে মন্দর-গিরি হ'তে স্নগভীর ধ্বনি যথা
হয় সমুখিত,

শত ভেরী-চক্কা-নাদে প্রলয়-সংঘট্ট-ঘটা
যথা নিনাদিত,

কৃষ্ণা-ক্রোধ-অগ্র-দূত কুরুপতি-বধ-রূপ
ঘোর ঝণ্ডা-সম :

সিংহ-প্রতিধ্বনি-প্রায়— কে এ হনুভি ঘোর
করে গো বাদন?

(ত্রস্তব্যস্ত-ভাবে কঙ্কীর প্রবেশ)

কঙ্কী। ইনি নিশ্চয় ভগবান বাসুদেব।

সকলে। (কৃতজ্ঞ হইয়া সমুত্থান)

ভীম। কোথায়—কোথায় ভগবান?

কঙ্কী। পাণ্ডব-পক্ষপাতী ব'লে স্নয়োধন তাঁকে বন্ধন
করবার উপক্রম করেছিল।

সকলে। (ভয়-ব্যাকুল)

ভীম। কি?—তিনি কারাবদ্ধ?

কঙ্কী। না না, তাঁকে বন্ধন করবার উপক্রম
করেছিল।

ভীম। ভগবান কি করলেন?

কঙ্কী। তার পর, ভগবান বিশ্বরূপ প্রদর্শন করায়,
তারই তেজঃপুঞ্জ কুরুকুল মুচ্ছিত হয়ে পড়ল;
তখন তাদের পরিত্যাগ ক'রে আমাদের শিবিরে
তিনি এসে উপস্থিত হলেন। আর এখন তিনি
কুমারকে শীঘ্র দেখতে চাচ্ছেন।

ভীম। (উপহাস-সহকারে) কি? ছুরাছুরা স্নয়োধন
ভগবানকে বন্ধন করতে চায়? (আকাশে
দৃষ্টিপাত করিয়া) আরে ছুরাছুরা কুরুকুল-কলঙ্ক!
এইরূপ ভগবানের মর্যাদা লঙ্ঘন ক'রে এখন
দেখছি তুই পাণ্ডব-ক্রোধের গুণ্ড উপলক্ষ-মাত্র
হলি।

সহ। দাদা! এই হতভাগ্য ছুরাছুরা স্নয়োধন, ভগবান
বাসুদেবকে কি এখনও চেনে নি?

ভীম। ভাই! ও নিতান্ত মুঢ়—কি ক'রে চিন্বে
বল? দেখ:—

আত্মাতে ষাদের রতি, নির্বিকল্প সমাধিতে
যাহারা নিরত,

জ্ঞানোদ্রেকে যাহাদের মোহ-তমো-গ্রহিচয়
হয়েছে বিগত

—সাস্তিক সে মুনিগণ কোনরূপে যাহারে গো
করেন দর্শন,

যিনি—কি জ্যোতি, কি তম—হুয়েরি অতীত, যিনি
দেব সনাতন

—তাহারে কেমনে বল জানিবে গো স্বরূপত
অজ্ঞানাত্ম জন?

মৈত্রেয় মহাশয়! গুরুজনেরা এখন কি কাজে
প্রবৃত্ত?

কঙ্কী। এখন কি কাজে প্রবৃত্ত, কুমার স্বয়ং গেলেই
সব জানতে পারবেন। [প্রস্থান।

নেপথ্যে। (কোলাহল) ওগো! ঋষদ, বিরাট,
বৃষ্ণি, অন্ধক, সহদেব প্রভৃতি আমাদের

সেনাপতিগণ! আর, কোরব সৈন্তের প্রধান
ষোড়শাগণ! তোমরা সকলে শ্রবণ কর :—

সত্যভঙ্গ-ভীকুজন
যত্নে বাহা করিলা স্বগিত,
শাস্ত জন শাস্তি-তরে

চাহিল যা হইতে বিদ্বত,
সেই সে ক্রোধের জ্যোতি, হয়ে আলোড়িত ঘোর
দ্যুতের মহনে,
হইয়া বর্ধিত আরো নৃপসুতা দ্রৌপদীর
কেশ-আকর্ষণে,

যুধিষ্ঠির-চিত্ত-মাকে হয়ে উদ্ভাসিত
কুরু-বনে দেখে এই হয় প্রকাশিত।

ভীম : (গুনিয়া সহর্ষে ও সক্রোধে) দাদার
ক্রোধানল জ্বলে উঠুক, জ্বলে উঠুক—অবাধে
জ্বলে উঠুক।

(পুনর্বার নেপথ্যে কোলাহল)

দ্রৌ। (সবিস্ময়ে) নাথ! প্রলয়কালের ঘোরতর
মেঘগর্জনের মত কি জন্তু ক্ষণে ক্ষণে এই ছন্দুভি-
ধ্বনি হচ্ছে ?

ভীম। দেবি! আর কি ? এইবার যজ্ঞ আরম্ভ হ'ল।

দ্রৌ। (সবিস্ময়ে) এ কিসের যজ্ঞ ?

ভীম। রণ-যজ্ঞ। দেখ :—

এ যজ্ঞে চারিজন মোরা যজ্ঞমান,
দীক্ষা-গুরু আমাদের হরি ভগবান।
দীক্ষিত হইলা দেখ

এই রণযজ্ঞে নরপতি।

দ্রৌপদী গৃহীত-ব্রতা ;

যজ্ঞ-পণ্ড কুরুর সন্ততি।

প্রিয়া-অপমান-ক্লেশ-

উপশম—এ যজ্ঞের ফল,

রাজত্বের নিমন্ত্রণে

যশো-চাক্ বাজে এ সকল।

নহ। দাদা! গুরুজনের আজ্ঞা অহুসারে এখন
তবে নিজ নিজ বলবিক্রমের অহরূপ কাজ করা
যাক, চল।

ভীম। ভাই! দাদার আদেশ অহুসারে কার্য
করতে আমরা প্রস্তুত—চল। (উঠিয়া) দেবি!
আমরা কুরু-বংশ ধ্বংস করতে চলেম।

দ্রৌ। (ছল-ছল চোখে) নাথ! অসুর-সমরাভিমুখী
হরের ছায় তোমাদের মঙ্গল হোক!

দামী। আরও এই কথা দেবী বলছেন :—নাথ!
যুদ্ধক্ষেত্র হাতে ফিরে এসে আবার আমাকে
সান্ত্বনা কোরো।

ভীম।—দেবি! মিথ্যা সান্ত্বনায় কি ফল ?

বহুবিধ অপমানে ক্লান্তি ও লজ্জায় হয়ে
মলিন-আনন,

ফিরিবে না কিছু ভীম না করিয়া কুরুকূলে
সমূলে নিধন।

দ্রৌ।—নাথ! দ্রৌপদীর অপমানে, ক্রোধে
প্রজ্বলিত হয়ে, দেখো যেন রণক্ষেত্রে আপনার
শরীরের প্রতি উদাসীন হয়ো না—কেন না,
গুণতে পাই নাকি, শক্র-সৈন্তের মধ্যে অতি সাব-
ধানে বিচরণ করতে হয়।

ভীম।—ওগো স্বকৃত্রিয়ে!

পরস্পর আক্রমণে গজ-দেহ বিদারণে
সঞ্চিত যে রক্তমাংস-পঙ্ক

—তাহে মগ্ন রথ কত, তছপরি উঠে যত
মহাবল পদাতি নিঃশঙ্ক।

রক্ত-নদী বহে' যায়, পান-সভা বসে তায়,
অশিব শিবাবা মাতি' করে তুর্ধ্যধ্বনি,

তাহে নাচে তালে তালে, কবন্ধেরা পালে পালে,
—প্রলয়-জলধি সম এই রণ-ভূমি।

এই জলধির জলে হয়ে আনন্দিত,
বিচরিতে পাণ্ডুপুত্র সবে সুপণ্ডিত।

[সকলের প্রস্থান।

দ্বিতীয় অঙ্ক

(কঙ্ককীর প্রবেশ)

কঙ্ক।—মহারাজ হৃষ্যোধন আমাকে এই আদেশ
করলেন :—“দেখ বিনয়ধর, তুমি শীঘ্র গিয়ে
দেবী ভানুমতীকে অন্বেষণ কর। তিনি মাতৃগণের
পাদবন্দনাদি ক'রে ফিরে এসেছেন কি না জেনে
এসো। কেন না, তাঁকে দর্শন ক'রে তার পর
রণক্ষেত্রে গিয়ে কর্ণ, জয়দ্রথ প্রভৃতি অভিমহ্য-
নিহস্তা কৃত্রিয়গণকে সম্মানের সহিত অভিনন্দন

করতে হবে।" তাই, আমার এখন শীঘ্র যেতে হবে। কি আশ্চর্য্য! সকলই মহারাজের ইচ্ছা; তাঁর নিয়োগেই বার্কিক্যে অভিজ্ঞ হইতে, কেবলমাত্র পদমর্যাদা রক্ষার জন্ত এই অন্তঃপুরে আমার এখন বাস করতে হচ্ছে; অথবা জরাকেই বা বৃথা কেন তিরস্কার করি, অন্তঃপুরকর্মচারী-মাত্রেরই তো আমারই মত বেশভূষা ও আমারই মত চেষ্টা-চরিত্র। দেখ, তাই :-

—যথার্থই থাকে যদি, উর্দ্ধে কিছু—তবু নাহি
উর্দ্ধে কভু করি গো দর্শন।
গুনেও গুনি না কানে, শক্তি থাকিলেও দেহে
হাতে ষষ্টি করি গো ধারণ ॥
ভূমি মাড়াইয়া চলি মন দিয়া সবতনে,
উদ্ধত-ভাবে কভু না করি গমন।
যাহা করি, সকলি সে জীবিকার অহুরোধে
—বার্কিক্য-জনিত তাহা নহে কদাচন ॥

(পরিক্রমণ ও দর্শন করিয়া—আকাশে) ওগো
বিহঙ্গিকে! ঋশ্রজনের পাদবন্দনা ক'রে ভানুমতী কি
কিরে এসেছেন? (কান পাতিয়া) কি বলছ?—

(আকাশে উত্তর)—মহাশয়, দেবী ভানুমতী
গুরুজনের পাদবন্দনাদি ক'রে, যুদ্ধে জয়ী হবার
আশায় আজ হ'তে ব্রতনিয়ম পালন ক'রে পুষ্পো-
ছানের দেব-গৃহে অবস্থিতি করছেন।

কণ্ঠ।—আচ্ছা, বাছা! এখন তবে তুমি তোমার
কাজে যাও। আমিও মহারাজকে জানিয়ে
আসি, দেবী সেইখানে আছেন। (পরিক্রমণ)
সাধু পতিব্রতে সাধু! জ্বীলোক হয়েও উনি ইষ্ট-
সাধনের চেষ্টা করেছেন, আর মহারাজ কি না,
এই প্রবল শত্রু-পক্ষ—শুধু প্রবল নয়—এই
বাসুদেব-সহায় শত্রুপক্ষ পাণ্ডবেরা থাকতে
অন্তঃপুরে এখন বেশ স্বচ্ছন্দে বিহার-সুখ
উপভোগ করছেন। (চিন্তা করিয়া) আর
এটিও প্রভুর উচিত কার্য্য হয় নি, কেন না :-

অঙ্গাদি ধারণাবধি পরশু যাহার
অজ্ঞেয় বলিয়া ছিল জগতে প্রচার
—সে পরশুরাম-জ্যেতা ভীমেরে আহবে
পাণ্ডবেরা শরাঘাতে বধিলেন যবে,
রাজার হল না তাহা শোকে কারণ;
আরও, যবে অভিমত্যা বালক অমন

প্রৌঢ় বীরগণ সনে বৃষ্ণি' ক্লাস্ত-কার
ধনু-বিরহিত হ'য়ে একা অসহার
হলেন নিহত রণে, নৃপতি তখন
গুনিয়া হলেন কত হরষিত-মন ॥

দেবতারী সর্কপ্রকারে যেন আমাদের মঙ্গল
করেন—মাই, এখন মহারাজের কাছে গিয়ে দেবী
ভানুমতীর সংবাদটা দিই গে।

[প্রস্থান।

ইতি বিকল্পক।

দৃশ্য—উদ্যানস্থ মন্দির।

সখী ও দাসীর সহিত ভানুমতী আসনস্থ।

সখী।—সখি ভানুমতি! অভিমতী মহারাজা দুর্যোধ-
ধনের তুমি মহিষী হয়ে, শুধু একটা স্বপ্ন দেখেই
শোকে এত অধীর হয়ে পড়েছ?

দাসী।—ঠাকুবাণি! উনি ঠিকই বলছেন—স্বপ্নে কি
না প্রলাপ দেখা যায়?

ভানু। সে কথা সত্যি। কিন্তু এ স্বপ্নটা আমার
বড় অশুভ ব'লে মনে হচ্ছে।

সখী।—প্রিয়সখি! তা যদি হয়, স্বপ্নটা কি,
আমাদের বল; আমরা তা হ'লে প্রতিষ্ঠিত
দেবতাদের স্তবস্তুতি সংকীর্ণনাদির দ্বারা অশুভ
শান্তি করি।

দাসী।—উনি তো বেশ কথা বলেছেন। শোনা
যায়, দেবতাদের স্তবস্তুতি করলে নাকি অশুভ
স্বপ্নও শুভ হয়ে দাঁড়ায়।

ভানু।—তা যদি হয়, তবে বলি, মন দিয়ে শোনো।

সখী।—বল, আমি মন দিয়ে শুনিছি প্রিয়সখি।

ভানু।—ওলো! ভয়ে আমি সব ভুলে গেছি—
একটু রোস, মনে ক'রে বলছি। (চিন্তা)

(কণ্ঠকাণ্ড ও দুর্যোধনের প্রবেশ)

দুর্যোধ। কে একজন বেশ একটা কথা বলেছে :-

কি নিভূতে, কি সাক্ষাতে— কি বহুল কি অলপ—

আপনি, কি অস্ত্রের দ্বারায়,

শত্রুর অনিষ্ট যদি করা যায় কোনমতে,

কি আনন্দ হয় গো তাহার।

তাই, দ্রোণ কর্ণ জয়দ্রথ প্রভৃতির দ্বারা আজ



অভিমত্যা নিহত হয়েছে শুনে, আমার হৃদয়
আহ্লাদে উচ্ছ্বসিত হয়ে উঠেছে।

কঞ্চু।—মহারাজ! আপনার বেক্রপ শত্রু-শিক্ষার
প্রভাব, তাতে এ অতি দুর্ভর কাজ নয়, আর
কর্ণ জয়দ্রথ প্রভৃতিরই বা এতে প্লাবার বিষয়
কি আছে?

রাজা।—বিনয়ঙ্কর! কি বলছ তুমি?—ছিন্ন-বহু
নিরস্ত্র বালক অনেকের দ্বারা নিহত হয়েছে?
দেখ:—

পুরোভাগে শিখণ্ডীয়ে করিয়া স্থাপন
বৃদ্ধ ভীষ্মে পাণ্ডবেরা করিল নিধন।
এ বেক্রপ তাহাদের প্লাবার বিষয়
—সেও আমাদেরো তাই, জানিবে নিশ্চয়।

কঞ্চু।—(অপ্রতিভ হইয়া) মহারাজ! আমার তা
বলবার অভিপ্রায় নয়—আমার কথাটা গুরুপ
ভাবে গ্রহণ করবেন না। তবে কি না,
আপনার পৌরুষের ব্যাঘাত ইতিপূর্বে আমরা
কখন দেখিনি, তাই ঐরূপ নিবেদন করছিলাম।

রাজা।—সে কথা সত্য। কিন্তু এ তুমি বেশ
জেনো:—

বদ্ধ, ভৃত্য, মিত্র, পুত্র,
সৈন্যবল, অহুজের সাথ
দুর্যোধনে পাণ্ডুপুত্র
নিহত করিবে অচিরাৎ।

কঞ্চু।—(সভয়ে কান চাকিয়া) ও পাপ-কথা, ও
অমঙ্গলের কথা মুখে আনবেন না।

রাজা।—বিনয়ঙ্কর! আমি কি বলেছি বল দিকি?
কঞ্চু।—

বদ্ধ, ভৃত্য, মিত্র, পুত্র
সৈন্য-বল, অহুজের সাথ
পাণ্ডুপুত্রেরে দুর্যোধন
নিহত করিবে অচিরাৎ।

—এইরূপ বলা মহারাজের উচিত ছিল, কিন্তু তা
না বলে মহারাজ এর বিপরীত কথাই বলেছেন।

রাজা।—দেখ বিনয়ঙ্কর! ভানুমতী পূর্কের মত
আমার সহিত বাক্যালাপ না করে প্রাতেই
গৃহ হ'তে কোথায় বেরিয়ে গেছেন—তাই আমার
মন বড়ই উদ্ভিগ্ন হয়েছে। এখন ভানুমতী

যে দিকে আছেন, আমাকে তুমি সেইখানে
নিয়ে চল।

কঞ্চু।—এই দিক দিয়ে মহারাজ—এই দিক দিয়ে
আস্থান।

উভয়।—(পরিক্রমণ)

কঞ্চু।—(সম্মুখে অবলোকন ও চারিদিকে গম্ভ
আত্মাণ করিয়া) দেখুন!

তুহিন-কর্ণ-শীতল সমীরণে হয়ে বিচলিত
বৃন্তচ্যুত সেকালিক। হেথায় হতেছে বিকীরিত,
মুগ্ধ বধু-গণ্ড-সম আরক্তিম লোধু ফোটে যেথা
কুন্দ কত প্রস্ফুটিত, শোভে যেথা চারু শ্রামলতা
—এ হেন সে বালোচ্ছান—

সুশীতল পুষ্প-স্বরভিত—

—প্রাতঃকাল-রমণীয়—হের তব সম্মুখে বিস্তৃত।

আবার দেখুন!—

শিশির-বিমিশ্র মধু, তাহে পূর্ণ যার অভাস্তর
রাতে-ফোটা হেন পুষ্প,

আছে পড়ি ভূমে নিরস্তর।

সূর্য্যকর-উদ্ভিন্ন, কমল-মুকুল-ঘন-বাসে
আকৃষ্ট ভ্রমর-বৃন্দ,

উড়ি আসি' স্বাকৈ স্বাকৈ বসে।

রাজা।—(চারিদিকে অবলোকন করিয়া)

বিনয়ঙ্কর! দেখ, এই উষাকালে আরও একটি
রমণীয়তর ব্যাপার দেখা যাচ্ছে। দেখ:—

কুটো-কুটো নলিনীর বিকাশ-উন্মুখ-দল-
উপাস্ত-গবাক্স-জাল-দিয়া

প্রবিষ্ট যে অলিবৃন্দ—ভানু-করে তাহাদের
নৃপসম দেয় জাগাইয়া।

বিকশিত নলিনীর গর্ভ-শয্যা তারা। দেখ
পত্নীসহ করে পরিত্যাগ,

ঘন-পরিমল-বাসে অলপ স্মৃতিত করি'
রজো-লিপ্ত নিজ অঙ্গ-রাগ।

কঞ্চু।—মহারাজ! ঐ দেখুন, ভানুমতী ঐখানে বসে
আছেন, আর, স্রবদনা ও তরলিকা তাঁর সেবা
করছে। মহারাজ চলুন, এখন তবে নিকটে
যাওয়া যাক।

রাজা।—(দেখিয়া) দেখ বিনয়ঙ্কর! তুমি এখন
গিয়ে বৃদ্ধ-রথ সজ্জিত কর গে, আমিও দেবীর
সহিত সাক্ষাৎ করে এখনি আসছি।

কল্প।—যে আজ্ঞা মহারাজ।—

[প্রস্থান।

সখী।—প্রিয়সখি! তোমার কি এখন মনে পড়েছে?

ভানু।—সখি! হাঁ মনে পড়েছে। আমি যেন এই প্রমোদ-বনে ব'সে আছি, আর আমার সন্মুখে অতি সুন্দর একটি নকুল এসে এক-শত সর্প বধ করলে।

উভয়ে।—(স্বগত) কি অশুভ কথা! কি অশুভ কথা! (প্রকাশ্যে) তার পর—তার পর?

ভানু।—শোকে আমার হৃদয় এমনি অভিভূত, আবার দেখ আমি ভুলে গেলেম।

রাজা।—(দেখিয়া) ওহো! *দেবী ভানুমতী স্ববদনা ও তরলিকার সঙ্গে কি পরামর্শ করছেন। আচ্ছা, এই লতাজালের আড়াল থেকে শোনা যাক, ওঁদের মধ্যে কি গোপনীয় কথা হচ্ছে।

(তথা অবস্থান)

সখী।—সখি! ছুঃখ কোরো না—এখন তার পর কি, বল।

রাজা।—কি না জানি এ'র ছুঃখের কারণ। অথবা আমি যে ওঁকে কিছু না ব'লে গৃহ হ'তে বেরিয়ে এসেছি, তাতেই হয় তো ওঁর রাগ হয়েছে! ওগো ভানুমতী! হুর্যোধান এমন কিছুই করে নি, যাতে তার উপর তোমার রাগ হ'তে পারে।

ভ্রম-বশে তব কণ্ঠে হইল শিথিল কি গো

আজি রাতে এ ভুজ-বন্ধন?

নিদ্রাভঙ্গে পাশ-ফিরি' অভিবুখী হইয়াও

করিনি কি আদর যতন?

অপর স্ত্রীজন-সহ স্বপনে করেছি কি গো

বাক্যালাপ হয়ে লঘু-মন?

কি দোষ দেখিলে মোর বাহাতে হইতে পারি

সখীদেরো নিন্দার ভাজন?

(চিন্তা করিয়া) অথবা—

আমি-ই তোমার এক হৃদয়-আশ্রয়,

আমাতেই আছে বদ্ধ তোমার প্রণয়।

তাই, অতি-প্রেমে বুঝি হয়ে ঈর্ষান্বিতা

কল্পনায় দোষ দেখি হও গো কুপিতা।

তবু, কি বল্ছে, শোনা যাক!

ভানু। তার পর, সেই সুন্দর নকুলটিকে দেখে আমি অত্যন্ত উৎসুক হয়ে উঠলেম।

রাজা। কি?—সেই সুন্দর নকুলকে দেখে উৎসুক হয়ে উঠেছে? তবে কি মাদ্রীপুত্র নকুলের প্রতি অহুরক্ত হয়ে আমাকে প্রতারণা করছে? (স্মরণ করিয়া, পুনর্বার “আমিই তোমার” ইত্যাদি পাঠ) মূঢ় হুর্যোধান! কুলটা-কর্কটক প্রতারিত হয়েও আপনাকে গৌরবান্বিত মনে ক'রে তুমি কত কি বলেছ!—ওহো! এই জঘন্য প্রভাতে এই নির্জন-স্থানে এসে সখীদের সঙ্গে বাক্যালাপ করতে ওর ইচ্ছে হয়েছে। হুর্যোধানও কুলটার মনের প্রকৃত ভাব ঠিক বুঝতে না পেরে কত কি কল্পনা করছে। আরে পাপীয়সি! আমার পত্নী হয়েও তুই এইরূপ ছশ্চরিতা?

মোর কাছে ভীকু অতি অথচ গো এইরূপ সাহসের ভাব?

সাহসেতে প্রশংসা মোর, অথচ ধরম লজ্জি' অণ্ডে অহুরাগ?

জড়বুদ্ধি আমি অতি! সারল্য দেখায়ে মোরে বক্র-পথ-গামী?

প্রখ্যাত বিশুদ্ধ কুলে জনম গ্রহণ করি' এ কলঙ্ক গ্লানি?

সখী। তার পর, তার পর?

ভানু। তার পর, আমি তাড়াতাড়ি এই লতামণ্ডপে প্রবেশ করলেম, সেও আমার পিছনে পিছনে এইখানে এলো।

রাজা। ওঃ! কুলটার মতই এই পাপীয়সীর নিলজ্জতা!

বাহাদের সনে তব গাঢ়তর প্রণয়ের চিরন্তন যোগ,

গোপনে বাদের কাছে বলেছ আমার কত প্রেমের সম্ভোগ,

সেই সখীজন কাছে

—কলঙ্কিনি কলুষ-হৃদয়!—

ছশ্চরিত-কথা তব

বলিতে কি লজ্জা নাহি হয়?

উভয়ে। তার পর?—তার পর?

ভানু। তার পর, সে হাত বাড়িয়ে সহসা আমার বুকের কাপড় সরিয়ে দিলে।

রাজা। (সক্রোধে) আর শুনে কি হবে? আচ্ছা, এখনি আমি গিয়ে সেই পরস্রী-অপহারী খুঁট হতভাগা মাদ্রীপুত্রকে বধ করি গে। (কিয়দূর গিয়া চিন্তা) কিন্তু না, এই পাপীয়সীকে আগে শাসন করতে হবে। (প্রত্যাবর্তন)

উভয়ে। তার পর, তার পর?

ভাষ্ণ। তার পর, আমি প্রভাতী-মহলবাচ্চের সহিত মিশ্রিত বার-বিলাসিনীদের সঙ্গীত-শব্দে জেগে উঠেলাম।

রাজা। (মনে মনে বিতর্ক করিয়া) কি?—“আমি জেগে উঠেলাম?” তবে কি স্বপ্নদর্শনের কথা বলছে? (চিন্তা করিয়া) আচ্ছা, সখীদের কথাই হয় তো সমস্ত প্রকাশ হবে।

উভয়ে। (বিষমভাবে পরস্পরের মুখের দিকে চাহিয়া) দেখ স্বপ্ননা।—যা কিছু অমঙ্গল হয়েছে, তা ভাগীরথী প্রভৃতির পুণ্যজলে, আর ব্রাহ্মণদের প্রজলিত হোমায়ির দ্বারা সমস্ত দূর হবে।

রাজা। আর কোন সন্দেহ নেই—উনি স্বপ্নদর্শনের কথাই বর্ণনা করছেন। আমি অতি নির্কোষ—অস্তরূপ ভাবছিলাম।

অক্ষয়-বাক্য শুনি' সংশয়-জনিত ক্রোধ
ভাগ্যে হ'ল দূর,
ভাগ্যে আমি বলি নাই পরুষ বচন, হয়ে
রোষে ভরপুর।
ভাগ্যে এই মুঢ়-হৃদি শুনিল প্রত্যয় তরে
তার শেষ কথা,
মিথ্যা-অপবাদে ভাগ্যে এ-লোক করেনি ভাগ
সেই পতিব্রতা।

ভাষ্ণ। ওলো! এতে শুভ-সুচক কথা কি আছে বল! উভয়ে। (পরস্পরের প্রতি অবলোকন করিয়া চুপি চুপি) এ আদর্শে শুভ-সুচক নয়। যদি মিথ্যা বলি, তা হলে অপরাধী হব। জিজ্ঞাসা করলে যে ব্যক্তি কঠোর হলেও হিত কথা বলে, সেই সখী। (প্রকাশে) এতে সমস্তই অশুভ স্থচনা করছে; এখন, দেবতাদের পূজা করে, দুর্গাদি হাতে নিয়ে, অশুভ দূর করতে হবে; নকুল কিম্বা অস্ত্র কোন মন্ত্রীর দ্বারা শত সর্প-বধ স্বপ্নে দেখা পণ্ডিতেরা ভাল বলেন না।

রাজা। স্বপ্ননা ঠিকই বলেছে। নকুলের শত-সর্প বধ, ও স্তন-বস্ত্র অপসারণ,—এ সমস্তই আমাদের অনিষ্ট-ফল-দায়ক বলে মনে হয়।

পরম্ভাষ্য ক্রমে হয়— কভু শুভ কভু মন্দ—
স্বপ্নন-দর্শন,

স-অনুজ শত মোরা শত সংখ্যা আমাকেই
করে গো স্থচন।

(বামাফি স্পন্দন) আঃ! আমি হৃষ্যোদন—
এই সব অশুভ স্থচনায়—আমারো হৃদয় ব্যথিত
হবে? না, এতে ভীক-জনেরই হৃদয় কম্পিত হয়,
হৃষ্যোদন এ সব গণনার মধ্যেই আনেন না। অধিরা
মুনিও এইরূপ মন্তব্য বলে গেছেন :—

গ্রহের সঞ্চারণ, স্বপ্ন, আরো, হুনিমিত্ত বাহা
হয় গো উদয়
—ফলে “কাক-তালী” সম, তাহা হ'তে প্রাজ্ঞ জন
নাহি পান ভয়।

অতএব ভাহুমতীর এই জীবনভাবস্বলভ অলীক
আশঙ্কা দূর ক'রে দি।

ভাষ্ণ। ওলো স্বপ্ননে! ছাখ, উদয়গিরির শিখরাস্তর
হ'তে সূর্য্যদেবের রথ বিমুক্ত হওয়ায় সক্ষা-রাগ
বিগলিত হয়ে কেমন গুজ্র আলোক দেখা দিয়েছে।
সখী। রোযাঘিত কর্ণরাগ-সদৃশ শ্রী ধারণ ক'রে
লতা-জালের অভ্যস্তর হ'তে কিরণ বিকীর্ণ ক'রে,
উজ্জান-ভূমিকে কনক-বর্ণে রঞ্জিত ক'রে, ভগবান
সহস্ররশ্মি এখন হৃষ্যোদনীয় হয়ে উঠেছেন।
রক্তচন্দন ও পুষ্প-অর্ঘ্য দিয়ে সূর্য্যোপাসনার এই
ঠিক সময়।

ভাষ্ণ। ওলো তরলিকে! আমার অর্ঘ্য-পাত্রটা
নিয়ে আয়, আমি সূর্য্যদেবের পূজা ক'রে নি।

দাসী। যে আজ্ঞে দেবি। (প্রস্থান করিয়া পুনঃ
প্রবেশ) ঠাকুরাণি! এই অর্ঘ্য-পাত্র, এইবার
সূর্য্যদেবের পূজা করুন।

রাজা। প্রিয়ার নিকটে গিয়ে উপস্থিত হবার এই
তো সুন্দর অবসর। (নিকটে অগ্রসর)

সখী। (দেখিয়া স্বগত) এ কি! মহারাজ এসেছেন।
মে! সর্পনাশ! এইবার দেখছি ওঁর ব্রত ভঙ্গ
হ'ল।

ভাষ্ণ। (সূর্য্যের অভিমুখী হইয়া) ভগবন্! গগন-
সরোবরের শতমল! পূর্নদিক-বধূর মুখমণ্ডলের

কুঙ্গুম বিশেষ! সকল ভুবনের অধিতীয় রত্ন-
প্রদীপ! এই স্বপ্নদর্শনে যদি কিছু অমঙ্গল থাকে,
তবে যেন তোমার আরাধনায় আবার তা
মঙ্গলে পরিণত হয়। (অর্থ্যদান করিয়া) ওলো
তরলিকে! আমার কুলগুলি নিয়ে আয়, অল্প
দেবতাদেরও পূজা এই বেলা শেষ করা যাক।

(হস্ত প্রসারণ)

রাজা। (ইচ্ছিতে পরিজনদের সরাইয়া পুষ্পাদি স্বয়ং
আনয়ন—ও স্পর্শস্থ অল্পভব করিয়া পুষ্পাদি
ভূতলে নিক্ষেপ)

ভানু। (সরোয়ে) কি আশ্চর্য্য! মাটিতে ফুলগুলি
ফেলে দিয়ে গেল?—দাসীদের কি বুদ্ধি! (ফিরিয়া
রাজাকে দেখিয়া লজ্জাভয়ে থতমত)

রাজা। দেবি! পরিজনেরা নিতান্ত অনিপুণ—
আচ্ছা, আমিই তোমার সেবা করছি, কি করতে
হবে, আজ্ঞা কর। অয়ি প্রিয়ে!

সখী-পথ-পানে চেয়ে ধবল ও দীর্ঘ নেত্রে
ভয়ে ভয়ে হেথা কেন কর দৃষ্টিপাত?
হাসিয়া মধুর হাসি যাহা ইচ্ছা আজ্ঞা কর,
—সেবা তরে তব দাস রুতাঞ্জলি-হাত।

ভানু। মহারাজ! আমাকে অহুমতি দেও, আমার
কোন ব্রতনিয়ম পালন করবার ইচ্ছা আছে।

রাজা। তোমার স্বপ্ন-ব্রতান্ত আমি সমস্তই শুনেছি।
প্রিয়ে! তুমি স্বভাবতঃ স্কুমার, কেন ব্রথা
আপনাকে এইরূপ কষ্ট দেবে বল দিকি?

ভানু। নাথ! আমার অত্যন্ত ভয় হয়েছে, আমাকে
অহুমতি দেও।

রাজা। (সগর্বে) তোমার কোন ভয় নেই। দেখ :—

কি ফল অসংখ্য সৈন্তে— ব্যাপ্ত যাহে দিক্ দশ
—সমস্ত ধরণী বিকম্পিত?
কি ফল জোণের, কিষ্কা কর্ণের অব্যর্থ বাণে
—যদি হও তুমি গো চিস্তিত?

শত লাত্-ভুজ-চ্ছায়ে নিরাপদে তুমি ভীক
আছ রাজি-দিবা।

কেশরীন্দ্র হর্যোধান— তাহার গৃহিণী হয়ে
শঙ্কা তব কিবা?

ভানু। নাথ! তুমি নিকটে থাকতে আমার কোন
শঙ্কার কারণ নেই, কিন্তু তোমার মনস্কামনা
যাতে সিদ্ধ হয়, তাই আমার মনের একান্ত ইচ্ছা।

রাজা। অয়ি সুন্দরি! আমি যাতে পত্নীর সঙ্গে
ইচ্ছামত বিহার করতে পাই—এই আমার
মনের একমাত্র বাসনা। দেখ :—

প্রেমে চুলু চুলু আঁখি

—পদ্ম-শোভা করে বা বিকাশ—

লজ্জায় অক্ষুট বাণী,

অথবা সে মুছ-মন্দ হাস,

অধর অলঙ্কান্ত,

কিথা শুক ব্রত-উপবাসে,

—মুখ-ইন্দু-শোভা যত

—পিতে চিত্ত সদা ভালবাসে।

(নেপথ্যে মহা কোলাহল)

সকলে। (কান পাতিয়া শ্রবণ)

ভানু। (সভয়ে রাজাকে আলিঙ্গন করিয়া) নাথ!
রক্ষা কর, রক্ষা কর।

রাজা। (চারিদিকে অবলোকন করিয়া) প্রিয়ে!
ভয় কোরো না। দেখ :—

দিগ্দিগন্তে নিক্ষেপিয়া বৃক্ষখণ্ড সবে,
তৃণ-মিশ্র ধূলি-স্তম্ভ উড়াইয়া নভে,
পথের খাপরা যত লয়ে নিজ সঙ্গে,
তরু-স্কন্ধ বরষণে তুলি ধুম রঙ্গে,
প্রাসাদ-নিকুঞ্জ-মাঝে গরজি গভীর ঘোর
—যেন নব ঘন—

প্রচণ্ড পবন বহে দিশিদিশি, এতে ভীক
ভয় পাও কেন?

সখী। মহারাজ! এই “দারু-পর্কিত”-প্রাসাদে
প্রবেশ করুন। ভয়ানক ঝড় উঠেছে। দেখুন,
ধুলোয় চোখ ভরে যাচ্ছে, বড় বড় গাছ ভেঙে
পড়ছে, আর তার শব্দে ভয় পেয়ে অশ্রেরা
অশশালা হ’তে ছুটে বেরিয়ে, পথিকদের আকুল
ক’রে তুলেছে।

রাজা। এই বাত্যাচক্র তো হর্যোধানের উপকারী
বস্তু। কেন না, দেখ, এর দরুণ দেবীকে ব্রত-
নিয়ম ত্যাগ করতে হ’ল—আমারও মনস্কামনা
পূর্ণ হ’ল।

নাহি সে ত্রকুটি আর, অশ্রুজলে আঁখি ছুটি
আর নাহি রহে আচ্ছাদিত।

না ল'ন ফিরায়ে মুখ, "ছুঁয়ো না ছুঁয়ো না" বলি
নাহি আর হই নিবারিত।
এবে তবী ভয়-বশে হয়ে নগ্ন-পয়োধর
করিছেন মোরে আলিঙ্গন
এই ব্রত-ভঙ্গে আমি ঝঞ্ঝারে বয়স্ত ভাবি
—নহে ইহা শত্রু স্তম্ভীষণ।

আমার মনোরথ সম্পূর্ণরূপে সিদ্ধ হয়েছে—
এখন আমি দারুপর্বতে গিয়ে বথেচ্ছা বিহার
করি গে।
সকলে। (ঝটিকার বেগ-বশতঃ অতি কষ্টে পরিক্রমণ)

দৃশ্য—দারু-পর্বত-প্রাসাদ

রাজা। ঘন-উরু স্তম্ভরি লো!
ধীরি ধীরি করহ গমন।
এ হেন কম্পিত গতি
অগ্নি প্রিয়ে! ছাড় গো এখন।
বাহুলতা দিয়া তব
বক্ষ মোর করহ পীড়ন ॥

(দারু-পর্বতে প্রবেশ)

এখন এই গৃহ-গহবরের মধ্যে আসা গেছে—
এখানে ঝড়ের বাতাস আর আসতে পারবে না
—এখন আর চোখে ধূলিকণা প্রবেশেরও আশঙ্কা
নাই—প্রিয়ে! এখন তবে নির্ভয়ে চক্ষু উন্মোলন
কর।

ভানু। (সহর্ষে) আঃ বাচা গেল—এখানে আর
ঝড়ের উৎপাত নেই।

সখী। মহারাজ! এই পর্বতের উপর আরোহণ
ক'রে প্রিয়সখীর উরুযুগল শ্রান্ত হয়ে পড়েছে,
এখন উনি আসন-বেদীতে বসুন না কেন?

রাজা। (দেবীকে দেখিয়া) ঝড়ের ভয়ে ওঁর বড়ই
ক্লেশ হয়েছে দেখছি। দেখঃ—

নয়ন বিশাল বলি রেণুর পতনে চক্ষু
বিষম পীড়িত,

স্তম্ভ-ভরা বুক বলি তনুর কম্পন মাত্রে
হার বিচলিত।

পৃথুল জঘন বলি অন্ন চলিয়াও উরু
হইল ব্যথিত,

বাত্যা-শ্রমে কুশাস্তীর গুরু নিতম্বের ভার
আরো গো বর্ধিত।

সকলে। (উপবেশন)
রাজা। এখানে কিছুই পাতা নেই, দেবী এই কঠিন
শিলাতলে কেন বসলেন? কেন নাঃ—

বায়ুভরে বিচলিত, বসন শিথিলীকৃত,
নয়ন-আনন্দ মোর, ও-তব জঘন
—তব নেত্র-দৃষ্টি-হারী এ মোর জঘনোপরি
স্থাপন কর গো যদি— সেই তো শোভন।

(ভয়ে শশব্যস্ত হইয়া তাড়াতাড়ি
কঙ্ককীর প্রবেশ)

কঙ্ককী। মহারাজ, ভেঙে ফেল্লে—ভেঙে ফেল্লে।
সকলে। (উৎসুক হইয়া দর্শন)

রাজা। কে?

কঙ্ক। ভীম—

রাজা। কার?

কঙ্ক। আপনার।

রাজা। আঃ; কি প্রলাপ বক্ছ?

ভানু। এ কি অমঙ্গলের কথা তুমি বল্ছ?

রাজা। ধিক্ প্রলাপি! বুদ্ধাধম! আজ তোমার
সহসা এ কি রোগ হ'ল?

কঙ্ক। মহারাজ! এ কোন রোগ নয়। সত্য
কথাই বল্ছি।

ভাঙিয়া ফেলিল, ভীম

বায়ু, তব রথের কেতন

—কিঙ্কিনী-ক্রন্দন-রবে

হইল গো ভূতলে পতন।

রাজা। প্রবল বায়ুর বেগে রথের ধ্বজা ভগ্ন হয়ে
ভূতলে পতিত হয়েছে—এই তো? তবে তুমি
“ভেঙে গেছে” “ভেঙে গেছে” ব'লে চীৎকার
ক'রে কেন ওরূপ প্রলাপ বক্ছিলে?

কঙ্ক। মহারাজ! সে কিছু নয়। এই দুর্নিমিত্তের
শাস্তির জন্তু আপনাকে জানানো উচিত মনে
ক'রে প্রভুভক্তির আধিক্য বশতঃই ওরূপ
বলেছিলেম।

ভানু। নাথ! শাস্ত-চিত্ত ব্রাহ্মণের দ্বারা বেদ-পাঠ
ও হোম করিয়ে এই অমঙ্গলের শাস্তি করা
হোক।

রাজা। (অবজ্ঞার সহিত) আচ্ছা যাও, পুরোহিত
স্বমিত্রকে গিয়ে বল।

কঙ্ক। যে আজ্ঞা মহারাজ! [প্রস্থান।

(উদ্বিগ্ন হইয়া প্রতীহারীর প্রবেশ)

প্রতী। (নিকটে আসিয়া) মহারাজের জয়!
সিন্ধুরাজের মাতা ও হুঃশলা দেউড়ীতে দাঁড়িয়ে
আছেন।

রাজা। (স্বগত) কি?—জয়দ্রথের মাতা, আর
হুঃশলা? অভিমত্যা-বধে ক্রুদ্ধ হয়ে পাণ্ডুপুত্রেরা
তবে আমাদের কারও না কারও নিশ্চয়ই কোন
অনিষ্ট ক'রে থাকবে। (প্রকাশে) যাও, শীঘ্র
তাদের নিয়ে এসো।

প্রতী। যে আজ্ঞা মহারাজ।

[প্রস্থান।

(ভয়াকুল হইয়া জয়দ্রথের মাতা ও
হুঃশলার প্রবেশ)

উভয়ে। (নাশনয়নে চর্যোধানের পদতলে পতন)

মাতা। কুরুনাথ! রক্ষা কর, রক্ষা কর।

হুঃশলা। (রোদন)

রাজা। (ব্যস্ত-সমস্ত হইয়া উঠাইয়া,) মা! শাস্ত
হও, শাস্ত হও। হয়েছে কি? রণক্ষেত্রে
অপ্রতিরথ জয়দ্রথের কুশল তো?

মাতা। জাহ্ন! কুশল আর কোথায়?

রাজা। সে কিরূপ?

মাতা। (আশঙ্কার সহিত) আজ পুত্র-বধে ক্রোধে
প্রজ্বলিত হয়ে অর্জুন, সূর্য্য অস্ত না হ'তে হ'তেই
তাকে বধ করবে এইরূপ প্রতিজ্ঞা করেছে।

রাজা। (সম্মিত) মায়ের আর হুঃশলার অশ্রুপাতের
এইমাত্র কারণ? দেখ, পুত্র-শোকে অর্জুন
এইরূপ প্রলাপ ব'ক্ছে। আহা! অবলাদের কি
মৃত্যু! মা! তুমি আর হুঃশ কোরো না।
বৎসে হুঃশলে! তুমি আর কেঁদো না। এই
ধনঞ্জয়ের সাধ্য কি যে, মহারাজ চর্যোধানের
বাহু-পরিধ-রক্ষিত সেই জয়দ্রথকে বধ করে।

মাতা। জাহ্ন! পুত্র-বধে ক্রোধে প্রজ্বলিত হয়ে,
জীবনের মায়া ছেড়ে, শক্রপক্ষের বীরেরা
নির্ভয়ে চতুর্দিকে বিচরণ করছে।

রাজা। (উপহাসের সহিত)

মমাজ্ঞায় হুঃশাসন টানিয়া খুলিয়া দেয়
পাঞ্চালীর কেশ ও বসন।

আমিও সে সভামাঝে "গরু" "গরু" এই বলি
তাহারে গো করি সম্বোধন।

তখন কি অরজুন

করেন নি গাণ্ডীব ধারণ?

যুবা কৃতী ক্ষত্রিয়ের

নহে কি তা ক্রোধের কারণ?

মাতা। তখন তাঁর প্রতিজ্ঞা অসমাপ্ত থাকায়, এখন
তিনি আমাদের বধ করবেন ব'লে আবার
প্রতিজ্ঞা করেছেন।

রাজা। তা যদি হয়, সে তো আনন্দেরই বিষয়,
তাতে তোমার বিষাদ কিসের? বল না কেন,
অনুজ্ঞগণের সহিত এইবার তা হ'লে যুদ্ধটির
উৎসর্গ যাবে। মা! তোমার পুত্রের পরাক্রম
তুমি জান না। ধনঞ্জয় কিম্বা অন্ন কারও সাধ্য
কি যে, সে দুর্জয়-পরাক্রম জয়দ্রথের নাম পর্য্যন্ত
গ্রহণ করে? তাতে আবার সেই শত কুরু-
পরিবেষ্টিত বর্দ্ধিত-মহিম রূপ কর্ণ দ্রোণ অশ্বথামা
আদি মহারথী থাকায়, জয়দ্রথের প্রভাব তো
আরও দ্বিগুণিত হয়েছে।

যুদ্ধটির আর সেই

সহদেব নকুল ছ তাই

—জয়দ্রথ তুলনায়

তাহাদের কথাই তো নাই।

ভীমসেন অর্জুনের মাঝে কে পারে যুদ্ধিতে একা
সিন্ধুরাজ-সনে?

—সেই মহাবীর, যার মণ্ডল-আকার ধনু
প্রস্কুরিত রণে।

ভানু। নাথ! তাও যদি হয়, তবুও প্রতিজ্ঞারূঢ়
ধনঞ্জয় শঙ্কার বিষয়।

মাতা। বাছা, তুমি সময়োচিত বেশ কথা বলেছ।

রাজা। আঃ! আমি চর্যোধান, আমার ভয়ের বিষয়
কিনা পাণ্ডবেরা? দেখ:—

ধনুওর্ধ-কিণাঙ্কিত নহে দেহ বর্ম্মাবৃত

—হেন মোর শত ভ্রাতৃগণ

মিলিয়া চলে একত্রে লাগালাগি ছত্রে ছত্রে

—পদ্ম-বন বলি হয় ভ্রম।

সূর্যালোকে রেণু-সম শক্র-সৈন্য অগণন

অসি-লতা আক্ষালিছে সবে

ভ্রাতাদের আক্রমণে দিশি-দিশি প্রতিক্ষণে

কোট-দৈন্য নিহত আহবে।

ভানুমতি! তুমি তো জানো পাণ্ডবদের পরাক্রম
—তুমিও এইরূপ মনে করছ? দেখ :-

দুঃশাসন-হৃদয়ের যথা রক্ত-পান,
গদাঘাতে দুর্ব্যোধন-উরুভঙ্গ যথা,
তেজস্বী পাণ্ডবদের—তাহারি সমান—
জয়দ্রথ-নিধনের প্রতিজ্ঞার কথা।

কে আছে ওখানে? আমার বিজয় রথ সজ্জিত
কর—আমি সেই প্রগল্ভ পাণ্ডবকে মিথ্যা
প্রতিজ্ঞার দরুণ অপ্ৰতিভ ক'রে তার আত্মহত্যার
বিধান করি গে।

(কঙ্কূকীর প্রবেশ)

কঙ্কু।

কনক-কিঙ্কিনী-ধ্বনি যাহে নিরস্তুর,
হু দিকে লম্বিত যাহে সহাস চামর,
অশ্বদের বাষ্প-গতি হ'য়ে নিয়ন্ত্রিত
অসহিষ্ণু অশ্ব যাহে রহে সংযোজিত,
বিনষ্ট হয় গো যাহে শত্রু-মনোরথ
—রাজন! সজ্জিত এবে সেই তব রথ।

রাজা। দেবি! তুমি অস্তঃপুরে যাও—আমি এখন
আমার বিজয়-রথে আরোহণ ক'রে সেই প্রগল্ভ
পাণ্ডবকে মিথ্যা প্রতিজ্ঞার দরুণ অপ্ৰতিভ ক'রে,
তার আত্মহত্যার বিধান করি গে।

[সকলের প্রস্থান।

ইতি দ্বিতীয় অঙ্ক।

তৃতীয় অঙ্ক।

দৃশ্য—রণক্ষেত্র।

(বিকৃত-বেশা রাক্ষসীর প্রবেশ)

রাক্ষসী। (বিকট হাস্য হাসিয়া, সপরিতোষে)
বসা মাংস রক্ত-ধারা
জ'মে আছে ঘড়া-ঘড়া।
পিব রক্ত অবিরত,
হউক যুদ্ধ বর্ষণত।

(সপরিতোষে নৃত্য)

সিন্ধু-বধের দিনের মত অর্জুন যদি প্রতি-
দিন এইরূপ ভাবে যুদ্ধ চালান, তা হ'লে আমার
ভণ্ডার ঘর রক্তমাংসে একেবারে ভ'রে যাবে।
(পরিক্রমণ-পূর্বক চারিদিকে দেখিয়া) না জানি
রুধির-প্রিয় এখন কোথায়। এই যুদ্ধক্ষেত্রে
আমার স্বামী রুধির-প্রিয় কোথায় আছে, একবার
খুঁজে দেখি। (পরিক্রমণ করিয়া) আচ্ছা, হাঁক
দিয়ে একবার ডাকি। রুধির-প্রিয়! ও রুধির-
প্রিয়! বলি, এই দিকে একবার এসো তো গো!

(রাক্ষসের প্রবেশ)

রাক্ষস। (ভ্রমণ) টাটকা তাজা মাংস, আর বেশ
গরম-গরম রক্ত যদি পাই, তা হ'লে এখুনি আমার
সব শান্তি দূর হয়।

রাক্ষসী। ওগো রুধির-প্রিয়! রুধির-প্রিয়! বলি,
কোথায় তুমি?

রাক্ষস। (শুনিয়া) আরে! আমাকে ডাকে কে?
(দেখিয়া) আরে! এ যে দেখছি বসাগন্ধা।
বসাগন্ধা! আমাকে ডাক্‌ছিস কেন রে?

রাক্ষসী। কোন রাজর্ষি এইমাত্র মারা পড়েছে,
তারি শরীরের চর্কি-মাথানো চক্‌চকে তাজা
মাংস ও টাটকা রক্ত আমি এনেছি, এইবার তুমি
খাওয়া-দাওয়া কর।

রাক্ষস। (সপরিতোষে) বসাগন্ধা। তুই বড় লক্ষ্মী।
এই গরম গরম রক্ত এনে তুই বড় ভাল করেছিল
—আমার বড় তেষ্ঠা পেয়েছিল।

রাক্ষসী। রুধির-প্রিয়! যেখানে হাতী-ঘোড়া-
মানুষের রক্তে একেবারে সমৃদ্ধ হয়ে পড়েছে—পথ
চলা ভার, সেই যুদ্ধক্ষেত্রে তুমি এত ঘুরে বেড়াচ্ছ।
—তবু তোমার তেফা গেল না?—আশ্চর্য্য!

রাক্ষস। (সক্রোধে) আরে বসাগন্ধা! আমাদের
ঠাকুরাণী তাঁর পুত্র ঘটোৎকচের বধে বড় শোক
পেয়েছেন, তাই তাঁকে দেখতে গিয়েছিলেম।

রাক্ষসী। হ্যাঁরে রুধিরপ্রিয়! এখনও কি হিড়িম্বা
দেবীর পুত্র-শোক উপশম হয় নি?

রাক্ষস। ওগো! উপশম আর কি ক'রে হবে? তবে
অভিমত্যা-বধে স্তম্ভদ্রা ও দ্রৌপদীও নাকি তাঁরি
মতন শোক পেয়েছেন, তাতেই বা একটু
সান্ত্বনা।

রাক্ষসী। রুধির-প্রিয়! এই নেও, হাতীর মাথার
খুলির এই টাটকা মাংস চাটু ক'রে খাও, আর
এই তাজা রক্তের মণ্ড পান কর।

রাক্ষস। (তথা করিয়া) আচ্ছা, বসাগন্ধা! তুই
কতটা রক্ত মাংস জমা করেছিস্ বলু দিকি?

রাক্ষসী। ওগো রুধির-প্রিয়! পূর্বে কত জমা করে-
ছিলুম, তা তো তুমি জানোই, এখন নতুন যা জমা
করেছি, তাই তোমাকে বলুছি শোনো। এক
ঘড়া ভগদত্তের রক্ত, সিদ্ধুরাজের দুই ঘড়া চর্কি,
মৎস্য-রাজ ভূরিশ্রবা, সোমদত্ত, বাহ্লীক প্রভৃতি
রাজা ও প্রধান পুরুষদের রক্ত চর্কি ও মাংসে
ভরা হাজারটে মুখ-খোলা ঘড়া আমার ঘরে
এখন মজুদ।

রাক্ষস। (সপরিতোষ আলিঙ্গন করিয়া) তুই বড়
ভাল গিন্নী—বড়ই ভাল! তোর এই গিন্নীপনাতে
আর হিড়িষা ঠাকুরাণীর বন্দোবস্তে আমার
দারিদ্র্য-হুঃখ ঘুচল।

রাক্ষসী। রুধিরপ্রিয়! ঠাকুরণ আবার কি বন্দো-
বস্ত করেছেন?

রাক্ষস। হিড়িষা-ঠাকুরণ আমাকে আদর ক'রে
ডেকে এই আজ্ঞা করলেন:—“দেখ রুধির-প্রিয়!
আজ হ'তে তুমি আর্ষ্যপুত্র ভীমসেনের সঙ্গে থেকে
সমস্ত যুদ্ধক্ষেত্রময় ঘুরে-ঘুরে বেড়াবে। তাঁর
সঙ্গে গেলে হত মানুষের রক্ত-নদী দর্শনে ক্ষুধা-
তৃষ্ণা দূর হয়ে আমারও স্বর্গস্থ লাভ হবে, আর
তুমিও নিশ্চিন্ত হয়ে সহস্র ঘড়া রক্ত-চর্কি
অনায়াসে সংগ্রহ করতে পারবে।”

রাক্ষসী। রুধির-প্রিয়! কি জ্ঞান কুমার ভীমসেনের
সঙ্গে সঙ্গে ঘুরে বেড়াবে বল দিকি?

রাক্ষস। বসাগন্ধা! প্রভু ভীমসেন হুঃশাসনের রক্ত
পান করবেন ব'লে প্রতিজ্ঞা করেছেন—আমরা
রাক্ষসেরাও তাঁর সঙ্গে থেকে রক্ত পান
করব।

রাক্ষসী। (সহর্ষে) বেশ করেছ ঠাকুরণ! আমার
স্বামীর জ্ঞান তুমি বেশ বন্দোবস্ত করেছ।

(নেপথ্যে মহা কোলাহল)

উভয়ে। (শ্রবণ)

রাক্ষসী। (ওনিয়া সভয়ে) ওগো রুধির-প্রিয়!
কিসের এই হৈ-হৈ শব্দ?

রাক্ষস। (দেখিয়া) বসাগন্ধা! দুইজায় দ্রোণের চুল
টেনে ধ'রে অসি দিয়ে তাকে বধ করেছে।

রাক্ষসী। (সহর্ষে) রুধির-প্রিয়! রুধির-প্রিয়!
এস, আমরাও গিয়ে দ্রোণের রক্ত পান করি গে।

রাক্ষস। (সভয়ে) বসাগন্ধা! ও ব্রাহ্মণের রক্ত,
ওতে কি হবে? ও রক্ত গলায় ঢুকলে গলা একে-
বারে পুড়ে যাবে।

(নেপথ্যে পূর্বের মত কোলাহল)

রাক্ষসী। আবার যে সেই হৈ-হৈ রৈরৈ শব্দ!

রাক্ষস। (নেপথ্যভিষুখে অবলোকন করিয়া)
বসাগন্ধা! অশ্বখামা অসি খুলে এই দিকে
আসছেন। দ্রুপদ-পুত্র রাগের মাথায় আমাদেরও
বধ করতে পারেন। তা, চল, এখন আমরা
হিড়িষা ঠাকুরণের আজ্ঞামত কাজ করি গে।

[প্রস্থান।

ইতি প্রবেশক।

(অশ্বখামার প্রবেশ)

অশ্ব। (কোলাহল শ্রবণে খজা নিষ্কাশিত করিয়া)

মহা-প্রলয়-মারুত-সঞ্চালিত-কালান্ত-জগদ—

তার ঘোর প্রতিধ্বনি-সম এ কি প্রচণ্ড শব্দ!

এ ভৈরব-রবে পূর্ণ ভুলোক ও হ্রালোক-কন্দর,
রণ-সিদ্ধ হ'তে আজি কি হেতু এ বচা ঘোরতর?

(চিন্তা করিয়া) নিশ্চয়, অর্জুন, সাত্যকি কিম্বা
ভীম ঘোবনদর্পে সম্বন্ধের সৌমা লজ্বন করায়, পিতাও
ক্রুদ্ধ হয়ে শিষ্যবাৎসল্য পরিত্যাগ ক'রে সমকক্ষভাবে
তাদের সহিত যুদ্ধ করছেন। তাই বটে:—

হুঃখোদন-পক্ষপাতী হয়ে এবে শত্রু দেখ
পিতা মোর করেন ধারণ

—সেই সব মহা অঙ্গ— ভার্গবে জিনিয়া যাহা
পূর্বে তিনি করেন অর্জন।

ধনুর্ধারি-পতি তিনি স্ববিক্রম-অহুরূপ
এবে রোষ করিয়া প্রকাশ

প্রবৃত্ত সংহার-কাজে রণমাঝে কত রিপু
অবিরত করিয়া বিনাশ।

(পৃষ্ঠভাগে অবলোকন করিয়া) রথের অপেক্ষায়

থেকে আর কি হবে? আমি তো এখন অঙ্গশব্দে
সুসজ্জিত। সজল জলধর-প্রভার ছায় যেটি ভাস্বর, আর
যার মুষ্টি-স্থান সুখ-গ্রাহ্য ও বিমল তপ্তকাঞ্চনে নির্মিত,
সেই খজা হাতে ক'রে এইবার তবে আমি রণক্ষেত্রে
অবতরণ করি। (পরিক্রমণ ও বামাক্ষি স্পন্দন)
সমরেই যার একমাত্র উৎসব-আনন্দ, পিতার বিক্রম
দর্শনের জন্তু যে এত লালায়িত—হুনিমিত এখন কি
না সেই অশ্বখামা গমনে বাধা উৎপাদন করবে?
আচ্ছা, ব্যাপারটা কি জানা যাক। (সদর্পে পরি-
ক্রমণ ও অবলোকন করিয়া) কি?—সমস্ত ফাত্রধর্ম
উপেক্ষা ক'রে, সংপুরুষোচিত লজ্জার অবগুণ্ঠন পরি-
ত্যাগ ক'রে, স্বামি-ভক্তি বিশ্বৃত হয়ে, গজ তুরঙ্গ সব
পশ্চাতে ফেলে, বংশ ও বয়সের অল্পরূপ পরাক্রম
কিছুমাত্র প্রকাশ না ক'রে, এই লঘু-চেতা সৈন্তগণ
চতুর্দিকে পলায়ন করছে?—ওঃ! তাই এই ভীষণ
কোলাহল। (অত্মদিকে অবলোকন করিয়া) হা
ধিক! কি কষ্ট! কি? কর্ণ প্রভৃতি এই সব মহা-
রথীরাও বৃদ্ধ হতে পরাশ্রুত হচ্ছেন? (আশঙ্কার
সহিত) কি?—পিতার নিয়োজিত সৈন্তদলেরও
এইরূপ অবস্থা? আচ্ছা, হোক। ভো ভো! কোঁরব-
সেনা-সমুদ্র-বেলা-রক্ষক মহা-মহীধর নরপতিগণ!
ক্ষান্ত হও, ক্ষান্ত হও, মহা সমর পরিত্যাগ কোঁরো
না।

রণভূমি তেয়াগিয়া আর নাহি মৃত্যুভয়
—ইহা যদি জানি

তাহা হ'লে হেথা হ'তে অতন্তরে পলায়ন
শ্রেয় ব'লে মানি।

অবশ্য জীবের মৃত্যু আছে এক দিন।

তবে বুঝা কেন যশ করহ মলিন?

অঙ্গ-শিখা করি ব্যাপ্ত শত্রু-জলধির মাঝে
সেনাপতি পিতা মম

সর্ক-ধনুর্ধারি-গুরু— বিরাজ করেন যবে
বাড়ব-অনল-সম

চিন্তা কি গো কর্ণ তব?— যাও রণে কৃপাচার্য্য!—
কৃতবর্মা! কর তুমি

শঙ্কা পরিহার,

ধনু মাত্র লয়ে পিতা রণ-ভার বহিছেন,

বল দেখি তোমাদের

ভয় কিবা আর?

নেপথ্যে। এখন আর তোমার পিতা কোথায়?

অশ্ব। (শুনিয়া) কি বলছ?—এখন আর আমার
পিতা কোথায়?—আরে রণ-ভীকু ক্ষুদ্রাশয়!
এই প্রলাপ-কথা ব'লে তোর জিহ্বা শতধা
বিদীর্ণ হ'ল না?

বিশ্বের দহন তরে উদয় হয় নি আজো

দ্বাদশ তপন,

উনপঞ্চাশৎ বায়ু দিশি দিশি এখনো তো

না করে ভ্রমণ,

প্রলয়-জলদ-জালে এখনো তো নভঃস্থল

হয় নি আচ্ছন্ন,

পিতৃ-মৃত্যু-কথা তবে ওরে পাপ-আত্মা সবে

বলিস কি জন্তু?

(আহত হইয়া ভয়াকুল সারথির প্রবেশ)

সারথি। কুমার! রক্ষা কর, রক্ষা কর।

(পদতলে পতন)

অশ্ব। (দেখিয়া) এ কি! পিতার সারথি অশ্বসেন
যে! সারথি! তুমি কি পাগল হয়েছ? তুমি
ত্রিলোককে রক্ষা করতে পার, তুমি কি না এখন
এই শিশুজনের হস্তে রক্ষিত হতে চাচ্ছ?

সারথি। (উঠিয়া সক্রমণভাবে) কুমার! এখন
আর তোমার পিতা কোথায়?

অশ্ব। (আবেগ-সহকারে) কি?—পিতা আর
নাই?

সারথি। নাই, কুমার।

অশ্ব। হা পিতঃ! হা পিতঃ! (মুচ্ছিত হইয়া পতন)

সারথি। কুমার! শাস্ত হও, শাস্ত হও।

অশ্ব। (সংজ্ঞা লাভ করিয়া উঠিয়া শাস্ত-নয়নে)

হা পিতঃ! হা পুত্রবৎসল! লোকত্রয়ের অধিতীয়

ধনুর্ধর! তুমিই তো জামদগ্ন্যের নিকট হ'তে

তঁার সমস্ত অস্ত্র লাভ করেছিলে—এখন তুমি

কোথায়?

সারথি। কুমার! শোকাবেগে একেবারে অভিভূত

হয়ে না। তোমার পিতা বীরপুরুষোচিত স্বর্গ

লাভ করেছেন—তুমিও তাঁর মত বল-বীর্য্যের

প্রভাবে শোক-সাগর উত্তীর্ণ হয়ে সুখী হও।

অশ্ব। (অশ্রুপাত করিয়া) সারথি! বল বল:—

ভুজ-বীর্য্য-মহোদধি

এ হেন গো পিতা যে আমার

তিনিও কেমনে আজি
হইলেন নাম-মাত্র-সার ?
প্রিয় শিষ্য ভীম তাঁর
—বড় ভালবাসিতেন যারে—
গুরু-দক্ষিণার ধার
শুধিল কি গদার প্রহারে ?

সারথি। ছি ছি, তা নয়।
অথ। নীতি-ধর্ম বিসর্জিয়া অর্জুন কি তবে
বধিল সে শিষ্য-প্রিয় পিতারে আহবে ?
সারথি। তা কি কখন হ'তে পারে ?
অথ। তবে কি গোবিন্দ তাঁর সুদর্শন-ধারে
করিল নিহত রণে আমার পিতারে ?
সারথি। না, তাও না।
অথ। এ তিন জন ছাড়া অণু কোন জনে
পিতারে বধিবে—হেন নাহি লয় মনে।
সারথি। কুমার !

মহা-অঙ্গ-পাণি যিনি,— যাহার তুলনা এক
জঘু টির সনে—
কুপিত হইলে তিনি এঁরা কি পারেন তাঁর
আঁটিতে গো রণে ?
শোকে অভিভূত হয়ে করিলেন যবে তিনি
অঙ্গ বিসর্জন,
ক্ষুদ্র এক রিপু আসি এ বোর দারুণ কার্য
করিল সাধন।

অথ। শোকেরই বা কারণ কি ?—অঙ্গ পরি-
ত্যাগেরই বা কারণ কি ?
সারথি। কুমার ! একমাত্র তুমিই তার কারণ।
অথ। কি ?—আমি ?—আমি তার কারণ ?
সারথি। (অশ্রু মোচন করিয়া) শোনো তবে
কুমার :—

সত্যবাদী যুধিষ্ঠির প্রশ্নোত্তরে বলিলেন
“অশ্রুখামা” হত,
শেষে ধীরে ধীরে “গজ”— এই কথা মুখ হ'তে
হইল নির্গত !
পুত্র-প্রিয় তব পিতা বিশ্বাস করিয়া সেই
রাজার বচন
নয়ন-সলিল, শত্রু এক সাথে রণমাঝে
করিল মোচন।

অথ। হা তাত ! হা পুত্রবৎসল ! কেন আমার জগু
বুখা জীবন বিসর্জন করলে ? হা শৌর্য-
রাশি ! হা শিষ্য-প্রিয় ! হা ! যুধিষ্ঠির-পক্ষপাতী !
(রোদন)

সারথি। কুমার ! শোকে অতিমাত্র কাতর হয়ে
না।

অথ। মিথ্যা মৃত্যু শুনি মম পুত্র-প্রিয় পিতা ওগো !
বিসর্জিলে প্রাণ তুমি অরতির শরে।
তোমা-বিরহিত হয়ে এখনো জীবিত আমি
—কেন তবে স্নেহ বুখা এ নৃশংস-পরে ?
(মুচ্ছিত)

নেপথ্যে। কুমার ! শাস্ত হও। শাস্ত হও।

(উদ্বিগ্ন-হইয়া রূপাচার্য্যের প্রবেশ)

রূপ। ধিক্ ধিক্ হৃষ্যোধনে অনুজ-সহিত
অজ্ঞাতশত্রুরে ধিক্ !— ধিক্ আমা সবে
—দর্শন করিল যারা যেন চিত্রার্পিত,
রুক্ষা দ্রোণ কেশকৃষ্ণ হইলেন যবে ॥

এখন তবে বৎস অশ্রুখামাকে কি ক'রে
দেখব ?—কিন্তু না, অশ্রুখামার চিত্ত হিমাচলের
গ্রায় গুরু-সার, জগতের অবস্থাও সে বিলক্ষণ
বোঝে, শোকের আবেগে সে যে একেবারে অভি-
ভূত হবে, এরূপ আমার আশঙ্কা হয় না। কিন্তু
পিতার এরূপ অসম্ভাবনীয় মৃত্যুকথা শ্রবণ ক'রে
না জানি সে এখন কি করছে। অথবা :—

একেরি তো কার্য্য-ফলে ধরা-মাঝে এ দারুণ
কাণ্ড সংঘটিত,
দ্বিতীয়ের কেশ-গ্রহে নিশ্চয় এবার হবে
প্রজা নিঃশেষিত।

(চিন্তা করিয়া) এই যে বৎস এইখানে
আছে, এইবার তবে ওর নিকটে যাই। (নিকটে
গিয়া সভয়ে) বৎস ! শাস্ত হও, শাস্ত হও।
অথ। (সংজ্ঞা লাভ করিয়া সারথ্য-লোচনে)
হা তাত ! সকল ভুবনের অধিতীয় গুরু !
(আকাশে) যুধিষ্ঠির ! যুধিষ্ঠির !

জন্মাবধি কভু তুমি
বল নাই অসত্য বচন
তুমি গো অজ্ঞাতশত্রু
কারো ঘেব কর নি কখন।

পিতা গুরু দ্বিজ-প্রতি
বল দেখি কেমনে এখন
—মম ভাগ্য দোষ-বশে—
সে সমস্ত করিলে লজ্বন ?

সারথি। কুমার! ঐ দেখ। তোমার মাতুল
শারদ্বত তোমার পাশে দাঁড়িয়ে আছেন।
অথ। (পার্শ্বে অবলোকন করিয়া ছল-চল নেত্রে)
মাতুল! মাতুল!

যেই নৈলুপতি সাথে রণ-ভূমি-মাঝে তুমি
করিলে গমন।
শূরগণ-মাঝে যিনি সমরের অধিতীয়
কণ্ডু-নিবারণ,
যাহার সহিত তব হস্ত-পরিহাস কত
হ'ত অমুগ্ধণ
সে তব ভগিনী-পতি বল গো মাতুল—তিনি
কোথায় এখন ?

কৃপ। বৎস! যা জান্‌বার সমস্তই তো তুমি
জেনেছ—এখন আর শোকে অভিভূত হয়ে না।
অথ। মাতুল! আমি বিলাপ-ক্রন্দন পরিত্যাগ
করেছি—এখন আমি পুত্র-বৎসল পিতার অনু-
গামী হব।

কৃপ। বৎস! তোমার মত ব্যক্তির একরূপ করা
অনুচিত।

সারথি। কুমার! একরূপ কাজ কোরো না।
অথ। সারথি! কি বল্লে ?

আমার বিয়োগ-ভয়ে হইলেন যিনি সচ
পরলোকগামী
সেই পুত্র-বৎসল পিতার বিরহ সহি
কেমনে গো আমি ?

কৃপ। যে অবধি সংসারের সৃষ্টি, সেই অবধিই এই
লোকাচারও প্রসিদ্ধ যে, ইহলোক ও পরলোক
—উভয় লোকেই পুত্র পিতার অনুবর্তী হয়ে
পিতার সেবা করবে।

পিতৃ-পিণ্ড দান করি শ্রাদ্ধ-আদি অনুষ্ঠিয়া,
মঠ-আদি করি প্রতিষ্ঠিত,
পিতৃ-উপকার মোরা সাধন করিতে পারি
থাকি যদি হেথায় জীবিত ;

নতুবা কেমনে বল করিব তা' যদি হই
ইহলোক হ'তে অপসৃত।

সারথি।—কুমার! শারদ্বত যা বল্লেন, তা ঠিক।
অথ।—আর্ষ্য! এ কথা সত্য। কিন্তু, এই ছুর্কহ
শোক-ভার নিয়ে আমি আর তিলার্কিও প্রাণ
ধারণ করিতে পারছি নে—তাই আমি সেই
দেশে যেতে চাই—যেখানে গেলে পিতাকে ঠিক
তেমনিটি দেখতে পাব। (উঠিয়া খড়্গ
অবলোকন করিয়া চিন্তা) এখন আর শস্ত্র
গ্রহণের প্রয়োজন কি ? (সাশ্র-নয়নে কৃতাজলি
হইয়া) ভগবন্ শস্ত্র!

অনুচিত হইলেও অপমান-ভয়ে যিনি
তোমায় গো করিলা ধারণ,
যাহার প্রভাব-বলে কিছুই ছিল না তব
এ ধরায় অসাধ্য-সাধন,
সেই তিনি করিলেন পুত্র-শোক-বশে দেখ
তোমা পরিহার।

আমিও তোমারে অস্ত্র করিব মোচন, হোক
কল্যাণ তোমার।

(অস্ত্র পরিত্যাগ করিতে উত্তত)

নেপথ্যে। ভো ভো নৃপতিগণ! এই নৃশংস, সেই
ক্ষত্রিয়-গুরু ভরদ্বাজের একরূপ অযোগ্য অপমান
করলে, আর তোমরা কি না তা দেখেও উপেক্ষা
করছ ?

অথ। (শুনিয়া সক্রোধে খড়্গ স্পর্শ করিয়া) কি ?
কি ?—গুরুদেব ভরদ্বাজের অপমান ?

পুনর্বার নেপথ্যে। ত্রিভুবন-গুরু সেই দ্রোণাচার্য্য রণে
শোক-বশে, অশ্রু-জল-ধৌত-আর্দ্রা নিনে,
হস্ত হ'তে শস্ত্র যবে করিলা মোচন
—নৃশংস সে ধুট্টহায় অমনি তখন

পলিত ধবল মুণ্ড করিয়া ছেদন
প্রস্থান করিল নিজ শিবির আবাসে
—সহিছ তোমরা সবে ইহা অনায়াসে ?

অথ। (ক্রোধ-কম্পিত-কলেবরে কৃপ ও সারথির
পানে চাহিয়া) তবে কি সত্যই এইরূপ
ঘটেছে ?—

অস্ত্রধারী মত নৃপ

তাহাদের নেত্র-সন্নিধানে

পক-কেশ পিতা মম
নিশ্চেষ্ট সে ত্রতের বিধানে
আছেন বসিয়া স্থির
মুদিতাক্ষি, শত্রু-শূন্য-হাত
—আর সেই অবকাশে
শিরে তাঁর হ'ল শত্রুঘাত ?

কৃপ। বৎস! এইরূপই তো লোকের মুখে শোনা
যাচ্ছে।

অশ্ব। তবে কি সেই ছুরায়া পিতার শিরশ্ছেদ
করেছে ?

সারথি। (সভয়ে) কুমার! এই তেজঃপুঞ্জ ভূদেবের
পরিভবের জন্মই যেন সেই ছুরায়া ধৃষ্টদ্যুম্ন নব-
অবতার হয়ে এসেছিল।

অশ্ব। হা তাত! হা পুত্রপ্রিয়! এই হতভাগ্যের
জন্ম শত্রু পরিত্যাগ করে সেই ক্ষুদ্রাত্মার দ্বারা
কি না শেষে অপমানিত হ'লে? অথবা :—

শোকান্বিত হৃদয় হয়ে রণমাঝে যিনি
দেহ-ত্যাগে সমুত্তম ছিলেন আপনি
ছেছক মস্তক তাঁর কুকুর বা কাক কিম্বা

ক্রপদ-তনয়,

কিম্বা শত্রু-ধন-মত্ত দিব্য-অস্ত্রধারী কোন
রিপু ছবিজয়

—তাহার মস্তকোপরি বিচ্যুত করি গো আমি
এই পদধর।

আরে ছুরায়া পাঞ্চলাধম!

শত্রু-গ্রহ-পরাস্বখ

পিতা মোর—সুনিশ্চিত জানি

তাঁহার মস্তকোপরি

নির্ভয়ে অর্পিলে তব পানি ?

তখন কি ধৃত-ধনু এ অশ্বখামায় তব
পড়ে নাই মনে ?

—পাঞ্চাল-পাণ্ডুর সেনা বিনাশিতে পারে যে গো
অনায়াসে রণে

ইতস্ততঃ উৎক্ষিপ্ত লঘু তুলরাশি যথা
প্রলয়-পবনে।

অহো! যুধিষ্ঠির! যুধিষ্ঠির! অজাতশত্রু! সত্যবাদী
ধর্মপুত্র! তোমার ও তোমার ভ্রাতৃগণের তিনি
কি অপরাধ করেছিলেন? অথবা, ইতর জনের
মত অলৌক-প্রকৃতিস্বলভ কুটিলতা প্রকাশ করে

তোমার কি লাভ হ'ল? আচ্ছা বল দেখি অর্জুন!
সাত্যকি! মহাবাহু মাধব! যিনি সুরাসুর
নরলোকের অধিতীয় ধনুর্ধর, বিজ্ঞশ্রেষ্ঠ, পরিণত-
বয়স্ক, সকলের পূজনীয় আচার্য্য—বিশেষতঃ
আমার পিতা—তাঁর মস্তক, সেই ক্রপদ-কলঙ্ক
নর-পশু পাপ হস্তে স্পর্শ করলে—আর তোমরা
তা দেখেও উপেক্ষা করলে—এ কি তোমাদের
উচিত কাজ হয়েছিল?—অথবা, এরা সকলেই
পাপের ভাগী—

যে সকল নরপশু কাণ্ডাকাণ্ড-জ্ঞান-হীন
রণস্থলে ছিল অস্ত্র ধরি

—কিবা ভীম—কি অর্জুন অথবা—এমন কি—
“নরকের” রিপু সেই হরি—

তাহাদের মাঝে এই মহাপাপ—কৃত, দৃষ্ট,
অথবা অহুমোদিত বাহার দ্বারায়
—এখনি বধিয়া তারে, মেদমাংস রক্ত তার
বলি-উপহার দিব দিক্-দেব তার!

কৃপ। বৎস! ভরদ্বাজেরই তুল্য যে বাহুবলশালী,
দিব্য অস্ত্রাদির প্রয়োগে যে সুপণ্ডিত, তার অসাধ্য
কি আছে?

অশ্ব। ভো ভো! পাণ্ডব-মৎস্ত-সোমক-মগধ-প্রদেশস্থ
ক্ষত্রাধম সকল!—তোরা শোন্ :—

পিতৃমুণ্ড ছিন্ন হ'লে প্রজ্বলন্ত অগ্নি সম
ভীক্ষুধার ভাস্বর কুঠারে

যা' করে ভার্গব পূর্বে, তাহা কি তোদের কভু
পশে নাই শ্রবণ-কুহরে ?

ক্রোধান্বিত এ অশ্বখামা

রণে করি অরি-রক্তপাত

পিতৃ-তরপণ-ব্রত

আজি সে সাধিবে অচিরাৎ।

সারথি! তুমি যাও, সমস্ত সাংগ্রামিক
উপকরণ ও অস্ত্র-শস্ত্রে সুসজ্জিত করে এখনি
আমার রথ নিয়ে এসো।

সারথি। যে আজ্ঞে কুমার! [প্রস্থান।

কৃপ। বৎস! এই দারুণ অপমানের
প্রতিকার করা অবশ্য কর্তব্য। আর, আমাদের
মধ্যে তুমি ভিন্ন এর প্রতিবিধান আর কে করতে
পারে বল।

অশ্ব। তার পর, আর কি করতে হবে?

রূপ। তোমাকেই সেনাপতিত্বে অভিষেক ক'রে
সমর-ক্ষেত্রে পাঠাতে আমি ইচ্ছা করি।

অশ্ব। মাতুল! সে অতি তুচ্ছ ব্যাপার। তা ছাড়া
আমাকে তা হ'লে পরাধীন হয়ে থাকতে হবে।

রূপ। না বৎস, তোমায় পরাধীনও হ'তে হবে না—
ব্যাপারটাও নিতান্ত তুচ্ছ নয়। দেখঃ—

ধৃতরাষ্ট্র-সৈন্য কভু হারায় কি ভীষ্মদেবে
কিষ্ণা গুরু দ্রোণে
তব তুল্য সেনাপতি হ'ত যদি নিয়োজিত
এই মহা-রণে ?

বৎস! তুমি যদি বন্ধপরিকর হয়ে সমর-
ক্ষেত্রে অবতরণ কর, ত্রৈলোক্যও তোমার গতি-
রোধ করতে সমর্থ হবে না, তা কি ছার এই
যুধিষ্ঠির-সৈন্য? তাই মনে হয়, কৌরবরাজ
অভিষেক-সামগ্ৰী সজ্জিত ক'রে শীঘ্রই তোমার
প্রতীক্ষা করবেন।

অশ্ব। এই অপমান-অগ্নি প্রতিহিংসা-সলিলে
কখন আমি নির্দান করতে পারব, তার জ্ঞান
আমি উৎসুক হয়ে আছি—আমার আর বিলম্ব
সহ্য হচ্ছে না। আমার পিতার নিধন-সংবাদে
কুরুপতি অত্যন্ত বিষন্ন হয়ে আছেন। তাঁকে
এখনি গিয়ে বলি,—আজ আমিই সেনাপতির
ভার গ্রহণ ক'রে রণ-ক্ষেত্রে প্রবেশ করব—এ
কথা শুনলে তিনি কতকটা আশ্বস্ত হবেন।

রূপ। ঠিক বলেছ বৎস, এসো, আমরা তাঁর কাছে
যাই।

(পরিক্রমণ)

দৃশ্য—অগোপিত তরু-তল

(কর্ণ ও দুর্যোধন আসীন)

দুর্যোধন। তেজস্বী পুরুষ সবে রিপু-হত বন্ধু-জন-
শোক-পারাবারে
ধৃত-অস্ত্র বাহুরূপ ভেলার আশ্রয়ে দেখ
যায় পরপারে।

আচার্য্য গুণিলা যবে
রণস্থলে পুত্রের নিধন
—শত্রুগ্রহণের কালে
করিলেন শত্রু বিসর্জন ?

পশ্চিমেরা ঠিকই বলেছেন,—“স্বভাব অপরি-
হার্য্য।” কেন না, শোকাক্ত-চিত্ত হয়ে, ক্ষত্রধর্মের
কঠোরতা পরিত্যাগ ক'রে তিনি কি না অবশেষে
দ্বিজাতি-মূলভ মূহুর্তা অবলম্বন করলেন!

কর্ণ। রাজন্! কৌরবেশ্বর! তা নয়।

দুর্যোধন। তবে কি ?

কর্ণ। শুনতে পাই নাকি, দ্রোণের এইরূপ অভিপ্রায়
ছিল যে, তিনি পৃথিবী-রাজ্যে অশ্বখামাকে অভি-
ষিক্ত করবেন। তা না হ'লে তাঁর অস্ত্রধারণই
স্থায়ী।

দুর্যোধন। (মাথা নাড়িয়া) তাই কি ?

কর্ণ। এইজন্মই তাঁর আনুকূল্যে যে সব রাজারা এই
কৌরবপাগুব মহা-সমরে প্রবৃত্ত হয়েছিল, তাদের
পরস্পর-নিধনে ও প্রধানপুরুষ-বধে তিনি উপেক্ষা
করেছিলেন।

দুর্যোধন। এ কথা ঠিক।

কর্ণ। রাজন্! আর এক কথা। ক্রুপদ, তাঁর
বাল্যকাল হতেই এই অভিপ্রায় জানতে পেরে
তাঁকে স্বরাজ্যে বাস করতে দেন নি।

দুর্যোধন। অহরাজ! তুমি ঠিক কথা বলেছ।

কর্ণ। এ শুধু আমার কথা নয়, অশ্ব নীতিজ্ঞ
ব্যক্তিরও এইরূপ মনে করেন।

দুর্যোধন। তাই বটে। এতে আর কোন সন্দেহ নেই।

নচৈৎঃ—অভয় দিয়া বধিল অর্জুন যবে
সেই সিদ্ধুরাজে,
পারিত কি উপেক্ষিতে সেই মহারথী দ্রোণ
এইরূপ কাজে ?

রূপ। (অবলোকন করিয়া) বৎস। ঐ দেখ,
দুর্যোধন কর্ণের সঙ্গে ঐ ন্যগ্রোধ-তরুর ছায়ায়
ব'সে আছেন, এসো, আমরা তাঁর নিকটে যাই।
(তথাকরণ)

উভয়ে। জয় মহারাজের জয়!

দুর্যোধন। (দেখিয়া) এ কি! রূপ ও অশ্বখামা যে।
(আসন হইতে নামিয়া) গুরুদেব! প্রণাম।
(অশ্বখামার প্রতি)

এসো এসো গুরুপুত্র!— পিতা যার রণে হত
মোদেরি কারণ—
চারু অঙ্গে অঙ্গ মম স্পর্শ করি গাঢ়রূপে
কর আলিঙ্গন।

তব পিতৃ-অনুরূপ
দেখি যে গো ও-ভুজ-পরশ,
তনু মোর রোমাঞ্চিত
—সমুদিত অপূর্ক হরষ।

(আলিঙ্গন পূর্কক পার্শ্বে বসাইয়া)

অশ্ব। (অশ্রমোচন)
কর্ণ। দ্রোণ-পুত্র! আপনাকে শোকানলে অতি-
মাত্র নিষ্কিঞ্চ কোরো না।
দ্রুপ্যো। আচার্য্য-পুত্র! এ বিপৎ-সাগরে আমাদের
সহিত তোমার প্রভেদ কি? দেখ:—

তব পিতা দ্রোণাচার্য্য আমারো তো পিতৃ-সখা
অতি স্নেহবান,
শস্ত্রে যথা তব গুরু আমারো তো গুরু তিনি
তোমারি সমান।
তঁহার নিধনে মোর
হৃদে জলে যেই শোকানল
শোক-তপ্ত তুমি যে গো
—তুমি-ই তা বুঝিবে কেবল।

কৃপ। বৎস! কুরুপতি যা বলেন, তাই বটে।
অশ্ব। রাজন্! আমার প্রতি তোমার যখন এতটা
স্নেহ, তখন আমার শোকভারের লাঘব হওয়াই
উচিত। কিন্তু:—

জীবিত থাকিতে আমি পিতারে করিল বধ
কেশ আকর্ষণে,
অন্তে যারা পুত্রহীন এবে তারা পুত্র-স্পৃহা
করিবে কেমনে?

কর্ণ। দ্রোণ-পুত্র! এ স্থলে এমন কি করা হয়েছিল
যার দরুণ তিনি,—সেই সর্ব-অপমান-পরিত্রাতা
শস্ত্র পরিত্যাগ ক'রে আপনাকে এরূপ শোচনীয়
অবস্থায় উপনীত করলেন?

অশ্ব। অঙ্গরাজ! কি বল্লে তুমি?—“এ স্থলে এমন
কি করা হয়েছিল?”

পাণ্ডব-সৈন্তের মাঝে নিজ বাহু-বলে বলা—
শস্ত্র যেই করয়ে ধারণ,
পাঞ্চালের গোত্র-মাঝে যেই থাক্ বাল, বুদ্ধ
গর্ভশায়ী কিম্বা শিশু-জন,
সেই কার্য্য-সাক্ষী হয়ে আমার বিরুদ্ধে যেই
রণস্থলে করে বিচরণ,

ক্রোধাক্ত জগতাস্তক সে জন যদিও হয়
—আমি তার কানাস্তক যম।
তা ছাড়া ওগো, জামদগ্ন্য-শিষ্য কর্ণ!
এই সেই কুরুক্ষেত্র যেথা পূর্ক জামদগ্ন্য
শত্রু-রক্ত-জলে হৃদ করিলা প্লাবিত,
তঁারি মত, ক্ষত্র হস্তে কেশ-গ্রহ-অপমানে
পিতা মোর বিধিমতে হন নিগৃহীত।
তঁারি এই দীপ্যমান
মহা-অস্ত্র-শত্রু-বিনাশন:
তিনি যা করিলা পূর্ক
—দ্রোণ-পুত্র করিবে এখন।

দ্রুপ্যো। আচার্য্য-পুত্র! তাঁর আশ্রয় অনন্তসাধারণ
বীর কি আর কেউ আছে?
কৃপ। রাজন্! দ্রোণ-পুত্র এই সুমহান্ সমর-ভার
বহন করতে কৃতসংকল্প হয়েছেন। আমার মনে
হয়, ইনি বন্ধ-পরিকর হ'লে ত্রিলোককেও উচ্ছেদ
করতে পারেন—কি ছার এই বৃষ্টি-সৈন্ত!
অতএব একেই সেনাপতিত্বে অভিষেক করা
হোক।

দ্রুপ্যো। তুমি উচিত কথাই বলেছ। কিন্তু অঙ্গরাজ
সেনাপতি হবেন ব'লে পূর্কই স্থির হয়ে গেছে।

কৃপ। রাজন্! ইনি এখন অপমানের শোক-সাগরে
নিমগ্ন—অঙ্গরাজের জ্ঞাত একে এখন উপেক্ষা
করা উচিত নয়; এ'র দ্বারাই শত্রুগণ শাসিত
হওয়া উচিত—আর তা যদি না হয়, ইনি কি
অত্যন্ত ব্যথিত হবেন না?

অশ্ব। রাজন্! কোরবেশ্বর! এখনও উচিত-অনু-
চিতের বিচার?

বন্দিগণ স্ততিবাদে তোমারে জাগাতে এত
করিল যতন
জাগিলে না তবু তুমি করিয়াও সারা নিশি
নিদ্রায় ষাপন?
অকেশব অপাণ্ডব, সোমবংশ-শূত্র আজি
করিব ভুবন।
রণ-পরামর্শ সব করিব গো বাহু-বলে
আজি সমাপন,
নৃপ বন-ভারাক্রান্ত ধরা-ভার দেখো আজি
করিব হরণ।

কর্ণ। দ্রোণাঙ্গজ! এ সব বলা সহজ, কিন্তু করা

ছকর। আর কৌরব-সৈন্যের সাহায্যে এ কাজ
অনেকেই করতে পারে।

অশ্ব। অঙ্গরাজ, সে কথা সত্য। কৌরব-সৈন্যের
সাহায্যে অনেকেই এ কার্য সাধন করতে পারে
বটে। দেখ, আমি শুধু শোকাক্ত হয়েই এই
কথা বলছি, বীরজনকে তিরস্কার করা আমার
অভিপ্রায় নয়।

কর্ণ। মুঢ়! শোকাক্ত ব্যক্তির অশ্রুপাত করাই
উচিত ও কুপিত ব্যক্তির শত্রুধারণ ক'রে রণক্ষেত্রে
অবতরণ করাই কর্তব্য—এ সব প্রলাপের কি
প্রয়োজন?

অশ্ব। (সক্রোধে) ওরে রাধা-গর্ভভারভূত সূতাদম—
কেন এরূপ কটুক্তি করছিস্?

কর্ণ।

সূত হই, সূত-পুত্র হই আমি, যা হই তা হই,
কুলে জন্ম দৈবায়ত্ত, নিজায়ত্ত পৌরুষ নিশ্চয়ি।

অশ্ব। কি বললে তুমি? আমি অশ্বথামা শোকাক্ত,
তাই অশ্রুপাতই আমার একমাত্র প্রতিবিধানের
উপায়—শত্রু নয়? দেখ:—

গুরু-শাপ-বাক্যে কি গো বীর্য্য-হীন শত্রু মোর
তব শত্রু সম?

তব সম আমি কি গো পলায়ে এসেছি হেথা
পরিহরি রণ?

কুল-কীর্ত্তি-স্মৃতি-বেত্তা সারথির কুলে কি গো
জনম আমার?

ক্ষুদ্র অরি-অনিষ্ট কি শস্ত্রে নয়—অশ্রুজলে
হবে প্রতিকার?

কর্ণ। (সক্রোধে) ওরে বাক-সর্ব্বস্ব, বৃথা শত্রুধারী
অনিপুণ বটু!—

নিবীৰ্য্য বা সবীৰ্য্য বা —কভু আমি করি নাই
শত্রু বিসর্জন,

পাঞ্চালের ভয়ে যথা মহাবাহু পিতা তব
করিল তখন।

অশ্ব। (সক্রোধে) ওরে! রথকার-কুল-কলঙ্ক!
রাধা-গর্ভভারভূত! শস্ত্রানভিজ্ঞ! আমার
পিতার প্রতিও তুই কটুক্তি করছিস্? অথবা:—

ভীকু হোন্—শুর হোন্— তাঁর মহা ভুজ-বল
খ্যাত ত্রিভুবনে

বহুধা আছেন সাফী তিনি যাহা প্রতিদিন
করিলেন রণে।

কেন ত্যজিলেন শত্রু— সাফী তার যুধিষ্ঠির
—যিনি সত্যব্রত,

ওহে রণভীরু কর্ণ! সে সময়ে তুমি কোথা
ছিলে গো বল তো।

কর্ণ। (হাসিয়া) হাঁ, আমি ভীকু, আর তুমিই
অদ্বিতীয় বীর! কিন্তু দেখ, তোমার পিতার কথা
মনে ক'রে সে বিষয়ে আমার একটু সংশয়
উপস্থিত হয়েছে।

হইয়া নিরস্ত রণে

করিয়াও শত্রু বিসর্জন

উদ্বতান্ত শত্রুকে কি

বীরেরা না করে নিবারণ?

শিরশ্ছেদ হয় তাঁর

—তবু তিনি স্ত্রীলোকের মত

সর্ব্ব-নৃপ-সন্নিধান

প্রতিকারে হলেন বিরত।

অশ্ব। (সক্রোধে কাঁপিতে কাঁপিতে) ছরাস্বনু!
রাজ-বল্লভ প্রগল্ভ! সূতাদম! অসম্বন্ধ-প্রলাপি!

হুংখে হোক ভয়ে হোক, না রুধিলা পিতা মোর
দ্রুপদ-পুত্রের সে উত্তোলিত পাণি,

ভুজ-বলে স্ফীত তুমি —রোধে এবে তব শির,
এই দেখ বাম পদ গুস্ত করি আমি।

(তথা-করণার্থ উত্থান)

কৃপ ও হুর্যোধন। গুরুপুত্র! ক্ষান্ত হও, ক্ষান্ত
হও।

(নিবারণ করিয়া)

অশ্ব। (পদাঘাত)

কর্ণ। (সক্রোধে উঠিয়া খড়্গ আকর্ষণ) ওরে
ছরাস্বনু! ব্রাহ্মণাধম আত্মপ্লাবি!

জাতিতে অবধ্য তুমি, কিন্তু যে চরণ তব
এবে উত্তোলিত

—এই খড়্গে ছিন্ন হয়ে ভূতলে এখনি দেখ
হবে নিপতিত।

অশ্ব। ওরে মুঢ়! জাতির জঘ যদি আমি অবধ্য
হয়ে থাকি, এই দেখ, আমি জাতি ত্যাগ করছি।

(যজ্ঞোপবীত ছেদন ও পুনর্বার সক্রোধে)

কিরীটা সে অর্জুনের প্রতিজ্ঞা বিফল আজি
করিব গো আমি ;
ধর অস্ত্র, কিম্বা ত্যজি হও মোর সন্নিধানে
কৃতাজলি-পাণি ।

(উভয়ে খড়্গ আকর্ষণ করিয়া পরস্পরকে প্রহার
করিতে উত্তত এবং রূপ-হর্যোধানের তাহা নিবারণ)

হর্যো। আচার্য্যপুত্র! শত্রু-গ্রহণে কি ফল ?
রূপ। বৎস! স্ততপুত্র! শত্রু-গ্রহণে কি প্রয়োজন ?
অশ্ব। মাতুল! মাতুল! ধৃষ্টদ্যুম্ন-পক্ষপাতীর ছায় তুমি
এই পিতৃ-নিন্দুককে বধ করতে আমায় নিষেধ
করছ ?
কর্ণ। রাজন্! আমাকে আপনি নিষেধ করবেন
না।

ধীর-সত্ত্ব বীরগণ ক্ষুদ্রদের উপেক্ষিলে
অবজ্ঞার ভাবে,
এইরূপ আত্মশ্লাঘা করে তারা এই গৃহে
অস্ত্র হয়ে রাগে।

অশ্ব। রাজন্! ওকে ছেড়ে দিন, ছেড়ে দিন। ওকে
আমার বাহর মধ্যে এনে একেবারে পিষে
ফেলি। তা ছাড়া, স্নেহেতেই হোক বা কার্য্যা-
নুরোধেই হোক, যদি আপনি ঐ ছুরাঙ্গাকে
আমার হস্ত হ'তে রক্ষা করতে ইচ্ছে করেন—
তাও নিশ্চয়োজন। কেন না :—

গুণবান্ তুমি অতি অতি উচ্চ চন্দ্রবংশে
তোমার উদ্ভব,
স্তত-পুত্র পাপাত্মা এ, কেমনে হইবে বল
প্রিয় সখা তব ?
অর্জুনে বধিব আমি,
ওকে তুমি ছাড়ো মহারাজ,
কর্ণ ও অর্জুন-শৃঙ্খ
করিব এ ধরণীরে আজ।

কর্ণ। (খড়্গা উঠাইয়া) ওরে বাচাল! ব্রাহ্মণাধম!
তা তুই কখনই পারবি নে। ছাড়ুন, মহারাজ,
ছাড়ুন, আমাকে নিবারণ করবেন না।
(বধ করিতে উত্তত)
হর্যোধান ও রূপ। (নিবারণ করিয়া)

হর্যো। কর্ণ! গুরুপুত্র! আজ তোমাদের এ কি
বুদ্ধি-বিপর্যয় উপস্থিত হ'ল ?

রূপ। বৎস! তুমি কোথায় পাণ্ডবদের উচ্ছেদ
করবে, না এখন কি না আপনাদের মধ্যেই
বিবাদ-বিসম্বাদ?—এ কি বিপরীত বুদ্ধি! এই
সময়ে যদি আত্ম-বিচ্ছেদরূপ বিপদ উপস্থিত হয়,
তা হ'লে জানব, তোমা হ'তেই রাজকুলের এই
অনিষ্ট ঘটল।

অশ্ব। মাতুল! এই কটু-প্রলাপী, রথকার-কুল-
কলঙ্কের দর্প চূর্ণ করতে আমাকে দেবেন
না?

রূপ। বৎস! এখন নিজ সৈন্যের প্রধানদের মধ্যে
বিরোধ করবার সময় নয়।

অশ্ব। মাতুল! তা যদি হয় :—

যাবৎ না এ পাপাত্মা
অরি-শরে হইবে নিধন
—প্রিয় হইলেও অস্ত্র


রণে আমি করিব বর্জ্জন।
ও যদি সেনানী হয়, রুষ্ঠ ভীমার্জুন হ'তে
মহাভয় হইবে যখন,
রণে যেন মহারাজ ওই প্রিয় সখারেই
সে সময়ে করেন স্মরণ।

(খড়্গা পরিত্যাগ)

কর্ণ। (হাসিয়া) তোমার মত বীরপুরুষের অস্ত্র
পরিত্যাগ করলেই বা কি, না করলেই
বা কি ?

যতক্ষণ অস্ত্র ধরে
মোর এই ভীম করতল
ততক্ষণ অপরের
অস্ত্র ধরি নাহি কোন ফল।
সাধিতে যা' মোর অস্ত্র হয় গো অক্ষম
বল তো, কে পারে তাহা করিতে সাধন ?

নেপথ্যে। আরে ছুরাঙ্গন্! দ্রৌপদী-কেশাকর্ষণকারী
মহাপাতকি! ধৃতরাষ্ট্র-পুত্রাধম! অনেক দিনের
পর আজ তোকে সম্মুখে পেয়েছি—ওরে ক্ষুদ্র
পশু! তুই কোথায় যাস? আর, পাণ্ডব-বিষেবী
ধনুধারী মহামানী কর্ণ, হর্যোধান, সৌবল প্রভৃতি
বীরগণ, তোমরাও শ্রবণ কর :—



যেই নীচ নর-পণ্ড পাঞ্চাল-নন্দিনী-কেশ
করে আকর্ষণ,
পরিধান-বস্ত্র তাঁর নৃপতি-গুরু-সম্মুখে
করয়ে হরণ,
যার হৃদয়ের রক্ত করিব গো পান বলি
করেছি প্রতিজ্ঞা তখন
—এ মম ভুজ-পন্নবে
সে আজিকে হয়েছে পতন ;
কৌরব তোমরা সবে
তারে এবে করহ রক্ষণ।

সকলে। (শ্রবণ)

অথ। ওগো! অমরাজ! সেনাপতি! জামদগ্ন্য-
শিষ্য! দ্রোণোপহাসি!—যার ভুজবলে ত্রিলোক
রক্ষিত—দেখ, এখন আসন্নকাল উপস্থিত—
এইবার ভীমের হস্ত হ'তে দুঃশাসনকে রক্ষা কর
দিকি।

কর্ণ। আঃ! আমি জীবিত থাকতে, কার সাধ্য
যুবরাজের ছায়াকেও আক্রমণ করে? যুবরাজ!
ভয় নাই, ভয় নাই, আমি যাচ্ছি।

[প্রস্থান।

(নেপথ্যে কোলাহল)

অথ। (সম্মুখে দেখিয়া) মাতুল! হা দিক! কি
কষ্ট! পাছে ভাতার প্রতিজ্ঞা ভঙ্গ হয় এই ভয়ে
অর্জুন ছুনিবার শরবর্ষণ করতে করতে কর্ণ
ও দুর্ঘ্যোধন উভয়েরই পশ্চাতে ধাবমান। হায়
হায়! ভীম এইবার বুঝি দুঃশাসনের রক্ত পান
করুলে—দুর্ঘ্যোধন-অহুজের এই বিপদ আমি
আর নিশ্চিত হয়ে দেখতে পারিনি—এখানে
সত্য-ভঙ্গ দোষেব নয়—মাতুল! শত্রু—শত্রু।

সত্য হ'তে মিথ্যা শ্রেয়ঃ; স্বরগ নরক হোক

—যা হবার হউক এখন

ভীম-হ'তে দুঃশাসনে রক্ষিবারে পুনঃ আমি
ত্যক্ত-অস্ত্র করিব গ্রহণ।

(শত্রু-গ্রহণে উত্তত)

নেপথ্যে। মহাশয়—ভারতীয়াপুত্র! যে সত্য কখন
লজ্বন করনি, এখন যেন তার লজ্বন না হয়।
কর্ণ। বৎস! অশ্রীয়া বাণী দেখ তোমাকে অন্ত
হতে রক্ষা করছে।

অথ। কি? এই দৈববাণী আমাকে সংগ্রামে
অবতরণ করতে নিষেধ করছে? আঃ!
দেবতারাত্ত পাণ্ডবদের পক্ষপাতী? ঐ যে—ভীম
দুঃশাসনের রক্ত পান করলে—ওঃ! কি কষ্ট!
কি কষ্ট!

দুঃশাসন-রক্তপান করিয়া দর্শন
উদাসীন-ভাবে তবু রহিল এখন?
কি আর করিব তবে আমি এই রণে?
দুর্ঘ্যোধন-উপকার করিব কেমনে?

মাতুল! কর্ণের প্রতি ক্রুদ্ধ হয়ে, আমি
কি অন্ডায় অনার্য্য কাজই করেছি—এখন তুমি
রাজার কাছে শীঘ্র যাও।
কর্ণ। বৎস! আমি এখনি এর প্রতিবিধান করতে
চল্লম—তুমি এখন শিবিরে যাও।

[উভয়ে পরিক্রমণ করিয়া প্রস্থান।

ইতি তৃতীয় অঙ্ক

চতুর্থ অঙ্ক

(প্রহার-মুচ্ছিত দুর্ঘ্যোধনকে লইয়া সারথির প্রবেশ)

সারথি। (ভয়-ব্যস্ত হইয়া পরিক্রমণ)

নেপথ্যে। ওগো নরপতিগণ! তোমরা বাহুবলের
অহঙ্কারে এই মহা সমর-দোহদে প্রবৃত্ত হয়েছ,
কৌরবের পক্ষপাতী হয়ে প্রাণ-সর্বস্ব পণ করেছ,
তোমরা এখন তোমাদের সৈন্যদের থামাও।
হত দুঃশাসনের কতক রক্ত পান ক'রে, ও
অবশিষ্ট রক্তে স্নান ক'রে, ভীম ঘোর বীভৎস-
দর্শন হয়ে সেনাদের দারুণ প্রহার করছে—আর,
হতাশ সৈন্যেরাও ছত্র-ভঙ্গ হয়ে চারিদিকে
পলায়ন করছে।

সারথি। (দেখিয়া) দেখ দেখ, ধবল-চপল চামরে
যার কনক-কমণ্ডলু চূষিত, যার শিখরদেশে
বৈজয়ন্তী বিরাজিত, এইরূপ একটা রথ সহস্র
সহস্র হত অশ্ব-গজ-নর-কলেবর বিমর্দিত ক'রে
ও তজ্জনিত বিষম উদ্ঘাতে বিকম্পিত হয়ে

কিষ্কিন্দী-ধ্বনি করতে করতে ঐ দিকে যাচ্ছে—ঐ
রথে রূপাচার্য্য আরুঢ় হয়ে অর্জুন-আক্রান্ত
অঙ্গরাজকে অহুসরণ করছেন। যাক্! এইবার
তবে আমাদের সৈন্তগণের একটা নির্ভয়ের স্থান
হ'ল।

(নেপথ্যে—কোলাহলের বিরাম)

(ভীমের প্রবেশ)

ভীম। ওগো! কোরব-সৈন্তের বীরগণ!—আমাকে
দেখে ভয়ে যাদের ধনু,রূপাণ,তোমর,শক্তি প্রভৃতি
অস্ত্র-শস্ত্র হস্ত হ'তে স্থলিত হয়ে পড়েছে—আর
ওগো-পাণ্ডব-পক্ষপাতী যোদ্ধৃগণ! তোমাদের
ভয় নাই, ভয় নাই। আমি নিহত হুঃশাসনের
পীবর-বক্ষঃস্থল-নিঃস্থত শোণিতাসব পান ক'রে
মদোদ্ধত হ'য়ে দ্রুতবেগে চলেছি। প্রতিজ্ঞার
এখনও কিঞ্চিৎ অবশিষ্ট আছে; সেই অবশিষ্ট
আনন্দ-মহোৎসবের জন্ত প্রতীক্ষা ক'রে, কোরব-
রাজের সেই দ্যুত-নির্জিত দাস ভীমসেন,
তোমাদের সবাইকে সাক্ষী ক'রে এই কথা বলছে
শ্রবণ কর :—

ধনুধারী মান-ধন হৃষ্যোধন নৃপ, আর
কোরব-বান্ধব সেই কর্ণ, শল্য,

—তাদের সমক্ষে,

পাণ্ডব-বধূর কেশ যে করে গো আকর্ষণ;

—সুতীক্ষ্ণ নখের ধারে বিদারিয়া

তার সেই বক্ষে,

তপত শোণিত, তার থাকিতে থাকিতে প্রাণ,
শোনো সবে আমি আজি, স্মখে করিয়াছি পান।

সারথি। (সভয়ে শ্রবণ করিয়া) এই যে, কোরব-
রাজপুত্র-মহাবনের উৎপাত্ত-মারুত-স্বরূপ সেই
হুরাত্মা নিকটেই উপস্থিত। এখনও তো মহারাজ
সংজ্ঞা লাভ করেন নি। আচ্ছা, আমি তবে এই
রথ খুব দূরে নিয়ে যাই। কি জানি যদি সেই
অনার্য্য এর প্রতিও হুঃশাসনের মত অনার্য্য
ব্যবহার করে। (সত্তর পরিক্রমণ ও অবলোকন
করিয়া) এই যে একটি ঞ্চগোধ তরু। সরসী-
সরোজ-সুরভি-শীতল সমীরণে এর ঘন নবীন
পল্লবগুলি কেমন সঞ্চালিত হচ্ছে। সমর-ক্রান্ত
বীরজনেরই এই উপযুক্ত বিশ্রাম-স্থান। এখানে

এই অমর-মূলভ তালবৃন্তের ব্যঞ্জে, আর
হরিচন্দন-শীতল সরসী-সমীরণে, মহারাজ শীঘ্রই
বিগত-ক্রম হবেন। আর এই রথও এখন ছিন্ন-
ধ্বজ, স্তত্রাং সহজেই ছায়াভলে প্রবেশ করতে
পারছে। (প্রবেশ) কে আছে গো ওখানে?
(চারিদিকে অবলোকন করিয়া) এ কি!
পরিজন কেউই নিকটে নেই? ভীমের এইরূপ
ভীষণ মূর্তি, আর মহারাজের এইরূপ অবস্থা
দেখে তারাও দেখছি ভয়ে শিবিরে পলায়ন
করেছে। ওঃ! কি কষ্ট, কি কষ্ট!

“পার্থ হ'তে ভয় নাই”

করি এই অভয় প্রদান

দ্রোণাচার্য্য সিদ্ধুরাজে

অবশেষে না করিল জ্ঞাণ।

হইলেও হুঃসাধ্য স্ব-প্রতিজ্ঞা অনায়াসে

রণ-মাক্কে করিয়া পূরণ

হুঃশাসন-পরে ভীম করিলেন মুগবৎ

এ হেন নৃশংস আচরণ?

এ সমস্ত করিয়াও কুরুকুল-প্রতিকূল

দৈব সে এখনো

হইতে গো পারে নাই পূর্ণ-মনোরথ তবু

—মনে হয় হেন।

(রাজাকে অবলোকন করিয়া) এ কি!

এখনও মহারাজের চেতনা হ'ল না? ওঃ!

কি কষ্ট! (দীর্ঘনিশ্বাস)

মদমত্ত করি-শিশু বন-মাক্কে সব তরু

উৎপাটিয়া, রাখে শুধু

একটি গো শাল-তরু ষথা;

কুরুকুলে সেইরূপ সমস্ত কুমার হত,

তুমি শুধু অবশিষ্ট

—নেহারেন কটাক্ষে বিধাতা।

হা, হতবিধে! তুমি ভারত-কুলের প্রতি
নিতান্তই বিমুখ :—

গদাপাণি ভীমসেন অক্ষত-শরীর রণে

—নাহি তার জীবনে সংশয়,

প্রতিকূল তুমি বিধি করিবে গো পূর্ণ আজি

ভীমের সে প্রতিজ্ঞা নিশ্চয়।

হৃষ্যো। (অল্পে অল্পে সংজ্ঞালাভ করিয়া) আঃ!

আমি জীবিত থাকতে সেই পবন-পুত্র বৃকোদরের

সাধ্য কি যে সে তার প্রতিজ্ঞা পূর্ণ করে। ভাই
ছঃশাসন! ভয় নাই, ভয় নাই, আমি যাচ্ছি।
সারথি! যেখানে ছঃশাসন আছে, সেই দিকে
আমার রথ নিয়ে চল।

সারথি। মহারাজ! আপনার অশ্বেরা এখন রথ-
বহনে অক্ষম। (চুপি চুপি) আর আমরাও
এখন অক্ষম।

দুর্যো। (রথ হইতে নামিয়া সগর্বে আবেগ-সহকারে)
রথের অপেক্ষায় থেকে আর কি হবে?

সারথি। (অপ্রতিভ হইয়া সক্রম-ভাবে) ক্ষান্ত
হোনু মহারাজ।

দুর্যো। দিক্ সারথি! রথের প্রয়োজন কি?
পদতলেই শত্রু-সৈন্যের মধ্যে গিয়ে দুর্যোধন আজ
সমস্ত শত্রু বিনাশ করবে, আমি কেবল গদামাত্র
হস্তে লয়ে সমর-ক্ষেত্রে অবতরণ ক'রব।

সারথি। মহারাজ! আপনি তা পারেন—সে
বিষয়ে কোন সন্দেহ নেই।

দুর্যো। তা যদি হয়, তুমি একরূপ কথা বলছ কেন?
দেখ:—

বালক সে স্বভাবতঃ	চঞ্চল-প্রকৃতি
করিল একটা কাজ—	এবে তার প্রতি
অস্ত্র উত্তোলন করি,	সমক্ষে আমার
পাপাত্মা সে করিতেছে	পাপ-ব্যবহার
—এ সময়ে তুমি কি না কর নিবারণ?	
নিরথিয়া এইরূপ	পাপ-আচরণ
হয় নাকি ক্রোধ তব,	দয়া এক রতি?
একটু না হয় লজ্জা	তোমার সারথি?

সারথি। (সক্রমভাবে পদতলে পতিত হইয়া)
মহারাজ! এখন তবে নিবেদন করি, সেই
হুরাত্মা হতভাগা বৃকোদর তার প্রতিজ্ঞা
সম্পূর্ণরূপে পালন করেছে—তাই আমি ঐরূপ
বলছিলাম।

দুর্যো। (সহসা ভূতলে পতন) হা ভাই!
ছঃশাসন! আমার আজ্ঞাক্রমেই তুমি পাণ্ডবদের
সঙ্গে যুদ্ধে প্রবৃত্ত হয়েছিলে—হা অধিতীয়
বীরপুরুষ! আমি যখন শৈশবে তোমাকে
কোলে নিতেম, তুমি কি চাঞ্চল্যই প্রকাশ ক'রতে
—হা অরাতি-গজবন্দ-কেশরি! হা বৃবরাজ!
কোথায় তুমি?—উত্তর দেও। (মুচ্ছিত, পরে
সংজ্ঞা লাভ করিয়া নিখাস ত্যাগ করিয়া)

যথেষ্ট সম্ভোগ-স্বখে না করিছ তোমারে গো
লালন-পালন,
বুথায় অগ্রজ আমি আমা-তরে তব এই
বিপদে পতন।

আমারি আদেশে তুমি
করিলে সে অশিষ্টাচরণ,
অথচ তোমারে আমি
নারিছ গো করিতে রক্ষণ। (পতন)

সারথি। মহারাজ! শাস্ত হোনু! শাস্ত হোনু!
দুর্যো। দিক্ সারথি! তুমি কি করলে?

বালক সে ছঃশাসন আজ্ঞাবহ ভাই মোর
যারে সदा রক্ষা করা
আমার উচিত।

ভীমের সমীপে তারে বলি-উপহার দিয়া
আমি কি না অবশেষে
হইছ রক্ষিত?

সারথি। মহারাজ! মহারথীদের মর্মভেদী বাণ,
তোমর, শক্তি, প্রাস প্রভৃতি অস্ত্রের বর্ষণে
মহারাজ মুচ্ছিত হওয়ার আমি রথ নিয়ে
পালিয়ে এসেছি।

দুর্যো। সারথি! তুমি ভাল কাজ কর নি।
অনুজ্ঞে নাশিল যে গো

—সে পাণ্ডব-পশুর প্রহারে
মুচ্ছা ভাঙিল না মোর
এ কি ঘোর দুর্ভাগ্য হা রে!
যে রক্ত-শয্যায় শোয়
মোর সেই ভাই ছঃশাসন
আমি কিম্বা বৃকোদর
তাহে নাহি করিছ শয়ন?

(নিখাসিয়া আকাশ অবলোকন) হা হতবিধে!
তোমার কিছুমাত্র দয়া নেই—তুমি ভরত-কুলের
• প্রতি নিতাস্তই বিমুখ।

হবে না কি মুতু মোর? ভীম-হস্তে আমি কি গো
হব না নিহত?

সারথি। মহারাজ! ও পাপ-কথা মুখে আনবেন
না।

দুর্যো। কি হবে গো রাজ্য-জয়ে প্রাণের সে ভাই
যবে হইল বিগত।

(আহত হইয়া একজন দূতের প্রবেশ)
 দূত। আপনারা কি সারথির সঙ্গে মহারাজ
 ছর্বোদনকে এই দিকে কোথাও দেখেছেন ?
 কৈ, কেউ যে কিছুই বলে না। আচ্ছা, ঐ যে
 কতকগুলি বন্ধ-পরিকর লোক ঐখানে দেখা
 যাচ্ছে, ঐখানে গিয়ে জিজ্ঞাসা করি। এরা তো
 বন-বর্ষজালে ছর্ভেদ্য-মুখ বন্ধপত্র দিয়ে নিজ নিজ
 প্রভুর হৃদয় হ'তে শল্য উদ্ধার করছে। আচ্ছা,
 অত্ন দিকে দেখা যাক। ঐখানে আনেকগুলি
 বীর একত্র হয়েছে, ঐখানে গিয়ে জিজ্ঞাসা
 করি। ওহে! মহারাজ কোথায় আছেন,
 তোমরা কি জান ?—এ কি ?—এরা যে আমাকে
 দেখে আরও বেশি কাঁদতে লাগল। এরাও
 দেখছি কিছুই জানে না। এখানে দেখছি
 একটা ভয়ানক কাণ্ড উপস্থিত, যুদ্ধে পুত্র হত
 হয়েছে শুনে এই বীরমাতা রক্তবস্ত্র পরিধান
 ক'রে পুত্রের সহিত একসঙ্গে চিতারোহণ করছেন।
 সাধু, বীর-মাতা সাধু! জন্মান্তরে তোমার পুত্র
 কখন আর নিহত হবে না। আচ্ছা, অত্ন দিকে
 এখন খোঁজা যাক। এই আবার কতকগুলি
 যোদ্ধা বহু অন্ত্রাঘাতে আহত হয়ে ও ক্ষত-স্থানের
 প্রতীকারে অসমর্থ হ'য়ে ঐখানে রয়েছে;
 আবার আর একটি যোদ্ধা শূন্যাসন অঙ্কে পেয়ে
 রোদন করছে; এদেরও প্রভু নিশ্চয় নিহত
 হয়েছে। এরাও তো কিছু জানে না; আচ্ছা,
 আমি তবে অত্নদিকে গিয়ে জিজ্ঞাসা করি।
 এ কি! দৈব বিমুখ হওয়ায়, সকলেই যে নিজ
 নিজ অবস্থারূপ বিপদে প'ড়ে একবারে বিহ্বল।
 এ স্থলে কাকেই বা জিজ্ঞাসা করি, কাকেই বা
 তিরস্কার করি। দৈবই কেবল এখন তিরস্কারের
 পাত্র অহো দৈব! যিনি একাদশ অক্ষৌহিণীর
 অধিনায়ক, শত-ভ্রাতার জ্যেষ্ঠ ও প্রভু; ভীষ্ম,
 জয়দ্রথ, কর্ণ, শল্য, ক্রপ, কৃতবর্মা, অশ্বথামা
 প্রভৃতি রাজ্ঞচক্রের—সকল পৃথিবী-মণ্ডলের
 অধিপতি—সেই মহারাজকে এত অবেষণ করছি,
 তবু জানতে পারছিনে তিনি কোথায় আছেন ?
 কিন্তু না, দৈবকে কেন বৃথা তিরস্কার
 করছি। কেন না, বিহ্বরের নিষেধ-
 বাক্যে বিহ্বরের প্রতি ভৎসনা যার বীজ,
 পিতামহের হিতোপদেশ যার মূল—সেই

জতুগৃহরূপ বিষ-বুদ্ধের চির-পোষিত বন্ধ বৈররূপ
 আলবালে জন-সেচন হয়ে এই ফল উৎপন্ন হয়েছে।
 ঐ যেখানে বিবিধ রত্নপ্রভার ছটায়, সূর্য্য-কিরণ-
 প্রসূত সহস্র ইন্দ্রধনুর আশ দিম্বাগুল উদ্ভাসিত,—
 ঐখানে একটা ভগ্নধ্বজ রথ দেখা যাচ্ছে না?
 ঐখানে নিশ্চয় মহারাজ ছর্বোদন বিশ্রাম
 করছেন। (নিকটে গিয়ে দর্শন) জয় মহারাজের
 জয়!

সারথি। মহারাজ! বুদ্ধক্ষেত্র হ'তে সুন্দরক
 এসেছেন।

ছর্বো। (অবলোকন করিয়া) এ কি ?—সুন্দরক
 যে! অঙ্গরাজের কুশল তো ?

সুন্দ। মহারাজ! শুধু শরীরেরই কুশল।

ছর্বো। (ভয়-ব্যস্ত) সুন্দরক! অর্জুনের বাণে
 রথের অশ্বগণ ও সারথি কি নিহত ?—অথবা
 রথ কি ভগ্ন ?

সুন্দ। মহারাজ! রথ ভগ্ন হয়নি—তাঁর মনোরথই
 ভগ্ন হয়েছে।

ছর্বো। (সরোষে) ওরে! এইরূপ অস্পষ্ট কথা
 আমার আকুল মনকে আরও আকুল ক'রে
 তুলছিস্ কেন ?—স্পষ্ট ক'রে বল।

সুন্দ। যে আজ মহারাজ! আশ্চর্য্য! মহারাজের
 মুকুটমণির প্রভাবে রণ-প্রহারবেদনা দূর হ'ল।
 (সগর্বে পরিক্রমণ) শুনুন মহারাজ! আজ
 কুমার হুঃশাসন নিহত—(অর্কোক্তি করিয়া
 মুখ আচ্ছাদন)

সারথি। সুন্দরক! দৈব আমাদের পূর্বেই তা
 বলেছেন—তবু আবার বল।

ছর্বো। আমরা শুনেছি, তবু বল।

সুন্দর। শুনুন মহারাজ! আজ কুমার হুঃশাসনের
 বধে আমার প্রভু অঙ্গরাজ কুপিত হয়ে, কুটিল
 ক্রকুটিল ললাট-তলে ধারণ ক'রে, অতি ক্ষিপ্ৰহস্তে
 অসংখ্য বাণ-বর্ষণ করতে করতে সেই হুঃ-
 চার হুঃশাসন মধ্যমপাণ্ডব ভীমসেনকে আক্রমণ
 করলেন।

উভয়ে। তার পর—তার পর ?

সুন্দ। তার পর মহারাজ, উভয় সৈন্যের অশ্ব-
 পদাতির পদোথিত ধূলি-জালে এবং অসংখ্য
 গজ-বৃন্দের পতন-সমুদ্ভূত ঘন-ঘোর অন্ধকারে
 উভয় সৈন্যই অন্ধীভূত হ'ল।



উভয়ে। তার পর, তার পর ?

সুন্দ। তার পর মহারাজ, সেই অন্ধকারের মধ্যে দূরাকৃষ্ট ধনুকের টকারোখিত গম্ভীর ভীষণ শব্দ প্রলয়-মেঘের গর্জন বলে মনে হ'তে লাগল।

হর্যো। তার পর ?

সুন্দ। তার পর মহারাজ! উভয়-সৈন্য পরস্পরের প্রতি সিংহনাদে গর্জন করতে লাগল। বীরগণের পরিহিত লৌহকবচে বিবিধ অস্ত্রমূহ নিপতিত হয়ে তা হ'তে ঘন বিছাচ্ছটা বিস্ফুরিত হ'তে লাগল। চাপ-জলধর হ'তে সহস্রধারে শরধারা বর্ষণ হ'তে লাগল। এইরূপে রণছদ্দিন হৃদর্শন হ'য়ে উঠল।

হর্যো। তার পর—তার পর ?

সুন্দ। তার পর মহারাজ, ইতিমধ্যে অর্জুন, জ্যেষ্ঠ ভ্রাতার পাছে পরাভব হয়, এই আশঙ্কায়, সেই দিকে তাঁর সেই বানরধ্বজ রথ ধাবিত করলেন; রথের অগ্রগণ বজ্র-গর্জনে হ্রেয়ারব করতে লাগল, বাসুদেব শঙ্খচক্রগদাদি-লাঞ্জিত চতুর্ভুজমূর্তি ধারণ ক'রে অশ্ব-চালনায় ব্যাপৃত হলেন—আর পাঞ্চজন্ম দেবদত্ত প্রভৃতি শঙ্খ নিনাদিত হয়ে দশদিক্ প্রতিধ্বনিত হ'তে লাগল।

হর্যো। তার পর—তার পর ?

সুন্দ। তার পর, ভীমসেন ও ধনঞ্জয় পিতাকে আক্রমণ করেছে দেখে, কুমার বুধসেন ব্যস্ত-সমস্ত হয়ে, শিরঃ-স্থলিত মুকুট পরিত্যাগ ক'রে, কঠিন ধনুর্গণ আকর্ণ আকর্ষণ ক'রে আর দক্ষিণ হস্তে শর-পুঞ্জ-বন্ধন মুক্ত করে সারথিকে ত্বরাদিতে দিতে সেইখানে গিয়ে উপস্থিত হলেন।

হর্যো। (গর্ষিত-ভাবে) তার পর—তার পর ?

সুন্দ। তার পর মহারাজ, কুমার বুধসেন সেখানে এসেই বিগলিত-শিখা-শ্রামল স্নিগ্ধ-পুঞ্জ ক্রমবর্ণ কঠিন কঙ্কণত্রয়, শিলাময় তীক্ষ্ণধার শল্যরূপ কুম্ভম-ভূষিত শর-জালে ধনঞ্জয়ের রথকে একেবারে ছেয়ে ফেলেন।

হর্যো। (সহর্ষে) তার পর, তার পর ?

সুন্দ। তার পর মহারাজ, ধনঞ্জয় তীক্ষ্ণধার ভল্ল ও বাণ বর্ষণ করতে করতে, একটু হেসে বলেন, "ওরে বুধসেন! রণে তোরা পিতাও আমার সম্মুখে তিষ্ঠিতে পারে না, তা তুই তো বালক। যা, তুই অল্প কুমারদের সঙ্গে যুদ্ধ কর গে।" এই

কথা শুনে, গুরুজনের প্রতি কটুক্তি-জনিত কোপে আরক্ত-মুখ হয়ে, ভীষণ জ্রুকুটি ধারণ করে ধনুর্ধারী বুধসেন—পরুবচনে নয়—কিন্তু মর্মান্তিকী পরুববাণে অর্জুনকে ভংসনা করলেন।

রাজা। সাধু বুধসেন সাধু! সুন্দরক! তার পর ?

সুন্দ। তার পর মহারাজ, ধনঞ্জয় কুমারের শাণিত-শর-প্রহারের বেদনায় কুপিত হয়ে, বজ্র-নির্ঘোষে গাণ্ডীব-টঙ্কার ক'রে শিফা-বলের অমুরূপ বাণ-বর্ষণে দৃষ্টিপথ আচ্ছন্ন ক'রে মুহূর্তের মধ্যে অদ্ভুত কাণ্ড করলেন।

হর্যো। (আকৃত-সহকারে) তার পর—তার পর ?

সুন্দ। তার পর মহারাজ, তাঁর শত্রু চটুল-হস্তে ধনুর্গণ সংযোজন ও পরিত্যাগে অভ্যস্ত নৈপুণ্য প্রকাশ করেছে দেখে, কুমার বুধসেন আরও বোরতর যুদ্ধে প্রবৃত্ত হলেন।

হর্যো। তার পর ?

সুন্দ। তার পর মহারাজ, উভয়ের মধ্যে কিয়ৎ-কালের জল্প যুদ্ধের বিরাম হ'লে, "সাধু কুমার বুধসেন সাধু"—এইরূপ উভয়-সৈন্যের বীরগণ চাঁৎকার করতে করতে তাঁকে দেখতে লাগল।

হর্যো (সবিস্ময়ে) তার পর, তার পর ?

সুন্দ। তার পর মহারাজ, পূর্বে যাকে সমস্ত ধনুর্ধারী বীরগণ অবজ্ঞা করেছিল—সেই পুঞ্জের সমর-ব্যাপার দেখে, প্রভু অঙ্গরাজের মনে কখন রোষ, কখন হর্ষ, কখন করুণা ও কখন শঙ্কার উদয় হতে লাগল; এবং তিনি একসঙ্গেই ভীম-সেনের উপর শরধারা ও কুমার বুধসেনের উপর বাপ্পাকুল দৃষ্টি নিষ্ক্ষেপ করতে লাগলেন।

হর্যো। (সবিস্ময়ে) তার পর—তার পর ?

সুন্দ। তার পর মহারাজ, কুমারের প্রতি উভয়-সৈন্যের সাধুবাদ শ্রবণে ও কুমারের শর-বর্ষণে অর্জুন ক্রোধে প্রজ্বলিত হয়ে, অশ্ব, সারথি, রথ, ধনু, জ্যা, রাজচিহ্ন গুদ্র আতপত্র,—সমস্তেরই উপরে সমানভাবে বাণবর্ষণ করতে লাগলেন।

হর্যো। (সভয়ে) তার পর ?

সুন্দ। তার পর মহারাজ, কুমার রথহীন ও ছিন্ন-ধনুর্গণ হয়ে, চতুর্দিকে শর-পতন-বশতঃ ইতস্ততঃ বিচরণ করতে না পেয়ে, অবশেষে মণ্ডল-গতি রচনা ক'রতে লাগলেন।

হর্যো। (আশঙ্কা-সহকারে) তার পর, তার পর ?

সুন্দ। তার পর মহারাজ, সারথি, রথ ধ্বংস হওয়ায় প্রভু অঙ্গরাজের রোষ উদ্দীপিত হ'ল। তিনি তখন ভীমসেনের আক্রমণ উপেক্ষা ক'রে ধনঞ্জয়ের উপর অঙ্গর-ধারে বাণ-বর্ষণ ক'রতে লাগলেন। কুমার বুধসেনও পরিজনোপনীত অস্ত্র রথে আরোহণ ক'রে আবার ধনঞ্জয়ের প্রতি আক্রমণে প্রবৃত্ত হলেন। আর এইরূপ বলতে লাগলেন, —ওরে পিতৃ-তিরস্কার-মুখর মধ্যম পাণ্ডব! আমার এই বাণ-সকল তোর শরীর ছাড়া আর কোথাও পড়বে না—এই কথা ব'লে সহস্র সহস্র শরে পাণ্ডব-শরীর আচ্ছন্ন ক'রে সিংহনাদে গর্জন করতে লাগলেন।

দুর্যো। (সবিশ্বয়ে) অহো! মুগ্ধস্বভাব বালকের কি পরাক্রম! তার পর, তার পর?

সুন্দ। তার পর মহারাজ, ধনঞ্জয় সেই শত সহস্র শর অঙ্গ হ'তে ঝেড়ে ফেলে, রথের উৎসঙ্গ-দেশ হ'তে কনক-কিঙ্কিণী-জাল-ঝঙ্কারিণী, মেঘ-মুক্ত নভ-স্তলের ছায় নিঃশলা, শাণিত-শ্যামল-স্নিগ্ধমুখী, বিবিধ-রত্ন-প্রভা-সমুজ্জ্বলা, ভীষণ-রমণীয়দর্শনা একটি শক্তি গ্রহণ ক'রে উপহাস-সহকারে কুমারের অভিমুখে নিষ্ফেপ করলেন।

দুর্যো। (সবিষাদে) ওহোহো!

সুন্দ। তার পর মহারাজ, সেই প্রজ্বলন্ত শক্তিকে দেখে, অঙ্গরাজের হস্ত হ'তে শর-সমেত ধনু, হৃদয় হ'তে বীর-মূলভ সাহস, নেত্র হ'তে অশ্রুজল, মুখ হ'তে হাসি একেবারে ঝলিত হয়ে পড়ল। ধনঞ্জয় হাসতে লাগলেন, বুকোদর সিংহনাদ ছাড়তে লাগলেন—কুরু-সৈন্যগণ “সর্বনাশ হ'ল, সর্বনাশ হ'ল” এই ব'লে চীৎকার করতে লাগল।

দুর্যো। (সবিষাদে) তার পর, তার পর?

সুন্দ। তার পর মহারাজ, কুমার বুধসেন শাণিত “কুরপ্র” বাণ আকর্ষণ আকর্ষণ ক'রে, অনেকক্ষণ ধ'রে সন্ধান ক'রে—ভগবান ত্রিলোচন ভাগী-রথীকে অর্ধপথে যেক্রপ ত্রিধা করেছিলেন,— তিনিও সেইরূপ শক্তিকে ত্রিধা ক'রে ফেলেন।

দুর্যো। সাধু বুধসেন সাধু!—তার পর, তার পর?

সুন্দ। তার পর মহারাজ, ইতিমধ্যে বীরেরা মহা কোলাহল ক'রে সাধুবাদ দিতে লাগল, সমর-তুরী নিনাদিত হ'তে লাগল, সিদ্ধ-চারণেরা পুষ্প বিকীর্ণ ক'রে সমরাস্ত্র আচ্ছাদন ক'রে ফেলেন।

দুর্যো। অহো, বালকের কি অদ্ভুত পরাক্রম!—তার পর, তার পর?

সুন্দ। তার পর মহারাজ, প্রভু অঙ্গরাজ এই কথা বলেন, “ওগো বুকোদর! তোমার আমার বুদ্ধ-ব্যাপার এখনও তো শেষ হ'ল না। এখন যদি তোমার অহুমতি হয় তো আমার পুত্রের ও তোমার ভ্রাতার ধনুর্বিদ্ধার শিক্ষা-নৈপুণ্য একটু দেখা যাক। এই বুদ্ধ তোমারও দর্শন-যোগ্য। তার পর ভীমসেন ও অঙ্গরাজ মুহূর্তের জন্ত বুদ্ধে বিরত হয়ে অর্জুন ও বুধসেনের বুদ্ধ দেখতে লাগলেন।

দুর্যো। তার পর, তার পর?

সুন্দ। তার পর মহারাজ, শক্তি খণ্ডিত হওয়ায় অর্জুন ক্রুদ্ধ হয়ে এইরূপ বলেন;—“ওরে দুর্যোধন-প্রমুখ!—(অর্দ্রোক্তি করিয়া লজ্জিত)

দুর্যো। সুন্দরক! বল, তাতে দোষ নেই—ও তো অতের কথা।

সুন্দ। শুভ্রন মহারাজ! “ওগো দুর্যোধন-প্রমুখ কৌরব-সেনাপতিগণ! ওগো অবিদ্য-নদীর কর্ণধার কর্ণ! তোমরা আমার অসাক্ষাতে, একাকী পুত্র অভিমন্যুকে বধ করেছ—এখন আমি তোমাদেরই সাক্ষাতে কুমার বুধসেনকে এই দেখ বধ করি” এই কথা ব'লে সগর্বে গাণ্ডীব আক্ষালিত ক'রে ভীষণ নির্যোষে ধনুর্গর্ণ টঙ্কার করলেন। প্রভুও তাঁর “কলপূঠ” নামে ধনু সজ্জিত করলেন।

দুর্যো। (অবহিত-সহকারে) তার পর, তার পর?

সুন্দ। তার পর মহারাজ, অর্জুন ভীমসেনকে বুদ্ধ করতে নিষেধ ক'রে অঙ্গরাজ ও বুধসেন-রূপ কুল-ধ্বংসী বাণ-নদী রচনা করলেন। তারাও উভয়ে পরস্পর-প্রতি স্নেহ-প্রদর্শিত শিক্ষা-বিশেষের দ্বারা মধ্যম পাণ্ডবকে আক্রমণ করলে।

দুর্যো। তার পর, তার পর?

সুন্দ। তার পর মহারাজ, অর্জুন বাণ বর্ষণ করতে লাগলেন—বাণ বর্ষিত হচ্ছে কেবল উচ্চ জ্যা-নির্যোষেই তা জানা যাচ্ছিল; কি নভস্তল, কি প্রভু, কি রথী, কি ধরণী, কি কুমার, কি কেতু-দণ্ড, কি সৈন্য, কি সারথি, কি তুরঙ্গম, কি বীরগণ—কিছুই আর দৃষ্টিগোচর হচ্ছিল না?

দুর্যো। (সবিশ্বয়ে) তার পর, তার পর?



সুন্দ। তার পর মহারাজ, কিছুক্ষণ এইরূপ শর-বর্ষণ
হবার পর পাণ্ডব-সৈন্যের মধ্যে সহর্ষ সিংহ-নাদ,
ও কোরব-সৈন্য-মধ্যে “হায় হায়! কুমার বুধসেন
হত”—এইরূপ কাতর হাহাকার সমুখিত হয়ে
মহান কোলাহল উপস্থিত হ’ল।

দুর্ঘ্যো। (অশ্রুপাতের সহিত ক্রোধ) তার পর,
তার পর?—

সুন্দ। তার পর মহারাজ, প্রথমে কুমারের সারথি,
তুরঙ্গ নিহত হ’ল; আতপত্র, ধনু, চামর,
ধ্বজদণ্ড সমস্ত ভগ্ন হ’ল; অবশেষে স্বর্গ-ভ্রষ্ট
সুর-কুমারের স্থায় একটি বাণে বিদ্ধ
হয়ে কুমারও রথ-মধ্যে পতিত হলেন। এই
সমস্ত দেখে আমি এখানে আসছি।

দুর্ঘ্যো। (সাস্ত-নয়নে) ওহোহো কুমার বুধসেন!
—আর শুনে কি হবে? হা বৎস বুধসেন!
আমার কোলের চঞ্চল শিশু! তুমি আমার কি
আজ্ঞাকারীই ছিলে! হা গদা-যুদ্ধ-প্রিয়! হা
শৌর্য্য-সাগর! রাধেয়-কুলাঙ্গুর! প্রিয়দর্শন!
হা দুঃশাসন-নির্কির্শেয সর্ক-গুরু-বৎসল!
কোথায় তুমি?—উত্তর দাও।

বিশাল সে নেত্র ছুটি, নবচন্দ্র-কাস্তি সম
অতি রমণীয় তার
কুটম্ব যৌবন।
কেমনে গো অঙ্গরাজ পঙ্কজ-বদনে তার
মৃত্যুর বিকৃত-দৃষ্টি
করিল দর্শন?

সারথি। মহারাজ! শোকে অভিভূত হবেন না।
দুর্ঘ্যো। সারথি! পুণ্যবানেরাই দুঃখ-ভাগী হয়;
কিন্তু:—

হত-বন্ধু-অপমান
করিয়া গো প্রত্যক্ষ দর্শন
যে অনলে হৃদি মোর
দগধ হতেছে অনুক্ষণ
তার কাছে কোথা দুঃখ
—কোথা আর হৃদয়-বেদন?

(মূর্ছিত)

সারথি। মহারাজ! শাস্ত হোন, শাস্ত হোন।
(বজ্রাঞ্চলে বীজন)

দুর্ঘ্যো। (সংজ্ঞা লাভ করিয়া) ভদ্র সুন্দরক! বয়শ্র
অঙ্গরাজ তার পর কি করলেন?

সুন্দ। তার পর মহারাজ, পুত্রকে সেইরূপ নিহত
দেখে, বিগলিত অশ্রুজল সঞ্চার ক’রে, শত্রুর
প্রহার উপেক্ষা ক’রে, প্রভু অঙ্গ-রাজ ধনঞ্জয়কে
আক্রমণ করলেন। তার পর, সারথির নিধনে
রুগ্ন হয়ে, জীবনের আশা পরিত্যাগ ক’রে এইরূপ
ভাবে তিনি আসছেন দেখে, ভীমসেন নকুল
সহদেব প্রভৃতি পাণ্ডবেরা ধনঞ্জয়ের রথকে
আগলিয়ে দাঁড়াল।

দুর্ঘ্যো। তার পর, তার পর?

সুন্দ। তার পর, অর্জুনের ধনুরূপ প্রলয়-মেঘ হ’তে
অজস্র শর-ধারা বর্ষণে দিগ্ভাঙল আচ্ছন্ন হয়ে গেল,
প্রভু অঙ্গরাজকে শল্য তখন এইরূপ বলেন,
—“দেখ অঙ্গরাজ! তোমার রথের অধ্বগণ
নিহত, চক্রনেমি, যুগন্ধর ভগ্ন—এ অবস্থায় শত্রুকে
আক্রমণ করা তোমার উচিত নয়”—এই ব’লে
রথ ফিরিয়ে দিলেন। এবং বহু প্রকারে বুঝিয়ে
তাঁকে রথ হ’তে নামালেন।

দুর্ঘ্যো।—তার পর, তার পর?

সুন্দ। তার পর, প্রভু অনেকক্ষণ বিলম্ব ক’রে
পরিজনদের অথ রথ আনতে বলেন।
পরিজনেরা অন্য রথ এনেছে দেখে, আমার দিকে
চেয়ে বলেন:—“সুন্দরক! এই দিকে এসো”,
আমিও নিকটে গেলেম। তার পর মস্তক হ’তে
একটা পত্রিকা বার ক’রে নিজ দেহ-বিগলিত
রক্তবিন্দুতে বাণ-মুখ লিপ্ত ক’রে সেই বাণ দিয়ে
মহারাজকে এই পত্র লিখলেন।

(পত্রিকা অর্পণ)

দুর্ঘ্যো। (গ্রহণ করিয়া পাঠ)

স্বস্তি মহারাজ দুর্ঘ্যোধন!
সমরাদ্ধন হইতে কর্ণ গাঢ় কণ্ঠালিঙ্গন পূর্বক
নিবেদন করিতেছে:—

“শত্রুর প্রয়োগে কৃতী আমারো অধিক যে গো;
ভ্রাতৃগণ-মাকে যার নাহিক সমান;
নিশ্চয় সে অর্জুনেরে অক্ৰেশে করিবে জয়”
—এইরূপ করিতে গো তুমি অহুমান।

কিন্তু দেখ তবু আমি পারি নাই বধিবারে
দুঃশাসন-অরি সেই হুগ্ন অরজুনে,

এসো তুমি ঘরা করি' কর হুঃখ-প্রতিকার
ভুঞ্জ-বীর্ষ্য-বলে কিঞ্চি অশ্র-বিমোচনে।

হুর্ঘ্যো। বয়স্ত্র! কর্ণ! কর্ণ!—একে আমি শত ভ্রাতৃ-
নিধনে দগ্ধ হচ্ছি, তার উপর আবার কেন তুমি
আমাকে বাক্য-শেলে বিদ্ধ করছ বল দিকি?
আচ্ছা, ভদ্র সুন্দরক! এখন অঙ্গরাজ কি
করছেন?

সুন্দ। মহারাজ! দেহের আবরণ-কবচ অপনীত
ক'রে আত্মহত্যায় কৃতসংকল্প হয়ে, এখন তিনি
যুদ্ধের চেষ্টায় আছেন।

হুর্ঘ্যো। (শুনিয়া সন্ত্রস্ত উঠিয়া) সুন্দরক! আমার
হয়ে তুমি শীঘ্র তাঁকে গিয়ে এই কথা বুঝিয়ে বল,
“এখন আর তুমি জয়ের আকাঙ্ক্ষা কোরো না,
এখন আমাদের উভয়েরই একই সংকল্প” কিন্তু:—

পার্শ্বেরে করিয়া বধ অন্ত্যেষ্টি-সলিল তার
যত সব বন্ধুবর্গে দিয়া
মোচন করিয়া অশ্র কতিপয় মঞ্জী আর
শক্রদেরো গাঢ় আলিঙ্গিয়া
—সেই শেষ আলিঙ্গন জন্মান্তরে পুন যার
নাহি সম্ভাবনা—

তাজিব এ ছার দেহ— হয়ে তপ্ত কিঞ্চি তৃপ্ত
যা হয় হোক না।

কিন্তু না—শোকের বিষয় আমার কিছু বলবার নেই।

তব পুত্র বৃষসেন মমানুজ হুঃশাসন
—রণে হত হ'ল

কি বুঝাব আমি তোমা, তুমিই বা মোরে কিবা
বুঝাবে তা বল।

সুন্দ। যে আজ্ঞে মহারাজ!

[প্রস্থান

হুর্ঘ্যো। এ কি! রথ-চক্রের শব্দ শোনা যাচ্ছে না?
সারথি। মহারাজ! রথ-চক্রের শব্দটা যেন ক্রমেই
আরও বৃদ্ধি হচ্ছে।

হুর্ঘ্যো। পরিজনেরা নিশ্চয়ই রথ নিয়ে এসেছে।
যাও, তুমি রথ সজ্জিত কর গে।

সারথি। যে আজ্ঞে মহারাজ!

(প্রস্থান করিয়া পুনঃ প্রবেশ)

হুর্ঘ্যো। (অবলোকন করিয়া) এখনও তুমি রথে
ওঠো নি?

সারথি। পিতা ও জননী সঞ্জয়ের সঙ্গে রথে আরো-
হণ ক'রে মহারাজকে দর্শন করতে এসেছেন।

হুর্ঘ্যো। হায় হায়! দৈব কি গর্হিত কর্মই করেছেন!
সারথি! তুমি যাও, শীঘ্র রথ নিয়ে এসো, আমিও
পিতৃ-দর্শন পরিহার ক'রে একান্তে অবস্থান
করি গে।

সারথি। মহারাজ! এখন এই দুই জন আত্মীয়মাত্র
আপনার অবশিষ্ট—আপনি কি এঁদের সাহায্য
করবেন না?

হুর্ঘ্যো। সারথি! বিধাতা যার প্রতি বিমুখ, সে
আবার কি সাহায্য করবে? দেখ:—

অগ্নিই আমরা যবে রণ-ভূমে দুই জনে
করিবু প্রস্থান

হুঃশাসন ও আমার আনত মন্তক তাঁরা
করিলা আঘাণ।

ঘটিল সে বালকের শক্র-শরে রণ-ভূমে
ষে দশা বিধম

—গুরুজন-পার্শ্বেরে গিয়া বল দেখি তাঁহাদের
কি বলি এখন?

তথাপি, গুরুজনের পাদবন্দনা অবশ্য কর্তব্য।
[প্রস্থান]

ইতি চতুর্থ অঙ্ক।

পঞ্চম অঙ্ক।

(রথারোহণে গান্ধারী, সঞ্জয় ও ধৃতরাষ্ট্রের প্রবেশ)

ধৃত। বৎস সঞ্জয়! কুরু-কুল-কাননের একমাত্র
অবশিষ্ট পল্লব,—আমার সেই বৎস হুর্ঘ্যোধন
বৈচে আছে কি বৈচে নেই?

গান্ধা। জাহ্ন! বাছা এখনও বৈচে আছে যদি সত্য
হয়, বল এখন সে কোথায় আছে?

সঞ্জ। ঐ যে, মহারাজ একাকী বটচ্ছায়ায় ব'সে
আছেন।

গান্ধা। কি বল্লে জাহ্ন—একাকী? এক শত ভ্রাতা
তাঁর পাশে ব'সে নেই?

সঞ্জ। তাহ! জননি! ধীরে ধীরে রথ থেকে নাবুন।
(উভয়ের অবতরণ)

লজ্জিত হুঁয়োধন উপবিষ্ট।

সঞ্জয়। (নিকটে গিয়া) মহারাজের জয় হোক!
এই দেখুন, জননীর সহিত পিতা এসেছেন,
মহারাজ কি দেখতে পাচ্ছেন না?
হুঁয়ো। (অপ্রতিভ হইয়া রহিলেন)

ধৃত। শরীর হইতে বর্ণ
একেবারে করি উন্মোচিত,
কঙ্কমুখ-যন্ত্রে শল্য
ধীরে ধীরে করি অপনীত,
বৈধেছে যে ক্ষত-পরে
ক্ষত-শোষী পটির বন্ধন,
—আর কর্ণ এবে যার
একমাত্র আশ্রয় অধম—
জিত-শত্রু সে রাজায়
দূর হ'তে করিয়া দর্শন
নাহি জিজ্ঞাসিত্ব তারে
—আমি যে গো হতভাগ্য জন—
“বেদনা কি বৎস তব
হইয়াছে কিছু উপশম”?

(ধৃতরাষ্ট্র ও গান্ধারী স্পর্শ করিতে করিতে নিকটে
আসিয়া হুঁয়োধনকে আলিঙ্গন)

গান্ধা। বাছা! বাণ-প্রহারের বেদনায় এত কাতর
হয়েছ যে, আমাদের সঙ্গেও কথা কহিতে পারছ
না?

ধৃত। বৎস হুঁয়োধন! পূর্বে আমি কি কাজ করিনি,
যার দরুণ তুমি আমার সঙ্গে কথা কচ্ছ না?

গান্ধা। বাছা! তুমি যদি আমাদের সঙ্গে কথা না
কও, তা হ'লে কি হুঃশাসন, হুমর্ষণ কিংবা আর
কেউ আমাদের সঙ্গে এখন কথা কহিবে?

(রোদন)

হুঁয়ো। আমি পাপী নরাধম, নিজ চক্ষে করিয়াও
অনুজের বিনাশ দর্শন

না করিহু প্রতিকার; পিতা-মাতা উভয়েরি
আমি-ই তো অশ্রু কারণ।

বিমল ভরত-কুল

—তাহে জাত আমি কুস্তান

পুত্রক্ষয়-কারী মোরে

পুত্র বলি কেন কর জ্ঞান?

গান্ধা। জাহ্ন! হুঃখ কোরো না। তুমিই এখন এই
অন্ধ-হুঁটির পথপ্রদর্শক হয়ে চিরজীবী হও। আমার
রাজ্যেই বা কি হবে?—বিজয়েই বা কি হবে?
হুঁয়ো। জননি গো, এ কি তব

অসদ্ব্যত বিপরীত কথা?

স্বক্ষত্রিয়া তুমি যে গো

উচিত কি তব এ দীনতা?

বাৎসল্য-বিহীনা তুমি,

শত পুত্র তোমার নিহত

না ভাবো তাদের তরে,

—এ অযোগ্যে রক্ষিতে উত্তত?

নিশ্চয় পুত্রশোক হ'তেই এ সব চেষ্ঠা হচ্ছে।

সঞ্জ। মহারাজ! তবে কি এই লোকপ্রবাদটি
মিথ্যে যে, “ঘটের কুপ-পতন-কালে রজ্জুও সেই
সঙ্গে সেখানে নিক্ষিপ্ত হয়”?

হুঁয়ো। এ কথা সমোচীন নয়। উপকরণীয় বস্তুর
অভাবে উপকরণের কি প্রয়োজন? (রোদন)
ধৃত। (হুঁয়োধনকে আলিঙ্গন করিয়া) বৎস! তুমি
নিজে শান্ত হও; আর, আমাকে ও তোমার
অভাগিনী মাকেও সান্ত্বনা কর।

হুঁয়ো। তাত! এ সময়ে তোমাদের সান্ত্বনা আর
কি করব? কিন্তু এখন এই একমাত্র সান্ত্বনা:—

কুস্তীপুত্রগণে আমি করিব নিধন,

তব পুত্রে বধিয়াছে কুস্তীর নন্দন,

কুস্তীও তোমার মত পুত্র-শোক-গ্রস্ত

হইবে অচিরে—ভাবি হও গো আশ্বস্ত।

গান্ধা। জাহ্ন! এখন এই আমাদের যথেষ্ট যে, তুমি
জীবিত আছ—এখন আর কার জন্ত শোক
করব? তা, দেখ জাহ্ন! যুদ্ধ করবার তোমার
এ সময় নয়—তোমার কাছে কুতাঞ্জলি হয়ে
বলছি, তুমি যুদ্ধ হ'তে ক্ষান্ত হও—অনুগ্রহ ক'রে
এই কথাটি আমাদের রাখো।

ধৃত। বৎস! আমার সব পুত্রই নিহত হয়েছে—
তুমিই একমাত্র অবশিষ্ট—তোমার জননীর
কথা—আমার কথা শোনো বৎস। দেখ:—

যার পরাক্রম দেখি

ভীষ্ম-দ্রোণ-বল-বীর্ষা

তুচ্ছ জ্ঞান করিত গো শত্রু জ্ঞাতিকুল

—সেই কর্ণ-সম্মুখেই

তার পুত্রে কান্দনি

বধিল—দেখিয়া বিশ্ব ভয়েতে আকুল।

সব পুত্র হত মোর, তোমাতেই শেষ এবে
রিপুর সে প্রতিজ্ঞা-বচন
মোরা অন্ধ পিতা মাতা—আমাদের অহুন্নয়
এবে বৎস করহ শ্রবণ।

হর্ষো। যুদ্ধক্ষেত্র হ'তে ফিরে গিয়ে তার পর আমি
করব কি ?

গান্ধা। তোমার পিতা কিম্বা বিহুর যা বলবেন, তাই
করবে।

সঞ্জ। রাজন্! সেই কথাই ঠিক।

হর্ষো। সঞ্জয়! এখনও কি কিছু উপদেশ দেবার
আছে ?

সঞ্জ। মহারাজ! যত দিন প্রাণ থাকে, তত দিনই
বিজিগীষু নৃপতিদের উপদেশ দেওয়া জ্ঞানীদের
কর্তব্য।

হর্ষো। (সক্রোধে) ভাল, এখন জ্ঞানীর উপদেশটা
কি শোনা যাক।

ধৃত। বৎস! সঞ্জয় তো ঠিকই বলছেন—এতে রাগ
করবার কি আছে? যদি তুমি এখন প্রকৃতিহ্র হয়ে
থাকো, তা হ'লে আমিই তোমাকে বলছি শোনো।

হর্ষো। বল পিতা, বল।

ধৃত। বৎস! অধিক আর কি বলব, যুধিষ্ঠিরের
প্রার্থিত পণ স্বীকার ক'রে এখন সন্ধি কর।

হর্ষো। দেখ পিতা! মা পুত্র-স্নেহে বিহ্বল হয়ে,
সঞ্জয় নির্বুদ্ধিতার বশে, এইরূপ যা-ইচ্ছা তাই
বলছেন; আপনারও মোহ উপস্থিত, অথবা
পুত্রনাশ-জনিত হৃদয়-জ্বরে আপনিও অভিভূত।
বাসুদেবের যে সন্ধির প্রস্তাব আমরা শত-ব্রাতায়
মিলে তখন অবজ্ঞার সহিত একেবারে অগ্রাহ্য
করেছিলেম, এখন পিতামহ, আচার্য্য, অহুজ্ঞ ও
নৃপ-মণ্ডলীর বিনাশ দেখে, শুধু দেহের মায়াবশে,
—উদাত্ত পুরুষদের যা লজ্জার বিষয়,—সেই
হুঃখনিবারক সন্ধি কিনা হর্ষোদন আজ
পাণ্ডবদের সঙ্গে স্থাপন করবে? তা ছাড়া সঞ্জয়,
তুমি তো একজন নীতিজ্ঞ ব্যক্তি—তুমি ঠো
জানো :—

কভু না করয়ে সন্ধি নৃপগণ, হীনবল
রিপুগণ-সনে

হুঃশাসন-হীন আমি—সাহুজ-পাণ্ডব সন্ধি
করিবে কেমনে ?

ধৃত। বৎস! তা হলেও আমার প্রার্থনার যুধিষ্ঠির
কি না করতে পারেন? তা ছাড়া যুধিষ্ঠির তোমা
অপেক্ষা আপনাকে সর্বদাই হীন-বল মনে
করেন।

হর্ষো। সে কিরূপ ?

ধৃত। শোনো, যুধিষ্ঠির প্রতিজ্ঞা করেছেন, যদি তাঁর
এক ভ্রাতারও মৃত্যু হয়, তা হ'লে তিনি আর
প্রাণধারণ করবেন না। সংগ্রামে তো ছলের
অভাব নেই, তাই তিনি সর্বদাই অহুজ্ঞের বিপদ
আশঙ্কা করেন, এবং এই হেতু তোমাকে তুষ্ট
করবার জ্ঞাও তোমার সহিত তিনি সন্ধি করতে
সম্মত হ'তে পারেন।

সঞ্জ। ঠিক কথা।

গান্ধা। বাছা! তোমার পিতার এই যুক্তি-সম্বত
কথা তুমি শোনো।

হর্ষো। তাত! জননি! সঞ্জয়!

একটি অহুজ্ঞ-নাশে—প্রতিজ্ঞা করিল পার্থ—
করিবে সে প্রাণ বিসর্জন,

শত ভ্রাতৃ-নিধনেও হর্ষোদন অনায়াসে
সহিবে একপৃষ্ঠের জীবন ?

হুঃশাসন-রক্তপায়ী ভীমসেনে চূর্ণ করি
এই মোর গদার আঘাতে

না নিষ্ফেপি দিকে-দিকে তার সেই পাপ-দেহ
—করিব কি সন্ধি তার সাথে ?

গান্ধা। হা জাহ্ন হুঃশাসন! হা হুমর্ষণ! হা বিকর্ণ!
বীর-শত-প্রসবিনী গান্ধারী শত পুত্র তো
প্রসব করে নি, শত হুঃখ প্রসব করেছিল।

(সকলে রোদন)

সঞ্জ। (অশ্রু ত্যাগ করিয়া) তাত! আপনারা
মহারাজকে সাস্তনা দেবার জ্ঞাই এখানে
এসেছেন—অতএব আপনারা এখন ধৈর্য্যা-
ধারণ করুন।

ধৃত। বৎস! দৈব এখন তোমার প্রতি বিমুখ।
তুমি যদি এখনও শত্রু-সম্বন্ধে অভিমান পরিত্যাগ
না কর, অভাগিনী গান্ধারী এখন আর কাকে
অবলম্বন ক'রে জীবন-ধারণ করবে?—
তুমিই বৎস এখন তার জীবনের একমাত্র
অবলম্বন।

দুর্ঘো। শুভন বলিঃ—

ভুবন রক্ষিল যারা,
ভুঞ্জিল গো অতুল ঐশ্বর্য,
শক্র-গর্ক-থর্ককারী
যাহাদের মহাতেজ বীর্ষ্য,
সহস্র যুকুট-চূড়া
যাহাদের পদে অবনত,
সেই শত পুত্র তব
অরি নাশি' সমরে নিহত।
সগরের মত এবে
মাতৃ-সাথে তুমি গো এখন
ধরণীর ভার, তাত!
বিনা-শোকে করহ বহন।

এর বিপরীত হ'লে মহারাজের ক্ষত্রধর্ম লঙ্ঘন
করা হবে।

(নেপথ্যে মহা কোলাহল)

গান্ধা। (শুনিয়া সভয়ে) সঞ্জয়! এ কি!—
হাহাকার-মিশ্রিত তূর্য্যধ্বনি শোনা যাচ্ছে না?
সঞ্জ। হাহাকার করে, এক্রপ ভীকুজন এখানে
কোথায়?

ধৃত। বৎস সঞ্জয়! এই হাহাকার যে ক্রমেই বিস্তৃত
হচ্ছে—জানো দিকি এর কারণটা কি—নিশ্চয়
একটা কিছু ভয়ানক কাণ্ড ঘটেছে।

দুর্ঘো। তাত! যতক্ষণ না আর কিছু অশুভ
সংবাদ শোনা যায়, ততক্ষণ অহুগ্রহ ক'রে
আমাকে রণস্থলে অবতরণ করতে অহুমতি দিন।

গান্ধা। জাহ! মুহূর্ত্তকাল তুমি এখানে থেকে
আমাকে আশুত কর।

ধৃত। বৎস! যদি তুমি যুদ্ধে যাব ব'লে কৃতনিশ্চয়
হ'য়ে থাকো, তা হলে শক্রকে বরং গোপনে বধ
করবার উপায় চিন্তা কর।

দুর্ঘো। চোখের সম্মুখে দেখি হত বদ্ধজনে
শক্রবধ অল্পচিত্ত কপটে গোপনে।
না পারিব করিতে যা প্রকাশ্য আহবে
—সে কার্য্য করিয়া বল কিবা ফল হবে?

গান্ধা। জাহ! তুমি এখন একাকী—কে তোমাকে
সাহায্য করবে?

দুর্ঘো। তব পুত্র-দয়-কারী

আমি একা বটে গো জননি,

সমতা আহুন দৈব,

নিপ্পাণ্ডব করিয়া ধরণী।

(নেপথ্যে কোলাহল)

ওহে বীরগণ! তোমরা কোরবেশ্বরকে
নিবেদন কর, এখন ঘোর সংহার-কার্য্য আরম্ভ
হয়েছে। অপ্রিয় কথা শ্রবণে বিমুখ হয়ে আর
কি হবে? এখন সময়োচিত প্রতিবিধান করাই
কর্তব্য। দেখঃ—

ছাড়ি দিয়া অশ্ব-রশ্মি

শল্য সেই কর্ণের সারথি

—পার্থ-বাণাঙ্কিত-তনু—

শূন্ত-রথে চলে ধীর-গতি।

পরিচিত পথ ধরি

অশ্বগণ রথ লয়ে যায়,

জিজ্ঞাসে কুরুরা সবে

“অঙ্গরাজ কোথায়—কোথায়”?

সজল-নয়নে শল্য বলে বার্তা—কাঁপাইয়া

যত কুরুবীরে

এইরূপে শূন্ত-রথে শল্য দেখ, যাইতেছে

ফিরিয়া শিবিরে।

দুর্ঘো। (শুনিয়া সভয়ে) আঃ! অস্পষ্ট বজ্রপাতের
মত কে নিষ্ঠুররূপে এইরূপ ঘোষণা করেছে? কে
আছে ওখানে?

(ভয়-বাস্ত হইয়া সারথির প্রবেশ)

সারথি। মহারাজ! আমাদের সর্কনাশ হয়েছে।

(ভূতলে পতন)

দুর্ঘো। কি হয়েছে?

ধৃতরাষ্ট্র ও সঞ্জয়। বল, বল কি হয়েছে।

সুরথি। মহারাজ! কি আর বলব?

শল্য-সম শল্য যবে

শূন্ত মনোরথ-সম

কর্ণ-শূন্ত রথোপরি

হয়ে অবস্থিত

পশিল শিবির-মাঝে,

জন-সজ্ব তথাকার

কর্ণ-শূন্ত রথ হেরি

হইল মুচ্ছিত।

দুর্ঘ্যো। হা বয়স্ কৰ্ণ! (মুচ্ছিত)
গান্ধা। জাহ্ন! ধৈর্য্য ধর, ধৈর্য্য ধর।
সঞ্জ। শান্ত হও, শান্ত হও মহারাজ!
ধৃত। ওঃ, কি কষ্ট! কি কষ্ট!

ভীষ্ম দ্রোণ হ'লে হত একটি যে অবলম্বন
মম পুত্র-প্রিয়-সখা—সে কৰ্ণও হইল নিধন।
বৎস! আশস্ত হও, আশস্ত হও। দেখ হতবিধে!
শত পুত্র-শোক সহি—অন্ধ আমি—ভার্য্যা-সহ
মোর এই শোচ্য দশা
তোমারি গো কৃত;
এ দুর্ঘ্যোধনেও তুমি নিরাশ করিলে হায়
সখা-গুরু-বন্ধুবর্গে
করি নিঃশেষিত।

বৎস দুর্ঘ্যোধন! তোমার অভাগিনী মাতাকে
সাস্তুনা কর।

দুর্ঘ্যো। (সংজ্ঞা লাভ করিয়া)

ওগো কৰ্ণ! আমা-প্রতি অবিচল প্রীতি তব
করি প্রকাশিত
শ্রুতি-স্বখকর-বাক্য ফণেকের তরে তুমি
কর বিতরিত।
বিচ্ছেদ তোমার সনে কখন তো ঘটে নাই,
তোমার অপ্রিয় আমি
করি নাই কভু,
বৃষসেন-বৎসল! পাসরিয়া সখা-স্নেহ
কেন মোরে তেয়গিয়া
যাইতেছ তবু?

(পুনর্মুচ্ছিত)

সকলে। (সাস্তুনা দান)

দুর্ঘ্যো। (সংজ্ঞা লাভ করিয়া)

মম প্রাণাধিক সেই অক্ষরাজ কৰ্ণ আজি
সমরে নিহত,
আবার চেতনা লভি তবু আমি বেঁচে আছি।
—লজ্জা হয় তাত।

অপিচ :—

শোচনীয় হইলেও বণ-হত দুঃশাসন,
বন্ধুবর্গ অশ্রু,
শোক করি না গো এবে দুঃশাসন-তরে কিথা
আর কারো জন্ত।

কর্ণেতে দুঃশাব্য বাহা কর্ণের সে অমঙ্গল
ঘটালে যে জন
তাহারে সবংশে আজি সমরে বধিব আমি
এই মোর পণ।

গান্ধা। জাহ্ন! ফণেকের জন্ত অশ্রমোচনে ফাস্ত হও।
ধৃত। বৎস! ফণেকের জন্ত অশ্রমার্জন কর।
দুর্ঘ্যো। আমার উদ্দেশে যবে
করিল সে প্রাণ বিসর্জন
সে সময়ে কেহই তো
না করিল তারে নিবারণ।
তার তরে করি আমি
এক বিন্দু অশ্রু বিমোচন
—তাহাও এ দীন জনে
করিতে কি দিবে না এখন?

সারথি! কে না জানি আমাদের
কুলান্তকর এই অসম্ভব কার্য্য সাধন করলে?
সারথি। মহারাজ! লোকের মুখে এইরূপ
শুনলেম :—
চক্র ভূমে মগ্ন হ'লে,—চক্রপাণি স্তত যার,
আমাদের সৈন্যের যে যম,
—ইন্ড্রের নন্দন সেই মহাবীর ধনঞ্জয়
বধিলা গো তাঁহারে রাজন্।

দুর্ঘ্যো। কর্ণের সে মুখ-চন্দ্র স্মরণ করিয়া
শোক-সিদ্ধ মম এবে উঠে উথলিয়া।
বাড়বাণি সম ক্রোধ হয়ে প্রজ্বলিত
আচ্ছন্ন করিছে তাহে এবে মোর চিত।

জননি! তাত! প্রসন্ন হয়ে তোমরা
আমাকে যুদ্ধে যেতে অহুমতি দাও।
সুহৃৎসহ শোকানলে নিরস্তর দহিতেছি
আমি যে এখন;
—সমান বিপত্তি ছই—বরঞ্চ গো ভাল এবে
সমরে মরণ।

ধৃত। (দুর্ঘ্যোধনকে আলিঙ্গন)

সত্য বটে পুত্র ওগো! অনিশ্চিত রণ-স্থলে
জয়-পরাজয়;
কিন্তু সেই ভীম-কর্মা ভীমে স্মরি ভয়ে দ্রব
হয় যে হৃদয়।



তুমি মানী হুঁয়োধন শঠতায় নহ দক্ষ
—রণে তব শৌর্যোরি প্রকাশ।
শক্রগণ রণ-মাঝে করে ছল বহুতর
—হায় ! মোর হবে সর্বনাশ !

গাঙ্গা। জাহ্ন ! যে আমার শত পুত্রের বম, সেই
বুকোদরের সহিত তুমি বুদ্ধ প্রার্থনা করছ ?
হুঁয়ো। জননি ! বুকোদরের কথা এখন থাক।
হৃদি-মনোরথ যে গো সর্দার-চন্দন-রস,
অমলেন্দু এ মোর নয়নে ;
মাতঃ ! তব পুত্র-তুলা, পিতঃ ! তব নীতি-শিষ্য,
—সেই কর্ণে যে বধিল রণে,
তারি পরে শর মোর
পড়িবে এক্ষণে।

সারথি ! আর কাল-হরণ ক'রে কি হবে ?
আমার রথ সজ্জিত ক'রে নিয়ে এসো। আর
তুমি যদি পাণ্ডবদের ভয় কর, তুমি থাকো ;
আমি শুধু গদা-হস্তেই রণ-স্থলে অবতরণ করব।
আর কিছু ভাববার দরকার নেই। এই
আমি চলেম।

[প্রস্থান।

ধৃত। বৎস হুঁয়োধন ! যদি আমাদের দক্ষ করবে
বলেই তুমি স্থিরনিশ্চয় হয়ে থাকো, তা হ'লে
অন্ততঃ নিকটস্থ কোন বীরকে সেনাপতি-পদে
অভিষিক্ত কর।

হুঁয়ো। পূর্ব-হতেই অভিষিক্ত হ'য়ে আছে।

গাঙ্গা। কে সে হতভাগ্য ?

ধৃত। সে শল্য—না অখামা ?

সঞ্জয়। হায় হায় !

ভীষ্ম গত, দ্রোণ হত, অক্রুর কর্ণ সেও
নিহত গো রণে।

—অতি বলবতী আশা— শল্য সে করিবে জয়
পাণ্ডু-পুত্রগণে ?

হুঁয়ো। শল্যেরই বা কি প্রয়োজন ? অখামারই বা
কি প্রয়োজন ?

হয়, রণে প্রাণ দিয়া লভিব গো কর্ণ-আলিঙ্গন
নয়, পার্থ-প্রাণ হরি করিব গো বৈর-নির্ঘাতন।
অভিষিক্ত করিয়াছি তাই আপনারে
অবারিত নয়নের অশ্রুবারি-ধারে।

নেপথ্যে। (কলরবের পর) ওগো কোঁরব-সৈন্তের
প্রধান বীরগণ ! আমাদের দেখে ভয়ে কেন
পালাচ্ছ ? তোমরা বল, স্ত্রয়োধন এখন কোথায়
আছেন ?

সকলে। (সভয়ে শ্রবণ)

(ত্রস্ত-ব্যস্ত হইয়া সারথির প্রবেশ)

সারথি। মহারাজ ! একই রথে দুটি বীর-পুরুষ
আক্রমণ হয়ে—আপনি কোথায় আছেন জিজ্ঞাসা
ক'রে ইতস্ততঃ অন্বেষণ ক'রে বেড়াচ্ছে।

সকলে। কোন্ হুঁজন ?—কে কে ?

সারথি। সেই কর্ণারি অর্জুন, আর সেই বৃক-তুলা
বুকোদর।

গাঙ্গা। (সভয়ে) জাহ্ন ! এখন কি কর্তব্য ?

হুঁয়ো। এই গদা তো আমার নিকটেই আছে।

গাঙ্গা। হায় ! এইবার বুঝি এই হতভাগিনীর
সর্বনাশ হ'ল।

হুঁয়ো। এখন শোক-বিলাপের সময় নয়। সঞ্জয় !
সঞ্জয় ! রথে তুলে পিতা ও জননীকে শিবিরে নিয়ে
যাও। আমাদের শোক দূর করবার লোক
এখন এখানে উপস্থিত।

ধৃত। বৎস ! একটু অপেক্ষা কর। কি অভিপ্রায়ে
এসেছে, একবার জানি।

হুঁয়ো। তাত ! জেনে কি হবে ? আপনি যান।

(ধৃতরাষ্ট্র ও গাঙ্গারী কিয়দূর গমন করিয়া অবস্থান)

(রথাক্রম ভীমার্জুনের প্রবেশ)

ভীম। ওগো স্ত্রয়োধনের অনুজীবীগণ ! কেন
তোমরা বৃথা ভয়াকুল হয়ে ইতস্ততঃ বিচরণ
করছ ?—তোমাদের আর কোন ভয় নাই।

দ্যুত-ছল-প্রবর্তক, জতুগৃহ-দাহ-কারী,

কৃষ্ণা-কেশ-বস্ত্রাকর্ষী

হুরাত্মা যে জন ;

পাণ্ডবেরা যার দাস ;—দ্রোণাচার্য্য, হুঃশাসন

অহুঙ্ক-শতের যে গো

সুহৃদ উত্তম ;

—কোথা সেই অভিমানী হুঁয়োধন ? রোষ-ভরে

আসি নাই হেথা তাঁরে

করিতে দর্শন।

ধৃত। সঞ্জয় ! ও হুঁয়তির এ যে দারুণ ভৎসনা।

সঞ্জ। তাত! অপ্রিয় কার্য্য সমস্ত শেষ ক'রে এখন
অপ্রিয় বাক্য বলতে আরম্ভ করেছে।

হুর্ঘ্যো। সারথি! হুঙ্কনকেই গিয়ে বল, আমি এই-
খানেই আছি।

সারথি। যে আজ্ঞে মহারাজ। (তাহাদের নিকটে
গিয়া) শোনো ওগো ভীম, অর্জুন! মহারাজ পিতা-
মাতার সহিত ঐ বট-বৃক্ষের ছায়া-তলে আছেন।
অর্জু। মহাশয়! ক্ষমা করবেন। পুত্রশোকাত্ত
পিতামাতাকে এখন দর্শন ক'রে বিরক্ত করব
না—এখন আমরা তবে যাই।

ভীম। মূঢ়! সদাচার যে অলঙ্ঘনীয়। গুরুজনদের
প্রণাম না ক'রে যাওয়াটা উচিত হয় না।
(নিকটে গিয়া) সঞ্জয়! গুরুজনদের নিকটে
আমাদের প্রণাম জানাও। না, থামো—
আমরা নিজেই জানাবো। (রথ হইতে
অবতরণ) গুরুজনেরা বন্দনীয়, স্বয়ং গিয়ে
আমাদের প্রণাম করা উচিত।

অর্জু। (নিকটে গিয়া) তাত! জননি!
তোমাদের পুত্রদের সর্ব-রিপু-জয়-আশা
যার পরে ছিল বিগ্ৰহমান,
যার গর্কে গরবিত হইয়া তাহারা সবে
করিত গো বিধে তৃণ-জ্ঞান
—সেই রাধা-পুত্র-নাশী মধ্যম পাণ্ডব আসি
তব পদে করে গো প্রণাম।

ভীম। বহুসংখ্য কৌরবে যে করিল নিধন,
হুঃশাসন রক্ত-পানে মত্ত যেই জন,
হুর্ঘ্যোধন-উরু যে গো করিবে ভঞ্জন
কর সে ভীমের এবে প্রণাম গ্রহণ।

ধৃত। হুরায়া বুকোদর! তুমিই যে কেবল শত্রুবিনাশ
করেছ, তা নয়; যে অবধি ক্ষত্রিয়গণের সৃষ্টি,
সেই অবধিই সমর-বিজয়ীরা জয়লাভ ক'রে
আসছে, বীরেরাও যুদ্ধে নিহত হয়েছে; তবে
কেন বৃথা আফালন ক'রে তুমি আমাদের
বিরক্ত করছ?

ভীম। তাত! রুষ্ট হবেন না।

পাণ্ডুপুত্রগণ-বধু—কৃষ্ণার আকর্ষি কেশ
যে সকল নৃপগণ করে অপমান
তাহারা সকলে এবে পাণ্ডবের ক্রোধানলে
হইয়াছে দগ্ধ ক্ষুদ্র পতঙ্গ সমান।

সংবাদ দিতেছি শুধু—ভূঞ্জ-বল-প্লাবা কিধা
নাহি করি বৃথা অহঙ্কার;
যেই গুরুতর কাজ পুত্র-পৌত্র করে তব
—তুমি তাত সাক্ষী আছ তার।

হুর্ঘ্যো। ওরে পবন-তনয়! তোর নিন্দিত কাজের
জন্ত বৃদ্ধ রাজার কাছে আবার আশ্ব-প্লাবা
করছিস্?

তা ছাড়া:—

তুমি ভীম, তুমি পার্থ, সেই বৃধিষ্ঠির, আর
নকুল ও সহদেব ভাই হুইজন
—তোমাদের ভার্য্যা সেই দ্যুত-দাসী—তার
কেশ সভামাঝে মমাজায় করে আকর্ষণ।
যে সকল নৃপগণে বধিলে তোমরা রণে
তাহাদের কি বা দোষ এই বৈর-কাজে?
বাহুবীর্য্য-ধন-মদে ঘোর-মত্ত যে গো আমি
আমারে জিনিলে তবে দর্প তব সাজে।

ওরে হুরায়া! দে তোর অসাধ্য। (সক্রোধে
উঠিয়া বধ করিতে উত্তত)

ধৃত। (ধরিয়া বসাইয়া দিলেন)

ভীম। (ক্রোধে প্রজ্বলিত)

অর্জু। দাদা! এত রুষ্ট হচ্ছ কেন?
কাজে না করিতে পারি মোদের অপ্রিয়
বচনে করিছে এবে—ধর্তব্য কি ও?
শত-ভ্রাতৃ-বধে হুঃখী কহিছে প্রলাপ,
তাহে দাদা বল দেখি কিসের সস্তাপ?

ভীম। ওরে রে ভরত-কুল-কলঙ্ক!

রে কটু-প্রলাপভাষি! না যদি গো করিতেন
গুরুজন মোরে নিবারণ,
গদায় চূর্ণিয়া অস্থি সত্ত্ব তোরে পাঠাতাম
সে হুঃশাসনের সদন!

তা ছাড়া, মূঢ়!

তব কুল-পদ্ম-বনে প্রমত্ত বারণ যে গো
—সেই ভীম হলেও কুপিত
—কু-নৃপ তুই যে অতি—তবুও যে এত দিন
ধরাভলে আছিস্ জীবিত,
তাহার কারণ, তোর অদৃষ্টে ছিল রে দেখা
বিদারিত ভ্রাতৃ-বক্ষঃস্থল।
আর, স্ত্রীলোকের মত নেত্র হ'তে বিসর্জন
অনর্গল শোক-অশ্রুজল।

দুর্ঘ্যো। আমি তোমার মত কটুক্ৰি-মুখর নই। নেপথ্যে। ওরে রে গাণ্ডীব-ধারী মহাবল অর্জুন!
কিন্তু :— অর্জুন!—তুই এখন কোথায় যাস্ ?

অচিরে বন্ধুরা তব সমর-অঙ্গনে স্তম্ভ
দেখিবে তোমায়
—ভীম-ভূবা-বিভূষিত গদা-ভগ্ন-বক্ষ-ক্রত
শোণিত-ধারায়।

ভীম। (হাসিয়া) তোমার কথা কি অবিশ্বাস করতে
পারি?—তুমি ঠিকই বলছ—আমার সূত্রে তো
আসন্ন—তবু তোমাকে একটা কথা বলি
শোনো :—

মোর পীন ভুজ-বয়ে ঘুরাইয়া গুরু গদা
চূর্ণি বক্ষঃস্থল তব
শিরে পদ করিব স্থাপন,
—কালিকে প্রভাতে তাহা
নৃপগণ করিবে দর্শন।

তব ভ্রাতৃগণ-সহ তোমারে দলিত করি,
যে রক্ত-নিঃসৃত হবে
সেই ঘন রক্ত-চন্দন
আনথ বিলিপ্ত করি'
করিব গো অঙ্গের ভূষণ।

নেপথ্যে। ওগো ভীমসেন! ওগো অর্জুন! যিনি
অশেষ অরাতি-সৈন্য নিহত করেছেন,
মহাপরাক্রান্ত পরশুরাম-সদৃশ যার যশোরশি,
যার প্রতাপে দিগ্ভাঙল তাপিত, সেই শ্রীমান্
অজাত-শত্রু মহারাজ যুধিষ্ঠির এই আজ্ঞা
করছেন :—

উভয়ে। দাদা কি আজ্ঞা করছেন?

পুনর্বার নেপথ্যে :—

গৃধ্র-কঙ্ক-বিখণ্ডিত হত দেহে রণ-স্থল
অতীব দুর্গম ;
আস্রিয়েরা অশ্রুযিয়া দেহগুলি অগ্নিসাৎ
করুক এখন ;
জাতিগণ জাতিদের অশ্রু-মিশ্র জল এবে
করুক অর্পণ।

রিপুদের সঙ্গে দেখে ভাহুও হইল অন্তগত,
করহ একত্র এবে—রণস্থলে সৈন্য আছে বত।

উভয়ে। যে আজ্ঞে।

কর্ণ-ক্রোধে এত দিন বিজয়ী ধনুক আমি
করিয়াছিলাম বিসর্জন
শূর-শূর রণ-স্থলে তাইতো বর্দ্ধিত হয়
তব বাহু-বীর্য-পরাক্রম।

শত্রুত্যাগী অবিজিত পিতা মোর, তাঁর
শিরশ্ছেদ-কথা করিয়া স্মরণ
পাণ্ডু-পুত্র-প্রলয়াদি দ্রৌপদ-সৈন্য-নাশী
দ্রৌণি দেখ করে আগমন।

ধৃত। (শুনিয়া সহর্ষে) বৎস দুর্ঘ্যোধন! দ্রৌণের
অপমানে ক্রোধে প্রজ্বলিত হয়ে ঐ দেখ বীরবর
অশ্বখামা এসেছেন। পিতা অপেক্ষাও ওঁর
সমধিক বল; আর উনি শিক্ষাবান, দেব-
তুল্য; অতএব তুমি এগিয়ে গিয়ে ওঁকে
অভ্যর্থনা কর।

গান্ধা। যাও জাহ্নু, ওঁর অভ্যর্থনা কর গে।

দুর্ঘ্যো। তাত! জননি! অঙ্গরাজের বধাভিলাষী
বৃথা-যৌবন-বল-শত্রুধারী এই বীরকে নিয়ে
আমাদের কি হবে?

ধৃত। দেখ বৎস! এ সময়ে এইরূপ বাক্যে এতাদৃশ
পরাক্রান্ত বীরদের বিরাগ উৎপাদন করা
তোমার উচিত নয়।

(অশ্বখামার প্রবেশ)

অশ্ব। জয় হোক কোরব-রাজের!

দুর্ঘ্যো। (উঠিয়া) গুরুপুত্র! এখানে বোসো।
(বসাইয়া)

অশ্ব। রাজন্! দুর্ঘ্যোধন!

কর্ণ-তৃপ্তিকর বাক্য

তোমা কাছে কর্ণ কহি-কত

কার্যে যা করিল রণে

—সকলি তো আছ অবগত।

দ্রৌণ-পুত্র এবে দেখ

ধনুতে জ্যা করি আরোপণ

শত্রু-অভিমুখ হ'তে

করিয়াছে হেথা আগমন;

রণ-পরাভব হুঃখ

এবে তুমি ত্যজহ রাজন্।

[প্রস্থান।

হুৰ্য্যো । (অস্থয়া-সহকারে)—আচার্য্য-পুত্র !

অঙ্গরাজ হলে হত তবে তুমি শত্রু রণে
করিবে ধারণ

—এই যদি ছিল মনে প্রতীক্ষা কর গো তুমি
আমারো মরণ ;
কেন না, অভিন্ন মোরা ;—দৌহা মাঝে কেবা কর্ণ
কেবা হুৰ্য্যোধন ?

অশ্ব । কি ? এখনও সেই কর্ণের পক্ষপাতী—
আমাদের প্রতি অবমাননা ? রাজন্ ! কোঁরবেশ্বর!
আচ্ছা, তাই হোক ।

[প্রস্থান ।

ধৃত । বৎস ! এ তোমার কিরূপ মোহ ? এই সময়ে
কঠোর বাক্য ব'লে অশ্বখামার মত ব্যক্তির বিরাগ
উৎপাদন করছ ?

হুৰ্য্যো । আমি কি এমন অপ্রিয় মিথ্যা বলেছি, যাতে
ও ক্রুদ্ধ হতে পারে ? দেখুন :—

ধনুর্ধারী ক্ষত্র-মাঝে
ছিল যার মহিমা অক্ষত,
তোমাদের ভাগ্য-দোষে
এবে যে গো সময়ে নিহত
—সেই অঙ্গরাজ-নিন্দা
মিত্র-কাছে করিছে অশেষ
উহাতে অর্জুনে তবে
বল দেখি, আছে কি বিশেষ ?

ধৃত । অথবা বৎস ! তোমারি বা এতে কি দোষ ?
এখন ভরত-কুলের অস্তিম দশা উপস্থিত । দেখ,
গান্ধারি ! আমি অতি হতভাগ্য—আমি এখন
কি বলি বল দেখি । (চিন্তা করিয়া) আচ্ছা,
তবে এইরূপ করা যাক । দেখ সঞ্জয়, আমার
নাম ক'রে ভারত্বাজ অশ্বখামাকে তুমি এই কথা
বল—

এই স্ত্রযোধন-সহ একসঙ্গে গান্ধারীর •
স্তম্ভ তুমি করিয়াছ পান ;
সেই সে শৈশবের চঞ্চল অঙ্গের ধূলি
বস্ত্র মোর করিয়াছে মান ;
অনুজ-নিধন-শোকে অতি-প্রণয়ের বশে
যদি সে বলিয়া থাকে
অপ্রিয়-বচন ;

৪৫—৬

—তোমার সমীপে বৎস ! কাতর মিনতি মোর—
ক্রোধ পুষ্টি রেখো না গো
মনে বহুক্ষণ ।

সঞ্জ । যে আজ্ঞা তাত । (উত্থান)

ধৃত । আর যদি একথা গ্রাহ্য না কর, তা হ'লে
এইরূপ বলবে :—

অথবা কথায় ভুলি তোমার অমন পিতা
করিয়া গো শত্রু বিসর্জন
মহিলা যে সেইরূপ ঘোরতর অপমান,
তাহা এবে তুমি বৎস করিয়া স্মরণ
সেই হুৰ্য্যোধন-উক্তি মন হ'তে করি দূর
বৎস-বর্ষ্য আত্মা-মাঝে কর আনয়ন ।

সঞ্জ । যে আজ্ঞা তাত । [প্রস্থান ।

হুৰ্য্যো । সারথি ! আমার যুদ্ধের রথ সজ্জিত কর ।

সারথি । যে আজ্ঞা মহারাজ । [প্রস্থান ।

ধৃত । গান্ধারি ! এখান থেকে এসো আমরা এখন
মদ্র-রাজ শল্যের শিবিরে যাই । বৎস ! তুমিও
সেখানে চল ।

[সকলের প্রস্থান ।

ষষ্ঠ অঙ্ক

যুধিষ্ঠির ও দ্রৌপদী আসীন ।
দাসী ও কঞ্চুকী দাণ্ডায়মান ।

যুধি । (সচিন্ত-ভাবে নিশ্বাস ফেলিয়া) ওঃ ! কি কষ্ট,
কি কষ্ট !

ভীষ্ম-রূপ মহার্ঘব
—আসিয়াছি মোরা তার পারে ;
দ্রোণানল নির্ঝাঁপিত
হইল গো ষ্ঠ-কোন-প্রকারে ;
কর্ণ আশীবিষ-সর্প
—হয়েছে সে বিগত-পরায়ণ ;

মদ্র-অধিপতি শল্য
—সেও তো গো গেছে স্বর্গ-ধাম ।
ভীম যে সাহস-প্রিয়, অন্ন যার আছে বাকি
সাধিতে বিজয়,
—প্রতিজ্ঞা-বচনে তার করিয়াছে মো-সবার
জীবন-সংশয় ।

দ্রৌ। (সাশ্রু-লোচনে) মহারাজ! তার চেয়ে বজ্জে
না কেন, পাঞ্চালী হতেই এই জীবন-সংশয়
ব্যাপার উপস্থিত হয়েছে।

যুধি। কৃষ্ণা! আমি তো—(কঙ্কুকীকে অবলোকন
করিয়া) দেখ বুধক!

কঙ্কু। আজ্ঞে মহারাজ!

যুধি। আমার নাম ক'রে সহদেবকে এই কথা
বল :-—ক্রুদ্ধ বুকোদরের "আজি বধ করব"
এইরূপ সদ্য-পাল্য প্রতিজ্ঞার কথা শুনে মানী
কৌরব-রাজ নিরুদ্ধে হয়ে কোণায় লুকিয়ে
আছেন। এখন তাঁর পদ-চিহ্ন অনুসরণ করবার
জন্ত অতি নিপুণ-বুদ্ধি, বিভিন্ন স্থানের যথার্থ্যভিজ্ঞ
চর-সকল এবং যারা ঢাক বাজিয়ে ঘোষণা
করতে পটু—যারা স্বযোধনের বিচরণ-স্থানের
সন্ধান জানে—এইরূপ ভক্তিম্যান স্তম্ভিগণ
সামন্ত-পঞ্চক প্রদেশের চারিদিকে গমন করুক।
আর তারা যদি কৃতকার্য হয়, তা হ'লে ধনাদি
পারিতোষিক দেবে ব'লে তাদের নিকট অঙ্গীকার
কোরো। তা ছাড়া :-

কিবা পক্ষে, কি সৈকতে— গুপ্ত-পথবেত্তা যারা
যাক্ সেই কইবর্তগণ;
লতা-ঢাকা কুঞ্জ-বন চেনে যারা—সেই সব
গোপালেরা করুক গমন;
শত্রু-মিত্র-পদ-বেত্তা রক্ষাভিজ্ঞ ব্যাধ যত
ব্যাঘ্র-বনে করুক ভ্রমণ;
প্রতি মুনি-গৃহে যাক্ চর-সব—যাহাদের
আছে সিদ্ধ-পুরুষ-সম্পদ।

কঙ্কু। যে আজ্ঞা মহারাজ!

যুধি। আরও এইরূপ সহদেবকে বলবে :-

সশঙ্ক হইয়া কেহ করিছে আলাপ কি না
—জাহুক গোপনে;
স্বপ্ন বা রোগার্গু কিবা সুরামন্ত—তাহাদের
যাক্ অহেষণে।
মৃগদের আস য়েথা,
আর য়েথা বিহঙ্গ নীরব,
নৃপ-পদ-চিহ্ন য়েথা
—সেই বনে যাক্ তারা সব।

কঙ্কু। যে আজ্ঞা মহারাজ! (প্রস্থান করিয়া পুনঃ
প্রবেশ করত সহর্ষে) মহারাজ! পাঞ্চালক এসেছে।

যুধি। শীঘ্র তাকে নিয়ে এসো।

কঙ্কু। (প্রস্থান করিয়া পাঞ্চালকের সহিত পুনঃ
প্রবেশ) ঐখানে মহারাজ; পাঞ্চালক, তুমি
এগিয়ে যাও।

পাঞ্চা। জয় মহারাজের জয়! মহারাজ ও দেবীকে
একটি সুসংবাদ দিই।

যুধি। বাপু পাঞ্চালক! সেই ছুরাঙ্গা কৌরবধর্মের
কি কোন পদ-চিহ্ন পাওয়া গেছে?

পাঞ্চা। মহারাজ! শুধু পদ-চিহ্ন নয়, দেবীর
কেশাকর্ষণ-পাপের প্রধান হেতু—স্বয়ং সেই
ছুরাঙ্গাকেই পাওয়া গেছে।

যুধি। (সহর্ষে পাঞ্চালককে আলিঙ্গন করিয়া) বাপু,
তুমি উত্তম কাজ করেছ—এ সুসংবাদ বটে।
তাকে কি দেখতে পাওয়া গেছে?

পাঞ্চা। মহারাজ! শুধু দেখতে পাওয়া গেছে, তা
নয়, সমর-ক্ষেত্রে দেখতে পাওয়া গেছে।

দ্রৌপদী। (সভয়ে) কি? আমার নাথ সমর-
ক্ষেত্রে?

যুধি। (সভয়ে) সত্য, ভায়া আমার রণ-ক্ষেত্রে?

পাঞ্চা। আজ্ঞে হাঁ, সত্য। মহারাজের কাছে কি
মিথ্যা বলতে পারি?

যুধি। ভীম মহাপরাক্রান্ত জানি আমি, তবু চিত্ত
ভয়-বশে বিবেক-মহুর,
উত্তোলিত-গদা সেই বুকোদর-ভুজ-বীর্ঘা
জানি তবু শঙ্কিত অন্তর।

(দ্রৌপদীকে অবলোকন করিয়া ও তাঁহার
মুখের অশ্রুজল মুছাইয়া) অগ্নি স্তম্ভক্রিয়ে!

গুরুজন, বন্ধুজন

—সহস্র নৃপের সম্মিধান,

সভামাঝে আমাদের

হয়েছিল যেই অপমান

তার প্রতিকার প্রিয়ে

করিব গো হয় প্রাণ দিয়া,

নয় সেই পশু-তুল্য

দুর্যোধনে সমরে বধিয়া।

না, তাতে আর কোন সন্দেহ নেই।

যাহারে আদেশমতে দৃশাসন করে তব

কেশ আকর্ষণ

—নিশ্চয় তাহারে ভীম বধি আজি করিবে গো
প্রতিজ্ঞা পালন,
কেশও তব বাঁধা হবে বধ হবে যখন সে
পাপ হুর্যোধন।

পাঞ্চালক! বল বল, সে ছুরাঘ্নাকে
কোথায় পাওয়া গেল? এখন সে কোন্ কাজেই
বা প্রবৃত্ত?

দ্রৌ। বল বাছা, বল।

পাঞ্চ। মহারাজ! দেবি! আপনারা তবে শুনুন।
মহারাজ যখন মদ্র-রাজ শল্যকে বধ করলেন,
গান্ধার-রাজের পতঙ্গকুল যখন সহদেবের অনলে
প্রবিষ্ট হ'ল, সেনাপতি-নিধনে নিরানন্দ হয়ে
যখন বীরগণ রণভূমি ছেড়ে চ'লে যেতে লাগল,
ধৃষ্টদ্যুম্ন ও আপনার অধিষ্ঠিত সৈন্যের ঘোর
আক্রমণে শক্র-সৈন্য পরাজিত হয়ে, যুদ্ধে পরাভূত
হয়ে, যখন উর্দ্ধ্বাসে পলায়ন করতে লাগল,
কৃপ, কৃতবর্মা, অখথামা, যখন বিনষ্ট হ'ল, আর
যখন কুমার বুকোদরের সেই অঙ্ক-পাল্য প্রতিজ্ঞা
হুর্যোধন শ্রবণ করলে, তখন সেই ছুরাঘ্না
কৌরবধম যে কোথায় গিয়ে লুকালো, তা কেউ
জানতে পারলে না।

যুধি। তার পর?

দ্রৌ। বল, তার পর কি হ'ল।

পাঞ্চ। মহারাজ! দেবি! অবধান করুন। তার
পর, ভগবান বাসুদেবের অধিষ্ঠিত এক রথে
আক্রমণে ভীমার্জুন কুমারদ্বয় আর আমরা
সবাই সমস্ত "সামন্তপঞ্চক"-ময় খুঁজে বেড়াতে
লাগলেম, কিন্তু কোথাও সেই অনার্য্যকে পাওয়া
গেল না। তার পর, আমাদের ঞায় ভৃত্যবর্গ
দৈবের আচরণে খেদ প্রকাশ করছি, কুমার
অর্জুন উষ্ণ দীর্ঘ নিশ্বাস পরিত্যাগ করছেন,
বুকোদর বর্ষা-নিশা-সঞ্চরিত বিদ্রাচ্ছটার ঞায়
পিঙ্গল-কটাফে নিজ গদাকে উদ্দীপ্ত করছেন,
ভগবান নারায়ণ অবশিষ্ট স্বল্পকার্য্যের অসমাপ্তির
দরুণ বিধাতাকে তিরস্কার করছেন, এমন সময়ে
এক জন সংবাদ-দাতা, কুমার ভীমসেনের
নিকট এসে উপস্থিত হ'ল। সে সচ্চ একটা
যুগ বধ করায় সেই রক্ত তার চরণে তখনও
সংলগ্ন; সেই মাংসরাশি ত্যাগ ক'রে সে যেন

তখন আসছে; তার পর, অর্দ্ধশত-বর্ণে—ভাবার্থ
কেবল অনুমান করা যায় মাত্র এইরূপ অস্পষ্ট
ভাষায়—কুমারের নিকট হাঁপাতে হাঁপাতে এসে
এইরূপ বলতে লাগল:—মহারাজকুমার! এই
বৃহৎ সরোবরের তীরে দুইটি পদের অল্পরূপ পদ-
পংক্তি দেখা গেছে—তার মধ্যে একটি যেন
স্থল পার হয়ে এসেছে—আর একটি যেন তা
নয়। "কুমারের যথা আদেশ"—এই কথা ব'লে
আমরা সবাই ব্যস্ত-সমস্ত হয়ে তাঁর পিছনে
পিছনে ষাড়া করলেম। আর ভগবান বাসুদেব
সেই সরোবরতীরে এসে হুর্যোধনের পদ-চিহ্ন
চিন্তে পেরে বলেন:—"দেখ বুকোদর, স্বযো-
ধনের সলিল-স্তম্বনী বিঘা জানা আছে, নিশ্চয় সে
তোমার ভয়ে এই সরসীর মধ্যে গুয়ে আছে।"
কৃষ্ণের এই কথা শুনে, সলিলচারী সৈন্যসণ সরো-
বরের চারিদিকে ভ্রমণ ক'রে সরোবরের জল
আলোড়িত করতে লাগল, ভয়ে কুলীরেরা জল
থেকে উঠে পড়ল; কুমার বুকোদর তখন ভৈরব-
গর্জনে বলতে লাগলেন:—ওরে রে বৃথা-
প্রখ্যাত অলীক-পৌরুষাভিমানি পঞ্চাল-রাজ-
তনয়া-কেশাকর্ষক! মহাপাতকি! বৃতরাষ্ট্র-
পুত্রধম!

শুক চন্দ্র-কুলে জন্ম— এই পরিচয় দিয়া

এখনো কি গদা তুমি করিছ ধারণ?

দুঃশাসন-রক্ত-পানে যে অরি প্রমত্ত এবে

তার সনে করিবে কি তুমি সম্ভাষণ?

দর্প-মদে অন্ধ হয়ে মধুকৈট-দৈত্য সম

হরি সনে হয়েছিলে প্রবৃত্ত সমরে;

মোর ভয়ে নরাধম! ত্যজিয়া সমর-ভূমি

এবে লুকায়েছ আসি-পঙ্কের ভিতরে!

তা ছাড়া—রে মানাক্ষ কৌরবধম!

কুরু-অস্তঃপুর-নারী 'মোর বলে হত-পতি

—করে এবে কেশ উন্মোচন,

পাঞ্চালীর প্রজ্বলিত ক্রোধ-বহি এবে তাই

হইয়াছে প্রায় উপশম।

ভাই তব দুঃশাসন —হৃদয়-নিঃসৃত তার

তপত-শোণিত আমি করিছ যে পান,

দেখিয়াও তাহা চক্ষে, কি করিলে ভীম-প্রতি?

—অসময়ে অস্ত কেন তব অভিমান?

দ্রৌ। নাথ! আবার যদি তোমার দর্শন পাই, তবেই আমার কোপের শাস্তি হবে।

যুধি। দেখ রুক্ষা, এ সময়ে অমঙ্গলের কথা বলা উচিত নয়। বাপু! তার পর, তার পর?

পাঞ্চ। মহারাজ! এইরূপ ব'লে ভীষণ ক্রোধে প্রজ্বলিত উত্তম-গদা-পাণি বৃকোদর ভীষণ বেগে গদা ঘোরাতে ঘোরাতে সমস্ত সেই বৃহৎ সরোবরের জল আলোড়িত করতে লাগলেন; সরোবরের জল তীরে ছাপিয়ে উঠল, সমস্ত কমল-বন উৎসর, জলজন্তুরা মুচ্ছিত, সমস্ত বিহঙ্গকুল উদ্ভ্রান্ত হ'ল।

যুধি। বাপু! তবুও সে জল থেকে উঠল না?

পাঞ্চ। মহারাজ! আর না উঠে থাকতে পারে?

সরোবর-তল-দেশ সবেগে সহসা ত্যজি
করিল উত্থান

—কোপ-হতাশন হ'তে উর্জ্বলিকে প্রধাবিত
শূলিঙ্গ সমান।

ক্ষিপ্ত ভীম-বাহু-রূপ

মন্দরে হইয়া স্মৃথিত

ক্ষীরায়ুধি হতে যেন

কালকূট হ'ল সমুথিত।

যুধি। সাধু স্মৃক্ষত্রিয় সাধু!

দ্রৌ। বৃক হ'ল কি হ'ল না?

পাঞ্চ। এই জলাশয় হতে উত্থান ক'রে, তোরণাকারে ছই হস্তে গদা উত্তোলন ক'রে দুর্ঘোষন এই কথা বলে :—“ওগো পবনপুত্র! তুমি কি মনে করছ, দুর্ঘোষন তোমার ভয়ে লুকিয়ে আছে? মুট! পাণ্ডুপুত্রদের বধ করতে না পেরে লজ্জিত হয়ে প্রকাশ্যেই পাতালে বিশ্রাম ক'রতে আমি উত্তম হয়েছিলেম। আর, বাসুদেব ও অর্জুন দুই জনেই পূর্বে বলেছিলেন, “ভীম-দুর্ঘোষনের যুদ্ধ জলের অভ্যন্তরে নিষিদ্ধ!” তার পর, কোরব-রাজ ভূতলে গদা নিক্ষেপ ক'রে ব'সে পড়লেন। আর, যেখানে শত-গজ-বাজি নিহত, গুণকঙ্ক-জম্বু-ভক্ষিত শত শত মৃতদেহ নিপতিত, যেখানে আমাদের সৈন্যের সিংহনাদ-বিমিশ্র তুর্ঘ্য-ধ্বনি সমুথিত, আর সমস্ত দুর্ঘোষনের সৈন্য বিনষ্ট—সেই বন্ধ-শূল, বাঙ্কব-শূল কুরুক্ষেত্র অবলোকন ক'রে দুর্ঘোষন উষ্ণ দীর্ঘনিশ্বাস পরিত্যাগ করতে

লাগলেন। তার পর, বৃকোদর তাঁকে বলেন :—

“ওগো কোরব-রাজ! বন্ধুজনের বধে রুষ্ট হয়ে আর কি হবে?—এখন দুঃখ করাও বৃথা। আমরা পাণ্ডবেরা এসেছি। তবু দেখ, আমি এখন অসহায়। তা ছাড়া :—

এ পঞ্চ পাণ্ডব-মাঝে তুমি যারে
সুযোধ বলিয়া ভাবো মনের মাঝারে
—শজ্জ ধরি, বর্ষাবৃত হয়ে, তারি সনে
—যথা অভিরুচি তব—মাতো এবে রণে।

এই কথা শুনে কোরব-রাজ ঈষৎ অশ্রুপাত ক'রে মজল-নেত্রে কুমারের প্রতি দৃষ্টি নিক্ষেপ ক'রে এই কথা বলেন :—

হত কর্ণ দুঃশাসন —মোর কাছে তোমরা তো
সবাই সমান এবে—এ বেশ জানিও;
—হলেও অপ্রিয় মোর—যুদ্ধ-প্রিয় তুমি, তাই
তব সনে যুদ্ধ করা মোর অতি প্রিয়।

তার পর, ভীম দুর্ঘোষন দুজনেই গাত্রোথান ক'রে কোপে প্রজ্বলিত হয়ে, পরস্পরের প্রতি পুরুষ তিরস্কার-বাক্য প্রয়োগ করতে লাগলেন; আর বিচিত্র-বিভ্রমে গদা বিঘূর্ণিত ক'রে মণ্ডলাকারে সমর-ক্ষেত্রে বিচরণ করতে লাগলেন। এই সময়ে, ভগবান চক্রপাণি মহারাজের নিকট আমাকে প্রেরণ করলেন। আর, মহারাজ! কৃষ্ণ আমাকে এই কথা বলেন :—“ভীমের প্রতিজ্ঞা পূর্ণ না হওয়ায়, আর কোরবরাজও নিরুদ্দেশ হওয়ায়, আমরা অত্যন্ত হতাশ হয়ে পড়েছিলেম। সম্প্রতি আবার ভীমসেনের সহিত দুর্ঘোষনের সাক্ষাৎ হয়েছে, এইবার তুমি জেনো, ভুবন নিকটক হবে। এখন তোমরা সৌভাগ্যোচিত মঙ্গল-অনুষ্ঠানে প্রবৃত্ত হও। আর কোন সন্দেহ নাই।

সঙ্গিলে করহ পূর্ণ রতন-কলস-চয়
—হবে রাজ্য-অভিষেক তব,
বহুদিন হ'তে কৃষ্ণা বন্ধন করেনি কেশ
—হোক কেশ-বন্ধন-উৎসব।
কুঠার-প্রদীপ্তকর যেই রাম করিলেন
ক্ষত্র-ক্রম-ক্ষয়,

আর, এই ভীম—এঁরা ক্রোধাক্ত হইয়া রণে
হইলে উদয়
বিজয়-সাধন-পক্ষে পারে কি থাকিতে কভু
একটু সংশয়?"

দ্রৌ। (মাশ্রলোচনে) দেব ত্রিভুবন-নাথ যা আজ্ঞা
করছেন, তার কি কখন অচ্যুতা হ'তে পারে?
পাঞ্চালক। এ কেবল আশীর্বাদ নয়, মধুসূদনের এ
আদেশ।

যুধি। ভগবানের আদেশে কি কারও সংশয় হ'তে
পারে? কে আছে এখানে?

(কঞ্চুকীর প্রবেশ)

কঞ্চু। আজ্ঞে মহারাজ!

যুধি। ভগবান দেবকী-নন্দনের আদেশ শিরোধার্য্য
ক'রে ভায়ার বিজয়-মঙ্গল উদ্দেশে যথা-বিহিত
অনুষ্ঠান আরম্ভ করা হোক।

কঞ্চু। (সোৎসাহে পরিক্রমণ করিয়া) ওগো
পুরোহিতাদি কর্মকর্তাগণ! আর অন্তঃপুরচারী
প্রধান দৌবারিকগণ!—তোমরা শোনো,—যিনি
দুর্কহ প্রতিজ্ঞা-ভার বহন করছেন, যিনি
সুযোধন-অনুজ-বিকম্পন প্রচণ্ড পবন, যিনি
দুঃশাসন-বিদলন নর-সিংহ, সেই প্রভঞ্জন-পুত্র
মহাবলী ভীমের প্রতি স্নেহবশতঃ মহারাজ
যুধিষ্ঠির মঙ্গলাচরণ করতে তোমাদের আদেশ
করছেন। (আকাশে) কি বলছ?—“চারি-
দিকেই মঙ্গল-অনুষ্ঠানের বিপুল আয়োজন হচ্ছে
দেখতে পাচ্ছ না কি?”—এই কথা বলছ?—
আচ্ছা, বেশ বাছারা বেশ। অনাদিষ্ট হয়েও
যারা প্রভুর হিতকার্য্য করে, তারাই যথার্থ স্বামি-
ভক্ত।

যুধি। দেখ জয়ধ্বজ!

কঞ্চু। আজ্ঞে মহারাজ!

যুধি। তুমি যাও, সুদংবাদ-দাতা পাঞ্চালককে
পারিতোষিক দিয়ে পরিতুষ্ট কর।

কঞ্চু। যে আজ্ঞে মহারাজ!

[পাঞ্চালকের সহিত প্রস্থান।

দ্রৌ। মহারাজ! কেন আবার নাথ সেই ছরাস্রাকে
বল্লেন:—“আমাদের পাঁচজনের মধ্যে যার
সঙ্গে ইচ্ছা হয় যুদ্ধ কর”—এই মাদ্রী-পুত্রস্বয়ের

মধ্যে যদি একজনের সহিত সে যুদ্ধ প্রার্থনা
করে, তা হ'লে যে সমূহ বিপদ উপস্থিত
হবে।

যুধি। এখন সুহৃদ-বন্ধু, বীর অনুজ, কৃপ, কৃতবর্মা,
অশ্বথামা প্রভৃতি রাজগুণবর্গ সমস্তই নিহত।
একাদশ অক্ষাহিণীর মধ্যে যে বান্ধবহীন, যার
কেবল শরীর মাত্র বিভব এখন অবশিষ্ট, যে
কখন আত্মাভিমান ত্যাগ করে নি, সেই
দুর্যোধন এখন মনে করছে—“শত্রু ত্যাগ করি
কি তপোবনে যাই, কি পিতার মুখ দিয়ে সন্ধির
প্রস্তাব করি।” এইরূপ যখন দুর্যোধনের অবস্থা,
তখন সর্ব-রিপু-জয়ের প্রতিজ্ঞাভার হতে যে
অনায়াসে মুক্ত হওয়া যাবে, তাতে আর আশ্চর্য্য
কি? তা ছাড়া, সুযোধন আমাদের পাঁচজনের
মধ্যে একজনেরও সঙ্গে যুদ্ধে পারবে না। আর
আমার মনে হয়, বৃকোদরের সঙ্গেই সে গদা-
যুদ্ধে প্রবৃত্ত হবে। অয়ি স্তম্ভক্ৰিয়! দেখ:—

সত্য, নাহি আর কেহ ক্রোধোত্ত-গদা সেই
ভীমের সমান;

আবার, সে দুর্যোধনও সিদ্ধ-হস্ত রণে, যথা
দেব বলরাম।

যে ভীম, দুর্যোধন-নলিনীর হস্তী

—সেই মম অনুজের রণে হোক স্বস্তি!

আর দেখ কৃষ্ণা ওগো! হেন লয় মনে

তারি সাথে যুদ্ধ হবে—নহে অচ্য-সনে।

(নেপথ্যে)—ওগো! আমি বড়ই তৃপ্ত হয়েছি,
তোমরা কেউ আমাকে জল-ছায়া দিয়ে তৃপ্ত কর।

যুধি। (শুনিয়া) ওরে! কে আছে এখানে?

(কঞ্চুকীর প্রবেশ)

কঞ্চু। আজ্ঞে মহারাজ!

যুধি। জান দিকি ব্যাপারটা কি?

কঞ্চু। যে আজ্ঞে মহারাজ! (প্রস্থান করিয়া পুনঃ-
প্রবেশ) মহারাজ! একজন ক্ষুধিত অতিথি
উপস্থিত।

যুধি। তাকে শীঘ্র নিয়ে এসো।

(মুনি-বেশ-ধারী চার্কাক নামক রাক্ষসের প্রবেশ)

রাক্ষ। (স্বগত) আমি সুযোধনের মিত্র, পাণ্ডবদের
বধন) করবার জন্ত ভ্রমণ ক'রে বেড়াচ্ছি।



(প্রকাশে) ওগো! আমি অত্যন্ত তৃষিত, জল-
ছায়া দানে আমাকে কেউ তৃপ্ত কর।

(রাজার নিকট আগমন)

সকলে। (উত্থান)

যুধি। মুনিবর! অভিবাচন করি।

রাক্ষ। শিষ্টাচারের এ সময় নয়, জলদানে আমাকে
তৃপ্ত কর।

যুধি। মুনি! আসনে উপবেশন করুন।

রাক্ষ। (উপবেশন করিয়া) না না—তুমিও আসন
গ্রহণ কর।

যুধি। ওরে! কে আছে এখানে?

(ভূঙ্গার লইয়া কঞ্চুকীর প্রবেশ)

কঞ্চু। (নিকটে আসিয়া) মহারাজ! স্নানীভল
স্বরভি জলে এই ভূঙ্গার পূর্ণ—আর এই পান-
পাত্র।

যুধি। মুনি! পিপাসা শান্তি করুন।

রাক্ষ। (পাদ প্রক্ষালন ও জল স্পর্শ করিয়া) ওগো,
তুমি যথার্থ ক্ষত্রিয়ই বটে।

যুধি। ঠিক বলেছেন—আমি ক্ষত্রিয়ই বটে।

রাক্ষ। সংগ্রামে প্রতিদিনই তো তোমার আত্মীয়-
বন্ধুজনের নাশ হচ্ছে, কাজেই জলাদি তোমার
অদেয় নয়। ভাল, এই ছায়ায় ব'সে সরস্বতী-
নদীর তরঙ্গ-স্পর্শী স্নানীভল বায়ু সেবন ক'রে
শ্রান্তি দূর করা যাক।

দ্রৌ। বুদ্ধিমতিকে! মহর্ষিকে ভাল-পাখায় বাতাস
কর।

রাক্ষ। ওগো! আমার প্রতি এ শিষ্টাচার অহুচিত।

যুধি। মুনি! সে কি কথা?—আপনি বড় শ্রান্ত
হয়েছেন।

রাক্ষ। দেখ, আমি মুনিজন-স্নানীভল কৌতূহল-বশে
সেই মহামাতৃ মহা ক্ষত্রিয়দের দ্বন্দ্ব-বুদ্ধ দেখবার
জন্তু সমস্ত-পঞ্চক-প্রদেশময় পর্যটন ক'রে
বেড়াচ্ছিলেম। আজ শরৎকালের প্রথর উত্তাপে
অর্জুন-স্নানীভলের অসমাপ্ত গদা-বুদ্ধ অবলোকন
ক'রে এইমাত্র আসছি।

কঞ্চু। মুনি! এ বুদ্ধ ভীম-স্নানীভলের বুদ্ধ কি না
বল দিকি।

রাক্ষ। আঃ! আমি যেন কোন বৃত্তাস্তই জানি নে,
এরূপ ভাবে আমাকে জিজ্ঞাসা করছ কেন?

যুধি। মহর্ষে! বলুন, বলুন।

রাক্ষ। একটু বিশ্রাম ক'রে আপনাকে সমস্তই
বলব, কিন্তু এই বুদ্ধকে নয়।

যুধি। অর্জুন-স্নানীভলে কি হ'ল, বলুন।

রাক্ষ। পূর্বেই তো বলেছি, অর্জুন-স্নানীভলের মধ্যে
গদাযুদ্ধ আরম্ভ হ'ল।

যুধি। ভীম-স্নানীভলের মধ্যে নয়?

রাক্ষ। সে তো পূর্বেই হুয়ে গেছে।

(যুধিষ্ঠির ও দ্রৌপদী মুচ্ছিত)

কঞ্চু। (জলসিঞ্চন) মহারাজ! দেবি! শান্ত
হোন, শান্ত হোন!

(উভয়ের সংজ্ঞা-লাভ)

যুধি। আপনি কি বলেন মুনি?—ভীম-স্নানীভলের
মধ্যে যুদ্ধ হয়ে গেছে?

দ্রৌ। মহর্ষি! বলুন, সে যুদ্ধে কি হ'ল?

রাক্ষ। কঞ্চুকি! এঁরা দুজন কে?

কঞ্চু। ব্রাহ্মণ! ইনি মহারাজ যুধিষ্ঠির, আর ইনি
পাঞ্চাল-রাজ-দুহিতা।

রাক্ষ। “আঃ! নৃশংস আমাকে নির্দয়রূপে আক্রমণ
করেছে” এই কথা—

দ্রৌ। হা নাথ! ভীম!

(মুচ্ছিত)

কঞ্চু। তিনি কি বলেন, কি বলেন?

দাসী। দেবি! শান্ত হোন, শান্ত হোন!

যুধি। (সাত্ৰ-লোচনে)

মুনি! তব এই বাক্যে, সন্দিক্ত হইয়া কষ্ট

পায় যুধিষ্ঠির,

নিশ্চয় নিহত বৎস —জানিলেও হই সুখী

—হয় মন স্থির।

রাক্ষ। (সানন্দে স্বগত) আমার চেষ্ঠাই তো এই।

(প্রকাশে) যদি নিতাস্তই বলতে হয়, তবে

সংক্ষেপে বলছি, শোনো বন্ধুজনের বিপদের
কথা সবিস্তারে বলা উচিত নয়।

যুধি। (অশ্রু মুছিয়া)

সর্বথা বল গো বিপ্র —সংক্ষেপে বিস্তারে হোক—

তার বিবরণ,

কি ঘটিল অহুঞ্জের

শুনিতে উৎসুক অতি

আমি যে এখন।

রাফ। তবে বলি, শোনো :—

সেই দুর্ঘোষন-ভীমে আরম্ভ হইল যুদ্ধ,
গুরু-গদা হ'তে শব্দ উঠিল সমনে—

দ্রৌ। (মহসা উঠিয়া) তার পর—তার পর ?

রাফ। (স্বগত) এরা সংজ্ঞালাভ করেছে—আবার
কি এদের সংজ্ঞা অপনীত করব? (প্রকাণ্ডে)

হেনকালে হলধর সত্বর আসিলা সেথা,
বহুক্ষণ হ'ল যুদ্ধ তাঁহার সামনে ;
তাঁর প্রিয় শিষ্য বলি করিলেন বলরাম
গোপনে সঙ্কেত দুর্ঘোষনে ;
সেই সে সঙ্কেত বুঝি হুঃশাসন-প্রতিশোধ
দুর্ঘোষন লইলেন রণে।

যুধি। হা ভাই বুকোদর! (মূচ্ছিত)

দ্রৌ। হা নাথ ভীমসেন! আমার অপমানের প্রতি-
কারে তুমি জীবন বিসর্জন করলে? জটাসুর,
বক, হিড়িম্ব, কিষ্কিন্দী, কীচক, জরাসন্ধ প্রভৃতির
নিহস্তা যে তুমি—গন্ধার সুবর্ণ-পদ্ম উপহার
দিয়ে আমাকে যে কত তুষ্ট করতে—হা চাটুকার!
তুমি কোথায়?—উত্তর দেও।

(মূচ্ছিত)

কণু। (সাক্ষ-লোচনে) হা কুমার ভীমসেন!—
ধার্মরাষ্ট্র-কুল-কমলিনী-প্রলয়-বর্ষা! (ভয়ব্যাকুল
হইয়া) মহারাজ! আশ্বস্ত হোন্! আশ্বস্ত হোন্!
বাছা! দেবীকে তুমি সাস্ত্রনা কর। মহর্ষে!
আপনিও মহারাজকে আশ্বস্ত করুন।

রাফ। (স্বগত) হাঁ, আমি ওঁকে প্রাণত্যাগ
করবার পরামর্শ দিয়ে এখন আশ্বস্ত করছি।
(প্রকাণ্ডে) ওগো ভীমাগ্রজ! একটুখানি ধৈর্য
ধর—এখনও কথা শেষ হয় নি।

যুধি। (সংজ্ঞা লাভ করিয়া) মহর্ষে! এখনও কি
কিছু বলতে বাকি আছে?

রাফ। তার পর, সেই স্নানক্রিয় নিহত হয়ে বীর-
সুলভ স্নগতি লাভ করলেন; তাঁর তৃতীয় অস্ত্র
ভ্রাতৃ-বধ-শোকে অজস্রধারে অশ্রু মোচন করতে
লাগলেন; আর, গাণ্ডীব ত্যাগ ক'রে নব-
রক্তচ্ছটা-চর্চিত সেই গদা ভ্রাতৃ-হস্ত হ'তে নিয়ে
সদ্বীক্ষু বাসুদেবের নিষেধ-বাক্য অগ্রাহ্য ক'রে,
“এসো দেখি” “এসো দেখি” এইরূপ উপহাস-
সহকারে বলতে লাগলেন। আর সেই গদা

ঘোরাতে ঘোরাতে অর্জুন গস্তীর বাক্যে
কৌরব-রাজকে আহ্বান করায় কৌরব-রাজও
যুদ্ধে প্রবৃত্ত হলেন। হলধর বুঝলেন, তাঁর কৃতী
শিষ্য দুর্ঘোষনেরই নিশ্চয় জয় হবে; তাই,
অর্জুন-পক্ষপাতী দৈবকী-নন্দন এই অবস্থা
দেখে, অর্জুনকে অতিযত্নে রণে উঠিয়ে নিয়ে
দ্বারকাষ চ'লে গেলেন।

যুধি। সাধু! অর্জুন সাধু! তুমি যে তৎক্ষণাৎ
গাণ্ডীব পরিত্যাগ ক'রে বুকোদরের স্থান
অধিকার করেছিলে—সে বড় ভাল কাজ হয়ে-
ছিল। এখন আমি কি উপায়ে প্রাণত্যাগ
করতে পারি, তারি চেষ্টা দেখি।

দ্রৌ। দেখ নাথ! তুমি ভ্রাতৃবৎসল! তোমার
ভ্রাতা অর্জুন গদাযুদ্ধে অশিক্ষিত, তাকে শত্রু-
মুখে পতিত দেখে এ সময়ে তোমার উপেক্ষা
করা উচিত নয়।

রাফ। তার পর আমি—

যুধি। থাক মুনি! এর পর শুনে কি হবে?
হা ভাই! ভীমসেন! জতুগৃহ-সমুদ্র-তরণ-
পোত! কিষ্কিন্দী-হিড়িম্ব-অশুর-জরাসন্ধ-বিজয়ী মল্ল!
কীচক-স্বঘোষন-অনুজ-কমলিনী-কুঞ্জর! হা দ্যুত-
পণানুরাগী! আমার শরীরের খেদ-শঙ্কা-নাশন!
ভাই! তুমি যে আমার একান্ত কথার বাধ্য
ছিলে—হা কৌরব-বন-দাবানল!

দ্যুত-বাসনী যে আমি নিবুলজ্জ অতি
—লক্ষ মত্ত হস্তি-সম তোমার শকতি—
তবুও দাসত্ব মোর করিলে স্বীকার
ভক্তি-ভরে সহি কত দুখ-কষ্ট-ভার।
আর বেশি কি অনিষ্ট করেছি গো আজি
যা-লাগি সহসা ভাই গেলে মোরে ত্যজি
অনাথ অবজ্ঞ করি ফেলিয়া হেথায়,
বঞ্চিত করিয়া তব স্নেহ-মমতায়?

দ্রৌ। (উঠিয়া) মহারাজ! সত্যই কি তাঁর
এইরূপ বটেছে?

যুধি। কৃষ্ণে! সত্য নয় তো আর কি।

কীচকে বধিল যে গো, বক-হিড়িম্ব-কিষ্কিন্দী
রক্ষোগণে করিল নিধন;

মদাক্ষ ঝিরদ সেই জরাসন্ধ-দেহ যে গো
বজ্রসম করে বিদারণ;

বার সেই ভুজ-বুগে
শোভে গদা পরিবের মত,
তব প্রিয়, মমানুজ,
পার্থ-জ্যোষ্ঠ—সেই ভীম গত।

দ্রৌ। (আকাশে দৃষ্টিপাত করিয়া) নাথ!
ভীমসেন! তুমিই আমার চুল বেঁধে দেবে
বলেছিলে; দেখ, ক্ষত্রিয়-বীরের প্রতিজ্ঞা ভঙ্গ করা
উচিত নয়। আচ্ছা, তুমি তবে আমার প্রতীক্ষা
কর, আমি তোমার কাছে শীঘ্রই যাচ্ছি।
(পুনর্বার মুচ্ছিত)

যুধি। (আকাশে দৃষ্টিপাত করিয়া) জননী পৃথা!
তোমার পুত্রের বিরূপ ব্যবহার শুনে তো?
আমাকে শোক-গ্রস্ত অনাথ ক'রে একাকী
ফেলে সে কোথায় দেখ চ'লে গেল। ভাই!
জরাসন্ধ-শত্রু! তোমার এই স্বল্পহারী
জীবনের মধ্যে লোকে তোমার কি বিপরীত
ভাবই দেখলে। লোকের কথা কি বলছি—
আমিই কত দেখলেম।

স-নৃপ নিখিল ধরা তোমার বিজিত
আমাকে করিয়া দান হইলে লজ্জিত।
দ্যুতে আপনারে পণ করিছ যখন,
কুপিত না হয়ে প্রীত হইলে তখন।
পাচক হইয়া সেই মৎস্য-রাজ-ঘরে
ছিলে যে তখন তুমি—সেও মোর তরে।
যে চিহ্ন স্মৃচনা করে মহসা বিনাশ,
এই সব কার্যো দেখি তাহারি প্রকাশ।

মুনি! কোঁরব ও ভীমের কথা তখন কি
বলুছিলে? (মুনির কথাগুলি আবৃত্তি)

রাক্ষ। হাঁ, তাই বটে।

যুধি। আমার ভাগ্যকে দিক! (আকাশে অব-
লোকন করিয়া) ভগবন্ বলরাম! কৃষ্ণাশ্রম!
জ্ঞাতি-প্রেম, ক্ষত্রধর্ম এ দুয়ের কিছুই না
করিলে গণনা;
তবানুজ বাসুদেব মমানুজ-চিরসখা
—তাও ভাবিলে না?
উভয়েই শিষ্ঠ্য তব উচিত উভয়-প্রতি
তুল্য অনুরাগ;
হতভাগ্য আমা প্রতি মহসা বিমুখ হ'লে
—এ কি তব ভাব?

(দ্রৌপদীর নিকটে গিয়া) পাঞ্চালি! ওঠো ওঠো—
দেখ আমাদের উভয়ের সমান দুঃখ। তুমি
মুচ্ছিত হয়ে আবার কেন আমাকে ব্যাকুল কর
বল দিকি?

দ্রৌ। (সংজ্ঞা লাভ করিয়া) নাথ! ভীমসেন!
দুঃশাসন আমার যে চুল খুলে দিয়েছে, দুর্ঘোষনের
রক্ত হাতে মেখে তুমি তা আবার বেঁধে দেও।
ওলো বুদ্ধিমতিকে! তোর সন্মুখেই তো নাথ
ঐরূপ প্রতিজ্ঞা করেছিলেন। আর, “এইবার
চুল-বাঁধা আরম্ভ কর” এই কথা বাসুদেবও তো
আজ্ঞা করেছিলেন। এখনি তবে ফুলের মালা
আমার চুল বেঁধে দেও; পুরুষোত্তমের কথা
রাখো; তিনি কখন অলীক কথা বলেন না।
অথবা, শোক-সন্তপ্ত হয়ে আমি এ কি কথা বলছি?
—না, সে কিছু নয়, আমি এখন সেই দূর-গত
আর্য্যপুত্রের অনুগামী হই। মহারাজ! আমার
চিতা জ্বালাও, তুমিও ক্ষত্রধর্মের অনুবর্তী হয়ে
সেই জীবনহারী নাথের অভিমুখী হও।

যুধি। পাঞ্চালী ঠিক কথা বলেছেন। দেখ কঞ্চুকি!
আমিও চিতার ভাগী হয়ে এই হতভাগিনীর
দুঃখ উপশম করি। তুমি আমার ধনু সজ্জিত
ক'রে নিয়ে এসো; কিন্তু না—এখন ধনুতেই বা
কি হবে?

ধনু করি বিসর্জন যাই আমি রণ-মাঝে
ভীম-অঙ্গ-রক্ত-মাথা
গদা হস্তে লয়ে,
দ্রাতৃ-অনুরাগ-বশে অর্জুন করিল যাহা
মোরো পক্ষে তাই শ্রেয়
—কি হবে বিজয়ে?

রাক্ষ। রাজন্! তোমার চিত্ত যদি রিপুজয়ে বিমুখ
হয়ে থাকে, তবে সেখানে গিয়ে আর কি হবে?
—যে-কোন স্থানে হোক প্রাণত্যাগ করলেই তো
*হয়।

কঞ্চু। (সরোষে) দিক! এ তো মুনি-সদৃশ কথা নয়,
এ যে তোমার রাক্ষসের মত কথা।

রাক্ষ। (স্বগত) কি সর্কনাশ! আমাকে জানতে
পেরেছে না কি? (প্রকাণ্ডে) ওগো কঞ্চুকি!
দেখ, অর্জুন ও দুর্ঘোষন এখন গদা বুদ্ধে প্রবৃত্ত;
আর, দুর্ঘোষনের ভুজ-বল গদাতেই। রাজর্ষি

এখন শোকার্ত হয়েছেন, তাঁর আবার কোন
অনিষ্ট পাছে শুনতে হয়, সেই ভয়ে ঐ কথা
বলেছিলেম।

যুধি। (অশ্রু মোচন করিয়া) সাধু মহর্ষি সাধু!
তুমি বন্ধুর মতই বলেছ।

কঞ্চু। মহারাজ! আপনি যে দেব-তুল্য, আপনি
এখন সামান্য লোকের মত ক্ষাত্র-ধর্ম ত্যাগ
করতে উচ্ছত?

যুধি। দেখ জয়ধ্বর!

বাহু-দণ্ড বাহাদেব

স্থূল দৃঢ় পরিখ-সমান,

কুবের বরুণ ইন্দ্র

—ততোধিক যারা বীর্যবান,

সেই ভীমার্জুন-দ্বয়ে

দেখি এবে ধরাশায়ী রণে

কৃতার্থ হইল রিপু

—ইহা আমি দেখিব কেমনে?

পাঞ্চল-রাজ-তনয়ে! আমার জন্মই তোমার
এই শোচনীয় দশা ঘটল। যতক্ষণ না চিতাধি
প্রস্তুত হচ্ছে, ততক্ষণ এসো আমরা আত্মীয়,
বন্ধুদের নিকট গিয়ে বিদায় নি।

দ্রৌ। দেখ কঞ্চুকি! তুমি কাষ্ঠ সঞ্চিত করে রাখো।
কি আশ্চর্য্য, মহারাজের কথা যে কেউই শুনছে
না। হা নাথ! তুমি না থাকায় মহারাজ এখন
পরিজনদের নিকটেও অপমানিত হচ্ছেন।

রাক্ষ। এই সহমরণ ভরত-বধুদেরই উপযুক্ত।

যুধি। মহর্ষি! আমাদের কথা তো কেহই শুনছে
না। আপনি ইচ্ছন দিয়ে আমাদের অমুগ্ধীত
করুন।

রাক্ষ। এ মুনিজনের বিরুদ্ধ কক্ষে। (স্বগত)
আমি অভিপ্রায় সিদ্ধ হয়েছে। এখন অলঙ্কিত
হয়ে আমি নিকটেই কাষ্ঠ জ্বালিয়ে দি।
(প্রকাশে) রাজন্! আমি এখানে আর থাকতে
পারছি নে।

[প্রস্থান।

যুধি। দেখ কঞ্চু! কেহই আমাদের কথা শুনছে না।
এসো আমরা নিজেই কাষ্ঠ সঞ্চয় করে চিতা
জ্বালাই।

দ্রৌ। মহারাজ! এখন—এখন।

(নেপথ্যে কোলাহল)

দ্রৌ। (সভয়ে শুনিয়া) মহারাজ! কার বেন
তেজোবল-দর্পিত নির্ঘোষ শোনা যাচ্ছে; আরও
কোন অপ্রিয় সংবাদ বোধ হয় শুনতে হবে, তাই
এত বিলম্ব হচ্ছে।

যুধি। আর বিলম্ব নয়, ওঠো। (সকলের পরিক্রমণ)
দেখ পাঞ্চালি! পরিজনদের বারণ করে দেও,
তারা বেন মাতাকে ও সপত্নীদের এ কথা কিছু
না বলে।

দ্রৌ। মহারাজ! মাতাকে এইরূপ শুধু বলে
পাঠাব, সেই বক-হিড়িম্ব-কিন্দীর-স্বরাসন্ধ-জয়ী
মহাবীরও আমার জন্ম হতাশ হয়ে পরলোকগত
হয়েছেন।

যুধি। ভদ্রে বুদ্ধিমতিকে! আমাদের নাম করে
মাকে তুমি এই কথা বলে এসো:—

জননি!

সেই জতুগৃহদাহে তোমারে যে উদ্ধারিল

ভুজবলে—পুত্রদের সনে

—সেই বলী প্রিয় পুত্র—তার অমঙ্গল কথা

তোমা কাছে বলিব কেমনে?

আর, দেখ জয়ধ্বর! তুমি সহদেবেরও কাছে
গিয়ে এই কথা বলবে:—তুমি পাণ্ডুকুলের বৃহ-
স্পতি, তোমার বৈমাত্রেয় ভাই, সকল-কুরুকুল-
কমলাকরের যে বাড়বানল—সেই যুধিষ্ঠির এখন
পরলোকে প্রস্থান করতে উচ্ছত। তুমি আমার
অজ্ঞাবহ প্রিয় অহুজ; তুমি কি বিপদে কি সম্পদে
সর্বদাই অমুগ্ধ-চিত্ত ধৈর্য্য-শালী ও আমার
আশ্রয়-স্থল; তোমাকে আলিঙ্গন করে তোমার
শির আশ্রয় করে আমি এই প্রার্থনা করছি:—

বয়সে অধিক আমি,

জ্ঞানে তুমি আমার সমান,

সহজ দয়ায় জ্যেষ্ঠ,

বুদ্ধিতে তুমি-ই গরীয়ান।

কৃতাজ্জলি হয়ে এবে

যাচি এই তব সন্নিধান:—

মোর মায়া ত্যাগ করি

পিতৃদেবে কোরো বারি দান।



তা ছাড়া, রালো যাকে আমি লালন-পালন
করেছি, যার হৃদয় প্রসন্ন-তুল্য সারবান, সেই
নিষ্ঠা-অভিমানী নকুলও যেন আমার আজ্ঞামত
এইখানেই থাকে। আর ভাই, তুমিও যেন আমার
পদানুসরণ না কর।

বিমল-বিবেক-বশে আমারে ও ভীমার্জুনে
ক'রি বিশ্বরণ
—আমরা হইলে গভ— অশ্র-মিশ্র জল-বিন্দু
করিবে অর্পণ;
—যেথায় থাক না কেন, জাতি-গৃহে, কাষ্টারে বা
যাদব-ভবনে—
—করি গো মিনতি এই—আপন শরীর-রক্ষা
করিবে যতনে।

দেখ, জয়ধর! আমাদের গা ছুঁয়ে শপথ কর,
নকুল-সহদেবকে এই কথা গিয়ে বলবে:—
আমাদের মৃত্যুর পর তারা যেন আমাদের পদানুসরণ
না করে।

দ্রৌ। ওলো বুদ্ধিমতিকে! আমার নাম ক'রে
প্রিয়সখী স্তম্ভদ্রাকে বলিস, বাছা উত্তরার গর্ভের
চতুর্থ মাস উপস্থিত হলে, সেই গর্ভস্থ বংশধরকে
যেন সে সাবধানে রক্ষা করে। পরলোকগত
ঋতুরকুলের ও আমাদের তা হলে জলবিন্দু পাবার
সম্ভাবনা থাকে।

যুধি। (সংশ্লোচনে) ওঃ! কি কষ্ট!

শাখা-প্রশায় যার আচ্ছাদিত ভূমণ্ডল
—দিক্ বিভূষিত,
ঋদ্ধ যার স্থল-কায়, আলবালে মহামূল
যাহার বেষ্টিত
—সেই সে মহান তরু দৈব-বশে হয়ে দধ্ব
সুস্থ অঙ্গুর তাহে হইলে উদগম
—ছায়ার্থী আমরা যে গো— তাহাতেই আমাদের
আশা-বৃত্ত কোনমতে করি গো বন্ধন।

(কঞ্চুকীকে দেখিয়া) জয়ধর! আমাদের গা
ছুঁয়ে শপথ করলে, তবুও যাচ্ছ না?

কঞ্চু। (কাঁদিয়া) হা মহারাজ পাণ্ডু! অজাতশত্রু,
ভীমার্জুন, নকুল-সহদেব—তোমার এই পুত্রদের
এ কি দারুণ পরিণাম! হা দেবি কুন্তি!
ভোজরাজ-ভবন-পতাকা!

তব ব্রাতৃপুত্র কঞ্চু,— তাঁরি জ্যেষ্ঠ, অর্জুনের
শ্রীলক—আচার্য্য বলরাম
মত্ত বা উন্নত হয়ে, কুরু-গদা-বন-দস্তী
ভীমের গো নাশিল পরাণ।

সেই সঙ্গে একেবারে দধ্ব হ'ল তব সেই
তনয়-কানন
—যাহারা করিত সবে ধরণীতে সুশীতল
ছায়া বিতরণ।

[কাঁদিতে কাঁদিতে প্রস্থান।

যুধি। জয়ধর! জয়ধর!

(কঞ্চুকীর-প্রবেশ)

কঞ্চু। আজ্ঞে মহারাজ!

যুধি। আর একটা কথা বলি শোনো। যদি
সৌভাগ্যক্রমে তোমাদের কখন আবার জয় হয়,
তা হলে আমার নাম ক'রে অর্জুনকে বলবে:—

হলধর হেতু বটে আমার স্নেহের সে
অনুজ-নিধনে,
তবু সেই কৃষ্ণাঙ্গ স্বাভাবিক সখা তব
জানিও গো মনে।

তাই বলি, শোনো ভাই,
না করিও তাঁর পরে রাগ;
যাও বনে, নিরদয়

ক্ষত্র-ধর্ম করি পরিত্যাগ।

কঞ্চু। যে আজ্ঞে মহারাজ।

[প্রস্থান।

যুধি। (অগ্নি প্রজ্জ্বলিত দেখিয়া সহর্ষে) ঐ দেখ,
শিখারূপ হস্ত উত্তোলন ক'রে অগ্নিদেব আমার মত
ছঃখী জনকে আহ্বান করছেন—এইবার তবে
ভগবান হতাশনকে ইন্ধনস্বরূপ আপনাকে অর্পণ
করি।

দ্রৌ। ক্ষান্ত হও মহারাজ, তোমার ছায় আমারো
সমান অকৃত্রিম প্রণয়, আমিই আগে বাব।

যুধি। এসো, একসঙ্গেই এই সৌভাগ্য ভোগ করা
যাক।

দাসী। হা ভগবান লোকপালগণ! এই চন্দ্রবংশীয়
রাজর্ষিকে রক্ষা কর, রক্ষা কর। যিনি রাজস্বয়
যজ্ঞে ও খাণ্ডব-বনে অগ্নিদেবের তৃপ্তিসাধন
করেছেন, যিনি অর্জুনের জ্যেষ্ঠ ভ্রাতা, ইনি সেই

সুগৃহীত-নামা মহারাজ যুধিষ্ঠির। আর ইনি
পাঞ্চাল-রাজকুল-দেবতা, যজ্ঞবেদিসম্বতা দেবী
যাজ্ঞসেনী। এঁরা দুজনেই, নির্দয় কালাগ্নিমধ্যে
আমাদের ইচ্ছনরূপে নিক্ষেপ করছেন। রক্ষা
কর, রক্ষা কর। (তাঁহাদের উভয়ের সম্মুখে
পতিত হইয়া) মহারাজ! দেবি! আপনারা
করছেন কি?

যুধি। দেখ বুদ্ধিমতিকে! দ্রৌপদী নাথ-হারা হয়ে,
আর আমি প্রিয় অহুজ্জ-হারা হয়ে, আমরা যা
করতে পারি তাই করছি। ওঠো, জল নিয়ে
এসো।

দাসী। যে আজ্ঞে মহাবাজ। (প্রস্থান করিয়া
পুনঃপ্রবেশ) জয় মহারাজের জয়!

যুধি। পাঞ্চালি! তুমি তবে এখন তোমার অনুরক্ত
বুকোদরের ও প্রিয় অর্জুনের উদক-ক্রিয়ার
অনুষ্ঠান কর।

দৌ। মহারাজ, তুমি কর—আমি ততক্ষণ অগ্নি-মধ্যে
প্রবেশ করি।

যুধি। দেখ, লোকাচার অনতিক্রমণীয়; আচ্ছা
বাছা, জল নিয়ে এসো।

দাসী। (তথাকরণ)

যুধি। (পদ প্রক্ষালন ও আচমন করিয়া) এই জল
গাঙ্গেয় গুরুদেব শান্তনু-নন্দন প্রপিতামহ ভীষ্মকে
—এই জল পিতামহ চিত্রবীর্যকে। (সাশ্লোলোচনে)
তাত! এইবার তোমার পালা। এই জল স্বর্গস্থ
গুরুদেব পিতা সুগৃহীতনামা মহারাজ পাণ্ডুকে।

আজ হতে আর নাহি

পাবে জল আমার এ হাতে;

তোমারে ও জননীরে

দেই জল, পিয়ে একসাথে।

জলজ-নীল-লোচন ভীম ওগো! এই জল

তব তরে দত্ত,

তোমার আমার তরে, থাকুক গো ইহা এবে

হয়ে অবিভক্ত।

পিপাসিত হইলেও ক্ষণকাল তরে তুমি

থাকো দৈর্ঘ্য ধরি;

তব সনে এক-সাথে পি'তে জল আসিতেছি

আমি ত্বর করি।

অথবা, তুমি ভাই স্নানক্রিয়দের গতি লাভ

করেছ, আমি মৃত হলেও বোধ হয় তোমাকে আর
দেখতে পাব না। ভাই ভীমসেন!

মোর পান হ'লে শেষ তবে করিয়াছ পান

তুমি মাতৃ-স্তন,

আমার উচ্ছিষ্ট হৃদে তুমি করিয়াছ পরে

জীবন ধারণ।

সোম-যজ্ঞেতেও দেখ আমা-তোমা-মাঝে ছিল

এমনি বিধান:

বল দেখি কেন তবে মোর অগ্রে পিণ্ড-জল

করিতেছ পান?

কৃষ্ণা! ভীমকে এইবার তুমি জলাঞ্জলি দেও।

দ্রৌ। ওগো বুদ্ধিমতিকে! আমাকে জল দে।

দাসী। (তথাকরণ)

দ্রৌ। (নিকটে গিয়া, এক অঞ্জলি জল লইয়া)

কাকে জল দেব?

তারে দেও জল ওগো! স্বর্গলাভ হইয়াছে

সহসা যাহার,

যার তরে কাঁদি কাঁদি গান্ধারীর তুল্য দশা

হয়েছে মাতার।

দেখ নাথ! পরিজনেরা যে জল এনেছে, এই

জল স্বর্গে তোমার পানোদক হবে।

যুধি। অর্জুনাগ্রজ!

মমানুজ ভীম ওগো! প্রতিজ্ঞা না করি পূর্ণ

গেছ তুমি চলি';

মুক্তকেশ হইয়াই দিলেন তোমার প্রিয়া

এই জলাঞ্জলি।

দ্রৌ। ওঠো মহারাজ! দেখ, তোমার ভ্রাতা দূরে
চ'লে যাচ্ছেন।

যুধি। (দক্ষিণ চক্ষু স্পন্দন) পাঞ্চালি! স্বর্গে গিয়ে
বুকোদরকে আলিঙ্গন করতে পারবে, তারই এই
নিমিত্ত-সূচনা হচ্ছে। আচ্ছা, এইবার তবে অগ্নি-
মধ্যে শীঘ্র প্রবেশ করা যাক।

দ্রৌ। আ! এইবার আগুন জ্বলচে।

(নেপথ্যে কোলাহল)

(ত্রস্তব্যস্ত হইয়া কণ্ঠকীর প্রবেশ)

কণ্ঠ। মহারাজ! রক্ষা করুন, রক্ষা করুন!

রক্তাক্ত-বসনে, যম-দণ্ডের ছায় রক্ত-ধিগু



গদা-বজ্র উত্তোলন ক'রে, সাফাৎ-মের মত সেই
কৌরবধর্ম, পাঞ্চাল-রাজ-তনয়াকে ইতস্ততঃ
অন্বেষণ করতে করতে এই দিকেই আসছে।

যুধি। হা!—দৈবই দেখছি সন্ধান ব'লে দিয়েছেন।

হা গাণ্ডীবধারী অর্জুন! (মুচ্ছিত-প্রায়)

দ্রৌ। হা আর্য্যপুত্র! ধনঞ্জয়, তোমাকেই যে আমি
স্বয়ম্বরে বরণ করেছিলাম—কোথায় তুমি? তুমি
এই সময়ে এসে তোমার প্রিয় ভ্রাতা মহারাজকে
—এই দাসীকে কেন দেখা দিচ্ছ না? (মুচ্ছিতা)

যুধি। হা! অদ্বিতীয় বীর! তুমিই নিবাত্ত-
কবচকে নিহত ক'রে দেবলোককে নিদ্বন্দ্বিত
করেছিলে; তুমিই তো বদরী আশ্রমের দুই মুনি
নর-নারায়ণের মধ্যে দ্বিতীয় মুনি। তোমারই
তো অঙ্গশিক্ষার প্রভাব দেখে ভীষ্মদেব তুষ্ট
হয়েছিলেন। হা! তুমিই রাধেয়-কুল-কমলিনীর
প্রথম-বর্ষা! তুমিই দুর্যোধনকে চিত্ররথের হস্ত
হতে মুক্ত করেছিলে।—হা পাণ্ডব-কুল-কম-
লিনীর রাজহংস!

স্নেহময়ী জননীর

না করিয়া চরণ বন্দন

আমারেও না বলিয়া

—না করিয়া গাঢ় আলিঙ্গন,

স্বয়ম্বর-বধু তব—

তাহারেও না কিছু জিজ্ঞাসি

কোথা গেলে ভাই তুমি

হইয়া গো সুদীর্ঘ প্রবাসী?

(মুচ্ছিত)

কঞ্চু। ওঃ, কি কষ্ট! এই ছুরাঙ্গা সুযোধন এই
দিকেই যে আসছে—এখানে এসে দেখছি ও যা
ইচ্ছা তাই করবে। এই সময়ে কালোচিত্ত
প্রতিকার করা আবশ্যিক। বাছা বুদ্ধিমতি!
পাঞ্চাল-রাজতনয়াকে শীঘ্র এই চিতার নিকটে
নিয়ে এসো। (দাসীর প্রতি) বাছা! তুমিও
দেবীর ভ্রাতা ধৃষ্টদ্যুম্নকে কিম্বা নকুল-সহদেবকে
বল;—এখন ভীমার্জুন অন্তগত, এই অসহায়
অবস্থায় মহারাজের আর পরিত্রাণ কোথায়?

(নেপথ্যে কোলাহল)

ওগো সমস্ত-পঞ্চক-নিবাসিগণ! দেখ,
রক্তাশ্বাদন-মত্ত রক্ষ-যক্ষ পিশাচ-ভূত—আর কঙ্ক

গৃধ্র জম্বুক উলুক বায়স প্রভৃতিরাই এখন
অবশিষ্ট—যোদ্ধাদের আর কোথাও দেখা যাচ্ছে
না। আমাকে দেখে তবে আর ভয় করছ কেন?
যাজ্ঞসেনী এখন কোথায় বল দিকি?—আমি
কি তাঁর লক্ষণ বর্ণনা করব? আচ্ছা শোনো:—

তাড়ন করিয়া উরু দুঃশাসন লীলাচ্ছলে

বস্ত্র যার করে উন্মোচন,

আর যার মস্তকের কবরী খুলিয়া দেয়

কেশগুচ্ছ করি আকর্ষণ,

—সেই সে দ্রৌপদী দেবী— বল দেখি মোরে, তিনি
কোন স্থানে আছেন এখন?

কঞ্চু। হা দেবি যজ্ঞ-বেদি-সম্মুখে! তুমি এখন
অনাথা, তাই তোমাকে সেই কুরু-কলঙ্ক দুর্যোধন
অপমান করতে আসছে।

যুধি। (সহসা উঠিয়া) পাঞ্চালি! ভয় নাই, ভয়
নাই। কে আছে এখানে? আমার ধনুর্বাণ
শীঘ্র নিয়ে আয়। ছুরাঙ্গা দুর্যোধন! আয়,
এই বাণ-বর্ষণে তোর গদা-কৌশল-সম্মুত ভুজদর্প
চূর্ণ করি। আর দেখ, কুরুকুলাঙ্গার!

জরাসন্ধ-শত্রু সেই প্রিয় অনুজেরে মোর

দেখিয়া নিহত

—আর সেই ভাই যে গো হর-কিরাতের সনে

হন বুদ্ধে রত—

তাদের নিধনে আমি না পারি করিতে আর

পরান ধারণ;

কিস্ত জ্বর-চেতা ওরে! তোর প্রাণ সংহারিতে

আমি কি অক্ষম?

(রক্তাক্ত-কলেবর গদাপাণি ভীমসেনের প্রবেশ)

ভীম। (উদ্ধতভাবে পরিক্রমণ) ওগো! সমস্ত-
পঞ্চক-সঞ্চারী সৈনিকেরা! আমাকে দেখে
তোমাদের এত ভয় কেন?

রক্ষ নই, ভূত নই, গভীর প্রতিজ্ঞা-সিদ্ধ

উত্তীর্ণ হয়েছে যেই,

—আমি সেই ক্ষত্রিয় কুপিত,

রণানল-দগ্ধ শেব হে রাজস্ব বীরগণ!

হত-করি-অশ্ব-পার্শ্বে,

পুকাইছ কেন হয়ে ভীত?

তোমরা বল, পাঞ্চালী কোথায়?

কণ্ঠ। দেবি! পাণ্ডু-পুত্র-বধু! ওঠো ওঠো, এখন চিতা-প্রবেশ করা শ্রেয়ঃ।

দ্রৌ। (মহসা উঠিয়া) কি? এখনও আমি চিতার কাছে যাই নি?

যুধি। কে আছে এখানে? তুণীর-সমেত আমার ধনু নিয়ে আয়। কি?—কোনও পরিজনই এখানে নেই? আচ্ছা, তবে বাছ-যুদ্ধেই হুরাআকে গাঢ় আলিঙ্গন করে, তার পর অধি-মধ্যে প্রবেশ করি। (কটি বন্ধন)

কণ্ঠ। দেখ দেবি! হঃশাসন-আকৃষ্ট নেত্র-রোধী এই কেশ-পাশ এইবার বন্ধন কর। আর প্রতীকারের আশা নাই। শীত্র চিতার নিকটে এসো।

যুধি। না না, সেই হুরাআ হুর্যোধন নিহত না হ'লে কেশ বন্ধন করা উচিত নয়।

ভীম। দেখ পাঞ্চালি! হঃশাসন যে চুল খুলে দিয়েছে,—আমি বেঁচে থাকতে—সে চুল নিজের হাতে কখনই তুমি বাঁধতে পারবে না।

(দ্রৌপদী ভয়ে পলায়নোচ্ছত)

ভীম। ভীকু! দাঁড়াও দাঁড়াও—এখন কোথায় যাচ্ছ? (কেশ ধরিতে উচ্ছত)

যুধি। (সবেগে আসিয়া ভীমকে আলিঙ্গন) হুরাআ! ভীমার্জুন-শত্রু! হতভাগা হুর্যোধন!

আশৈশব প্রতিদিন
অপরাধ করি পদে পদে,
ছটি রাজপুত্রে তুই
বধিলি রে মত্ত ভুজ-মদে।
এবার পেয়েছি তোরে
মোর এই ভুজ-অভ্যস্তরে,
না পাবি যাইতে তুই
প্রাণ লয়ে এক-পা অস্তরে।

ভীম। এ কি! সুর্যোধন মনে ক'রে দাদা আমাকে এরূপ নিদ'য়ভাবে আলিঙ্গন করছেন কেন? দাদা! ক্ষান্ত হোন, ক্ষান্ত হোন।

কণ্ঠ।—(দেখিয়া সহর্ষে) কি?—কুমার ভীমসেন?—মহারাজ! কি সৌভাগ্য! কুমার ভীমসেনই বটে। পরিধান-বস্ত্র হুর্যোধনের রক্তে রক্তময়, তাই চিন্তে পারা যাচ্ছিল না—এখন আর কোন সন্দেহ নাই।

দাসী।—(দ্রৌপদীকে আলিঙ্গন করিয়া) প্রতিজ্ঞা পূর্ণ ক'রে চুল বেঁধে দেবার জন্ত কুমার ভীমসেন তোমায় খুঁজছেন।

দ্রৌ।—ওলো! আমাকে অলীক কথা ব'লে কেন আখাস দিচ্ছিস বল দিকি?

যুধি।—জয়ধ্বজ! সত্যই কি ভীম?—না আমার শত্রু সেই হতভাগা সুর্যোধন?

ভীম।—মহারাজ অজাতশত্রু! এখন আর সেই সুর্যোধন কোথায়?—সেই পাণ্ডবকুল-অপমান-কারী হুরাআর শরীর আমি :—

ভূমিতে করেছি ক্ষিপ্ত, লিপ্ত এবে ভীম-গাত্র
দেখ এই রক্তের চন্দনে,
সমাগরা ধরা-নহ রাজলক্ষ্মী প্রতিষ্ঠিত
তোমাতেই নৃপতি এক্ষণে।
রণ-দাবানলে দগ্ধ সমস্ত কোরব-কুল
—ভৃত্য মিত্র বীর নাহি লেশ,
যে নাম করিলে এবে, —ধার্তরাষ্ট্র-মাঝে, সেই
নাম মাত্র আছে অবশেষ।

যুধি।—(ভীমকে অবলোকন করিয়া অশ্রু-মার্জুন)

ভীম।—(পদতলে পতিত হইয়া) জয় হোক দাদার!

যুধি।—ভাই! অশ্রু-জলে আমার চক্ষু আচ্ছন্ন, তাই তোমার মুখ-চন্দ্র আমি দেখতে পাচ্ছি নে। বল, তুমি ও অর্জুন তোমরা প্রাণে-প্রাণে বেঁচে আছ তো?

ভীম।—আপনার শত্রু-পক্ষ সমস্ত নিহত—ভীমার্জুনও বেঁচে আছে।

যুধি।—(সন্মোহে পুনর্বার গাঢ় আলিঙ্গন করিয়া)

রিপু-বধ-কথা থাক
তাহে কিবা প্রযোজন আর?
তুমি সেই বক-রিপু
ভীম কি না—বল শতবার।

ভীম।—হাঁ দাদা—আমিই সেই ভীম।

যুধি।—

জরাসন্ধ-উরু-সরে
—তার সেই রুধিরাক্ত জলে
তুমিই মকর-সম
করিয়াছ কেলি কুতূহলে?

ভীম।—হাঁ, আমিই সেই ভীম। দাদা! ক্ষণেকের জন্ত আমাকে এখন ছেড়ে দিন।



যুধি। কেন, আর কি কিছু বাকি আছে ভাই?
ভীম। প্রধান কর্মই বাকি! এই দুর্ঘোষনের
রক্ত শুকুতে না শুকুতেই দ্রৌপদীর বেণী বন্ধন
ক'রে দিতে হবে।

যুধি। শীঘ্র যাও ভাই, অভাগিনী দ্রৌপদীর আজ
বেণী-সংহার উৎসব সস্তোগ হোক।

ভীম। ওগো পাঞ্চাল-রাজতনয়ে! সুসংবাদ বলি
শোনো, আমি এইমাত্র শক্রকুল ধ্বংস ক'রে
এলেম।

দ্রৌ। জয় হোক নাথ জয় হোক! (ভয়ে দূরে গমন)

ভীম। আমাকে দেখে ভয় পাচ্ছ কেন? দেখ:—
বুদ্ধিমতিকে! পাণ্ডব-পত্নীকে যে উপহাস করে-
ছিল, সেই ভানুমতী এখন কোথায়? ওগো
যজ্ঞবেদি-সম্ববে যাজ্ঞসেনি!

দ্রৌ।—আজ্ঞা কর নাথ।

ভীম।—

নৃপতি-সভার মাঝে
নর-পশু সেই দুঃশাসন
তব কেশ-গুচ্ছ ধরি
সবলে করিল আকর্ষণ,
পীত-শেষ রক্তে তার
সিক্ত মোর এই কর-দ্বয়
কর স্পর্শ; দেখ প্রিয়ে!

আর এই রক্ত সমুদয়
—গদাঘাতে বিচূর্ণিত কুরু-রাজ উরু হতে
যাহা বিনিঃসৃত—

অঙ্গে অঙ্গে লিপ্ত হয়ে অপমানানল তব
হোক নির্কাপিত।

বুদ্ধিমতিকে! এখন সে ভানুমতী কোথায়?
পাণ্ডব-পত্নীকে সে তখন উপহাস করেছিল না?
দেখ, যজ্ঞবেদি-সম্ববে! যাজ্ঞসেনি!

দ্রৌ। আজ্ঞা কর নাথ!

ভীম। প্রিয়ে! মনে আছে যা আমি তোমার
কাছে প্রথমে ব'লে গিয়েছিলেম? (“চলন্ত
ভুজ-ঘূর্ণিত গদার আঘাতে” ইত্যাদি পুনরাবৃত্তি)

দ্রৌ। মনে আছে বৈ কি। আর শুধু মনে থাকা
নয়—এখন আবার তা প্রত্যক্ষ দেখছি।

ভীম। দেখ, দুঃশাসন যে বেণী খুলে দিয়েছিল, যে
বেণী দার্তরাষ্ট্রকুলের কালরাত্রিস্বরূপ, সেই
বেণী—এস প্রিয়ে—এইবার বেধে দি।

দ্রৌ। অনেক দিন চুল বাধি নি—এ কাজ একেবারে
ভুলেই গিয়েছিলেম, তোমার প্রসাদে আবার
আমার সে শিক্ষা হবে।

ভীম। (বেণীবন্ধন)

(নেপথ্যে)

মহাসমরাগ্নির দগ্ধ-শেষ রাজকুলের স্বস্তি হোক!
যার কেশ উন্মোচনে, পাণ্ডু-পুত্র নৃপতির
ক্রোধাক্ত হইয়া অতি প্রবেশ সমরে
দিশি দিশি রাজাদের অন্তঃপুর-নারীগণে
মুক্ত-কেশ করিল গো চিরকালতরে;
সেই কৃষ্ণা-কেশ-পাশ *কুরু-ধুম-কেতু-প্রায়
—এবে তার হইল বন্ধন,
প্রজার নিধন এবে হউক বিরাম, আর
কল্যাণ লভুক নৃপগণ।

যুধি। দেবি, দেখ, এই নভস্তল-বিহারী সিদ্ধ-পুরুষেরা
তোমার বেণীসংহার হ'ল ব'লে আনন্দ প্রকাশ
করছেন।

(বাসুদেব ও অর্জুনের প্রবেশ)

বাসু। (নিকটে আসিয়া) যার সমস্ত অরাতি-মণ্ডল
নিহত, সেই অহুজ-পরিবেষ্টিত পাণ্ডব-কুল-চক্রমা
মহারাজ যুধিষ্ঠিরের জয়!

অর্জুন। ভগবানের জয়!

যুধি। (দেখিয়া) এ কি! ভগবান বাসুদেব যে!
আর, এই যে অর্জুন! ভগবান! অভিবাদন
করি। (অর্জুনের প্রতি) এসো ভাই এসো,
আমাকে আলিঙ্গন কর।

অর্জুন। (প্রণাম করণ)

যুধি। (বাসুদেবের প্রতি) দেব! ভগবান পুণ্ডরীক
স্বয়ং যাকে শুভ উপদেশ প্রদান করেছেন, তার
জয় ভিন্ন আর কি হতে পারে?

গুরুত্ব-গুণ-অম্বিত প্রকৃতি-বিকার-জাত
মূর্তি তোমার,

সৃষ্ট জীবদের তুমি সৃষ্টি-স্থিতি-লয়-হেতু
—ত্রিগুণ-আধার।

অচিন্ত্য অজর অজ— তব ধ্যানে যদি হয়
বিশ্ব-দুঃখ ক্ষয়,

প্রত্যক্ষ দর্শনে তব না জানি গো ভগবান
আরো কিবা হয়।

(অর্জুনকে আলিঙ্গন করিয়া) ভাই ! আমাকে আলিঙ্গন কর ।
বাসু । দেখে, ব্যাস-বাল্মীকি, জামদগ্ন্য, জাবালি প্রভৃতি এই সব মহর্ষিগণ তোমার মঙ্গল অভি-
ষেকের আয়োজন করছেন ; নকুল সহদেব সাত্যকি প্রভৃতি সেনাপতিগণ ও যাদব মংশ
মাগধকুলোদ্ভব রাজকুমারেরাও সেই নিমিত্ত তীর্থ-
বারি-পূর্ণ কলস-সকল স্বল্পে ধারণ ক'রে আছেন ;
আর চার্কাক তোমাকে প্রতারণা করেছে জানতে
পেরে আমিও অর্জুনকে সঙ্গে ক'রে সত্বর
এখানে এসেছি ।

যুধি । কি ? চার্কাক আমাদের প্রতারণা করেছে ?
(সরোষে) কোথায় সেই ধার্করাষ্ট্র-সখা রাক্ষসাদম
যে আমাদের একপ বিষম চিত্ত-বিভ্রম ঘটয়েছিল ?
বাসু । সেই ছুরাআকে ধৃত করা হয়েছে । এখন
মহারাজ ! বল, এ অপেক্ষা প্রিয়তর আকাজ্জা
তোমার আর কি আছে যা আমি পূর্ণ করতে
পারি ?

যুধি । ভগবান, তুমি যার প্রতি প্রসন্ন, তার তুমি কি
না ক'রে থাকো ? তবে কি না আমি সাধারণ
পুরুষার্থ লাভ করতে পারলেই সন্তুষ্ট—তার অধিক
প্রার্থনা করতে আমি অক্ষম । দেখুন, ভগবন্ !


হইয়া ক্রোধাক্ত মোরা করি রিপু-কুল ক্রম
অক্ষত আছি পঞ্চজন,
আমার হ্রনৌতি-হেতু যেই অপমানার্ণবে
হয়েছিল পাঞ্চালী পতন
—তা হতে উত্তীর্ণ এবে ; আর তুমি নরোত্তম !
স্বপ্রসন্ন মনে
সাদরে কহিছ কথা —পুণ্যবান মনে করি—
এ অধম মনে
—এর চেয়ে প্রিয়তর কি আর প্রার্থনা করি
তোমার সদনে ?

তথাপি, ভগবান আমার প্রতি প্রীত হয়ে আরও
যদি কিছু প্রসাদ বিতরণ করতে ইচ্ছা ক'রে থাকেন,
তা হ'লে আমার এখন এই প্রার্থনা :—

অরুপণ হয়ে লোকে শতবর্ষ পূর্ণ করি
থাকুক জীবিত ;
ভগবান ! তোমা-পরে অধৈধ ভক্তি যেন
হয় সমর্পিত ।
ভুবন-বৎসল ভূপ বিদ্বজ্জন-বন্ধু হোন্
—পুণ্য-কার্যে রত ;
—গুণ-বিশেষজ্ঞ হোন্, করুন রাজস্ব-বর্ণে
সৎকার নিয়ত ।

সমাপ্ত





মালতী-মাধব

[নাটক]

জ্যোতিরিন্দ্রনাথ ঠাকুর অনুবাদিত

পাত্রগণ

পুরুষ-বর্গ		স্ত্রী-বর্গ		নাট্যোল্লিখিত ব্যক্তিগণ	
মাধব	... মালতীর প্রেমাকাজক্ষী ।	মালতী	... অমাত্য ভূরিবসুর ছুহিতা, মাধবের প্রেমাকাজক্ষী ।	পদ্মাবতীর রাজা ।	
মকরন্দ	... মাধবের মিত্র ও মদয়স্তিকার প্রেমাকাজক্ষী ।	মদয়স্তিক	... নন্দনের ভগিনী, মালতীর সখী ও মকরন্দের প্রেমাকাজক্ষী ।	নন্দন	... রাজার নর্স-সখা ও মদয়স্তিকার ভ্রাতা ।
কলহংস	... মাধবের পরিচারক ।	কামন্দকী	... বৌদ্ধ তাপসী ।	ভূরিবসু	... রাজার মন্ত্রী, মালতীর পিতা ।
অধোরঘণ্টা	... চামুণ্ডা-মন্দিরের পুরোহিত ।			দেবরাত	... মাধবের পিতা ও কুন্দিনীপুরের অমাত্য ।
এক জন দূত ।				কপালকুণ্ডলা	... চামুণ্ডার পুরোহিতা ।
				সৌদামিনী	... কামন্দকীর শিষ্যা ও সিন্ধা যোগিনী ।
				লবঙ্গিকা	... মালতীর সখী ।
				বুদ্ধরক্ষিতা	} ... কামন্দকীর শিষ্যাভয় ।
				অবলোকিতা	
				পরিচারিকাগণ ।	

অনুবাদকের মন্তব্য

“মালতী-মাধব” কোন পৌরাণিক কাহিনী অবলম্বন করিয়া বিরচিত হয় নাই। ইহার আখ্যান-বস্তু সমস্তই মহাকবি ভবভূতির স্বকপোল-কল্পিত। ইহা দশ অঙ্কে বিভক্ত এবং ইহা “প্রকরণ”-শ্রেণীয় নাটকের অন্তর্গত। কবি-কল্পিত লৌকিক বৃত্তান্ত লইয়াই প্রকরণ রচিত হইয়া থাকে। প্রকরণের নায়ক—বিপ্র, অমাত্য অথবা বণিক।

কাশ্মীরের ইতিহাস পাঠে জানা যায়, ভবভূতি খৃষ্টোত্তর অষ্টম শতাব্দীতে আবিভূত হইলেন। প্রথমে ইনি কনৌজের রাজা যশোবর্মার আশ্রয়ে ছিলেন, পরে কাশ্মীর-রাজ ললিতাদিত্য কনৌজ-রাজকে পরাভূত করিলে, ভবভূতি বিজয়ী রাজার সমভিব্যাহারে কাশ্মীরে যাত্রা করেন।

ভবভূতি দাক্ষিণাত্যের অধিবাসী। তাই তাঁহার রচনায় গিরি-নদী-অরণ্য-সঙ্কুল প্রাকৃতিক দৃশ্যের ভূরি ভূরি বর্ণনা লক্ষিত হয়।

মালতী-মাধব-প্রকরণ পাঠে অবগত হওয়া যায়, সে সময়ে অবরোধপ্রথা প্রবল ছিল না। দেখা যায়, মালতী হস্তি-পৃষ্ঠে সখীগণ সমভিব্যাহারে মদনোত্তানে যাত্রা করিতেছেন এবং সেখানে সেই মদনোৎসবের জনতার মধ্যে অবাধে ইতস্ততঃ বিচরণ করিতেছেন। সেই জন্তই তখন স্ত্রীপুরুষের মধ্যে “তারা-মৈত্রী,” “চক্ষু-রাগ,” বা প্রথম দর্শনের ভালবাসার সুযোগ ও অবসর হইত।

আরো জানা যায়, সে সময়ে বৌদ্ধ ও হিন্দুদের মধ্যে বিদ্বেষ-ভাব দূরে থাকুক, পরস্পরের প্রতি সমধিক শ্রদ্ধাভক্তি ছিল এবং বৌদ্ধধর্মও কতকটা হিন্দুধর্মের উদার বক্ষে বিলীন হইয়া গিয়াছিল। তখন সেই কাপালিক সম্প্রদায়েরও বিলক্ষণ প্রভাব ছিল।

কালিদাস ও ভবভূতি মৎস্কৃত-সাহিত্য-গগনে দুইটি উজ্জ্বলতম তারা। উভয়ের মধ্যে কে উজ্জ্বলতর, বলা সুকঠিন। উভয়েরই নিজস্ব ও বিশেষত্ব আছে। তবে, স্থানে স্থানে কালিদাসের ছায়া ভবভূতির রচনার মধ্যে স্পষ্টরূপে উপলব্ধি হয়। পূর্ববর্তী মহাকবিদের প্রভাব যে পরবর্তী কবিদের রচনায় কিয়ৎ-পরিমাণে সংক্রামিত হইবে, তাহাতে বিচিত্র কি?—উহা স্বাভাবিক।

আমার মনে হয়, নাট্য-কলার হিসাবে কালিদাস ভবভূতি অপেক্ষা শ্রেষ্ঠ। মালতী-মাধবের এক স্থলে এই কলা-কৌশলের অভাব বিলক্ষণ প্রকাশ পায়। যে স্থলে মালতী লবঙ্গিকা-ভ্রমে মাধবকে আলিঙ্গন করে, সেই স্থলটি ঠিক স্বাভাবিক বলিয়া মনে হয় না। মাধব স্ত্রীলোকের ছদ্মবেশ ধারণ করে নাই—লবঙ্গিকার ভাষার অনুকরণে কোন বাক্যালাপ করিতে চেষ্টা করে নাই—কেবল, মাধব সেই সময়ে লবঙ্গিকার স্থানে ঘাসিয়া দাঁড়াইয়াছিল—এই মাত্র। ইহাতে অতটা ভুল হওয়া কি স্বাভাবিক? সে সময়ে মালতীর চক্ষু কতকটা বাষ্পজলে রুদ্ধ ছিল বটে এবং কবির কথার আভাবে মনে হয়—সেই জন্তই মালতীর এইরূপ ভুল হইয়াছিল। কিন্তু ইহাতে ক্ষণিক ভুল হওয়াই সম্ভব, অতক্ষণ ধরিয়া ভুলক্রমে আলিঙ্গন ও বাক্যালাপ করাটা ঠিক মনে হয় না।

কালিদাস ও ভবভূতি উভয়েরই কবিত্বশক্তি অসাধারণ। কেহ কেহ বলেন, আদিরসে কালিদাস অদ্বিতীয়। আমার মতে, এ বিষয়ে ভবভূতিও বড় কম নহেন। মালতী-মাধব পাঠ করিলেই ইহা বিলক্ষণ প্রতীতি হয়। তবে, একটা কথা এই মনে হয়, কালিদাসের অপেক্ষা ভবভূতির আদিরসের বর্ণনায়, একটু যেন বেশি রক্ত-মাংসের সংস্রব আছে। এক বিষয়ে ভবভূতিকে কালিদাস অপেক্ষা শ্রেষ্ঠ বলিয়া মনে হয়। হৃদয়ের প্রবল আবেগ প্রকাশে ও করুণারসের বর্ণনায় ভবভূতি অদ্বিতীয়। সাধারণতঃ কালিদাসের রচনা অপেক্ষা ভবভূতির রচনায় অধিকতর রস-বৈচিত্র্য লক্ষিত হয়। মালতী-মাধবে আদি, ভয়ানক ও বৌভংস এই তিন রসের বিলক্ষণ প্রাচুর্য্য।

সংক্ষেপে বলিতে গেলে, কালিদাসের রচনা—পরিপাটী, পরিচ্ছন্ন, সুন্দর, সুমার্জিত, সুবিন্যস্ত, সুরমা উদ্যান এবং ভবভূতির রচনা—সুন্দর, ভীষণ, বীভৎসময়, নিবিড়, জটিল, বিপুল মহারণ্য!

মালতী-মাধব

প্রস্তাবনা

নান্দী ।

নৃত্য করে শূলপাণি তাধিয়া তাধিয়া
মৃদঙ্গ বাজায় নন্দো'আনন্দে মাতিয়া ।
তাহা শুনি ডাকি উঠে কার্তিক-ময়ূরে,
ফণি-পতি ভয়ে পশে গণপতি-গুড়ে ।
চীৎকার করিয়া কাঁপে ভয়ে গজানন,
গণ হতে ভুঙ্গ গুঞ্জ করে পলায়ন ।
এই সেই সিদ্ধিদাতা দেব বিনায়ক
চিরকাল তোমাদের হৃদক রক্ষক ।

পাচ :-

ভুঞ্জ-লতিকা-মালে বদ্ধ জটাঙ্গাল,
চূড়াদেশে বিভূষিত কপালের মাল,
মন্দাকিনী-অম্বুরাশি ঝরিতেছে তায়,
ললাটে লোচন-জ্যোতি বিছাতের প্রায়,
কোমল কেতক-শিখা-সম ইন্দু শোভে,
রক্ষুণ শঙ্কর সেই তোমাদের সবে ।

অপিচ :-

নয়নে পদ্মের পাতি, পিঙ্গল বিছাৎ-ভাতি
ঈষৎ মেলিলে ষাহা বিশ্ব ভঙ্গ হয়,
তাপি' যার তাপে ইন্দু, সুধামৃত বিন্দু বিন্দু
ঝঙ্কারিয়া মৃদুমন্দ অপাঙ্গেতে বয়,
সেই শঙ্কু ত্রিনয়ন, মদন-তনু দহন
রক্ষণ করুন সবে নাশি' ছঃখ-ভয় ।

নান্দ্যস্তে হৃত্রধার ।

বাহুল্যে প্রয়োজন নাই । (পূর্বদিকে অবলোকন
করিয়া) ভগবান স্বর্ঘ্যদেব ! তুমি ধরণীর শেষ
দ্বীপটি পর্য্যন্ত আলোকিত করেছ—এখন তোমার
পূর্ণ উদয় ! তোমাকে নমস্কার !

তেজের আধার শুভ, তুমি দেব বিশ্বের মুরতি !
বহিতে এ কার্য্য-ভার, পারি যাতে, দেহ গো শকতি ।

দূর কর জগন্নাথ, সর্ব পাপ, প্রণমি ও-পদে ।
কল্যাণ বিতর তুমি, ভগবান্, নিবার বিপদে ॥

(নেপথ্যাভিমুখে অবলোকন করিয়া)

দেখ নট-চূড়ামণি, এখন রঙ্গভূমির সমস্ত শুভ
কর্ম সুসম্পন্ন হয়েছে, সমস্ত আয়োজনও প্রস্তুত ।
এক্ষণে ভগবান কালপ্রিয়নাথের উৎসব উপলক্ষে,
দিগ্দিগন্তবাসী মহোদয়েরা এখানে সমবেত
হয়েছেন এবং এই শাস্ত্রবিশারদ বিদ্বজ্জন-মণ্ডলী
আমাকে এই আদেশ করছেন যে, কোন নূতন
“প্রকরণ”-নাটক অভিনয় ক'রে যেন সকলের
চিত্ত-বিনোদন করা হয় । কিন্তু এখন নটেদের
একুপ উদাসীন ভাব দেখছি কেন ?

(হৃত্রধারের সহকারী পারিপার্শ্বিক নটের প্রবেশ)

নট ।—মহাশয় ! কিরূপ গুণ-বিশিষ্ট নাটক অভিনয়
করা দর্শকমণ্ডলীর অভিপ্রায়, তা তো আমরা
জানি না ।

হৃত্রধার ।—আচ্ছা, বল দেখি নটবর, মহামান্ত্র
শাস্ত্রবিশারদ পণ্ডিত ও ব্রাহ্মণেরা নাটকের কোন্
কোন্ গুণের কথা উল্লেখ ক'রে থাকেন ?

নট ।—সেই গুণগুলি এই :-বিবিধ গভীর রসের
অবতারণা ; নায়ক-নায়িকার হৃদয়-প্রণয়-
চেষ্টার বর্ণনা ; মদন-ব্যাপারে উদ্ভূত বীরত্ব ;
বিচিত্র উপাঙ্গাস-কথা এবং সরস বাক-নৈপুণ্য ।

হৃত্রধার ।—তাই যদি হয়, তবে আমার মনে পড়েছে ।

নট ।—কোন্ নাটকটি বলুন দিকি ।

হৃত্র ।—দক্ষিণাপথে, বিদর্ভ দেশে, পদ্মপুর নামে এক
নগর আছে । সেখানে, তৈত্তিরীয়-শাখাধারী,
কাশ্যপ-গোত্রীয়, চরণ-গুরুপদিষ্ট, পংক্তি-পাবন,
পঞ্চাঙ্গি-সেবক, ব্রতপরায়ণ, সোমপায়ী কতক-
গুলি ব্রাহ্মণ বাস করতেন ।

সেই সে শ্রোত্রিয়গণ, তত্ত্বনির্ধারণ-তরে
করিতেন সমাধারে বেদ অধ্যয়ন,

পুণ্য-তরে অর্থার্জন, সন্তানার্থ দারগ্রহ,
তপস্বার্থ করিতেন আয়ুতে যতন।

সেই বংশোদ্ভূত সুগৃহীত-নামা গোপাল ভট্টের
পৌত্র এবং পবিত্রকীর্তি নীলকণ্ঠ ও জাতুকর্ণা
দেবীর পুত্র, শ্রীকণ্ঠ-উপাধিধারী ভবভূতি ভট্টাচার্য্য।
আন্তরিক সৌহার্দ্য-স্থলে আমাদের এই নট-
সম্প্রদায়ের সহিত এই কবি বিশেষরূপে পরিচিত।
তাই ইনি পূর্বেকৃত গুণে ভূষিত তাঁর স্বরচিত
একটি নাটক আমাদের হস্তে অর্পণ করেন।
তাতে এই কবিতাটি সন্নিবিষ্ট আছে :—

অল্পই বোঝে তারা
যারা করে মোর প্রতি অবজ্ঞা প্রকাশ,
তাহাদের তরে নহে
—বলি শুন—মোর এই রচনা-প্রয়াস।
জনমিতে পারে পরে
কিধা আছে কেহ মোর সমান-ধরমী,
অসম্ভব কিবা তাহে
কালের নাহিক সীমা, বিপুল ধরনী।

তা ছাড়া :—

বেদোপনিষদ তুমি কর অধ্যয়ন,
সাংখ্য-যোগ-শাস্ত্রজ্ঞান করহ কখন,
হও না সকল শাস্ত্রে পরম নিপুণ,
বাড়িবে না তাহে কভু নাটকের গুণ।
গম্ভীর প্রাঞ্জল যদি হয় গো বচন,
অর্থের গৌরব তাহে থাকে অনুক্ষণ,
তাতেই নাটকে হয় পাণ্ডিত্য প্রকাশ,
তাহাতেই রচনার নৈপুণ্য বিকাশ।

তাই বল্ছিলেম, আমাদের প্রিয় সুদৃশ্য ভবভূতি
যে প্রকরণ-নাটকটি আমাদের হস্তে অর্পণ
করেছেন, সেইটি এখন ভগবান কাল-প্রিয়নাথের
সম্মুখে অভিনয় করা যাক। অতএব নটেরা,
তোমরা সবাই এখানে এসে সঙ্গীত অভিনয়াদি
ক'রে আমার মনস্কামনা পূর্ণ কর।

নট।—(স্মরণ করিয়া) আপনি যা আদেশ করছেন,
তাই করা যাবে। যে ব্যক্তি যে অংশ অভিনয়
করবার উপযুক্ত, তাকে তো আপনি সেই অংশ
পূর্বেই অভ্যাস করিয়ে দিয়েছেন। বৌদ্ধ
পরিব্রাজিকার প্রথম ভূমিকাটি তো আপনি

অভ্যাস করেছেন, আর আমি তাঁর শিষ্য অব-
লোকিতার ভূমিকাটি অভ্যাস করেছি।

সূত্র। তার পর ?

নট। আচ্ছা, নাটকের যে নায়ক, সেই মালতীর
প্রণয়-পাত্র মাধব কখন সেজে আসবে, বলুন
দিকি ?

সূত্র। যখন মকরন্দ কলহংস প্রবেশ করবে, সেই
সময়ে।

নট। আচ্ছা, এখন তবে আমরা এই প্রসিদ্ধ
নাটকটি দর্শক-মণ্ডলীর সমক্ষে অভিনয় করতে
প্রস্তুত।

সূত্র। আচ্ছা, এই দেখ, আমি কামন্দকী হলেম।

নট। আর আমি, অবলোকিতা।

পরিক্রমণ করিয়া প্রস্থান।

ইতি প্রস্তাবনা।

প্রথম অঙ্ক

॥ বিকল্পক ॥

(রক্ত-পটিকাযুক্ত বস্ত্র পরিধান করিয়া কামন্দকী ও
অবলোকিতার প্রবেশ)

কাম। বৎস অবলোকিতা !

অব। আজ্ঞা করুন ভগবতি।

কাম। আমার ইচ্ছে, ভূরিবস্ত্রের কন্যা মালতীর
সঙ্গে দেবরাতের পুত্র মাধবের শুভ বিবাহ হয়।

(বামাঙ্গি স্পন্দনে হর্ষ)

শুভ কথা কহিতে কহিতে, অন্তরঙ্গ বামনেত্র
করিছে ক্ষুরণ।

অদক্ষিণ হয়ে ও যে, দাক্ষিণ্য-অনুকূলতা করয়ে
ধারণ ॥

অব। আপনার দেখছি বিঘম চিত্ত-বিক্ষেপ উপস্থিত !
কি আশ্চর্য্য ! একজন চীরধারী, ভিক্ষায়জীবী
তাপসীর হস্তে কি না অমাত্য ভূরিবস্ত্র এইরূপ
কাজের ভার অর্পণ করলেন ! আর আপনি
ভগবতি, এখন সংসারের সমস্ত নিকৃষ্ট বন্ধন হতে
মুক্ত, আপনিই বা কি ক'রে এই ভার গ্রহণ
করলেন ?

কাম ।—

আমায় তিনি যে এই দিয়াছেন ভার
স্নেহের সে ফল, উহা প্রণয়ের সার ।
তপস্বী করিয়া কিংবা প্রাণ বিসর্জন
করিতে যদি গো হয় এ কার্য সাধন
তবুও করিব আমি সখার এ কাজ
হইলে বিফল তাহে পাব বড় লাজ ।

তুমি কি জান না, বিষ্ঠা অর্জনের জ্ঞ
নানা দেশের লোক যখন আমার নিকট আস্ত,
সেই সময়ে, আমার ও সৌদামিনীর সমক্ষে,
ভূরিবসু ও দেবরাত এই প্রতিজ্ঞা করেন যে,
“আমরা ভবিষ্যতে আমাদের সন্তানদের মধ্যে
নিশ্চয়ই বিবাহ-সংক্রান্ত স্থাপন করব।” তাই
এখন, সত্যপরায়ণ বিদর্ভরাজ-মন্ত্রী দেবরাত,
নিজ পুত্র মাধবকে ছায়-শাস্ত্র অধ্যয়নের জ্ঞ,
কুণ্ডিনপুর হতে এই পদ্মাবতী নগরে পাঠিয়েছেন ।

আসল কথা :—

সে প্রতিজ্ঞা বিবাহের—

আর প্রিয় স্ত্রীদের করিয়া স্মরণ
বিবাহে প্রবৃত্তি দিতে

গুণবান পুত্রটিকে করিলা প্রেরণ ।

অব। আচ্ছা, মন্ত্রিবর স্বয়ং কেন মালতীর সঙ্গে
মাধবের বিবাহের প্রস্তাবটা করেন না? তিনি
লুকিয়ে-চুরিয়ে এই বিবাহটা ঘটাবার জ্ঞ, ভগবতি,
আপনাকে কেন ভার দিলেন বলুন দিকি?

কাম ।—

নৃপতির নন্দ-সখা নন্দন নামেতে এক জনা
নৃপ-মুখে মালতীরে করেছে প্রার্থনা ।
না রাখিলে সেই কথা, নৃপকোপে ঘটবেক দায়
তাই করেছেন মন্ত্রী এই সত্বেপায় ।

অব। কিন্তু আশ্চর্য্য, অমাত্যবর মাধবের নাম
পর্যন্ত জানেন না। তাঁকে দেখে মনে হয়, যেন
এ বিষয়ে তিনি নিতান্ত উদাসীন ।

কাম ।—

সে কেবল একটা আবরণ মাত্র । আসল কথা—
বালত-স্বভাব হেতু

মালতী মাধব দৌহে অনাবৃত-প্রাণ,
তাহাদের কার্যে তাই

নিজ ভাব লুকাইয়া হন সাবধান ।

তা ছাড়া :—

রাষ্ট্র এই জনরব

বাছাদের মাঝে চলে গোপন মিলন
—আমরাও চাই তাই—

প্রতারণিত এইরূপে রাজা ও নন্দন ।

দেখ :—

বিদ্বান্ সুবিজ্ঞ জন

লোকমাঝে অভিসন্ধি করিয়া গোপন
উদাসীন ভাব ধরি’

মৌন ভাবে স্ব-উদ্দেশ্য করেন সাধন ।

বাহিরে তাঁদের সদা

অনুকূল রমণীয় মধুর ব্যভার,
স্নেহের অবসর

কিছুমাত্র নাহি দেন মনেতে কাহার ।

অব। আপনার কথার ভাবে বোধ হয়, এই জ্ঞাই
মাধব ভূরিবসুর বাড়ীর সম্মুখস্থ রাজপথ দিয়ে
নিত্য যাতায়াত করেন ।

কাম ।—

মালতীর সহচরী ধাত্রীকণ্ঠা লবঙ্গিকা-কাছে
গুনেছি, মাধব ভ্রমে নিতি নিতি রাজপথ-মাঝে ।

উচ্চ বাতায়ন হতে মাধবেরে মালতী দেখিয়া
কন্দর্পের রূপে যেন রতিদেবী গেল গো ভুলিয়া ।

সে হতে মাধব-রূপ তার চিত্তে জাগে নিশি-দিন,
দারুণ মরম-ব্যথা করিছে ললিত তমু ক্ষীণ ।

অব। তাই বুঝি মালতী আশ্রবিনোদনের জ্ঞ
নিজ হস্তে মাধবের একটি ছবি এঁকেছেন?
সেই ছবিটি, আজ দেখলেম লবঙ্গিকা মন্দারিকার
হাতে দিয়েছে ।

কাম। (চিন্তা করিয়া) লবঙ্গিকা তো বেশ উপায়
ঠাউরেছে দেখছি। কেন না, মাধবের অহুচর
কলহংস, মঠ-দানী মন্দারিকার প্রেমাকাঙ্ক্ষী,
সুতরাং এই স্ত্রে ছবিটি ক্রমে মাধবের হাতে
গিয়ে পড়বে ।

অব। আমিও আজ মাধবের কৌতুহল উদ্দীপিত
ক’রে দিয়ে মদনোৎসব উপলক্ষে তাকে প্রভাতে
মদনোৎসবের যেতে ব’লে দিয়েছি। সেখানে
মালতীরও যাবার কথা, সুতরাং সেইখানে হুজনের
মধ্যে দেখা-সাক্ষাৎ হবারও সম্ভাবনা আছে ।

কাম। সাধু বৎস সাধু! আমার মনের মত
কাজটি ক’রে তুমি আমার পূর্ব-শিষ্যা
সৌদামিনীকে মনে করিয়ে দিলে ।



অব। দেখুন ভগবতি, সৌদামিনীর এখন আশ্চর্য্য
মন্ত্র-সিদ্ধি-ক্ষমতা জন্মেছে। তিনি শ্রীপর্বতে
গিয়ে কাপালিক-ব্রত অবলম্বন করেছেন।

কাম। এ সংবাদ তুমি কোথা থেকে পেলে ?
অব। এই নগরের মহাশ্মশানে 'করাল-মূর্তি' চামুণ্ডা
নামে এক দেবী আছেন।

কাম। আছেন বটে। আর তাঁর দুঃসাহসী
উপাসকদের মধ্যে এই প্রবাদ আছে, তিনি জীব-
বলি ভালবাসেন।

অব। নিকটের কোন অরণ্যে, অঘোর-ঘণ্ট নামে
একজন নিশাচর কাপালিক বাস করেন। তিনি
সম্প্রতি শ্রীপর্বত থেকে এখানে এসেছেন।
কপালকুণ্ডলা নামে মহাপ্রভাসম্পন্ন তাঁর একজন
শিষ্যা প্রতি সন্ধ্যায় তাঁর নিকট যাতায়াত করেন।
তাঁর নিকটেই এই কথা শুনেছিলেম।

কাম। সৌদামিনীর পক্ষে সকলই সম্ভব।

অব। এ তো হল। আবার মাধবের সহচর ও বাল্য-
বন্ধু মকরন্দের সঙ্গে নন্দনের ভগিনী মদয়ন্তিকার
যদি আপনি বিবাহ ঘটতে পারেন, তা হলে
মাধবের আর একটি মনের সাধ পূর্ণ করা হয়।

কাম। সে কার্য্যে প্রিয় সখী বুদ্ধ-রক্ষিতাকে নিযুক্ত
করেছি।

অব। ভগবতি! এ উত্তম ব্যবস্থা হয়েছে।

কাম। (চিন্তা করিয়া) এখন তবে ওঠা যাক।
আগে মাধবের ভাব-গতি জেনে তার পর মালতীর
ওখানে যাওয়া যাবে।

কাম। (চিন্তা করিয়া) মালতীর অতি উদার
প্রকৃতি। নিপুণ দূতীরা যেমন নায়ক-নায়িকার
ভাব-গতি জেনে, তার পর নিজ বুদ্ধি অনুসারে
কাজ করে, আমাদেরও সেইরূপ করতে হবে।

শরৎ-কৌমুদী ষষ্ঠা

কমনীয় কুমুদের আনন্দ-দায়িনী,

স্বজাত মাধব-কাছে

তাহাই হয় গো যেন মালতী কল্যাণী।

করুক উভয়ে মুগ্ধ উভয়ের গুণ,

গুণ-রচনায় হেথা বিধাতা নিপুণ।

বিধাতার কার্য্য যেন হয় ফলবান,

উভে হয় উভয়ের মন-অভিরাম।

[সকলের প্রস্থান।

ইতি বিকল্পক

দৃশ্য-উদ্যান

(চিত্র-উপকরণ-হস্তে কলহংসের প্রবেশ)

কল। প্রভু মাধব যখন আপনার রূপ-প্রভাবে
মালতীর এমন গম্ভীর হৃদয়কেও বিচলিত
করেছেন, তখন তিনি স্বচ্ছন্দে কন্দর্পের সঙ্গে
তুলনা ক'রে আপনার রূপের দর্প করতে পারেন।
কোথায় তিনি?—এইখানে একবার অন্বেষণ
ক'রে দেখি। (পরিক্রমণ করিয়া) বড় শ্রান্ত
হয়ে পড়েছি। এখানে একটু বিশ্রাম করা যাক।
তার পর প্রভু মাধব ও তাঁর সহচর মকরন্দের
অন্বেষণে যাওয়া যাবে।

(উদ্যানে প্রবেশ করিয়া উপবেশন)

(মকরন্দের প্রবেশ)

মকু। অবলোকিতার কাছে গুলেমে, মাধব
মদনোদ্যানে গেছেন, আমিও সেইখানে তবে
যাই। (পরিক্রমণ) এই যে সখা এই দিকেই
আসছেন। (নিরীক্ষণ করিয়া) এ'র দেখছি:—

অলস স্থলিত গতি,

শূন্য দৃষ্টি, আলুথালু বেশ,

ঘন ঘন বহে শ্বাস,

না জানি কি হয়েছে বিশেষ।

বুঝি বা কন্দর্প হতে

ঘটেছে এ যৌবন-বিকার,

ভুবনে কন্দর্প-আজ্ঞা

কোথায় না আছে গো প্রচার!

সর্বত্রই মদনের

ললিত মধুর আয়োজন

ধীরতা বিনষ্ট করি',

কষ্ট-রাশি আনে অহুক্ষণ।

(পূর্বোক্তভাবে মাধবের প্রবেশ)

মাধব।—

সে চন্দ্রবদন মনে ভাবি নিশি-দিন,

এখন ফিরানো চিত্ত বড়ই কঠিন।

লজ্জায় করিয়া জয়,

অতিক্রমি' সংঘমের ভাব,

ধৈর্য্যে উচ্ছিন্ন করি',

শিথিলিয়া বিবেক-প্রভাব,

সহসা একি-এ মোহ
চিত্তমাঝে হ'ল আবির্ভাব।

আশ্চর্য্য :—

ছিলাম যখন আমি তাঁর সন্নিধানে,
বিস্ময়-স্তমিত-চিত্ত মগ্ন তাঁরই ধ্যানে,
হৃদয় প্লাবিত কিবা অমৃত-ধারায়,
আনন্দের মোহে চিত্ত ছিল জড়প্রায়।
এবে সে হৃদয় মোর—আগে কে জানিত—
অঙ্গার-চুষ্ণিত-সম হইবে ব্যথিত।

মক। মাধব!—এই দিকে সখা, এই দিকে!

মাধ। (পরিক্রমণ করিয়া) তুমি?—আমার
প্রিয়-সখা মকরন্দ?

মক। (সম্মুখে আসিয়া) সূর্য্যের তাপে কপাল ঘেন
ফেটে যাচ্ছে—এসো সখা, এই উদ্যানে একটু
বসা যাক।

মাধ। প্রিয় সখা, তোমার যা অভিরুচি। (ছুজনে
উপবেশন)

কল। (দেখিয়া) এই যে মকরন্দের সঙ্গে মাধব।
আহা, উনি থাকায় বকুল-বাগানটির কেমন
শোভা হয়েছে! মালতী বিরহবেদনায় যখন
অস্থির হন—এই ছবিটি দেখে বোধ হয় তাঁর
চক্ষু জুড়িয়ে যায়! এইবার তবে মাধবকে
ছবিটি দেখাই :—না, উনি আর একটু বিশ্রাম-
সুখ উপভোগ করুন।

মকরন্দ। এসো সখা, আমরা ঐ কাঞ্চন গাছের
তলায় বসি গিয়ে। দেখ, ওখানে ফুলগুলি কেমন
সুন্দর ফুটে আছে।—আহা, ওর স্নিগ্ধ সৌরভে
বাগানটি যেন একেবারে ভর-পুর।

(উভয়ের উপবেশন)

মক। আজ নগরের সমস্ত রমণীরা মিলে মদনো-
দ্যানে মদনোৎসব করেছিল, তুমি বুঝি সেখান-
কারই একজন ফেরৎ-মাত্রী? তা সখা, মদন-
বাণের ছই-এক ঘা খেয়েছ কি?

(মাধব লজ্জায় অধোমুখে উপবেশন।)

মক। (হাসিয়া) সুন্দর পদ্মমুখখানি হেঁট ক'রে
রইলে যে?

দেখ সখা :—

কিবা জীব-জন্তু-প্রাণী
রক্ত-মোণ্ডে যারা সতত আবৃত,

বিধের বিধাতা কিবা,
কিবা সেই মহেশ্বর জগত-পূজিত,
সমান সবার পরে
খ্যাতনামা মদনের শক্তি সঙ্গোহন,
তাই বলি, লজ্জা করি'
তাঁর কথা কিছুমাত্র কোরো না গোপন।

মাধ। সখা! তোমাকে বলব না কেন? শোনো
তবে। অবলোকিতার কথায় কোঁতুকাবিষ্ট হয়ে
আমি মদনোদ্যানে গিয়েছিলেম। সেখানে গিয়ে
সমস্ত বেড়িয়ে বেড়িয়ে দেখতে লাগলেম। শেষে
শ্রান্ত হয়ে মন্দিরের অঙ্গনে যে বকুলগাছটি আছে,
তার তলায় এসে বসলেম। সে অতি রমণীয়
স্থান। আহা! বকুল গাছটিতে অঙ্গনের কি
শোভাই হয়েছে! বকুল-মুকুলের মদির মধুর
সৌরভে চারিদিক একেবারে আমোদিত, সেই
সুগন্ধে আকৃষ্ট হয়ে অলিকূল আকূল হয়ে গুণ-গুণ
স্বরে গান করছে, আর বৃক্ষটি হতে ফুলগুলি
আপনা আপনি অজস্র ঝরে পড়ছে। আমি
সেই ফুলগুলি তুলে একটি সুন্দর মালা গাঁথতে
আরম্ভ করেছি, এমন সময়ে উজ্জ্বল সুন্দর বেশ-
ভূষায় সুসজ্জিতা, পরিজন-পরিবৃত্তা, মহানুভব-
প্রকৃতি, কুমারী-ভাবাপন্ন একটি রমণী ভগবান
মকরকেতুর জগদ্বিজয়ী সঞ্চারিণী পতাকার মত,
মন্দিরের অভ্যন্তর হতে বেরিয়ে সেইখানে এসে
উপস্থিত হলেন। সে যে কি দেখলেম, কি আর
বলব সখা :—

লাবণ্য-খনির দেবী বুঝি বা উদয়,
অখিল-সৌন্দর্য্য-সার, অথবা আলয়।
মৃগাল চন্দ্রের সূধা, জ্যোৎস্না মনোলোভা,
যাহা কিছু জগতের রমণীয় শোভা,
একত্র করিয়া সেই সব উপাদান
আপনি মদন ঘেন করিলা নির্মাণ।

তার পর, তাঁর সহচরীরা ফুল তুলতে তুলতে
আসছিল, তারা এইখানে অনেক ফুল পাবে
বলায়, তাদের কথামত তিনি সেই বকুল-তলার
দিকে অগ্রসর হলেন। তাঁর ভাবভঙ্গী দেখে মনে
হল, কোন ভাগ্যবান পুরুষের উদ্দেশে তিনি যেন
চির-সঞ্চিত মদন-বেদনা হৃদয়ের মধ্যে পোষণ
করছেন।

কেন না :—

দলিত-মৃগাল সম দেবীর সে মলিন মূর্তি
স্বজনের বাক্যে যেন কথঞ্চিৎ কাজকর্মের মতি ।
নির্মল-হিমাংশু-শোভা আশা কিবা করেন ধারণ
নব-করি-দস্ত-সম কপোলটি পাণ্ডুর বরণ ।

তাকে দেখবামাত্রই অমৃত-অঞ্জনে যেন আমার
চক্ষু জুড়িয়ে গেল ; আর অয়স্কান্ত মণির শলাকা
যেমন লোহকে আকর্ষণ করে, আমার অন্তঃ-
করণও যেন সেইরূপ আকৃষ্ট হ'ল ।

অহেতু আকৃষ্ট হয়ে হৃদয় আকুল
আনিল সন্তাপ-রাশি,—বিপদ বিপুল ।
প্রবলা ভবিতব্যতা সবার প্রধান,
শুভাশুভ তিনি জীবে করেন বিধান ।

মক । দেখ সখা মাধব, প্রীতি যে কোন হেতুর
অপেক্ষা করে, এ কথা কিন্তু অসিদ্ধ ।

অন্তরের মধ্যে হেন আছে কারণ
যাতে পরস্পরে হয় স্নেহের বন্ধন ।
গূঢ় সূত্রে বাঁধে প্রেম পরাণে পরাণ,
প্রীতির আশ্রয় নহে বাহ্য উপাদান ।
উদিলে ভাস্কর হয় পদ্ম বিকশিত,
শরীর উদয়ে চন্দ্রকান্ত বিগলিত ।

সে যাক্—তার পর কি হ'ল বল দিকি ?

মাধব । তার পর, সেখানে—

চতুরা সঙ্গিনী সবে পরস্পরে করি চোখাচোখি
ক্রুদ্ধে বলিয়া উঠে, “এই সেই—দেখ প্রিয়সখি !”
অমনি তাহারা করি' আমা পানে লক্ষ্য
হানিল মুচকি হাসি মধুর কটাক্ষ ।

মক । (স্বগত) না জানি ওরা কি ক'রে এঁকে
চিন্তে পারলে !

মাধ । তার পর—

ললিত কর-কমল করিয়া উন্নত
লীলাচ্ছলে করতালি দিয়া ঘন ঘন
সঞ্চালিয়া কর-ধৃত তরল বলয়
আসিল ফিরিয়া তারা সখীর সকাশে,
কলহংস-অভিরাম বিলাস-বিভ্রমে ।

চারু-পদ-সঞ্চালনে মঞ্জুল মঞ্জীর
বাজি উঠে রুণুরূহ, মেথলা-কলাপে
কিঙ্কণী ঝিনিকিঝিনি উঠিল বাজিয়া ।

আসিয়া সখীরে বলে অঙ্গুলি-নির্দেশে

“কোনো ব্যক্তি কারো তরে আছে গো হেথায় ।”

মক । (স্বগত) কি সর্বনাশ ! পূর্ব-অহুরাগের
অঙ্কুরটি যে বিলক্ষণ গজিয়ে উঠেছে !

কল । (কর্ণপাত করিয়া) একজন রমণীর সম্বন্ধে
কি একটা রসালো ধরণের কথাবার্তা চলছে
না ?

মক । সখা, তার পর ?—তার পর ?
মাধ ।

পঙ্কজ-নয়নে তার

কি যে সেই দেখিলাম বিভ্রম-বিলাস,
বাক্যের অতীত যাহা

বাক্যেতে কেমনে তাহা করিব প্রকাশ ।
হইলাম ধৈর্য্যচ্যুত,

আবিভূত হ'ল মনে সাত্ত্বিক বিকার,
মদন বিজয়ী হ'ল,

গাঢ় অহুরাগ হৃদে হইল সঞ্চারণ ।

তার পর :—

কখন বা স্থির নেত্র বিকসিত

—বিলসিত ক্রগতা উপরে—

কখন বা মূহু স্নিগ্ধ মুকুলিত

—অপাঙ্গ বিস্তৃত রসভরে ।

কিন্তু সেই প্রতি চাহনিতে তাঁর

নেত্র যেন ঈষৎ কুঞ্চিত

এইরূপে কত ভাবে কত ছাঁদে

হইলাম আমি গো লক্ষিত ।

কি যে সে চাহনি সখা, কি বলিব আর

অলস সরস স্নিগ্ধ বিস্ময়-বিস্ফার ।

সেই সে কটাক্ষে এই হৃদি অসহায়

ছিন্নভিন্ন বিপর্য্যস্ত উন্মুলিত-প্রায় ।

সেই সর্বাস্তম্বরী মনোমোহিনী রমণীর আসক্তি
বৃদ্ধিতে পেরেও আমার মনের চঞ্চলতা গোপন
করবার জন্ত সেই বকুলমালাটি কোন প্রকারে গের্ণে
শেষ করলেম । তার পর কতকগুলি বয়োবৃদ্ধ অঙ্গ-
ধারী পুরুষে পরিবেষ্টিত হয়ে, করিণী-পৃষ্ঠে আরোহণ
ক'রে সেই চন্দ্রাননা পথ অলঙ্কৃত ক'রে নগরের দিকে
যাত্রা করলেন ।

তখন :—

যাইতে যাইতে মুহু বাঁকাইয়া গ্রীবা

ফিরি ফিরি আমা পানে চাহিলেন কিবা !

বৃন্তে যথা উলটিয়া পড়ে সরোজিনী

মুখানি শোভিল যাহা তাঁহার তেমনি ।

অমৃত ও বিষে মাখা সে কটাক্ষপাত
গাঢ়রূপে হৃদে মোর হইল নিখাত ।
সেই অবধি :—
বর্ণন-অতীত যাহা, বলা অসম্ভব,
কোনো জন্মে করি নাই যাহা অনুভব,
বিবেকের নাশে যথা ঘোর মোহ-ধন
তেমতি বিকার আসি করিছে দহন ।

এখন :—

সম্মুখে রয়েছে যাহা
জ্ঞানে তাহা না হয় ধারণ,
চিরাভ্যস্ত যাহা তাও
ভাল করি না হয় স্মরণ ।
সরসী-শীতল-জল
কিন্মা স্নিগ্ধ চন্দ্র-জ্যোছনায়
হৃদয়ের এ সস্তাপ
কিছুতেই নাহিক জুড়ায় ।
নিষ্ঠাশূন্য হয়ে মন ভ্রমে ইতস্ততঃ
কত কি কল্পনা রচে নিজ ইচ্ছামত ।

কল। না জানি প্রভুর মন কে হরণ করলে—
মালতী নয় তো ?

মক। (স্বগত) ওঃ! এ যে ঘোরতর আসক্তি
দেখছি। কি করেই বা আমি এখন সখাবে
নিষেধ করি ।

“হয়ো না আহত সখা মনমথ-বাণে
বিকার-মালিন্য যেন নাহি পশে প্রাণে”
—এই সব কথা ঔরে বোলে কিবা ফল
মদন, যৌবন, যবে উভয়ে প্রবল ।

(প্রকাশ্যে) তাঁর নাম কি ও কোন্ বংশ, তা
কি তুমি জান ?

মাধ। শোনো সখা। তিনি যখন গজ-পৃষ্ঠে
আরোহণ করলেন, সেই সময়ে তাঁর সখীদের
মধ্যে একজন বার-বনিতা বিলম্ব করে বকুল-
ফুল তুলতে তুলতে আমার নিকট এসে প্রণাম
করলে। আর মালার কথাগুলো আমাকে
বলে—“মহাশয়, মালাটি বড় সুন্দর গাঁথা হয়েছে,
এটি একবার দেখবার জন্ম আমাদের ঠাকুরাণীর
বড় কৌতূহল হয়েছে। তাও বলি, এই মালাটি
তাঁর কর্ণে গেলে কারিগরের কারিগরি,
গুণপনা, রচনানৈপুণ্য, সমস্তই সার্থক হবে, আর
মালাটিরও মূল্য বেড়ে যাবে।”

৪র্থ—৯

মক। ওঃ! কি বাক-চাতুরী!

মাধব। আমি জিজ্ঞাসা করায়, সে বলে :—“আমাদের
ঠাকুরাণী অমাত্য ভূরিবস্তুর কথা, নাম মালতী।
আর আমি, ঠাকুরাণীর যিনি দাত্রী, তাঁরই কথা ;
আমার নাম লবঙ্গিকা।”

কল। (সহর্ষে স্বগত) কি! তাঁর নাম মালতী?
বেশ হ'ল—ভগবান কুসুমশরের বিলাস-দীনা এর
মধ্যেই দেখছি আরম্ভ হয়েছে—আমাদের মন-
স্তামনা এইবার তবে পূর্ণ হবে।

মক। (স্বগত) অমাত্য ভূরিবস্তুর কথা—এই
তো যথেষ্ট মানের কথা। তা ছাড়া, ভগবতীও
রাতদিনই “মালতী মালতী” করেন—এই
নামটিতে তাঁর কতই আনন্দ। কিন্তু এ দিকে
আবার একটা জনরব শুনতে পাই, রাজা নাকি
নন্দনের সঙ্গে মালতীর বিবাহদেবার ঐচ্ছ প্রার্থনা
করেছেন।

মাধ। তার পর শোনো সখা। মালাটি আমার
কাছ থেকে চাওয়াতে, আমার কর্ণ থেকে খুলে
তাকে দিলাম। মালা গাঁথবার সময় মালতীর
মুখপানে একদৃষ্টে ব্যাকুলভাবে তাকিয়ে ছিলাম
বোলে মালার শেষ ভাগটির গাঁথুনি অসমান হয়ে
পড়েছিল। কিন্তু এরূপ হওয়া সত্ত্বেও সে আমার
কাছ থেকে, বহুমূল্য প্রসাদ বোলে আদরের
সহিত মালাটি গ্রহণ করলে। তার পর, উৎসব
ভেঙ্গে গেলে পৌরজনেরা সব চ'লে যেতে লাগল—
সেও তখন জনতার মধ্যে কোথায় মিশিয়ে গেল।
আর, আমিও এখানে এসে উপস্থিত হলেম।

মক। মালতীও যখন তোমাকে অহুরাগ-দৃষ্টিতে
দেখেছিলেন, তখন সমস্তই পষ্ট বোঝা যাচ্ছে।
তাঁর কপোলের পাণ্ডুতা প্রভৃতি লক্ষণ দেখে মনে
হয়, এই অহুরাগটি তোমার প্রতি তাঁর পূর্বে
হতেই জন্মেছে। আর তাঁর ভাবভঙ্গীতেও তাই
প্রকাশ পায়। অবশ্যই, পূর্বে কোথাও-না-
কোথাও তাঁর সঙ্গে তোমার দেখা হয়ে থাকবে।
কেন না, এরূপ সম্ভ্রান্ত-কুলের কুল-বালারা, এক-
জনের প্রতি আনক্তচিত্ত হলে অপরের প্রতি
কখনই সতৃষ্ণভাবে দৃষ্টিপাত করেন না। তা
ছাড়া :—

সখীগণ পরস্পরে
তখন যে করেছিল চোখের ইঙ্গিত



তাহাতেই বুঝা যায়
পূর্ব-অনুরাগ তাঁর ছিল স্থনিশ্চিত।
তার পর, ধাত্রী-কথা
বলিল এই কথা যাহা নিপুণ বচনে
“কেহ কারও আছে হেথা”

তাহে আরও স্পষ্ট উহা বুঝা যায় মনে।
কল। (নিকটে আসিয়া) এই চিত্রপট।

(চিত্রপট প্রদর্শন ও উভয়ে দর্শন)

মক। কলহংস! মাধবের এই ছবিটি কে আঁকলে
বল দিকি?

কল। যিনি প্রভুর মন হরণ করেছেন, তিনিই।

মাধ। সখা মকরন্দ, তুমি যা ঠাউরেছিলে, তাই বটে।

মক। কলহংস! কোথা থেকে ছবিটি পেলে বল
দিকি?

কল। লবঙ্গিকা মন্দারিকাকে দিয়েছিল—আমি
তার কাছ থেকে পেয়েছি।

মক। মাধবের চিত্রে মালতীর কি প্রয়োজন,
সে কথা মন্দারিকা কি কিছু বলে?

কল। প্রয়োজন উৎকর্ষা দূর করা।

মক। সখা মাধব! এখন তবে তুমি নিশ্চিত হও।
সুজনা সে কুল-বালা

তব নেত্র-জ্যোছনা-অমিয়

তুমিও তাহার যে গো

বাসনার ধন—অতি প্রিয়।

মিলন হইবে দৌহে

নাহি তাহে সন্দেহের লেশ,

বিধি ও মদন যেথা

করিছেন উদ্যোগ বিশেষ।

যার জন্ম তোমার একরূপ দশা উপস্থিত, সেই

মালতীর রূপ নিশ্চয়ই দেখবার জিনিস। তা সখা,

মালতীর একটা ছবি এঁকে আমাকে দেখাও না।

মাধ। আচ্ছা, এঁকে দেখাচ্ছি। দেখ, চিত্রের উপ-
করণ সব এখানে নিয়ে এসো তো।

(মকরন্দের আনয়ন)

মাধ। দেখ সখা মকরন্দ!

অশ্রুর প্রবাহ বহি’

বারম্বার দৃষ্টি মোর আচ্ছাদিত

নিরন্তর ধ্যানে তার

জড়িমা-জড়িত চিত—শরীর স্তম্ভিত

স্বৈদ ঝরে অনিবার,

কাঁপে দেহ থর থর, অঙ্গুলী চঞ্চল,

কর লগ্ন চিত্রপটে,

না পারে চিত্রেতে তবু, কি করি তা বল।

আচ্ছা, তবু একবার চেষ্টা ক’রে দেখি।

(অনেকক্ষণ ধরিয়া আঁকিয়া পরে প্রদর্শন)

মক। (দেখিয়া) হাঁ, এ তোমার ভালবাসার উপ-

যুক্ত পাত্র বটে। (সকৌতুকে) কি আশ্চর্য্য!

এত অল্প সময়ের মধ্যে চিত্র রচনা ক’রে আবার

একটা শ্লোকও লিখেছ যে? (পাঠ করণ)

নব-ইন্দুকলা-আদি আছে দ্রব্য প্রকৃতি-মধুর

উন্মাদক আরো কত পদার্থ প্রচুর।

সে নেত্র জ্যোছনা হেরি মনে নাহি ধরে এই মন

সেই মোর একমাত্র নেত্রের বিষয়—মহোৎসব।

(মন্দারিকা সত্বর প্রবেশ করিয়া)

মন্দা। (কলহংসের প্রতি) তোমার পিছনে পিছনে

এসে, দেখ কেমন তোমাকে ধ’রে ফেলেছি।

(মাধব ও মকরন্দকে দেখিয়া লজ্জায়)

ও মা কি হবে! ওঁরা এখানে আছেন যে!

(অগ্রসর হইয়া প্রণাম করণ)

উভয়ে। এসো মন্দারিকা, বোসো।

মন্দা। (বসিয়া) কলহংস! আমার সেই চিত্র-
পটখানি দেও তো।

কল। (গ্রহণ করিয়া) এই লও।

মন্দা। (দেখিয়া) ও মা! মালতীর ছবি আবার
কে আঁকলে? কেনই বা আঁকলে?

কল। মালতী যার ছবি এঁকেছেন, তিনিই আবার
এইটি এঁকেছেন।—আর সেও একই অভিপ্রায়ে।

মন্দা। (সহর্ষে) আহা! বিধাতার চিত্র-বিজ্ঞা
এইবার সার্থক হ’ল।

মক। এই বিষয় কলহংস যা বলছে তা ঠিক?

মন্দা। হাঁ মহাশয়— তাই বটে।

মক। আচ্ছা, মালতী প্রথমে কোথায় মাধবকে
দেখেছিল বল দিকি?

মন্দা। লবঙ্গিকা বলে, বাতায়ন হতে।

মক। হাঁ, আমরা অমাত্য-ভবনের সম্মুখস্থ পথ দিয়ে
যাতায়াত করতাম বটে। এখন সব বুঝতে
পারছি, সখা।

মন্দা। আপনাদের যদি অনুমতি হয় তো, ভগবান
অনঙ্গদেবের এই সব ব্যাপার লবঙ্গিকাকে বলি
গিয়ে।

কম।—বলবার এই তো ঠিক সময়।

[চিত্রপট লইয়া মন্দারিকার প্রস্থান।

মক। সখা, এখন মধ্যাহ্ন—সূর্যের তাপ প্রখর হয়ে
উঠেছে। এসো, এখন গৃহে যাওয়া যাক।

(উঠিয়া পরিক্রমণ)

মাধ। হাঁ আমারও তাই মত।

গণিকা দাসীর দল
প্রাতে চারু পত্র-লেখা রচে নিজ গালে,
মধ্যাহ্নের খর তাপে
কপোল-কুম্বুধ ধৌত হয় স্বর্ণ-জালে।
কুন্দ-মকরন্দ-গন্ধ

তার বন্ধু সহচর তুমি সমীরণ,
চঞ্চল-নয়না বালা
নতাস্ত্রীয়ে গিয়া তুমি কর আলিঙ্গন।
সে অঙ্গ-পরশ-সুধা বহি' আনি রঙ্গে
বুলাও সে হস্ত তব মোর প্রতি অঙ্গে।

মক।

মাধব সখা যে মোর স্নকুমার-কায়,
অবাধে মদন তারে দহিতেছে হায়!
সহসা এ কি রে তাঁর দারুণ বিকার,
করি-অর সম নাহি কোন প্রতিকার।

এখন দেখছি, কামন্দকৌই আমাদের একমাত্র
ভরসাহুল।

মাধ। (স্বগত)

আশ্চর্য্য!

সেই মূর্ত্তি হেরি আমি
হেথা হোথা সন্মুখে পশ্চাতে,
অস্তরে বাহিরে সে যে
চারিদিকে ফেরে সাথে সাথে।
কনক-কমল-নিভ
কিবা সেই আনন বিরাজে,
অপাঙ্গে নেহারে কিবা
অভিভূতা অন্নরাগ-লাজে।

(প্রকাশ্যে)

সখা! আমার এখন কি হয়েছে জানো?—

দারুণ দহনে দহে অঙ্গ সমুদয়,
মহা মোহে সমাচ্ছন্ন ইন্দ্রিয়-নিচয়,
মদন-বাসনা-ভরে অস্থির পরাণ
জলে চিত্ত অবিরত—সেই মাত্র ধ্যান ॥

ইতি বকুল-বীথি নামক প্রথম অঙ্ক।

দ্বিতীয় অঙ্ক

দৃশ্য।—মালতীর গৃহ।

(ছই জন দাসীর প্রবেশ)

প্রথম। সঙ্গীত-শালার ওখানে দাঁড়িয়ে তুই অবলো-
কিতার সঙ্গে কি কথা কচ্ছিলি না?

দ্বিতীয়। দেখ সই, সেই মাধবের প্রিয়সখা মকরন্দ,
মদনোচ্ছানের সমস্ত রুত্তান্ত ভগবতী কামন্দকৌর
কাছে বলেছেন।

প্র। তার পর?

দ্বি। তার পর, আমাদের দিদিঠাকরুণকে ভগবতীর
দেখবার ইচ্ছে হওয়ায়, তাঁকে বলে-কোয়ে আন্-
বার জ্ঞা তাঁর কাছে অবলোকিতাকে পাঠিয়ে-
ছিলেন। আমি অবলোকিতাকে বলুম, এখন
দিদিঠাকরুণের কাছে শুধু লবঙ্গিকা আছে, আর
কেউ নেই।

প্র। ওলো! লবঙ্গিকা যে মদনোচ্ছানে বকুলফুল
তুলছিল, সেখান থেকে সে কি ফিরে এসেছে?—
তার সঙ্গে কি তোরা দেখা হয়েছে?

দ্বি। দেখা হয়েছে বৈ কি। সে ফিরে আসবামাত্রই
তার হাতটি ধরে দিদিঠাকরুণ তাকে উপরের
বারন্দায় নিয়ে গেলেন। আর সেখানে অল্প
লোকজনকে আসতে বারণ করে দিলেন।

প্র। তবে নিশ্চয় এখন তিনি সেই পুরুষটির
কথাবার্ত্তা পেড়ে প্রাণের জ্বালা জুড়োচ্ছেন।

দ্বি। (নিশ্বাস ফেলিয়া) কিন্তু সই! এখন কি
কোন সাপ্তনা মানে? আজ আবার তাতে
হুজনে ভাল করে চাক্ষুষ হয়ে গেছে, এতে এই
আসক্তিটা ষতদূর বাড়বার তা বাড়বে। এ
দিকে আবার মহারাজ নন্দনের সঙ্গে দিদিঠাক-
রুণের বিবাহের যে প্রস্তাব ক'রে পাঠিয়েছিলেন,
সে বিষয়েও মঞ্জী মহাশয় নাকি মত দিয়েছেন।

প্র। মঞ্জী মহাশয় কি বলেন?



দ্বি। তিনি বলেন, “মহারাজই নিজ কণ্ঠার প্রভু।”
এখন দেখি মাধবের উপর দিদিঠাকরুণের যে
ভালবাসা পড়েছে, সে ভালবাসা চিরকাল শেলের
মত তাঁর মনে বিধতে থাকবে—না ম’লে আর
যাবে না।

প্র। দেখা যাক এখন ভগবতী কি করেন—
তিনি যে ভগবতী, তাঁর সেই ক্ষমতার এখন কি
কিছু পরিচয় দেবেন না?

দ্বি। ও সব মিছে আশা কেন করিস্ বল দিকি—
চল এখন যাওয়া যাক।

[উভয়ের প্রস্থান।

ইতি প্রবেশক।

দৃশ্য—অলিন্দের উপর।

লবঙ্গিকার সহিত মালতী বিষমভাবে আসীনা।

মালতী। হঁ। সখি, তার পর—তার পর?

লব। তার পর, তিনি এই বকুলের মালা ছড়াটি
আমাকে দিলেন।

(মালা প্রদান)

মাল।—(গ্রহণ করিয়া সহর্ষে নিরীক্ষণ করিয়া)
সখি! একপাশের গাঁথুনিটা একটু অসমান
হয়েছে।

লব। যদি কিছু খারাপ গাঁথুনি হরে থাকে, সে
তো তোমারই দোষে।

মাল। কেন বল দিকি?

লব। সেই দুর্বাদলগাম সুন্দর পুরুষটির মন তুমিই
তো বিচলিত ক’রে দিয়েছিলে।

মাল। প্রিয়সখি লবঙ্গিকে! কেবল লোককে
আশ্বাস দেওয়াই তোমার স্বভাব দেখছি।

লব। সখি! এতে আমার আশ্বাস দেবার স্বভাব কি
দেখলে? আমি তোমায় নিশ্চয় করে বলছি,
প্রথমে যখন তিনি মালা গাঁথতে আরম্ভ করেন,
তখন তাঁর দৃষ্টি মালার পরেই ছিল, কিন্তু
তোমাকে দেখে আর দৃষ্টি স্থির রাখতে পারলেন
না। সুন্দ-মারুত-কম্পিত প্রকুল পদ্মের মত
তাঁর সেই বিস্ময়-স্তম্বিত অপাঙ্গ-বিস্তৃত দীর্ঘ নেত্র,
মালা থেকে চ’লে গিয়ে তোমার মুখের পানে
আকৃষ্ট হ’ল, আর মদনের ধনুর মত তাঁর সেই
ভুরু ছুটি বিভ্রম-বিলাসে যেন নৃত্য করতে লাগল।

মাল। (লবঙ্গিকাকে আলিঙ্গন করিয়া) সখি!
তাঁর সঙ্গে আমাদের মুহূর্তের দেখা বৈ তো নয়?
তাই ভাবছি, সেই সুন্দর পুরুষটির চোখের
হাবভাবগুলি স্বাভাবিক, না তুমি যা মনে করছ
তাই?

লব। (হাসিয়া) তুমিও যে সেই সময়ে বিনা-সঙ্গীতে
নেচে উঠেছিলে, সেও তবে তোমার পক্ষে
স্বাভাবিক—না?

মাল। (সলজ্জ) হঁ। তার পর—তার পর?

লব। তার পর, উৎসব ভেঙ্গে যাত্রিদল চ’লে গেলে
আমি মন্দারিকার বাড়ী গেলেম—গিয়ে প্রভাতে
সেই চিত্রটি তার হাতে দিলেম।

মাল। তার হাতে দিলে কেন?

লব। মাধবের অন্তর কলহংস মন্দারিকাকে ভাল-
বাসে, স্মতরাং মাধবকে সে নিশ্চয়ই দেখাবে—
এই অভিপ্রায়ে। আমরা যা ভেবেছিলেম, তাই
হয়েছে—মন্দারিকা কলহংসকে বাস্তবিকই সেই
চিত্রটি দেখিয়েছে।

মাল। (স্বগত) আর কলহংসও নিশ্চয় তার প্রভুকে
সেটি দেখিয়েছে, (প্রকাশে) সখি! এখন আর
কোন স্ম-খবর আছে কি?

লব। আছে বৈ কি—যিনি নিজেও কষ্ট পাচ্ছেন,
আর তোমাকেও কষ্ট দিচ্ছেন; আর, যার হৃদয়
হ্রলভ-জনে আসক্ত হ’য়ে অসহ বস্ত্রণা ভোগ কচ্ছে,
সেই মাধব শুধু ফণিক সাস্ত্রনার আশায়, দেখ
তোমার এই চিত্রটি এঁকেছেন।

(চিত্র প্রদর্শন)

মাল। (সহর্ষে উচ্ছ্বাস-সহকারে চিত্র নিরীক্ষণ
করত) না—এখনও আমার মনে বিশ্বাস হচ্ছে
না। এই চিত্রটিতে যে তাঁর সাস্ত্রনা হয়, এ
কেবল তাঁর ছলনার কথা। ভাল, এ অক্ষর-
গুলি কিসের? (“নব ইন্দুকলা” আদি
পূর্বোক্ত শ্লোকটি পাঠ করিয়া আনন্দে) আহা
• মাধব! তোমার যেমন সুন্দর আকৃতি, তেমনি
তোমার রচনাও মধুর। কিন্তু তোমার দর্শন
সে সময়ে স্মৃতির হলেও পরিণামে এখন অত্যন্ত
কষ্টকর হয়ে দাঁড়িয়েছে। সেই কুমারীরাই
ভাগ্যবতী, যে তোমাকে কখন দেখে নি, কিম্বা
দেখেও যারা নিজের মনকে বশে রাখতে
পেরেছে। (ক্রন্দন)

লব। কি! সখি! এতেও তোমার মন প্রবোধ
মান্ছে না?

মাল। সখি, কি ক'রে মান্বে বল।

লব। সখি, যার জন্ম তুমি ছিন্ন-বৃন্ত অশোক-পল্লবের
মত—নব-মল্লিকা-কুম্বের মত ত্রিমাণা, তিনিও
ভগবান্ কন্দর্প হ'তে দুঃসহ যন্ত্রণা ভোগ
করছেন।

মাল। তিনি স্মৃথে থাকুন। কিন্তু আমার স্মৃশাস্তি
জন্মের মত বিদায় হয়েছে, আমাকে সান্ত্বনা করা
তোমাদের শুধু পণ্ড্রম মাত্র—বিশেষতঃ আজকে
সখি।

এ দারুণ মনোব্যথা

স্বতীত্র বিষের মত দেহেতে সঞ্চার,

কিথা যেন উদ্দীপিত

নির্ধূম-অনল-শিখা জ্বলে অনিবার।

প্রবল জ্বরের ঞায়

প্রতি অঙ্গ করি' ক্ষয় দহিতেছে দেহ,

না তুমি, না পিতামাতা

আমারে করিতে রক্ষা পারিবে না কেহ ॥

লব। সজ্জনদের মিলনেই স্মৃথ, আর বিচ্ছেদেই অস্মৃথ
যন্ত্রণা চিরকালই হয়ে থাকে। তা ছাড়া, যে
পূর্ণিমার চাঁদকে বাতায়ন হ'তে মুহূর্তের জন্ম
দেখেই তখন মদন-জ্বালায় দগ্ধ হয়েছিলে—এমন
কি, জীবন পর্য্যন্ত সংশয় হয়েছিল—আজ তাঁর
পূর্ণ দর্শন পেয়ে কোথায় স্মৃথ হ'বে, না আরও
দুঃখ করছ?—এর কি উত্তর দেবে বল দিকি?
গভীরতম অহুরাগের তুলিত আফাজ্জা যদি তুল্য-
কুলোদ্ভব প্রিয়জনের সমাগমে চরিতার্থ হয়, তার
চেয়ে এ পৃথিবীতে স্মৃথের বিষয় আর কি
আছে?—এ কথা আমাদের বিলক্ষণ জানা আছে
সখি।

মাল। মালতীকে তুমি খুব ভালবাস বটে, কিন্তু
যাও সখি, ওরূপ দুঃসাহসের পরামর্শ আমাকে
আর দিও না। কিন্তু না—আমিই অপরাধী।
যতই আমি তাঁকে দেখতে লাগলেম, ততই
আমার ধৈর্য্য চ'লে গেল, তখন লঘু-চিন্তের মত
আমি আর মনের সংঘম রাখতে পারলেম না।
কিন্তু এখন যাই হোক না কেন—

অলুক গগন-তলে

পূর্ণকলা শশধর প্রতি নিশি নিশি,

দহক মদন হৃদি,

কি আর করিবে বল মরণের বেশি।

দুখি না পিতামাতার,

দুখি না অমল কুল-মানে,

দুখি শুধু আপনারে,

দুখি শুধু এ ছার পরাণে।

লব। (স্বগত) এখন এর উপায় কি?

(নেপথ্য হইতে প্রতীহারীর অর্ধ-প্রবেশ)

প্রতী। ভগবতী কামন্দকী এসেছেন।

উভয়ে। ভগবতীর কি জন্ম আগমন?

প্রতী। ঠাকুরাণীর সহিত সাক্ষাৎ করতে এসেছেন।

উভয়ে। তাঁকে এখনি নিয়ে এনো।

[প্রতীহারীর প্রস্থান।

মালতী। (চিত্রপট গোপন করিয়া)

লব। (স্বগত) ঠিক সময়ে এসেছেন। আমি যা
চাচ্ছিলেম, তাই হয়েছে।

কাম। (স্বগত) সাধু ভূরিবস্ত্র সাধু! তুমি যে বলেছ,
“মহারাজ নিজ কন্ঠার প্রভু” এ কথা উভয়
পক্ষেই খাটে। এর এক অর্থ এই—“মহারাজ!
মালতী আপনার নিজের কন্ঠা-সদৃশ, আপনিই
তার প্রভু” আর এক অর্থ এই হতে পারে—
“মহারাজ! আপনি নিজ-কন্ঠারই প্রভু—অন্ঠের
উপর আপনার অধিকার নাই।”—যা হোক,
এতে স্পষ্ট কোন কথা দেওয়া হয় নি। তা ছাড়া
আজ মদনোদ্যানের যে বৃত্তাস্ত শোনা গেল, তাতে
তো বোধ হয় বিধাতাও অল্পকূল হয়েছেন। এ
দিকে আবার, বকুলফুলের মালা ও চিত্রপটের
ব্যাপারটা প্রণয়-কৌতুহল খুব উত্তেজিত ক'রে
তুলেছে। আর, বিবাহ-অহুষ্ঠানে পরস্পরের
অহুরাগই তো পরম কল্যাণের হেতু এবং
অঙ্গিরস ঋষিও বলেছেন—“যে স্থলে বাক্য, মন ও
চক্ষু এক-স্বত্রে বদ্ধ, সে স্থলেই সিদ্ধিলাভ।”

লব। ইনিই মালতী।

কাম। (নিরীক্ষণ করিয়া)

অতিমাত্র কৃশ তনু

সরস কদলী-গর্ভ সমান স্নন্দর,

মনোহর শশাঙ্কের

কলা-শেষ মূর্ত্তিখানি নেত্রানন্দকর।

মদন-দহন-দাহে

দারুণ বিধুরা দশা ঘটেছে ইহার,

মুখ-খানি হেরি এঁর

হরষ-বিষাদ চিতে আসে একাধার।

পাণ্ডুর পাংশুল বর্ণ কপোল আনন,

তাহাতে হয়েছে আরো সুন্দর শোভন।

সুন্দর জনেরই পরে মদন-প্রভাব,

—ললিত মদন-বিধি করে জয় লাভ।

অথবা বোধ হয় ইনি কল্পনার মূর্তি রচনা ক'রে
নিয়ত প্রিয়-সমাগম সম্ভোগ করেন। তাই এঁর

স্থলিত বসন-গ্রন্থি, অধর-স্পন্দন,

অবসন্ন বাহু ছুটি, শ্বেদ-নিঃসরণ,

মধুর নয়ন-তারার স্নিগ্ধ আকৃষিত,

অচল অঙ্গ তনু, স্তন বিকম্পিত,

গণ্ডস্থলে মুহূর্ৎ পুলক রচনা,

ক্ষণে ক্ষণে মুচ্ছা, ক্ষণে লভেন চেতনা।

(সদ্যুখে অগ্রসর হইয়া)

লব। (মালতীকে ঠেলিয়া) মালতি! এই দিকে।

(উভয়ের উত্থান)

মালতী। ভগবতি! প্রণাম।

কাম। মহাভাগে! তোমার মনস্কামনা পূর্ণ হোক।

লব। ভগবতি! এই আসনে বসুন।

(সকলে উপবেশন)

মাল। ভগবতীর সমস্ত কুশল তো?

কাম। (নিশ্বাস ফেলিয়া) হাঁ, কুশল বৈ কি।

লব। (স্বগত) এই দীর্ঘ নিশ্বাসটি আমাদের কপট-
নাটকের প্রস্তাবনা-স্বরূপ হ'ল। (প্রকাশ্যে)
ভগবতি! তোমার অশ্রুজলে কণ্ঠরোধ হয়ে আসছে
—যন যন দীর্ঘ নিশ্বাস গড়ছে—অথচ তুমি বললে
“কুশল বৈ কি”—এ কথাই সঙ্গ্রে এ সবেই তো
মিল হচ্ছে না। আপনার এই উদ্বেগের কারণটা
কি বলুন দিকি।

কাম। সে কথা আমার এই সম্যাসী বেশের অধোগ্য।

লব। সে কিরূপ?

কাম। তুমি কি তা জান না? (মালতীকে লক্ষ্য
করিয়া)

মদনের বিজয়াঙ্গ

মদন-বিলাসক্ষেত্র ও হেন শরীর

অনুচিত বরে দান

শোচনীয় অতি—ব্যর্থ রূপ সুন্দরীর।

(মালতীর চিত্ত-বিভ্রমের অভিনয়)

লব। তাই বটে। মন্ত্রিবর রাজার অহুরোধে

নন্দনের হস্তে মালতীকে সমর্পণ করবেন শুনে

লোকে ভারি নিন্দে করছে।

মাল। (স্বগত) কি! পিতা আমাকে রাজার হস্তে

সমর্পণ করবেন?

কাম। আশ্চর্য্য!

পাত্রদের গুণাগুণ

কিছুমাত্র না করি গণনা

এ কার্য্যে প্রবৃত্ত তিনি

কি ক'রে গো হলেন বল না?

কোথায় বাৎসল্য তাঁর?

শুধু এই অভিসন্ধি মনে

মিত্রতা হইবে কিসে

কথা দানে নৃপ-মিত্র সনে।

মাল। (স্বগত) রাজার আরাধনাই পিতার কাছে
গুরুতর হ'ল, আর মালতী তাঁর কেউই নয়।

লব। ভগবতী বা আঞ্জা করছেন, তাই ঠিক। নৈলে
অমন কদাকার বুড়ো বরের হাতে কি মন্ত্রী মশায়
তোমাকে সঁপে দিতে পারতেন?—একটুকুও
কি বিবেচনা করতেন না?

মাল। হা! কি সর্ব্বনাশ! এ কি বিষম বজ্রাঘাত!

লব। (কামন্দকীর প্রতি) ভগবতি! অনুগ্রহ ক'রে
এই জীবন-মৃত্যু হতে প্রিয়সখীকে রক্ষা করুন—
এঁকে আপনার কথা বলিই জানুবেন।

কাম। দেখ সরলে! আমি এঁর কি উপকার
করতে পারি বল? পিতা ও দৈবই কুমারীদের
একমাত্র হর্তা-কর্তা। তবে, আখ্যান-বেতারা
বলেন বটে, কৌশিক-বংশের শকুন্তলা দুঃস্বস্তের
প্রতি এবং অপ্সরা উর্ধ্বশী পুররবার প্রতি
আসক্ত হয়েছিলেন। আর, বাসবদত্তা পিতৃদত্ত-
পাত্র সঙ্কয়েকে ছেড়ে উদয়নকে আত্মদান করে-
ছিলেন। কিন্তু এরূপ দুঃসাহসিক কার্য্য করিতে
কাকেও উপদেশ দেওয়া যেতে পারে না।

সুখী হোন মন্ত্রিবর

রাজ-প্রিয়-সুহৃদদের নিজ কথা দিয়া,

বাহু-গুস্ত শশী সম

করুন মালতী সেই পুরুষেরে বিয়া।

মাল। (সজল-নয়নে স্বগত) হা তাত! তুমিও আমার প্রতি এইরূপ হলে?—এ পৃথিবীতে দেখছি ভোগতৃষ্ণারই জয়!

অব। ভগবতি, বড় বিলম্ব হয়ে যাচ্ছে। আমি আপনাকে নিশ্চয় ক'রে বলছি, মাধবের শরীর আজ বড়ই অশুস্থ।

কাম। বৎসে, এখন তবে বিদায় হই।

লব। (মালতীর প্রতি জনাস্তিকে) সখি মালতি! এই সময়ে ভগবতীর কাছে থেকে তাঁর কুলের বৃত্তান্তটা জানা যাক না কেন।

মাল। (জনাস্তিকে) সখি! আমিও তাই জানবার জন্ত উৎসুক।

লব। (প্রকাশে) ভগবতি! যে মাধবের উপর আপনার এত স্নেহ, সে মাধবটিকে বলুন দিকি?

কাম। সে অনেক কথা। এখন তা বলবার নয়।

লব। অনুগ্রহ ক'রে বলুন না ভগবতি!

কাম। আচ্ছা, তবে বলি শোনো। বিদর্ভাধিপতির সমগ্র-রাজ্যভার-ধারী নীতি-চক্র-চূড়ামণি দেবরাত নামে একজন অমাত্য আছেন। সেই জগন্নাথ, কৃততীর্থ, পুণ্যমহিম মহাত্মা যে কিরূপ ব্যক্তি, তা তোমার পিতা বিলক্ষণ জানতেন। তা ছাড়া—

দিগন্ত-বিস্তৃত তাঁর গুহ্র যশোমান,
সতেজ পুণ্যের তিনি পূর্ণ লীলাস্থান।
অবিদিত মহিমার পুণ্য নিকেতন,
কোথায় এ ধরা-মাঝে সম্ভব তেমন?

মাল। সখি! ভগবতী যার নাম করলেন, পিতাও তাঁর কথা সর্বদাই বলেন।

লব। সখি! সে সময়কার লোকের মুখে শুনেছি, তাঁরা দুজনে একত্রে বিদ্যাশিক্ষা করতেন।

কাম। সে উদয়-গিরি হতে
নয়ন-আনন্দকর এই সব-চক্রে উদয়,
পরকাশে গুণজ্যোতি

এই জগতের মাঝে—কলাবান্ স্ত্রী অতিশয়।

লব। (জনাস্তিকে) সখি, উনি কি মাধবের কথা বলছেন?

কাম। বিদ্যার আধার তিনি, শিশুকালে গৃহ
তেয়গিয়া
আইলেন এই স্থানে শুধু বিদ্যা শিক্ষার
লাগিয়া।

শরচ্ছন্দ-সম কিবা সুমধুর রূপ,
—দেখিবারে পুরনারী সতত উৎসুক।
ছুটিত তাদের নেত্র তরল কটাক্ষে
পঙ্কজ ফুটায় তুলি প্রত্যেক গবাক্ষে।

এখন তিনি এইখানে তাঁর বাল্য-সুহৃদ
মকরন্দের সহিত ছায়-শান্ত অধ্যয়ন করছেন—
তাঁর নাম মাধব।

মাল। (সানন্দে জনাস্তিকে) গুনলে সখি?

লব। সখি! মহাসমুদ্র ছাড়া পরিজাতের আর কোথায় উৎপত্তি হ'তে পারে বল?

(নেপথ্যে শঙ্খধ্বনি)

কাম। ওহো, সময় চ'লে যাচ্ছে।

সৌধভূমি-নিকুঞ্জের

নিবিড়তা হ'ল যেন আরো ঘনীভূত,

চক্রবাক্ চক্রবাকী

প্রথমে বিরহ-দুঃখে ছিল অভিভূত।

হইলে মিলন পরে

স্বরতের শ্রমে হল নিদ্রায় বিভোর,

হেনকালে সাক্ষ্য-শঙ্খ

কাঁপাইয়া কুঞ্জবন নিনাদিল ঘোর।

সেই ধ্বনি বিচরিছে শূণ্য নভস্তলে

নিদ্রা হ'তে জাগাইয়া বিহঙ্গ-যুগলে।

তবে এখন আমরা উঠি।

(উত্থান)

মাল। (স্বগত) পিতা আমাকে রাজার নিকট উপহার দেবেন—রাজারাধনাই পিতার নিকট গুরুতর হ'ল—আর মালতী তাঁর কেউ নয়? (সাক্ষ্যলোচনে) পিতা, তুমিও আমার প্রতি এইরূপ হলে?—এ পৃথিবীতে দেখছি ভোগ-তৃষ্ণারই জয়। (আনন্দে) প্রিয়সখী আবার বলেন, “তিনি মহাকুলোদ্ভব—মহাসাগর ছাড়া পরিজাতের আর কোথায় উৎপত্তি হ'তে পারে”—হা! আবার কি তাঁকে দেখতে পাব?

লব। অবলোকিতা! এই দিকে এসো—এই সিঁড়ি দিয়ে নামো।

কাম। (স্বগত) সাধু! আমি উদাসীনের ভাব দেখিয়ে দূতীর কাজ তো একরকম বেশ সমাধা করলেম—আমার মনের ভারও অনেকটা লাঘব হ'ল।

জন্মেছে বালার ঘেঘ
 নন্দনের পরে, আর ঘৃণা নিজ জনকের প্রতি,
 পূর্ব-দৃষ্টান্তের ছলে
 দেখাইয়া দেছি ওরে ঠারে-ঠারে কার্যের পদ্ধতি ।
 কুল-শীল—সে বিষয়ে
 করিয়াছি বিধিতে বাছাটির মাহাত্ম্য কীর্তন,
 মিলন বিধির হাতে
 দৈবের নিরুদ্ধ যাহা এবে তাহা হবে সংঘটন ।
 ইতি ধবল-গৃহ নামক দ্বিতীয় অঙ্ক সমাপ্ত ।

তৃতীয় অঙ্ক

দৃশ্য—কামন্দকীর গৃহ

(বুদ্ধ-রক্ষিতার প্রবেশ)

বুদ্ধ । (পরিক্রমণ ও আকাশের দিকে লক্ষ্য করিয়া)
 অবলোকিতা ! ভগবতী কোথায় আছেন বলতে
 পার ?

(অকলোকিতার প্রবেশ)

অব । বুদ্ধরক্ষিতা ! এ তুমি কি জ্ঞান না, আজ-কাল
 ভগবতী ভিক্ষার সময় হলেও ভিক্ষা করিতে
 যান না—সময় অসময় মানেন না, অষ্ট-প্রহর
 মালতীর সঙ্গে সঙ্গেই থাকেন ?

বুদ্ধ । হঁ । ভাল, তুমি কোথায় গিয়েছিলে বল
 দিকি ?

অব । ভগবতী আমাকে মাধবের কাছে পাঠিয়ে-
 ছিলেন, আর এই কথা তাঁকে বলতে বলেছিলেন
 যে, শঙ্কর-মন্দিরের “কুম্ভাকর উদ্যানে যে
 কুম্ভক গাছের কুম্ভ আছে, তারই শেষ-ভাগে
 রক্ত-অশোকের বন—সেই বনে গিয়ে তুমি
 অপেক্ষা করবে ।”

বুদ্ধ । মাধবকে সেখানে পাঠালেন কেন ?

অব । আজ কুম্ভ-চতুর্দশী ; তাই আজ মালতীর সঙ্গে
 শঙ্কর-মন্দিরে যাবেন । আর সৌভাগ্য-বুদ্ধির
 জন্ত মালতী আজ লবঙ্গিকাকে সঙ্গে করে পূজার
 ফুল স্বহস্তে তুলবেন, ভগবতীও সেই উপলক্ষে
 মালতীকে “কুম্ভাকর” উদ্যানে নিয়ে আসবেন ।
 তার পর, এই স্বযোগে পরস্পরের সঙ্গে দেখা-
 সাফাৎ হবে । ভাল, তুমি কোথায় যাচ্ছ বল দিকি ?

বুদ্ধ । আমার প্রিয়সখী মদয়ন্তিকা শঙ্কর-মন্দিরে
 গেছেন ; আমাকেও সেখানে যেতে বলেছেন ।
 এখন আমি ভগবতীকে প্রণাম করে সেই-
 খানেই যাচ্ছি ।

অব । ভগবতী তোমাকে যে কার্যে নিযুক্ত করেছেন,
 তার কি হ'ল ?

বুদ্ধ । আমি ভগবতীর আদেশক্রমে, এ কথা সে
 কথা পেড়ে, “তিনি এমন, তিনি তেমন” এইরূপ
 নানা কথা বলে মকরন্দের প্রতি মদয়ন্তিকার
 অনুরাগ জন্মে দিয়েছি । তাই, মদয়ন্তিকারও
 ইচ্ছা, মকরন্দকে আজ দেখেন ।

অব । সাধু বুদ্ধরক্ষিতা সাধু !

বুদ্ধ । এসো, আমরা এখন যাই ।

[পরিক্রমণ করিয়া প্রস্থান ।

ইতি প্রবেশক

দৃশ্য—শঙ্কর-মন্দিরের উদ্যান

(কামন্দকীর প্রবেশ)

কাম ।—

মালতী-বিনয়-নন্দ,

নানাবিধ করিয়া উপায়

লভেছি বিশ্বাস তার

সখীসম সেবা-শুশ্রূষায় ।

বিমনা বিরহে মম,

প্রসন্ন সে মম-সন্নিধানে,

গুপ্ত কথা কহে মোরে,

তোষে কত উপহার-দানে ।

সঙ্গে সঙ্গে ফেরে সদা,

গমনের কালে ধরে জড়াইয়া গলে,

আটকি আটকি রাখে,

দিব্য দিয়া পুন মোরে আসিবারে বলে ।

আর একটি ব্যাপারেও বিলক্ষণ আশার সঞ্চার
 হয় :—

শকুন্তলা প্রভৃতির ইতিহাস

বলিলাম কথার প্রসঙ্গে,

শুনিয়া সে কথা মোর

বসিল অমনি আসি আমার উৎসঙ্গে ।

বসিয়া বসিয়া কোলে হসে আন-মনা

চিন্তায় মগনা হল স্তিমিত-নয়না ॥

এর পরে যা কিছু করবার আছে, সে সমস্ত আজ
মাধবের সম্মুখে করতে হবে।

(নেপথ্যভিষ্ণুখে) এই দিকে বৎসে—এই দিকে!

(মালতী ও লবঙ্গিকার প্রবেশ)

মাল। (স্বগত) পিতা আমাকে রাজার হস্তে
সমর্পণ করবেন? রাজারাধনাই পিতার সর্বস্ব
হল, আর মালতী তাঁর কেউই নয়? পিতা!
আমার প্রতি তোমার এইরূপ ব্যবহার?—তবে
দেখছি পৃথিবীতে ভোগ-তৃষ্ণারই জয়। প্রিয়সখী
আবার বল্লেন, “মহৎ-বংশে তাঁর জন্ম। মহাসাগর
ছাড়া পারিজাতের আর কোথায় উৎপত্তি হতে
পারে?”

লব। সখি!

“কুম্ভাকর”—উদ্ভান হ’তে হের সুমন্দ অনিল
তোমায় করিছে আলিঙ্গন; আহা! মরাল-গমনে
শ্মলিত-চরণে চলিয়া তবু ও-চন্দ্রবদনে
দেখা দেছে শ্বেদ-বিন্দু; মন্দানিল চুম্বিয়া তাহায়
করিতেছে চন্দন-শীতল;—হের সহকার-শাখে
মধুর মঞ্জরী করি’ কবলিত, কত কেলিকল
কোকিল-কুল করিছে কোলাহল আকুল হইয়া।
তাহাদের কলরবে অলিকুল হইয়া উড়ডীন
বসে গিয়া চম্পক-শাখায়;—মুহূ পরশে তাহার
বিকসিত-দল কুম্ভ-চম্পক স্নগন্ধ বিলায়।
এস সখি, আমরা এই উদ্ভানে প্রবেশ করি।

(মাধবের প্রবেশ ও অলঙ্কিতভাবে অবলোকন)

মাধব। (সহর্ষে) এই যে, ভগবতী কামন্দকী
এসেছেন।

তাপ-দগ্ধ শিখীর নয়নে

বর্ষণের পূর্বে যথা অগ্রদূত বিহ্যৎ-প্রকাশ,

—আইলেন ভগবতী;

এবে আসিবেন প্রিয়া—চিন্তে হেন হতেছে আখাস।

(দেখিয়া) এই যে! লবঙ্গিকার সঙ্গে মালতীও
এসেছেন যে!

কি আশ্চর্য্য! হেরি ওই

অমল মধুর মুখ চন্দ্র-বিনিন্দিত

মুহূর্ত্তের মাঝে মোর

হৃদয় হইল মুগ্ধ জাড়িমা-জড়িত।

চন্দ্রকাস্ত মণি যথা

মহীধরে দ্রব করে জ্যোতি-বরিষণে

এ হৃদি পাবাণ মোর

বিগলিত হল আজি হেরি চন্দ্রাননে।

এখন মালতীকে যেন আরও সুন্দর দেখাচ্ছে।

দলিত চম্পক-বাস, ললিত অঙ্গ-বিলাস,

অলস-মাধুরী হেরি মুগ্ধ মন প্রাণ;

প্রেমানল উঠে জ্বলে হৃদি মাতাইয়া তোলে,

কুতর্থা হইল আজি এ মোর নয়ান।

মাল। এসো সখি, আমরা এই কুঞ্জক-নিকুঞ্জে গিয়ে
ফুল তুলি গে।

লব। আচ্ছা চল। (পুষ্প চয়ন)

মাধব।—

শুনিয়া প্রিয়ার এই প্রথম বচন

প্রতি অঙ্গে হল মোর পুলক-ক্ষুরণ।

নবমেষ-বরিষণে কদম্ব-মুকুল

সহসা হয় গো যথা কণ্টক-আকুল।

ভগবতীর কি আশ্চর্য্য কৌশল!

মাল। এসো সখি, এই দিকে গিয়ে আরও কতকগুলি
ফুল তুলি গে।

কাম। (মালতীকে আলিঙ্গন করিয়া) বাছা, তুমি
বড় ক্লান্ত হয়ে পড়েছ, একটু বিশ্রাম কর।

শ্মলিত বচন তব,

অঙ্গে অঙ্গ পড়িছে চলিয়া।

মুখচন্দ্র উদ্ভাসিত,

শ্বেদ-বিন্দু পড়িছে ঝরিয়া।

নেত্র আধো-মুকুলিত,

মনে হয় দেখে তব দশা

—হেরি যেন প্রিয়জনে,

তাঁর মত তুমিও বিবশা।

মালতী। (লজ্জিতা)

লব। ভগবতী কথাটি বড় সুন্দর বলেছেন।—“হেরি’

যেন প্রিয়জনে, তাঁর মত তুমিও বিবশা!”

মাধ। আহা! পরিহাসটি কি হৃদয়গ্রাহী!

কাম। আচ্ছা, বোসো তবে। একটা ঘটনার কথা
তোমাকে বলি।

(সকলের উপবেশন)

কাম। (মালতীর চিবুক উঠাইয়া) শোন বাছা,
সে অতি চমৎকার কথা।

মাল। বল ভগবতি, আমি মন দিয়ে শুনিছি।

কাম। তোমাকে কথায় কথায় এক দিন বলে-
ছিলেম, মাধব বলে একটা ছেলে আছে, তোমার

মত. সেও আমার আর একটি স্নেহের সামগ্রী—
প্রাণের বন্ধন।

লব। হাঁ, মনে আছে, আপনি বলেছিলেন বটে।
কাম। তা, সেই মদনোৎসবের দিন থেকে সে

ভয়ানক বিষ্ণু—আর, শরীরের তাপে যেন
একেবারে অবশ পবন।

ইন্দুতে আনন্দ নাহি যদিও তাহার,
প্রণয়িনী-জনের নাহিক ধারে ধার,
স্বধীর বিবেকশীল সে যে গো এমন
তবুও তাহাতে ব্যক্ত সস্তাপ বিষম।
শ্যামাদ্র প্রিয়ঙ্গু-সম * শীতল-প্রকৃতি,
পাণ্ডুর বরণ-কান্তি, বপু ফীণ অতি,
দারুণ তনুর তাপে তাপিত যদিও,
তবু সে মোহন রূপ অতি রমণীয়।

লব। পূর্বে যখন আর একবার অবলোকিতা
ভগবতীকে নিয়ে এখানে এসেছিলেন, তখন
যাবার তাড়া দিয়ে এক সময় বলেছিলেন বটে
যে, মাধবের শরীর বড় অসুস্থ।

কাম। তার পর, যখন গুনলেম মালতীই তাঁর
প্রেমোন্মাদের মূল কারণ, তখন আমারও মনে
তাই দৃঢ় বিশ্বাস হ'ল।

মনে হ'ল হেরি' তার সে চাঁদ-বদন
—দারুণ উৎকর্ষা হৃদে জাগে অক্ষুণ্ণ।

মনে হ'ল—মহোদধি ছিল যে স্তিমিত
চক্ষুর উদয়ে যেন সহসা ক্ষুভিত।

মাধ। (স্বগত) বাঃ! ভগবতী ঠিক বর্ণনাটি
করেছেন—আবার আমার উপর মহত্ব আরোপ
করতেও চেষ্টা করছেন। ভগবতীর চেষ্টা নিষ্ফল
হবার নয় :—

শাস্ত্রেতে অটল নির্ঠা, জ্ঞান স্বাভাবিক,
পাণ্ডিত্য প্রকাশ, আর বাক্য সুরমিক,
কালের প্রতীক্ষা, প্রতিভার নূতনতা,
—এ গুণ-গুলিতে বটে কার্য্য-সফলতা।

কাম। তা ছাড়া, জীবনের উপর তাঁর এতটা
বিরক্তি জন্মেছে যে, হেন দুকর কাজ নেই যা
তিনি এখন করছেন না।

কোকিল-কুঞ্জর-পূর্ণ

মুকুলিত চূত-বৃক্ষে সদা তাঁর নেত্র পড়ি রহে।

প্রিয়ঙ্গু—সত্যবিশেষ। শ্যামলতা। পিপ্পল।

ঢালি' দেন গাত্র তাঁর

—বকুল-সৌরভ-পূর্ণ মন্দানিল যেই পথে বহে।

প্রেম-জ্বালায় কাতর

—সরস নলিনী-পত্রে শয্যা রচি' করেন শয়ন
তাহাতে বিফল হয়ে

মৃত্যু-ইচ্ছা করি' পুন চক্রকর করেন সেবন ॥

মাধ। ভাগবতীর এ কথাও খুব ঠিক।

মালতী। (স্বগত) বিরহীর পক্ষে এ অতি দুকর
কাজ বটে।

কাম। যে ব্যক্তি স্বভাবতঃ এমন স্নকুমার, যে
তপস্বীর ক্লেশ কখন সহ্য করেনি, সে কি না
এখন মরণ-যন্ত্রণা ভোগ করতেও প্রস্তুত।

মাল। (জ্ঞাস্তিকে) সখি! যিনি জগতের অলঙ্কার,
তিনি আমার জন্ত এত কষ্ট পাচ্ছেন গুনে আমি
অত্যন্ত ভীত হয়েছি। এখন কি ক'রে এর
প্রতিকার হয়?

মাধ। আমার কি সৌভাগ্য, আমার উপর
ভগবতীর একটু দয়ার উদ্দেক হয়েছে।

লব। ভগবতী বললেন এইরূপ; এদিকে আবার
ঠাকুরাণী আমাদের, নিজ-গৃহ-সন্নিকট-পথে
মাধবে দর্শন করি' সে অবধি তিনিও কাতরা।

অঙ্গুলি রবি-কর-আলিঙ্গিত পদ্ম-কন্দ-সম
পাণ্ডু-বরণ—মদন-বেদনায় অতীব অধীরা;

—তনু তাহে আরো যেন মনোহর;—পরিজন
সবে

ব্যথিত হেরি এ দশা; কেলি-কলা আমোদ-প্রমোদ
কিছু আর তাঁর ভাল নাহি লাগে; এখন কেবল,
কর-কমলে কপোল করি' গুস্ত—যাপেন দিবস!

মদন-উজ্জান-বাহী মন্দ-মন্দ সুগন্ধ অনিল
বিষবৎ তাঁর কাছে এবে; বিশেষতঃ যেই দিন,
মাধব স্নন্দর বেশ-ভূষা করি' মদন-উৎসবে
করিলা গমন; তাহারে হেরিয়া, মনে হ'ল যেন,
আপনার মহোৎসব দরশন-মানসে অনঙ্গ

• অঙ্গ পরিগ্রহ করি' কানন করিলা অলঙ্কৃত!
ঠাকুরাণী আমাদের, ছিলেন সেখানে সেই দিন;

—দৈব-বশে উভয়ের চারি চক্ষু হইল মিলন।

অমনি গো প্রিয়সখী প্রকাশিলা বিভ্রম-বিলাস,
রোমাঞ্চ-বরম-স্তম্ভে তনুখানি হইল স্নন্দর,

—উভয়ের যৌবনের উভে যেন বুঝিলা মাহার্য্য।
হোলো যেই চোখাচোখি, উভয়ের নয়ন-সঙ্কোচে

উভয়ের বাড়িল ঔৎসুক্য—মোরা হু হু আনন্দিত ।
তদবধি প্রিয়সখী মনস্তাপে অতীব কাতরা,
মুহূর্তের তরে হেরি পূর্ণচন্দ্রে যথা সরোজিনী
—তেমতি মলিনা সখী ; ভেবেছিহু আমরা সবাই
—জলদের বরিষণে ধরা যথা হয় সুশীতল,
মুহূর্তেরও তরে হেরি' প্রিয়সখী হৃদয়-বল্লভে
হবেন আশ্রিত, কিন্তু বিপরীত দেখি সব এবে ।
—মুক্তা-কান্তি-দন্ত-শোভা ওষ্ঠাধর কাঁপে থরথর,
কপোলে রোমাঞ্চ সদা, স্পন্দহীন নয়নের তারা,
কভু বা নয়ন ঘুরে চারিধারে আনন্দাশ্র-ভরে,
—বিকসিত মুকুলিত, কভু বা সে স্নিগ্ধ ছলছল ।
নবচন্দ্র-রেখা সম তাঁর সেই সুন্দর ললাটে
স্বদজল অবিরল বিন্দু বিন্দু উঠিছে ফুটিয়া ।
—এই সব নানাভাব হেরি তাঁর পঙ্কজ-আননে
তাঁর সে কুমারী-ভাবে আমাদের জনমে সংশয় ।

অপিচ ;—

শশিকর-বিচূষিত বিগলিত চন্দ্রমণি-হার
ধারণ করেন সখী নিশাগমে ; সহচরীগণ
সুশীতল কপূর চন্দন-রস, কদলীর দল
যোগায় হইয়া ব্যস্ত ; পদ্ম-দল-জলার্জ-বসনে
শয়ন রচিয়া দেয়—এইরূপে সখী আমাদের
যাপন করেন নিশি অনিদ্রায় ; নিদ্রা যদি আসে,
স্বপ্নলক প্রিয়-সমাগমে, পাদ-পল্লব হইতে
স্বদজল ঝরি'ঝরি' অলঙ্কর হয় প্রফালিত,
উরু-মূল কাঁপি' থরথর—খসি' পড়ে নীবির বন্ধন,
হৃদয়ের মধ্য হতে দীর্ঘশ্বাস হয় উচ্ছ্বসিত,
রোমাঞ্চিত পয়োধর হয় তাহে সঘনে কম্পিত
—বেষ্টিয়া বাছ-লতায় সখী তাহা রাখেন বাধিয়া ।
সহসা জাগিয়া উঠি, করেন আকুল দৃষ্টিপাত ;
শয্যাতল হেরি' শূণ্য মুচ্ছায় মুদিত হয় আঁখি,
—আমরা অমনি সবে কত যত্নে মুচ্ছাভঙ্গ করি ।
তখন একটি পড়ে দীর্ঘ শ্বাস—মনে হয় যেন
এতক্ষণে প্রাণ এল দেহে ; মোরা হেরিয়া সে দশা
কর্তব্যবিমূঢ়া হয়ে চাহি গো মরিতে, কখন বা
অদৃষ্টেরে করি শত তিরস্কার ; বলুন এখন
কত দিনে এহেন লাবণ্যময় সুকুমার-দেহে
মদনের এ বিষম শরজ্বালা হবে প্রশমিত ?
যে সময়ে রজনীর সমাগমে মধুর চন্দ্রমা
শুভ্র রজত-ছটায় ঘোচায় ভিমির-আবরণ,
কুসুমের পরিমল ছড়াইয়া মলয়-সমীর

দশদিক করে গন্ধে আমোদিত বনস্তের রাতে,
তখন না জানি আশা সজনির কি দশা হইবে,
মরমে মরিবে সখী, ষটিবে বিষম প্রমাদ ।

কাম । শোনো লবঙ্গিকা !

মাধবের পরে যদি, হয়ে থাকে প্রেমের সঞ্চার
—মালতীর ইথে পাই পরিচয় গুণগ্রাহিতার ।
শুনে-সুখী হু বটে, কিন্তু তার যে দারুণ দশা,
বিদরে হৃদয় মম, হারাই যে সকল ভরসা ।
মাধ । এ স্থলে ভগবতীর মনে উদ্বেগ হবারই কথা ।
কাম । ওঃ ! কি প্রমাদ !

ললিত-কোমল যে গো মালতী-প্রকৃতি
তাহে পুনঃ পঞ্চবাণ নিদারুণ অতি ।
মলয়-কম্পিত চূত-পুষ্প সূশোভন,
আর, চারু চন্দ্র এবে কালের ভূষণ ।
কেমনে ধৈর্য ধরি' থাকিবে গো বাল্য,
কেমনে সে নিবারিবে হৃদয়ের জ্বালা ।

লব । ভগবতি ! আরও একটা কথা নিবেদন করি ।
এই চিত্রফলকটিতে মাধবের যে ছবিটি আছে,
আর এই বকুল-মালা-গাছি যা মাধবের স্বহস্তে
গাঁথা ব'লে উনি এখন গলায় প'রে আছেন, এই
দুইটিই এখন সখীর জীবনের একমাত্র অবলম্বন ।
মাধব । (আগ্রহ সহকারে স্বগত)

তোরই জয়মালা ও রে ! ধখ বলি তোরে,
হৃদয়-বল্লভ হয়ে বিলম্বিত প্রেমসীর বুকে,
সুপক-মৃগালসম গুত্র স্তনপরে
বিলাস-পতাকারূপে আশা কিবা রয়েছিস স্মখে ।

(নেপথ্যে কলরব—সকলের কাণ পাতিয়া শ্রবণ)
পুনর্বার নেপথ্যে ।

শঙ্কর-মন্দির-বাসী তোরা নবে হ রে সাবধান ।
মন্দিরের পোষা বাঘ ছবিষহ রোষভরে
(যৌবন-সুলভ)

লোহার পিঞ্জর ভাঙি', ছিন্ন করি' কঠিন শৃঙ্খল,
উত্তম্ভ লাম্বুল করি' উত্তোলন বৈজয়ন্তী সম,
ফুলাইয়া দেহ-খানা, মঠ হতে হয়েছে বাহির ।
ভীমবজ্রপাত-সম থাবা মারি' নর-অধ যুত
প্রাণিগণে করি বধ ব্যগ্রভাবে করে কবলিত ।
অস্থি-দন্ত-প্রতিঘাতে সমুখিত কড়মড়-ধ্বনি
স্ববিকট ; স্ককঠোর নিদারুণ নখর-প্রহারে
বিদারিছে জীবজন্তু—পাঙ্কল করিয়া নিজ পথ

রুধিরধারায়, মাঝে মাঝে সুভীষণ গরজনে
হত-শেষ প্রাণিগণে করিতেছে ভীত বিদ্রাবিত।
কুপিত রুতাস্ত-সম ওই দেখ মদয়স্তিকারে
করে আক্রমণ—বাঁচাইতে তারে তোরা হ রে
অগ্রসর।

(বুদ্ধরক্ষিতার প্রবেশ)

বুদ্ধ। রক্ষা কর, রক্ষা কর। আমার প্রিয়সখী
নন্দনের ভগিনী মদয়স্তিকা শঙ্কর-গৃহে ছিলেন,
সহসা একটা বাঘ এসে তাঁর লোক-জনের
পিছনে ভাড়া ক'রে তাদের বধ করেছে। তার
পর এখন সখীকেও ধরেছে।

মাল। লবঙ্গিকা, কি ভয়ানক বিপদ!

মাধ। (শশব্যস্তভাবে উঠিয়া অন্তরাল হইতে বাহির
হইয়া) বুদ্ধিরক্ষিতা! কোথায় তিনি?

মাল। (দেখিয়া সহর্ষে ও সভয়ে স্বগত) ও মা!
এই যে, ইনিও এইখানে আছেন দেখছি।

মাধ। (স্বগত) আহা! আমি কি পুণ্যবান! প্রিয়া
আমাকে এখানে অকস্মাৎ দেখতে পেয়ে কেমন
উল্লাসের দৃষ্টিতে আমার দিকে চেয়ে দেখলেন।
মনে হল যেন

পদের মালায় বন্ধ হল এই প্রাণ,
কিধা দুষ্ক-শ্রোতে যেন করিলাম স্নান।
বিফারিত নেত্রের তার হনু কবলিত,
অমৃত-বর্ষণে যেন হইলু সিক্তিত।

বুদ্ধরক্ষিতা! বাঘটা কোথায়?

বুদ্ধ। উদ্ভান হতে বেরোবার যে পথ, সেই
পথের মুখে।

(মাধব সদর্পে পরিক্রমণ)

কাম। দেখ বাছা, বিক্রম প্রকাশ করতে গিয়ে
অসাবধান হয়ে না।

মাল। (জনাস্তিকে) লবঙ্গিকা, কি সর্বনাশ
উপস্থিত—এ কি ভয়ানক বিপদ!

মাধ। (বাইতে বাইতে সম্মুখে দেখিয়া) ওহোহো!
পরস্পর-সংলগন

ছিন্ন-ভিন্ন অন্তর্জাল কত ছড়াছড়ি,
সত্ত-ছিন্ন অধোমুখী
রুণ্ড-মুণ্ড থাকি' থাকি' উঠে ধড়ফড়ি।

প্রচণ্ড নখরাঘাতে

আগুল্ফ-শোণিত-পঙ্কে পঙ্কিল এ পথ,

ভীষণ হয়েছে স্থান,

জীব-জন্তু-মৃত-দেহ পড়ি আছে কত।

ওঃ! কি বিপদ! কুমারীটিকে যেখানে
আক্রমণ করেছে, সেখান থেকে আমরা আবার দূরে।
সকলে। হা! মদয়স্তিকে!

কামন্দকী ও মাধব—(হর্ষধ্বনি)

ওই দেখ কোথা হতে মকরন্দ আসি,

অন্ত লোক-হস্ত হতে কাড়ি চর্ম্ম আসি,

উভয়ের মধ্যস্থলে সহসা দাঁড়ায়

—এইবার বুঝি বালা প্রাণে রক্ষা পায়।

অন্তলোক। সাবাস্ মহাশয় সাবাস্!

কামন্দকী ও মাধব! (সভয়ে) উঃ! বাঘটা
ভয়ানক খাবা মেরেছে।

অন্তলোক। উঃ! কি প্রচণ্ড আঘাত!

কামন্দকী ও মাধব! (সহর্ষে) এই যে! বাঘটাও
যে মারা গেছে দেখচি।

অন্তলোকে। বাঘটা মরেছে?—বাঘটা মরেছে?
আঃ! বাঁচা গেল!

কাম। (ভয়ব্যাকুলভাবে) এ কি! মকরন্দ যে
চৈতন্ত-রহিত। খর-নখর-প্রহারে শরীর হতে
রুধির-ধারা বিগলিত হচ্ছে; অসিলতা ভূতলে
পতিত, আর মদয়স্তিকা ওঁকে ধরে
তুলছে।

অন্তলোক। আহা, আহা! বাঘের খাবায় মুছ'া
গেছেন।

মাধ। এ কি! সখা যে একেবারে চৈতন্ত-রহিত।
(কামন্দকীর প্রতি) ভগবতি, রক্ষা করুন, রক্ষা
করুন।

কাম। তুমি দেখছি বাছা অত্যন্ত কাতর হয়ে
পড়েছ। আচ্ছা চল, দেখি কি করতে পারি।

[পরিক্রমণ করিয়া সকলের প্রস্থান।

ইতি শার্দ ল-বিদ্রাবণ নামে তৃতীয় অঙ্ক সমাপ্ত

প্রথম

(মদয়স্তিকা)

লইয়া প্রে

রক্ষিত

মদ। ভগবতি

আমার জ

আপনি অ

অন্তলোক। হ

কি দেখতে

কামন্দকী। (

তোমাদের

(মা

মক। (সচেত

কেন এত

স্বস্থ হয়েছি

মদ। (সহর্ষে

চাঁদ মকর

মাল। (মাধ

বাঁচা গেল।

হয়েছে।

মাধ। (চৈতন্ত

সাহসী সখা

কাম। (উভ

গেল—আম

অন্তলোক। আ

বুদ্ধ। (জনাস্তি

সেই ব্যক্তি

মদ। আমি ত

সেই ব্যক্তি।

বুদ্ধ। কেমন,

মদ। তোমার

অত পক্ষপা

সখি, এই ম

একটা জন

পাত্রেই পড়ে

চতুর্থ অঙ্ক

প্রথম দৃশ্য—শঙ্কর-মন্দিরের উদ্যান।

(মদয়ন্তিকা ও লবঙ্গিকা মুচ্ছিত মাধব ও মকরন্দকে লইয়া প্রবেশ এবং কামন্দকৌ, মালতী, বুদ্ধ-রক্ষিতার শশব্যস্ত হইয়া প্রবেশ)

মদ। ভগবতি! ইনি বিপন্ন-জনের বন্ধু, সম্প্রতি আমার জন্তু ওঁর প্রাণ-সংশয় উপস্থিত; ভগবতি! আপনি অহুগ্রহ করে রক্ষা করুন।

অতুলোক। হায় হায়! না জানি আমাদের শেষে কি দেখতে হবে!

কামন্দকৌ। (উভয়কেই কমণ্ডলু-জলে সিক্ত করিয়া) তোমাদের বজ্রাঞ্চল দিয়ে বাছাদের বাতাস কর।

(মালতী প্রভৃতির তথা করণ)

মক। (সচেতন হইয়া অবলোকন) সখা! তোমরা কেন এত কাতর হয়েছ? এই দেখ আমি সুস্থ হয়েছি।

মদ। (সহর্ষে স্বগত) এই যে! আমার পূর্ণিমার চাঁদ মকরন্দের চেতনা হয়েছে দেখছি।

মাল। (মাধবের ললাটে হস্ত দিয়া) সখি লবঙ্গিকা! বাঁচা গেল। তোমার প্রিয়সখা মকরন্দের চৈতন্য হয়েছে।

মাধ। (চৈতন্য লাভ করিয়া) এসো, এসো, আমার সাহসী সখা এসো। (মকরন্দকে আলিঙ্গন)

কাম। (উভয়ের মস্তক আঘ্রাণ করিয়া) বাঁচা গেল—আমার বাছাদের প্রাণ রক্ষা হ'ল।

অতুলোক। আমরা বড় সুখী হলেম।

(সকলের হর্ষ প্রকাশ)

বুদ্ধ। (জনাস্তিকে) দেখ সখি মদয়ন্তিকা! ইনিই সেই ব্যক্তি।

মদ। আমি তখনই বুঝেছি, ইনি মাধব, আর ইনিই সেই ব্যক্তি।

বুদ্ধ। কেমন, আমার কথা সত্য কি না?

মদ। তোমার মত লোক ওরূপ গুণ না দেখলেই বা অত পক্ষপাতিনী হবে কেন বল? আর, দেখ সখি, এই মহাত্মাকে মালতী ভালবাসেন ব'লে যে একটা জনরব আছে, তা সে-ভালবাসা যোগ্য পাত্রেরই পড়েছে—আর অতি মধুরও বটে।

(পুনর্বার মকরন্দকে সম্পূর্ণভাবে অবলোকন)

কাম। (স্বগত) আজ মকরন্দ ও মদয়ন্তিকার মধ্যে এই আকস্মিক দেখা-সাক্ষাৎটা বড় সুন্দররূপে ঘটে গেল। (প্রকাশ্যে) বাছা মকরন্দ! তুমি সেই সময় মদয়ন্তিকার প্রাণ বাঁচাবার জন্তু দৈবক্রমে কি করে এসে পড়লে বল দিকি?

মক। আজ আমি নগরে একটা সংবাদ শুন্লেম, তাতে মাধবের বিশেষ ভাবনার কথা ব'লে মনে হ'ল। পরে অবলোকিতার কাছে সন্ধান নিয়ে যেমন "কুসুম-আকর" উদ্যানে আসছি, এমন সময়ে ভদ্রবংশের একজন কুমারীকে একটা বাধে আক্রমণ করেছে দেখে আমার মনে দয়া উপস্থিত হ'ল, আর আমি অমনি ছুটে গেলেম।

কাম। (স্বগত) না জানি সংবাদটি কি—বোধ হয় নন্দনের হস্তে মালতীকে সম্প্রদান করবার কথা। (প্রকাশ্যে) বাছা মাধব! মালতী তোমার সখার চৈতন্যের সংবাদ দিয়ে তোমাকে সুস্থ করলেন, এখন তাঁকে তোমার কিছু পুরস্কার দেওয়া কর্তব্য।

মাধব। সখারে মুচ্ছিত দেখি ব্যাঘ্রের আঘাতে আমিও মুচ্ছিত হই সুস্থদের সাথে। উঁহারই সৌজন্ত-বশে হনু গভ-ব্যথা, গ্রহণ করুন উনি হৃদি-কৃতজ্ঞতা। ভগবতি, অত্ন কিবা দিব পুরস্কার মন প্রাণ ওই পদে দিহু উপহার।

লব। এইটি প্রিয় সখীর মনের মত পুরস্কার হয়েছে।

মদ। (স্বগত) অহা! মহৎ ব্যক্তির কেমন সময় বুঝে মিষ্টি কথা বলতে পারেন।

মাল। (স্বগত) মকরন্দ না জানি এমন কি কথা শুনেছেন, যাতে আমাদের ভাবনা হতে পারে।

মাধ। সখা! ভাবনার কথা কি শুনেছ বল দেখি?

(একজন সংবাদ-বাহক পুরুষের প্রবেশ)

পুরুষ। বৎসে মদয়ন্তিকে! আজ পদ্মাবতীর রাজা আমাদের বাড়ী এসে, অমাত্য ভূরিবহুর সেই কথায় দৃঢ় বিশ্বাস করে, নন্দনের প্রতি প্রসন্ন হয়ে মালতীকে নন্দনের উদ্দেশ্যে স্বয়ং দান করে গেছেন। এখন তোমার জীতার এই আদেশ, তোমরা গৃহে এসে বিবাহ-উৎসব-উপলক্ষে আমোদ-প্রমোদ কর।

মক। সখা! এই সেই সংবাদ।

(মালতী ও মাধবের নৈরাশ্র অভিনয়)

মদ। (মালতীকে সহর্বে আলিঙ্গন করিয়া) দেখ
সখি! আমাদের এক নগরে বাস, গৃহে
ছেলেবেলায় একত্রে খেলাধুলা করেছি, এত দিন
তুমি আমার প্রিয়সখী ও ভগিনীর মত ছিলে,
এখন আবার আমাদের গৃহলক্ষ্মী হলে!

কাম। বাছা মদয়ন্তিকা! তোমার ভায়ের ভাগ্য
ভাল, তিনি দেখ মালতীকে লাভ করলেন।

মদ। সকলই আপনার আশীর্বাদে ফল। সখি
লবঙ্গিকে, এত দিনে তোমাদের পেয়ে আমার
মনের বাসনা পূর্ণ হ'ল।

লব। সখি, এর পর আর আমাদের কি বলবার
আছে?

মদ। সখি বুদ্ধরক্ষিতে! এসো তবে এখন বিবাহ-
উৎসবে যাওয়া যাক।

বুদ্ধ। হাঁ সখি, চল। (উত্থান)

লব। (জনাস্তিকে) ভগবতি, মকরন্দ ও
মদয়ন্তিকার পরস্পরের চাহনির ভাব-খানা
দেখুন—পদ্মপত্র ঈষৎ দলিত হলে যে রকমটি হয়,
এ যেন সেই রকম চোখের ভাব। বোধ হয়,
ওরাও মনে মনে আপনাদের প্রণয়-সম্বন্ধ পূর্ক
হতেই স্থির করেছে।

কাম। (ঈষৎ হাসিয়া) ওরা পরস্পরকে দেখে, মনে
মনে যে মুহূর্ত্তে স্বথানুভব করেছে, তা ওদের ভাব
দেখেই বেশ বোঝা যাচ্ছে কেন না—

নয়ন ঈষৎ বাঁকা, অপাঙ্গ কুঞ্চিত,
অনুরাগ-আবির্ভাবে স্তম্ভর স্তমিত।

ক্রান্ত একটু তোলা, মনে স্বখোদয়,
তাহাতে মসৃণ নেত্র—স্থির পশ্চয়।

বক্র দৃষ্টে দৃষ্টিপাত—এ সব লক্ষণ
মনের হরষ ব্যক্ত করে বিলক্ষণ।

পুরুষ। এই দিক দিয়ে—এই দিক দিয়ে।

মদ। সখি বুদ্ধরক্ষিতে! আবার কি আমার সেই
জীবন-দাতা প্রাণেশ্বরকে দেখতে পাব?

বুদ্ধ। যদি কখন দৈব আবার অনুকূল হন, তবেই
দেখতে পাবে।

[সংবাদ-দাতা পুরুষের সহিত উহাদের প্রস্থান।

মাধ। (জনাস্তিকে কামন্দকীর প্রতি)

গৃণাল-তদ্বর মত

সুভদ্রুর চির-আশা হউক গো ছিন্ন,
আধি-ব্যাদি নিরবধি

আমার এ দেহ মন করুক বিদীর্ণ।
অধৈর্য্য চঞ্চলতা

করুক সে অধিকার হৃদি-মন-প্রাণ,
বিধাতা স্থস্থির হোন,

মদন হউন এবে পূর্ণমনস্কাম।

অথবা—

হৃলভ সামগ্রীলাভে মোর মনস্কাম,
তাই তো গো সমুচিত এই পরিণাম।

মালতী গুনিয়া তাঁর নিজ দান-কথা
প্রাতশ্চন্দ্র-সম ম্লান—তাই পাই ব্যথা।

কাম। (স্বগত) বৎস মাধবকে বিমনা দেখে
আমার ভারি কষ্ট হচ্ছে, মালতীও অত্যন্ত নিরাশ
হয়ে পড়েছে। (প্রকাশে) বাছা, তোমাকে
জিজ্ঞাসা করি—তুমি কি মনে করেছ,
অমাত্য স্বয়ং মালতীকে তোমার হস্তে সমর্পণ
করবেন?

মাধ। (সলজ্জ) না-না, তা নয়।

কাম। তবে এত ম্লান হলে কেন?

মক। নন্দনের হাতে মালতীকে অর্পণ করা হ'ল—
আমি তাই ভাবছি।

কাম। এ কথা শুনেছি বটে। আর বৎস, সে তো
সবাই জানে। যখন রাজা নন্দনের নিমিত্ত
মালতীকে প্রার্থনা করেন, তখন অমাত্য বলে-
ছিলেন, “মহারাজ নিজ কন্যার প্রভু।

মক। হাঁ, তা বটে।

কাম। সেই লোকটিও তো ব'লে গেল, রাজা স্বয়ং
মালতীকে দান করেছেন। দেখ বৎস, দেহীদের
মধ্যে হৃদয়ের দৃঢ় অনুরাগই কার্য্যের প্রবর্তক।
তবে, বাক্যেতেও পুণ্যাপুণ্যের হেতু বিজ্ঞমান—
সকলই বচনের অধীন! কিন্তু দেখ, সেই
• ভূরিবহুর বাক্য নিশ্চয়ই অনুতাপক। কেন না,
মালতী কিছু আর রাজার নিজ কন্যা নয়। তা
ছাড়া, অজ্ঞের কন্যাদানে রাজার অধিকার
আছে, এ কথাও ধর্মাচার-বিরুদ্ধ। অতএব
অমাত্যবাক্যের গূঢ় তাৎপর্য্য কি, তা ভেবে দেখ।
তুমি কি ভাবছ বাছা, আমি নিতান্ত অনবধান
হয়ে ব'সে আছি? দেখ—

যে পাপ আশঙ্কা করি
শক্ররও না যেন তাহা ঘটে কদাচন,
যাহাতে মিলন হয়
প্রাণপণে আমি তাহে করিব যতন ।
মক । ভগবতি, যা আজ্ঞা করলেন, তা অতি সঙ্গত
কথা । তা ছাড়া :—
আরো এক কথা এই—
সন্তান-সদৃশ তব বালক মাধব,
সংসারে বিরত তুমি
দয়া কিম্বা স্নেহে তবু হিয়া তব দ্রব ।
তপস্বীর ব্রত ছাড়ি
ইথে তুমি ভগবতি সঁপিয়াছ প্রাণ,
এতেও না হলে সিদ্ধি
জানিলাম একমাত্র দৈব বলবান্ ।
(নেপথ্যে)—ভগবতি কামন্দকি ! মা ঠাকরুণ
আমাকে আজ্ঞা করলেন—মালতীকে নিয়ে শীঘ্র
এখানে এসো ।
কাম । এখন তবে ওঠো বাছা ।

(সকলের গাজোথান)

মাধ । (স্বগত) ওঃ, কি কষ্ট! মালতীর সঙ্গে
একত্রে সংসার-যাত্রা নির্বাহ করব ব'লে যে আশা
করে ছিলাম, তার দেখছি এইখানেই শেষ হ'ল ।
সুহৃদের ঋণ বিধি
প্রথমেতে নিরস্তর হন অনুকূল
পুনঃ দশা-বিপর্যয়ে
মনস্তাপে মানবেরে করেন আকুল ।

মাল । (স্বগত)
প্রাণেশ্বর ! আমার নয়নানন্দ ! এই দেখাই আজ
শেষ দেখা !
লব । হা ধিক্ ! অমাত্য পিতা হয়ে মালতীর কি না
প্রাণ-সংশয় উপস্থিত করলেন ।
মাল । (স্বগত) আমার জীবন-তৃষ্ণার ফল এই
হ'ল, নির্দয় পিতার ঘাতুক বৃত্তি চরিতার্থ হ'ল,
আর ছুঁই বিধাতার আরক কার্যেরও সমুচিত
শেষ-পরিণাম এই হ'ল । কিন্তু আমি নিজে
হতভাগিনী, কারই বা দোষ দেব—আমি অনাথা
হয়ে কারই বা শরণাপন্ন হব ?
লব । সখি, এই দিক্ দিয়ে, এই দিক্ দিয়ে ।

[প্রস্থান ।

মাধ । (স্বগত) আমার বেশ বোধ হচ্ছে, ভগবতীর
কথা কেবল আশ্বাস মাত্র । আমার প্রতি
তীর যে স্বাভাবিক স্নেহ আছে, বোধ হয়,
তারই অনুরোধে তিনি এই সব কথা বলেন ।
(সোদ্বেষে) হায় ! আমার জন্মের সফলতা
বোধ হয় আর ঘটল না । এখন তবে কি কর্তব্য ?
(চিন্তা করিয়া) মহামাংস বিক্রয় ভিন্ন আর
উপায় দেখুছিনে । (প্রকাশ্যে) কেমন, সখা
মকরন্দ ! তোমার মনও কি মদয়স্তিকার জন্ত
উৎকণ্ঠিত হয়ে আছে ?

মক । হাঁ সখা ।

আমারে আহত হেরি কুরঙ্গ-নয়না
বন্দ খসি পড়ে তবু না করি গণনা,
সুধাময় অঙ্গে করিলেন আলিঙ্গন
—সে অবধি অস্থির হয়েছে প্রাণমন ।

মাধ । দেখ সখা, মদয়স্তিকা হচ্ছে বুদ্ধ-রক্ষিতার প্রিয়-
সখী—তাই আমার বোধ হয়, তুমি তাঁকে
অনায়াসেই পেতে পারবে । বিশেষতঃ—
মৃত্যু-মুখ হতে যারে করেছ রক্ষণ,
লভিয়াছে যেই জন সুখ-আলিঙ্গন,
মুগ্ধা-স্তিমিত দৃষ্টি যে চারু নয়নে,
তার প্রেম যায় কি গো অচ্য কোনো খানে ?

মক । তবে ওঠো সখা । পারা-সিদ্ধু-নদীর সঙ্গমে
অবগাহন ক'রে নগরে যাওয়া যাক্ ।

(গাজোথান করিয়া পরিক্রমণ)

দৃশ্য—নদী-সঙ্গম

মাধ । এই তো সেই ছুটি মহানদীর সঙ্গম-স্থান ।
স্নান সমাপন করি কুলবধুগণ
ধীরে ধীরে উঠে তটে মন্থর-গমন ।
তাহাদের পরিহিত জল-দিক্ত বাস
অঙ্গের উন্নত-নত করিছে প্রকাশ ।
রুচির কনক-কুম্ভ শোভে চারু কক্ষে
তুঙ্গ স্তন চাকে লাজে হাত দিয়া বক্ষে ।

[সকলের প্রস্থান ।

ইতি চতুর্থ অঙ্ক সমাপ্ত ।

পঞ্চম অঙ্ক

(বিদম্বক)

দৃশ্য—আকাশ-পথ

(ভীষণ-উজ্জ্বল বেশে কপালকুণ্ডলার প্রবেশ)

কপা। যোগ নাড়ী চক্র-মাঝে
আত্মা অবস্থিতি করে—যার এই জ্ঞান
সেই জ্ঞানি-জন-হৃদে
সিদ্ধিদাতারূপে যে গো করে অধিষ্ঠান,
অবিচল-মনে যারে
বিশ্বের সাধক সবে করে অঘেষণ,
শক্তিগণে স্রবেষ্টিত
সে শক্তিমাথের জয় করহ ঘোষণ।

অপিচ।—

যড়ঙ্গ-চক্র-নিহিত স্বংপদ্ম-সমুদিত
শিবরূপী আত্মামাঝে আত্মা করি লয়
নাড়ীর উদয়-ক্রমে, পঞ্চভূত-আকর্ষণে
না পাইয়া কোন বাধা উড়ি ব্যোমময়।
ভেদ করি নভোমেঘ, অতিক্রমি বায়ু-বেগ
অক্রেমে বিচরি ব্যোমে, নাহি শ্রমোদয়।

অপিচ।—

গগনে গমন-বেগে
আন্দোলিত স্থলিত কপাল-কণ্ঠমাল,
নৃমুণ্ড-সংঘট-ভরে
অবিরত ধ্বনিত ভীষণ ঘটি-জাল,
পর্যাপ্ত আমাতে যত সৌন্দর্য্য করাল।
ঘন-বন্ধ জটাভার
বায়ুবেগে এলাইয়া ওড়ে চারি দার,
খটাদ-কিকিণী-রাজি
আন্দোলনে তীব্রধ্বনি করে বারধার।
শব-শির-কুঞ্জ-মাঝে
গুঞ্জি বায়ু উঠাইছে বিলাপের তান,
কাপে উজ্জ্বল কর-ধ্বত ধ্বজের নিশান।

(পরিক্রমণ, অবলোকন ও গন্ধ আশ্রয় করিয়া)

এই তো এইখানে চিতাধূমের গন্ধ পাচ্ছি—
পুরাতন নিমের তেলে ভাজা রত্নের মত গন্ধ—
তা হ'লে সামনেই বোধ হয়-মহাশ্মশান—আর

করলা-দেবীর মন্দিরও বোধ হয় নিকটেই হবে।
মন্ত্র-সিদ্ধ আমার গুরুদেব আঘোর-ঘণ্টার
আদেশক্রমে, আজ দেখানে পূজার বিশেষ
আয়োজন করতে হবে। আর, গুরুদেব আজ্ঞা
করেছেন, দেবীর পরিতোধের জন্ত আজ একটি
দ্বীপের উপহার চাই। তা, এই নগরের
চারিদিকে অঘেষণ করে দেখা যাক।
(সকৌতুকে সম্মুখে অবলোকন করিয়া)—অতি
গম্ভীর মধুর আকৃতি, জটাবদ্ধ-কেশ তলোয়ার
হাতে—পথে নামছেন না জানি ইনি কে?
আহা!

কুবলয়-দল-শ্রাম

তস্থানি ধূসর-বরণ,

স্থলিত চরণক্ষেপ,

শশি-সম সূচাক্র বদন।

বামকরে নরমাংস

—বিগলিত রুধিরের পক্ষ,

প্রকাশে সাহস ঘোর,

হেরি ওরে জনমে আতঙ্ক।

(নিরীক্ষণ করিয়া) ওহো! এ যে কামন্দকীর
সখা-পুত্র মাধব—মহামাংস বিক্রয় করছে। তা,
এঁর এ কাজ কেন? সে যা হোক—এখন
আমার অভীষ্ট-সাধনের চেষ্টা দেখা যাক। ক্রমে
সন্ধ্যা-সময় অতিবাহিত হয়ে যাচ্ছে।

ঘন ঘোর তমঃপুঞ্জ

তালতরু-কুঞ্জসম ছাইল গগন,

বসুমতী-শেষ-প্রান্ত

নব-জল-ধারে ঘেন হইল মগন।

বাত্যার বেগেতে ঘেন

ধূমরাশি চতুর্দিক করিল আচ্ছন্ন,

ত্রিঘামা আরম্ভ সবে

তবু ঘেন ঘোরতর হইল অবণ্য।

[পরিক্রমণ করিয়া প্রস্থান।

ইতি বিদম্বক।

দৃশ্য—করলাদেবীর মন্দির-সমীপস্থ মহাশ্মশান।
(মহামাংস-হস্তে মাধবের প্রবেশ)

মাধ।—(সন্দিগ্ধ-চিত্তে)
আমা প্রতি তার সেই
প্রেমার্জ প্রণয়-স্পৃহ মুগ্ধ হাব-ভাব,
সুস্নিগ্ধ মধুর দৃষ্টি,
—এ মোর অদৃষ্টে পুন হবে কি গো লভ ?
ভাবিলেও মনে উহা
বাহুজ্ঞান একেবারে হয় তিরোহিত,
প্রগাঢ় আনন্দ-রস
ক্ষণমাত্র হৃদে আসি হয় সমুদিত।
মুক্তা-বিনা গাঁথা সেই
বকুলের মালাগাছি আমার রচিত,
—প্রিয়া-স্তনে করি বাস
সুবাসে স্তত্নু তার করে সুরভিত।
সে চারু কোমল অঙ্গ
আলিঙ্গন করিতে কি পাইব আবার ?
প্রেয়সীর কর্ণমূলে
নিবেশিয়া মনস্বখে আনন আমার ?
কিন্তু সে তো দূরের কথা, এখন আমার
গুধু এইমাত্র প্রার্থনা—
যার ধ্যানে হৃদিমাকে
অতিমাত্র সুখের উদ্ভব,
যার শুভ দরশনে
নয়নের মহা-মহোৎসব,
বালেন্দু-সৌন্দর্য্য-সারে
উৎপাদিত হইয়াছে উপাদান যার,
অনঙ্গ-মন্দির যেই,
সেই মুখচন্দ্র যেন হেরি গো আবার।
কিন্তু তাও বলি, তাঁর দর্শন ও অদর্শনে এখন
কিছুমাত্র বিশেষ নাই। কেন না, পূর্ক-দর্শনের
সংস্কার এখনও আমার হৃদয়-মাকে অনবরত
আগছে; এমন কি, এ সব বিসদৃশ ব্যাপার
দেখেও তা বিগুপ্ত হচ্ছে না—প্রিয়তমার স্মৃতিতে
আমার হৃদয় একেবারে তন্ময় হয়ে আছে।
প্রিয়ার সে রূপ হৃদে
বিলীন, প্রতিবিম্বিত, লিখিত, ফোদিত,
বস্ত্রের লেপনে লিপ্ত,
পঙ্কবাণে দৃঢ়-বিক্র, নিখাত, প্রোথিত,
৪র্থ—১১

সেই দিকে চিন্তা মোর সদা প্রবাহিত,
সেই মোর চিন্তা-তন্ত্র—চিন্তায় জড়িত।
(নেপথ্যে—কলরব)

মাধব।—আহা! এখন শবাহারী জীবজন্তুদের
সমাগমে শ্মশানপথ কি ভাষণ হয়ে উঠেছে!
এখন এখানে :—
কোথাও বা চিতা-জ্যোতি
মাংসাহুতি পেয়ে করে দিক উদ্ভাসিত,
সমুজ্জল সে প্রভায়
নিকটের ভূমি হয় আধারে আবৃত।
কোথাও প্রমোদ-ভরে
চপল ক্রীড়ায় রত নিশাচর-দল
কিল-কিল শব্দ করে
—ভয়ঙ্কর উত্তাল করাল কোলাহল।
আচ্ছা, ওদের একবার ডেকে দেখা যাক।
ওগো শ্মশানবাসী প্রেতগণ!
প্রস্তুত পুরুষ-অঙ্গে অঙ্গাঘাত-বিনে
সুন্দর এ মহামাংস নিয়ে যাও কিনে।
(পুনর্বার নেপথ্যে কলরব)

মাধ।—কি আশ্চর্য্য! আমি ডাকবামাত্রই বেতাল,
ভৈরব, ভূত-প্রেতেরা চারিদিকে বিচরণ করিতে
করিতে কি বিকট অব্যক্ত কোলাহলই আরম্ভ
করেছে—ওঃ! শ্মশানের পথটা কি ভয়ানক
ভাব ধারণ করেছে!
কোথাও বা উচ্চামুখী
আকর্ণ-বিদৌর্গ মুখ করিয়া ব্যাদান
বিকট দশন-পাতি
বিকাশিয়া ইতস্ততঃ হয় ধাবমান।
তাহাদের দৌপ্তানলে
উদ্ভাসিত হয়ে উঠে সমস্ত গগন,
কেশ নেত্র ভুরু শ্মশ্রা
বিজ্যাতের ছটা-সম পিঙ্গল-বরণ।
বিশুদ্ধ সূদীর্ঘ বপু
লক্ষ্য হয়, যবে মুখে অনল উদ্গারে,
নহিলে অলক্ষ্য হয়ে
ভক্ষ্য অব্যেগে তারা করে চারিধারে।
আবার :—

পূতনা প্রভৃতি দানা ভূত প্রেত সব
নৃমাংস অধীর হয়ে খায় গবাগব।



অর্ধ থাকে মুখে—অর্ধ ভূমে পড়ি' যায়
সে উচ্ছিষ্ট কাঁদি কাঁদি বুকগণ খায়।
খর্জুর-তরুর মত জলবার আকার,
—নীরস কর্কশ দীর্ঘ অস্থি-চর্মসার।
অসিত-বরণ চর্মে ব্যাপ্ত স্নায়ুজাল,
গ্রন্থি-ঘন অস্থি-রাশি—সুজীর্ণ কঙ্কাল।

(চারিদিকে অবলোকন করিয়া হাস্ত-সহকারে)

এ আবার আর এক প্রকার পিশাচ :—

বিবর্ণ সুদীর্ঘকায়
মুখগর্ভ বিদারিয়া বিস্তারয়ে রসনা বিশাল,
নড়ে যেন অজাগর
দন্ধ জাগ তরুর কোটরে—অতি ভীষণ করাল।

(পরিক্রমণ করিয়া)

আঃ! সম্মুখে আবার এ কি বীভৎস ব্যাপার!

অধম পিশাচ এক
কোটরাফ, দস্ত প্রকটিয়া
ভেদ করে শব-চর্ম,
পরে খায় কাটিয়া কাটিয়া।
পচিয়া উঠেছে ফুলি
মাংস-পিণ্ড কটির পশ্চাৎ,
খেয়ে ক্লান্ত হয়ে ক্ষান্ত
চতুর্দিকে করে দৃষ্টিপাত।
পরে পুনঃ শবটরে
কোলে তুলি কপাল কুরিয়া
সঙ্কীর্ণত মাংসগুলি
খায় স্নখে উদর পূরিয়া।

আবার :—

কোথাও পিশাচ সব
ধূম-ব্যাপ্ত শব-দেহ চিতা হতে টানি,
মজ্জা-ধারা করে পান
নির্মাংস করিয়া তুলি জলবা-অস্থিখানি।
অলস্তু সে শব হ'তে জল বিনিঃসৃত,
বিগলিত মাংস, অস্থি-সন্ধি বিয়োজিত।
কুরিয়া পড়িছে বসা—ঝরে মজ্জাধারা,
ব্যগ্র হয়ে মহা স্নখে পান করে তারা।

(হাস্ত করিয়া)

আহা! এ দিকে আবার পিশাচ-অঙ্গনাদের
প্রাদৌষিক আমোদ-প্রমোদও চলছে দেখছি!

শব-অঙ্গ তাহাদের মজ্জল-কঙ্কণ;
স্ত্রী-শবের পদ-হস্ত—কর্ণের ভূষণ।
পদ্মের মালিকা স্বপ্নিগু যতেক,
শোণিতের পঙ্করাশি—কুঙ্কম-প্রলেপ।
নৃ-কপাল-পানপাত্রে কাস্তগণ-মনে
মজ্জা-সুরা পান করে আনন্দিত-মনে।

(পরিক্রমণ করিয়া প্রকাশ্যে)

প্রস্তুত পুরুষ-অঙ্গে, অজ্ঞাঘাত বিনে
সুন্দর এ মহামাংস, নিয়ে যা রে কিনে।

এ কি! এই নানা প্রকার ভীষণ পিশাচগুলো
হঠাৎ কোথায় পালাল? ওঃ! এরা কি সার-হীন
লঘু-প্রকৃতি! (পরিক্রমণ করত নিরাশভাবে
দর্শন) সমস্ত শ্মশান-পথটা তো ঘুরে দেখেই—টেক,
তারা তো আর নাই।

এই তো :—

শ্মশানের পারে নদী;
তটোপরি কুঞ্জমাঝে পেচকের চীৎকার কবাল।
কোথাও বা স্থানে স্থানে
কাঁদি কাঁদি ডাকিতেছে ঘোর রবে
শৃগালের পাল।
নদীর প্রবাহ-মাঝে
শবের কঙ্কালচূর্ণে স্রোতোগতি হয়ে প্রতিক্রম
মাবেগে ধায় নদী
প্রচণ্ড বর্ষর-রবে বাধা ঠেলি হয়ে অতি ক্রুদ্ধ।
(নেপথ্যে) হা নির্দয় পিতা! যাকে তুমি রাজার
পরিতোষের জন্ত উপহার দিতে যাচ্ছিলে, দেখ,
তার আজ মৃত্যু উপস্থিত।
মাধ। (আগ্রহ-সহকারে শ্রবণ)

জগা কুররীর মত
স্বিগধ মধুর চীৎকার,
চিত্তাকর্ষী স্বর এ যে
পরিচিত শ্রবণে আমার।
শুনি হয় মর্মভেদ,
হৃদি ভ্রমে হইয়া চঞ্চল,
শরীর স্তম্ভিত প্রায়,
প্রতি অঙ্গ বিকল বিহ্বল।
খলিত হতেছে গতি,
কি ব্যাপার—না জানি কারণ,
করাল-মন্দির হতে
আসে এই করুণ ক্রন্দন।

ওই বটে ভয়ানক অনিষ্টের স্থান,
ওই খানে গিয়া তবে করি গে সন্ধান।

(পরিক্রমণ)

দ্বিতীয় দৃশ্য

করালা দেবীর মন্দির।

(দেবতার্চনার সামগ্রী হস্তে করিয়া কপাল-
কুণ্ডলা ও অঘোর-ঘণ্টা এবং বধ্যচিহ্ন ধারণ করিয়া
মালতীর প্রবেশ)

মাল। হা নির্দয় পিতা! রাজার মনস্তপ্তির জ্ঞ
যাকে তুমি উপহার দিতে যাচ্ছিলে, দেখ, তার
আজ মৃত্যু উপস্থিত। হা স্নেহময়ী জননি!
বিধাতা তোমারও সর্বনাশ করলেন। ভগবতি
কামন্দকি, তোমার মালতীগত প্রাণ, মালতীর
শুভ-সাধনই তোমার জীবনের একমাত্র কাজ—
তাই, সেই স্নেহের উপর নির্ভর ক'রে চিরদিন
কেবল তোমাকেই আমার মনের হুঃখ জানিয়েছি।
হা প্রিয়সখি লবঙ্গিকা! এখন থেকে আমি
তোমার স্নেহেরই বিষয় হয়ে রইলেম।

মাধ। আ! এই যে আমার মালতী।—সেই সুন্দর
চুল-চুল চোখ! এখন আমার সব সন্দেহ দূর
হ'ল। তবে, এখন গিয়ে জীবিত দেখতে পেলে
হয়। (সত্বর গমন)

অঘোর ঘণ্টা ও }
কপালকুণ্ডলা। } —দেবি চামুণ্ডে, নমস্তে নমস্তে!

নিশুস্ত-মর্দনতরে, সদর্প ও-পদতরে
নিপীড়িত বিখভূমণ্ডল;
কুর্দপৃষ্ঠ বিকম্পিত, ব্রহ্ম-অণ্ড বিগলিত,
সপ্তসিদ্ধু ধায় রসাতল!
কি তব নৃত্যের শোভা, আনন্দিত শিব-সভা
বন্দি ও-চরণ-শতদল। *
করি-চর্দ-বাসাঞ্চল, নৃত্যভরে সচঞ্চল,
নখাহত ললাটের ইন্দু;
হয়ে হেন বিখণ্ডিত, তাহা হতে নিশুন্দিত
দর-দর অমৃতের বিন্দু।
অমৃতে সিঞ্চিত হয়ে, মণ্ডমালা উঠে জিয়ে,
কাঁপায় দিগন্ত অট্টহাসে;

ভূতগণ অগণন, করি তাদের বেষ্টন,
স্তুতি করে মনের উল্লাসে।
বাহতে ভুঞ্জদ নানা, খসে ফুলাইয়া কণা,
—বিষজ্যোতি করয়ে উল্কার,
দীর্ঘ বাহু ইতস্তত, হইতেছে সঞ্চালিত,
তাহে ঠেকি গিরি চুরমার,
লব্ধটে জিনেত্র কুটে, পিঙ্গল অনল ছুটে,
মুণ্ড ঘোরে যেন চক্রাকার।
খট্টাঙ্গ পরশে নভ, বিক্ষিপ্ত তারকা সব,
প্রমোদিত ভূত-প্রেত দল,
তাল বেতালাদি দানা, হয়ে অতি দৃষ্টমনা
উঠাইছে ভীম কোলাহল।
তাহে গোরী ভয়ত্রাসে, ধরে শিবে বাহুপাশে,
শিব তাহে অতি হরষিত,
এ হেন তাণ্ডব-নৃত্য, পুরাক অভীষ্ট নিত্য,
দৃষ্ট করি সবাচার চিত।

মাধব। হায়! কি দৈব-দুর্ভিক্ষপাক!
ভূরিবস্ত্র-বস্ত্র সেই সাধের হুহিতা
পাষণ্ড চণ্ডাল-করে হয়েছে গো ধৃত!

ভীকু মৃগে ধরে যথা কুর বৃকদলে
—এ ললনা সেইরূপ মৃত্যুর কবলে।
দৃষ্ট কাপালিক ওই এখনি বধিবে ওর প্রাণ
—অলঙ্কক, রক্তবজ্র, মাণ্য তাই করিয়াছে দান।
কি কষ্ট, কি কষ্ট আহা নিদারুণ বিধি!
কেন গো প্রয়াস তব হরিতে এ নিধি।

কপাল। স্মরণ কর গো ভদ্রে তব প্রিয়জনে,
এখনি হরিবে তোমা দারুণ শমনে।

মাল। হা নাথ! হৃদয়-বল্লভ মাধব! আমি
পরলোকে গেলেও তুমি আমাকে স্মরণ কোরো।
সে কখন মৃত হয় না—মৃত্যুর পরেও যাকে প্রিয়-
জনে স্মরণ করে।

কপাল। আহা! এ হতভাগিনী দেখছি মাধবে
অহুরক্ত।

অঘোর। (খড়্গ উঠাইয়া) এইবার তবে বধ করি।
মঙ্গসাধনের পূর্বে

দিয়াছিহু তোমারে বচন
—ভগবতি হে চামুণ্ডে!

সেই বলি করহ গ্রহণ।

(বধ করিতে উত্তত)

মাধব। (সহসা অগ্রসর হইয়া মালতীকে হস্তের



দ্বারা অপসারণ) অধম কাপালিক, দূর হ! এ
কাজ কখনই তোকে করতে দেব না।
মালতী। মাধব! আমাকে রক্ষা কর!—রক্ষা কর!

(মাধবকে আলিঙ্গন)

মাধব। ভয় নাই ভদ্রে ভয় নাই!
মরণসময়ে ত্যজি মরণের ভয়
সপ্রতাপে যেই দেয় স্নেহ-পরিচয়।
সেই তব সখা দেখ তোমার সঙ্গুথে
ত্যজ ভয় সুন্দরি—সাহস ধর বৃকে।
ফলোন্মুখ হইয়াছে পাপ ছুরাঙ্গার
এবে হবে সমুচিত প্রতিফল তার।

অঘোর। আঃ! কে এ পাপ এসে আমাদের
অন্তরায় হ'ল?

কপা। জানেন না এ কে? এ হচ্ছে মালতীর
প্রণয়-পাত্র, কামন্দকীর স্বহৃৎ-পুত্র, মহামাংস-
বিক্রেতা, নাম মাধব।

মাধ। (সাক্ষ্যলোচনে) ভদ্রে! এ কি ব্যাপার?

মাল। (কিঞ্চিৎ আশ্বাসিত হইয়া) আমি কিছুই
জানি নে। এইমাত্র জানি, উপরে অলিন্দে
বসুচ্ছিন্নেম, এইখানে জেগে উঠলেম। তুমি
কোথা থেকে এখানে উপস্থিত হলে?

মাধ। (সলজ্জ)

এ তব পাদি-পঙ্কজ করিয়া গ্রহণ
পবিত্র করিব মম এ ছার জনম।

—হৃদে এ সঙ্কল্প ধরি এসেছি এখানে
—নৃমাংস-বিক্রয় করি ভ্রমি গো শ্মশানে।

সহসা গুনিয়া তব ক্রন্দনের ধ্বনি
উপনীত হইয়াছি হেথায় এখনি।

মাল। (স্বগত) হায় হায়! উনি নিজের প্রতি
বিন্দুমাত্র দৃকপাত না ক'রে আমার জন্ম শ্মশানে
ভ্রমণ ক'রে বেড়াচ্ছেন?

মাধ। শাস্ত্রে যে কাকতালীয় ঘটনার কথা বলে, এ
দেখছি তাই।

দৈবযোগে আসি হেথা

রাহুগ্রস্ত শশি-সম মম প্রেমসীরে
দস্যুর রূপাণ হ'তে

ছিনিয়া লইতে ভাগ্যে পেরেছি অচিরে।

আতঙ্কে বিহ্বল এবে

করুণায় বিগলিত, বিকোমিত অদ্ভুত বিশ্বয়ে

ক্রোধানলে প্রজ্জলিত,
পুলকিত দরশনে, এ কি ভাব এ মোর হৃদয়ে?
অঘো। ওরে ত্রাঙ্কণ-ডিঘ!

ব্যাত্ত-ধৃত মুগী পরে
মৃগ যথা হয়ে রূপাবিষ্ট

ব্যাত্তের কবলে পড়ে
—মোর হাতে পড়িলি পাপিষ্ঠ!

হিংসারূচি আমি ঘোর,
কার্য্য মোর প্রাণি-বলিদান,

খড়্গে ছেদি মুণ্ড তোর
রুধির করায়ে বহমান,

আগে তোরে দিব বলি
জগদম্বা দেবী-সমিধান

মাধ। ছুরাঙ্গা পায়ণ্ড চণ্ডাল!

ভাবিয়া দেখ রে মনে

করিতেছিস্ এবে তুই কিসের উদ্বোগ।

সংসার অসার হবে,

ত্রিভুবন রত্ন-শূন্য নিরালোক লোক।

কন্দর্প অদর্প হবে,

বান্ধব জনের হবে মরণ শরণ,

নেত্রের নিষ্কাশণ ব্যর্থ,

জগৎ হইবে আশু জীর্ণ মহাবন

—করিস্ যদি রে তুই উহারে নিধন।

রে পাপিষ্ঠ!

প্রণয়িনী সখীদলে, লীলা-পরিহাসচ্ছলে

হানিলে শিরীষ-পুষ্প যার লাগে ব্যথা,

এ হেন তনুর পরে, যদি তোর শস্ত্র পড়ে

এই যম-দণ্ড-ভুজে লব তোর মাথা।

অঘোর।—আরে ছুরাঙ্গা! মারু দেখি কেমন তোর

ক্ষমতা—এই দেখ, তোকে এখনি বমালয়ে

পাঠাই।

মালতী।—নাথ! এ জুঃসাহসিক কার্য্য হ'তে ক্ষান্ত

হও। ঐ হতাশ কাপালিক ভয়ঙ্কর লোক—

আমাকে রক্ষা কর—তুমি ফিরে যাও, কি জানি

যদি তোমার কোন বিপদ ঘটে।

কপা।—গুরুদেব! সতর্ক হয়ে ছুরাঙ্গাকে বধ কর।

(মাধব মালতীর প্রতি)

মাধব।—দৈর্য্য ধর হৃদি-মাঝে, দেখ এই কাপালিক

হৃৎ-পাপাঙ্গা হবে এখনি নিপাত।

কে কবে গো দেখিয়াছে, করি-কুস্ত-বিদারক
সিংহ পরাভূত যুদ্ধে হরিণের সাথ ।

(নেপথ্যে কলরব—সকলের কর্ণপাত)

(পুনর্বার নেপথ্যে) ।—

ভো ভো মালতী-অশেষী মৈত্রীগণ !

অমাত্য ভূবিবসুর আশ্বাসদাত্রী, অসাধারণ
বুদ্ধিমতী ভগবতী কামন্দকী তোমাদের এই
আদেশ করছেন :—

অবরোধ কর শীঘ্র করালার মন্দির-আলয়,
কাপালিক ছাড়া দেখ এই কার্য অথ কারো নয়,
করালার সন্নিধানে* বলি তারে দিতেছে নিশ্চয় ।

কপা । গুরুদেব ! আমরা অবরুদ্ধ হয়েছি !

অঘোর । পৌরুষ প্রকাশের এই তো অবসর ।

মাল । হা পিতা ! হা ভগবতি !

মাধ । আচ্ছা, বন্ধুগুণীর মধ্যে মালতীকে নিরাপদে
রেখে, তাঁরই সমক্ষে এইবার ছুরায়া পাষণ্ডটাকে
বধ করি ।

(মালতীকে একদিকে সরাইয়া দিয়া এবং কাপা-
লিককে অল্পদিকে ঠেলিয়া ফেলিয়া পরিক্রমণ)

মাধব ও অঘোরঘণ্টা ।—(পরস্পরকে উদ্দেশ করিয়া)
ওরে পাণ্ডিষ্ঠ !

স্বকঠোর অস্থি-প্রতিঘাতে অসি করুক ঝঙ্কার
খরস্রামু-চ্ছেদকালে ক্ষণেক লাঘবি' বেগ তার ।
পিষ্টপিণ্ড মাংস পক্ষে নিরাতঙ্কে বিলাসি' কৌতুকে
দেহ করি খণ্ড খণ্ড ছিন্ন-অঙ্গ উড়াক চৌদিকে ।

[সকলের প্রস্থান]

ইতি পঞ্চমাস্ক সমাপ্ত ।

ষষ্ঠ অঙ্ক

(বিদ্যুৎক)

প্রকাশ্য স্থান ।

(কপাল-কুণ্ডলার প্রবেশ)

কপা । রে ছুরায়া ! তুই মালতীর নিমিত্ত আমার
গুরুদেবকে হত্যা করলি ? হতভাগ্য মাধব !
আমিও সেই সময়ে তোকে মারতে উদ্বৃত হয়ে-
ছিলেম, কিন্তু তুই আমাকে স্ত্রীলোক বলে অবজ্ঞা

করেছিলি । তা যাই হোক, এই কপালকুণ্ডলার
কোপের ফল তোকে এক সময়ে ভোগ করতেই
হবে ।

সর্পিণীর রোধানল

যত দিন না হয় নিরীকণ,

সর্প-শত্রু গুরুড়ের

কোথা শাস্তি—কোথায় আরাম ?

জাগিয়া থাকে সে বসি

করিবারে তাহারে দংশন

শাপিত স্ত্রীকু দস্তে

বিষ-রাশি করি উদগিরণ ।

নেপথ্যে । ভো ভো নৃপগণ !

বুদ্ধদের কথামত-কর আচরণ,

করুন ভূদেবগণ

সুখশ্রাব্য বেদ-মন্ত্র মুখে উচ্চারণ ।

মন্ত্রলাচরণতরে

রচনাদি নানা কর্ম করিয়া বিশেষ

বরযাত্রী সন্নিকট

—সত্তর এখনি তারা করিবে প্রবেশ ।

“যতক্ষণ না আত্মীয়-কুটুম্বেরা আসেন, ততক্ষণ
বাছা মালতী বিদ্ব-বিনাশের নিমিত্ত নগর-দেবতার
মন্দিরে যাক”—ভগবতীর আদেশ-অনুসারে অমাত্য-
পত্নী এই কথা বলে পাঠিয়েছেন । অতএব মালতীর
সঙ্গে যারা বাবে, তারা উপযুক্ত বেশ-ভূষণ সজ্জিত
হোক ।

কপা । বিবাহের কাজকর্মো ব্যস্ত শত শত প্রহরীর
দল এখানে উপস্থিত—আমি তবে এখান থেকে
প্রস্থান করে মাধবের কিসে অনিষ্ট হয়, সেই
চিন্তা করি গে । [প্রস্থান ।

ইতি বিদ্যুৎক ।

দ্বিতীয় দৃশ্য

মন্দিরের অভ্যন্তর ।

(কলহংসের প্রবেশ)

কলহংস । প্রভু মাধব মকরন্দের সঙ্গে এই নগর-
দেবতার মন্দিরে লুকিয়ে আছেন । তিনি
আমাকে জানতে বলেছেন, মালতী যাত্রা করেছেন
কি না । এখন তবে সেই সংবাদটা তাঁকে
দিই গে, তা হলে তিনি খুব খুসী হবেন ।

(মাধব ও মকরন্দের প্রবেশ)

মাধব । হরিণাক্ষী মালতীরে
যে দিন প্রথম আমি মদন-উৎসবমারে
করিহু দর্শন
তার পর হতে তাঁর
প্রেম-নিদর্শন হেরি, যার-পর-নাই চিত্ত
হয় উচাটন ।
মদন-বেদনা আজি
নিশ্চয় হইবে শান্ত, মনোরথ হইবে সফল,
ভগবতী-আশীর্বাদে
হইবে কল্যাণ কিম্বা ব্যর্থ তাঁর
নীতির কৌশল ।

মক । সখা, বুদ্ধিমতী ভগবতীর কৌশল কি কখন
বিফল হয় ?

কল । (নিকটে আসিয়া) প্রভু, আপনার অদৃষ্ট
সুপ্রদত্ত—মালতী এই দেবগৃহে আস্বার জন্ম গৃহ
হ'তে যাত্রা করেছেন ।

মাধব । সত্যি ?

মকরন্দ । সখা ! সন্দিকের মত জিজ্ঞাসা করছ
কেন ? যাত্রার কথা দূরে থাক, ঐ দেখ নিকটে
এসে উপস্থিত হয়েছেন । ঐ শোনো :—

যথা বায়ু-বিকীরিত

জলদের ঘটা করে ঘোরতর গভীর গর্জন,

সহস্র মৃদঙ্গ হতে

সুগভীর বাজ-রবে অল্প কিছু না হয় শ্রবণ ।

এসে আমরা গবাক্ষ-দ্বার দিয়ে দেখি ।

(তথা করণ)

কল । দেখ প্রভু :—

খেত ছত্র সারি-সারি

ভাসে যেন বৃন্ত-পরে শতদল নভঃ-সরোবরে,

পতাকা-তরঙ্গ-রাজি

আন্দোলিত চামরের মুছমন্দ বীজনের ভরে ।

কনক-কিঙ্কণী কত

ঝঙ্কারিছে স্তমধুর শত শত করিণীর গায়,

পৃষ্ঠে বসে বারাদনা

নানারঙ্গে বিভূষিত, ছটা যার ইন্দ্রধনু প্রায় ।

গাল-ভরা পাণ মুখে

ভরিয়া উঠেছে আরো মনোহর ফুল মুখখানি,

উঠেঃস্বরে গাহে গান,

তাম্বুলে বাধিত কিবা আধো-আধো

গীতি-সুধা-বাণী :

মাধব মকরন্দ—(সকৌতুকে দেখিতে দেখিতে)

মক । অমাত্য ভুবিস্মর কি অতুল ঐশ্বর্য্য ! দেখ না

কেন :—

মণি-সমুখিত দৌণ্ডি

ছড়াইয়া চারিদিকে ব্যাপিল গগন,

ময়ূর-চন্দ্রক-জাত

যেন রে সুবর্ণ-কাস্তি স্নিগধ কিরণ ।

কিম্বা যথা চাতকের

পক্ষ ধরে নানা বর্ণ উড়িলে আকাশে,

অথবা দিগন্তে যথা

ইন্দ্রধনু নানাবিধ বরণ প্রকাশে,

কিম্বা নভ ছায় যেন

সুচিত্র বিচিত্র চারু চীনাংশুক-বাসে ।

ওই দেখ, অগণন প্রতীহারী দল

কনক-রজত-লিপ্ত দীপ্ত বেত্র-লতা

সঞ্চালিয়া চারিদিকে রচিয়াছে রেখা

মণ্ডল-আকার ;—সেই গভীর বাহিরে

পরিজন অবস্থিত ; চক্রের মাঝারে

গজবধু-আরোহণে চলেছে মালতী ।

বহুল-সিন্দূর-বিন্দু-মণ্ডিত-ললাটে

—সঙ্ঘ্যারাগ-সুরঞ্জিত—শোভে সে করিণী ।

অঙ্গে তার বিলম্বিত মুক্তা-মালা-জাল

—নক্ষত্রমালিনী যথা তমসা রজনী ।

মালতী শোভিছে তাহে পাণ্ডু-ক্ষীণ তনু

প্রথম শশাঙ্ক-লেখা, সে রূপ-লাবণ্য

নেহারে দর্শকগণ কোতুহল-ভরে ।

মক । বয়স্ত ! দেখ, দেখ :—

পাণ্ডু-ক্ষীণ ওই অঙ্গে অলঙ্কার কিবা সুশোভিত,

অন্তঃশুক লতিকায় পুষ্পজাল যেন বিকশিত ।

বিবাহের মহোৎসবে কিবা শোভা, ধরে নিরুপমা

তাহাতে আবার দেখ মুখে ব্যক্ত মনের বেদনা ॥

ঐ দেখ হাতীটি কেমন হাঁটুগেড়ে বসলো ।

মাধ । (মানন্দে) হাতীর পিঠ থেকে নেমে, মালতী

ও লবঙ্গিকাকে নিয়ে, ঐ দেখ ভগবতী কামন্দকী

দেবগৃহে প্রবেশ করলেন ।

তৃতীয় দৃশ্য—মন্দিরের প্রাঙ্গণ

(কামন্দকী, মালতী, লবঙ্গিকার প্রবেশ)

কাম। (সহর্ষে চুপি চুপি)
বাহিত বিবাহে এই
বিধাতা করেন যেন মঙ্গল-বিধান,
দেবতারা সবে যেন
ঘটাইয়া দেন আজি শুভ পরিণাম,
কৃতকৃত্য হই যেন
প্রিয় ছুটি মিত্রের অপত্য-পরিণয়ে,
সফলতা লাভি যেন
এই মম কষ্ট-সাধ্য চেষ্টা সমুদয়ে।

মাল। (স্বগত) এখন কি উপায়েই বা মৃত্যু-স্বথ
সন্তোষ করে তাপিত প্রাণকে শীতল করি।
হায়! হতভাগ্য জন মৃত্যুকে চায় বলেই মৃত্যু
এত হুল্লভ।

লব। (স্বগত) মাধবের বিরহে প্রিয়সখী নিতান্তই
হতাশ হয়ে পড়েছেন দেখছি।

(পেটিকা-হস্তে প্রতীহারীর প্রবেশ)

প্রতীহারী। ভগবতীকে অমাত্য এই জানাতে
বলেছেন, “মহারাজ এই বিবাহ-পরিচ্ছদ পাঠিয়ে-
ছেন, দেবতার সন্মুখে মালতী দেবীকে যেন এই
সমস্ত পরিণয়ে দেওয়া হয়।”

কাম। অমাত্য ঠিক কথাই বলেছেন, এই পবিত্র
মঙ্গল স্থানেই পরিচ্ছদ পরিধান করা কর্তব্য।
কোথায় সে পরিচ্ছদ দেখাও দিকি।

প্রতী। এই ধবল পট্ট-বসন, এই লোহিত উত্তরীয়,
এই সর্কাদ্বয়ের আভরণ, মুক্তার হার, আর এই
চন্দন ও ফুলের মুকুট।

কাম। (চুপি চুপি) মদয়স্তিকা! এই পরিচ্ছদ
আভরণে মকরন্দকে স্নন্দর দেখাবে, (প্রকাশে)
আচ্ছা, অমাত্যকে বোলো তাই হবে।

প্রতীহারী। যে আজ্ঞা। [প্রস্থান।]

কাম। দেখ বাছা লবঙ্গিকা! মালতীকে নিয়ে
তুমি মন্দিরের ভিতরে যাও।

লব। আর আপনি ভগবতি, কোথায় থাকবেন?

কাম। আমি ততক্ষণ একান্তে গিয়ে এই রত্ন অল-
ঙ্কারগুলি বিবাহের পক্ষে প্রশস্ত কি না পরীক্ষা
করি গে। [প্রস্থান।]

মালতী। (স্বগত) একি! আমার কাছে এখন
শুধু লবঙ্গিকাই রইল?

লব। এই তো দেব-মন্দিরের দ্বার—এখন তবে
প্রবেশ করা যাক। (প্রবেশকরণ)

চতুর্থ দৃশ্য—মন্দিরের অভ্যন্তর

মকরন্দ। সখা! এদ, আমরা এই থামের আড়ালে
লুকিয়ে থাকি। (তথাকরণ)

লব। সখি! এই অক্ষরাগ, আর এই পুষ্পমালা।

মাল। তার পর, আর কি?

লব। সখি, তোমার মা এই কথা বলে পাঠিয়েছেন,
বিবাহ অহুষ্ঠানের আরম্ভে, কল্যাণ-সম্পদের জ্ঞে
যেন দেবতাকে পূজা করা হয়।

মালতী। একে এই দারুণ অদৃষ্টের অত্যাচার, তার
উপর আবার মর্শ্বভেদী কথা তুলে কেন হত-
ভাগিনীকে যজ্ঞা দাও?

লব। আচ্ছা, তোমার এখন মনের কথাটা কি বল
দিকি?

মালতী। হুল্লভজনে যে হতভাগিনীর অহুঁরাগ, তার
মনের কথা যা হতে পারে, তাই।

মক। সখা! শুনলে?

মাধ। শুনলেম—শুনে হৃদয় ফুঁক হ'ল।

মাল। (লবঙ্গিকাকে আলিঙ্গন করিয়া) প্রিয়সখি
লবঙ্গিকে, তুমি আমার ধর্মভগিনী—দেখ,
তোমার এই অনাথা সখী এখন মরণের মুখে;
আজন্ম তুমি আমার উপকার ক'রে এসেছ, তুমি
আমার অত্যন্ত বিশ্বাসী ও প্রাণের প্রিয়সখী—
তোমার গলাটি জড়িয়ে ধ'রে আমি এই প্রার্থনা
করছি, আমার মনের সাধ যদি পূর্ণ করতে
চাও, তবে আমার মৃত্যুর পর, সেই প্রিয়তমের
সৌম্য-স্নন্দর পদ্য-মুখ-খানি তুমি আমার হয়ে
নয়নভোরে দেখো। (রোদিন)

মাধ। সখা মকরন্দ!

প্রথম অদৃষ্ট মোর

শুনিয়া প্রিয়ার এই বচন-অমৃত,

বিশুদ্ধ জীবন-পুষ্প

সহসা হইল যেন পূর্ণ-বিকসিত।

পরিতৃপ্ত হল পুন

বিমোহিত ইন্দ্রিয়-সকল,



আনন্দে হইল মগ্ন
হৃদয়ের গুচ মর্মান্বল।

মাল। আর এক প্রার্থনা, আমি পরলোকে গমন
করেছি শুনে সেই প্রাণেশ্বরের শরীর যাতে শুদ্ধ-
শীর্ণ না হয়, আমার কথা স্মরণ ক'রে জীবনে
উদাসী হয়ে যাতে তিনি সংসার-ধর্ম্যে শৈথিল্য
না করেন, সেইটি তুমি বিশেষ ক'রে দেখো ;—
অনুগ্রহ ক'রে এইটুকু করলেই আমি কৃতার্থ হই।

মক। হা! মালতীর কি শোচনীয় অবস্থা!

শুনিয়া সে মুগাঙ্গীর
মনোহর করুণ বিলাপ নিরাশার,
উল্লাস, বিষাদ, চিন্তা,
যুগপৎ আবিভূত হৃদয়ে আমার।

লব। সখি, তোমার হৃৎকথ এখন দূর হবে; ও সব
কথা বোলো না, আমি আর শুনতে পারিনে।

মাল। সখি, এখন বুঝলেম, মালতীর জীবনকেই
তোমরা বেশী ভালবাসো, মালতীকে নয়।

লব। ও কি কথা বলছ সখি?

মাল। (আপনাকে নির্দেশ করিয়া) সখি, তুমি
ক্রমাগত আশ্বাস দিয়েই আমার এই স্থগিত
জীবনকে এত দিন বাঁচিয়ে রেখেছ। এখন
আমার এই মনের বাসনা, আমার সেই হৃদয়-
দেবের অসাক্ষাতে হৃদয়-দেবের গুণকীর্তন ক'রে
নির্দোষ অন্তঃকরণে এই প্রাণ বিসর্জন করি।
প্রিয়সখি, আমার এই সাধে বাধা দিও না।

(লবঙ্গিকার চরণে পতন)

মক। এই তো প্রণয়ের চূড়ান্ত সীমা!

লব। (মাধবকে ইঙ্গিত-পূর্বক আহ্বান)

মক। দেখ সখা! তুমি এইখানে এসে লবঙ্গিকার
জায়গায় দাঁড়াও।

মাধ। সখা! আমার সর্কশরীর কাঁপছে—স্বামি
যেন আর আমার বশে নাই।

মক। আসন্ন মঙ্গলেরই পূর্ক-লক্ষণ!

মাধ। (মাধব আসিয়া লবঙ্গিকার স্থানে
দণ্ডায়মান)

মাল। সখি! দয়া ক'রে আমার প্রতি এই অনুগ্রহটি
কর।

মাধ।—

হতাশ জনের মত মৃত্যু-ইচ্ছা কোরো না সরলে,
কেমনে সহিব আমি তোমার সে বিচ্ছেদ-অনলে।

মাল। সখি! মালতী তোমার পায়ে ধ'রে এই
ভিক্ষাটি চাইলে, এখন তুমি কি ক'রে তার কথা
লজ্বন করবে বল?

মাধ। (সহর্ষে) কি আর বলিব বল,
দারুণ বিচ্ছেদ-ক্লেশ দিবে যদি মোরে,
কর যাহা ইচ্ছা তব,

আলিঙ্গন দেও এবে মন-প্রাণ ভোরে।

মাল। (সহর্ষে) বড় খুসী হলেম। (উঠিয়া) এই
এসো, আলিঙ্গন করি। চোখের জলে আমার
দৃষ্টি রুদ্ধ, প্রিয়সখীর মুখ দেখতে পাচ্ছিনে।
(আগ্রহের সহিত আলিঙ্গন) সখি, তোমার এই
কঠোর কমলগর্ভ লোমাক্ষিত অঙ্গের স্পর্শ আজ
যেন আর এক প্রকার ব'লে মনে হচ্ছে—আজ
আমার সকল সস্তাপ নির্কীর্ণ হ'ল। (কাঁদিতে
কাঁদিতে) সখি, তাঁর চরণে প্রণাম ক'রে আমার
এই নিবেদন জানাবে:—“আমি নিতান্ত হত-
ভাগিনী, তাঁর সেই প্রফুল্ল কমলের ছায়, পূর্ণ-
চন্দ্রের ছায় মনোহর মুখখানি দর্শন ক'রে
আমার নয়নের আর চির-মহোৎসব সম্ভোগ হ'ল
না—কেবল অবিরত যাতনাই ভোগ করলেম।
দুর্নিবার উদ্বেগে প্রাণের বন্ধন ছিন্ন হলেও, কেবল
সুধাময় আশার আশ্বাসেই এত দিন জীবন ধারণ
করেছিলেম। শরীরের তাপ কতই স্নেহি,
প্রিয় সখীদের কতই যত্ন দিই—চন্দ্রাতপ,
মলয়-মারুত, অতি কষ্টে কোন প্রকারে সহ্য
করেছি। এইরূপ কষ্টের পর কষ্ট পেয়ে, পরি-
শেষে নিরাশ হয়ে এই হতাশ জনের পথ অবলম্বন
করেছি।” প্রিয়সখি, তুমি সর্কদা আমাকে মনে
কোরো। আর, মাধবের স্বহস্তে গাঁথা এই
সুন্দর বকুল-মালাটিকে মালতীর জীবন হ'তে কিছু-
মাত্র ভিন্ন বোলে মনে কোরো না—সর্কদা কষ্টে
ধারণ কোরো।

(স্বয়ং কষ্ট হইতে খুলিয়া মাধবের কণ্ঠে অর্পণ করিয়া
সহসা সরিয়া গিয়া সাধবস-বশে কম্পন)

মাধ। (মুখ ফিরাইয়া অশ্রুত স্বরে) হা!

পীবর কুচ-মুকুলে

তহু মোর বিমর্দিত হইল যখন

মনে হ'ল যেন আহা

কপূরের হার, চন্দ্রমণি সূচন্দন,

শৈবাল, মৃগাল, জব

একত্রে সমস্ত অঙ্গে হতেছে লেপন।

মাল। (স্বগত) ওহো! লবঙ্গিকা দেখছি আমাকে
প্রতারণা করেছে।

মাধ। সুন্দরি, তুমি কেবল আপনার যাতনাই
অনুভব করতে পার, পরের যাতনা কিছুমাত্র
বোঝো না—এই তোমার দোষ।

মহাজ্ঞরে দগ্ধ হয়ে

আমিও গো কত দিন করেছি যাপন,

কল্পনা-সঙ্গমে শুধু

মনোব্যথা কোনমতে করি প্রশমন;

তুমি মোরে ভালবাসো

এ আশাস-ভরে শুধু রেখেছি জীবন।

লব। সখি! সত্যই তুমি ভৎসনার যোগ্য, তাই
উনি তোমাকে ভৎসনা করছেন।

কপা। এই নায়ক-নায়িকার কলহটি বড়ই রমণীয়।

মক। দেবি! উনি যা বলছেন, তা ঠিক।

তুমি ভালবাসো ওঁরে, এই মনে করি

এতদিন প্রাণ উনি রেখেছেন ধরি।

ও কঙ্কণ-পাণি তব

কৃপা করি কর ওঁরে দান,

বিতর চির-আনন্দ,

সফল হউক মনস্কাম।

লব। মহাশয়! যার মনে মনে এই ইচ্ছা, কোন
ব্যক্তি-বিশেষ, কোনও বাধা না মেনে, আপনা
হতে সাহস করে তাঁর কঙ্কণ-পাণি গ্রহণ করে,
তাঁর এখন এ বিষয়ে কি কোন আপত্তি হতে
পারে?

মালতী। (স্বগত) হা! ধিক! কি লজ্জা! লবঙ্গিকা
এ কি প্রস্তাব করছে? এ যে কুমারী-জনের
পক্ষে নিতান্ত অযোগ্য।

(কামন্দকীর প্রবেশ)

কামন্দকী। বৎসে! এত কাতর কেন? কি হয়েছে?

মালতী। (কাঁপিতে কাঁপিতে কামন্দকীকে আলিঙ্গন)

কাম। (মালতীর চিবুক উঠাইয়া ধরিয়া)

যার জ্ঞত তব বৎসে

প্রথমে নেত্রের প্রীতি, পরে চিত্ত-অনন্ত-পরতা,

মনের বিষাদ, পরে,

গ্লানিযুক্ত তনু—তাঁরো সেই দশা,

সেই কাতরতা।

৪র্থ—১২

এই সে মাধব যুবা;

জড়ভারে করি' পরিত্যাগ

বিধি-বাঞ্ছা কর পূর্ণ

—সফল মদন-অহুরাগ।

লব। ভগবতি! এই মহাত্মাই কৃষ্ণ চতুর্দশী রজনীতে
শ্মশানে শ্মশানে ভ্রমণ করে বেড়িয়েছেন, প্রচণ্ড
দৌর্ভাগ্য-প্রতাপে সেই পানপুকে বধ করে কি
জঃসাহসেরই পরিচয় দিয়েছেন—বোধ হয়, এখন
তাই মনে করেই প্রিয়সখী ভয়ে কাঁপছেন।

মক। (স্বগত) সাধু লবঙ্গিকে সাধু! ঠিক অবসর
বুঝে গুরুতর অহুরাগ ও উপকারের কথা ছই
একসঙ্গে কেমন স্নকৌশলে তুমি গুনিয়ে দিলে!

মাল। হা তাত!—হা জননি!

কাম। বৎস মাধব!

মাধব। আজ্ঞা করুন!

কাম।—

দেখ বৎস মাধব! অমাত্য-ভূরিবহু—যিনি সকল
সামন্তগণের পূজ্য ও নমস্কৃত, তাঁর এই মালতীই
একমাত্র অপত্য-রত্ন। প্রজাপতি ও রতিপতি
উভয়েই যোগ্যের সহিত যোগ্যের যোজনায়
স্বরসিক। তাঁরা এবং আমি—আমরা সকলে
মিলে এখন সেই রত্নটি তোমার হস্তে সমর্পণ
করছি।

(রোদন)

মক।—

ভগবতি! এখন তবে আপনার শ্রীচরণপ্রসাদে
আমাদের মনোরথ সফল হ'ল।

মাধ। ভগবতি, আপনি তবে রোদন কচ্ছেন কেন?

কাম। (বজ্রাঙ্কলে অশ্রু মার্জন করিয়া) কল্যাণাম্পদ!

তোমাকে একটি কথা নিবেদন করি।

মাধ। নিবেদন কি, আজ্ঞা করুন।

কাম।—

জানি, সৃজনের প্রেম

যত পরিণত হয়, তত আরো হয় গো সুন্দর,

তবু অহুরোধ করি

(মাণ্ড্যাম্পদা আমি তব) মালতীরে

দেখো নিরস্তর।

মম অসাক্ষাতে বৎস যেন গো তোমার

তিলান্ন না হয় হ্রাস স্নেহ করুণার।

(পায়ে পড়িতে উচ্চত)

মাধ। (নিবারণ করিয়া) ও কি করেন?—ও কি করেন? অতিমাত্র বাৎসল্যে আপনি সযত্নে সীমা লঙ্ঘন করছেন।

সংকুল-সন্তুবা ইনি, পূর্ণ-প্রণয়িনী,
গুণোজ্জ্বলা, নয়নের আনন্দ-দায়িনী।
এক একটি গুণ এই
বশীকরণের মুখ্য অমোঘ উপায়,
তাহে আমরা এখন,
এর পর কিবা কাজ অপর কথায়?

কাম। বৎস মাধব!

মাধ। আজ্ঞা করুন।

কাম। বৎসে মালতি!

লব। আজ্ঞা করুন ভগবতি!

স্ত্রীদিগের পতি, আর
ধর্মপত্নী পুরুষগণের
পরস্পর-প্রিয় মিত্র,
সমষ্টি সকল বান্ধবের।
সকল কামনাধার
মহানিধি, দ্বিতীয় জীবন,
—এ সঙ্কর তোমাদের
হৃদয়ে সদা করিও ধারণ।

মক। অবশ্য।

লব। ভগবতি! আপনার আজ্ঞা শিরোধর্যে।

কাম। বৎস মকরন্দ! তুমি এখন তবে মালতীর
এই বৈবাহিক বেশভূষায় সুসজ্জিত হয়ে নিজ
পরিণয়কার্য সম্পন্ন কর গে।

(পরিচ্ছদের পেটিকা প্রদান)

মক। আজ্ঞে হাঁ—ঐ চিত্র-যবনিকার অন্তরালে
গিয়ে এখন বেশভূষা ক'রে আসছি।

(তথা করণ)

মাধ। ভগবতি! এ কার্যে কিন্তু সখার নানাপ্রকার
বিপদ ঘটবার সম্ভাবনা।

কাম। আঃ! তোমার সে চিন্তায় কাজ কি?

মাধ। তগবতী কি কছেন, ভগবতীই জানেন।

(হাসিতে হাসিতে মকরন্দের প্রবেশ)

মক। সখা! এই দেখ, আমি মালতী হয়েছি।

(সকলে সকৌতুকে দর্শন)

মাধ। (মকরন্দকে আলিঙ্গন পূর্বক পরিহাস
করিয়া) ভগবতি! এমন প্রিয়তমাকে মুহূর্তের
জন্তু যদি এই মনে মনে কামনা করতে পায়,
তা হলে নন্দনের পরম ভাগ্য বলতে হবে!

কাম। বৎস মালতী-মাধব! এখন তোমরা এখান
থেকে বেরিয়ে গিয়ে, ঐ তরু-কাননের মধ্যে
দিয়ে আমার আশ্রম-সন্নিহিত উদ্যানে গমন কর।
মাসুলিক কার্যের সমস্ত দ্রব্য-সামগ্রী অবলোকিতা
সেখানে প্রস্তুত রেখেছেন।

চৌদিকে সুপারি গাছ ফল-ভরে নত,
ঘিরিয়া রয়েছে তাহে পাণ-লতা কত,
কেরলী-কপোল সম পাণ্ডুর বরণ।
কুল খেয়ে মুগ্ধ হয়ে গাহে পক্ষিগণ।
চৌদিকে নেবুর বেড়া রয়েছে বেষ্টিত,
বায়ু-ভরে মন্দ-মন্দ হয় বিচলিত।
দেখিয়া উদ্যান-শোভা প্রীত হবে মন,
তথায় তোমরা এবে করহ গমন।

আর দেখ, যতক্ষণ না মকরন্দ মদয়ন্তিকা সেখানে
যান, ততক্ষণ তোমরা তাঁদের জন্তু প্রতীক্ষা
করবে।

মাধ। (সহর্ষে) এ দেখছি, কল্যাণের উপর কল্যাণ।

লব। আমাদের ভাগ্যে কি একরূপ ঘটবে?

মক। এতে তোমার সন্দেহ কিসের?

লব। গুনলে প্রিয়সখি?

কাম। বৎস মকরন্দ! বৎস লবঙ্গিকে! এসো
আমরা এই দিক দিয়ে যাই।

মাল। সখি, তুমিও যাচ্ছ তো?

লব। (হাসিয়া) বল কি সখি, আমি যাব না?
আমাদের সকলেরই তাড়া আছে।

মাধ। আহা!

আমূল রোমাঞ্চ যার

মুণাল-বাহু কোমল,

অনঙ্গের তাপে আর্দ্র

অঙ্গুলি-পঙ্কজ-দল,

ললিত হস্তটি তার

পরশিব মম এই করে,

গ্রীষ্মতাপে করী যথা

ব্যগ্র হয়ে করে পদ্ম ধরে।

গুপ্ত-বিবাহ নামক ষষ্ঠ অঙ্ক সমাপ্ত।

সপ্তম অঙ্ক

প্রথম দৃশ্য

নন্দনের প্রাসাদ

(বুদ্ধরক্ষিতার প্রবেশ)

বুদ্ধ। ভগবতীর পরামর্শক্রমে অমাত্য ভূরিবস্তুর ভবনে মকরন্দকে কেমন স্নুকৌশলে লুকিয়ে রাখা হয়েছিল। তার পর, মকরন্দ মালতীর বেশভূষা পোরে মালতী সেজে নন্দনকে কেমন ঠকিয়েছে—সে মালতী মনে করেই ওর পাণিগ্রহণ করেছে। আজ তো আমরা নন্দনের বাড়ীতে এসেছি; ভগবতী নন্দনের কাছ থেকে বিদায় নিয়ে নিজ গৃহে গেছেন। আজ নববধু গৃহে প্রবেশ করবে বলে অকালে কোমুদী উৎসবের আয়োজন হচ্ছে, আর সেই উছোগেই গৃহের পরিজনেরা ব্যস্ত। আবার তাতে এখন সন্ধ্যাকাল। আমাদের অভিসন্ধি সিদ্ধ করবার বেশ অল্পকূল অবসর হয়েছে। নূতন জামাতা মনের আবেগে অধীর হয়ে, বিলম্ব সহিতে না পেরে তাড়াতাড়ি ঘরে গিয়ে নিজ স্ত্রীর অনেক সাধা-সাধনা করে, এমন কি, পায়ে পর্যাস্ত পড়ে, তাতে কোন ফল না হওয়ায় তার পর বল প্রকাশ করে; তাতে ছদ্মবেশী স্ত্রী তাকে বিলক্ষণ প্রহার করে। নন্দন তার এই বিসদৃশ ব্যবহার দেখে হুঃখিত হয়ে, রোষভরে প্রক্ষুরিত-নয়নে স্থলিত-বচনে এই কথা তাকে বলে, “তুই কোমার-বন্ধকী—তুই বালক-নায়কে আসক্ত, তোকে আমি চাই নে”—এই বলে শপথ ও প্রতিজ্ঞা করে গৃহ হতে প্রস্থান করে।

[বুদ্ধরক্ষিতার প্রস্থান।

ইতি প্রবেশক

দ্বিতীয় দৃশ্য

শয়ন-কক্ষ

মালতীর ছদ্মবেশে মকরন্দ শয্যাগত—পার্শ্বে লবঙ্গিকা।

মক। লবঙ্গিকে! বুদ্ধরক্ষিতাকে ভগবতী যে কৌশল বলে দিয়েছেন, তা কি খাটবে?

লব। তাতে আর সন্দেহ আছে? অত কথায় কাজ কি, ঐ শুভুন,—নূপুরের শব্দ শোনা যাচ্ছে; বোধ হয়, সেই সব কথা বলে কৌশল ক’রে বুদ্ধরক্ষিতা মদয়স্তিকাকে এখানে এনেছে। এখন আপনি চাদরটা মুড়ি দিয়ে শুয়ে থাকুন, যেন কতই ঘুমচ্ছেন।

(মকরন্দ তথা করণ)

(মদয়স্তিকা ও বুদ্ধরক্ষিতার প্রবেশ)

মদ। সখি, সত্যই কি মালতী আমার ভাইকে রাগিয়ে দিয়েছেন?

বুদ্ধ। সত্যি বৈ কি।

মদ। এসো তবে এই ছর্বাঁবহারের জন্ত মালতীকে ভৎসনা করি গে।

(পরিক্রমণ)

বুদ্ধ। তার গৃহের এই দ্বার।

মদ। সখি, লবঙ্গিকে! প্রিয়সখী কি ঘুমচ্ছেন?

লব। এসো সখি! মালতী এতক্ষণ অভিমান-ভরে বিমনা হয়ে ছিলেন, এই মাত্র রাগটা প’ড়ে গিয়ে একটু তন্দ্রা এসেছে। এখন আর জাগিও না, আস্তে আস্তে এই শয্যার পাশে এসে বোসো।

মদ। (তথা করণ) সখি! নিজে ছর্বাঁবহার ক’রে আবার উর্পেট রাগ করেছেন?

লব। আহা! তোমার ভাইটি কেমন প্রণয়ী, নব-বধুকে বশ করুতে কেমন নিপুণ, কেমন সূচতুর মিষ্টভাষী! এমন সুরসিক স্বামীর কাছে এসে প্রিয় সখী বিমনা হবেন, তাও কি কখন হ’তে পারে?

মদ। দেখ বুদ্ধরক্ষিতে, উর্পেট যে আমরা তিরস্কৃত হচ্ছি!

বুদ্ধ। উর্পেটাও বটে, উর্পেটা নয়ও বটে।

মদ। কেন বল দিকি?

বুদ্ধ। যদি মালতী পদানত স্বামীর প্রতি উচিত সম্মান না দেখিয়ে থাকে তো সে কেবল লজ্জার দরুণ—এই লজ্জা-দোষের জন্ত তাকে ভৎসনা করা যেতে পারে না। আর দেখ প্রিয়সখি, নববধু মালতীর সাহস দেখে তোমার ভাই ক্রোধে অধীর হয়ে মালতীকে যেরূপ মন্দ কথা বলেছেন, তার জন্ত তোমরাই তো ভৎসনার পাত্র। কেন না, কাম-সুত্রকারেরা এইরূপ

বলেন, “স্বীজাতি কুসুম-সদৃশ, তাদের প্রতি সুকুমার ব্যবহার করবে, অজাত-বিশ্বাস পুরুষেরা সহসা বলপ্রয়োগ করলে তারা সেই সকল পুরুষের সংসর্গ-বিষেবী হয়ে ওঠে।”

লব। (সাশ্রলোচনে) বরে বরেই ত দেখা যায়, পুরুষেরা কুলকুমারীদের পাণিগ্রহণ করছে, কিন্তু স্বামীর প্রভুতা আছে বোলেই—কে বল দেখি—লজ্জাশীলা মুগ্ধসভাবা নিরীহ কুলবালাকে বাক্য-জালায় অনর্থক দগ্ধ করে? এই সকল বাক্য-শেল হৃদয়ে একবার বিদ্ধ হলে, এমন হুঃসহ হয়ে ওঠে যে, আর কখনই ভোলা যায় না। এই নিমিত্তই পতিগৃহে বাস করতে তাদের বিরাগ জন্মে, আর এই জগাই স্ত্রী-জন্ম আশ্রয়-স্বপ্নের কাছে এত দুর্গিত বোলে মনে হয়।

মদ। বুদ্ধরক্ষিতে, প্রিয়সখী লবঙ্গিকা দেখছি অত্যন্ত মর্মান্বিত হয়েছেন। বোধ হয়, আমার ভাই কোন বিশেষ গুরুতর বাক্য-অপরাধে মালতীর কাছে অপরাধী হয়ে থাকবেন।

বুদ্ধ। অপরাধী নয় তো কি। আমিও এই কথাগুলি তাকে বলতে শুনেছি, “তোকে আমি চাইনে, তুই কৌমার-বন্ধকী।”

মদ। (কর্ণে অঙ্গুলী দিয়া) ওঃ, কি অত্যাচার—কি জঘন্য কথা! সখি লবঙ্গিকে! আমি আর তোমার কাছে মুখ দেখাতে পারছি নে। যাই হোক, আমি তোমার কর্ত্তী-স্থানীয়, তোমাকে একটা কথা বলি শোনো।

লব। বল, আমি তো তোমার আজ্ঞাধীনা।

মদ। আমার ভাই যতই মন্দ লোক হোন না কেন, তবু ত তিনি মালতীর স্বামী, তাঁর মতে তোমাদের চলতেই হবে। আর আমার ভাই স্ত্রী-জাতির নিন্দনীয় যে কথা বলেছেন, তার মূল যে তোমরা একেবারেই জান না, তাও তো নয়।

লব। সখি, মালতীর সঙ্গে এত কথা হয়েছে, কৈ, এ কথা তো কখন শুনি নি।

মদ। মাধবের প্রতি মালতীর যে চোখের ভালবাসা আছে, সে কথা তো সবাই জানো;—তারই এই কথা। যা হোক প্রিয়সখি, এখন যাতে অপরের উপর ভালবাসা মালতীর হৃদয় হতে একেবারে দূর হয়, তার চেষ্টা কর, নৈলে বড় দোষের হবে। যে কুমারীরা নির্লজ্জ হয়ে নিয়ত

পরপুরুষের সহ বাস করে, তারা বুঝতে পারে না, তার দরুণ অনুরক্ত পুরুষদের কি যন্ত্রণা হয়। কিন্তু দেখো সখি, আমি যা বল্লেম, এ কথা যেন কারও কাছে প্রকাশ না হয়।

লব। সখি, তুমি বড় অবিবেচক, লোকের উড়ো কথায় সহসা বড় বিশ্বাস কর। যাও, আমি আর তোমার সঙ্গে কথা কইতে চাইনে।

মদ। সখি, থামো থামো, আর চাকতে হবে না। মালতী মাধবগতপ্রাণ, আমরা কি তা সত্য সত্যই জানি না মনে কর? যখন বিরহ-বেদনায় মালতীর শরীর শুষ্ক ও কঠোর কেতকী-ফুলের মত ধূসর হয়েছিল, তখন মাধবের স্বহস্তে গাঁথা বকুল-মালাই তাঁর জীবনের একমাত্র অবলম্বন হয়েছিল; আর, যখন মাধবেরও শরীর প্রাতিশ্চন্দ্রের মত মলিন হয়েছিল, তখন তা কে না দেখেছে? আর, সে দিন কুসুমাকর-উড়ানের পথে পরস্পরের যখন মিলন হ’ল, তখন উভয়েরই নেত্র বিলাসে উল্লাসিত, কোঁতুকে উৎফুল্ল হয়ে যেন অনঙ্গের উপদেশে নৃত্য করছিল, আমি কি তা লক্ষ্য করি নি? আর, যখন আমার ভাইয়ের সঙ্গে বিবাহ হবে স্থির হয়েছে শুনলেন, তখন দুজনেরই ধৈর্য্য লুপ্ত, শরীর ম্লান এবং হৃদয়ের মূল বন্ধন পর্য্যন্ত যেন ছিন্ন হয়ে গেল, আমরা কি আর তা বুঝতে পারি নি? হাঁ, আরও একটা কথা মনে হচ্ছে।

লব। আবার কি?

মদ। আমার যিনি প্রাণ বাঁচিয়েছিলেন, সেই মহাত্মার মুচ্ছার পর আবার যখন চেতনা হয়, তখন এই প্রিয় সখাদটি মালতী মাধবকে দেওয়ায়, বচনকৌশলে ভগবতী মাধবের মনঃ-প্রাণ পারিতোষিকস্বরূপ মালতীকে গ্রহণ করতে বলেন; তখন লবঙ্গিকা, তুমিই তো বলেছিলে “প্রিয় সখী এই পারিতোষিকই চান”।

লব। সে মহাত্মা কে?—কৈ, আমার তো স্মরণ হচ্ছে না।

মদ। সখি, স্মরণ ক’রে দেখ, ভাল ক’রে স্মরণ ক’রে দেখ। তোমার কি মনে নেই, যে দিন সেই ভয়ানক দুর্দান্ত বাঘটা আমাকে আক্রমণ করে, আমি একেবারে নিরুপায় অসহায় হয়ে পড়ি, তখন একজন অকারণ-বদ্ধ এসে আপনার শরীর

দিয়ে আমাকে রক্ষা করেন ; তীক্ষ্ণ দর্শন-প্রহারে তাঁর বিশাল মাংসল বক্ষঃস্থল বিদীর্ণ হ'ল, ক্রুধি-ধারায় যেন জ্বাকুগ্নের মালা পরেছেন ব'লে মনে হতে লাগল, কেবল আমার উপর তাঁর দয়ার উদ্বেক হওয়ায় আমার প্রাণ বাঁচাবার জগুই প্রচণ্ড নখাঘাত সহ্য করেও সেই হিংস্র পশু-টাকে তিনি বধ করলেন। আমি তাঁরই কথা বলছি।

লব। হাঁ, তিনি মকরন্দ।

মদ। (সানন্দে) প্রিয়সখি ! কি—কি—কি বললে ?

লব। তাঁর নাম মকরন্দ।

(আগ্রহ-ভরে মদয়স্তিকার শরীর স্পর্শ পূর্বক)

মাধব-আসক্তি-কথা

আমাদের বলিলে গো যাহা,

আচ্ছা, ভাল, সত্য বলি

তোমাকেই মানিলাম তাহা।

কিন্তু সখি বল দেখি

কুলবালা তুমি যে গো মুগধা বিশুদ্ধ-চিত্ত অতি নামের প্রসঙ্গে কেন

হইল বিকল তনু—রোমাঞ্চিত কদম্ব যেমতি ?

মদ। (সলজ্জে) সখি, আমাকে কেন আর উপহাস কর'ণ? যে ব্যক্তি নিজের শরীরের প্রতি কিছু-মাত্র লক্ষ্য না ক'রে, কৃতান্ত-কবল হতে আমার জীবন রক্ষা করেছিলেন, কথা-প্রসঙ্গে সেরূপ মহা-আর নাম স্মরণ কিম্বা গ্রহণ করলেও শরীর জুড়িয়ে যায়। দেখ প্রিয়সখি, যখন তিনি ভীষণ প্রহারে অচেতন হয়েছিলেন, তাঁর শরীর হতে বর্ষাবারি প্রবাহিত হচ্ছিল, ভূতল-লগ্ন অসি-লতার উপর ভর দিয়ে দাঁড়িয়েছিলেন, মোহের আবেশে তাঁর কমল-নেত্র নিম্নীলিত হয়েছিল, তখন তুমি তো স্বচক্ষে দেখেছিলে, কেবল মদয়স্তিকার জগুই তাঁর বহুমূল্য জীবন তিনি বিসর্জন করতে প্রস্তুত হয়েছিলেন।

(স্বৈদাদি বিকারের অভিনয়)

বুদ্ধ। প্রিয়সখীর মনের ভাব শরীরেই ব্যক্ত হচ্ছে।

মদ। (সলজ্জে) যাও প্রিয়সখি, তুমি আমার কাছে সর্বদাই থাকো, তাই বিশ্বাস ক'রে তোমাকে বলেছিলাম, তাই বোলে তুমি—

লব। সখি মদয়স্তিকে, যা জানবার, তা আমরাও

সমস্ত জানি। ক্ষমা কর, আর ছলে কাজ নেই।

এস, এখন মন খুলে পরস্পরের ভালবাসার কথা বোলে স্নেহে সময়টা কাটানো যাক।

বুদ্ধ। লবঙ্গিকা বেশ কথা বলেছে।

মদ। আচ্ছা, প্রিয়সখীর কথাই শিবোধার্য।

লব। তাই যদি হ'ল, আচ্ছা বল দেখি, তোমার সময়টা কাটে কি ক'রে ?

মদ। তবে শোনো প্রিয়সখি ! প্রথমতঃ বুদ্ধরক্ষিতার মুখে তাঁর গুণের প্রশংসা শুনেই তাঁর প্রতি আমার অত্যন্ত অনুরাগ জন্মে—তাই তাঁকে দেখ-বার জগু আমার বিষম কোঁতুহল ও উৎকর্ষা হয়। তার পর, দৈববশে যে দিন তাঁর দর্শন পেলেম—সেই অবধি দুর্কার মদন-সস্তাপে ও দারুণ মনের উদ্বেগে আমার যেন একেবারে প্রাণ-সংশয় উপস্থিত হ'ল। আমার এই দুঃসহ যাতনা দেখে সখীরাও অত্যন্ত কাতর হয়ে পড়লেন। শেষে নিরাশ হয়ে মনে করলেম, মৃত্যুতেই আমার সকল যন্ত্রণার শাস্তি হবে। কিন্তু বুদ্ধরক্ষিতার আশ্বাস-বাক্যে আমি তা হতে বিরত হলেম, আমার উদ্বেগ ও সংশয় ক্রমে আরও বৃদ্ধি হ'ল। এইরূপে জীবনের কতই পরিবর্তন অহুভব করলেম। বাসনার উত্তেজনা উন্মত্ত হয়ে, আমার কল্পনা ও স্বপ্নের মধ্যেও আমি এখন কেবল সেই জনকেই দেখতে পাই। তিনিও যেন তাঁর সেই বিস্ময়-বিস্ফারিত মদ-ঘূর্ণিত কমল-নেত্রে আমার দিকে একদৃষ্টে অনেকক্ষণ চেয়ে থাকেন। তার পর, কল-হংসের মত ধীর গন্তীরস্বরে, ঋলিত বচনে আমাকে যেন বলেন, “এসো প্রিয়ে মদ-য়স্তিকে”, এই কথা ব'লে বল-পূর্বক আমার উত্তরীয় অঞ্চল টেনে খুলে দেন, তখন আমার বুক ভয়ে থর থর ক'রে কাঁপতে থাকে। আমি সহসা সেই উত্তরীয় ফেলে পালাতে চেষ্টা করি, আর বাহ দিয়ে বুক ঢেকে রাখি। কিন্তু পালাতে গিয়ে লোমাঞ্চজনিত শিথিল মেখলা আমার খুলে খুলে পড়ে, গুরু নিতম্বের ভারে আর পালাতে পারিনে। আমি তখন তাঁকে তিরস্কার করতে থাকি, তিনি আমাকে আটকে রাখতে কত চেষ্টা করেন ; তাতে মুহূর্তের জগু আমার মনে একটু বিরক্তি বোধ হয়, তখন আমি তাঁকে বারবার নিষেধ করি, কিন্তু নিষেধ করতে করতেও তাঁর



দিকেই আবার ফিরে ফিরে চাই। আমার এই অবস্থা দেখে তিনি তখন আমাকে উপহাস করেন। তার পর প্রিয়সখি, তাঁর বাহু-দণ্ড দিয়ে বেঁঠন ক'রে আমাকে গাঢ় আলিঙ্গন করেন। তখন দেখতে পাই, সেই নির্ভুর বাঘের কঠোর নখাঘাতে তাঁর বক্ষে দুটি যেন লোহিতপত্র অঙ্কিত হয়ে আছে। তার পর, তিনি আমার মুখটি তুলে চুষনের বিবিধ চাতুরী প্রকাশ ক'রে আমার মুখের সমস্ত অবয়বের উপর তাঁর বদন-কমল যেন ফুটিয়ে তোলেন। আমি সহসা মুখ ফিরিয়ে নিয়ে যেমন তাঁর হাত ধরতে যাই, অমনি তিনি আমার কবরীতে হাতটি নিবিষ্ট ক'রে তাঁর ক্ষুরিত অধর আমার বাম গণ্ডমূলে নিহিত করেন—সেই মনোহর স্পর্শে আমার সমস্ত অঙ্গ কম্পিত ও লোমাক্ষিত হয়ে ওঠে। তখন কতকটা ভয় ও কতকটা আনন্দে হতবুদ্ধি হয়ে আমি এক পাশেই দাঁড়িয়ে থাকি—তখন তিনি দুর্বিনীত সাহসভরে আমার নিকট যা' অপ্রার্থনীয়, তাই প্রার্থনা করেন। প্রিয়সখি, এই সমস্ত প্রত্যক্ষের জ্ঞান অল্পভব ক'রে হঠাৎ যখন জেগে উঠি, তখন এই হতভাগিনীর নিকট সমস্ত জীবলোক যেন শূন্য অরণ্যের মত বোধ হয়।

লব। (হাসিয়া) আচ্ছা সখি মদয়ন্তিকে, স্পষ্ট কথা বল দিকি, সেই সময়ে, পরিজনের কাছেও যা গোপনীয় এমন কোন-কিছু, শয্যার আচ্ছাদন-বস্ত্রে ঢাকতে যাচ্ছিলে কি না, আর বুদ্ধরক্ষিতা স্নেহ-চক্ষে তাই দেখে মুচকি মুচকি হাসছিলেন? মদ। যাও সখি, তুমি যে কি ঠাট্টা কর, তার ঠিক নেই!

বুদ্ধ। সখি, মদয়ন্তিকে! জান না, মালতীর প্রিয় সখীরাই এই রকম কথা বলতে খুব নিপুণ।

মদ। তাই ব'লে সখি, মালতীকে এইরকম ক'রে উপহাস কোরো না।

বুদ্ধ। সখি মদয়ন্তিকে! যদি বিশ্বাস ভঙ্গ না কর, তা হলে তোমাকে একটি কথা বলি।

মদ। সখি! কখনও কি প্রণয়ভঙ্গের অপরাধী হয়েছি যে, তুমি ও-কথা বলছ। এখন তুমি আর লবঙ্গিকা আমার দ্বিতীয় হৃদয়।

বুদ্ধ। আচ্ছা, আবার কখন যদি মকরন্দের সহিত দেখা হয়, তা হলে কি কর বল দিকি?

মদ। তা হলে তাঁর শরীরের প্রত্যেক অবয়ব এক-দৃষ্টে স্থির হয়ে দেখে আমার চক্ষু সার্থক করি।
বুদ্ধ। যদি আবার সেই পুরুষোত্তম কাম-জননী রুক্মিণীর মত বল পূর্বক তোমাকে স্বয়ং গ্রহণ ক'রে তোমাকে তাঁর সহধর্মিণী করেন, তা হলেই বা কি কর?

মদ। (নিঃশ্বাস ত্যাগ করিয়া) কেন আর আমাকে এইরূপ বৃথা আশ্বাস দিচ্ছ সখি?

বুদ্ধ। সখি! আমি যা জিজ্ঞাসা করলেম, তার উত্তর দাও।

লব। এই দীর্ঘ নিশ্বাসেই ওঁর মনের ভাব বিলক্ষণ প্রকাশ পাচ্ছে, আর জিজ্ঞাসা ক'রে কি হবে?

মদ। সখি! যখন তিনি প্রাণপণ ক'রে সেই দুষ্ট বাঘের হাত থেকে আমাকে রক্ষা করেছেন, তখন আমি আর এ দেহের কে?—এ দেহ তাঁরই।

লব। এ কথা কৃতজ্ঞ-জনেরই উপযুক্ত।

বুদ্ধ। ওঁর ওই কথাটি যেন মনে থাকে।

মদ। এ কি! দ্বিতীয় প্রহর হল যে—ঐ শোনো প্রহর-সূচক দুন্দুভিধ্বনি হচ্ছে। আমি গিয়ে নন্দনকে ভৎসনা করেই হোক বা তাঁর পায়ে পড়েই হোক, মালতীর উপর যাতে তাঁর অল্পকূল ভাব হয়, তার চেষ্টা করি গে।

(উঠিয়া গমনোত্ত)

(মকরন্দ মুখোদঘাটন করিয়া মদয়ন্তিকার হস্ত ধারণ)
মদ। সখি মালতি! ঘুম ভেঙ্গেছে? (দেখিয়া হর্ষে ও সভয়ে) ও মা! এ কি! এ যে আর একজন!

মক।—

সখর সখর ভয়

সুনিত্রে সুন্দরি লো, শোনো মোর বাণী,

কম্পিত ও স্তন-ভার

সহিতে অক্ষম তব ক্ষীণ মাজাখানি।

প্রণয়ের অল্পগ্রহ

করেছিলে যার প্রতি এইমাত্র করিলে প্রকাশ,

স্বপ্ন-সুখ বাখানিলে

যার সহবাসে থাকি', এই দেখ আমি সেই দাস।

বুদ্ধ। (মদয়ন্তিকার চিবুক উন্নত করিয়া)

সহস্র বাসনা-ভরে

বারিলে যাহারে তুমি—সেই প্রিয়তম,

অমাত্য-ভবনে দেখ

সুপ্ত বা প্রমত্ত এবে যত পরিজন ।

গাঢ় অন্ধকার রাত্তি,

কৃতজ্ঞ হইয়া কাজ কর সমুচিত,

তাজিয়া মণি-নূপুর

নিঃশব্দে বাহিরিয়া চল গো স্বরিত ।

মদ । সখি বুদ্ধরক্ষিতে ! কোথায় যেতে হবে বল
দেখি ?

বুদ্ধ । মালতী যেখানে আছে ।

মদ । মালতী কি সেই দুঃসাহসিক কাজটা করেছে ?

বুদ্ধ । করেছে বৈ কি । আর, তুমিও তো এইমাত্র
বলেছ, "আমি এ'দেহের কে" ? (মদয়স্তিকার
অশ্রুপাত)

বুদ্ধ । দেখ মকরন্দ ! প্রিয়সখী তোমায় আশ্রয়-দান
করলেন—গ্রহণ কর ।

মক । অর্জুন করিহু আজি

দুর্জয় বিজয়, চাহি অণু কিবা আর,

স্বর-সখা-রূপাবলে

যৌবন-উৎসব হ'ল সফল আমার ।

এখন তবে চল, এই পার্শ্ব-দ্বার দিয়ে বেরিয়ে
যাওয়া যাক্ ।

(নিস্তকভাবে পরিক্রমণ)

মক । অহো ! এই নিশীথসময়ে রাজমার্গ জনশূন্য
হয়ে কি রমণীয় ভাব ধারণ করেছে !

এখন :—

উত্তম প্রাসাদোপরি

উচ্চ বাতাসন দিয়ে

বায়ু বহি ফিরি আসে

পরিচিত স্বরাগন্ধ নিয়ে ।

মালায়-পরিমল তাহে,

ভরপুর কপূরের বাস,

নববধু-যুবকের

সম্মিলন করিছে প্রকাশ ।

ইতি নন্দন-বঞ্চনা নামক সপ্তম অঙ্ক ।

অষ্টম অঙ্ক ।

দৃশ্য ।—কামন্দকীর গৃহ ।

(অবলোকিতার প্রবেশ)

অব । নন্দন-ভবন হ'তে ভগবতী ফিরে এসেছেন,
আমি তাঁকে প্রণাম করেছি । এখন মালতী-
মাধবের কাছে বাই । গ্রীষ্মদিনের অবসানে
তাপ-শান্তির জন্ম তাঁরা দীর্ঘিকার স্নান ক'রে
বাটের শিলা-তলে ব'সে আছেন ।

[প্রস্থান ।

ইতি প্রবেশক ।

দৃশ্য ।—দীর্ঘিকার শিলাতল ।

মালতীমাধব ও অবলোকিতা উপবিষ্ট

মাধ । কন্দর্পের প্রিয় সুহৃৎ নিশীথ-কাল এখন
কেমন যৌবনশ্রীতে বিরাজ করছে ! দেখ
তাই :—

দলিয়া তিমির-জাল

গুহতালপত্র-পাণ্ডু পূর্কদিকে ইন্দুর প্রকাশ,

মন্দ মন্দ বায়ু-ভরে

কেতকী-পরাগ ঘন আহা যেন ছাইল আকাশ ।

মালতী এখনও দেখছি বিমুখ, কি ক'রে এখন
ওঁকে প্রসন্ন করি । আচ্ছা, এইরূপ বলা যাক্
(প্রকাশে) প্রিয়ে মালতি ! তুমি তো সায়াহ্ন-স্নানে
শীতল হয়েছ, এখন তুমি আমার গ্রীষ্ম-তাপের শাস্তি
কর । কিন্তু এই কথাটি বলেই তুমি আমার অণু উদ্দেশ্য
কেন মনে ক'রে নেও বল দেখি ? সুন্দরি !—

যাবৎ কবরী হতে

কুহুমের রস-বিন্দু না হয় ক্ষরণ,

যাবৎ না গুন হতে

ঝরি স্বর্ষ মধ্য-দেহে না হয় পতন,

যাবৎ না সারা দেহে

পুলকে পুলকে অঙ্গ উঠে গো শিহরি,

অস্তিত একটাবার

গাঢ় আলিঙ্গন দেও প্রসাদ বিতরি ।

যে বাহু-যুগলে তব

সাধ্বসের বশে ঝরে স্বেদবিন্দুধার

—ইন্দুর কিরণ-স্পর্শে

বিগলিত আঁহা ঘেন চন্দ্রমণি-হার,

সেই বাছ মোর কণ্ঠে কর গো অর্পণ—

মুম্বু দেহেতে পুন আনো গো জীবন ।

অথবা, তাও দূরে থাক্, তুমি যে আমার
সঙ্গে একটু বাক্যালাপ করবে, আমি কি তারও
যোগ্য নই ?

চিরদগ্ধ মম তনু

মলয়-অনিলে, আর ইন্দুর কিরণে,

নহে গো ইচ্ছুক তুমি

নির্দোষিতে সেই আলা গাঢ় আলিঙ্গনে ।

প্রমত্ত কোকিল-রবে

ব্যথিত হইয়া আছে এ মোর শ্রবণ,

অয়ি লো কিম্বর-কণ্ঠি !

অন্ততঃ পিয়াও তব মধুর বচন ।

অবলোকিতা । (নিকটে আসিয়া) এ তোমার
কিরূপ অসঙ্গত ব্যবহার ? এই কিছু পূর্বে
মুহূর্ত-মাত্র মাধব স্থানান্তরে গেলে, তুমি বিমনা
হয়ে আমার কাছে এসে বলতে—তীর এত বিলম্ব
কেন ?—আবার কতক্ষণে তাঁকে দেখতে পাব,
যদি এবার তাঁকে পাই, তবে লজ্জাভয় সমস্ত ত্যাগ
ক'রে অনিমিষ-লোচনে তাঁকে দেখি, আর বলি,
“গাঢ় আলিঙ্গন দিয়ে আমাকে সুখী কর”—তার
পরিণাম কি শেষ এই হ'ল ?

মালতী । (সাস্থয়লোচনে দৃষ্টিপাত)

মাধ । (স্বগত) অহো ! ভগবতীর প্রধান শিষ্য
কি বাক-চাতুরী, আর কত কথাই সময়মত
ওঁর যোগায় ! (প্রকাশ্যে) প্রিয়ে ! অবলোকিতার
কথা কি সত্য ?

মালতী । (তির্যাকভাবে মস্তক সঞ্চালন)

মাধ । আমার দিব্যি, লবঙ্গিকার দিব্যি, অবলোকি-
তার দিব্যি, যদি তুমি না কথা কও ।

মাল । আমি কিছু জানি নে—(অর্দ্রোক্তি করিয়া
সলজ্জ)

মাধ । যদিও কথাগুলি শেষ হ'ল না—ভাল ক'রে
মুখ দিয়েও বেরোল না, তবু কেমন মিষ্টি লাগল ।
(সহসা নিরীক্ষণ করিয়া) অবলোকিতে ! এ কি
ব্যাপার ?

হরিণাক্ষী মালতীর

বিমল কপোলতল অশ্রুজলে সহসা প্লাবিত,

জ্যোৎস্নাপাতে মনে হয়

নল দিয়া কান্তিঋধা পান করে ইন্দু পিপাসিত ।

অব । সখি ! কাঁদছ কেন বল দেখি ?

মাল । (জনাস্তিকে) আর কতকাল প্রিয়সখী লবঙ্গি-
কার বিরহ-দুঃখ সহ্য করব ? আজকাল তাঁর
সংবাদ পাওয়াও দুষ্কর ।

মাধ । অবলোকিতে ! ব্যাপারটা কি ?

অব । দিব্যি দেবার সময় আপনি লবঙ্গিকার নাম
করায় তার কথা মনে পড়ে গেছে, লবঙ্গিকার কোন
সংবাদ না পেয়ে সখী বড় কাতর হয়ে পড়েছেন ।

মাধ । আমি এইমাত্র কলহংসকে পাঠিয়েছি, আর
বোলে দিয়েছি, গোপনে নন্দন-ভবনে গিয়ে ঘেন
তার সংবাদ নিয়ে আসে । (ব্যগ্রভাবে) অব-
লোকিতে ! আঁহা, মদয়ন্তিকার জন্ত বুদ্ধরক্ষিতা
যে চেষ্টা-যত্ন করছেন, তা সফল হবে তো ?

অব । মহাশয় ! তাতে কি আর সন্দেহ আছে ?
সেই যে সময়ে প্রথমে মালতী আপনাকে মক-
রন্দের চেতনার সংবাদ দেয়, তখন আপনি
খুসী হয়ে মালতীকে আপনার মন-প্রাণ পারি-
তোষিক দিয়েছিলেন ; এখন যদি কেউ মকরন্দ-
মদয়ন্তিকার মিলন-সংবাদ দিয়ে আপনাকে খুসী
করে, তা হলে তাকে কি পারিতোষিক দেন
বলুন দিকি ?

মাধ । হাঁ, এ কথা বলতে পার । (বক্ষোদেশ অব-
লোকন করিয়া স্বগত) মদনোচ্চানের শোভা
ও অলঙ্কার যে বকুল-গাছটি, তারই ফুলে এই
মালাটি গাঁথা প্রিয়তমার প্রথম দর্শনে আমার
যে মনের ভাব হয়, এটি ঘেন তারই সাক্ষিস্বরূপ
এখনও রয়েছে ।

মম হাতে গাঁথা বলি

আনাইলা এই মালা সখী-হস্ত দিয়া,

রাখিলেন প্রেমভরে

বিশাল সে কুচকুস্তে যতন করিয়া,

আবার বিবাহ-কালে

প্রণয়ে হতাশ হয়ে, লবঙ্গিকা জানে

এই মালা পরাইয়া

তুলিলেন মোরে তাঁর সরবন্দানে ।

অব । সখি মালতি ! এই বকুল-মালাটি তোমার
অতি প্রিয় সামগ্রী, অতএব সাবধান, এটি যেন
সহসা পরহস্তগত না হয় ।

মাল। প্রিয়সখি, ঠিক বলেছ।

অব। কার পায়ের শব্দ শোনা যাচ্ছে না?

মাধ। (নেপথ্যাভিমুখে অবলোকন করিয়া) এই যে! কলহংস এসেছে।

মাল। একটি স্তম্ভবাদ দি, মকরন্দ মদয়ন্তিকাকে লাভ করেছেন।

মাধ। (সহর্ষে আলিঙ্গন করিয়া) আমাদের এটি প্রিয় সংবাদ বটে। (নিজ কণ্ঠ হইতে বকুল-মালা খুলিয়া প্রদান)

অব। ভগবতী যে কাজের ভার দিয়েছিলেন, বুদ্ধরক্ষিতা সে কাজটি সিদ্ধ করেছেন দেখছি।

মাল। (সহর্ষে) ও মী! প্রিয়সখী লবঙ্গিকাকেও যে দেখতে পাচ্ছি।

(সকলের গাত্রোথান)

(ব্যস্তসমস্ত হইয়া কলহংস, মদয়ন্তিকা, বুদ্ধরক্ষিতা ও লবঙ্গিকার প্রবেশ)

লবঙ্গিকা। মহাশয়, রক্ষা করুন, রক্ষা করুন। আস্তে আস্তে অর্দ্ধপথে নগর-রক্ষা পুরুষেরা মকরন্দকে আক্রমণ করেছে। কলহংসও সেই সময়ে এসে পড়ায়, তাঁর সঙ্গে তিনি আমাদের এখানে পূর্কালেই পাঠিয়ে দিলেন।

কল। এই দিকে আসবার সময় একটা ঘোরতর যুদ্ধের কলরব শোনা গেল—বোধ হয়, আর এক দল শত্রু-সৈন্যও জড় হয়ে থাকবে।

মাল। এ কি! হর্ষ ও বিষাদ হই যে এক সময়ে উপস্থিত।

মাধ। সখি মদয়ন্তিকে! এসো এসো! তোমার পদার্পণে আমার গৃহ ধ্বংস হল। আর, তিনি তো যে-সে পুরুষ নন, কেন তবে উদ্বিগ্ন হচ্ছ? একলা তাঁকে যদি অনেক লোকও আক্রমণ করে, তাতেই বা সখার কি হবে? দেখ

গজ-সনে যুদ্ধকালে

অতুল বিক্রমশালী কেশরী যখন,

মদরস-সিঁজানন

গজরাজ-শির-অস্থি করে বিদারণ।

তখন বল গো দেখি

সেই সে সিংহের কেবা সহায় সখল?

—তখন সহায় এক

প্রচণ্ড-খর-নখর নিজ করতল।

৪৭—১৩

তোমার ভয় কি, তুমি এ বেশ জেনো, প্রিয়সখী নিজ বল-বিক্রমের অনুরূপই কাজ করবেন, আর দেখ, আমিও তাঁর সাহায্যে এখন চলেম।

[উদ্ধতভাবে পরিক্রমণ করত কলহংসের

সহিত প্রস্থান।

অবলোকিতা, লবঙ্গিকা, বুদ্ধরক্ষিতা। এঁরা এখন অক্ষত-শরীরে ফিরে এলে হয়।

মাল। সখি বুদ্ধরক্ষিতে! সখি অবলোকিতে! তোমরা শীঘ্র গিয়ে ভগবতীর নিকট উপস্থিত-বিপদের সংবাদটা দাও, আর প্রিয়সখি লবঙ্গিকে! তুমিও শীঘ্র গিয়ে মাধবকে বল—“যদি আমাদের প্রতি তাঁর কিছুমাত্র দয়া থাকে, তবে যেন একটু সাবধান হয়ে যুদ্ধ করেন।”

[অবলোকিতা, লবঙ্গিকা ও বুদ্ধরক্ষিতার প্রস্থান।

মাল। হায়! এখন কি ক’রে সময় কাটাই? আচ্ছা, আমি লবঙ্গিকার ফেরবার পথে গিয়ে দেখি, কতক্ষণে লবঙ্গিকা আসে। (পরিক্রমণ) (পরে আতঙ্কে) এ কি! ডান্ চোখ নাচছে যে!

(উপবেশন)

(কপাল-কুণ্ডলার প্রবেশ)

কপাল। আরে পাণ্ডুরসি! দাঁড়া—কোথা যাসু? মালতী। (সত্রাসে) হা নাথ মাধব!—(অর্দ্ধোক্তি করিয়া বাকরোধ)

কপা। (সক্রোধে) হাঁ, তাকে তুই ডাক—ডাক।

তপস্বী জনের হস্তা,

কথা-চোর, কোথা তোর নাথ,

রক্ষা করুক এখন,

হয়েছিস এবে তুই

শ্যান-আক্রমণে ষথা সচকিত ক্ষুদ্র বিহঙ্গম।

আর কেন বুথা চেষ্টা,

পলাইয়া কোথা যাবি চ’লে?

—অনেক দিনের পর

পড়েছিস আমার কবলে।

এখন একে শ্রীপর্কতে নিয়ে গিয়ে, টুকরো

টুকরো ক’রে কেটে দগ্ধে দগ্ধে মারতে হবে।

[মালতীকে উঠাইয়া লইয়া প্রস্থান।

মদ। মালতী যে দিকে গেছে, আমিও সেই দিকে
বাই। (পরিক্রমণ করিয়া) প্রিয়সখি মালতি!

(লবঙ্গিকার প্রবেশ)

লব। সখি মদয়ন্তিকে! আমি মালতী নই, আমি
লবঙ্গিকা।

মদ। তাঁর দেখা পেয়েছ কি?

লব। না, পাইনি। বলব কি, তিনি উজ্জান থেকে
বেরিয়েই সেই সৈন্যদের কোলাহল শুনলেন,
অমনি মগর্কে গিয়ে শক্র-সৈন্যের মধ্যে প্রবেশ
করলেন, কাজেই এ হতভাগিনীর ফিরে আসতে
হল। আমি কেবল দূর হতে শুন্তে পেলেম,
“হা মহাত্মাভাব মাধব! হা সাহসিক মকরন্দ!”
এই বলে গুণানুরাগী পৌরজনেরা ঘরে ঘরে
বিলাপ করছে। আর লোকের মুখে শুনেম,
মহারাজও নাকি মল্লিকচ্ছা-ছটির হরণ-বৃত্তান্ত
শুনে অত্যন্ত ক্রুদ্ধ হয়ে, অস্ত্র-শস্ত্র-প্রবীণ অনেক
পদাতি সৈন্য পাঠিয়েছেন, আর নিজে প্রাসাদের
ছাতে উঠে জ্যোৎস্নার আলোক সমস্ত কাণ্ড
স্বচক্ষে দেখছেন।

মদ। হায়! এ হতভাগিনীর সর্বনাশ হল।

লব। সখি! মালতী কোথায়?

মদ। সে প্রথমেই, তুমি যে পথে গিয়েছিলে, সেই
পথে তোমাকে খুঁজতে গিয়েছিল, তার পর
আমিও গিয়েছিলেম, কিন্তু তাকে আর দেখতে
পেলেম না। বোধ হয়, উজ্জানের নিবিড়
কুঞ্জের মধ্যে ঢুকে পড়েছে।

লব। সখি! এসো, শীঘ্র তাকে আবার খুঁজে
দেখি। প্রিয়সখী মাধবের জন্ম বড়ই কাতর
হয়েছেন, আর বুঝি তাঁর ধৈর্য্য থাকে না।
(ক্রমত পরিক্রমণ) সখি মালতি!—বলি, ও
মালতি!

(ইতস্ততঃ পরিক্রমণ)

(সহর্ষে কলহংসের প্রবেশ)

কল। আঃ, বাঁচা গেল। সেই ভয়ানক বৃদ্ধের
হাস্তাম থেকে আমরা ভালোয় ভালোয় ভাগিয়া
বেরিয়ে আসতে পেরেছি। বাবা রে! এখনও
যেন সমস্ত চোখের সামনে দেখতে পাচ্ছি।
যেমন চমৎকার, তেমনি ভয়ানক। চারিদিকে
অস্ত্র-শস্ত্রের আক্ষফালন হচ্ছে, আর তাঁদের আলো

প’ড়ে তীক্ষ্ণধার উজ্জল তলোয়ারের পাতগুলো
চকমক করে জলে উঠছে। দেখে বোধ হতে
লাগল, বলদেব যেন মদ-লীলাভরে প্রচণ্ড ভূঙ্গ-
দণ্ডে কালিন্দী-স্রোত আলোড়িত কচ্ছেন।
মকরন্দের বিকট লক্ষ্য ঝম্পে শক্রসৈন্য বিশৃঙ্খল
হয়ে পলাতে লাগল, তাদের আর্তনাদে গগনতল
আচ্ছন্ন হয়ে গেল। তার পর সে কথাও ভুলব
না, আমার প্রভু মাধব সেখানে উপস্থিত হয়ে
বিপক্ষের সৈন্যদের হস্ত হতে অস্ত্র-শস্ত্র কেড়ে নিয়ে,
ভীষণ ভূঙ্গবজ্র প্রহার করতে লাগলেন—তাঁর
বিকট বল-বিক্রম দেখে ক্রমে রাজমার্গ পদাতি-
শূন্য হল। হতশেষ সৈন্যরা এইরূপ বিষম সমর-
সাহস দেখে চারিদিকে পলায়ন করতে লাগল।
আহা! মহারাজ কি গুণানুরাগী! তিনি সেই
সময়ে প্রতীহারীকে সৌধশিখর হতে নীচে
পাঠিয়ে দিয়ে, বিনয়বচনে মাধব মকরন্দকে
শান্ত করে, আপনার সম্মুখে আনালেন! তাঁরা
উপস্থিত হ’লে, রাজা তাঁদের মুখচ্ছের উপর
পুনঃ পুনঃ অস্থির দৃষ্টিপাত করতে লাগলেন। তার
পর আমার মুখে তাঁদের বংশ-পরিচয়, আভি-
জাত্য ও গুণগ্রামের কথা শুনে তাঁদের বিশেষ
সম্মান ও সৎকার করলেন। অমাত্য ভূরিবস্ত্র
ও নন্দনের মুখ লজ্জায় মসীবর্ণ হয়ে গেল।
তখন মহারাজ মধুর-বচনে তাদের বললেন;—
“তোমাদের পরম সৌভাগ্য, কুলে শীলে রূপে
গুণে এতটি সর্বাংশেই সৎপাত্র; এমন জামাতা
আর পাবে না” এইরূপ প্রবোধ দিয়ে রাজা
অভ্যন্তরে প্রবেশ করলেন। এই যে, মাধব ও
মকরন্দও এসে পৌঁছেছেন। আমি এখন
ভগবতীর কাছে গিয়ে এই সমস্ত বৃত্তান্ত নিবেদন
করি গে।

[প্রস্থান।

(মাধব ও মকরন্দের প্রবেশ)

মক। অহো! সখার সাহস ও বল বাস্তবিকই
অলৌকিক।

বাহুর প্রহারে তব

বিশীর্ণ শত্রুর দল বিচূর্ণ-কঙ্কাল,

উন্নথিয়া আক্রমিয়া

বীরগণে, ভাদ্রিয়া-চুরিয়া অস্ত্রজাল।

সম্মুখে করিয়া পথ
রক্তময়, চলিলে করিয়া মহা বিক্রম-প্রকাশ,
দ্বিবিভক্ত জনার্গবে
সুস্তিত নৈশের পংক্তি, নূনুণে আকীর্ণ
চারি পাশ।

মাধ। কিন্তু এটি কি অত্যন্ত শোচনীয় ব্যাপায় নয় ?
অথই যে সব লোক
নিশীথ-উৎসবে পান করিয়াছে স্মৃতে
প্রিয়ায় গণ্ডু-শেষ
মধুটুকু—উদ্ভাসিত ইন্দুর ময়ূখে।
লভিয়াছে সেই সঙ্গ
প্রিয়াদত্ত আলিঙ্গন প্রেম-লীলাচ্ছলে,
আজি দেখ তাহারাই
রণহলে ভগ্ন-অস্থি তব ভুঞ্জ-বলে।

আর যাই হোক সখা, রাজার সৌজ্ঞ্য আমরা
কখনই ভুলব না। যে দোষী, তারও প্রতি তিনি
নির্দোষীর ন্যায় ব্যবহার করে কত অল্পগ্রহ প্রকাশ
করুলেন। এসো এখন মালতীর নিকট যাওয়া
যাক—সেইখানে গিয়ে তাঁর সামনে বোসে,
মদয়ন্তিকা-হরণের বিস্তারিত বৃত্তান্ত তোমার মুখে
শুনতে হবে।

তোমার আখ্যান-মাঝে
মালতী মুচকি হাসি, সখী মদয়ন্তিকা পরে
চঞ্চল কটাক্ষপাত করিবেন পরিহাস-ভরে।
অমনি গো সখীটির

বদন-পঙ্কজ কিবা হবে উল্লসিত,
লজ্জায় স্তিমিত দৃষ্টি হইবে নমিত।

[পরিক্রমণ করিয়া সকলের প্রস্থান।

দৃশ্য—উদ্যান।

(মাধব প্রভৃতির প্রবেশ)

মাধব। এই তো সেই উদ্যান। কিন্তু এ স্থানটি
একপ শূন্য ব'লে মনে হচ্ছে কেন ?
মক। সখা, বোধ হয় আমাদের বিপদে ব্যাকুল হয়ে
আত্মবিনোদনের জন্তু গুরা ঐ গহন উদ্যানে ভ্রমণ
কচ্ছেন—এসো দেখা যাক।

(উভয়ের পরিক্রমণ)

লব ও মদ। সখি মালতী! (সহসা দেখিয়া)
আঃ! বাচা গেল—ঐ যে মাধব মকরন্দ ছই
জনকেই এইখানে দেখতে পাচ্ছি।
মকরন্দ, মাধব। এই যে তোমরা! মালতী
কোথায় ?

উভয়ে। কোথায় মালতী? আপনাদের পদশব্দে
আমরা মনে করুছিলেম, বুঝি মালতী আসছে।
মাধ। কি?—কি বললে? আমার বুক যে ভেঙ্গে
যাচ্ছে—স্পষ্ট ক'রে বল!

পঙ্কজাঙ্কি প্রেয়সীর
অনিষ্ট হ'ল বা বুঝি এই ভাবনায়,
বিগলিত হৃদি মোর,
অন্তরাঙ্গা সশঙ্কিত উন্মত্ত-প্রায়।

নাচিতেছে বামচক্ষু
প্রতিকূল বাক্য তব তারি সাক্ষ্য ছায়।

মদ। আপনি এখান থেকে চ'লে গেলে, মালতী
সংবাদ দেবার জন্ত বুদ্ধরক্ষিতা ও অবলোকিতাকে
ভগবতীর কাছে পাঠালেন, আর সাবধান
করবার জন্ত লবঙ্গিকাকে আপনার কাছে
পাঠালেন। তার পর লবঙ্গিকার ফিরে আসতে
বিলম্ব দেখে ব্যাকুল হয়ে দেখবার জন্ত তিনি
নিজেই এগিয়ে গেলেন। আমি তার পর এসে
আর তাঁকে দেখতে পেলেম না—সেই অবধি
আমরা এ-বনে সে-বনে অন্বেষণ করছি, এমন
সময়ে আপনাকে দেখতে পেলেম।

মাধ। হা! প্রিয়ে মালতী!
কি জানি কি অমঙ্গল
ঘটিল গো, ভাবি প্রাণ বিষম আকুল,
ক্ষান্ত হও পরিহাসে
নির্দয়ে! ভাঙ্গিয়ে দাও শীঘ্র মোর ভুল।
পরীক্ষা করিতে চাও
দিয়াছি তো সে পরীক্ষা—দাও গো উত্তর,
নির্দয় হয়ে না আর,
বিহ্বল হৃদয় মোর বড়ই কাতর।

উভয়ে। হা প্রিয়সখি! কোথায় গেলে তুমি?
মক। সখা! বিশেষ না জেনে শুনেই এত কাতর
হচ্ছ কেন বল দেখি?
মাধ। সখা! তুমি কি জান না, মাধবের বিরহে
কাতর হয়ে প্রিয়তমা কি না করতে পারেন?
মক। সত্য, কিন্তু ভগবতীর নিকটেও তো তাঁর

যাবার সম্ভাবনা আছে—এখন তবে চল, সেই-
খানে গিয়ে দেখা যাক।
উভয়ে। খুব সম্ভব তাই।
মাধ। আচ্ছা, তবে সেইখানেই চল।

(সকলের পরিক্রমণ)

মক। (স্বগত চিন্তা)
হয় তো গিয়েছে সখী
ভগবতীর আশ্রম-সদনে,
অথবা বাঁচিয়া নাই
এই কথা পুনঃ ভাবি মনে।
প্রায়ই তো গো দেখা যায়
বান্ধব-স্বয়ং-প্রিয়-জনের সঙ্গম,
সংসারের যত সুখ,
চঞ্চল অস্থির-গতি সৌদামিনী-সম।
ইতি অষ্টম অঙ্ক সমাপ্ত

নবম অঙ্ক

দৃশ্য—পদ্মাবতী নগর

(সৌদামিনীর প্রবেশ)

সৌদা। আমি সৌদামিনী। শ্রীপর্কত হ'তে উড়ে
এসে পদ্মাবতী নগরের উপরে এসে রয়েছি।
এখন মালতীর বিরহে চির-পরিচিত স্থানগুলি
মাধবের অসহ্য হওয়ার মাধব সেই সব স্থান
পরিক্রমণ ক'রে বেড়াচ্ছেন। এখন তবে আমি
তার নিকটে যাই। আমি উড়ে এসে যেখানে
রয়েছি, এখান থেকে এই সকল গিরি, নগর,
গ্রাম, সরিৎ, অরণ্য, সমস্ত একেবারেই আমার
দৃষ্টিগোচর হচ্ছে।

(পশ্চাতে অবলোকন করিয়া)

চমৎকার! চমৎকার!

কিবা শোভে পদ্মাবতী,
সুবিশাল ছই নদী "সিন্ধু" আর "পারা"
ধরিয়া রয়েছে তারে
কটবন্ধ-সম কিবা স্বচ্ছ বারিধারা।

উত্তম প্রাসাদ কত,
দেব-গৃহ, পুরধারী অট্ট অগণন,
হইয়া বিভক্ত তাহে
আকাশ করিছে নিজ মস্তকে ধারণ।

অপিচ,

শোভিছে লবণা নদী
বক্ষে যার উশ্মি-মালা সুন্দর শোভন,
বর্ষাগমে যার তট
নব উলু-তৃণরাজি করয়ে ধারণ।
(জনপদ-সুখদায়ী
—গর্ভিণী গাভীর ভক্ষ্য প্রিয় অতিশয়)
নদীটির উপকণ্ঠে

শোভিতেছে মনোহর বিপিন-নিচয়।
(অত্ৰ দিকে অবলোকন করিয়া) এই সেই
ভগবতী "সিন্ধুর" প্রপাত; জলের পতন-
বেগে ভুল বিদীর্ণ ক'রে যেন একটা রসাতলের
সৃষ্টি করেছে।

হেথায় তুমুল ধ্বনি

জলগর্ভ-নবধন-ঘোরতর-গর্জন-সমান

সীমান্ত-ভূধর-কুঞ্জ

সমুখিত—হেরথের কণ্ঠ-ধ্বনি হয় অনুমান।

এই সকল অরণ্য-গিরিভূমি চন্দন, অশ্বকর্ণ, সরল,
পাটল প্রভৃতি গহন তরুরাজিতে পরিপূর্ণ ও পক
বিল্বকলের সৌরভে আমোদিত। এইগুলি দেখে
দাক্ষিণাত্যের অরণ্য-পর্কতগুলি মনে পড়ে; সেই
সব স্থান—যেখানে গোদাবরী নদীর প্রচণ্ড প্রবাহ,
তরুণ-কদম্ব-জম্বু-বৃক্ষাচ্ছন্ন তমসাবৃত গহন কুঞ্জ
প্রবেশ করে, এবং তার ঘোরতর গর্জনে চতুর্দিকস্থ
বিশাল মেখলা-ভূমি প্রতিধ্বনিত হতে থাকে। আর
ঐ দেখ, "স্বর্ণবিন্দু" নামে ভগবান ভবানীপতি
এইখানে স্বয়ং-প্রতিষ্ঠিত হয়ে, মধুমতী ও সিন্ধুর এই
সঙ্গম-প্রদেশটিকে পবিত্র করছেন।

(প্রণাম করিয়া)

জয় দেব ভুবন-ভাবন, জয় ভগবন্
নিখিল-নিগম আশ্রয়,
জয় রুচির শশি-শেখর, মদন-নাশন
জগত-আদি গুরু জয়।

(অগ্রসর হইয়া)

এই যে উত্তম-সাহু

অভিনব-মেঘ-শ্রাম মহাকাশ পর্কত হেথায়

মিলিয়া ময়ুরী সাথে
ময়ুর মদ-মুখর, হর্ষভরে কেকা-রবে ছায়।
স্নিগ্ধছায় দেহ-মাঝে
বিচিত্র-বরণ কত পঙ্কি-নীড় করয়ে ধারণ,
নিরখিয়া হেন গিরি তিরপিত
হয় গো নয়ন।

অপিচ :—

গহ্বর-নিবাসী যত
সুভীষণ মদমত্ত ভল্লুক তরুণ,
তাদের খংকার-রবে
গরজন-প্রতিধ্বনি বাড়য়ে ঝিগুণ।
গজভগ্ন শল্লকীর
গ্রহিখণ্ড চারিধারে রহে বিকীরিত,
তা' হ'তে ঝরিয়া ক্ষীর
শিশির-কটু কষায় গন্ধে আমোদিত।
(উল্লে অবলোকন করিয়া)

এ কি! মধ্যাহ্নে যে! এখন এখানে :—
তাজিয়া "কাশ্মীরী" তরু
"কোবা" পক্ষী, পল্লবিত-কৃতমালে"
করয়ে গমন,

তীরের "অশ্বস্ত" শাকে
চুখিয়া "পূর্ণিমা" পক্ষী জলাশয়ে
করয়ে ধাবন।

"তিনিশ"-কোটর-মাঝে
"দাত্যুহ" নিলীন হয়ে করে অবস্থান,
"কলোত" সে গুল্ম-নৌড়ে
কাঁদিয়ে, "কুকুভ" নৌচে করে যোগ দান।
আচ্ছা, এখন আমি তবে মাধব মকরন্দকে
অধেষণ ক'রে যথাসাধ্য তাদের সাপ্তনা করি গে।

[প্রস্থান।

ইতি বিদগ্ধক

(মাধব ও মকরন্দের প্রবেশ)

মক। (সক্রমভাবে নিঃশ্বাস ত্যাগ করিয়া) :
যে বিষম অবস্থায়
নাহি কোন আশা কিথা নৈরাশ্র বিশেষ,
হৃদয় বিক্ষিপ্ত হয়ে
ঘোর মোহ অন্ধকারে করয়ে প্রবেশ।
না পারি করিতে কিছু
বিধির বিপাকে, বিধি এমনি গো বাম—

অস্থির হইয়া বুরি
বিপদের মাঝে মোরা পশুর সমান।
মাধ। হা প্রিয়ে মালতি! কোথায় তুমি? কেন
সহসা অন্তর্হিত হলে, তার কারণ কিছুই জানতে
পারলেম না! ঠা! নির্দয়ে! এখন আমাকে
দেখা দিয়ে আশ্বস্ত কর।

তবে কি মাধব পরে
দয়ামায়া স্নেহ তব নাহিক কিঞ্চিৎ?
এখনো তো সেই আমি
যে পরশি তব কর কঙ্কণ-ভূষিত
(সাক্ষাৎ উৎসব সম)

হয়েছিল সে সময় কত আনন্দিত।
সখা মকরন্দ! এ জগতে ওরূপ প্রেম পুনর্বার লাভ
করা নিতান্তই দুর্লভ ও অসম্ভব!
কোমল-কুসুম-অঙ্গে
সহিল অনন্ত-জ্বালা কত দিন ধরি।

অতি তুচ্ছ তৃণসম
বিসর্জিবে নিজ প্রাণ মনে স্থির করি,
সাহস করিয়া শেষে মম হস্তে দিল নিজ কর,
ইহার অধিক প্রেম কোথা আছে বল অতঃপর?
তা ছাড়া :—

বিবহ-বিধির আগে
আমায় পাবার আশে হইয়া নিরাশ
করিয়াছিল গো কত
সকাতরে হৃদয়ের আবেগ প্রকাশ।
প্রিয়া মোর সে সময়
মর্শ্চছেদী যাতনায় বিকল-ইন্দ্রিয়,
মনের বেদনা-ভরে
অস্থির কাতর-তনু তখন আমিও।

(আবেগ সহকারে)

অহো! কি আশ্চর্য্য!
দলিত হৃদয় শোকে
দ্বিধা তবু ফাটিয়া না যায়,
মোহে বিকলিত দেহ
জ্ঞান তবু নাহি গো হারায়।
অন্তর্দাহে দহে তনু,
তবু তো না হয় ভয়সাত,
মর্শ্চছেদ করে বিধি,
প্রাণ তবু না হয় নিপাত।

মক। সখা মাধব! দারুণ দৈবের ছায় স্বর্ঘ্যদেবও

আমাদের এখন অবিরত দৃষ্ট করছেন। তোমার শরীরের যেকোন অবস্থা, এখন চল, ঐ পদ্ম-সরোবরের ধারে গিয়ে কিছুক্ষণের জন্ত বসি গে। দেখ এখানে—

সনাল কমল নব
উঠিয়াছে মাথা তুলি জলের উপরি,
মুহমন্দ মকরন্দ।
তাহা হতে আহা কিবা পড়ে ঝরি ঝরি।
সে গন্ধে হইয়া পুষ্ট,
শীতল হইয়া আর তরঙ্গ-শীকরে,
মধুর মলয়-বায়
জুড়াইবে তব অঙ্গ রহি ধীরে ধীরে।
(পরিক্রমণ করিয়া উপবেশন)

দৃশ্য।—সরোবর-তীর।

মক। (স্বগত) হাঁ, সেই ভাল। এই রকম করে অল্প দিকে গুর চিত্ত বিক্ষিপ্ত করা যাক। (প্রকাশ্যে) সখা মাধব!

মদকল মরালের
পক্ষ-সঞ্চালনে দেখ দোলে শতদল,
অশ্বারি নিবারিয়া
যতক্ষণ নাহি আসে পুন অশ-জল
ততক্ষণ দেখে লও
এই সব সুশোভন মনোহর স্থল।

(মোহেগে মাধবের গাজোথান)

মক। এ কি! আমার কথায় কণপাত না করেই শূন্য-মনে অল্প দিকে কোথায় যাচ্ছ? সখা! স্থির হও।
দেখ :—

বঞ্জল-কুম্ব-গন্ধে
নিকুঞ্জ-তটিনী-বারি কিবা সুশোভিত।
যুথিকা-কলিকা-রাশি
তটিনীর প্রান্ত-দেশ করে আচ্ছাদিত।
পর্কতের সাহু পরে
'কুটজ'-কুম্ব ফোটে সহাস আনন,
মেঘ-চন্দ্রাতপ শিরে
—মত্ত ময়ূরের নৃত্য করে উত্তেজন।

তা ছাড়া :—

শৈলের পর্যন্ত-ভূমি
সমাচ্ছন্ন বিকসিত-কদম্ব-কোরকে,

নদীকূল সুশোভিত

উদ্ভিন্ন-অঙ্গুর নব সূচাকু কেতকে।
দিগন্ত হয়েছে কিবা জলদ-গামল।
শিগুন্ধ-কুম্ব-লোধে হানে বনস্থল।
মাধ। সখা! সবই দেখছি; দূর-দৃশ্য অরণ্য-ভূমি
রমণীয় রটে—কিন্তু এ সব আমার কাছে কি?
(সাক্ষ-নয়নে) অথবা আরও যদি কিছু থাকে
তাতেই বা আমার কি?
আসিয়াছে কাল, যবে
স্নিগ্ধ জলদ-রাশি, পূর্বের ঝঞ্ঝানিলে হয়ে সঞ্চালিত
(শাগর্জুন-গন্ধী বায়)
বিখলিত ইন্দ্রনীল-খণ্ড যেন, নীতপুল করে আচ্ছাদিত।
আহা কি কালের শোভা!
তাপ-বৃষ্টি ক্রমাঘয়ে করে যাতায়াত, এক যায় অল্প
আসে।

জলদের বরিষণে

ধারাসিক্ত বসুন্ধরা আমোদিত আহা কিবা মধুর
সুবাসে।

হা প্রিয়ে মালতি!

কেমনে হেরিব এবে

তরুণ-তমাল-নীল দিগন্তে জলদ-অগণনা
শীত-বায়ু-সঞ্চালিত অভিনব সলিলের কণা।
কেমনে হেরিব বল
সেই সে দিগন্ত-দেশ চারু-ইন্দ্রধনু-সুশোভিত
মদকল-নীলকণ্ঠ-ময়ূর-কলহ-মুখরিত।

(শোকান্তভাবে)

মক। ওঃ! সখার এ কি দারুণ পরিণাম!
(সাক্ষলোচনে) আশ্চর্য্য! আমার বজ্রময় হৃদয়
এখনও প্রকৃতির দৌন্দর্য্য উপভোগ করতে
পারছে? (নিঃশ্বাস পরিত্যাগ করিয়া) আহা,
মাধবের বাঁচবার আর কোন আশাই নাই।
(সভয়ে অবলোকন করিয়া) এ কি! মুচ্ছিত
হয়েছেন নাকি? (আকাশে) সখি মালতি!
: এখনও কি তোমার দয়ার উদ্রেক হল না?
না মানি বান্ধব-জনে

প্রেমের আবেগে-ভরে সাহস করিলে প্রদর্শন,
তবে কেন বল সখি

নিরদোষী প্রিয়জনে হইলে গো নির্দয় এখন?
এ কি! এখনও যে-নিঃশ্বাস পড়ছে না! হা বিধাত!
আমার কি সর্বনাশই করলে! মা গো! মা গো!

দলিত হৃদয় মম,
বিচ্ছিন্ন এ দেহের বন্ধন,
শূন্যময় এ জগৎ,
অবিরত অন্তর্দহন।
প্রগাঢ় তিমিরে মগ্ন
অস্তুরাশ্মা বড়ই ব্যাকুল,
সমস্ত স্তম্ভিত মোহে,
এ অভাগা কোথা পায় কূল ?
হায় ! কি কষ্ট ! কি কষ্ট ! আহা !
সখা মোর বন্ধুতার হৃদয়-জোছনা,
মালতীর নয়নের পূরণ-চন্দ্রমা
মকরন্দ-পরাণের আনন্দদায়ক,
সর্ব-অগ্রগণ্য, জীব-লোকের তিলক।
সেই সে মাধব এবে মোহে হতজ্ঞান
ইহলোক হতে বৃষ্টি করিলা প্রয়াণ।

হা ! সখা মাধব !

গাত্রে চন্দন-রস, শারদেন্দু নেত্রে মোর,
হৃদয়-আনন্দ তুমি, তোমাতে ছিলাম ভোর।
সুন্দর সকল হতে, হরিল তোমায় কাল,
এ কি সর্বনাশ হল হায় ! ভাঙ্গিল কপাল।

(স্পর্শ করিয়া)

অকরুণ সখা ওহে
শ্মিতোজ্জ্বল তব দৃষ্টি কর বিতরণ,
নিদারুণ ! কৃপা করি
একটি করহ দান মুখের বচন।

তোমা পরে অনুরক্ত
চিত্ত যার,—মকরন্দ তব সহচর
করিছ কেন গো তবে তারে হতাদর ?

(মাধব সংজ্ঞালাভ করিয়া)

মক । (নিঃশ্বাস ফেলিয়া) নব-জলধরের জলকণা-বর্ষণে
উজ্জ্বল রাজপট্ট-মণির যে অবস্থা হয়, সেইরূপ
আমার সখা আবার বেঁচে উঠেছেন দেখছি—
আ ! বাঁচা গেল, জগৎ যেন আবার প্রাণ
পেলে।

মাধ । আচ্ছা বল দেখি, এই বনের মাঝে কাকে
এখন দূত ক'রে প্রিয়ার নিকট পাঠাই ?
(অবলোকন করিয়া) আহা, কি চমৎকার !
নদীতীরে ওই দেখ ফল-ভরে পরিণত
শ্যামল জধুর কুঞ্জ হয়ে আছে অবনত

উদ্গিরিত মুহু মুহু তটে ভান্ধি ভান্ধি পড়ে,
নদীর উত্তর ভাগে পর্কিত-শিখর-পরে।
নব-জলধর ওই উপচিত-বন-পুঞ্জ,
যেন রে প্রবোধ-কায় নৌলবর্ণ তাল-কুঞ্জ।
(সাদরে উত্থান করিয়া উর্ধ্বমুখে কুতাজলি পূর্বক)
ও গো সৌম্য ! বল দেখি :—

প্রিয়সখী সৌদামিনী করে কি না
তোমা আলিঙ্গন ?
প্রণয়ী চাতক চারু করে কি না
তব আরাধন ?
পূর্ব-বায়ু যত্নে কি গো গাত্র টিপি
দেয় গো তোমার ?
ইন্দ্র-ধনু চিত্রি তনু করে কি গো

শোভার বিস্তার ?

(কর্ণপাত করিয়া) এই যে ! মেঘের স্নিগ্ধ-
গস্তীর প্রতিধ্বনিতে গিরিগুহা সব পরিপূরিত
হয়ে উঠল। আর ঐ শোনা, উর্ধ্বকণ্ঠ আনন্দিত
ময়ূরগণ মন্ত্র-হৃদয়ে আমার কথায় সায় দিচ্ছে।
আচ্ছা, এইবার তবে আমার এই প্রার্থনা জানাই।
ভগবন্ জীমূত !

এ জগতে ইচ্ছামত ভ্রমিতে ভ্রমিতে
যদি কভু প্রিয়া পড়ে তোমার দৃষ্টিতে।
প্রথমে আশাস দিয়া বোলো তাঁরে
মাধবের দশা,
বলিতে সে কথা কিন্তু দেখো যেন
ভেঙ্গো নাকো আশা।

আশাতস্ত হলে ছিন্ন নিশ্চয় মরণ।
সেই তাঁর একমাত্র জীবন-বন্ধন ॥
(সহর্ষে) এ কি ! মেঘ চলে গেল যে ! তবে এখন
আমি অগ্রত যাই। (পরিক্রমণ)

মক । (সোদেগে) এ কি ! রাহুগ্রস্ত চন্দ্রের ছায়
মাধব উন্মাদগ্রস্ত হয়েছেন দেখছি। হা তাত !
হা জননি ! ভগবতি ! রক্ষা কর। মাধবের
কি অবস্থা হয়েছে দেখ এসে।

মাধ । (চারিদিক অবলোকন করিয়া) হা ! কি প্রমাদ !
লোধের কুসুম নব কাণ্ডি নিল তাঁর,
কুরঙ্গী লোচন নিল, গজ গতি আর,
লতিকা নম্রত্ব নিল, আমার সে প্রিয়া
আছেন বিপিনে ব্যক্ত বিভক্ত হইয়া !
হা প্রিয়ে মালতি ! (মুর্ছিত)

মক ।—

গুণের নিধান যেই, পরাণের প্রিয়তম নাথ,
গাঢ় সখ্য ভ্রমিল ধূলি-খেলা করি যার সাথ ।
এতেন সখ্যারে হেরি' প্রিয়-জন-বিরহ-আতুর,
তুই ভাগে ফাটি কেন, হত-হৃদি না হইল চূর ?

মাধ । (সংজ্ঞা লাভ করিয়া উথান)

ব্রহ্মার সৃষ্ট জীবগণের মধ্যে সাদৃশ্য নিশ্চয়ই তুলিত
নয় । আচ্ছা তবে (উচ্চৈঃস্বরে) ওহে পরকৃত-
অরণ্যচারী জীবগণ ! তোমাদের প্রগতি পুরঃ-
সর এই নিবেদন করছি, অতঃপর ক'রে মুহূর্তকাল
আমার কথায় অবধান কর ।

এ স্থানে করিছ বাস, দেখেছ কি তোমরা হেথায়
সর্দারসুন্দরী কোন কুল-ললনায় ?

অথবা জানো গো যদি কি দশা ঘটিল—বল তবে,
বয়োবস্থা তাঁর যাহা, শুন সখা সবে :—

—যে বয়সে মনোভব মনোমাত্রে জাগে বিলক্ষণ
অপচ থাকে না অঙ্গে অনঙ্গ-লক্ষণ ।

ওঃ ! কি কষ্ট ! কি কষ্ট !

পাখা তুলি নাচে শিখী

আচ্ছন্ন করিয়া মোর বাক্য-হাহাকাারে
মদ-ভ্রাস্ত নেত্র-তার।

চাতক হরয়ে চলে কাঙ্ক্ষা-অভিগারে ।

নিজ-প্রিয়া-কপোলটি

কুসুম-পর্যাগে চিত্র করয়ে বানর,
প্রার্থনা জানাই করে

সবাই কাজেতে ব্যস্ত—নাহি অবসর ।

আরও দেখ :—

বানর সে চুখে নিজ প্রিয়া-মুখ তুলি',

সে মুখে অধর-রাগে শোভে দন্তগুলি ।

“রোচনী”র পুষ্পসম কপোল পাটল,

মুখবর্ণ—পাকা ফাটা দাড়িধের ফল ।

দেখ, গজরাজ রোহিণ-গাছে ঠেস্ দিয়ে, নিজ
প্রিয়তমা করিলীর কাঁধে গুঁড়টি রেখে, কেমন
বিশ্রাম-সুখ উপভোগ করছে ! এ কি, ওরও
দেখছি কিছুমাত্র অবসর নাই ।

দন্ত-অগ্র বুলাইয়া

নিজ সহচরী-গাত্র করে কণ্ঠন,

পরশ-সুখের বশে

মুদে আসে করিলীর মুকুল-নয়ন ।

কর্ণ তুটি আন্দোলিয়া পরম্পরা-ক্রমে

বীজন করে সে তারে সুখদ পরনে ।

খাওয়াইছে অর্কভুক্ত নব কিশলয়,

ধন্য রে মাতঙ্গ তব প্রেম-পরিচয় !

(অন্যদিকে দৃষ্টিপাত করিয়া)

এই যে আর একটি গজরাজ ।

মেঘের গর্জন শুনি

প্রত্যাশেরে আর ও যে করে না গর্জন,

আসন্ন সরসী হতে

শৈবালের রাশি মুখে করে না গ্রহণ ।

মদ নাহি করে গণ্ডে

বিবাদে মধুপ তাই হয়ে আছে মুক

মান-মুখ গজরাজ

প্রাণ-সমা প্রিয়ার বিরহে পায় তুখ ।

আর ওকে কষ্ট দিয়ে কি হবে—আমি অন্য দিকে
যাই । (অবলোকন করিয়া)

এই যে আর একটি যুথ-পতি মত্ত গজ সরোবরে
বিহার করছে । তার মাংসল গণ্ড-নিঃসৃত মদ-

স্রাবে সরোবর আমোদিত ! আবার বিকসিত
কদম্বের সংস্পর্শে আরও যেন সুরভিত হয়ে

উঠেছে । গজরাজ পদ্মের পত্র, কেশর, মৃগাল,
কন্দ প্রভৃতি বিদলিত ও বিকীর্ণ করতে করতে

নলিনী-বনের মধ্য দিয়ে চলেছে । তার অনবরত
কর্ণ-সঞ্চালনে চরিতিকে যেন জলকণার কুয়াসা

বিস্তার হয়েছে । গজরাজের কণ্ঠ হতে মধুর
গম্ভীর গর্জন-ধ্বনি নিঃসৃত হচ্ছে—আর তার

সহচরী আনন্দে শ্রবণ করছে । আর ঐ গর্জন
শুনে হংস বক চক্রবাক জলপক্ষিগণ ভয়ে

পলাচ্ছে । আচ্ছা, তবে এইবার ওর সঙ্গে
বাক্যলাপ করা যাক । মহাভাগ নাগপতে !

তোমারই মৌবন শ্লাঘ্য, প্রিয়ার মনস্তৃষ্টিসাধনেও
তোমার বিলক্ষণ চাতুর্য আছে ।

(নিন্দাচ্ছলে)

লীলাচ্ছলে উৎপাটিয়া

মৃগালের দণ্ডগুলি কর-কবলিত,

গণ্ডের পরশে তার

বিকসিত পদ্ম-গন্ধে হয় সুরভিত ।

গণ্ডের জল-কণা

শুণে করি প্রিয়গাত্রেরে করিছ সিঞ্চন,

কিন্তু কৈ করিলে না তো

পদ্মপত্র-ছত্র তার মাথায় ধারণ।

এ কি! আমার কথা অবজ্ঞা ক'রে নীরস-
ভাবে যে চ'লে গেল! হা! আমি কি নির্কোষ!
সখা মকরন্দের সঙ্গে যেরূপ ভাবে কথা কই, এই
বনচর পশুর সঙ্গে আমি যে সেইরূপ ভাবেই
কথা কচ্ছি! হা সখা!

একাকী থাকিছ যদি

ধিক্ তবে ছুথের জীবনে,

ধিক্ নে সৌন্দর্য্য, যদি

না ভুঞ্জিছ মিলি তোমা সনে।

যে দিন না কাটে মম

তোমার বা তাঁহার সহিত

সে দিন বিলুপ্ত হয়ে

স্মৃতি হ'তে হোক তিরোহিত।

প্রমোদের আশে চিন্ত

অপরত্র যদি কভু ধায়

কি ফল তাহাতে বল

ধিক্ সেই মৃগ-তৃষ্ণিকায়।

মক। আহা! সখা উন্মাদ-মোহে আচ্ছন্ন, তবু
আমার প্রতি কেমন সদয়; পূর্ক্ স্নেহের সেই
সহজ সংস্কারটি কোন স্ত্রে বোধ হয় আবার
জাগরুক হয়েছে। এখন উনি মনে করছেন,
আমি নিকটে নাই। (সন্মুখে আসিয়া) এই
দেখ, আমি তোমার সেই হতভাগ্য সহচর
মকরন্দ।

মাধব। প্রিয় সখা! আমার সহিত সাদর-
সস্তাবণ কর, আমাকে আলিঙ্গন কর—মালতীর
আশায় নিরাশ হয়ে আমি অবসন্ন হয়ে পড়েছি!
(মূর্ছা)

মক। এই শোনো, তোমাকে আমি সাদর-সস্তাবণ
করছি—প্রাণ-সখা! (সকরণে অবলোকন
করিয়া) হা! কি কষ্ট! যে মুহূর্ত্তে উনি
আমাকে আলিঙ্গন করবার জন্ত উৎসুক, সেই
মুহূর্ত্তেই আবার অচেতন হয়ে পড়লেন। সব
শেষ হয়ে গেছে, আর দেখছি আমার আশার
যন্ত্রণা ভোগ করতে হবে না। এখন বেশ বোঝা
যাচ্ছে, আমার সখা আর নাই। হা বয়স!
স্নেহেতে ব্যাকুল হয়ে

অকারণে হইতাম কম্পিত-হৃদয়,
৪র্থ—১৪

বিপদ আশঙ্কা করি

চিন্ত-মাঝে হ'ত কত ভয়ের উদয়,
সেই সে উদ্বেগ-চিন্তা

মুহূর্ত্তের মধ্যে এবে শাস্ত সনুদয়।

সখা! সেই পূর্ক্কার মুহূর্ত্তগুলি কষ্টকর হলেও তবু
তো সে ভাল ছিল—তবু তো তখন মনে করতে
পারতেন তোমার চৈতন্য আছে, কিন্তু এখন:—

ভারমাত্র দেহ মোর প্রাণ বজ্রময়,

শূন্য দশ দিক্, ব্যর্থ ইন্দ্রিয়-নিচয়।

দিনপাত কষ্টকর তোমার গমনে,

জীবলোক নিরালোক তোমার বিহনে।

(চিন্তা করিয়া) তবে কি এখন মাধবের মরণে

সাক্ষী হয়েই জীবন ধারণ করব? না, ঐ গিরি-শিখর
হ'তে পাটলবতী নদীতে কাঁপ দিয়ে মাধবের মরণ-
পথে অগ্রসর হই। (করণ-হৃদয়ে ফিরিয়া আসিয়া
অবলোকন) ওঃ! কি কষ্ট! কি কষ্ট!

একি সেই নীলোৎপল দেহ-খানি মনোহর অতি
গাঢ়তর আলিঙ্গন করি যারে না হ'ত তুপতি।

মালতী উৎসুক হয়ে যে তলুটি করিত দর্শন

বিশ্ময়-উল্লাস-ভরে নব প্রেমে বিভ্রান্ত-লোচন।

আশ্চর্য্য! এই দেহে এত অল্পবয়সে এত অধিক

গুণের সমাবেশ কি ক'রে হল? সখা মাধব!

নিরমল পূর্ণ ইন্দু পড়িল গো রাহুর গরাসে,

বনোজুত জলধর ছিন্ন-ভিন্ন প্রবল বাতাসে।

ফলপ্রসূ তরুণ হ'ল আহা দগ্ধ দাবানলে

ধরা-হত চূড়ামণি তুমি গেলে মৃত্যুর কবলে।

(চিন্তা করিয়া) আচ্ছা, যদিও আমার সখা গত

হয়েছেন, তবু তাঁকে একবার আলিঙ্গন করি। কিছু
পূর্ক্ উনিই তো এইরূপ প্রার্থনা করেছিলেন।

(আলিঙ্গন করিয়া) হা সখা! বিমল বিজ্ঞার নিধি!

সর্ক-গুণের গুরু! মালতীর স্বয়ং-গৃহীত জীবিতেশ্বর!

হা স্বরহৃদয়! কামিনীজনচিত্তহারী! তুমি যে

বান্ধব-পয়োনীধির শরচ্ছন্দ্র! তুমি যে কামন্দকী ও

মকরন্দের আনন্দকর চন্দ্রবদন মাধব! এত দিন

মকরন্দের এই বাহুবন্ধন এ সংসারে তোমার ইচ্ছা-

স্বলভ ছিল, এখন তাও আর পাবে না। মকরন্দ

এখন তোমা বিনা মুহূর্ত্তকালও জীবিত থাকবে, এ

কথা মনেও করো না।

জন্মাবধি ছই জনে একসঙ্গে করি অবস্থান

এক মাতৃ-স্তন-দুগ্ধ সমভাবে করিয়াছি পান।



এখন যে বন্ধুদত্ত প্রেতোদক পিইবে একাকী
বল দেখি প্রিয় সখা, তোমার তা উচিত হয় কি ?
(কল্পনভাবে ত্যাগ করিয়া পরিক্রমণ)

এই তো নীচে পাটলবতী নদী।
ভগবতি পাটলবতি! যেখানে প্রিয় স্তন্যদেব
জন্ম হবে, সেইখানে আমারও যেন জন্ম হয়—আমি
যেন আবার তাঁরই সহচর হই। (নদীতে কাঁপ
দিতে উদ্ভত)

(সহসা সৌদামিনীর প্রবেশ)

সৌ। (নিবারণ করিয়া) বৎস! ও দুঃসাহসের
কাজ কোরো না, কোরো না।

মক। (দেখিয়া) তুমি কে মা? কেন তুমি আমাকে
নিষেধ কচ্ছ ?

সৌ। তুমি কি বৎস মকরন্দ ?

মক। আমি হতভাগ্য মকরন্দই বটে—আমাকে
ছেড়ে দিন।

সৌ। বৎস! আমি যোগিনী, মালতীর একটি অভি-
জ্ঞান-চিহ্ন আমার কাছে আছে।

(বকুল-মালা প্রদর্শন)

মক। (নিখাস ফেলিয়া করুণভাবে) আর্যো!
মালতী কি জীবিতা আছেন ?

সৌ। আছেন বৈ কি। বৎস! মাধবের কি
কোন অমঙ্গল হয়েছে যে, তুমি এই দুঃসাহসের
কাজ করতে প্রবৃত্ত হয়েছ ? ভয়ে আমার স্তন্য
কাঁপছে—মাধব কোথায় ?

মক। আর্যো! আমি প্রমুগ্ধ হয়ে বৈরাগ্যের বশে
তাকে ত্যাগ করে এখানে এসেছি। তবে
আম্বন, আবার তাঁর সঙ্গে সাক্ষাৎ করি গে।

(ক্রত পরিক্রমণ)

মাধ। (সংজ্ঞা লাভ করিয়া) এ কি! আমাকে কে
আগিয়ে দিলে? (চিন্তা করিয়া) নব-জলধর-
বাহী এই পবনেরই কার্য দেখছি—পবন তো
আমার অবস্থা জানে না।

মক। আঃ! বাঁচা গেল, সখার চৈতন্য হয়েছে।

সৌ। (অবলোকন করিয়া) মালতী বেক্রপ আমাকে
বলেছিলেন, এই হুই জনের সেই প্রকার আকৃতিই
বটে।

মাধ। ভগবন্ প্রাচ্য-সমীরণ!

জলভরা জলদেরে কর সঞ্চালিত,
বিহঙ্গম চাতকেরে কর প্রমোদিত,
উৎকর্ষ শিখীর উঠাও কেকা-রব,
করাও গো কেতকীর কুসুম প্রসব,
বিরহী সে মুচ্ছা লভি

কথঞ্চিং ব্যথা করে দূর,
চৈতন্যের আধি-ব্যাদি

কেন তবে আনিলে নিষ্ঠুর!

মক। অখিল জীবের যিনি জীবন, সেই পবন-দেব
ভাল কাজই করেছেন।

মাধ। যাই হোক পবন-দেব! তোমার নিকট
এখন এই প্রার্থনা:—

বিকসিত কদম্ব-কুসুম-রেণু সনে

লয়ে যাও মোরে তুমি প্রিয়ার সদনে।

অথবা থাকয়ে যদি

প্রিয়-অঙ্গ-সহবাসে স্তনীতল দ্রব্য এক-রতি

অর্পণ কর গো মোরে,

তুমিই এখন মোর একমাত্র আশ্রয় ও গতি।

(ক্রতাজলি-পূর্বক প্রণাম)

সৌ। এইবার অভিজ্ঞান-চিহ্ন দেখাবার ঠিক সময়
হয়েছে।

(মাধবের অঞ্জলিবদ্ধ হস্তে মালা নিক্ষেপ)

মাধ। (বিস্ময় ও হর্ষ-সহকারে) এই কি সেই
আমার স্বহস্ত-রচিত, প্রিয়া-বক্ষ-স্থিত, মদনো-
জ্ঞানের বকুল ফুলের মালা? (নিরীক্ষণ করিয়া
সহর্ষে) হাঁ, তাই বটে—কোন সন্দেহ নাই।
দেখ না কেন—

সেই চারু চন্দ্রানন

দরশন-কোতূহল করিতে গোপন

মালার যে ভাগ আমি

গ্রহণ করিয়াছিহু করিয়া বিষম।

স্ববিলম্ব না হলেও,

যে ভাগ দেখিয়া তুষ্ট হয় লবঙ্গিকা,

সে ভাগ দেখি যে হেথা,

সন্দেহ নাহিক তবে—সেই সে মালিকা।

(হর্ষোন্মাদ-সহকারে উত্থান)

প্রিয়ে মালতি! এই মালায় যেন তোমাকেই

দেখছি। (কোপ-সহকারে) আমার কি দশা হয়েছে,
তুমি কি তা জানছ না?

প্রাণ বুকি বাহিরয়, হৃদয় বিদীর্ণ হয়,
দহে সর্ব-অঙ্গ, তম চতুর্দিক-ময়,
শীত্ৰ হও পরকাশ এ নহে গো পরিহাস,
নেত্রানন্দ দান কর হয়ো না নির্দয়।

(নৈরাশ্র-সহকারে চারিদিক অবলোকন করিয়া)

কৈ—মালতী কেথায়? (বকুল-মালাকে উদ্দেশ
করিয়া) ওগো প্রিয়া-প্রণয়িনী বকুলমালা! তুমি আমার
উপকারী বন্ধু, তোমাকে পেয়ে আমি কৃতার্থ হলেম!
প্রিয়সখি মালিকা গো!

জলিতেন প্রিয়া যবে দুঃসহ মদন-যাতনায়
আলিঙ্গন করি তোমা
ভাবিতেন আলিঙ্গিলা মোরে তাঁর
মুখ কল্পনায়।

(করুণভাবে নিরীক্ষণ)

একবার মোর কণ্ঠে
পুনঃ প্রেয়সীর কণ্ঠে ক'রি যাতায়াত
জালিলে মদন-জ্বালা
আনন্দ-রস মিশ্রিত করি তার সাথ।
স্নেহের আকর গাঢ়
অহুরাগ হৃদয়ে করিলে সঞ্চারিত,
স্মরিলে সে সব কথা
ঘোর কণ্ঠ হৃদে আসি হয় উপস্থিত।

(হৃদয়ে স্থাপন করিয়া মুচ্ছিত)

মক। (নিকটে আসিয়া বীজন) সখ্যে! ধৈর্য্য
ধর! ধৈর্য্য ধর!

মাধ। (সংজ্ঞা লাভ করিয়া) মকরন্দ! দেখ না,
কোথা হ'তে সহসা মালতীর স্নেহ বহন ক'রে
এই বকুলমালা এখানে এসে উপস্থিত। এতে
তোমার কি মনে হয়? ব্যাপারটা কি বল দেখি।
মক। সখা! এই আখ্যা যোগেশ্বরীই মালতীর ক্রুই
অভিজ্ঞান-চিহ্নটি নিয়ে এসেছেন।

মাধ। (দেখিয়া করুণভাবে কৃতাজলি) আর্ঘ্যে,
অনুগ্রহ ক'রে বলুন, প্রিয়া আমার বেঁচে আছেন
কি না।

মৌ। বৎস! নিশ্চিত হও, নিশ্চিত হও—সে
কল্যাণস্পন্দা জীবিতা আছে।

মাধব, মকরন্দ।—(নিশ্বাস ফেলিয়া) আর্ঘ্যে! তা
যদি হয়, তবে তাঁর সমস্ত বৃত্তান্তটা আমাদের
বলুন।

মৌ। যখন অঘোরঘন্টা করালা দেবীর মন্দিরে
মালতীকে বলি দিতে উদ্ভূত হয়েছিল, তখন মাধব
অসি দ্বারা তার প্রাণ সংহার করেন।

মাধ। (উদ্বেগ-সহকারে) আর্ঘ্যে! ক্ষান্ত হোন—
তার পর কি হয়েছিল, বেশ বোঝা যাচ্ছে।

মক। কি হয়েছিল?

মাধ। সখা, আর কি হবে?—কপালকুণ্ডলার মন-
স্বামনা সিদ্ধ হয়েছে।

মক। আর্ঘ্যে! তা কি সত্য?

মৌ। বৎস যা বলছেন, তাই বটে।

মক। ওঃ! কি কষ্ট! কি কষ্ট!

শরৎ-জোছনা-রাশি কুমুদে মিলিল আসি,
উভয়-লাবণ্য তাহে বাড়িল কত না,
আহা কিবা স্মশোভন, রূপে রূপে সশ্লিষ্ট
কিস্ত হায় এ কি পুনঃ, বিধি-বিড়ম্বনা,
সহসা আনি অকালে নিবিড় জলদ-জালে
পুনঃ করে দৌহা-মাকে বিচ্ছেদ ঘটনা।

মাধ। হা প্রিয়ে মালতি! তোমার কি ভয়ানক কষ্টের
অবস্থা। কপালকুণ্ডলা যখন এসে তোমাকে
ধরলে, তখন প্রিয়ে, না জানি তোমার কি দশা
হয়েছিল। চন্দ্রকলা রাজ-গ্রন্থ হলে যেক্রপ
হয়, বোধ হয় তাই হয়েছিল। ভগবতি
কপালকুণ্ডলে!

এ হেন রমণী-রত্ন

আদরের যতনের ধন

রাক্ষসীর ব্যবহার

তার প্রতি করে না অমন।

হও গো কল্যাণপর;

শিরেই ধারণ করা পুষ্প স্বাভাবিক,

যে দলে চরণে তারে,

না করে উচিত কাজ—তারে শত ধিক্।

মৌ। বৎস, অধীর হয়ো না।

নিষ্করণ সে যে অতি,

করিত সে পাপ আচরণ,

যদি না গো আমি আসি

করিতাম তারে নিবারণ।

মাধব-মকরন্দ। (প্রণাম করিয়া) আমাদের প্রতি

শ্রীচরণের যথেষ্ট অনুগ্রহ। এখন বলুন, কি ক'রে
আপনি আমাদের বন্ধু হলেন।
সৌ। পরে তা জানতে পারবে।
(উত্থান করিয়া)

আপাততঃ আমি :—
গুরুচর্য্যা, তন্ত্র-মন্ত্র, যোগের অভ্যাসে
যে শক্তি লভিয়াছি প্রভূত আয়াসে,
সেই আকর্ষণী-শক্তি তব শুভতরে
এই দেখ বিস্তারিহু আকাশের পরে।

[মাধবকে লইয়া প্রস্থান।

মক। আশ্চর্য্য! আশ্চর্য্য!
বৈজ্ঞাণ্ড ও তামের এ কি হেরি চমৎকার
ভীষণ মিলন,
সহসা উদ্ভিত হয়ে চকিতে মিলায়ে গেল
ধাঁধিয়া নয়ন।
(সভয়ে অবলোকন করিয়া)
এ কি হল? বয়স্ক তো নাহি হেথা, কোথা
তিনি তবে?
(চিন্তা করিয়া)

দেখিছ কি? যোগীশ্বরী গেছে লয়ে
মহিমা-প্রভাবে।
(সন্দিগ্ধ-চিত্তে) আবার কোন অনর্থ উপস্থিত
হল না তো? কিছই তো ভেবে পাই নে।
প্রবল বিশ্বাস-বশে
ভুলিতে না ভুলিতে সে পূর্ক-ইতিবৃত্ত,
অদ্বিত নূতনতর
ভয়-জরে জর-জর হয় পুনঃ চিত্ত।
ঘোরতর মোহ আসি
ভাঙিছে গড়িছে একইক্ষণে
শোকানন্দ যুগপৎ
উদয় হইল আসি মনে।

আমাদের লোকজনের সঙ্গে ভগবতী এই গহন
কান্তারে প্রবেশ ক'রে মালতীর অব্বেষণ করছেন—
যাই তাঁকে এই সমস্ত বৃত্তান্ত বলি গে।

[প্রস্থান।

ইতি নবম অঙ্ক সমাপ্ত।

দশম অঙ্ক।

দৃশ্য—অরণ্যের অপর অংশ

(কামন্দকী, লবঙ্গিকা, ও মদয়ন্তিকার প্রবেশ)

কাম। (সাক্ষলোচনে) হা বৎসে মালতি? তুমি যে
আমার কোলের ভূষণ—কোথায় তুমি?—উত্তর
দেও।

জন্মাবধি হতে তব

প্রতি মুহূর্তের আচরণ সব করিয়া স্মরণ,
আর সে মধুর বাণী—

সস্তাপেতে দহে তনু, হৃদি মোর হয় বিদৌরণ।

(আকাশে) আরও শোনো বৎসে!

মনে হয় শৈশবের

সেই তব হাসি-কান্না স্বত-উচ্ছ্বসিত,
কলিকাগ্র দস্ত-গুলি,

শোভিত রে মুখ তব চন্দ্র-বিনিদিত,
আর সেই অসম্বন্ধ

আধো-আধো-বাধো-বাধো মধুর জল্পিত।
মদয়ন্তিকা।

ও } —(সাক্ষলোচনে আকাশে) হা
লবঙ্গিকা। } প্রিয়সখি! চন্দ্রাননে—তুমি

কোথায় গেলে? তুমি এখন একাকিনী,
না জানি তোমার সেই কুসুম-সুকুমার শরীরের
কি অবস্থা হয়েছে। হা মহাভাগ মাধব!
জীব-লোকের মহোৎসব জন্মের মত অন্ত হল।

কাম। (খেদ-সহকারে) হা বৎস-দ্বয়!

সেই মাত্র জনমিল নূতন প্রণয়,

—পরস্পর আলিঙ্গনে উৎসুক-হৃদয়—

অমনি গো নিয়তির মহাবাত্যা আসি

লবলী-লবঙ্গ যেন গেল রে বিনাশি।

লব। (উদ্বেগ-সহকারে) হতাশ বজ্রময় প্রাণ, তুই
কি নিষ্ঠুর। (বক্ষঃস্থলে করাঘাত করিয়া পতন)

মদ। সখি লবঙ্গিকে! আমি তোমাকে অহুন্নয়
করছি, আর একটুখানি ধৈর্য্য ধরে থাক।

লব। সখি, কি করি, বজ্রময় কঠিন প্রাণ আমাকে
কিছুতেই পরিত্যাগ করছে না।

কাম। বৎসে মালতি! জন্মাবধি লবঙ্গিকা তোমার
প্রিয় সহচরী, এখন অভাগিনীর প্রাণ যাচ্ছে,

তবু ওর উপর তোমার দয়া হচ্ছে না? এখন :—

তোমার বিহনে যান স্নেহময়ী তব এই সখী—
দীপ-শিখা নিবে গেলে সলিলাটি যথা মসী-মুখী ॥

বৎসে, কেমন করে নির্দয় হয়ে কামন্দকীকে
পরিত্যাগ করলে? আমার এই চীর-বসনের
উত্তাপেই কি তোমার অঙ্গগুলি বর্দ্ধিত হয় নি?

সুগ্ধ-ত্যাগ হতে বাছা

পেয়ে তোরে স্খামুখি দস্ত-পুতলির মত
শিখাইলু খেলাধুলা

লালিয়া পালিয়া পরে বিছা শিক্ষা দিলু কত।
তার পর বড় হলে

গুণবান লোক-শ্রেষ্ঠ বর আনি দিলু তোকে,
মায়ের অধিক করি

নহে কি উচিত তোর দেখা মোরে স্নেহ-চোখে?

(নৈরাশ-সহকারে) চন্দ্রমুখি আমার! এখন
আমি হতাশ হয়ে পড়েছি।

আশা ছিল দেখিব রে

কোলে গুয়ে শিশু তোর করে স্তন পান
দেখিব তাহার সেই

অকারণ-হাস্তময় স্খচারু বয়ান।

ললাটে মাথায় তার

শ্বেতবর্ণ সর্ব্বপ হয়েছে অর্পিত;

এমনি অদৃষ্ট মন্দ

সে সব আশায় আমি হইলু বঞ্চিত।

লব। ভগবতি! প্রসন্ন হয়ে আজ্ঞা করুন, আমি
এই গিরি-শিখর হতে পড়ে শান্তিলাভ করি, এই
জীবনের ভার আর আমি বহন করতে পাচ্ছি
নে। আশীর্বাদ করুন, যেন জন্মান্তরে প্রিয়-
সখীকে আবার দেখতে পাই।

কাম। না লবঙ্গিকে! মালতীর বিরহে কামন্দকী
যে জীবিত থাকবে, এ কথা মনেও কোরো না।
আমাদের উভয়েরই শোক-বেগ সমান। দেখ:—
কন্দ-ফল-ভেদে যদি

প্রিয়জন-সনে পুনঃ না ঘটে মিলন,
প্রাণ-বিসর্জনে তবু

অবশ্য হইবে শোক-তাপ নিবারণ।

লব। তাই ঠিক। আপনার আদেশ শিরোধার্য্য!
(উত্থান)

কাম। (সদয়ভাবে দেখিয়া) বৎসে মদয়ন্তিকে!

মদ। আমাকে কি অগ্রসর হতে আজ্ঞা করছেন?
—আমি প্রস্তুত আছি।

লব। সখি! আমার কথা শোনো, তুমি আত্ম-
হত্যা কোরো না, তুমি থাকো। আমি চলেম—
সখি, আমাকে ভুল না।

মদ। (কোপ-সহকারে) যাও সখি, আমি তোমার
ও কথা শুন্তে চাই নে।

কাম। (স্বগত) হায় হায়! হতভাগিনী যে স্থির-
সঙ্কল্প দেখেছি।

মদ। (স্বগত) মকরন্দ! নাথ! প্রণাম!
প্রণাম! এই অন্তিম কালের প্রণাম!

লব। ভগবতি, এই দেখ, পবিত্র মধুমতী নদী
মেথলার তায় চারি দিক বেষ্টিত করে আছে,
আর এই সেই পর্কতের শিখর।

কাম। কোনো বাধাই আমাদের এখন বিরত
করতে পারবে না।

(সকলে নদীতে ঝাঁপ দিতে উত্তত)

নেপথ্যে।—

আশ্চর্য্য! আশ্চর্য্য!

বিছাৎ ও তামসের

এ কি হেরি অকস্মাৎ ভীষণ মিলন,
সহসা উদ্ভিত হয়ে

চকিতে মিলায়ে গেল ধাঁধিয়া নয়ন।

কাম। (দেখিয়া—বিস্ময়-হর্ষ-সহকারে)

এই যে বাছাটি মোর! এ কি এ ব্যাপার?

(মকরন্দের প্রবেশ)

মক। যোগিনী-প্রভাবে এলু—অন্ত কিবা আর।

নেপথ্যে

এ কি! লোকের যে ভয়ানক জনতা হয়েছে দেখছি।

মালতীর অমঙ্গল গুনিয়া শ্রবণে

হইয়া বিরক্ত-চিত্ত বিষয়ে জীবনে।

ভূরিবস্ত্র অগ্নি-ঝাঁপ দিবে বলি করিয়াছে স্থির
আশ্রয় করিলা হায় তাই এই শিবের মন্দির।

মদ। লবঙ্গিকে! এইমাত্র আমরা মালতী-মাধবকে
দেখব বলে কত আশা করছিলেম, আর
এই মুহূর্ত্তেই কি না আর এক বিপদ এসে
উপস্থিত।

কামন্দকী মকরন্দ। (সহর্ষে) এক দিকে কষ্ট, অত
দিকে আনন্দ!—আশ্চর্য্য! আশ্চর্য্য!

একত্রে চন্দন-রস

অসি-পত্র উভে দেখি হয় বরিষণ,

বরষে অনন্দ-স্বধা

অগ্নির স্কুলিঙ্গ-সনে হয়ে সঙ্গিনন ।

বিষ-সনে সঞ্জীবনী,

—ঘোর অন্ধকার সনে আলোক-মিশ্রণ,

অশনি শশাঙ্কে যোগ,

এ কি আজি বিধির বিষম সংঘটন !

(নেপথ্যে)

হা তাত! ক্রান্ত হও—আমি তোমার মুখকমল দর্শনের জন্ত অত্যন্ত উৎসুক, আমাকে প্রসন্ন হয়ে দেখা দেও। কি! তুমি যে অখিল লোকের মঙ্গল-প্রদোপ, তুমি কিনা তোমার এই অযোগ্য কন্তার জন্ত—যে কন্তা তোমাকে নির্দয় মনে করেছিল—তার জন্ত, তোমার প্রাণ বিসর্জন করছ?

কাম। হা বৎসে!

পুনর্জন্ম যদি বা হইল লাভ কোন ক্রমে তোর, রাহু-গ্রন্থ শশি-সম এ আবার কি বিপদ ঘোর!

লব। হা! প্রিয়সখি!

(মুচ্ছিতা মালতীকে ধরিয়া মাধবের প্রবেশ)

মাধ। ওঃ! কি কষ্ট! কি কষ্ট!

প্রবাসের জ্বাখ যদি কোন মতে হল অতিক্রম, অপর সন্ধটে পড়ি এবে এঁর সংশয় জীবন।

ফলোন্মুখ হয় যদি দৈব অনিবার

কে বণ রোধিতে পারে তাহার দুয়ার?

মক। (সহসা সন্মুখে আসিয়া মাধবের প্রতি)

সখা! আচ্ছা, এখন সেই যোগিনী কোথায়?

মাধ। শ্রীপর্কত হতে আমি

আসিছিহু ক্রতবেগে হেথা তাঁর সনে

কাঁদিল বনের পশু,

তার পর আর তাঁরে না দেখি নরনে।

কামন্দকী মকরন্দ। (কাতরভাবে আকাশে)

আর্ষ্যে! আবার এসে আমাদের রক্ষা করুন, কেন অস্তহিত হলেন?

মদয়ন্তিকা লবঙ্গিকা। সখি মালতি! বলিও প্রিয়-সখি মালতি! ভগবতি! রক্ষা করুন, রক্ষা করুন! অনেকক্ষণ ধরে আর নিঃশ্বাস পড়ছে না—হৃদয়ে স্পন্দন নাই। হা অমাত্যবর! হা প্রিয়সখি! হায়! উভয়েই উভয়ের মৃত্যুর কারণ হল!

কাম। হা বৎসে মালতি!

মাধ। হা প্রিয়ে!

মক। হা প্রিয়সখি! (সকলে মুচ্ছিত হইয়া আবার সংজ্ঞা লাভ করণ)।

কাম। (উর্দ্ধে অবলোকন করিয়া) এ কি এ! হঠাৎ মেঘ-রাশি বিদৌর্ণ করে কে বারিবর্ষণ করে আমাদের শাস্তিদান করছেন?

মাধ। (নিঃশ্বাস ফেলিয়া) এই যে, মালতীর চৈতন্য হয়েছে।

চলস্বাস নাসা এবে,

হইয়াছে শাস্ত পয়োধর,

হৃদয়ে হয়েছে স্নিগ্ধ,

প্রকৃতিস্থ নেত্র মনোহর।

—মুচ্ছী-অপগমে এবে

প্রসন্নতা বিরাজে বদনে,

দিবার প্রারম্ভে যথা

পদ্ম শোভে সরসী-সদনে।

(নেপথ্যে)

নন্দন ও নরপতি নিপতিত অমাত্য-চরণে, অগ্রাহ করিয়া মন্ত্রী তাঁহাদের মিনতি-বচনে অনলে পড়িতে যান,

এমন সময়ে আমি বলিহু সমস্ত,

বিস্ময়-আনন্দে ভোর

তখন সে কার্য হতে হলেন নিরস্ত।

মাধব মকরন্দ। (উর্দ্ধে অবলোকন করিয়া সবিস্ময়ে)

ভগবতি! এইবার অদৃষ্ট স্প্রসন্ন!

ওই দেখ যোগীশ্বরী, মেঘরাশি করিয়া বিদৌর্ণ

আকাশ হইতে এবে হতেছেন নিম্নে অবতীর্ণ।

বরষিলা এইমাত্র উনি যেই অমৃত-বচন

জলদ-বর্ষণ হতে তাহা আরো সস্তাপ-হরণ।

কাম। কি আনন্দ! কি আনন্দ!

মাল। কি ভাগ্যি, আবার আমি বেঁচে উঠলেম!

কাম। (আনন্দাশ্রলোচনে) এসো বৎসে, এসো!

মাল। এ কি! ভগবতি যে! (চরণে পতন)

কাম। (উঠাইয়া মস্তকাত্মাণ করিয়া)

বেঁচে থাকো বাঁচাও গো

যারা তব জীবন-সমান;

বাঁচুক স্তম্ভদ জন;

তুহিন-শীতল অঙ্গ-স্পর্শ করি দান;

বাঁচাও আমারে বাছা,

আর তব প্রিয় এই সখীটির প্রাণ।

মাধব। সখা মকরন্দ! জীবলোক এখন কি মধুময়!
মক। (সহর্ষে) তাই বটে।

মদয়ন্তিকা লবঙ্গিকা। আবার দেখতে পাব ব'লে
আশা ছিল না—এসো, আমাদের আলিঙ্গন কর।

মাল। হা প্রিয়সখি! (উভয়কে আলিঙ্গন)

কাম। বাছা, এখন তোমার সমস্ত বৃত্তান্তটা বল
দেখি।

মাধব মকরন্দ। ভগবতি!

কপাল-কুণ্ডলা-কোপে মোদের এ বিপদ অপার,
আর্য্যার প্রযত্নে মোরা বহুকষ্টে হইল উদ্ধার।

কাম। কি! অস্বোরঘণ্টাকে বধ করায় এই সমস্ত
ঘটেছে?

মদ। লবঙ্গিকে! আশ্চর্য্য! আশ্চর্য্য! বিধাতা পুনঃ
পুনঃ নির্দয়াচরণ ক'রে পরিণামে দেখ কেমন
রমণীয় ভাব ধারণ করেছেন!

(সৌদামিনীর প্রবেশ)

সৌদামিনী। (সম্মুখে আসিয়া) ভগবতি কামন্দকি!
আপনার পুরাতন শিষ্যের প্রণাম গ্রহণ
করুন।

কাম। এ কি! ভদ্রা সৌদামিনী যে!

মাধব মকরন্দ। (সবিস্ময়ে) কি?—ইনিই ভগবতীর
পুরাতন প্রিয় শিষ্যা সৌদামিনী! এখন তবে
সমস্তই বোঝা যাচ্ছে।

কাম। এসো এসো প্রাণসখি!

বহু পুণ্য লভেছ বাঁচায়ে বহুজনে,

অনেক দিনের পরে,

সাক্ষাৎ পাইলু আজি তোমা হেন ধনে।

দিয়াছ আনন্দ আগে

পুনঃ আনন্দিত কর আলিঙ্গন দানে

মৌহুগের নিধি মোর!

ক্ষান্ত হও—কাজ নাই ভূমিষ্ঠ প্রণামে।

জগতের বন্দনীয়!

যে সকল সিদ্ধি তুমি করেছ সঞ্চয়

সিদ্ধ আদি-বুদ্ধ যারা

তাহাদেরো স্পৃহণীয়—প্রার্থনা-বিষয়।

বন্ধুতার বীজ যাহা

হয়েছিল অঙ্কুরিত তোমার অন্তরে

এবে দেখিতেছি তাহা

বহুফল-প্রসূ হয়ে মঙ্গল বিতরে।

মদয়ন্তিকা লবঙ্গিকা। ইনিই সেই আর্ধ্যা
সৌদামিনী?

মাল। হাঁ, ইনিই সেই সময়ে ভগবতীর পক্ষ অবলম্বন
ক'রে কপালকুণ্ডলাকে ভংগনা করেন। তার পর
আমাকে নিজগৃহে নিয়ে গিয়ে ভগবতীর সমান
যত্নে রক্ষা করেন। আর, সেই অভিজ্ঞান-চিহ্ন
বকুল-মালাটি হাতে ক'রে এনে তোমাদের
সবাইকে মৃত্যুমুখ হতে উদ্ধার করেন। ইনিই
সেই আমাদের জীবনদায়িনী সৌদামিনী।

মদয়ন্তিকা লবঙ্গিকা। আমাদের প্রতি কনিষ্ঠা-
ভগবতীর যথেষ্ট অহুগ্রহ!

মাধব মকরন্দ। তা আর বলতে!

চিন্তামণি হতে যদি

হয় ইষ্টলাভ, তবু তাহে কত চিন্তা শ্রম চাই,

আর্ধ্যা যাহা কহিলেন

চিন্তার অতীত সে যে, অত্যাশ্চর্য্য—

বলি হারি যাই।

সৌদামিনী। (স্বগত) আহা! এঁদের সৌজ্ঞে
আমি লজ্জিত হিছি। (প্রকাশে) দেখ, আজ
পদ্মাবতীর অধীশ্বর, নন্দনের সম্মতি লয়ে, ভূরি-
বস্তুর সমক্ষে এই পত্র লিখে, চিরজীব মাধবের
নিকট প্রেরণ করেছেন।

(পত্র অর্পণ)

কাম। (গ্রহণ করিয়া পঠন) “স্বস্তিরস্ত! পদ্মাবতী-
শ্রের বিজ্ঞাপন এই:—

গুণবান-অগ্রগণ্য

তুমি গো জামাতা শ্লাঘ্য উচ্চ-কুলাধিত,
বিষম বিপদ হতে

পাইয়াছ রক্ষা শুনি মোরা আনন্দিত।

তোমারে তুষিতে আরো

মদয়ন্তিকারে দিলু তব মিত্রবরে

—বালার প্রথম প্রেম

হয় সঞ্চারিত যেই মকরন্দ-পরে।”

(মাধবের প্রতি) বৎস! শুনলে?

মাধব। শুনলেম, শুনে কৃতার্থ হলেম।

মাল। বাঁচা গেল—জন্মের আশঙ্কা দূর হ'ল।

লব। এখন মাধব ও মালতী উভয়েরই মনস্কামনা
সম্পূর্ণরূপে সফল হ'ল।

মকরন্দ। (সম্মুখে অবলোকন করিয়া) ঐ দেখ
অবলোকিতা ও বুদ্ধরক্ষিতা, কলহংসের সঙ্গে
নৃত্য করতে করতে এই দিকে আসছেন।

অবলোকিতা, বুদ্ধরক্ষিতা ও কলহংসের প্রবেশ)

অব, বুদ্ধ, কল। (বিবিধ প্রকার নৃত্য করিতে
করিতে সম্মুখে আসিয়া প্রণাম পূর্বক কামন্দকীর
প্রতি)

কার্য্য-কুশলা ভগবতীর জয়! মকরন্দ-হৃদয়ানন্দ
পূর্ণচন্দ্র মাধবের জয়! আজ কি সৌভাগ্য!

(সকলে সহর্ষে ও স্থিত-মুখে দর্শন)

লব। এমন কে আছে যে, এই সম্পূর্ণ সর্কাদীন
মহোৎসবে নৃত্য না ক'রে থাকতে পারে?

কাম। তাই বটে। একরূপ বিচিত্র রমণীয় ব্যাপার
কোথায়ই বা সচরাচর ঘটে?

সৌদা। আরও স্থখের বিষয় এই, অমাত্য ভূরিবহুর
ও দেবরাতের অপত্য-সম্বন্ধ-বাসনা এত দিনের পর
পূর্ণ হ'ল।

মাল। (স্বগত) সে আবার কি?—তঁাদের কি
সে বাসনা ছিল?

মাধব ও মকরন্দ। (কৌতূহল-সহকারে) ভগবতি!
হার্য্যার বচনের সঙ্গে বাস্তবিক ঘটনার তো
মিল হচ্ছে না!—তঁাদের সেরূপ বাসনা ছিল
ব'লে তো মনে হয় না।

লব। (অনাস্তিকে) ভগবতি! এর উত্তর কি?

কাম। (স্বগত) এখন মদয়স্তিকার বিবাহ-সম্বন্ধ
স্থির হওয়ায় নন্দন শান্ত হয়েছেন—আর কোন
ভয় নাই। (প্রকাশে) শোনো বৎসগণ!
বাস্তবিক ঘটনার কিছুই অত্যা হ'য় নি। তঁাদের
পঠদশায় এই সৌধামিনীর সমক্ষে, ভূরিবহু

ও দেবরাত এই প্রতিজ্ঞা করেন যে, ভবিষ্যতে
তঁাদের উভয়ের মধ্যে কোন প্রকার অপত্য-সম্বন্ধ
নিশ্চয়ই স্থাপন করবেন। কিন্তু প্রধান মন্ত্রী
নন্দন পাছে রুষ্ট হন, তাই এই বিষয়টি আমি
গোপন ক'রে রেখেছিলাম।

মাল। ওঃ! ভগবতীর আশ্চর্য্য সম্বরণ-শক্তি!
মাধব, মকরন্দ। (আশ্চর্য্য হইয়া)

ভগবতীর অচল নীতি-কৌশলকে বলিহারি!

কাম। বৎস মাধব!

সঙ্কল্প করিয়াছি

মনে মনে পূর্ব্বে যে কল্যাণ,

এবে তব পুণ্যে, মম

শিষ্য-যজ্ঞে হ'ল ফলবান।

তব প্রিয় সখা-সমে

হ'ল নিজ কাস্তাব মিলন;

নন্দন, নৃপতি তুঠ,

বল আর কিবা প্রয়োজন?

মাধব। (সহর্ষে প্রণাম করিয়া) ভগবতি! এ
অপেক্ষা স্থখের বিষয় আর কি হ'তে পারে?
তথাপি ভগবতী-প্রসাদে এইটুকু যেন হয়:—

মাধু সজ্জনেরা যেন

পাপ বিরহিত হয়ে হন পুণ্যে রত,

পালন করেন পুণ্য

নৃপগণ ধর্ম্ম-পথে থাকিয়া নিয়ত।

যথাকালে মেঘগণ

করুক স্ফটিকরূপে বারি বরিষণ

পুণ্যরত প্রজা সবে

লয়ে ধনশালী মিত্র আত্মীয়-স্বজন,

হরষ-প্রমোদ-ভরে

অবিরত স্থখে কাল করুক স্থাপন।

সম্পূর্ণ

দায়ে প'ড়ে দার-গ্রহ

(প্রহসন)

(মোলিয়ের-কৃত "মারিয়াজ ফোর্সে" অবলম্বনে)

জ্যোতিরিন্দ্রনাথ ঠাকুর প্রণীত

(দ্বিতীয় সংস্করণ হইতে মুদ্রিত)

পাত্রগণ

পুরুষবর্গ		স্ত্রীবর্গ	
জগমোহন	...	রামকান্ত বাবুর জামাতা	...
সকীশ	...	জগমোহনের বন্ধু	...
রামকান্ত বাবু	...	জগমোহনের ঋণ্ডর	...
তুলসীদাস	...	রামকান্ত বাবুর পুত্র	...
		আয়রত্ন	...
		বেদান্তবাগীশ	...
		কমলমণি	...
		হুই জন বেদিনী ।	...



দায়ে প'ড়ে দার-গ্রহ

প্রহসন

দৃশ্য।—জগমোহনের বাটী।

জগমোহন। (বাড়ীর লোকদিগের প্রতি) আমি এখন বাহিরে যাচ্ছি, এখনি ফিরে আসব। দেখ, তোমরা বাড়ীর উপর নজর রেখো—যেখানকার যা' সব যেন ঠিক-ঠাক থাকে। যদি কেউ আমার এখানে টাকা দিতে আসে, সতীশ বাবুর কাছে যেন শীঘ্র লোক পাঠান হয়—আমি সেইখানেই থাকব; আর যদি কেউ টাকা নিতে আসে, তাকে যেন বলা হয়, আমি বাহিরে গেছি, আজ আর ফিরব না।

(সতীশ বাবুর প্রবেশ)

সতীশ। (জগমোহনের শেষ কথা শুনিতে পাইয়া)

বাঃ! চাকরদের তো বেশ ছকুম দেওয়া হল!

জগ। সতীশ, তুমি ঠিক সময়ে এসেছ ভাই; আমি এইমাত্র তোমার বাড়ী যাচ্ছিলেম।

সতীশ। কি জন্ত বল দিকি?

জগ। একটা কথা তোমাকে বলবার জন্ত; একটা কোন বিষয়ে তোমার সঙ্গে আমার পরামর্শ করতে হবে।

সতীশ। তা বেশ তো, তোমার সঙ্গে দেখা হল ভালই হল—তা, এইখানেই সেই সব কথা হোক না।

জগ। তুমি তবে বোসো। একটা গুরুতর বিষয়ের প্রস্তাব আমার কাছে এসেছে, সে বিষয়ে তোমার মতামত কি, আমি জানতে চাই। কেন না, আমি বন্ধুদের না জিজ্ঞাসা করে কোন কাজ করি নে।

সতীশ। তুমি আমার পরামর্শ জিজ্ঞাসা করছ, সে তো আমার পরম সৌভাগ্য! আচ্ছা, কথাটা কি বল দিকি, সে বিষয়ে আমার যা মতামত, এখনি আমি বলছি।

জগ। আঙ থাকতেই তোমাকে কিন্তু একটা কথা ব'লে রাখি—দেখ, আমার মন যুগিয়ে কোন কোন কথা বোল না—তোমার যা মত, তা পষ্টাপষ্ট আমাকে বলবে।

সতীশ। তা অবিশি বলব।

জগ। বন্ধু হয়ে মন খুলে কথা না বলাটা বড়ই দোষের বিষয়।

সতীশ। তার সন্দেহ কি?

জগ। কিন্তু এই কলি-যুগে সে রকম বন্ধু মেলাও ভার।

সতীশ। সে কথাও ঠিক।

জগ। আচ্ছা সতীশ, তুমি তবে মন খুলে আমার কাছে তোমার মতামত বলবে?

সতীশ। হাঁ, নিশ্চয়ই বলব।

জগ। আমার মাথার দিব্যি যদি না বল।

সতীশ। দিব্যি আবার কি?—আমি বলছি, মন খুলে বলব। এখন ব্যাপারটা কি বল দিকি।

জগ। আমি তোমার পরামর্শ জানতে চাই, আমার পক্ষে বিবাহ করাটা ভাল কি না?

সতীশ। কি?—তুমি?—তুমি বিবাহ করবে?

জগ। হাঁ গো, আমিই বিবাহ করব। এই বিষয়ে তোমার মতটা কি বল দিকি?

সতীশ। কিন্তু আগেই একটা কথা তোমাকে আমি জিজ্ঞাসা করতে চাই।

জগ। কি কথা?

সতীশ। তোমার এখন বয়স কত হবে?

জগ। আমার?

সতীশ। তোমার না তো আবার কার?

জগ। তা তো ভাই আমি জানিনে—তবে এই পর্য্যন্ত বলতে পারি, আমার শরীর এখনও দিব্যি আছি।

সতীশ। কি?—তোমার বয়স কত হ'ল, তা তুমি জান না?

জগ। না দাদা, আমি তা জানিনে ; তুমিও যেমন,
বয়সের কথা কে ভাবে ?

সতীশ। আচ্ছা, একটু মনে ক'রে বল দিকি, কত
দিন হ'ল তোমার সঙ্গে আমার প্রথম আলাপ-
পরিচয় হয় ?

জগ। আরে, তখন তো আমার বয়স ২০ বৎসর।

সতীশ। কাশীতে আমরা কত দিন ছিলেম ?

জগ। ৮ বৎসর।

সতীশ। কত দিন লাহোরে বাস করেছিলেম বল
দিকি ?

জগ। ৭ বৎসর।

সতীশ। তার পর ফরাসডাঙ্গায় ?—যখন তুমি
সেখানে পালিয়ে গিয়েছিলে।

জগ। পাঁচ বৎসর।

সতীশ। আর, কত দিন কালাপানি-পারে ?

জগ। আরে, সে তো ১৪ বৎসর বৈ তো নয়।

সতীশ। আচ্ছা, সে যাক, কত দিন হ'ল তুমি এখানে
ফিরে এসেছ বল দিকি ?

জগ। আমি কিরে এসেছি বায়ান্ন সালে।

সতীশ। বায়ান্ন সাল—আর এটা হল ৬৪ সাল—এই

তো হচ্ছে ১২ বৎসর। চন্দননগরে ৫ বৎসর—

এই হ'ল ১৭ ; লাহোরে ৭ বৎসর—এই হ'ল ২৪ ;

৬ বৎসর আমাদের কাশীতে বাস—এই হ'ল ৩০ ;

আর আমার সঙ্গে প্রথমে যখন তোমার আলাপ-

পরিচয় হয়, তখন তোমার বয়স ছিল ২০ বৎসর

—এই তো সব শুদ্ধ ৫০ বৎসর হচ্ছে! আর কালা-

পানির কথা ধরলে তো আরও ১৪ বৎসর হয়—

এই তো হ'ল ৬৪। তবে জগমোহন দাদা, তোমার

কথাতেই তো দেখা যাচ্ছে, তোমার বয়স প্রায়

৬০।৬৫ বৎসর হয়েছে।

জগ। কি!—৬০।৬৫ বৎসর আমার বয়স ?—তা

হতেই পারে না—অসম্ভব।

সতীশ। আমার হিসেবটা কিন্তু ঠিক—তাতে এক

কড়াও ভুল নেই। এখন, এ বিষয়ে আমার যা

মত, তা তোমাকে তবে পষ্টাপষ্ট বলি ; আর

তুমিও তো আমাকে মন খুলে বলতে অনুরোধ

করেছ। এখন তবে প্রকৃত বন্ধুর মতই তোমাকে

পরামর্শটা দিতে হচ্ছে। দেখ, বিবাহ করাটা

এ বয়সে কিছুতেই তোমার উচিত নয়। আর

বিবাহটাও তো বড় সোজা জিনিষ নয় ; বিবাহ

করবার পূর্বে যুবাদেরও যখন সাত-পাঁচ ভাবতে
হয়, তখন তোমার মত বয়সের লোকের তো
কথাই নেই। দেখ, ও কথা তোমার একেবারে
মনে আনাই উচিত নয়। একে তো লোকে
বলে, বিবাহ করাটাই একটা মস্ত পাগলামি ;
তার পর, যে বয়সে আমাদের একটু বিজ্ঞ হবার
কথা, সেই বয়সে যদি আবার বিবাহ করা যায়,
তার চেয়ে পাগলামি আর কি হ'তে পারে ?
এই তো আমার মতামত তোমার কাছে পষ্টাপষ্ট
বলেম। দেখ দাদা, বিবাহের কথা এখন মনেও
এনো না। এখন বিবাহ করলে লোকে কেবল
হাসবে। এতদিন তো বেশ এক-রকম খোলসা
ভাবে কাটিয়ে এসেছ—এতদিনের পর, এই
বয়সে বিবাহের বেড়ি পায়ে পরতে হঠাৎ
তোমার সাধ হ'ল কেন বল দিকি ?

জগ। ভায়া, তোমার ও-সব উপদেশ এখন রেখে
দেও ; আমি তোমাকে বলছি, আমি বিবাহ
করবই। যাকে আমার প্রাণ চাচ্ছে, তাকে
বিবাহ করলে যদি লোকে হাসে—হাসুক। আমি
সে জন্তে পিছপাও হতে পারিনে।

সতীশ। আরে, সে আলাদা কথা—এ কথা তুমি
আগে আমাকে বলনি কেন ? ভাল, একটা কথা
জিজ্ঞাসা করি,—এত দিন কেন বিবাহ করনি
দাদা ?

জগ। আরে তুমি তো ভারি বোকা দেখছি হে।
আমি কখন বিবাহ করি বল দিকি ?—আমার
সময় কৈ ?—সময় কৈ ? আমি তো জন্মাবধি
তীর্থে তীর্থেই ঘুরে বেড়াচ্ছি—কাশী থেকে
আণ্ডাম্যান পর্যন্ত কোন্ তীর্থটা আমার বাকি
আছে বল দিকি ?

সতীশ। হাঃ হাঃ হাঃ ! সে কথা সত্যি, তা ধরতে
গেলে তোমার মত সাধু পুরুষ আর ভূভারতে
নেই !

জগ। দেখ ভাই, এত দিনের পর আমি একটু গা
ঝাড়া দিগে, গুছিয়ে বসেছি। এইবার মনে
করছি, বিয়েথাওয়া ক'রে একটু আয়েস করুব।
তাই একজন ঘটক লাগিয়েছিলেম ; ঘটকও
একটি মেয়ের সন্ধান দিয়েছে—তার ফোটোও
আমি দেখেছি, মেয়েটি দিব্যি !

সতীশ। পছন্দ হয়েছে ?



জগ। খুব পছন্দ হয়েছে, আর তার বাপের সঙ্গেও কথাবার্তা সব ঠিক হয়ে গেছে।

সতীশ। তার বাপের সঙ্গেও কথা ঠিক হয়ে গেছে? জগ। আর বিবাহটাও আজ রাত্রে হবে, আমি তাদের কথা দিয়েছি।

সতীশ। তবে আর এ বিষয়ে মতামতই বা কি? পরামর্শই বা কি?

জগ। তা বটে, এখন অমত করলেই বা কি হবে? ভদ্রলোককে কথা দিয়ে কি এখন আর পিছতে পারি? আর দেখ, কত বয়স হ'ল—তা দেখবার দরকার কি? আসল অবস্থাটা একবার বিবেচনা ক'রে দেখ না। একজন ৩০বৎসর বয়সের লোককে দেখ, আর আমাকে দেখ, কে দেখতে বেশী মজবুত বল দিক? রাস্তায় চলবার সময় আমাকে কি কেউ কখন গাড়ি-পালুকিতে চড়তে দেখেছে? আমার দাঁতগুলো দেখ দিক, এখনো আমি লোহার কড়াই চিবিয়ে খেতে পারি; শুধু খাওয়া নয়, খেয়ে হজম করতে পারি, তা তুমি জান? (কাসিতে কাসিতে থক্ থক্ থক্) এখন এ বিষয়ে তোমার বলব্য কি শুনি।

সতীশ। তোমার কথাই ঠিক—আমারই বোঝবার ভুল হয়েছিল, তোমার পক্ষে বিবাহ করাটাই উচিত।

জগ। দেখ, পূর্বে এ বিষয়ে আমার কোন ঝোঁক ছিল না—কিন্তু এখন বিবাহ করাটাই উচিত ব'লে মনে হচ্ছে। তা ছাড়া বিবেচনা ক'রে দেখ, একটি ভাল স্ত্রীকে বিবাহ করার কত সুখ! সে আমাকে কত আদর করবে, যত্ন করবে, আমার গায়ে হাত বুলিয়ে দেবে। এই সুখের কথা ছাড়া আরো একটা কারণ আছে। আমি যদি এখন অবিবাহিত থাকি, তা হ'লে আমার যে এমন উচ্চ বংশ, তা একেবারেই লোপ পেয়ে যাবে। দেখ, বিবাহ ক'রে সন্তান হ'লে আমারই যেন আবার পুনর্জন্ম হবে; আমি হ'তে কতকগুলি জীবের উৎপত্তি হয়েছে দেখে আমার কত আনন্দ হবে! তারা ঘরের মধ্যে ছুটোছুটি ক'রে খেলিয়ে বেড়াবে; আমি যখন বাড়ী আসব, বাবা বাবা ব'লে আমার কাছে দৌড়ে আসবে; আর আধ-আধ ক'রে কত কথাই বলবে;—এর চেয়ে আর

সুখ কি আছে বল দিক? দেখ ভায়া, আমার মনে হচ্ছে, এখন যেন আমি ছেলের বাপ হয়ে পড়েছি, আর যেন কতকগুলি কাচ্চা-বাচ্চা আমার চারিদিকে ঘুরে ঘুরে বেড়াচ্ছে!

সতীশ। হাঃ হাঃ হাঃ! ঠিক বলেছ দাদা, এর চেয়ে আনন্দের বিষয় আর কি হ'তে পারে? আমি তোমাকে পরামর্শ দিচ্ছি, তুমি শীঘ্র বিবাহ কর।

জগ। এ বেশ কথা,—তবে তোমারও এতে মত আছে?

সতীশ। এতে আমার খুবই মত আছে।

জগ। দেখ, তোমার কথা শুনে ভাই আমি ভারি খুসি হলেম—তুমিই আমাকে প্রকৃত বন্ধুর মত পরামর্শ দিয়েছ।

সতীশ। আচ্ছা, সে মেয়েটি কে বল দিক?

জগ। তার নাম কমলমণি।

সতীশ। সেই ও-পাড়ার কমলমণি?

জগ। হাঁ, সেই।

সতীশ। রামকান্ত বাবুর মেয়ে কমলমণি?

জগ। হাঁ সেই!

সতীশ। তুলসীদাসের বোন কমলমণি?—যে তুলসীদাসের সার্কাসের দল আছে?—

জগ। সার্কাসের দল?—তা হ'তে পারে, আশ্চর্য্য কি?

সতীশ। যে তুলসীদাস ঘোড়া ব্রেক করে?

জগ। ঘোড়া ব্রেক করে?—তা হোক, তারা মস্ত কুলীন!

সতীশ। ও! তবে বুঝেছি, বুঝেছি, বেশ, বেশ, তোকা!

জগ। রোসো, তোমাকে একটা জিনিস দেখাই। (ফোটো আনিয়া প্রদর্শন) পাত্রীটি কেমন মনে হয়?—আমার কেমন পছন্দ বল দিক?

সতীশ। (স্বগত) দশ বছরের মেয়েকে, এই ফোটোতে দেখাচ্ছে যেন ত্রিশ বছরের মাগী! (প্রকাশ্যে) বাঃ! পাত্রীটি দিব্যি! আর কথা নেই, পত্রপাঠ বিয়ে ক'রে ফ্যালো, দাদা।

জগ। আমার পছন্দটা কি ভাল হয় নি?

সতী। খুব ভাল হয়েছে—তা আর বলতে! আর দেবী না—শুভস্র শীঘ্র বুঝলে কি না— হাঃ হাঃ হাঃ হাঃ (হাস্য) (স্বগত) বিয়ে তো

করবেই, আমি ফাঁকতালে এই সময় দাদার মাথায় কিঞ্চিৎ হাত বুলিয়ে নিইনে কেন। (প্রকাণ্ডে) দেখ দাদা, এইবার কিছু গহনা-পত্র গড়াতে দেও, কাপড়-চোপড় তৈরি করাও। বয়সটা কত হয়েছে—এখন তো জানতে পেরেছ—এখন সেই বুঝে কাজ কর; বুঝলে দাদা? হাঃ হাঃ হাঃ! আবার আজকাল কত রকম নতন ফ্যাশান উঠেছে—“আমায় ভুলো না” বোরোচ্—ডানা-তোলা-জ্যাকেট—আরও কত কি! মন যোগাতে হ'লে এসব দেওয়া চাই—বুঝলে দাদা? হাঃ হাঃ হাঃ!

জগ। তা কি আর বুঝিনে—বুঝেছি'বৈ কি। তা ওতে কত পড়বে বল দিকি?—আমি তো ভাই, আজকালের ফ্যাশান-ট্যাশান বুঝিনে—দেখ ভায়া, তোমার উপরেই সমস্ত ভার, যা লাগে, তুমিই সব খরিদপত্র ক'রে দিও। তুমি যে এই কথা বললে, তাতে আমি যে কত খুসি হলেম, তা বলতে পারি না।—ভায়া, আজ রাতে বিবাহ উপস্থিত থেকে—দেখো ভুলো না।

সতীশ। হাঁ—আমি নিশ্চয়ই আসব।—তোমার বিবাহে আমি আসব না?—বল কি? (স্বগত) রামকান্ত বাবুর কন্ঠা—যার বয়স ১০ বৎসর বই নয়—সেই কমলমণির সঙ্গে ৬৫ বৎসর বয়স্ক জগমোহনের বিবাহ? বাঃ! চমৎকার বিবাহ, বলিহারি যাই! যাক্, ফাঁকতালে আমার ত কিছু লাভ হয়ে যাবে! (প্রকাণ্ডে) জগমোহন দাদা, আমি তবে এখন আসি।

জগ। দেখো ভায়া, ভুলো না। বিবাহের সময় আসতেই চাও।

সতীশ। (হাসিয়া) হাঃ হাঃ হাঃ! এ বিবাহে আমি আবার আসব না?—বল কি। ভাল কথা, গহনা কাপড় খরিদের টাকাটা কি এখন দেবে?

জগ। কত চাই?

সতীশ। এই এখন হাজারখানেক দিলেই হবে।

জগ। হাজার টাকা?—এই নেও (নোট বাহির করিয়া প্রদান) টাকা নিয়ে তো আমি স্বর্গে যাব না।

সতীশ। না দাদা, সে দিকে যাবার বড় একটা সম্ভাবনাও নেই। আমাদের ঠিক তার উঠেটা দিকেই বোধ হচ্ছে যেতে হবে। হাঃ হাঃ হাঃ!

[সতীশ বাবুর প্রস্থান।

জগ। এই বিবাহে নিশ্চয়ই আমি সুখী হব—যে শুনেছে, তারই যেন আনন্দ আর ধরছে না, একটু না হেসে আর থাকতে পারছি না। আহা! সেই কমলমণি আমার হবে—একমাত্র আমারি হবে। তার সেই জ্বল-জ্বলে পিটু-পিটে চোখ দুটি আমার হবে, তার সেই খ্যাবড়া-ধোবড়া নাকটি আমার হবে, তার সেই ফুলো-ফুলো ঠোঁট দুটি আমার হবে, তার সেই জিলিপি-পাকানো কান দুটি আমার হবে! আমি তাকে আদর করতে পারব, যে রকম ইচ্ছে গালাগালি দিতে পারব; আমি তাকে হৃদয়রত্ন বলতে পারব, প্রাণেশ্বরী বলতে পারব, তাকে আমি প্যাঁচামুখী বলতে পারব, বীদরমুখী বলতে পারব; আর তাতে আমাকে কেউ নিন্দেও করতে পারবে না—এইবার আমার চূড়োস্তো সুখের সময় উপস্থিত! আরও তার কি কি গুণ আছে, লোকের কাছে একটু সন্ধান নিই গে যাই। (বাইতে বাইতে গান)

সোহিনী—দাদর।

একা একা এতদিন কেটে গেল,
এখন হুখের নিশা প্রভাত হ'ল!
আর না জ্বালা স'ব, হুজনে এক হব,
সোহাগে সদা রব চল চল!
তাহারি মুখ চেয়ে, যামিনী যাবে ব'য়ে,
নিবারি তারি প্রেমে হৃদি-অনল ॥

[গাহিতে গাহিতে প্রস্থান।

দ্বিতীয় অঙ্ক।

দৃশ্য।—জগমোহনের গৃহ।

জগ। একটা কথা শুনে বড় যে খটকা লাগল!—সে তার ভায়ের সার্কীশে নাকি ঘোড়ার উপর ডিগ্বাজী খ্যালে! এ রকম ঘোড়ায়-চড়া মেয়ের সঙ্গে কি বিয়ে ক'রে সুখ হবে?—শেষে সে আমার মাথায় চড়বে না তো?

(সতীশ বাবুর প্রবেশ)

জগ। এই যে ভায়া, তুমি ঠিক সময়েই এসেছ। টাকাটা তো খরচ হয়ে যাইনি?



সতীশ। কেন বল দিকি ? আমি সমস্তই খরিদপত্র
করেছি ; সে হাজার টাকাটা তো গেছেই, আরও
নিজের গাঁট থেকে ৫০০ টাকা দিয়ে তবে বাকি
জিনিস-গুলা খরিদ করেছি ।

জগ। এর মধ্যেই সমস্ত খরিদ ক'রে ফেলেছ ?—কি
বিপদ ! এত তাড়াতাড়ি করবার আবশ্যক ছিল
কি ?

সতীশ। আবশ্যক নেই ? আজ রাতে তোমার
বিবাহ—বল কি ?—আবশ্যক নেই ? দাদা, তুমি
এখন এই কথা বলছ ?—এই কিছু আগে এত
অনুবাগ, এত উৎসাহ দেখলেম—সে সব কোথায়
গেল ?

জগ। দেখ, একটা সময় থেকে, এই বিবাহ সম্বন্ধে
আমার মনে ভারি একটা খটকা উপস্থিত হয়েছে।
আর বেশী দূর অগ্রসর হবার পূর্বেই এই বিষয়টা
আর একটু ভাল ক'রে তলিয়ে দেখতে হবে। তা
ছাড়া ছফুর বেগা ঘুমতে ঘুমতে একটা স্বপ্ন দেখ-
লেম—সে স্বপ্নটারও অর্থ ব্যাখ্যা করিয়ে নেওয়া
আবশ্যক। তুমি তো ভাই জান, শাস্ত্রে বলে,
স্বপ্ন এক-রকম আর্শি-বিশেষ ; পরে যা ঘটবে,
স্বপ্নে তার ছায়া আঙু থাকতেই দেখতে পাওয়া
যায়। দেখ, আমি স্বপ্নে দেখলেম, যেন একটা
ঘোড়া-রেক-করবার গাড়িতে আমাকে যুড়ে
দিয়েছে—আর একটা মেয়েমানুষ চাবুক হাতে
ক'রে—

সতীশ। দাদা, আমার এখন একটু কাজ আছে,
তোমার স্বপ্নের কথাটা আমি এখন গুণ্ডে
পারছি নে ; তা ছাড়া, স্বপ্নের ফলাফলের বিষয়
আমি কিছু বুঝি নে ; তোমার প্রতিবাদী যে
ছইজন দার্শনিক পণ্ডিত আছেন, তাঁরাই সে
বিষয়ে বেশ ব্যবস্থা দিতে পারবেন। তাঁরা
ছই ভিন্ন টোলের পণ্ডিত ; তাঁদের উভয়ের
মতামত তুমি অনায়াসেই জানতে পারবে।
আমার যা মত, তা তো তোমাকে পূর্বেই
বলেছি। এখন তবে আমি আসি।

[প্রস্থান।

জগ। (স্বগত) সতীশ বেশ কথা বলেছে। এই
খটকা সম্বন্ধে ঐ ছই পণ্ডিতের সঙ্গে পরামর্শ
ক'রে দেখা যাক।

[প্রস্থান।

দৃশ্য।—আয়রত্নের টোল।

আয়রত্ন ও জগমোহন।

আয়। (কোন এক ব্যক্তির উদ্দেশে) তুমি অতি
অশিষ্ট ! তোমাকে পণ্ডিত-মণ্ডলী থেকে বহিষ্কৃত
করা উচিত।

জগ। এই যে ! ঠিক সময়ে আপনাকে পাওয়া
গেছে। আয়রত্ন মহাশয়, প্রণাম।

আয়। (জগমোহনকে না দেখিয়া) আমি বিবিধ
যুক্তির দ্বারা প্রমাণ ক'রে দিতে পারি—আয়রত্ন
থেকে সিদ্ধ করতে পারি যে, তুই অতি মূর্খ—
মূর্খতর—মূর্খতম—মূর্খাৎ—মূর্খ—মূর্খেণু মূর্খ—যত
প্রকার কারক ও বিভক্তি আছে, সকলগুলিই
তোতে প্রয়োগ হ'তে পারে !

জগ। (স্বগত) কারও উপরে পণ্ডিতটা ভয়ানক
চটেচে দেখছি (প্রকাশে) ও ! আয়রত্ন মহাশয় !

আয়। (এখনও জগমোহনকে না দেখিয়া) তুই
আমার সঙ্গে তর্ক করতে আসিস, অথচ তর্কশাস্ত্রের
কথা তুই জানিস্ নে।

জগ। (স্বগত) রাগের মাথায় আমাকে এখনও
দেখতে পাচ্ছে না। (প্রকাশে) ও আয়রত্ন
মহাশয় !

আয়। (এখনও দেখিতে না পাইয়া) তর্কশাস্ত্রের সকল
নিয়মানুসারেই এই যুক্তি নিন্দনীয়।

জগ। পণ্ডিতটাকে কে না জানি ভয়ানক রাগিয়ে
দিয়েছে !

আয়। আমাদের শাস্ত্রে বলে, “প্রমাণ প্রমের সংশয়
প্রয়োজন দৃষ্টান্ত সিদ্ধান্তাবয়ব তর্কনির্গম”।

জগ। আয়রত্ন মহাশয়, প্রণাম।

আয়। জয়োস্তু !

জগ। আচ্ছা মশায়—

আয়। (বে দিক্ দিয়া প্রবেশ করিয়াছিল, পুনর্বার
সেই দিক্‌পানে গিয়া) তুই কি করিছিস্, তা কি
তুই জানিস্ মূর্খ ?—তোমার যুক্তিতে “বোধিত
‘হেতুভাস’ দোষ ঘটেছে, তা তুই জানিস্ ?

জগ। আমি আপনাকে একটা কথা—

আয়। প্রতিজ্ঞা, হেতু, উদাহরণ, উপনয়, নিগমন এই
পঞ্চাবয়বের কোন অবয়বই তোমার কথার সঙ্গে
মেলে না।

জগ। আমি আপনাকে জিজ্ঞাসা করি—

আয়। তোর কথা আমি মানব?—আমি শেষ পর্যন্ত আমার মত বজায় রাখব।

জগ। এইবার তবে শুনুন—

আয়। প্রত্যক্ষ অনুমিতি উপমিতি শব্দ প্রভৃতি সকল প্রমাণের দ্বারাই আমার এই প্রতিজ্ঞা সিদ্ধ করতে পারি, তা তুই জানিস?

জগ। ও আয়রর মহাশয়! এত রুগ্ন হয়েছেন কেন?

আয়। রুগ্ন হবার যথেষ্ট কারণ আছে।

জগ। তবু, ব্যাপারটা কি বলুন দিকি?

আয়। একজন মূর্খ লোক আমাকে দিয়ে একটা কথা স্বীকার করিয়ে নিতে চায়—যা অতি ভয়ানক, অতি ভীষণ, অতি জঘন্য!

জগ। আচ্ছা, সে কথাটা কি বলুন দিকি।

আয়। আরে বাপু—গেল—গেল—সব রসাতলে

গেল!—এই কলিকালে আর কিছুই থাকে না।

পৃথিবীটা পাপে একেবারে ডুবে যাচ্ছে—চারি

দিকে ভয়ানক যথেষ্ট—যে যা খুসি তাই

বলছে। দেখুন, রাজ্যের শৃঙ্খলা রক্ষার জন্তই

রাজার সৃষ্টি। রাজপুরুষদের লজ্জায় ম'রে

যাওয়া উচিত যে, তাঁরা এরূপ গহিত কার্যের

প্রশ্রয় দেন—কিছুমাত্র শাসন করেন না।

জগ। মহাশয়! বিষয়টা কি?

আয়। আরে মহাশয়, সে দিন প্রকাশ্য সভায় একটা

মূর্খ বলছে কি না, “এই বঙ্গদেশে খুবই বক্তৃতার

ধুম—কিন্তু ভিতরে বহি নাই!” ধুম আছে

অথচ বহি নাই—এর চেয়ে অর্থোক্তিক সিদ্ধান্ত

কি আর কিছু হ'তে পারে?

জগ। সে কি রকম?

আয়। ব্যাপকের অভাব নিশ্চয় থাকলেও ব্যাপ্যের

আরোপ ক'রে ব্যাপকের অভাব প্রসঞ্জিত

করাকেই তর্ক বলে; তার প্রয়োগ এইরূপ

যথা:—“বহি না থাকিলে ধুম থাকিত না, কারণ,

বহিমাত্রই ধুমব্যাপ্ত।” এমন সহজ কথা, যা তুমি

পর্যাপ্ত বুঝতে পারছ, তা কিনা সে মূর্খটা বুঝতে

পারে না? (যে দিক্ দিয়া প্রবেশ করিয়াছিল,

আবার সেই দিকে গিয়া) আরে মূর্খ, তুই বলিস্

কি না—যেখানে ধুম আছে, সেখানে বহি নাই?

—ভগবান্ গোতমের তর্কপরিচ্ছেদটা আর

একবার উল্টে দেখ গে যা—মূর্খ কোথাকারে!

জগ। আমি মনে করেছিলেম, এইবার বুঝি রাগটা

প'ড়ে গেছে। (আয়ররের প্রতি) পণ্ডিত মশায়! অত জুড় হবেন না।

আয়। আমি জুড়?—হাঁ, আমার ক্রোধের উৎপত্তি একটু হয়েছিল বটে, কিন্তু এখন আর তা আমি অনুভব করছি নে!

জগ। ধুম বহির কথা এখন রেখে দিন—আপনাকে একটা কথা আমার বলবার আছে—আমি বলছিলাম কি—

আয়। পাজি লক্ষ্মীছাড়া!

জগ। অল্পগ্রহ ক'রে আমার কথাটা একবার শুনুন—আমি বলছিলাম—

আয়। একে বলে মূর্খতার পরাকাষ্ঠা!

জগ। ভাল বিপদ!—আমি বলছিলাম—

আয়। এই প্রকার কথা কেউ কখন বলে?

জগ। তার ভুল হয়েছিল সন্দেহ নেই—আমি বলছিলাম—

আয়। এইরূপ প্রতিজ্ঞা মহর্ষি গোতমের আয়রর

দূষিত ব'লে আখ্যাত হয়েছে।

জগ। সে কথা সত্য—এখন আমি কি বলছি শুনুন।

আয়। কেন?—এ বিষয় তিনি স্পষ্টাক্ষরেই তো

ব'লে গেছেন—

জগ। হাঁ—হা, আপনার কথাই ঠিক। (যে দিক্

দিয়া আয়রর প্রবেশ করিয়াছিল, সেই দিক্‌পানে

গমন করিয়া) ওগো! তুমি অতি মূর্খ!—অতি

নির্গজ!—এমন দিগ্‌গজ পণ্ডিতের সঙ্গে তুমি কি

না তর্ক করতে এসো। (ফিরিয়া আয়ররের

প্রতি) আমিও খুব গুনিয়ে দিয়েছি। আর কি?

এইবার হয়েছে। এইবার আমার কথাটা শুনুন

দিকি। আমার এক বিষয়ে সন্দেহ উপস্থিত

হয়েছে, তাই আপনার কাছে ব্যবস্থা নিতে

এসেছি। দেখুন, আমি এখন বিবাহ করতে

ইচ্ছুক হয়েছি। পাত্রীটি দেখতে সুশ্রী, গড়নও

বেশ পরিপাটি, তার বাপেরও মত হয়েছে।

তবে কিনা, বিবাহ করাটা কতদূর বুদ্ধিসঙ্গত,

এখনো আমি ঠিক করতে পারছি নে। একটা স্বপ্ন

দেখে আমার মনটা বড়ই বিচলিত হয়েছে।

আপনি একজন মস্ত পণ্ডিত—তাই সেই স্বপ্নটার

ফলাফল জানতে আপনার নিকট এসেছি।

আয়। ধূমের সম্ভাব সম্বন্ধেও তুই যদি বলতে পারিস্

বহি নাই, তা হ'লে তুই বল না কেন, আমার

বিজ্ঞা থাকা সম্বন্ধেও আমি একটা আন্তর্গদত!

জগ। আজ্ঞে, তার সন্দেহ কি? যাক, আমার কথাটা অগ্রহ ক'রে শ্রবণ করুন—এক বস্তু ধ'রে আপনাকে একটা কথা জিজ্ঞাসা করছি— আর আপনি তার একটা উত্তর দিলেন না।

শ্রায়। আমাকে মার্জনা করবে। কোন উচিত কারণে, আমার মন ক্রোধের দ্বারা অধিকৃত হয়েছিল।

জগ। ও সব কথা এখন রেখে দিন—আমার কথাটা এইবার শুনুন।

শ্রায়। ভাল, তোমার এখানে আসবার প্রয়োজনটা কি শুনি।

জগ। কোন একটা বিষয়ে আপনার সঙ্গে আমি বাক্যালাপ করতে চাই।

শ্রায়। কোন্ ভাষায়!

জগ। কোন্ ভাষায়?

শ্রায়। হাঁ।

জগ। বাঙ্গালীর ছেলে আবার কোন্ ভাষায় বলে?

শ্রায়। বলি, সংস্কৃত ভাষায় আমার সঙ্গে কথা কহিতে চাও কি?

জগ। না।

শ্রায়। প্রাকৃত?

জগ। না।

শ্রায়। মাগধী?

জগ। না।

শ্রায়। মহারাষ্ট্রীয়?

জগ। না।

শ্রায়। গৌড়ীয়?

জগ। না—না—খাঁটি বাঙ্গালা—বাঙ্গালা—বাঙ্গালা।

শ্রায়। তবেই হ'ল—তাকেই বলে গৌড়ীয়—আচ্ছা বেশ, বাঙ্গালা ভাষাতেই হোক।

জগ। বেশ।

শ্রায়। আচ্ছা, তবে এই পাশে এসো। কেন না, সংস্কৃত ভাষায় যারা বাক্যালাপ করে, তাদের জ্ঞান আমার এই কাণটা নির্দিষ্ট—আর যারা ইতর ভাষায়—মাতৃভাষায় বাক্যালাপ করে, তাদের জ্ঞান আমার এই কাণটা নির্দিষ্ট।

জগ। (স্বগত) ভাল বিপদ! এই সব ম্যাচাংদের সামান্য একটা কথা বলাও দেখছি বুঝ-উচ্ছুগ্গের ব্যাপার!

শ্রায়। এখন তোমার জিজ্ঞাস্যটা কি, বল দিকি?

জগ। একটা ছোট-খাট বিষয়ে আমার একটা খটকা উপস্থিত হয়েছে—

শ্রায়। তা, বেশ—বেশ! ন্যায়শাস্ত্রে সংশয় তো উপস্থিত হতেই পারে—বল, আমি এখনি তার ভঙ্গন করছি।

জগ। মাপ করবেন—তা নয়—আমি বলছিলাম কি—

শ্রায়। তুমি হয় তো জানতে চাও, বহিমান্ পর্ত হ'তে ধূমের অহুমান, ও ধূমমান্ পর্ত হ'তে বহির অহুমান—এই দুইয়ের মধ্যে কোনটা প্রমাণসিদ্ধ—এই না?

জগ। ও সব কিছুই নয়।

শ্রায়। অথবা হয়তো জানতে চাও, ন্যায়শাস্ত্রে নিগ্রহস্থান কোন্গুলি—এই না?

জগ। না না—তা নয়।

শ্রায়। তবে বুঝি, কত প্রকার তর্ক আছে, তাই জানতে চাও?

জগ। না না, সে সব কিছুই নয়—আমি বলছিলাম কি—

শ্রায়। পদার্থ কয় প্রকার—তাই?

জগ। না—না—আমি বলছিলাম—

শ্রায়। নম্রের কতগুলি অবয়ব—তাই বুঝি?

জগ। না মশায়, তা নয়—আমি—

শ্রায়। হেতুভাস কয় প্রকার—তাই?

জগ। না—না—না—পাঁচ শো বার না!

শ্রায়। তবে কি?—আমি তো কিছুই অহুমান ক'রে উঠতে পারছি নে।

জগ। সেই কথাই তো আপনাকে আমি বলতে যাচ্ছি—আমার কথাটা না শুনলে আপনি অহুমান করবেন কি ক'রে? ব্যাপারটা হচ্ছে এই—আমি একটি সুন্দরী স্ত্রীকে বিবাহ কর্তে ইচ্ছুক হয়েছি, এবং আমি তার বাপকেও এ বিষয় জানিয়েছি—তবে কি না আমার একটা খটকা হয়েছে—

শ্রায়। (জগমোহনের কথায় কর্ণপাত না করিয়া) মনের চিন্তা প্রকাশ করবার জ্ঞানই বাক্যের সৃষ্টি। যেমন আমাদের চিন্তাগুলি বাহ্য বস্তুর চিত্র, সেইরূপ আমাদের বাক্যও চিন্তার একরূপ চিত্র বলেও হয়। (জগমোহন ঐর্ধ্যচ্যুত হইয়া, মাঝে মাঝে হাত দিয়া শ্রায়রস্ত্রের মুখ চাপিয়া ধরিয়া

কথা বন্ধ করিতেছে এবং যেই হাত সরাইয়া লইতেছে, অমনি আবার ছায়ারয়ের বকুনি আরম্ভ হইতেছে) কিন্তু অল্প চিত্রের সহিত এর প্রভেদ এই;—মূল-বস্তু হ'তে অল্প চিত্রগুলির পার্থক্য সর্বত্রই জানতে পারা যায়, কিন্তু বাক্যের মূল-বস্তু বাক্যের মধ্যেই বদ্ধ থাকে; কেন না, বাক্য তো আর কিছুই নয়—বাহ্য চিত্রের দ্বারা চিন্তাকে প্রকাশ করার নামই বাক্য। এ থেকে প্রতিপন্ন হচ্ছে, যারা উত্তমরূপে চিন্তা করিতে পারে, তারাই উত্তম বাক্যও প্রয়োগ করিতে পারে। অতএব এখন তুমি, বাক্যের দ্বারা তোমার চিন্তা আমার নিকট প্রকটিত কর; অত্যাগ সকল চিহ্ন অপেক্ষা বাক্যই সর্বাধিক বোধগম্য, তার সন্দেহ নাই।

জগ। (স্বগত) পণ্ডিতটা জ্বালালে! কি বলছে, আমি তো কিছুই বুঝতে পারছি নে।

ছায়। হাঁ, "চিত্তস্থ দর্পণো বাক্যং" এই বাক্যরূপ দর্পণে, প্রত্যেকের অন্তরের নিগূঢ় কথা প্রতি-বিস্তৃত হয়। চিন্তা করা এবং বাক্য প্রয়োগ করা—এই উভয় প্রকার ক্ষমতাই যখন তোমার আছে, তখন তোমার চিন্তা আমার নিকট প্রকাশ করবার জন্য বাক্য প্রয়োগ করায় তোমার আপত্তি কি বাপু?

জগ। তাই তো আমি করিতে যাচ্ছি—কিন্তু আপনি যে আমার কথার কর্ণপাত করছেন না।

ছায়। আমি শুনিছি—বল।

জগ। ভট্টচাষি মশায়! আমি এই কথা বলছি যে—

ছায়। সংক্ষেপে বল, সংক্ষেপে বল।

জগ। শুধুন না—আমি সংক্ষেপেই বলছি—

ছায়। দেখো বাবু, পৌনরুক্তি দোষ ও অনর্থক বহুভাষণ যেন না হয়।

জগ। মশায় আমি—

ছায় সংক্ষেপে—সংক্ষেপে—

জগ। আমি আপনাকে—

ন্যায়। গৌরচন্দ্রিকা ও বাক্যাড়ম্বরে প্রয়োজন নাই।

জগ। (টিকি ধরিয়। কিল মারিতে উত্তত)

ছায়। আরে বাপু, কর কি—কর কি—তুমি তো দেখছি ভারি কোপন-স্বভাব। কোথায় তুমি বাক্যের দ্বারা মনের ভাব প্রকাশ করবে—না

তুমি কি না ক্রোধে একেবারে উদ্ভ্রান্ত। সে দিন যে গণ্ডমূখটা বলেছিল, "ধুম আছে অথচ বহি নাই"—তার চেয়েও তুমি যে দেখছি আরও কাণ্ডজ্ঞানশূন্য—আর, আমি এখন প্রমাণ ক'রে দেব—প্রত্যক্ষ, অহুমিতি, উপমিতি, শব্দ প্রভৃতির দ্বারা প্রমাণ ক'রে দেব যে—তুমি অতি অর্ধা-চীন, অতি মুর্থ, অতি পায়ণ! আমার পরামর্শ প্রার্থনা কর্তে এসে কি না আমাকে অপমান? আমি কত বড় পণ্ডিত, তা তুমি জানো?—আমাকে অপমান!

জগ। (স্বগত) আঃ! পণ্ডিতটা বক-বক ক'রে এতও বকতে পারে!

ছায়। সাহিত্য বল—দর্শন বল—কোন বিষয়ে আমার পাণ্ডিত্য নেই বল দিকি!

জগ। (স্বগত) এখনও ঐ কথা?—জ্বালালে দেখছি।

ছায়। বেদ—বেদান্ত—জ্যোতিষ—ব্যাকরণ—কাব্য—সাহিত্য—অলঙ্কার—শ্রুতি-স্মৃতি দর্শন—ছায় সাংখ্য পাতঞ্জল বৈশেষিক, বেদান্ত—মীমাংসা—কোনটায় আমি কম বল তো বাপু! না, তোমার মত মুর্থের সঙ্গে আমি বাক্যালাপও করি নে।

[প্রস্থান।

জগ। আঃ, এই ভট্টচাষি ম্যাচাংদের সঙ্গে পারা ভার! অন্তের কথা আদর্শে শুনবে না—আপনার কথাই সাত কাহন। সতীশ আর এক জন পণ্ডিতের কথা বলেছিল—দেখি সে যদি এই স্বপ্নটার ব্যাখ্যা ক'রে দিতে পারে।

[প্রস্থান।

দৃশ্য—বেদান্তবাগীশের টোল।

(জগমোহনের প্রবেশ)

জগ। বেদান্তবাগীশ মশায়! কোন একটা ক্ষুদ্র বিষয়ের জন্য আপনার কাছে আমি ব্যবস্থা নিতে এসেছি। (স্বগত) বা হোক, এলোকটা তবু তো লোকের কথা কাণ পেতে শোনে!

বেদান্ত। দেখ বাবু! ও রকম ধরণের কথা বলাটা তুমি ত্যাগ কর। আমাদের দর্শন-শাস্ত্রে বলে, জগতের বাস্তবিক কোন সত্তা নাই; যা দেখি,



কিছুই সত্য নয়—সকলই মায়া—সে শুধু সত্যের
অবকাশ মাত্র—সত্যের নিশ্চিতভাবে কিছুই
বলা যুক্তি-সঙ্গত নয়। এই জ্ঞান তোমার বলা
উচিত হয় নি, “আমি এসেছি”—তোমার বলা
উচিত ছিল “বোধ হয় আমি এসেছি”; কেন না,
আমরা আশ্রিতে আমিত্বের অধ্যারোপ করি বৈ
তো নয়।

জগ। বোধ হয় আমি এসেছি ?

বেদা। হাঁ।

জগ। যখন ঘটনাটা ঠিক, তখন বোধ না হয়ে আর
কি হ'তে পারে ?

বেদা। দেখ, ওটা ঘটনারূপ কারণের কার্য নয়।
সত্য না হলেও তোমার নিকট সত্য ব'লে প্রতীয়-
মান হচ্ছে মাত্র।

জগ। সে কি রকম ? আমি এসেছি, এই কথাটা
তবে সত্য নয় ?

বেদা। সত্য ব'লে তোমার নিকট প্রতীয়মান হচ্ছে
মাত্র—এই জ্ঞান কিছুই নিশ্চিতভাবে বলা উচিত
নয়—সকল বিষয়েই সন্দেহ করা কর্তব্য; দেখ,
অন্ধকারে রজু দেখলে কার না সর্প ব'লে ভ্রম
হয় ?

জগ। কি! আমি এখানে নেই?—আর আপনি
আমার সঙ্গে যে কথা কচ্ছেন, সেটাও সত্যি না ?

বেদা। তুমি যে ওখানে আছ, আর তোমার সঙ্গে
আমি যে কথা কচ্ছি, সেটা আমার নিকট
প্রতীয়মান হচ্ছে মাত্র। আর, তত্ত্বতঃ আমিই
বা কে?—তুমিই বা কে ?

জগ। কি বিপদ! আপনি আমার সঙ্গে পরিহাস
করছেন না কি? এই যে আমি এইখানে আছি—
আর আপনি ঐখানে আছেন—এতে তো কোন
“বোধ হয়” থাকতে পারে না। দেখুন মশায়, ও
সব স্বপ্ন দর্শন শাস্ত্রের কথা এখন রেখে দিন—
এখন আমার কথাটা শুনুন; আমি বিবাহ
করতে ইচ্ছুক হয়েছি, এই কথাটা আপনাকে
জানাতে এসেছিলাম।

বেদা। আমাকে জানাতে এসেছিলে?—আমি
কে ?

জগ। শুনুন, আমি এখন আপনাকে জানাচ্ছি।

বেদা। তা হ'তে পারে।

জগ। দেখুন, পাত্রীটি বেশ রূপবতী।

বেদা। অসম্ভব নয়—ওরূপ তো প্রতীয়মান হয়েই
থাকে!

জগ। বিবাহ করাটা আমার পক্ষে উচিত না
অনুচিত ?

বেদা। উচিতও হ'তে পারে, অনুচিতও হ'তে পারে।

জগ। (স্বগত) এ ম্যাচাংটা দেখছি আবার আর
এক সুর ধরেছে! (প্রকাশে) যে পাত্রীটির
কথা আপনাকে বল্লম, তাতে বিবাহ করাটা
আমার পক্ষে ভাল কি?—এই কথা আপনাকে
জিজ্ঞাসা করছি।

বেদা। তা, যে রকমের পাত্রী তার উপরেই সমস্ত
নির্ভর করে।

জগ। বিবাহ করাটা আমার পক্ষে কি ভাল নয় ?

বেদা। হতেও পারে।

জগ। আপনাকে আমি অনুন্নয় করছি, উত্তরটা
একটু সিন্ধে ভাবে দেবেন।

বেদা। আমারও অভিপ্রায় তাই।

জগ। দেখুন, আমি একটা কুশপ্ন দেখেছি—

বেদা। তা হ'তে পারে।

জগ। আমাকে ঘেন ঘোড়ার মত ক'রে গাড়িতে
যুতেছে, আর একজন স্ত্রীলোক চাবুক হাতে
ক'রে দাঁড়িয়ে আছে।

বেদা। আশ্চর্য্য কি!

জগ। এ স্বপ্নটা কি ফলবে?—এ বিষয়ে আপনার
মত কি ?

বেদা। কিছুই অসম্ভব নয়।

জগ। আপনি যদি আমার জায়গায় হতেন, তা
হ'লে এ স্থলে কি করতেন ?

বেদা। জানি না।

জগ। আমাকে এখন কি পরামর্শ দেন ?

বেদা। তোমার যা অভিরূচি।

জগ। আমাকে আপনি দেখছি ক্ষেপিয়ে তুলবেন।

বেদা। দেখ বাপু, আমি এ বিষয়ে কিছুই নিশ্চয়
ক'রে বলতে পারব না।

জগ। আ মোলো বা

বেদা। দেখ বাপু, “আমি” পদার্থটা কি—প্রথমে
জানো, তার পরে অল্প কথা।

জগ। আ গ্যাল বা! রোসো, এইবার আমি
তোমার সুর বদলাচ্ছি। (টিকি ধরিয়া মৃষ্টি
প্রহার)

বেদা। আরে রাম—আরে রাম—আরে—
জগ। এইবার “আমি” পদার্থটা কি বুঝতে পেরে-
চেন তো ?

বেদা। এত বড় স্পর্ধা ? আমাকে প্রহার ?—আমার
মত দার্শনিক পণ্ডিতকে অপমান ?

জগ। ও রকম ধরণের কথাটা বলা আপনার মত
পণ্ডিতের উচিত হয় না। আমিই বা কে ?—
আপনিই বা কে ?—কে কাকে প্রহার করে ?
আপনার বলা উচিত, “বোধ হচ্ছে, যেন তুমি
আমাকে প্রহার করচ”।

বেদা। আমি এখন পুলিশে নালিশ করতে চল্লম
—আমাকে অপমান ?

জগ। আমি কে ?—আপনিই বা কে ?

বেদা। আমার গায়ে প্রহারের দাগ আছে, আমি
এখন দেখিয়ে দেব।

জগ। হ'তে পারে।

বেদা। আমি নালিশ করব, তুমি আমাকে প্রহার
করেছ।

জগ। প্রহার আবার কি ?—প্রহার ব'লে প্রতীয়মান
হচ্ছে মাত্র।

বেদা। তুমি আদালতে নিশ্চয়ই দণ্ডিত হবে।

জগ। আমি-?—আমি আবার কে ?

বেদা। আচ্ছা, কেমন দণ্ডিত না হও, আমি দেখছি।
আমাকে প্রহার ?—আমাকে অপমান ?—
আমি পুলিশে চল্লম।

[প্রস্থান।

জগ। পণ্ডিত দুটোর কাছ থেকে যদি একটা পষ্ট
কথা বের করতে পার্লম !—এখন কি করা
যায় ? আমার বিয়ে করতে তো এখন আদপে
ইচ্ছে নেই। কোন রকম ক'রে এখন কথাটা
কাটরে দিতে পারলে বাঁচি। তবে, এর মধ্যে
কিছু টাকা খরচ হয়ে গেছে। তা হোক, কিন্তু
এর চেয়ে আরও কিছু খরচাপ না হ'লে এখন
বাঁচি ! এখন এই হান্সামাটা থেকে কি ক'রে
উদ্ধার হই ? যাই, কনের বাপের সঙ্গে একবার
দেখা করি গে, দেখি যদি বিয়েটা কোন রকম
ক'রে ভাঙিয়ে দিতে পারি। বাড়ীর নম্বরটা
বুঝি ১০৫।

[প্রস্থান।

দৃশ্য।—রাজ-পথ

এক পার্শ্বে জগমোহন দণ্ডায়মান।

(গাহিতে গাহিতে নাচিতে নাচিতে দুই জন
বেদিনীর প্রবেশ)

গান।

ঝিঁঝিট-খান্ধাজ—খ্যাম্টা।

মোরা বেদিনী ললনা,

কত জানি তন্ত্র-মন্ত্র কে করে গণনা !

মোদের ঔষধের গুণে, প্রবীণে সে হয় নবীনে,
বক্ষ্যা-নারীর অল্প দিনে হয় গো ছানাপোনা !

চিনি মোরা রোগের গোড়া, ভাঙা মন দিই বোড়া,
কেউটেরেও করি টোঁড়া,

—অসাধ্য সাধনা,—করি অসাধ্য সাধনা।

পতি যার বার-ফটকা, করি তারে ঘরে আটকা,
ঘোচাই মনের সব খটকা

এমনি গুণপনা—মোদের এমনি গুণপনা !

জগ। এই যে দুজন বেদিনী এই দিকে আসছে, কি
গান গাচ্ছে, শোনা যাক। কি ?—“ঘোচাই
মনের সব খটকা” ? খটকা ঘোচাতে পারে না
কি ?—রোস্, ওদের তবে এই দিকে একবার
ডাকি—ও গো বাছারা, এই দিকে একবার
এসো তো।

১ম বেদী। ওগো, ডাকছো কেন ?—তোমার নারীর
জন্ত বুঝি কিছু ওষুধ চাই ?

জগ। আরে বাছা, আমার মূলে পত্নীই নেই
তো নারী।

১ম বেদিনী। সে কি গো, গিন্নী মারা গেছে নাকি ?

জগ। ওগো বাছা, আমার কোনও কালে গিন্নী
ছিল না, হবে কি না, তাও জানিনে, তবে কি না
এইবার হব-হব হয়ে আসছিল,—এমন সময়ে
আমার মনে একটা খটকা উপস্থিত হ'ল—
সেইটে যদি তোমরা—

২য় বেদিনী। ও দিদি, এ বুড়োটা দেখছি ফেপেছে,
চল, আমরা এখান থেকে যাই, এখানে থেকে
আর কি হবে ?

১ম বেদিনী। না গো না তোমার খটকা ঘোচানো
আমাদের কৰ্ম নয়। চল, আমরা যাই।

(গমনোত্ত)

জগ। বলি, কথাটা শোনোই না।

১ম বেদিনী। না গো না, আমরা আর দাঁড়াতে পাচ্ছি নে, আমাদের বেলা যাচ্ছে।

জগ। দোহাই তোমাদের, আমার এ খটকাটা না খুচিয়ে তোমরা যেতে পাবে না।

(বাহু প্রসারিত করিয়া পথরোধ)

২য় বেদিনী। আরে বুড়ো মিন্‌সে করে কি?—
আমাদের পথ ছাড়।

জগ। বলি, তোমরা কেউটেকে ধোঁড়া করতে পার, গাধা পিটে ঘোড়া করতে পার—অসাধ্য সাধন করতে পার, আর আমার এই সামান্য খটকাটা ঘোচাতে পারবে না?

১ম বেদি। ভাল এক পাগলের হাতে পন্ন যে গা!

জগ। না বাছা, আমি পাগল-টাগল নই; আমার কথাটা একবার শোনো, তার পর যা বলবার বোলো।

২য় বেদি। ও দিদি! অত কথায় কাজ কি, ওরই কথা মত, গাধা পিটিয়ে ঘোড়া করেই দেও না।
(চুবড়ি হইতে সম্মার্জনী বাহির করিয়া প্রহার)
পথ ছাড়ো বলছি—

জগ। আরে আরে—বেটি করে কি—থাম্ থাম্—এই পথ ছাড়ছি—না, গানে যা গেরেছে ঠিক, এদের দেখছি অসাধ্য কিছুই নেই। যাও বাছারা যাও—

১ম বেদি। আমাদের সঙ্গে চালাকি?—ঐ হাতটা ধরতো বোনু—আমি চাদরটা কেড়ে নি।

(চাদর ধরিয়া টানাটানি)

জগ। আরে আমার চাদর ছিঁড়ল—চাদর ছিঁড়ল—
ছাড়—ছাড়—দোহাই তোদের, আমি বিয়ে করতে যাচ্ছি—আমি ব-ব-ব-ব বর—লগ্ন বয়ে গেল, লগ্ন বয়ে গেল।—কি মুস্থিল!—(ঝুটোপাটি করিতে করিতে পতন এবং চাদর লইয়া হাসিতে হাসিতে বেদিনীদের পলায়ন।)

জগ। আঃ! আবার এইখানটা কাদায় এমন পিছল হয়েছে! (উঠিয়া গা ঝাড়িয়া) এ কাদার দাগ কি যায়? এখন ভদ্রলোকের বাড়ী যাই কি করে?—তাতে আবার গায়ে চাদর নেই—আবার আজ রাতেই বিবাহ হবার কথা। একটু আগে গিয়ে বিয়েটা যাতে ভেঙে যায়,

তার চেষ্টা কর্তে হবে—এ বিষয়ে কনের বাপের সঙ্গে একবার কথা কয়ে দেখতে হবে—এখন করি কি? তা হোক, এ আমার এক রকম শাপে বর হ'ল। আমার এই রকম বেশ দেখলে বোধ হয় তারা আমার সঙ্গে বিয়ে দিতে রাজিই হবে না। যাই, দেখা যাক কি হয়। ঐ বাড়ীটা ১০৫ নম্বর না?—আমার অদৃষ্টে না জানি আরো কি আছে! ঝাঁটা তো হ'ল—এখন বাকি আছে চাবুক।—যাই।

[প্রস্থান।

(অল্পদিক হইতে গাহিতে গাহিতে ও নাচিতে নাচিতে বেদিনীদের পুনঃ প্রবেশ)

গান।

ঝিঁঝিট-খাম্বাজ—খ্যামটা

হি হি হি হি হি হি কেমন মজা!

—কাদায় বুড়ো গড়াগড়ি!

বলে কি না করবে বিয়ে

—তাই যাচ্ছে তাড়াতাড়ি।

চাদর নিহ্ন মোরা কেড়ে,

বর-সজ্জা হ'ল বেড়ে,

বাড়ি ধ'রে দেবে তেড়ে

যখন যাবে বিয়ে-বাড়ী।

এমন বরে করবে বিয়ে

—না জানি সে কেমন মেয়ে!

ধর করে যে ওরে নিয়ে

—আ মরি তার গলায় দড়ি!

(গাহিতে গাহিতে ও নাচিতে নাচিতে প্রস্থান।)

তৃতীয় অঙ্ক

দৃশ্য।—রামকান্ত বাবুর বাড়ী

(জগমোহনের প্রবেশ)

জগ। এ কি?—রামকান্ত বাবুর এইটে বৈঠকখানা না কি?—এ কি রকম আসবাব?—চাবুক—
জিন—লাগাম চারিদিকে ঘোড়ার মাজ বুলুছে!
আঃ! বরটার এমন একটা বিস্তী বোটকা গন্ধ!
রাম, রাম!—কোথায় এলেম? ও রামকান্ত বাবু! রামকান্ত বাবু! কেউ যে উত্তর দেয় না

—আচ্ছা, এই দরজাটায় যা দিয়ে দেখি (রুদ্ধ
কপাটে আঘাত)

(দার খুলিয়া ছোট একটা চাবুক হাতে
কমলমণির প্রবেশ)

কমল। কে গা?—তুমি সইস্ বুকি?

জগ। (স্বগত) এ কি!—দেই চেহারা যে!—

কিন্তু এ যে নেহাৎ বাচ্চা। ফোটা দেখে তো
মনে হয় বয়স্টা মেয়ে—এ বোধ হয় তার ছোট
বোন-টোন হবে। মেয়েটার হাতে আবার
চাবুক—আমার স্বপ্নটা ফলবে না তো? আমার
যে রূপ বেশ, তাতে সইশ ঠাওরাবে, তাতে আর
আশ্চর্য্য কি! ছেলেব্যালায় পড়েছিলেম,
“ব্রাইড্ গ্রুম” মানে কনের সইশ—তা, আপাততঃ
আমি তো এক রকম সইশই বটে!

কম। উত্তর দিচ্ছ না কেন?—বোকার মত দাঁড়িয়ে
আছ কেন? দাদা আমার ঘোড়ার জন্ত একটা
নূতন সইশ এনে দেবে বলেছিল, তুমি তো দেই
সইশ?

জগ। হাঁ, আমি সেই সইশই বটে! এখন তুমি
বাড়ীর কর্তাকে একবার ডেকে দাও দিকি!

কম। দাদা আমাকেই পরখ ক'রে দেখতে বলেছে।
আচ্ছা, আমি যখন ঘোড়ায় চড়ব, তুমি কি
ক'রে আমাকে ঘোড়ার উপর তুলে দেবে বল
দিকি?

জগ। এই তোমাকে কোলে ক'রে উঠিয়ে দেব।

কম। কোলে ক'রে ওঠাবে?—দূর বোকা! এই
বুকি জান? রোসো, আমি তোমাকে শিখিয়ে
দি। এইখানে হাঁটু গেড়ে বোসো। বোসো
বল্চি, আমার কথা শুনছ না?

জগ। হাঁটু গেড়ে বসব?

কম। হাঁ।

জগ। (স্বগত) দেখাই থাক না, মেয়েটা কি করে।

(তথা করণ)

কম। কাঁধটা আর একটু নীচু ক'রে রাখো।

জগ। কাঁধ নীচু করব? (তথা করণ)

কম। এই দেখ, ঘোড়ায় ওঠবার সময় কি ক'রে
উঠতে হয়। (স্বন্ধে এক পা দিয়া)

জগ। আরে আরে, আমার ঘাড়ে চড়ে যে!

কম। মাথাটা এইবার নীচু কর—এইবার মাথায়
পা দেব।

জগ। কি ভয়ানক! আবার মাথায় চড়বে? (স্বগত)
আরে গেল যা! এমন আহ্লাদে বেয়াড়া মেয়েও
তো কখন দেখিনি। (প্রকাশে) না না,
আমার দ্বারা এ সব হবে না, (তাড়াতাড়ি উঠিয়া)
এখন কর্তাকে একবার ডাকো দিকি।

কম। দূর বোকা! কোন কাজের সহিশ না।
আচ্ছা বল দিকি, ঘোড়া যখন আড়ি ক'রে
দাঁড়ায়, তখন কি ক'রে তার আড়ি ভাঙাতে
হয়?

জগ। (হাসিয়া) কি ক'রে?

কম। দূর বোকা! তাও জান না?—এই আমি
দেখিয়ে দিচ্ছি (“গোষমল” নামক চুপ্ত অশ্ব দমনের
কান-মলা-যন্ত্র আনিবার জন্ত দেওয়ালের দিকে
গমন)

জগ।—এ তো ভারি ব্যাদড়া মেয়ে দেখছি—আবার
কি করে দেখ!

কম। (দেওয়াল হইতে “গোষমল” খুলিয়া লইয়া
তাড়াতাড়ি আসিয়া) এইবার বোসো দিকি।

জগ। বসব?

কম। হাঁ।

জগ। (তথা করণ)

কম। এই দেখ, (গোষমলের রসি কানে বাধাইয়া
দিয়া মোচড়)

জগ। আরে আরে, কান গেল, কান গেল—এ যে
ভয়ানক মেয়ে দেখছি! [নেপথ্যে—ও পুঁটু!
ও পুঁটু! চুল বাঁধতে বাঁধতে কোথায় গেলি
বাছা? এখনি বর আসবে, এই বেলা সাজ-
গোজ ক'রে নে]

কম। ওই, মা ডাকছে, যাই। দূর বোকা!
দাদাকে বলি গে যাই, সইশটা কোন কাজের নয়।
[সপাং করিয়া এক ঘা চাবুক কসাইয়া
দৌড়িয়া প্রস্থান।

জগ। (মুখ বিকৃত করিয়া) উঃ! কি ব্যাদড়া মেয়ে!
—পিঠটা এমন জ্বলছে!—কানের জলুনিটাও
এখনও থামিনি! কি সর্বনাশ! এইমাত্র যে
একটা কথা কানে এলো, তাতে বোধ হচ্ছে, ঐ
মেয়েটাই আমার হু-গৃহিণী!—আরে রাম!

আরে রাম! কি ঝক্কারিই করেছি! এইবার
পালানো যাক, এখানে আর এক মুহূর্তও থাকা
নয়। দরজাটা আবার কোন্ দিকে?

[অত এক ঘর দিয়া প্রস্থান।

(রামকান্তের প্রবেশ)

রাম। (স্বগত) আঃ! তুলসীদাসটা আমাকে
জালিয়ে পুড়িয়ে খেলে!—আমার ভদ্রাসন
বাড়ীটাকে একেবারে যেন আত্তাবল ক'রে
তুলেছে! চারিদিকেই জিন্, লাগাম, চাবুক,
খবুঁরা-বুরুঞ্জ—একজন ভদ্রলোক এলে বলবে
কি? আবার আমার মেয়েটাকে কিনা ঘোড়ায়
চড়া শেখায়—আরে, তুই যা খুসি কর,
মেয়েটাকে নিয়ে এ সব কেন? মেয়েটার বিয়ে
দেবার এত চেষ্টা করছি, ভাল বর কিছুতেই
জুটছে না—এই সব ব্যাপার যে একবার এসে
দেখছে, সেই ভাগছে। আর, লোকদেরই বা
কি আক্কেল, ছেলেমানুষ ঘোড়ায় চড়ে খালা
করে—তাতে হয়েছে কি? যা হোক, এইবার
একটা ফন্দি করেছি—শুধু ফোটা দেখিয়ে একটি
পাত্রকে রাজি করিয়েছি। বরটি কুলীনের
ছেলে; নিজের বিয়ের জোরে কিছু পয়সাও
করেছে; তবে কি না বয়সটা একটু বেশী—
তাতে কি এসে যায়? তবে কি না একটা
বদনাম ছিল; তা, সেও লোকে এত দিনে ভুলে
গেছে। আর, সে চোরও না, ছাঁচোড়ও না।
শুধু একটা বিয়ের দরুণ একবার ফ্যানাদে প'ড়ে
গিয়েছিল। আর সে বিয়েটাও কি কম? কি
আরবি, কি ফার্সি, কি ইংরাজি, যে কোন
হরফের—যে রকম হাতের লেখা দাও না কেন,
ঠিক অবিকল তার নকল করতে পারে, এমন কি,
মাছিটি পর্যন্ত তুলে নেয়! এ কি কম কথা?
আজ রাত্রে তো বিয়ে—এখন সে যে এলে হয়।
না, এটা কিছুতেই ফস্কাতে দেওয়া হবে না।
আমি সমস্ত যোগাড় ক'রে রেখেছি, যেমন
আসবে, অমনি নম-নম ক'রে তখনি কাজটা
সেরে ফেলতে হবে। আঃ! এই মেয়েটার
বিয়ে দিতে পারলেই আমি এখন নিশ্চিত হয়ে
কাশীবাস করতে পারি। তুলসীদাস ওর
ঘোড়া-টোড়া নিয়ে এখানে স্থখে স্বচ্ছন্দে থাকুক।

(ত্রস্তব্যস্ত হইয়া হাঁপাইতে হাঁপাইতে
জগমোহনের প্রবেশ)

জগ। (স্বগত) কি বিপদ! এই দরজাটা দিয়ে
বেরিয়ে একেবারে ঘোড়ার পালের মধ্যে দিয়ে
পড়েছিলাম। বাবা! কোন ঘোড়া চার পা
তুলে লাফাচ্ছে, কোনটা চিঁহি চিঁহি ক'রে
বিটকেল রকমে চ্যাচাচ্ছে, কোনটা দাঁত খিঁচিয়ে
কামড়াতে আসছে—কি ভয়ানক! এমন
জায়গাতেও ভদ্রলোকে আসে?—এখন যে
পালাতে পারলে বাঁচি। উঃ! আবার সেই
মেয়েটা চাবুক হাতে ক'রে এখানে আসবে না
তো? জলে কুমীর, ডাঙায় বাদ—এখন যাই
কোথায়? ও কে? আমার সেই শ্বশুর মশায়
যে!—যেখানে বাঘের ভয়, সেইখানেই সন্ধ্যা
হয়! এখন এর হাত থেকে পালাই কি ক'রে?

রাম। এই যে বাবাজি, এসো এসো, তোমার জ্ঞ
আমরা সবাই অপেক্ষা ক'রে আছি। এ কি?
এ রকম বেশ কেন? গায়ে চাদর নেই—কাপড়ে
কাল মাথা—হাঁপাচ্ছ, ব্যাপারটা কি?

জগ। (হাঁপাইতে হাঁপাইতে) বলছি সব, বলছি—

রাম। বাপু, বিবাহের তো আর দেরি নেই,
চল, বাড়ীর ভিতরে চল। অত হাঁপাচ্ছ কেন?
হয়েছে কি?

জগ। মশায়, পথে আসতে আসতে কাদায় পা
পিছলে একটা আছাড় খেয়েছিলাম, সেই সময়
একটা বদমায়েস এসে আমার গায়ের চাদরটা
কেড়ে নিয়ে গেল—তাই বলছি, বাড়ী গিয়ে
কাপড়টা আর একটা চাদর গায়ে দিয়ে এখন
আসছি।

রাম। না বাপু, তা হ'লে লগ্ন বয়ে যাবে—এইখানেই
কাপড়-চোপড় ছাড়—ওরে কে আছিস?—দেখ
বাপু, তুমি আমাদের পর ভেবো না, এ তোমারি
আপনার ঘর মনে কোরো।

জগ। আমাকে মাপ করবেন, আমি—

রাম। তাতে লজ্জা কি? এইখানেই মুখ-হাত
ধোও, কাপড়-চোপড় ছাড়, বিবাহের তো আর
দেরি নেই।

জগ। আজ্ঞে, আমি এখন সে জন্য এখানে আসিনি।

রাম। না বাপু, এখন বাড়ী যাওয়া হতেই পারে

না; সেখান থেকে ফিরে আসতে চের দেরি হয়ে
যাবে। নিমন্ত্রিত ব্যক্তির আশ্রয় আসবেন—
লগ্ন প্রায় হয়ে এল।

জগ। আজ্ঞে, আমি সে কথা বলছি নে।

রাম। বিবাহের সমস্ত প্রস্তুত, পুরোহিত উপস্থিত,
বাজনারা এসেছে—

জগ। আজ্ঞা, সে কথাই না—এ আর একটা
কথা।

রাম। অন্য কথা পরে হবে—এখন চল বাপু,
দালানে যাওয়া যাক।

জগ। (মাথা চুলকাইতে চুলকাইতে) আপনাকে
কিছু আমার—

রাম। আমাকে কিছু বলবার আছে?

জগ। আজ্ঞে হাঁ।

রাম। আচ্ছা, বল গুনি।

জগ। আমি আপনার কন্যাকে বিবাহ করবার
জন্য প্রার্থী হয়েছিলাম, সে কথা সত্য—আপনি
মত দিয়েছিলেন, সে কথাও সত্য—আজ এই
সময়ে আমার বিবাহ করবার কথা ছিল, সে
কথাও সত্য—কিন্তু আমার মনে হয়, আপনার
কন্যার পক্ষে আমার বয়সটা যেন একটু বেশি
হয়েছে—আপনার তা কি মনে হয় না?

রাম। আচ্ছা, তোমার বয়স কত হ'ল বল দিকি
বাপু?

জগ। আজ্ঞে, শতর মুখে ছাই দিয়ে ৬০৬৫ হবে।

রাম। ৬০৬৫—এই বই নয়? তবে তো
সেদিনকার শিশু বলেই হয়—একেবারে অপগণ্ড
বালক! ৬০৬৫ আবার বয়স? আমরা তো ও
বয়সে হামাগুড়ি দিয়েছি।

জগ। (স্বগত) এ বড় সহজ লোক নয় দেখছি।
(প্রকাশ্যে) মশায়, তবে আসল কথাটা বলি—
লজ্জায় তখন বলতে পারি নি—আমার একটা
মাথার ব্যামো আছে, সেটা যখন চেগে ওঠে,
তখন আমি গায়ের কাপড় ফেলে দি—সর্ব্বাঙ্গে
কাদা মাখি—রাস্তায় রাস্তায় ঘুরে বেড়াই।

রাম। ও কিছু নয়; বিয়ে না হ'লে ও রকম
সকলেরই হয়ে থাকে—বিয়ে করলেই সব
সেরে যাবে।

জগ। মশায়, আর একটা কথা বলতে ভুলে গিয়েছি
—ছোট বেলায় আমাকে একবার পাগলা কুকুরে

কামড়েছিল, তার দরুণ মধ্যে মধ্যে আমি
ফেপে উঠি—কুকুরের মত ভেট ভেট করে
ডাকতে থাকি—সে এক বেয়াড়া কাণ্ড!

রাম। তার জন্য কোন চিন্তা নাই—আমার তুলসী-
দাস ও-রোগের কতকগুলি নির্ধাত অমুদ্র জানে—
এই যেমন—“বজ্রমুষ্টি মহা-প্রলেপ” “শির-চূর্ণক
বৃহৎ-লগুড়” “বংশলোচন লাঠোঁষধি।” সে জন্য
বাপু কোন চিন্তা নাই।

জগ। তাছাড়া, ছোট ব্যালা থেকে কতকগুলি বদ
নেশা আমার অভ্যাস হয়ে গেছে।—এই আফিম,
চরোশ, সিদ্ধি, গাঁজা—

রাম। আফিম, চরোশ, সিদ্ধি, গাঁজা—সমস্ত
আবগারি?

জগ। আজ্ঞে হাঁ, প্রায় তাই।

রাম। ভালা মোর বাপ—এই তো চাই। আমার
তো তা হ'লে শিবের মত জামাই হবে—এ তো
আমার বহু তপস্যার ফল। শিবের হাতে গৌরী
দান করব—এর চেয়ে আর সৌভাগ্য কি হ'তে
পারে?

জগ। (স্বগত) আরে মোলো! এ যে ছিনে জোঁক
দেখছি! আর তো পারা যায় না, এইবার স্পষ্ট
কথাই বলি (প্রকাশ্যে) আমার বেয়াড়বি মাপ
করবেন—আমার এখন বিবাহ করতে ইচ্ছে
নেই।

রাম। তুমি আমার সঙ্গে পরিহাস করছ না কি?
আমি তোমাকে একবার কথা দিয়েছি, এখন আমি
প্রাণান্তেও সে কথার অগ্ৰথা করব না। সে
বিষয়ে তুমি নিশ্চিত থেকে।

জগ। কি আশ্চর্য্য! আমি আপনিই যে সে বিষয়ে
আপনাকে নিশ্চিত দিচ্ছি—আমি তাতে কিছু
মনে করব না।

রাম। সে কি কখন হয়?—আমি তোমাকে কথা
দিয়েছি—সকলের আগে তোমাকেই আমি
কল্পাদান করব।

জগ। (স্বগত) কি বিপদ!

রাম। দেখ বাপু, তোমার উপর আমার কেমন
একটু মায়া জন্মে গেছে; এখন একজন রাজাও
যদি এসে আমার কন্যাকে চায়, তবু তোমাকে
ছেড়ে আমি তাকে দিই নে।

জগ। আমার উপর আপনার অত্যন্ত অহুগ্রহ সন্দেহ



নেই—কিন্তু আমি আপনার কাছে স্পষ্টাক্ষরে
বলছি, আমি এখন বিবাহ করতে ইচ্ছুক নই।

রাম। কি! তুমি বিবাহ করবে না?

জগ। না, আমি করব না।

রাম। তার কারণ?

জগ। কারণ?—বিবাহ করাটা আমার উচিত ব'লে
মনে হচ্ছে না—এই কারণ, আবার কি? আর
আমার বাপ-দাদারা যে পথে গেছেন, আমিও
সেই পথে যেতে চাই—তারা জন্মেও কখন বিবাহ
করতে চান নি।

রাম। দেখ বাপু, আমি তোমাকে বলছি, শেষকালে
তোমায় পস্তাতে হবে; অমন মেয়ে তুমি আর
পাবে না। এমন শিষ্ট শাস্ত্র, ধীর—মুখে একটা
কথানেই; কথার অব্যাহত—নয়—হিজেলদাগড়া
নয়—নেপথ্যে।—না মা, ও রকম খোঁপা
আমি ভালাবানি—আমার সেই রকম খোঁপা
বেধে দাও—ও কিছু হ'ল না—যাও!—দেখ
দিকিন্দাদা, মা আমার কথা শোনে না।

রাম। (তাড়াতাড়ি উঠিয়া গিয়া, নেপথ্যের দিকে)
আরে চুপ্ চুপ্! তোর বর এসেছে।

[নেপথ্যে।—ও বুঝি বর, ও তো সেই বড় সহিষ্টা]

রাম।—আরে চুপ্ চুপ্!—আঃ! পুঁটু বা চাচ্ছে, তাই
দাও না গা—ভাল জ্বালা! (জগমোহনের
নিকট ফিরিয়া আসিয়া) তাই বলছিলুম, এমন
শিষ্ট শাস্ত্র মেয়ে আর পাবে না—

জগ। তা কি আর আমি জানিনে?—বিলক্ষণ
জানি। তবে কি না, এখন আমার বিবাহ করতে
ইচ্ছা নেই মশায়।

রাম। শোনো বাপু, কারণ মনকে কেউ কখন
আটকে রাখতে পারে না। যার যা ইচ্ছে সে
তাই করতে পারে। তবে কি না, এ সংসারে ভদ্রতা
বলেও তো একটা জিনিস আছে। সে যাই হোক,
তোমাকে জোর ক'রে আমি কিছু করতে
চাইনে; তুমি আমার মেয়েকে বিবাহ করবে
ব'লে কথা দিয়েছিলে, এখন আবার সে কথা
ফিরিয়ে নিচ্ছ—আচ্ছা ভাল, এর যা উচিত, আমি
তা করব। বাপু, একটু বোসো, আমার কাছ
থেকে শীঘ্রই এর জবাব পাবে। ও তুলসীদাস
—তুলসীদাস! শোনো একটা কথা বলি।
(স্বগত) তুলসীদাসের যেমন খেয়েদেয়ে কথা

নেই—মেয়েটাকে আবার ঘোড়ায় চড়া শেখায়
—এ শুনলে কেউ কি আর বিয়ে করতে চাবে?
—যদি বা একটা বুড়ো বর পাওয়া গিয়েছিল,
সেও আবার বৈকে দাঁড়াল!

[প্রস্থান।

জগ। লোকটা সহজে আমাকে ছেড়ে দেবে, আমি
তা মনে করি নি—আমার মনে হচ্ছিল, বুঝি
অনেক বেগ পেতে হবে। আ! বাচলুম!—
ভাগ্যিস ছাড়ান পেলুম—আর একটু হলেই
আমার দফা রফা হ'ত—শেষে খুবই পস্তাতে
হ'ত। এই যে রামকান্তের পুত্র আমার হ'ব
শ্রীলক মহাশয় এই দিকে আসছেন। উনিই
বোধ হয় শেষ জবাবটা দেবেন। দেখি, উনি
আবার কি স্মরণ করেন!

(তুলসীদাসের প্রবেশ)

তুলসী। (নম্রস্বরে) মহাশয় ভাল আছেন?

জগ। আপনি ভাল আছেন?

তুলসী। আজ্ঞে হাঁ—আমার বাবা বলছিলেন,
আপনি তাঁকে যে কথা দিয়েছিলেন, সে কথা
নাকি এখন আর আপনি রাখতে চান না?

জগ। হাঁ মহাশয়, সে জ্ঞান আমি ভারি হুঃখিত।

কিন্তু—

তুলসী। তা হোক—তাতে কোন ক্ষতি নাই।

জগ। আপনাকে আমি বলছি, সে জ্ঞান আমি বড়ই
হুঃখিত হয়েছি—আমার ইচ্ছে ছিল—

তুলসী। তাতে কিছু এসে যায় না। (হুইটা লাঠি
আনিয়া জগমোহনের সম্মুখে স্থাপন) এখন
অনুগ্রহ ক'রে এর মধ্যে যেটা হয়, বেছে নিন।
আপনি কোন্টি নেবেন?

জগ। এই ছয়ের মধ্যে?

তুলসী। আজ্ঞে হাঁ।

জগ। ছোটো প্রকাণ্ড লাঠি?—লাঠির প্রয়োজন?

তুলসী। মশায়, বেহেতু আমার ভগিনীকে আপনি

• বিবাহ করবেন ব'লে কথা দিয়ে সে কথা
রাখছেন না, সেই জ্ঞান আপনাকে যদি কিঞ্চিৎ
শিক্ষা দি, তাতে আপনি কিছু মনে করবেন না।

জগ। এ তোমার কি ধরণের কথা?—সব্বদ
পাকা না হতে হতেই এরই মধ্যে আমার সঙ্গে
ঠাট্টা?—পাছে না উঠতেই এক কাঁধি?

তুলসী। অল্প লোক হ'লে ক্রুদ্ধ হয়ে মহা এক কাণ্ড
বাধিয়ে দিত, কিন্তু আমাদের সে স্বভাবই
নয়—আমরা এ সব বিষয়ে খুব মিঠে ভাবে চলি।
তাই আপনাকে আমি খুব বিনীতভাবে বলছি,
আমুন, আমরা দুজনে পরস্পরের মাথা ফাটা-
ফাটি ক'রে এর একটা মীমাংসা ক'রে
ফেলি।

জগ। কি ভয়ানক কথা—মাথা ফাটাফাটি ?

তুলসী। আজ্ঞে হাঁ, এখন এই দুটো লাঠির মধ্যে
যেটা হয় বেছে নিব।

জগ। না মশায়, মাথা ফাটাফাটি আমার দ্বারা হবে
না।

তুলসী। আজ্ঞে, সেটা করতেই হচ্ছে।

জগ। মশায়, আমাকে মাপ করবেন।

তুলসী। মহাশয় শীঘ্র কাজটা শেষ ক'রে ফেলুন,
আমার আবার অল্প কাজ আছে।

জগ। মশায়, আমি আপনাদের স্পর্শই বলছি, আমি
এ কাজে রাজি নই।

তুলসী। আমার সঙ্গে তবে আপনি মারামারি কর-
বেন না ?

জগ। না বাবা—আমার কর্ম নয়।

তুলসী। সত্যি করবেন না ?

জগ। না, মশায়, আমি ওতে নেই। (স্বগত) এ
যে ভয়ানক লোক দেখছি !

তুলসী। তা, আপনার যা ইচ্ছে। জোর ক'রে
আপনাকে আমি কিছু বলতে পারিনে।

(একটা লাগাম দিয়া বন্ধন)

জগ। আরে কর কি, কর কি ?—তোমার বোনটি
তো আমাকে সহশ ঠাওরেছিল, তুমি আবার
আমাকে ঘোড়া ঠাওরেছ না কি ?—রেখে দাও,
ও সব ঠাট্টা ভাল লাগে না।

তুলসী। আজ্ঞে, ঠাট্টা নয়। আমার কাজই এই।
আমি ঘোড়াও ব্রেক্ করি, বরও ব্রেক্ করি।

(সজোরে বন্ধন)

জগ। আরে লাগে—লাগে, লাগে, অত জোরে না
—অত জোরে না—এ সব বদ ঠাট্টা কেন দাদা ?

তুলসী। কে আছিস্ ?—ব্রেক্ গাড়িটা বের কর
তো রে !

জগ। (স্বগত) ও বাবা ! এ করে কি ?—সেই

৪৭—১৭

স্বপ্নটা সত্যি হয়ে দাঁড়ায় যে ! (প্রকাশ্যে)
আবার ব্রেক্ গাড়ি কেন ?

তুলসী। আজ্ঞে, পরে প্রয়োজন হ'তে পারে।

জগ। (স্বগত) এখন যে পালাতে পারলে হয়।
সত্যি ব্রেক্ গাড়িতে জুড়ে দেবে না কি ?

তুলসী। আপনার এখন স্বপ্না অভিক্রটি। দেখুন,
আমরা কোন কাজ কাউকে জোর ক'রে
করতে চাই নে। তাই বলছি, হয় আপনি
আমার সঙ্গে লাঠি নিয়ে মারামারি করুন,
নয়—

জগ। আমাকে দাদা মাপ্ করবে—দুয়ের মধ্যে
আপাততঃ আমি কোনটাই করতে পারছি নে।

তুলসী। করতে পারবেন না ?

জগ। না।

তুলসী। তবে, আপনি যদি অনুমতি দেন—

(যা কতক মুষ্টি প্রহার)

জগ। ও বাবা রে—গেলুম রে—খুন কল্লেরে !

তুলসী। আপনার সঙ্গে যে এইরূপ ব্যবহার করতে
হচ্ছে, তার জন্ত আমি বড় দুঃখিত, কিন্তু আমি
মশায় ছাড়ছি নে; হয় আমার সঙ্গে মারামারি
করুন—নয় আমার ভগ্নীকে বিবাহ করুন।
আপনার যেটা ইচ্ছে—আপনার ইচ্ছের বিরুদ্ধে
আমরা কোন কাজ করতে চাই নে।

জগ। মশায়, আমার ঘাট হয়েছে—আমার
ঝক্‌মারি হয়েছে—

তুলসী। কি ?—এখনও ঐ কথা ? (একটা
চাবুক হস্তে লইয়া)

নেপথ্যে। [দাদা ! আমি চাবুক মারব।—আমি
চাবুক মারব।

—আরে চূপ, চূপ, চূপ !]

জগ। (স্বগত) কি সর্বনাশ ! চাবুক ?—আমার
সেই স্বপ্নটা আগাগোড়া ফলে যে দেখছি !

তুলসী। আপনি কিছু মনে করবেন না—এখনও
যখন আপনি ইতস্ততঃ করছেন—এইবার বোধ
হয়, সহজে একটা মীমাংসা হয়ে যাবে।

(সশব্দে চাবুক আফালন করিয়া মারিতে উত্তত)

জগ। আচ্ছা—হয়েছে—হয়েছে—থামো থামো—
আমি—আমি—করব—করব—

তুলসী। কি ?—মারামারি ?



জগ । না না—বিবাহ—বিবাহ—সাতশো বার
বিবাহ—

তুলসী । আসুন তবে, এখন সিধে পথে আসুন ।
আপনি হচ্ছেন বড় লোক, আপনার সঙ্গে আমি
কি এইরূপ ব্যবহার করতে পারি ?—কেবল
দায়ে পড়েই এইরূপ কাজ করতে হয়েছিল—
আমাকে মাপ করবেন ।

জগ । (স্বগত) দায়ে পড়ে শেষে আমাকেও দেখছি
দারগ্রহ করতে হ'ল—কি করা যায়, বিধির
নির্বন্ধ !

তুলসী । রহুন, বাবাকে এইখানে ডাকি, তিনি শুনে
খুসী হবেন । বাবা ! বাবা ! শীঘ্র আসুন সব
ঠিক-ঠাক হয়ে গেছে ।

(রামকান্তের প্রবেশ)

তুলসী । বাবা, এই দেখ, জগমোহন বাবু এখন সিধে
পথে এসেছেন, উনি বিবাহ করতে রাজি
হয়েছেন, এখন আপনি একে কছাদান করতে
পারেন ।

রাম । চল বাপু—এখন তবে দালানে চল ।

জগ । চলুন, কোন্ দিকে আস্তাবলটা—ওঁ বিষ্ণু—
দালানটা, বলুন দিকি ?

রাম । এখান থেকে ঠিক সিধে ।

তুলসী । হাঁ, এখন উনি সিধে পথেই চলবেন ।

রাম । ওরে কে আছিস্ ?—এইবার বাজন্দারদের
বাজনা বাজাতে বল—বাড়ীর ভিতরে উলু দিতে
বল, বর আসছে রে বর আসছে ! আলোগুল
সব জালিয়ে দে—লুচি ভাজতে বল—টোপার
নিয়ে আয় ।

(একদিক দিয়া টোপার প্রভৃতি লইয়া লোকদিগের
প্রবেশ, আর দিক দিয়া সতীশের প্রবেশ)

জগ । ওই আমার নিখবর এসেছে—নিখবর
এসেছে ! ভায়া, তুমি ঠিক সময়ে এসেছ ।
“রাজ-দ্বারে শ্মশানে চ আস্তাবলে চ য তৃষ্ণতি স
বান্ধব” । মশায়, ইনি আমার সব বিষয়ের আম-
মোক্তার, ওঁকেই আমি একটু দিয়ে যাচ্ছি ।

তুলসী । কে আছিস্ ? ব্রেক্ গাড়িটা বের কর তো রে !

জগ । আরে না, না, না,—আমি ঠাট্টা কর-
ছিলুম—আমি সত্যই কি একটু দিয়ে যাচ্ছি ?
ঠাট্টাও বোঝ না ?—ছি ! তুমি তো ভারি
বেরসিক দেখছি হে !

সতীশ । বলি তুলসী দাদা, এ সব কি ?—লাগাম—
চাবুক ?—হাঃ হাঃ হাঃ !

তুলসী । আর কি, যম্বিন্ দেশে ষদাচার, আবার
কি ?

জগ । ভায়া, তোমাকে দেখে তবু একটু ভরসা হ'ল ।
তোমাকে আজ আর ছাড়িনি । দেখ, সর্বদাই
তুমি আমার কাছে কাছে থেকে ।

সতীশ । ওগো, বরকে এই বেলা কিছু খাইয়ে দাও—
দেখছ না, মুখটি শুকিয়ে একেবারে আম্শি
হয়ে গেছে ।

তুলসী । খাবার সব ঠিক আছে—কাজটা আগে
হয়ে যাক্ ।

জগ । না দাদা, ঢের হয়েছে ; আর খেয়ে কাজ
নেই ! সকাল থেকেই আজ খেতে শুরু করেছি
—এই প্রথম দফা আছাড় খেয়েছি—তার পর
গাল খেয়েছি—তার পর ঝাঁটা খেয়েছি—তার
পর লাথি খেয়েছি—তার পর চাবুক খেয়েছি—
তার পর কিল খেয়েছি—এখন বাকি আছে
কেবল খাবি খাওয়া—তারও আর বড় দেরি
নেই ।

সতীশ । তবে দেখছি, সব রকম হয়ে গেছে !

জগ । হাঁ, চর্য্য চোয় লেহু পেয়,—সমস্তই !

রাম । বাপু, এইবার তবে দালানে চল, আর বিলম্ব
নেই ।

জগ । চলুন—আপনি এগোন, (সতীশকে) ভায়া,
কাছে কাছে থেকে, তোমাকে আজ ছাড়ছি
নে—

সতীশ । যাক্, এত দিনের পর দারগ্রহ করলে,
ভালই হ'ল !

জগ । (ইসারায় তুলসীদাসকে নির্দেশ করিয়া) হাঁ
প্যাগদার করলে—দাস্তে প'ড়ে দান-
গ্রহ !—বুঝলে ? এখন চল—আস্তাবলে চল ।

[সকলের প্রস্থান ।

হিতে বিপরীত

[প্রহসন]

জ্যোতিরিন্দ্রনাথ ঠাকুর প্রণীত

[দ্বিতীয় সংস্করণ হইতে মুদ্রিত]

নাতিনীর শুভ-বিবাহে উপহার

নলিনি, জুটিল তোর স্বহৃদ ভ্রমর,
বিধি মিলাইয়া দিল মনোমত বর।
কি দিয়া তুমি তোর, কি আছে রতন,
সব্বলের মধ্যে মোর একটু ঘটন।
ঘতনে গাঁথিলু তাই বাক্যময় হার,
কৌতুক-যৌতুক এই লহ উপহার।

১৪ই বৈশাখ

১৩০৩ শাল।

—নূতন দাদা।

পাত্রগণ।

ভজ্জহরি

...

বাড়ীর কর্তা।

কুঞ্জবিহারী

: ...

ভজ্জহরির পৌত্র।

রামধন

...

ভজ্জহরির ভৃত্য।

থিয়েটারের দলপতি ও দলবল।



হিতে বিপরীত

প্রথম দৃশ্য।

ভজহরির বৈঠকখানা।

ভজ। ওহে, রামধন!

রাম। এজ্ঞে!

ভজ। তোমাকে বাপু একটি কথা বলি।

রাম। বলুন।

ভজ। বলি, তামাক জিনিসটা কি গাছে ফলে?

রাম। তামাক আবার গাছে ফলবে কি মশায়?

ভজ। তাই জিজ্ঞাসা করছি, গাছে ফলে না তো?
অনেক তদ্বিরে তৈরি হয়, তা তো জান?

রাম। এজ্ঞে, তদ্বির করতে হয় বৈ কি।

ভজ। পরস্য দিগে কিনতে হয় তা তো জানো?

রাম। এজ্ঞে, তা জানি বৈ কি।

ভজ। তবে বাপু রামধন, এ সব জেনেও যে তুমি
লোক এসে বসতে না বসতেই তামাক নিয়ে
হাজির কর, এর মানে কি বস দেখি।

রাম। এজ্ঞে, ভদ্রলোক এলে—

ভজ। ভদ্রলোক এলে হয়েছে কি? তাদের কি
বাড়ীতে তামাক জোটে না? এখানে কি তারা
তামাক খেতেই আসে?

রাম। এজ্ঞে, এবার থেকে কেউ এলে আর তামাক
দেব না।

ভজ। এই দেখ, রামধন, তুমি আমার কথাটাই
বুঝলে না। তামাক কি একেবারে দেবে না বলছি?
দশবার "তামাক দে" "তামাক দে" বলতে বলতে
একবার নিয়ে এলে—গেরস্ত ঘরে এই রকম ক'রে
কাজ করলে তবে একটু সাশ্রয় হয়—বুঝলে?

রাম। এজ্ঞে, বুঝছি—আমি তবে এখন যাই—
বাজার-হাট করতে হবে।

[প্রস্থান।

ভজ। আর শোনো রামধন! গেছে না কি!
রামধন!—রামধন!

(রামধনের পুনঃপ্রবেশ)

রাম। (স্বগত) আঃ, জ্বালাতন করলে! (প্রকাশ্যে)
এজ্ঞে!

ভজ। টিকে তামাকের রোজকার-রোজ হিসেবটা
রাখ তো?

রাম। রাখি বৈ কি! আমার মশায় বেলা হয়ে
যাচ্ছে।

[প্রস্থান।

ভজ। আর শোনো রামধন! ওহে রাম!—রাম?
কোথায় গেলে হে?

(রামের পুনঃপ্রবেশ)

রাম। (স্বগত) ভারি বিপদ করলে দেখছি।
এইবার শুনেই একেবারে পিটান দেব। (প্রকাশ্যে)
এজ্ঞে!

ভজ। বলি, রামধন, পাতের তুণ তো আমি সব
খাইনে—খানিকটা প'ড়ে থাকে। সেটুকু উঠিয়ে
রাখ তো?

রাম। পাতের এঁটো তুণ আবার উঠিয়ে রাখব
কি, মশায়?

ভজ। না হে না, তুণ ঝেঁটিয়ে ফেলো না। সেটুকু
প'ড়ে থাকবে, উঠিয়ে রেখে দিও। পরে কাজে
দেখবে। তুণ কখন এঁটো হয় না। বুঝলে?

রাম। আর কি বলবার আছে বলুন, একেবারেই
শুনে যাই।

ভজ। তুমি বাজারে যাচ্ছ, আট পরস্যার ভাল জল-
পান নিয়ে এসো দিকি,—বড়বাজার থেকে ভাল
জলপান, বুঝলে? বেশ গরম গরম—

রাম। কি আন্ব বলুন দিকি?

ভজ। এই রসগোল্লা,—পানতোয়া—বৌদে—খাজা
—গজা—আর খানকতক কচুরি—তার সঙ্গে
আলুর দমও যেন থাকে।—আর ভাল কথা,
খান-কতক গরম গরম জিলিপিও এনো।

রাম। দিলেন তো ছ গণ্ডা পয়সা, আর জিনিস
ফরমাস দিলেন এক টাকার মত।

ভজ। দেখো, তাই ঢের হবে। আট পয়সা বুঝি
বড় কম হ'ল? কত কাহন কড়িতে এক পয়সা
হয়, সে জ্ঞান আছে? আট পয়সায় হবে না
তো কি, ঢের হবে।

রাম। তা, আট পয়সায় যা পাই, তাই আনব।

ভজ। আর দেখ, যদি রাবড়ি ভাল পাও তো নিয়ে
এসো—তাতে যেন বেশ একটু গোলাপ জলের
গন্ধ থাকে। দেখ বাপু, আমরা আফিমখোর
মানুষ, আমাদের একটু মিষ্টান্ন না হ'লে চলে না।

রাম। তা, যা পাই, নিয়ে আসবো। (স্বগত)
বাবুর খাবার সখটি বিলক্ষণ—অথচ পয়সায়
বেলা টানাটানি। যাই, আট পয়সায় দুইচার-
খানা জিবে গজা যা পাই, নিয়ে আসি। আট
পয়সায় আর কত হবে? আর কোন্ না এক
পয়সা আমি ও-থেকে সরাব। এই রকম ক'রে
মাহিনেটা তো পুষিয়ে নিতে হবে। ২১০ টাকা
মাহিনে—তাও তো ছ মাস পাই নি।

ভজ। কি ভাবছ রাম, দেখো, ওতেই হবে।

[রামের বহির্গমন।

(স্বগত) রাম বেটা ভারি চোর। এতগুল
পয়সা নিলে, আর দেখনা ঠোঙ্গা ক'রে কি এক
রক্তি নিয়ে আসবে এখন। ওর সঙ্গে আর পারা
যায় না। আবার বিবাহ না করলে আর
চলছে না। ঘরে গিন্নী না থাকলেই যত দুর্দশ।
কেই বা দেখে, কেই বা শোনে। না—বিয়েটা
করতেই হচ্ছে। লোকে একটু হাসবে, এই বৈ
তো নয়—তাতে আর কি—আমার টাকা তো
বাঁচবে—আর আমার বয়সও এমনই কি হয়েছে
—হন্দ ৭০ বৈ তো নয়—লোকে যে ৯০ বৎসরেও
বিয়ে করে—তা পুরুষমানুষের এতে লজ্জা কি!
(প্রকাশ্যে) রামকে একটি কনের সন্ধান করতে
বলতে হচ্ছে,—রাম! রাম! ও রাম! ওর
রামা!

রাম। এই বাজারে যেতে বললেন,—আবার
ডাকছেন কেন? ঘড়ি ঘড়ি এরকম ডাকলে
কাজ চলবে কি ক'রে?

ভজ। বাপু, অত চটো কেন?—একটা তোমার
সঙ্গে পরামর্শ আছে।

রাম। কি বলবেন বলুন—বাজারের সময় হয়ে
গেল।

ভজ। (করুণ-স্বরে) দেখ রাম, সংসারে তুমি বই
আমার কেউ দেখবার লোক নেই—তাই আমার
জন্ম তোমায় বড়ই কষ্ট পেতে হয়—কিন্তু
তোমার কষ্টের যাতে লাঘব হয়, তার উপায়
আমি একটা ঠাওরেছি। আমি আবার একটি
চতুর্থ পক্ষ করতে চাই, বুঝলে রাম?

রাম। (স্বগত) তা হ'লে আমার পক্ষেও ভাল হয়—
পয়সা-কড়ি তা হ'লে কিছু পাওয়া যায়। কর্তার
হাতে তো জল গলবার যো নেই। (প্রকাশ্যে)
এজ্ঞে, তা হলে ভালই হয়—আপনার এই বুদ্ধ-
বয়সে একটি সেবাদাসী হ'লে বড়ই ভাল হয়—তা
আমি একটি কনের সন্ধান দেখছি।

ভজ। দেখো রাম, ভুলো না—কিন্তু তাও তোমাকে
ব'লে রাখছি, ঘটক বিদায় আমি ছ টাকার
বেশি এক পয়সা দেব না।

রাম। এজ্ঞে, সে কথা পরে হবে—এখন তো
সন্ধান করি—এইবার বাজারে চলুন—আর
ডাকবেন না।

[বহির্গমন।

ভজ। রাম!—রাম!—ও রাম!—রামচন্দ্র!—
রামহরি! ও রামভদ্র!

রাম। আঃ! ভাল জালা! আবার ডাকছেন
কেন?

ভজ। রাম, তুমি অত চট কেন?

রাম। এজ্ঞে, চটব কেন? কিন্তু রাতদিন ডাকা-
ডাকি করলে চলবে কি ক'রে? এখন কি হুকুম
বলুন!

ভজ। দেখ বাপু রাম, আমি রংটং চাই নে, রূপটুপ্
চাই নে, ছচারটে পাকা চুল তুলতে পারবে—
আর খুব হাত কমা হবে—নিজির ওজনে
খরচপত্র করবে, বুঝেছ? আমি এই শুধু চাই।

রাম। এজ্ঞে, তা হবে। আমি এখন চললাম।

[প্রস্থান।

(কুঞ্জবিহারীর প্রবেশ)

কুঞ্জ। দাদামশায়, আমার থিয়েটারের বজুরা খাঁট
দেবার জন্ম আমাকে ধরেছে—কিছু টাকা দিতে
হবে।



ভজ। যাও যাও—আমি এখন কিছু দিতে পারি
নে। খ্যাটু আবার কি? তারা বাড়ীতে খেতে
পায় না নাকি?

কুঞ্জ। দাদামশাই, বলেন কি? বাড়ীতে খেতে
পেলেই হ'ল? লোকের বাড়ী ভদ্র লোকের
নিমন্ত্রণ আমন্ত্রণ হয় না কি?

ভজ। কথায় তোমার সঙ্গে পারবার জো নেই—
ভারি জেঠা হয়ে পড়েছ। আমার হাতে পয়সা
নেই, যাও। আমাকে এখন বিরক্ত ক'রো না।

কুঞ্জ। (ছুথের ভাণ করিয়া চোখ পুঁছিতে পুঁছিতে
গমনোচ্ছত)

ভজ। (আদরের স্বরে) ও কুঞ্জ! কুঞ্জবিহারী—
শোনো—শোনো বলি!

কুঞ্জ। কি দাদামশাই, আবার ডাকছেন কেন?

ভজ। সত্যি তোমার বন্ধুদের খাওয়াতে হবে?—
আচ্ছা, (বাক্স খুলিয়া দুইটা টাকা বাহির করিয়া)
এই নেও ভাই (টাকা প্রদানোচ্ছত)

কুঞ্জ। দাদামশাই, আমাকে ঠাট্টা করছ না কি?
হু টাকার ভদ্রলোকদের খাওয়ান যায়? ৮।১০
জন লোক জলপান খাবে, হু টাকায় কি হবে?

ভজ। হু টাকার ভেসে যাবে। দেখ, প্রত্যেকের
পাতে দুটো দুটো ক'রে রসগোল্লা দিও—দুটো
দুটো কচুরি দিও—চারটি মুগের ডাল ভিজনো
দিও—তার সঙ্গে একটু আদা কুচি দিও—আর
কি চাই? আর দেখ, এখন সময়টা বড় খারাপ
—চারিদিকে কলেরা। বুঝলে?

কুঞ্জ। দাদামশাই, বলেন কি? আপনার মত
তারা তো আর পেটরোগা নয়—তারা যে খুব
ঘণ্টা—দিব্যি খেতে পারে—ওতে তাদের কি
হবে—ওতে যে নস্তুও হবে না।

ভজ। আরে, তুমি ছেলেমানুষ, কিছু বোঝো না,
ওতে ঢের হবে। রাম আসুক, আমি সব
বন্দোবস্ত ক'রে দেব এখন—এই নাও, দুটো
টাকা নিয়ে যাও।

কুঞ্জ। আপনার টাকা বাক্সের ভিতর রেখে দিন।
আমার দরকার নেই।

[প্রস্থান।

ভজ। আঃ! কি মুন্ডিলেই পড়েছি গা!—গিন্নী
থাকলে এই সব খির্কিচ পোয়াতে হয় না। যা
কিছু করবার, সেই করে। গিন্নী বরে থাকলে

আমি ছদও নিশ্চিত হয়ে হরিনাম কন্তে পারি,
—বিয়েটা আমাকে করুতেই হচ্ছে—লোকে যাই
বলুক!

[প্রস্থান।

দ্বিতীয় দৃশ্য

(কুঞ্জবিহারীর বৈঠকখানা)

কুঞ্জবিহারী।

কুঞ্জ। (স্বগত) আমার থিয়েটারের দল-বল এখন
আসবে—এসেই দেখছি খ্যাটুের কথা পাড়বে।
তাদের একদিন না খাওয়ালে তো আর মান
থাকে না। দাদার কাছ থেকে একটা কোন
ফন্দী ক'রে টাকা আদায় না করতে পারলে তো
আর চলছে না। এমনি সহজে বুড়োকে পারা
যাবে না।

(থিয়েটারের দল-বলের প্রবেশ)

দলপতি। শুভ্ মর্নিং কুঞ্জ বাবু!

কুঞ্জ। এত রাত্রে শুভ্ মর্নিং?

দলপতি। কি জানেন কুঞ্জ বাবু, আমাদের কিবা
রাত্রি কিবা দিন!

অন্য সকলে। বাহবা! বেড়ে জবাব দিয়েছে—
“কিবা রাত্রি কিবা দিন”—হাঃ হাঃ! হাঃ! হাঃ!
(হাস্ত) নিধু বাবুর কথায় না হেসে থাকা যায়
না। হাঃ হাঃ হাঃ হাঃ!

কুঞ্জ। সবাই তোমরা বোমো। একটা কাজের
কথা আছে। তোমাদের আজ যে এত দেরি
হ'ল?

দলপতি। এই হাতীর পা-মশায়কে ধুঁজে আন্তে
এত দেরি হ'ল। উনি আবার গজেন্দ্র-গমনে
চলেন কি না!

সকলে। ঠিক বলেছ—গজেন্দ্র-গমনই বটে—হাঃ!
হাঃ! হাঃ! হাঃ!

দলপতি। কিন্তু বলতে কি—বড় সরেশ হাতীর পা
পাওয়া গেছে—হাতীর সামনের পা ও ঠিক
সাজতে পারবে। আর ঐ ব্যক্তিটি হাতীর
পিছনের পা দিব্যি সাজবে। আর ঐ লোকটি
হাতীর গুঁড় সাজবে। (কানে কানে) হাতীর
গুঁড়কে একটু বেশি টাকা করুতে হ'ল!

শুঁড়ের মতন ক'রে হাত দুটো অনেকক্ষণ উঠিয়ে রাখতে হবে কি না—তাই কাজেই একটু বেশি দিতে হ'ল। মোদ্দা কথা, কুঞ্জ বাবু, প্রহ্লাদ-চরিত্রের নাটকে এমন হাতী কলকাতার সহরে কোন থিয়েটারের ষ্টেজে আনতে পারবে না—তা বেঙ্গল থিয়েটারই কি, আর ষ্টার থিয়েটারই কি—লোকে যদি জল-জ্যাস্টো আসল হাতী না ঠাওরায় তো আমার নাম নেই—এই এক কথা আমি ব'লে দিলুম।

কুঞ্জ। (স্বগত) তুমি আমাকে এমনই হস্তিমূর্খ ঠাওরেছই বটে। এদের তো আর টাকা যুগিয়ে উঠতে পারছিনে—আমার সেই কাজটা উদ্ধার ক'রে নিয়েই এদের একেবারে বিদায় দিতে হবে। কিন্তু এমনি চক্ষুজ্জ্বা—

দলপতি। হাতীর রিহাসালটা এখন তবে আরম্ভ ক'রে দেওয়া যাক। কুঞ্জ বাবু, দেখে নিয়ো, ষ্টেজে হাতী এলে যদি অর্ডিয়েন্স থেকে পাঁচশো এনকোর না পড়ে তো কি বলেছি। ভাল কথা কুঞ্জ বাবু, আমাদের সেই খ্যাটের কি হ'ল?

কুঞ্জ। (স্বগত) রামের কাছে যে রকম গুন্তে পাই, তাতে মনে হয়, দাদামহাশয় বিলক্ষণ বিয়ে-পাগলা হয়ে উঠেছেন। এই স্বযোগে টাকা আদায় করকার বেশ একটা ফন্দি মনে হয়েছে।

দলপতি। কুঞ্জ বাবু, আপনাকে আজ একটু ভাবিত দেখছি কেন বলুন দেখি?

কুঞ্জ। ভাই, তোমাদের কাছে সব কথা খুলে বলাই ভাল—তোমরা হচ্ছ আমার পরম বন্ধু, তোমাদের কাছে না বলব তো কার কাছে বলব বল। তোমরা তো আমার দাদামহাশয়ের কথা অনেক শুনেছ—তিনি কি রকম কণ্ঠস্ব লোক তা তো তোমরা জানই।

দলপতি। তা আর জানিনে—সে কে না জানে! কুঞ্জ। তাঁর কাছ থেকে টাকা বের করা বড়ই মুক্ছিল—তবে একটা ফন্দি আমার মনে হয়েছে, তোমরা যদি আমাকে সাহায্য কর, তা হ'লে হ'তে পারে।

সকলে। অবশ্য, অবশ্য, আমরা খুব সাহায্য করব।

কুঞ্জ। কথাটা হচ্ছে এই—আমার দাদামহাশয়ের বড় বয়সে ধেড়ে রোগ হয়েছে—তিনি আবার চতুর্পংসার করতে চান। তোমাদের মধ্যে একজন যদি কনে—একজন কনের বাপ, আর, একজন ষটক সাজতে পার, তা হ'লে আমাদের কাজ অনায়াসে উদ্ধার হ'তে পারে।

দলপতি। আর বলতে হবে না—বেশ হবে।

সকলে। এ আমরা খুব পারব।

দলপতি। ওহে, তোমাকে কনে সাজতে হবে, তোমার গলাটা মিহি আছে—আর, গজেন্দ্র-গমনে চলাটাও তোমার খুব রফত আছে।

একজন। আমি মেয়ে সাজতে বেশ পারব—বুড়োকে যদি ভোগা না দিতে পারি তো কি বলেছি। লজ্জার ভান ক'রে, ঘোমটা দিয়ে মুখ এমন ঢেকে থাকব যে, শিবের বাবাও টের পাবে না।

দলপতি।—আর, ওগো, হাতীর পিছনের পা, তুমি বাপ সেজো—আর আমি ষটক সাজব। বুঝলে?

সকলে। তা আমরা বেশ পারব।

কুঞ্জ। আচ্ছা, তবে তোমরা আমার সঙ্গে এসো। রামের সঙ্গে পরামর্শ ক'রে একেবারে সমস্ত পাকাপাকি ক'রে ফেলি।

[সকলের প্রস্থান।

তৃতীয় দৃশ্য

ভজহরির বৈঠকখানা।

ভজহরি আসীন।

(রামের প্রবেশ)

রাম। এসে, সব ঠিক করেছি।

ভজ। এর মধ্যেই ঠিক করেছ? আ! বেঁচে থাক বাপু। কবে নিয়ে আসবে বল দিকি? আমার তো আর ঘটা করবার দরকার নেই—যে দিনই আনবে, সেই দিনই নম-নম করে সব কাজ শেষ ক'রে ফেলা যাবে। বড় বয়সে বিয়ে, এতে তো আর ধুমধাম নেই।

রাম। এজ্ঞে, সব তৈরি। বাইরে কনে, কনের
বাপ, ঘটক, পুরুত, সব হাজির। হুম দিলেই
নিয়ে আসি।

ভজ। সত্যি না কি? কি আশ্চর্য্য! আমার যে
ছই হাত তুলে নাচতে ইচ্ছে কচ্ছে—অ্যা!—
না জানি আজ কার মুখ দেখে উঠেছিলুম!
তোমাকে বাপু মন খুলে আশীর্বাদ করছি।
ওদের তবে নিয়ে এসো—“গুভয় শীঘ্র”—
বুঝলে কি না?

(সকলের প্রবেশ)

ঘটক। নমস্কার মশায়—ইনি কনের বাপ—
আপনার বেহাই—ওঁ বিষ্ণু—আপনার খণ্ডর
—আর এই কনে। কনেটি বড়ই সুশীলা ও
সুসঙ্গীত আর এমন লজ্জাশীলা যে কি বলব—
বাপের বাড়ীতেও দেখেছি, রাতদিন ঘোমটা দিয়ে
থাকে—কারও পানে মাথা তুলে চায় না।

বাপ। অত কথায় কাজ কি, আমি ওর যে বাপ,
আমার কাছেই মুখ দেখায় না, তো অতপরে কা
কথা। লোকে বলে ভারি সুন্দরী, এই পর্য্যন্ত
আমি কানে শুনেছি।

ভজ। সুন্দরী-টুন্দরী কোন কাজের কথা না—
আসল কথা হচ্ছে, লজ্জা। লজ্জাই স্ত্রীলোকের
অলঙ্কার। সে তো ভালই। মুখ নাই দেখলুম।
পায়ের গড়ন দেখেই বেশ বোঝা যাচ্ছে।

ঘটক। তবে মশায়, বলতে কি, একটি দোষ আছে।
ভজ। দোষ আছে না কি?

ঘটক। সব কথা বলা ভাল, শেষে আবার আমাকে
দুষবেন—দোষের মধ্যে মেয়েটির হাত বড় কথা!

ভজ। হাত কথা? সত্যি না কি?—তাই তো আমি
চাই—তবে তো ঠিকই হয়েছে—এ আবার দোষ
কি, এ তো মহৎ গুণের মধ্যে ধর্ষব্য।

কনে। (বাপের কানে কানে ফিস্‌ফিস্‌)

বাপ। দূর বেটি!—সেও কখন হয়?

ভজ। উনি বলছেন কি?—

বাপ। ঘটক মশায় যা বলেছেন, তা ঠিক—ঐ দোষটি
না থাকলে বড়ই ভাল হত—অভাগার বেটি বলে
কি শুনেবন—আপনার প্রদীপে ছোটো সলুতে
পুড়ছে—তার দরকারটা কি—একটা সলুতেই
তো যথেষ্ট আলো হয়।

ভজ। সত্যি না কি?—ছোটো সলুতে পুড়ছে না কি?
(লাফাইয়া উঠিয়া) এ রামের কীর্তি—রাম—
রাম—বেটাকে খবচ কমাতে এত বলি, তা
কিছুতেই শুনবে না—এইবার বাছাধন, শক্ত
হাতে পড়বে। (বাপকে) বাপু, তোমার কণ্ঠে
একটি অমূল্য রত্ন—আমার ভাগ্যে এমনটি
জুটবে, তা আমি জানতুম না।

বাপ। মশায়, বলব কি, আমার তামাকটুকু পর্য্যন্ত
মেপে দেয়—আমি যেই ঘর থেকে বেরিয়ে যাই,
অম্নি প্রদীপটা নিবিয়ে দেয়।

ভজ। সত্যি না কি?—কি আশ্চর্য্য! আমি যা
চাই, আমার ভাগ্যে দেখছি তাই ঘটেছে।
মশায়, আর না—চলুন দালানে যাওয়া যাক—
গুভয় শীঘ্র। কি জানি যদি আবার—

(কুঞ্জবিহারীর প্রবেশ)

কুঞ্জ। আমি রসুনচৌকি ডেকে এনেছি। দাদামশায়,
একটু ঘটা করতে হবে।

ভজ। এই দেখ পাগলামি!—আবার রসুনচৌকি
ডাকতে কে বলে?—তোমার যত অনাসিষ্টি—
রসুনচৌকি দূর ক'রে দেও—ওদের আমি এক
পয়সাও দেব না।

কুঞ্জ। দাদা মশাই, তোমার পয়সা দিতে হবে না—
আমার থিয়েটারের দলের লোক—ওরাই বিনি-
পয়সায় বাজাবে।

ভজ। তাই বল—তা গুভকার্য্যে একটু বাজনা-
বাঞ্জি হ'লে কিছু ক্ষতি নাই। দেখ, ভাল ভাল
রাগ বাজাতে বল—এখন রান্তির—এখন ভৈরবী
বাজাতে বল—যখনকার যে রাগ—কি বলেন
মশায়?

কুঞ্জ। দাদামশায়, আপনার কিসে রাগ, কিসে
বিরাগ হয়, আমি তো কিছু বুঝতে
পারি নে।

ভজ। ভায়া, তুমি চটেছ না কি?—আমি বড় মানুষ,
কখন কি বলি, ও সব কিছু মনে ক'রো না—
এখন চল, দালানে চল। না না, তোমরা এগোও,
আমি আসছি। কুঞ্জ ভায়া, তুমি একটু থাক;
রামের সঙ্গে একটু পরামর্শ আছে। ও রাম,
ও রাম! ও রামচন্দ্র!

[থিয়েটারের দলবলের প্রস্থান।]

(রামের প্রবেশ)

রাম। এজ্ঞে।

ভজ। দেখ রাম, দেবী ক'রো না, এখন সব উয়ুগ ক'রে ফেল। শুভশ্র শীঘ্রং—বুলে কি না?

রাম। উয়ুগ সব হয়েছে; এখন একটু রোসনাই করা দরকার, কিছু পয়সা দেন, বাজার থেকে পিদিম কিনে আনি।

ভজ। এই দেখ, আবার পয়সা, পয়সা নৈলে কি তোমার চলে না? কেবলই পয়সা—পয়সা—পয়সা! পয়সা বৈ তোমার আর কোন কথা নেই। ভাল জালা!

রাম। পয়সা নৈলে পিদিম কোথেকে আসবে, মশাই!

ভজ। পিদিমের ভাবনা কি? বছর দুই আগে দেওয়ালীর সময় যে পিদিম জালা হয়েছিল, সেগুলো ঝাঁটিয়ে ফেল নি ত? সেগুলো আছে ত?

রাম। সে তেল-বুল-মাথা ভাঙা-চোরা পিদিম কি আর আছে!

ভজ। আছে—আছে—আছে। দেখ গে যাও শুদম ঘরের দক্ষিণ কোণায় একটা বুড়ির মধ্যে আছে—আমি তাংড়ে রেখেছিলুম; দেখ গে যাও। দেখ রাম, ছ-চারটে পিদিম নিও—তার বেশি না। বেশি তেল পুড়িও না।

[রামের প্রস্থান।]

(মাথা চুলকাইতে চুলকাইতে রামের পুনঃ প্রবেশ)

ভজ। আবার কি?

রাম। এজ্ঞে, একটা টোপর চাই—তার জন্তুও যে কিছু টাকার দরকার।

ভজ। পয়সা ছেড়ে এখন আবার টাকা! কি জালা! যাও, আমার টোপর-ফোপরের দরকার নাই—যাও, সে সব পরে হবে। জালাতন করলে আমাকে!

[রামের প্রস্থান।]

কুঞ্জ। দাদামশায়! সে কি কথা, টোপর যে এখন চাই, তা নৈলে বিয়ের যে দেবি প'ড়ে যাবে।

রীত, রক্ষা করা ত চাই। তা না করলে কতাপক্ষরাও বেঁকে দাঁড়াতে পারে।

ভজ। অ্যা, তারা বেঁকে দাঁড়াবে? তুমি ভায়া, তবে যা ভাল বোক, তাই কর। একটা টোপর ধার-ধোর ক'রে আনলে চলত না কি, ভায়া? মিছি-মিছি পয়সা নষ্ট করা কেন? আর কতক্ষণেরই বা মামলা।

কুঞ্জ। দাদামশায়, আচ্ছা, তাই হবে। তোমার পয়সা লাগবে না। একটা ফুলের টোপর, আমার থিয়েটারের লোকেরাই তৈরী ক'রে দেবে।

ভজ। ফুলের টোপর? তাতে রাংতা, দরি-টরি নেই, কেবল ফুলের সাজ! সে তোকা হবে! বরের একটা টোপর চাই বৈ কি, টোপর নৈলে কি বিয়ে হয়?

কুঞ্জ। তাতে আবার ইংরাজীতে Fool's cap অর্থাৎ ফুলের টোপর লেখা থাকবে। তা হ'লে বুঝতে আর কারও বাকী থাকবে না।

ভজ। তা বেশ ত—তা বেশ ত। বেঁটে থাক, ভায়া, তোমার অনেক রকম ফন্দি আসে, দেখছি। এখন চল, শুভশ্র শীঘ্রং।

[উভয়ের প্রস্থান।]

চতুর্থ দৃশ্য

বৈঠকখানা

(হানিতে হানিতে থিয়েটারের দলবলের ছ-চার জনের প্রবেশ)

- ১। আজ ভাই, খুব রগড় হবে। হাঃ হাঃ হাঃ!
 - ২। বুড়োটা আজ খুব নাকাল হবে। হিঃ হিঃ হিঃ!
 - ৩। কুঞ্জবাবু যন্ত্র-টন্ত্র নিয়ে এইখানে আমাদের বসতে বলেছেন। আজ আমাদের বিয়ের বাজন্দার হ'তে হবে। ভারি মজা—হাঃ হাঃ হাঃ!
- দলপতি। আর যন্ত্র-টন্ত্রও ত আমাদের ঠিক আছে। দেখ, তোমার বাণী, তোমার বেহালা, আর তোমার হারমনিয়ম আর আমি চোলের তালে বাঁয়া বাজাব।

সকলে। তা বেশ হবে, বেশ হবে। আমরা এক রকম চালিয়ে দেবো। আর দাদা ত আমাদের

তালের ওস্তাদ। উনি দমাদম বায়া পিটিয়ে দেবেন।

১। ওস্তাদ ব'লে ওস্তাদ, উনি একটা তালের বিষয়ে বই লিখেছেন, জান ?

সকলে। সত্যি নাকি—সত্যি নাকি ? দাদার পেটে এত বিত্ত আছে, তা ত জানতুম না।

১। দাদা তালে সিদ্ধহস্ত, তা কি দাদার টেবিল বাজানতেই মালুম হয় নি ?

২। তা আর জানি নে ? দাদা যেমন তাগে সিদ্ধ, তেমনি বেতালেও সিদ্ধ, দাদা তালবেতাল সিদ্ধ।
হাঃ হাঃ হাঃ (হাস্ত)

সকলে। (উচ্চহাস্ত) হাঃ হাঃ হাঃ! তাল-বেতাল-সিদ্ধই বটে! হাঃ হাঃ হাঃ!

২। দাদার মুখে তাল, আর হাতে বেতাল।
হাঃ হাঃ হাঃ!

সকলে। হাঃ হাঃ হাঃ! (হাস্ত)

দলপতি। দেখ, এ তোদের প্যা-পো নয় রে, এ তোদের প্যা-পো নয়। এ তাল—এ বড় শক্ত জিনিস!

২। শক্ত নয় ? দাদার হাতের তাল, ভাদ্র মাসের তাল বললেই হয়।

৩। আর দাদার টাটিতে তব্‌লাটা একেবারে ত্রাহি মা ত্রাহি মা ডাক ছাড়ে।

সকলে। (হাস্ত)

দলপতি। আমার তাল নিয়ে ঠাট্টা ? জানিস, আমি তালে বসি, তালে উঠি তালে খাই ডাল-রুটি ?

একজন। (অন্ত একজনকে) ওহে তুমি আমাদের সুরের তরফ থেকে একটা পার্টাই জবাব দিয়ে দেও না।

আর একজন। জবাব দেব ? আমরাও দাদা ;—

সুরে হাঁচি, সুরে কাসি,
সুরে নাক-ডাকাই বাঁশী।

(সকলের উচ্চহাস্ত)

একজন। হাঃ হাঃ হাঃ হাঃ—নিধুবাবু নৈলে এমন জবাব দেয় কে ? “সুরে হাঁচি, সুরে কাসি, সুরে নাক ডাকাই বাঁশী।” হাঃ হাঃ হাঃ (হাস্ত)

দলপতি। তোরা এখন ঠাট্টা করছিস্! যখন বইটা বেরুবে, তখন দেখিস, চারিদিকে একটা হৈ-টৈ

প'ড়ে যাবে। তোরা মুখ্য, তোরা তালের বৃষিস্ কি ?

১। আচ্ছা দাদা, বইটার কি নাম দিয়েছ বল দেখি ? দলপতি। নাম শুনলে তোরা একেবারে আঁৎকে উঠবি। সে নাম তোদের মুখেই আসবে না। নামটা হচ্ছে “বোল-তাল-তরঙ্গভঙ্গ-মৃদঙ্গ-কল-কল্লোলিনী”।

সকলে। (হাস্ত)

১। ওই নামের ভিতরেই একহাত মৃদঙ্গ বাজিয়ে দিয়েছ যে, দাদা! বলি হারি যাই (হাস্ত) না, দাদা, ও আমাদের মুখে আসবে না সত্যি। এ যেন ট্রেনের গাড়ী চলছে। (হাস্ত)

২। কথাগুলো কি, দাদা, “অঙ্গ, বঙ্গ, কলিঙ্গ ?”

৩। নামটা কি, দাদা, “কালিন্দী-জল-কল্লোল-কোলা-হল-কুতূহলী ?”

দলপতি। দূর মুখ্য! তোদের কাছে বলাও যা, উলুবনে মুক্ত ছড়ানও তা। তোরা নাম শুনেই আঁৎকে উঠেছিস, আবার যখন আমার তালের বোল শুনবি, তখন তোদের আঁকল গুত্তুম হবে।

সকলে। বল না দাদা, বল না। আমরা শুনব। রাগ ক'রো না, দাদা, আমরা তামাসা করছিলাম। বাস্তবিকই দাদা আমাদের তালের ওস্তাদ, গোলাম বক্স-টক্স কোথায় লাগে!

দলপতি। শুনবি ? আচ্ছা; দেখ—এই বোলগুলো লিখে রাখ, পরে তোদের কাজে লাগবে। আমি এক-একটা বোল বোলব, আর তোরা পড়োর মত আওড়াবি, বুঝলি ?

সকলে। বেশ—বেশ, আমরা তাই করব। (হাস্ত)

দলপতি। (পকেট হইতে চোতা বাহির করিয়া) তবলার বোল কাওয়ালী, শোন্ তবে—ধা ধিন্ ধিন্ ধা। ধা ধিন্ ধিন্ ধা। ধা তিন্ তিন্ তা। না ধিন্ ধিন্ ধা ॥ কথার বোল—রাত দিন্ দিন্ রাত। থাকেন চিংপাত। আফিম : মোতাৎ—আফিম মোতাৎ ॥

সকলে। (সমবেত সুরে রাত্ দিন্ দিন্ রাত্ ইত্যাদি) হাঃ হাঃ হাঃ! ও বলাই ভায়া, আফিম্ খাবার 'সময় এই বোলটা যেন মনে থাকে।

দলপতি। ঝাঁপতাল—

ধাগে ধাগে তিন নাকে ধাগে ধিন্ ॥
কথার বোল— ॥ তাকে ধরিতে নাকে দড়ি দে ॥

সকলে। [সমবেত স্বরে] তাকে ধরিতে নাকে
দড়ি দে। [হাস্ত]

দলপতি। সুর ফাঁকতাল—

॥ ধা ঘেনে নাগ্-দিগ্। ঘেনে নাগ।
গদ্যী ঘেনে নাগ ॥

কথার বোল—

॥ তো সবে দিক্ দিক্। শতদিক্।
খাইবি রে কত দিক্ ॥

সকলে। [সমবেত স্বরে “তো সবে দিক্ দিক্ ইত্যাদি
হাস্ত] হাঃ হাঃ হাঃ! ও নিতাই ভায়, আফিস
যাবার সময় এই বোলটা যেন মনে থাকে।
হাঃ হাঃ হাঃ!

নেপথ্যে। [শঙ্খধ্বনি—হলুধ্বনি]

সকলে। ওই শাঁখ বেজেছে—শাঁখ বেজেছে, এইবার
সুর ক’রে দাও। (কনসার্ট বাদন)

নেপথ্যে। ও কুঞ্জ! খুব জোরে বাজাতে বল। এই
সময়ের রাগ—ভৈরবী—ভৈরবী।

[সকলে জোরে বাদন]

নেপথ্যে। [পুনঃ হলুধ্বনি]

সকলে। আয় ভাই, এইবার বুড়োটার মজা দেখে
আসি।

[সকলের প্রস্থান।

পঞ্চম দৃশ্য

বাসর-ঘর

ক’নের সহিত Fcols. Cap পরিহিত
ভজহরির প্রবেশ।

ভজহরি। [স্বগত] বিয়েটা তো খুব নম নম ক’রে
সেই ফেলা গেল। যা হোক, এবার গিন্নীটি
আমার বেশ মনের মত হয়েছে। (নিজের
পিঠ গা চাপড়াইয়া) আঃ! কি মশা!

কনে। এই একটা! [ভজহরির পিঠে চাপড়]—
এই একটা!—[মারিয়া] উ!

ভজ। [মুখ শিটকাইয়া] হয়েছে হয়েছে—তুমি অত
কষ্ট ক’রো না। [স্বগত] হাতটি যে বিলক্ষণ
কম্বা, তা এক-এক চাপড়েই মালুম হচ্ছে। আঃ
ভাল আলা!—রাম ধুনো দেবার জন্ত রোজ

আমাকে বলে—তা পরস্য বেবু করা চেয়ে
মশার কামড় ভাল। যা হোক—মশারাই আজ
আমার বাসর-ঘরের আসর জমিয়েছে—ঠাট্টার
সম্পর্কের মধ্যে এরাই তো এক দেখছি।
[প্রকাশ্যে] বলি, ও গিন্নি!—বাসর-ঘরটা বড়
নেড়া-নেড়া ঠেকচে যে—আমার কি কোন শালী
নেই?

কনে। শালীদের চাই—এই আমি ডেকে আনছি।

[খুব মল ঝম্ঝম্ করিয়া ভঙ্গী সহকারে প্রস্থান।

ভজ। এর আগে আমার তিন তিনটে গিন্নী হয়ে
গেছে—কিন্তু এ রকম চলবার ঠমক্ তো আগে
কখন দেখিনি। চরণ দুটি দেখি ঝাড়া আঠারো
ইঞ্চি—চলচে না তো, যেন ঢেঁকির পাড় পড়ছে।
এতেই বোধ হচ্ছে, খুব জ্বরদস্ত গিন্নী হবে।
রাম এইবার জল! বাছাধন এর কাছে টুঁ শব্দ
করতে পারবে না। শালীদের হাতও এই রকম
কম্বা নাকি? কথাটা তুলে বড় ভাল করলুম
না। [বাক্সের নিকটে গিয়ে বাক্স খুলিয়া টাকা-
গুলি নিরীক্ষণ] বাঃ, দেখে চক্ষু জুড়িয়ে যায়।

(স্ত্রীলোকের বেশে দুই তিন জনের ও
কনের প্রবেশ)

ভজ। [শশব্যস্তে বাক্স লুকাইয়া] আহা আহা,
এইবার যেন চাঁদের হাট বসল!

শালীগণ। ও বাক্সটাতে কি? আমাদের দেখে
লুকচ কেন?

ভজ। বোসো বোসো—ও কিছু না—ওতে আমার
আকিম থাকে, আর কিছু না—তা তোমাদের
বলতে কি—আমি একটু আকিম খেয়ে থাকি।
বোসো বোসো [বসিয়া] কি মশা!—

শালীগণ। এই আমরা মশা মারুচি—আমরা থাকতে
তোমাকে মশায় খাবে? [সকলে মিলিয়া ভজ-
হরিকে চপেটাঘাত]—উ—এই একটা—এই
একটা—

ভজ। [প্রতি চাপড়ে মুখ শিটকাইয়া] হয়েছে—
হয়েছে—[স্বগত] মশা যে ছিল ভাল—এ কি
বিপদ—[প্রকাশ্যে] না, আর মশা একটাও
নেই। তোমরা এখন দুই-একটি গান গাও দেখি
—বেশ ভাল গান।

একজন। গান ভালবাস? আচ্ছা গাচ্ছি।

গান।

খাষাজ—আড়-খেমটা।
 “টুকটুকে তোর পা ছুখানি
 আলতা পরাই আয়।
 চটক্ দেখে অবাক হয়ে
 সে লো থাকবে চেয়ে ঠায়।
 আগে চাই যখন পায়ে
 সোনা তখন পরবি গায়ে,
 পাখানি ধরলে মনে
 মুখের পানে চায়।”

ভজ। সত্যিকথা বলতে কি, ও চটক-ফটকের গান
 আমার ভাল লাগে না। আর একটা কোন
 ভাল গান গাও। যাতে বেশ রস পাওয়া যায়,
 এমন একটা গান গাও দেখি।

শালী। আচ্ছা, গাচ্ছি।

ভজ। তোমরা একটু থাম, মাঝ থেকে আমি একটা
 কথা জিজ্ঞাসা ক’রে নি; [কনের প্রতি] বলি
 ও গিনি, তুমি যখন পিত্রালয়ে থাকতে, তখন
 আলুর ভাওটা কি রকম ছিল গা?

কনে। এক আনা সের।

ভজ। এক আনা সের?—রামটা কি চোর!—বলুব
 কি, আমার কাছ থেকে পাঁচ পয়সা ক’রে নেয়
 —রাম—রাম!—ও রাম—বেটা কি আর
 এদিকে আসবে!—ভাগি তুমি আমার ঘরে
 এসেছ। সে থাক—এইবার তোমরা আর
 একটা গান গাও দেখি।

শালী।—

গান।

বাপলা ললিত—আড়াঠেকা।
 বল বল প্রিয়ে বল, আলুর আজ ভাও কি?।
 কত হ’ল সের আজি পটলের বল দেখি।
 কবে চ’ল সস্তা হবে, বস্তা-বস্তা বিকাইবে,
 গমের দরুটা স্বগম হবে, ধস্তা-ধস্তি যাবে সখি।
 মাগ্গি হয়েছে বেগুণ, একেবারে আগুন,
 তাতে আবার থাক্তি নুণ, কিসে বল প্রাণ রাখি।
 কচুপোড়া খেয়ে খেয়ে, দেহটা যাচ্ছে ফ’য়ে ফ’য়ে
 এখন শুধু চিড়ে-খইয়ে যা’ কিছু তরসা, সখি।

ভজ। [প্রফুল্ল হইয়া] এতক্ষণে গানে একটু রস
 পাওয়া গেল। বাঃ! বাঃ! বেড়ে হচ্ছে—

বেড়ে হচ্ছে! থামলে কেন? আর একটা
 হোক না।শালী। আমি এতগুলো গাইলাম—এইবার তুমি
 একটা গাও।ভজ। আমার ভাই গানটান আসে না। তুমিই
 আর একটা গাও।শালী। আচ্ছা, আমি গাচ্ছি—কিন্তু তোমায় তা
 হ’লে নাচতে হবে।ভজ। সে পরে দেখা যাবে, এখন তো তুমি একটা
 গাও।

শালী।—

গান।

সোহিনী-বাহার—আড়-খেমটা।

বাক্স-ভরা লাক্শো টাকা দেখতে কি বাহার।
 দেখে দেখে সাধ মেটে না, চোখ ফেরানো ভার ॥
 চাঁদ-পারা মুখখানি, বশ তাহে রাজা রাণী,
 কিবা ঋষি, কিবা মুনি, মন টলে না কার?।
 কি নুপুর-শিজিনী, হার মানে রাগ-রাগিনী,
 অঙ্গে কি মধুর ধ্বনি বাজে গো তাহার ॥

ভজ। বাহবা! বাহবা! কি চমৎকার গান—
 এমন ভাল যে, আমার নাচতে ইচ্ছে করুচে।
 [উঠিয়া নৃত্য ও কতকটা গানে যোগ দেবার
 চেষ্টা]

সকলে। [সকলে হাত] হি হি হি হি—বেশ বেশ!
 এইবার আমরা তবে চলুম—তোমরা শোও।
 রাত হয়েছে।

[প্রস্থান।]

ভজ। হ্যাঁ, এইবার তবে শুই, অনেক আমোদ-
 আহ্লাদ হ’ল। [স্বগত] এখন শোব? গিনীর
 সঙ্গে দুই-একটা খোসগল্প করব না? না, দুই-
 একটা ভাল কথাবার্তা ক’ওয়া যাক। [প্রকাশ্যে]
 বলি, ও গিনি, গাম্চা আজকাল কত ক’রে
 বিকোচে গা? আমার একখানি গাম্চা চাই।
 এ গাম্চাখানা একেবারে কুটিকুটি হয়ে গেছে।
 কনে। ছেঁড়া গাম্চাগুল ফেলে দেও না তো?
 পুরোনো গাম্চাগুল আমার কাছে দিও, আমি
 ধুতি ক’রে দেব।

ভজ। [মহাপ্রসন্ন হইয়া] সত্যি না কি? ধুতি
 ক’রে দেবে? সে কি রকম?

কনে। আমি শেলাই ক'রে জুড়ে ধুতি ক'রে দেব—
বেশ হবে। তা জান না?—

গাম্চাকে গাম্চা
গাম্চা দুগুণে কাছা
ছই কাছায় পণে ধুতি
চার কাছায় ধুতি।

ভজ। কি বলব যাহ, তুমি একটা রত্নবিশেষ। এই
বয়সে কত গিন্ধাই দেখলুম, কিন্তু তোমার মত
গিন্ধাই আমি তো চক্ষে দেখিনি। আশ্চর্য্য!—
আমরা ছেলেবেলায় কড়াক্কে-ঘোটকে গুরুমহা-
শয়ের কাছে শিখেছিলুম, কিন্তু গাম্চাকে তো
কখন শুনি নি। আজকাল মেয়েদের লেখা-
পড়ার চর্চাটা খুব হচ্ছে দেখছি। এই রকম
লেখা-পড়া মেয়েরা শিখলে খুব কাজে দেবে।
[প্রকাশ্যে] তা, আমি কাল তোমাকে আমার
ছেঁড়া গাম্চাগুল দেব, তুমি ধুতি ক'রে দিও,
বুঝলে?—

কনে। তা দেব। তুমি এখন শোও—অনেক রাত
হয়ে গেছে—আমি তোমার পাকা চুল তুলে দি।
ভজ। এ রকম খোসগল্প হ'লে রাতকে রাতই মনে
হয় না। এইবার তবে শুই! [শয়ন, ও
তাহার গায়ে মাথায় হস্ত বুলাইয়া দেওয়া]
তোমার হাতটি কি কোমল! এখনি আমার
নিদ্রাকর্ষণ হচ্ছে। ঐ বাক্সের চাবিটা রৈল—
একটু নজর রেখো। [নাক ডাকাইয়া নিদ্রা]
কনে। [স্বগত] এইবার বেশ অবসর হয়েছে।
[আস্তে আস্তে উঠিয়া বাক্স খুলিয়া টাকার
খলি গ্রহণ]

[প্রস্থান।

ভজ। [জাগিয়া] কোথায়?—গিন্ধাই কোথায়?—
বাক্সের চাবিটা ঠিক আছে তো? চাবিটা কৈ?
অ্যা—আমার বাক্সের চাবি? [লাফাইয়া উঠিয়া]
অ্যা এ কি!—বাক্স যে খোলা—অ্যা—এ কি?
একেবারে যে খালি?—অ্যা! গিন্ধাই—গিন্ধাই—
রাম—রাম—সর্বনাশ হয়েছে—সর্বনাশ হয়েছে
—এ যে হিতে বিপরীত হল!—পুলিসম্যান—
চৌকিদার রাম—রাম—গিন্ধাই!

[প্রস্থান।

(হাসিতে হাসিতে ও গাহিতে গাহিতে কনে,
কনের বাপ ও ঘটকের প্রবেশ)

গান।

খান্ধাজ—আড়খেমটা।

সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।

কনে।—দাড়ি ফেলে, সাজী পরে, সাজু হু গো কনে!
সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।

ঘটক।

ভাগ্যি তোর ঐ গোপ ঝাঁটা
ছিল একেবারে ছাঁটা,
নৈলে কি বিঘম ল্যাঠা
ভেবে দেখ মনে।

সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।

কনে।

মুখ ঢাকিয়ে বিধিমতে
পা দেখিয়ে কন্নু ফতে,
মল কন্নু আলতা তাতে
পন্নু যতনে।

সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।

ঘটক।—

আমি ঘটক দেখিয়ে চটক,
ফলিয়েছি কথার নাটক,
নৈলে সে কি হ'ত আটক
রূপের ফাঁদনে।

সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।

কনের বাপ।—

আমি কেমন কনের বাপ
সেজেছি বল সাফ
এখন তবে ছেড়ে হাঁপ
চল রে ভবনে।

সকলে।—হাঃ হাঃ হাঃ হাঃ হাঃ হাঃ হাঃ হেসে
বাঁচিনে।



(ছ'কা-হাতে রামের প্রবেশ)

(কুঞ্জবিহারীর প্রবেশ)

রাম।—

ছমাস বাকি মোর মাহিনে
আদায় হ'ল এতদিনে
অধুরী তাই আনু কিনি
বাবুরা টানো সঘনে।

কুঞ্জ।—

চল এইবার 'পেলিটি'
খাই গে ক'সে কেবু রুটি
কারি কটলেট অয়স্টার প্যাটি
আমরা কয়জনে।

সকলে।—হাঃ হাঃ হাঃ হাঃ হাঃ হাঃ হাঃ হাঃ হেসে সকলে।—হাঃ হাঃ হাঃ হাঃ হাঃ হাঃ হাঃ হাঃ হেসে
বাঁচিনে। বাঁচিনে।

 স্ববনিকা পতন

পুনর্বসন্ত

অদ্ভুতরসমিশ্র গীতিনাট্য

ভারত সঙ্গীতসমাজে অভিনয়ার্থ

জ্যোতিরিন্দ্রনাথ ঠাকুর প্রণীত

পাত্রগণ

পুরুষ

ইন্দ্র, চন্দ্র, মদন, বসন্ত, নারদ, বনদেবতাগণ।

স্ত্রী

শচী, রতি, যামিনী, রোহিণী, তারা, উষা, সখীগণ।

মঙ্গলাচরণ

বাণী বীণাপানি, গীতি-কুঞ্জরানি।

এসো মা গো, : হৃদে আগো,
দিবস-যামিনী।

পঙ্কজ-বাসিনী মঞ্জুল-ভাবিণি।

হৃদয়-কমলোপরি রাখ রাঙ্গা পা ছথানি ॥

পুনর্বসন্ত

প্রথম অঙ্ক

প্রথম গর্ভাঙ্ক

নন্দনকাননের সন্নিকট

(নারদের প্রবেশ)

জয় নারায়ণ বিঘ্নবিনাশন।
জয় মুরারি কেশব বামন ॥
জয় জগন্নাথ কংসনিপাতন।
জয় মধুসূদন গদা-ধারণ ॥
জয় গোবিন্দ কৃষ্ণ রমেশ।
জয় গোপাল জয় হৃদীকেশ ॥
জয় মুকুন্দ জয় যজ্ঞেশ।
জয় বাহুদেব যশোদানন্দন ॥

বাসব নৃত্যগীত-আমোদেই দিবানিশি মগ্ন—
বিধাতা তাঁর প্রতি যে গুরুতর কার্যভার দিয়াছেন,
সে বিষয়ে তাঁর বিলক্ষণ শৈথিল্য ও অবহেলা দেখা
যাচ্ছে। পৃথিবীতে রুষ্টির অভাবে ঘোরতর হাহাকার
উঠেছে, দুর্ভিক্ষে অনাহারে কোটি কোটি লোক মৃত্যু-
মুখে পতিত হচ্ছে—আবার স্থানে স্থানে এই সময়
ভীষণ মহামারী উপস্থিত—তবু বাসবের তাতে
ক্রক্ষেপ নাই। তিনি নিজস্বই উন্নত। তাঁর এই
স্বখে কিঞ্চিৎ ব্যাঘাত দেওয়া আবশ্যিক। ব্রহ্মা তাই
আমার প্রতি এই কার্যের ভার দিয়াছেন। সেদিন
দেবরাজের সভায় উর্কশী নৃত্য করছেন, হঠাৎ তাঁর
অঙ্গ হতে একটি রক্ত ঋলিত হয়ে পড়ল। দেবরাজ
যে সময়ে উর্কশীর পদতলে অবনত হয়ে রক্তটি অমু-
সন্ধান করছিলেন, সেই সময়ে আমি শচী দেবীকে
ডেকে এনে, কোন কথানা বলে কেবল ঐ দৃশ্যটির
প্রতি তাঁর দৃষ্টি আকর্ষণ করলেম। তিনি দেখবা-
মাত্রই মুখ ভার করে সেখান থেকে প্রস্থান করলেন।
সেই অবধিই তিনি দুর্জয় অভিমানভরে বসে
আছেন। আর দেবরাজ হা-হতাশ করে হৈতস্ততঃ
পরিভ্রমণ করছেন। মদন বসন্তও এই শোচনীয়

ব্যাপার দেখে নন্দন-কানন ত্যাগ করে আর কোথায়
গিয়ে কুসুম-সুরাপানে মত্ত হয়ে আছেন। নন্দন-
কাননের তো এই অবস্থা! এখন এই অবস্থা কিয়ৎ-
কাল স্থায়ী হলে বাসব বিলাসলীলায় বিরক্ত হয়ে
আবার স্বীয় কর্তব্যকার্যে মন দিলেও দিতে পারেন।

দ্বিতীয় গর্ভাঙ্ক

নন্দন-কানন

(ইন্দ্র আসীন)

ইন্দ্র। বসন্তের কাল গেছে কেন ফুল ফুটিবে আর
ভাঙ্গ গেছে অস্তাচলে হবে না কি অঙ্ককার।

(চন্দ্রের প্রবেশ)

চন্দ্র। এ কি! একান্তে বসে কি ভাবছ? সখা
কেমন আছ বল দেখি?

ইন্দ্র। ছিল প্রাণ সে গিয়াছে, দেখে কি আর কেহ আছে,
কাহারে কেমন আছ সুধাইছ বারেবার।

চন্দ্র। ব্যাপারখানা কি? আজ নন্দনকাননে এসে
দেখি, বেণু, বীণা, মুরজ, মন্দিরা, সমস্তই নীরব।
আমি কোথায় তোমার সঙ্গে হৃদও আমোদ
আহ্লাদ করব মনে করেছিলেম, না এ কি
বিপরীত ভাব।

ইন্দ্র। ছিঁড়িয়া গিয়াছে তার, বীণা কি বাজবে আর,
হাসিটি চলিয়া গেছে, রেখে গেছে হাহাকার।

চন্দ্র। আচ্ছা সখা, আমি তবে এখন চলেম।
তোমার ভাবেই তুমি এখন মগ্ন থাক।

[চন্দ্রের প্রস্থান।

ইন্দ্র। এ কি! চন্দ্র চলে গেলেন নাকি! (উঠিয়া) চন্দ্র
—চন্দ্র—কোথায় গেলে সখা? তাই ত, তাঁকে
অভ্যর্থনা করা হ'ল না—কাজটা ত ভাল হ'ল না।
এখন কি করি?—মান-অভিমানের লীলাখেলা
আর তো ভাল লাগে না। দেখি, যদি রাজকার্যে

মন দিতে পারি। শুন্ছি নাকি বৃষ্টির অভাবে
পৃথিবীতে বড়ই হাহাকার উঠেছে। না, আর
একবার শচীদেবীর নিকটে গিয়ে সাধ্যসাধনা
ক'রে দেখি যদি কিছু ফল হয়।

[ইন্দ্রের প্রস্থান।

(রতিদেবীর প্রবেশ)

রতি। বনদেবগণ! তোমরা সব কোথায়?

(বনদেবগণের প্রবেশ)

রতি। তোমরা মদন বসন্তকে কি এখানে দেখেছ?
আমি তাঁদের কোথাও খুঁজে পাচ্ছি নে। তোমরা
কি জান তাঁরা কোথায় আছেন?

বনদেবপতি। না দেবি, আমরা জানি না। আমরাও
তাঁর জ্ঞ হাহাকার করছি। দেখুন না, তাঁরা
চ'লে যাওয়াতে এই কাননের দশা কি হয়েছে।
তরুলতা শাখা পল্লব সমস্তই শুকিয়ে গেছে—
ফুল আর ফোটে না—বিহঙ্গেরা নীরব—

রতি। তাই তো—এখন তবে কি হবে? না জানি
কোথায় তাঁরা লুকিয়ে ব'সে আছেন—তোমরা
তাঁদের ডাক দেখি—আমি ততক্ষণ অন্য স্থানে
খুঁজে আসি।

বনদেবপতি। যে আঙ্কে।

এসো এসো বসন্ত এ কাননে,

আন কুহুতান প্রেমগান,

আন গন্ধমদ-ভরে অলস সমীরণ,

আন নবধোবন-হিলোল নবপ্রাণ,

প্রফুল্ল নবীন বাসনা এ কাননে।

এস থরথর-কম্পিত মর্ম্মর-মুখরিত,

নবপল্লব-পুলকিত ফুল-আকুল মালতী-বল্লী-বিতানে,

সুখছায়ে, মধুবায়ে, এস এস।

এস অরুণ-চরণ কমল-বরণ তরুণ উষার কোলে,

এস জ্যোৎস্না-বিবশ নিশীথে,

কল-কল্লোল-তটিনী-তীরে

সুখসুপ্ত সরসী-নীরে এস এস।

এস ঘোবন-কাতর-হৃদয়ে, এস মিলন-সুখালস-নয়নে,

এস মধুর সরম-মাঝারে,

দাও বাহুতে বাহু বাধি।

নবীন কুসুম-পাশে রচি দাও নবীন-মিলন-বাধন।

বনদেবপতি। বোধ হয় আমাদের আছান তাঁরা
শুনেছেন—দেখ না, সমস্ত কাননে অকস্মাৎ
কেমন একটা ভাবের পরিবর্তন দেখা যাচ্ছে। এ
নিশ্চয়ই তাঁদের আগমনের পূর্বাভাস।

এ কি আকুলতা ভুবনে,

এ কি চঞ্চলতা পবনে!

এ কি মধুর মদির-রস-রাশি

আজি শূন্যতলে চলে ভাসি।

ঝরে চন্দ্র-করে এ কি হাসি,

ফুলগন্ধ লুটে গগনে।

এ কি প্রাণ-ভরা অনুরাগে

আজি বিশ্ব জগতজন জাগে।

আজি নিখিল নীল গগনে

সুখ-পরশ কোথা হতে লাগে।

সুখে শিহরে সকল বন-রাজি

উঠে মোহন বাশরী বাজি।

হের পূর্ণ বিকাশিত আজি

মম অন্তর সুন্দর স্বপনে।

(বসন্ত ও মদনের আবির্ভাব)

মদন। সখা, এ সময়ে ডাকাডাকি ক'রে আমাদের
সুখ-নিদ্রা কে ভঙ্গ করলে?

বসন্ত। বাস্তবিক সখা, আমরা কুসুম-সুরা পান
ক'রে কেমন সুখ-স্বপ্নে মগ্ন ছিলাম! ও! এই
যে! বনদেবতারা এইখানে। এঁরাই বুঝি
তবে ডাকছিলেন।

বনদেবগণ। সব গুণী মিলে গাও রে গাও রে সবে

এই বিলাস-অলস সরস বসন্তে

অদূরে বাশরী মধুর বাজে

ধরে তান বিহঙ্গ সবে কত ললিত গলিত স্বরে।

দেখ পিককুল আকুল কুঞ্জ কুঞ্জ

কুহু কুহু মুহু মুহু কুহরে, পাপিরা ঝঙ্কারে।

ধীরে ধীরে সমীর বিহরে

সব বন মোদিত চূত-মুকুল-বাসে

তরুণের পল্লব মর্ম্মরে হরষে

থল-থল করে শশী সরসে

মলয়ের মধুময় পরশে

মন খুলে গাও রে গাও রে।

বসন্ত। এই যে রতিদেবী এই দিকে আসছেন।

[বনদেবগণের প্রস্থান।



মদন। ভাই তো! তবে দেখছি নন্দনকাননে
আমাদের আবার ডাক পড়েছে। নৈলে এখানে
রতি আসবেন কেন?

(রতির প্রবেশ)

রতি। (মদনের প্রতি)
ছিলে কোথা বল, কত কি যে হল, রাখ কি সন্ধান ?
হায় হায় আহা!

মান-দায়ে যায় যায় বাসবের প্রাণ
এখানে কি কর তুমি ফুলশর
তারে গিয়ে কর জ্ঞাপ।

[রতির প্রস্থান।]

মদন। (বসন্তের প্রতি)

চল চল, চল চল, চল তবে মধু-ধাতু,
চল যাই কাজ সাধিতে নন্দন-কাননে।

বসন্ত।—চল চল, চল চল, চল চল ফুল-ধনু
চল যাই কাজ সাধিতে নন্দনকাননে।

এমন এমন ফুল দিব আনি,
পরথিবে মানিনী হৃদয়ে হানি।

মদন।—মরমে মরমে রমণী অমনি
ধাকিবে গো দহিতে।

উভয়ে।—চল চল, চল চল, চল তবে দুই জনে
চল যাই কাজ সাধিতে নন্দন-কাননে।

[মদন-বসন্তের প্রস্থান।]

দ্বিতীয় অঙ্ক

প্রথম গর্ভাঙ্ক

নন্দন-কানন

(সখীগণের প্রবেশ)

সখীগণ।—আজি কোয়েলা কুছ বোলে
গগনে গগনে গীত উথলে
উদিল কাণ্ডন দিন, চল লো সজনি সব কুঞ্জ
আয় আলি মিলিজুলি
ফুলগুলি তুলি তুলি
দিব ঢালি মদন-চরণতলে।

দেখল ফুটল বিমল শতদল চল চল
টলমল জল-হিল্লোলে।

বহত সমীর অধীর সর-সর তর-তর
নাচত খেলত ফুলে ফুলে।

আয় তবে সহচরি রুহু-রুহু রুহু-রুহু
বসন্ত জয়ধ্বজা তুলে

নাচই গাও, গাও লো জয় জয় ধাতুপতি
সব সখী মিলে।

তারা।—ভাই যামিনি, শচীদেবীকে এখানেও ত
দেখতে পাচ্চিনি।

যামিনী।—কি জানি ভাই, সে দিন নারদ ঠাকুর এসে
ঠাঁকে কি যে বল্লেন, সেই অবধি তিনি সতত
বিষয়, কেবলি নির্জনে থাকতে ভালবাসেন; বোধ
হয়, দেবরাজের উপর অভিমান করেছেন।

রোহিণী।—ঐ যে, দেবী এই দিকেই আসছেন।

(শচীর প্রবেশ)

সখীগণ।—কোথা ছিলি সজনি লো
মোরা যে তোরি তরে এসেছি কাননে,

এস সখি, কেন হেথা বসি বিজনে
সাঁথি ভরিয়ে হেরি হাসি মুখানি।

সাজ্জাব সখীরে সাধ মিটায়ে
চাকিব তনুখানি কুসুমেরি ভূষণে

গগনে হাসিবে বিধু, গাহিব মুহু মুহু
কাটাব প্রমোদে চাঁদিনী যামিনী।

শচী।—সেই তো বসন্ত ফিরে এল,
হৃদয়ের বসন্ত কোথায় সই রে!

সব মরময়, মলয় অনিল এসে কেঁদে শেবে
ফিরে চলে যায় হায় রে!

কত শত ফুল ছিল হৃদয়ে ঝরে গেল,
আশা-লতা শুকাল

পাখীগুলি দিকে দিকে চলে যায়,
শুকানো পাতায় ঢাকা বসন্তের মৃত-কায়

প্রাণ করে হায় হায় হায় রে!

সখীগণ।—
বনে এমন ফুল ফুটেছে,

মান ক'রে থাকি আজ কি সাজে।
মান অভিমান ভাসিয়ে দিয়ে চল চল কুঞ্জমাঝে।

আজ কোকিলে গাহিছে কুছ মুহু-মুহু,
কাননে ঐ বাশী বাজে।

আজ নধুরে মিশাবি মধু পরাণ-বঁধু,
চাঁদের আলো ঐ বিরাজে।

১ সখী।—আয় লো আয় লো, আয় লো সই লো,
কুসুমকুঞ্জে আয় লো আয়।

২ সখী।—ফুটেছে গোলাপ চম্পা, উঠেছে দখিণ বায়।

শচী।—যা যা তোরা যা, আমি ত বাব না সই
আঁধারে একেলা ব'সে রই (সই)।

১ সখী।—ছি ছি সজনি, যায় যায় রজনী

শচী।—যায় যাক্, যায় যাক্,
তোরা মাত প্রমোদে সই
একেলা আঁধারে ব'সে রই।

২ সখী।—ছি ছি আঃ ছি, ওকি কথা রঙ্গিনী বল
সুখ-তরঙ্গে সজনি সঙ্গে রঙ্গে প্রাণ ঢালো।

শচী।—তোরা যা চ'লে, আমি বিরলে
মরমে মরম জ্বালা স'ব
(ও লো সখি) মরমে মরম-জ্বালা স'ব।

৩ সখী।—ওকি কথা সখি, দেখ দেখি,
ফুলে ফুলে বন উঠেছে হাসিয়া
হাসিছে তারা, হাসিছে চন্দ্র,

হাসিছে সারা ধরণী রে।
সখীগণ।—ও কি কথা বল সখি ছি ছি,
ও কথা মনে এনো না

আজি এ সুখের দিনে জগত হাসিছে
হের লো দশ দিশি হরবে ভাসিছে
আজি ও ম্লান মুখ প্রাণে সহে যে না
সুখের দিনে সখি কেন এ ভাবনা।

(মদন-বসন্তের প্রবেশ)

বসন্ত।—সখীরা এত বোঝাচ্ছে তবু দেখ কিছুই ফল
হচ্ছে না। সখা! তুমি এইবার বাণ সন্ধান
কর, তা হলেই কার্য সিদ্ধি হবে।

মদন। না সখা, এখনও সময় হয় নি। সজোজাত
মান আর একটু খিতিয়ে আসুক। চল, এখন
যাই, অবসর বুঝে একটু পরে আসব।

[মদন ও বসন্তের প্রস্থান।

(ইন্দ্রের প্রবেশ)

ইন্দ্র।—ম্লান মুখ কেন বল প্রিয়ে বল,
নাহি আর হাসি নবেতে উদাসী, আঁখি ছল ছল।
কি দুখে ছুখী তুমি কি অভাব আছে শুনি,
আমি ভেবে মরি, না জানি কি হ'ল।

শচী।—(অভিমান-ভরে মুখ ফিরাইয়া সখীদের
প্রতি)

হা সখি, ও আদরে আরও বাড়ে মনোব্যথা,
ভাল যদি নাহি বাসে,

কেন তবে কহে প্রণয়ের কথা।

মিছে প্রণয়ের হাসি

বোলো তারে ভাল নাহি বাসি,

চাইনে মিছে আদর তাহার, ভালবাসা চাইনে

বোলো বোলো স্বজনি লো তারে

আর যেন সে লো আসে নাকো হেথা।

ইন্দ্র।—এ প্রেমে সন্দেহ কোরো না কোরো না!

ও পাপ-কথা মনে এনো না এনো না।

তব মন সুন্দরি, অতি সরল,

না জানি কে তাহে ঢালিল গরল,

কি করেছি অপরাধ বল লো বল,

নির্দোষে দোষী কভু কোরো না ললনা।

শচী।—আর সখি, ও কথায় ভুলি না ভুলি না,

ও কথা মিছে যেন বলে না বলে না।

নিজ চোখে যাহা দেখেছি ঘটনা,

না করি তা প্রত্যয় কেমনে বল না,

কোন কথা আমি আর শুনিতে চাই না,

কেন আর মিছে তবে করে গো ছলনা।

[শচী ও সখীগণের প্রস্থান।

ইন্দ্র।—এ যে দুর্জয় মান, কিসে হয় অবমান।

কি করি, কোথায় যাই, কে বলে সন্ধান।

হেন মম লয় মনে, তাজি রাজ্য-সিংহাসনে,

ভ্রমি একা বনে বনে, করি তপোধ্যান।

(চন্দ্রের প্রবেশ)

চন্দ্র। (ইন্দ্রের প্রতি) সখা, এখনও বিষয়—ব্যাপার-
খানা কি খুলে বল দেখি?

ইন্দ্র। সে কথা ভাই আর কেন জিজ্ঞাসা কর, আর
তো সহ হয় না—

ঘ্যানোর ঘ্যানোর ঘ্যানোর ঘ্যানোর,

সেই সে কাঁছনি কি কব সখা?

কথায় কথায় অভিমান তারি সাধ্য কি গো সে

মন রাখা।

সারারাত হা-হুতাশ, কোঁশ্ কোঁশ বহে খাস,

আমি করি এ পাশ ও পাশ, চোখে নাইকো

বৃমের দেখা।

ঘাট হয়েছে আর না, কেঁদে বাঁচি ছেড়ে দে না,
সুখা ভ্রমে গরলরাশি আর যেন কেউ খায় না।
সাধ ক'রে গলে ফাঁস, চির কারাগারে বাস,
হয়ে পরের ক্রীতদাস পদানত হয়ে থাকা।

চন্দ্র। সখা, সাধিতে সাধাতে কত সুখ,
তাহা বুঝিলে না তুমি, মনে রয়ে গেল হুখ।
অভিমান-আখিজল, নয়ন ছলছল,

মুছাতে লাগে ভাল কত,

তাহা বুঝিলে না তুমি, মনে রয়ে গেল হুখ।
চোখের জলে হাসির রেখা, যখন তা যায় দেখা,
সে হাসি কি মধুমাখা, কি বলিব হায়।

সাধলে মান দূর হয়, মেঘ-অস্ত্রে চন্দ্রোদয়,
আহা সে কি মধুময়, তাহে ভরে ওঠে বুক।
দারা সুখের পারাবার, কে বলে সে কারাগার,
সুধার আধার, জুড়াবার স্থান।

গরল ভেবে সুধারসে, যে না খায় এসে,

পসুতাতে হয় সখা শেষে—

চল গিয়ে তোমো তারে, আর কোরো নাকো চুক।

[ইন্দ্র ও চন্দ্রের প্রস্থান।]

তৃতীয় অঙ্ক

নন্দন-কানন

(সখীগণ সহ শচীর প্রবেশ)

শচীর নিরালায় বিষমভাবে অবস্থান

(পরে মদনের প্রবেশ)

সখীগণ।

তোমার মদন বন্দি চরণ, সুধাই মোরা সবাই মিলে
আজ কেন হে এমন বেশে হেথায় এসে উদয় হলে।
কাহারে হানিতে শর, হেথায় এসে বিরাজ কর,
কাহার চিতে আগুন দিতে আচম্বিতে হেথায় এলে।

মদন। (শচীর প্রতি)

গুনলেম নাকি নিদারুণ মানে মানিনী হয়েছে সুই,
সন্ন্যাসিনী-সাজে আজি হয়েছে লো মদন-জয়ী।

ভাঙ্গব তোমার মান সখি, হানিব ফুলবাণ,

হোক না যতই কঠিন পাষণ প্রাণ—

ফুলের ঘায়ে ভেঙ্গে দেব সুই।

ছাড়তে হবে বাকল ধনি, বাধতে হবে কেশ;

সাধতে হবে নাথের ধরি পায়,

নহিলে মদন আমি নই।

শচী। যা যা রে অনঙ্গ দূরে দূরে যা,

তোর রঙ্গভঙ্গে অঙ্গ জলিছে, হৃদি-মন চূর চূর হা।

মদন। থাক লো থাক লো ধনি রাখলো যোগিনী-ভান,

ফুল-শরে দেখব ওরে কোথায় থাকে মানের মান।

(শরাঘাত)

শচী। (অধীরভাবে সখীগণের প্রতি)

সজনি লো বল, একি হোলো হোলো,

এ কি জ্বালা বল একি।

পিউ পিউ কুল থাকিয়া থাকিয়া

কুঞ্জিছে যতই কোয়েলা পাপিয়া,

উঠিছে হৃদয়ে কাঁদিয়া কাঁদিয়া,

কেমনে এ মানে বাঁধিয়া রাখি।

মলয়ের বায় শিহরিছে কায়,

পরান আকুল ফুল-শর-বায়,

সরমেতে সারা হতেছি লো হায়,

কেমনে এ মুখ দেখাব সখি!

সখীগণ।

কেমন এখন মানের ভরে থাকবি আরও সুই,

এত করে করুলি পণ, কোথা গেল তা এখন,

সেই তো সজনি শেষে মদন হল' জয়ী।

(মদন ও বসন্তের প্রবেশ)

বসন্ত। (শচীকে দেখিতে পাইয়া মদনের প্রতি)

আ মরি আ মরি হোলো কি হায়,

হা সজনী যায় যে যায়!

কাঁপিছে অধীর কায়, ঘন ঘন খাস বহিছে তায়,

ছি রতিপতি, এই কি কাজ, সজনীরে বুঝি

বধিলে আজ,

তোমারি কুসুম-বায়।

মদন। তুমিও তো সখা ফ্যালা না যাও

ফুঁদিয়ে আগুন দ্বিগুণ জ্বালাও, দুষিছ কেন আমায়।

বসন্ত। কাজ তো হে সখা করেছ সাফ

এখন একটু ছাড়িয়ে হাঁপ

কষ্ট নষ্ট কর সুরায়।

(কানন-প্রান্তে উভয়ের উপবেশন)

[শচী ও সখীগণের প্রস্থান।]

মদন। বেশ বেশ বেশ ভাই, মদে তবে মাতি আয়,
মদে তবে মাতি আয়, মদে তবে মাতি আয়
(মত্তপান)

বসন্ত। ঢাল ঢাল সুধা বকুলের সুধা
কমলের সুধা মিশাও তায় ?

মদন। বস্ বস্ বস্, আরও সুধারস
মিশায়ো না সখা ধরি হে পায়।
ঢল ঢল ঢল ঢলিছে শরীর,
চুলু চুলু চুলু চুলিছে আঁখি ;
ধর ধর সখা, নিজ দেহ-ভার
বল হে বল হে কেমনে রাখি।
খসিয়ে পড়িছে ফুল-বেশ মোর,
ফুল-ধনু খোসে পড়িল ঐ,
ধর ধর সখা—নাহিক শক্তি
আর যে একটি কথাও কই।

বসন্ত। এ কি হ'ল! সখা যে একবারে চৈতন্য-
রহিত। মদন! মদন! ওঠো না সখা—কিছুতেই
যে ওঠাতে পারিছিনে। রতিদেবী এলে না জানি
কি বলবেন। আমিই দেখছি শেষকালে দোষের
ভাগী হব। মদন! মদন! মদন! সখা! না,
ওঠাতে পারলেম না। এখন কি করা যায় ?
যাই দেখি, নারদ ঋষি কোথায় আছেন। তাঁর
অনেক ফন্দি আছে। দেখি, তিনি যদি জাগাবার
কোন উপায় ব'লে দিতে পারেন।

[বসন্তের প্রস্থান।

(হরিনাম গান করিতে করিতে নারদের প্রবেশ)

নারদ। এখনও বাসবের সম্পূর্ণ চেতনা হয় নি।
এখনও তাঁর তেমন কাজের উদ্যোগ দেখতে
পাচ্ছিনে। যতক্ষণ না ঐরাবতকে প্রস্তুত করতে
বলেন, ততক্ষণ আর বিশ্বাস নেই! এখনও
দ্রুপনের বিচ্ছেদটা একটু জাগিয়ে রাখতে হবে।
শুনলেম না কি রতিদেবী মদনকে ডেকে এনে
তাঁদের মিলন বটাবার জন্ত বিধিমতে চেষ্টা
করচেন। কিন্তু এখনও সেটা হতে দেওয়ান হবে
না। এ কি! মদন যে এইখানে সুরাপানে হত-
চৈতন্য। তা ভালই হয়েছে।

(বসন্তের প্রবেশ)

বসন্ত। মহর্ষে! আপনি এইখানে আছেন? আমি
আপনাকে সমস্ত কাননময় খুঁজে বেড়াচ্ছি।

নারদ। কেন, প্রয়োজনটা কি ?
বসন্ত। মহর্ষে, আমি বড় বিপদেই পড়েছি। আমরা
ছই সখায় মিলে এইখানে ব'সে একটু পুষ্পসুরা
পান কচ্ছিলেম, তা—

নারদ। যা দেখছি, তা' তো বড় একটু ব'লে বোধ
হচ্ছে না।

বসন্ত। মহর্ষে, ওর দশাই ওই, সখা আমার
একটুতেই বিহ্বল হয়ে পড়েন।

নারদ। এখন তোমার প্রার্থনাটা কি বল দেখি।

বসন্ত। প্রার্থনা এমন কিছু নয়, কি ক'রে সখার
চেতন হয়, তার উপায় যদি একটা ব'লে দিতে
পারেন—

নারদ। আচ্ছা, আমি ভেবে দেখছি (স্বগত) একটা
বেশ উপায় মনে হয়েছে। বসন্ত মদনের বাণ
নিগ্নে মদনকেই মারুক না। তা হলে মদন জেগে
উঠবে বটে, কিন্তু অস্ত্রের উপর ওর বাণের আর
বড় প্রভাব থাকবে না। আর পূর্বেও যদি
শচীকে বাণের দ্বারা আহত ক'রে থাকে, তবে
তারও ফল কতকটা নষ্ট হবে। (প্রকাশ্যে)
আমার কাছে এসো, জাগিয়ে দেবার উপায়
একটা স্থির করেছি শোনো।

[কানে কানে বলিয়া নারদের প্রস্থান।

বসন্ত। হাঃ হাঃ হাঃ হাঃ!—তাই ভাল—আমি মনে
করেছিলাম, কি না জানি বলবেন—হাঃ হাঃ হাঃ
—নারদ যা বলেন, এ তো বেশ সহজ উপায়—
আশ্চর্য্য, আমার এ কথা আগে মনে আসে নি।
মদন ভায়া বিশ্বের লোককে মজিয়ে বেড়াচ্ছেন
অথচ নিজে বেশ অক্ষত—রতি দেবীকে নিগ্নেই
চির-তুষ্ট—দেখি ওর মন আর কারও পানে
আকৃষ্ট হয় কি না—মদন এখন মত্তপানে বিহ্বল,
এইবার ওর বাণ নিগ্নে ওকেই মারা যাক—

(শচীর প্রবেশ ও কাননের এক প্রান্তে উপবেশন
ও মালা গাঁথন)

বসন্ত। শচীদেবী এই দিকেই আসছেন। বাণে
আহত হ'লে শচীদেবীর প্রতি ও'র নিশ্চয়ই
অহুরাগ জন্মাবে, তা হ'লে রতিদেবী কি করেন,
মজাটা দেখা যাবে।

আজ ভান্নব সকল জারি-জুরি মদন হে তোমার,
ফুল-শর—বিষধর—আজ দেখব কতই খরধার।

তুমি তো হে জলে স্থলে,
 ঢং ক'রে হে কতই ছলে মজাও সকলে—
 তার যতই যাতন, মকর-কেতন,
 আজ বুঝবে হে জালাটি তার।
 থাক থাক অঘোর হয়ে,
 তোমারি পঞ্চবাণ লয়ে, তোমার হৃদয়ে
 আজ হানুব এ বাণ, কুহুম-বাণ,
 দেখব কেমন পাও হে পার।

(বসন্ত মদনের বাণ অপহরণ করিয়া
 মদনের প্রতি সন্ধান)

মদন। (বাণে আহত হইয়া শচীর প্রতি)

আজ লো প্রেমসী প্রেমেরি তরঙ্গে
 রঙ্গে কুঞ্জে পোহাইব ছুজনে,
 ঐ যে পাপিয়া দিগন্ত ছাপিয়া
 পিউ পিউ রবে ডাকিছে সঘনে।
 জীবন যৌবন এ স্থখ-বসন্তে দেখিস লো রূপসী
 বিফলে না যায়,
 প্রাণ তো প্রাণ নয়, প্রেম যদি না রয়,
 প্রাণে প্রেম চালি আয় লো যতনে।

[বসন্তের প্রস্থান।

শচী। মদন! তুমি উন্নত হয়ে কাকে কি বল্চ ?
 আমি তো রতি নই।

মদন। (চটক্ ভাঙ্গিয়া) তাই তো! তাই তো!
 কাকে বল্চি (প্রকাশে) দেবি! মার্জনা
 করবেন—আমার ভ্রম হয়েছিল। (স্বগত) এ
 কি! আমার তো এ রকম ভুল কখন হয় না।

(রতির প্রবেশ)

রতি। (মদনের প্রতি)

ধিক্ ধিক্, এ কি তোমায় সাজে,
 কি জন্ত রত আজি জঘন্ত কাজে।
 মাতিলে মাতাতে গিয়ে ছি ছি মরি লাজে।
 মদন। (ষোড় হস্তে) জান তো তোমারি আমি—
 রতি। ঢের ঢের জানি, ঢের ঢের জানি,
 বোকো না বোকো না মিছে—যাও যাও রূপসীর
 কাছে—
 যাও যাও প্রেমসীর কাছে—
 যাও যাও রূপসীর কাছে।

মদন। কেন প্রিয়ে অকারণে লাও গজনা,

কি দোষ তা বল না, তোমা বই জানি না।
 তোমার ঐ মুখ-শশী হৃদি-মাঝে
 জাগে দিবা-নিশি, তা কি জান না।
 জাগরণে তোমাতে থাকি,
 স্বপনে তোমারি ছবি আঁকি,
 কি বলিব, নাহি আর বাণী
 আর সহে না সহে না মরম-যাতনা।

[রতির প্রস্থান ও মদনের পশ্চাৎ পশ্চাৎ গমন।

শচী। (স্বগত) সে দৃশ্য মনে হলে এখনও আমার
 হৃৎকম্প হয়। ধিক্, অমন কপট শঠের মুখ
 আর আমি দেখব না।

(সখীগণের পুনঃপ্রবেশ)

শচী। সজনি লো বল কেন কেন এ পোড়া প্রাণ
 গেল না—
 সহে না যাতনা, সহে না যাতনা।
 কি করি কি করি সখি, আর যে লো পারি না।
 সখীগণ। সখি, আমরা এখনি গিয়ে দেবরাজকে
 ডেকে আনছি, তুমি আর ছুখ কোরো না।

শচী। না লো সখি ডেকো না লো তায়,
 বিজনে এ বনে তোরা মোরে রেখে যা।
 এই এ আঁধার-ঘোরে প্রাণ ভ'রে
 দে সখি কাঁদিতে মোরে,
 সখা যে আসিয়ে স্বণা-হাসি হাসিয়ে
 দেখিবেন আমারে প্রাণে তা' সহিবে না।
 সখীগণ। (চুপি চুপি) চল সখি, আমরা মদনকে
 আবার পাঠিয়ে দিই গে।

[সখীগণের প্রস্থান।

(মদন ও বসন্তের প্রবেশ)

বসন্ত। সখা, এইবার সন্ধান কর।
 মদন। (সন্ধান করিয়া) এইবার অব্যর্থ সন্ধান।
 (শর মোচন)।

শচী। (শিহরিয়া) এ কি! সহসা এ কি পরি-
 বর্তন! আঃ, বাচলেম, মনের ভারটা যেন
 একেবারে নেবে গেল। না, আমার সন্দেহ
 সমস্তই অমূলক। মদন যখন আমাকে রতি
 ভেবে আমার পদতলে এসে বসেছিলেন, তখন
 তা দেখে হইজের মনেও তো সন্দেহ হ'তে পারতো
 —না, এ সব সন্দেহ ভুল-ভ্রান্তি থেকেই উৎপন্ন

হয়। যাই মহর্ষি নারদকে এ বিষয় ভাল ক'রে
জিজ্ঞাসা ক'রে আসি।

[শচীর প্রস্থান।

(নারদের প্রবেশ)

নারদ। ইন্দ্র এইবার ঐরাবতকে সজ্জিত করতে
বলেছেন, শীঘ্রই জলধারা বর্ষণ করবার জন্ত
পার্শ্বিক গগনে যাত্রা করবেন। আর তবে কোন
সন্দেহ নাই। শচীদেবীকে এখন আর কষ্ট দিয়ে
কি ফল? তাঁর ভুলটা এইবার ভাঙিয়ে দেওয়া
যাক।

[নারদের প্রস্থান।

চতুর্থ অঙ্ক

প্রথম গর্তাঙ্ক

নন্দন-কানন

সখীগণ। ধীরে ধীরে বায়ু বহিতেছে,
রঙ্গে ভঙ্গে তরঙ্গে নাচিতেছে,
গুঞ্জিছে গুণ্ণ গুণ্ণ ভ্রমর ফুলে,
সুন্দর মধুখাতু আইল রে।
চন্দ্র-কিরণে দিক প্রাবল রে (আজি)
বিশ্ব-জগত সূখে ভাসিল রে,
প্রেম হৃদয়-মাঝে জাগিল রে,
সুন্দর মধুখাতু আইল রে।
চূত-মুকুল নব, হেরিয়া পিক সব
ললিত মধুর স্বরে গাইছে রে।
লতিকা তরু তনু-আশ্রিতা,
বিহগী প্রিয়-রব আকৃষ্টা,
বিশ্ব আজি যেন, স্বপ্নে নিমগন
আপন প্রিয়জনে ভাবিছে রে।
চারিদিকে শোভা নব,
প্রকৃতির উৎসব
সুন্দর মধুখাতু আইল রে।

(শচীর প্রবেশ)

শচী। পুষ্প কত প্রস্ফুটিত আজি অন্তরে
পরানে বসন্ত এল কার মস্তরে।

মুঞ্জরিল শুক শাখী
কুহরিল মৌন পাখী

বহিল আনন্দ-ধারা মরু-প্রান্তরে।

শচী। দে লো সখি দে পরাইয়ে গলে সাধের

বকুল-ফুল-হার।

আধ ফোটা ঘুঁইগুলি, যতনে আনিয়ে তুলি
গাঁথি গাঁথি সাজায়ে দে মোরে কবরী

ভরিয়ে ফুল-ভার

তুলে দে লো চঞ্চল কুস্তল, কপোলে

পড়িছে বারেবার।

সখীগণ। আজি এত শোভা কেন

আনন্দে বিবশা হেন

বিষাধরে হাসি নাহি ধরে

লাবণ্য ঝরিয়া পড়ে ধরাতলে

সখি তোরা দেখে যা দেখে যা

তরুণ তনু এত রূপ-রাশি

বহিতে পারে না বুকি আর।

সখীগণ। এত ফুল কে ফুটালে (কাননে)

লতায় পাতায় এত হাসি-তরঙ্গ মরি কে উঠালে

সজ্জীর মিলন হবে, ফুলেরা গুনেছে সবে,

সে কথা কে রটালে।

শচী। কোয়েলিয়া মাতোয়ারা আনন্দে

মন্দ মন্দ মলয় বহে অন্ধ ফুল-গন্ধে।

ভ্রমরা গুঞ্জরে মুঞ্জরে কুঞ্জে চূত-মঞ্জরী কি সুন্দর

কোথা গো নাথ এ সুখ-বসন্তে।

সখীগণ। সেই তো সেই পস্তাতে হল, দেশ

কেন হাসালে

প্রাণ-দায়ে মান ভাসালে।

মানময়ী মান শিখেছ কোথা, খেতে হল

শেবে মানেরি মাথা

কেমন কেমন এখন কেমন, হায় রে হায় রে

হায় রে হায়—

কুছ কুছ করি, ছয়ো ছয়ো ছয়ো দিচ্ছে

কোকিল রসালে।

শচী। রেখে দে সখি রেখে দে ও-সব রত্নতামাসা

অসময়ে কভু ভাল নাহি লাগে উপহাসময় ভাষা।

যামিনী। তবে আমরা সখি এখন চল্লেম। উষা

সখীর আসবার সময় হয়েছে। এখন তাঁর

পালা। এখন থেকে তিনিই তোমার কাছে

থাকবেন।

[সখীগণের প্রস্থান।

শচী। কৈ এল কৈ এল, সে আর কৈ এল
ঐ দেখ পূর্ক-গগনে তরুণ-অরুণ-কিরণ ছায়
বিহঙ্গম কুঞ্জে কুঞ্জে গায় ; চল সখী চল।
একে একে সব তারা নিভিল, স্নান-শশী
অন্তে গেল
কৈ সে এল, কৈ সে এল, সাধের মালা
শুকালো শুকালো।

(সখীগণের পুনঃপ্রবেশ)

শচী। যামিনী, তোমরা যে আবার ?
যামিনী। ঐরাবতের গর্জন শুনচ না সখি ? তার
কৃষ্ণবর্ণ ছায়ায় গগন আচ্ছন্ন হয়ে গেছে, উষা-
সখী ভয়ে কোথায় লুকিয়েছেন। তাই আমরা
আবার এলেম।

সখীগণ। দেখ ঐ কে এসেছে, চাও সখী চাও।
আকুল পরাণ ঔঁর আঁখি-হিল্লোলে নাচাও।
তৃষিত নয়নে চাহে মুখপানে
হাসি স্মৃদাদানে বাঁচাও।

[শচী ও সখীগণের প্রস্থান।

(ইন্দ্র ও চন্দ্রের প্রবেশ)

ইন্দ্র। এখনও কি উনি অভিমানভরে আছেন ?
না জানি আমার অদৃষ্টে আবার কি আছে।

চন্দ্র। না সখা, আর কোন ভয় নাই। ঐ দেখ—
এই দিকেই আসছেন। এখন এখানে আমার
থাকাটা ভাল হচ্ছে না, আমি চলুম।
[চন্দ্রের প্রস্থান।

ইন্দ্র। মে আসে ধীরে, যায় লাঞ্জে ফিরে
রিনিকি রিনিকি রিনিকিনি মঞ্জু মঞ্জু মঞ্জীরে
রিনিরিনি ঝিমীরে।
বিকচ নীপ-কুঞ্জে, নিবিড় তিমিরপুঞ্জে
কুহল-ফুল-গন্ধ আসে অন্তর-মন্দিরে
উন্মদ সমীরে।
শঙ্কিত চিত কল্পিত হিয়া, অঞ্চল উড়ে চঞ্চল
পুষ্পিত তৃণ-বীথি, ঝঙ্কিত বন-গীতি
কোমল পদপল্লবতল চূষিত ধরণীরে
নিকুঞ্জ কুটারে।

(শচীর প্রবেশ)

ধীরি ধীরি প্রাণে আমার এসো
মধুর হাসিয়ে ভাল বেসো

হৃদয়-কাননে ফুল ফুটাও
আধ-নয়নে প্রিয়ে চাও চাও
পরান কাঁদিয়ে দিয়ে হাসিখানি হেসো।

শচী। বিরহ-রজনী হ'ল অন্ত, এস এস কান্ত মম
প্রিয়তম,
নয়ন-রজন প্রাণ-জুড়ান-ধন, আজি কি আনন্দ !
মল্লিকা মালতী যুথি বেলা, সুরভি কুসুমে
গেঁথেছি মালা
আজি তব কণ্ঠে দিব পরাইয়া, হৃদিমাঝে
জাগিল নবীন বসন্ত।

ইন্দ্র। আহা জাগি পোহাল বিভাবরী

(অতি) ক্রান্ত নয়ন তব স্তম্ভরি।

স্নান প্রদীপ উষানিল চঞ্চল

পাণ্ডুর শশধর গত অন্তাচল

মুছ আঁখিজল, চল সখী চল

অঙ্গে নীলাঞ্চল সঘরি।

আইল প্রভাত নিরাময় নিশ্চল

শান্ত সমীরে কোমল পরিমল

নির্জন বনতল শিশির-সুশীতল

পলকাকুল তরুবল্লরী।

বিরহ-কাননে ফেলি মলিন মালিকা

এস নিঃভবনে এস গো বালিকা

গাঁথি লহ অঞ্চলে নব শেফালিকা

অলকে নবীন ফুল-মঞ্জরী।

(বৈতালিকের প্রবেশ)

বৈতালিক। আইল শুভ্র উষা নভ-মাঝে

যাও কাজে দেবরাজ হে।

যাও ইন্দ্র তুমি তৃষিত মরত-ভূমি

যাও আরোহি গজরাজে।

করিয়া বরিষণ দাও গো জীবন,

শুধু বৃক্ষ-লতা জল বিনা যে।

আসিল ত্রিভুবন, ঐ শোন ঐ শোন

দেব-হৃদুভি মূহু বাজে ॥

ইন্দ্র। প্রিয়ে, ঐ শোন, দেব-বৈতালিকেরা আমাকে
উদ্বোধিত করুন। আর আমার থাকা হয় না।

শচী। তুমি যেও না এখন, এখনও আছে রজনী
পথ বিজন, তিমির সঘন,
কানন কণ্টক-তরু-গহন, আধারা ধরণী।
বড় সাধে জালিছ দীপ, গাঁথিছ মালা

চিরদিনে বঁধু পাইছ হে তব দরশন।
আজি যাব অকুলের পারে
ভাবাব প্রেম-পারাবারে জীবন-তরুণী।
তুমি যেও না এখনি।

(সখীগণের প্রবেশ)

ইন্দ্র। হৃদয়ের মণি, আদরিণি মোর,
আয় লো কাছে আয়,
চির-সোহাগিনী অভিমানী ধনি,
আয় লো কাছে আয়।

মিশাবি জোছনা-হাসি রাশি রাশি
মূহ মধু জোছনায়, আয় লো আয়।
মগয় কপোল চুমে চলিয়া পড়েছে যুমে;
নয়নে, আননে, ভুলিয়া ভ্রমর ধায়;
তটিনী-তরঙ্গগুলি চরণে লুটিতে চায়।

শচী। সুন্দর হৃদিরঞ্জন তুমি নন্দনফুলহার।
ইন্দ্র। তুমি অনন্ত নব বসন্ত অন্তরে আমার।

সখীগণ। নীল অধর অঙ্গে জড়িত
অঞ্চলে খেলে রঙ্গে তড়িত
মঞ্জুল মূহ সঙ্গীত কত গুঞ্জরে চারিধার।
ঝলকিছে কত ইন্দু-কিরণ, উপলিছে ফুলগন্ধ
অঙ্গরাগণ-চরণ-ভঞ্জে চমকে চকিত ছন্দ।

ইন্দ্র। তুমি মর্শ্বের চিরবন্ধন তোমা ছাড়া প্রাণ
করে ক্রন্দন।

শচী। লহ হৃদয়ের ফুল চন্দন বন্দন উপহার।
ইন্দ্র। প্রিয়ে! আজ আমার কি সুখের দিন।
তোমরা সকলে মিলে আজ মন খুলে নৃত্য-গীত কর।
সখীগণ। আয় লো, আয় লো, আয় লো, আয় লো,
মিলে সব সজনি

বাসরে পোহাব আজি কি সুখের রজনী।
ভাসিব সুখ-তরঙ্গে মাতিয়ে প্রমোদ-রঙ্গে,
হাসিব সখীর সঙ্গে দিব সুখে হুলুধ্বনি ॥

ইন্দ্র। প্রিয়ে! সখীদের সঙ্গে তুমিও নৃত্যগীতে
যোগ দাও না, তা হ'লে আমি বুঝবো তোমার
মন থেকে সব কষ্ট দূর হয়েছে।

শচী। আয় তবে সহচর হাতে হাতে ধরি ধরি
নাচিবি ঘিরি ঘিরি গাহিবি গান।

আনু তবে বীণা আনু, সপ্তম সুরে বাঁধ
তবে তানু।

আর কি গো ভাবনা, আর কি গো যাতনা
রাখিব প্রমোদে ভরি দিবানিশি মন প্রাণ।
আনু তবে বীণা আনু, সপ্তম সুরে বাঁধ তবে তানু।

ঢাল ঢাল শশধর ঢাল ঢাল জোছনা
সমীরণ বহে যা রে ফুলে ফুলে ঢলি ঢলি।
উলসিত তটিনি গাও গো তুমিও
কুলু কুলু কলতানে খুলে হৃদি-মন প্রাণ।

ইন্দ্র।—প্রিয়ে! তুমি শান্ত হয়েছ
এসো আমার কাছে এসে বোসো;
একটু পরেই আমায় পার্থিব গগনে
যাত্রা করতে হবে।

এখন যতটুকু তোমার সংসর্গে থাকতে পাই
ততটুকুই আমার পরম লাভ।

সখীগণ। মধুর মিলন।
হাসিতে মিশেছে হাসি নয়নে নয়ন ॥
মর মর মূহবাণী মর মর মরমে
কপোলে মিলায় হাসি স্মধুর সরমে।
নয়নে স্বপন ॥

(বনদেবতা প্রভৃতি সকলের প্রবেশ)


সকলে। আজি আঁখি জুড়াল হেরিয়ে (আহা)
মনোমোহন মিলন-মাধুরী, যুগল মুরতি।
ফুল গন্ধে পাগল করে, বাজে বাঁশরী উদাস সুরে
নিকুঞ্জ প্লাবিত চন্দ্র-করে
তারি মাঝে মনোমোহন মিলন

মাধুরী-যুগল মুরতি
আনো আনো ফুলমালা, দাঁও দৌঁহে বাঁধিয়ে
পুলকে পুরিল নন্দন কানন, অক্ষয় হবে
প্রেমবন্ধন

চিরদিন হেরিব হে মনোমোহন মিলন-মাধুরী,
যুগল মুরতি।

সখীগণ। আয় লো, আয় লো, আয় লো, আয় লো,
মিলে সব সজনি

বাসরে পোহাব আজি কি সুখের রজনী।
ভাসিয়ে সুখ-তরঙ্গে মাতিয়ে প্রমোদ-রঙ্গে
হাসিব সখীর সঙ্গে, দোবো সুখে হুলুধ্বনি।



রজত-গিরি

[ব্রহ্মদেশীয় নাটক]

জ্যোতিরিন্দ্রনাথ ঠাকুর অনুদিত

পাত্রপাত্রীগণ *

পুরুষ

পাঞ্চালের রাজা। (পিঞ্জালা)।
রাজকুমার সুধনু (খুদাহু) পাঞ্চালরাজের পুত্র ও
উত্তরাধিকারী।
পাবক (পামুক)—সন্ন্যাসী।
মন্ত্রিগণ, রাজ-কর্মচারী, দৈত্য (বেলু)—রক্ষক, অহুচর ইত্যাদি।

মোহক (মোক)—দৈবজ্ঞ।

ধর্মরাজ (দমরাজ) অপরান-নগরীস্থ রজত-গিরির রাজা।

মুকুন্দ (মোজলিন্দ) একজন শিকারী।

আর একজন সন্ন্যাসী।

স্ত্রী

রাজকুমারী দামিনী (দয়ামিনায়ু) ধর্মরাজের কন্যা।
ছয় জন রাজকুমারী—দামিনীর ভগিনী।
মালা (মালা) পাঞ্চাল-প্রাসাদের পরিচারিকাদিগের প্রধান।
মানিনী (মালিন্দয়া)—মুকুন্দের স্ত্রী।
কুমারী, পরিচারিকাগণ ইত্যাদি।

* পাঠকগণের পাঠ সুখকর করিবার জন্ত ব্রহ্মদেশীয় নামগুলি অস্বদেশীয় আকারে কিছু কিছু পরিবর্তন করা গিয়াছে।



ভূমিকা

ব্রহ্মদেশীয় নাটক ও নাটকাভিনয়

কোন জাতির সাহিত্য আলোচনা করিয়া দেখিলেই সে জাতির সভ্যতার অবস্থা কিয়ৎপরিমাণে অবগত হওয়া যায়। ব্রহ্মবাসীদিগকে—চলিত ভাষায়—মগ্দিগকে আমরা নিতান্ত অসভ্য মনে করি। কিন্তু যে জাতির মধ্যে নাটক ও নাটকাভিনয়ের জলন্ত অহুরাগ বিদ্যমান, সে জাতিকে অসভ্য বলা কতদূর সঙ্গত, একবার ভাবিয়া দেখা উচিত।

নাটকাভিনয় ব্রহ্মবাসীদিগের একটি জাতীয় অনুষ্ঠান। ব্রহ্মদেশের সমস্ত অধিবাসীর মনের উপর ইহার প্রবল প্রভাব পরিলক্ষিত হয়; কি ইতর, কি ভদ্র, নাটকাভিনয় দর্শন করিবার জন্ম সকলেই ব্যগ্র ও লালায়িত। “পুয়ে” অর্থাৎ নাটকাভিনয় দেখিবার জন্ম নাট্যশালায় এত লোকের সমাগম হয়, এবং এত অধিক লোকের সমাগম সত্ত্বেও একরূপ নিস্তরুভাবে ও সুশৃঙ্খলরূপে সমস্ত কার্য নির্বাহ হয় যে, দেখিলে বিস্মিত হইতে হয়। দর্শকেরা অভিনয় দর্শনে একেবারে মুগ্ধ হইয়া যান—কখন বিপন্ন ধার্মিকদিগের হৃদশায় মমতা প্রকাশ করেন—কখন বা নাটকস্থ হান্তোদ্দীপক অংশের অভিনয়ে উচ্চহাস্তে গগনতল বিদীর্ণ করেন।

অভিনেতা ও অভিনেত্রীগণের পরিচ্ছদ অতি সুন্দর ও জম্‌কালো। কিন্তু রঙ্গভূমির স্থান ও আহুয়ঙ্গিক দৃশ্য প্রভৃতি নিতান্ত সাদাসিধা ও সামান্য। নাট্যগৃহ বাশ দিয়া নির্মিত ও তাহার ছাদ তৃণ দ্বারা আচ্ছাদিত,—কিন্তু অতি উজ্জ্বল-বর্ণের রেশম ও অগ্নাণ্ড বস্ত্রে মণ্ডিত। গৃহের মধ্যস্থলে অভিনয়-মঞ্চ। অভিনয়-মঞ্চের মধ্যস্থলে একটি বৃক্ষের শাখা রোপিত—ইহা সমস্ত বনদৃশ্যের স্থলাভিষিক্ত। আশ্চর্যের বিষয়, এই একটিমাত্র বৃক্ষশাখায়, ব্রহ্মবাসী দর্শকদিগের কল্পনাচক্ষে সমস্ত অরণ্যের চিত্র প্রতিভাত হয়। এই বৃক্ষশাখার চতুর্দিকে দীপাবলী স্থাপিত হয় ও কদলী-বৃক্ষের গুড়ির উপর সরা রাখিয়া—তাহাতে পিটোলিয়ম তৈল দিয়া প্রদীপ জ্বালানো হয়।

খ্যাতনামা দর্শকদিগের বসিবার জন্ম উচ্চ বংশ-মঞ্চ সকল পার্শ্বভাগে নির্মিত হয় ও সাধারণ দর্শকগণ চক্রাকারে ঘেঁদাঘেঁসি করিয়া ভূমিতলেই উপবেশন করে। নাট্যশালায় পশ্চাত্তাগে বাদ্যস্থান এবং বাদ্যস্থানের পশ্চাদিকে অভিনেতৃগণের পরিচ্ছদ-পরিবর্তনের স্থান ও প্রবেশ-প্রস্থানের পথ।

নাটকীয় ঘটনা-বিহ্বাস বিষয়ে ব্রহ্মদেশীয়দিগের বিভিন্ন নাটকের মধ্যে পরস্পর সাদৃশ্য উপলব্ধি হয়। নাটকীয় পাত্রের মধ্যে কোন রাজকুমারীর প্রেমাকাজক্ষী কোন রাজপুত্র—মহারাজা রাজপুত্রের পিতা—কঠোর সুবিজ্ঞ মন্ত্রিগণ—রাজার বিনীত পারিষদগণ এবং রাজকুমারীর সখীগণ—এই সকলই প্রতি নাটকে সচরাচর দেখিতে পাওয়া যায়। নাটকাভিনয়ের মধ্যে মধ্যে রাজ-দরবার—সমারোহে রাজ-যাত্রা ও নৃত্য হইয়া থাকে। রাজকুমারের সঙ্গে সঙ্গে প্রায় তাঁহার একটি অহুচর থাকে—সে আমাদের বিদ্বকের কাজ করে। রাজকুমারীর সখীগণের সহিত তিনি উপস্থিত মতে যে সকল রসিকতা করেন, তাহাতেই দর্শকমণ্ডলীর মধ্যে মহা হাসি পড়িয়া যায়। ব্রহ্মদেশীয় ভাষার প্রকৃতি এইরূপ যে, উহার একটি কথাই অর্থ, উচ্চারণের তারতম্যে অনেক বদলিয়া যায়। এই জন্ম ঐ ভাষা দ্বারা ও প্রেযাস্বক বাক্য-রচনার পক্ষে অতীব অহুকুল। নাটকের কথাবার্তাগুলি বেশির ভাগ সাধারণ কথোপকথনের স্থায়; মাঝে মাঝে স্বগত-উক্তি, সমবেতসঙ্গীত ও নৃত্যের ঘোষণা থাকায় কথাবার্তারও “একবেয়েত্ব” নষ্ট হয়। কোন কোন নাটকের স্থানে স্থানে একরূপ সরল অকৃত্রিম কবিত্ব আছে ও নাটকের ঘটনা-বিহ্বাস অতীব অদ্ভুত ও অলৌকিক হইলেও এবং নাটকীয় পাত্র-বিশেষের চরিত্রে অসঙ্গতি দোষ সত্ত্বেও একরূপ চমৎকার দৃশ্য-সকলের সংস্থান আছে যে, ভাল অভিনয় হইলে সভ্যতর দেশের সুশিক্ষিত লোকদিগেরও চিত্ত কিয়ৎপরিমাণে আকৃষ্ট হইতে পারে। তাহার উদাহরণ-স্বরূপ একটি নাটক আমরা নিম্নে অবিকল অনুবাদ করিয়া পাঠকগণের বিচারের উপর নির্ভর করিতেছি।

রজত-গিরি

প্রথম অঙ্ক

প্রথম দৃশ্য

পাঞ্চাল-রাজার প্রাসাদের একটি শালা। মন্ত্রিগণ-
পরিবৃত রাজা সিংহাসনাসীন—সেই শালার দূরত্ব
এক বিভাগে রাজকুমার স্বর্ণ-পালঙ্ক-শয্যায়
নিদ্রিত; অম্বচরগণ পাহারা দিতেছে।

রাজা। সুবিশ্বস্ত মন্ত্রিগণ! বল দেখি সবে—
তোমরা ত চিরকাল আনন্দের সাথে
করিয়াছ সেবা মোর—যথা গ্রহ তারা
গগন-প্রাঙ্গণ-মাঝে উল্লাস-আনন্দে
চন্দ্রমার চারিদিকে বেড়ায় ঘুরিয়া—
এবে বল দেখি সবে, যে অবধি আমি
আছি সিংহাসনে—অসন্তোষ কারে বলে
জেনেছে কি প্রজাগণ কণকাল তরে?

মন্ত্রিগণ। কভু না কভু না প্রভু!

রাজা। তবে শোন বলি—

পরামর্শ লই আমি একটি বিষয়ে।
আমাদের নয় শুধু, সমস্ত প্রজার
ভালমন্দ তত্পরি করিছে নির্ভর।
তোমরা তো জান ভাল স্বধর্ম কুমারে,
জম্বুদ্বীপ *—এক সীমা হ'তে সীমান্তর
যাহার সুর্য্য কীর্তি হয়েছে প্রচার—
বল সবে মন্ত্রিবর, বল গো তোমরা,
আমাদের পুত্র সে যে সুর্য্যসম তেজে—
কেন না এখনি হবে অভিষেক তার?

প্রথম মন্ত্রী। এ প্রস্তাবে এ দাসের পূর্ণ অভিমত।

সুবিখ্যাত সুর্য্যবংশ হ'তে জন্ম যার,
মহা-মহা গজপতি যার পদে নত,
মহাতেজী অথ যিনি করেন দমন,
মহা-মহা ধর্ম যিনি ব্যাকান হেলায়,

* জম্বুদ্বীপ এই কথাটি মুলেও আছে।

সর্ক-মহীপতি চেয়ে প্রতাপ যাহার,
এমন বীরেরে দিতে সিংহাসন ছাড়ি
বিলম্ব কিসের প্রভু? মহা-সমারোহে
যৌবরাজ্যে আজি তাঁর হোক অভিষেক।

[রাজা ও মন্ত্রিগণের প্রস্থান।

রাজকুমার। (নিদ্রা হ'তে জাগিয়া)
অবসন্ন দেহ মোর হীরক-শয্যায়
আছে বুথায় শয়ান। জনম বুথায়
মোর রাজ-গৃহে হয়! বুথা রাজ্য-ধন।
দুঃখ-ভারে অবসন্ন—ঐশ্বর্য্য-বিভব
না পারে জুড়াতে মোর হৃদয়-যাতনা।
হের ওই বাতায়নে প্রিয়তমা মোর
রূপবতী সখী-মাঝে আলো করি দিক্
আছেন দাঁড়িয়ে।—কিস্ত সে যে গো স্বপন।
স্বপ্ন গেছে ছুটি, এবে জাগ্রৎ শূন্যতা
হাসিতেছে আমা-পানে বিক্রপের হাসি।
মনে হল—“শুনে আমি সোণার শয্যায়,
পাশে আছে প্রিয়া মোর গভীর নিদ্রায়”
(এ পোড়া হৃদয়ে আহা নিদ্রাতেই সুখ)
অন্ত গেলে দিনমণি পঞ্চজ মলিন—
প্রিয়ার বিরহে আমি হয়েছি তরুণ—
অবসন্ন ত্রিয়মাণ মূর্তের সমান।

অম্বচর। কেঁদ না কেঁদ না প্রভু—মুছ অশ্রুজল।
স্বর্গের অপ্সরা যথা কেশ-গুচ্ছ-দাম
ভালবাসে জড়াইতে পারিজাত দিয়া,
কিস্ত যতক্ষণ আসি বসন্ত-পবন
নাহি করে সে কুম্বমে জীবন প্রদান
না পারে তুলিতে তাহা—সেইরূপ প্রভু
সময় হইলে সিদ্ধ হবে মনস্কাম,
হৃদয়ের প্রেম-জ্বালা জুড়াবে আপনি।

[প্রস্থান।



দ্বিতীয় দৃশ্য

অরণ্য

(মুকুন্দের প্রবেশ)

মুকুন্দ। ওরে আমার প্যাচা-মুখী, খ্যানা-নাকী,
শূর-চোখী, খ্যানরা-ঠোটি প্রাণ-প্রায়নী! ওঠ
—আমাকে কি কিছু খেতে টেতে দিবি? আমি
পাহাড়ে শীকার কত্তে যাচ্ছি, লক্ষী আমার,
শীগ গির ওঠো।

মানিনী। হতভাগা আপ্ত-গর্জে মিন্বে কোথা-
কারে! কিসের জন্ত এত তাড়াতাড়ি? দেখচিসনে
আমি শীতে ধরুধরু ক'রে কাপছি, গায়ে একটা
ছেঁড়া ছাকড়া, এতে কি শীত আটকায়?
আবার তাতে এই ছপুর রাত্তির, ব্যাপারখানা
কি বল দিকি? আর আমি তোর জালা সহিতে
পারি নে। যত দিন না তুই ভাল ব্যাভার
শিখবি, লাথিয়ে লাথিয়ে তোর দফা
নিকেস্ করব, হতভাগা মিন্বে কোথাকারে!
এই নে এক ঘটি জল, আর এই নে এক কুনকে
চাল, এখন এই নিয়ে জললে দৌড়ে যা। যদি
আজকের খাবার মত কিছু শীকার ক'রে না
আনতে পারিস্ তো টেরটা পাবি, গালাগালি
দিয়ে ভুত ভাগিয়ে দেব।

[প্রস্থান।

মুকুন্দ। দেখে রে সবাই, চলে মুকুন্দ শীকারী
রূপবতী প্রেমসীর কোমল আঙ্গায়
ধনুর্কাণ হাতে করি অরণ্যের মাঝে।
আজুক সহস্র শত্রু নাহি করি ভয়।

(সমবেত বাণকারিগণের প্রতি)

যথা ঘোর ইরশদ গগন বিদারি,
ভুকম্পে কাপায় সব পৃথিবী জলদি,
সেইরূপ বজ্ররবে বাজা তুরি-ভেরী!

(ঘোর বাণ—মুকুন্দের প্রস্থান—কিকিং পরে
পুনঃ প্রবেশ—কোমল বাণ)

মুকুন্দ। কি সূখ ভ্রমিতে হেন ছায়াময় বনে।
তারা সম যুঁই যথা সুরভি নিশ্বে,
মলয়-সমীর বহে মাতিয়া চৌদিকে,
ইন্দ্রধনু-রঙে আঁকা বিহঙ্গ-মিথুন

উড়ি উড়ি বসে কিবা এ শাখে ও শাখে—
বিশ্রাম করি না কেন হেথা ক্ষণকাল।

(চমকিয়া) ও কি! ব্যাজ-গরজন অদূর পাহাড়ে!

আহা! মানিনী তুই আছিস্ একাকী,
হৃদয় ব্যাকুল হয় ভাবি যবে তোরে।
হিংস্রজন্তু মুখ-হতে রক্ষা পাইবারে
চলিতে হইবে মোর আরো কিছু পথ।

(পদ্ম-সরোবরে পৌছিয়া)

এ কি! এ কি! কি সুন্দর মনোহর স্থান!
নিশ্চয় হইবে কোন ইন্দ্রজাল-ভূমি।

সুন্দর সরসীধারে জীব জন্তু কত
তৃষ্ণা নিবারিতে আসে, পদ-চিহ্ন তাই।
যুঁথি জাতি পঙ্কজিনী—অসংখ্য ফুলের
মিশ্রিত দৌরভ-ভার বহিছে মলয়—
জুড়াইছে আহা কিবা স্বর্গাস্ত শরীর!
শুক-পাখী ঝাঁকে ঝাঁকে উড়ে চক্রাকারে—
মাণিকের চক্র যেন ঘুরিছে গগনে!
নানাজাতি পাখী কিবা গাইতেছে গান,
জুড়াইয়া যাইতেছে হৃদি মন প্রাণ।
ইচ্ছা করে মানিনী রে! থাকিতিস্ হেথা
আমা সনে ভুঞ্জিতিস্ স্বরগীয় সূখ
এ স্বচ্ছ সরসী তীরে—যাহার সলিলে
শত শত হীরা জলে ভাহুর কিরণে,
পঙ্কজ-মুকুল ভাসে যাহার উরসে
গুহ্র, নীল—যেন কত মুকুতা মাণিক।
প্রসারিত বটবৃক্ষ শীতল ছায়ায়
ওইয়া আছানি এবে কোমল নিদ্রায়।

(নিদ্রা)

তৃতীয় দৃশ্য

অপ্সর-ভূমি কিম্বা রজত-গিরিদেশ

• রত্নভূমির এক পার্শ্বে রাজা ধর্মরাজ এবং
অপর পার্শ্বে তাঁহার সাত কন্যা।

প্রথম রাজকুমারী।

চির-সহচরি সবে প্রাণের ভগিনি!
ভুঞ্জিতেছি এক-সাথে শাস্তি-সুখ মোরা
অপ্সর-নগরে; এবে এসেছে সময়,

উত্তরিয় মর্ত্যধামে—যথা চিররীতি—
পঙ্কজ-সরসী-মাঝে, পদ্মে দিয়া লাজ,
খেলিব মনের স্মখে ; আয় ভাই তোরা
পিতৃ-রাজ-অহুমতি লই এই বেলা ।

দ্বিতীয় রাজকুমারী ।

অহুপমা রূপবতী ভগিনি আমার !
লও গিয়া অহুমতি রাজার নিকট,
আমরা সবাই বোন্ ভালবাসি তোমা
প্রাণের সমান—চল, হব অহুগামী ।

(সকলে রাজার নিকট গমন)

প্রথম রাজকুমারী ।

পিতৃদেব মহারাজ ! বংশের তিলক !
অপ্সর-প্রদেশ-স্বামী, মহাধর্মধর !
স্মেরু অচল-সম অটল-শক্তি !
—কথাগণ তব পদে করিছে প্রণতি ।
দাও অহুমতি পিতঃ যাব মর্ত্যধামে,
পঙ্কজ-সরসী-তীরে উপবন-ছায়ে
খেলিব মনের স্মখে ; ক্রান্ত হলে দেহ
জুড়াইব গিয়া সেই সরসী-সলিলে ।

রাজা । ইচ্ছা হয় যাও সবে প্রাণের প্রতিমা ।

কিন্তু মনে থাকে যেন, মর্ত্য সেই দেশে
মলিন মানবগণ করয়ে বসতি ।
শাস্তি-স্বথ নাহি তথা হেথাকার ঞ্চায়,
বিপদ্ হইতে তিল নাহিক নিষ্কৃতি ।
দেখো সাবধান ! প্রতি পদ বিবেচিয়া
দেব-বুদ্ধিবলে তবে করিবেক কাজ ।
শিরোধার্য্য করি এই উপদেশ মোর
যাও সবে, কিন্তু এস শীঘ্র দেশে ফিরি ।

প্রথম রাজকুমারী ।

অহুমতি দিলে পিতঃ—প্রণমি তোমায় ।
লঘুগতি সবে মোরা বিলম্ব না জানি,
দ্বরায় আসিব ফিরি শ্রীচরণ-তলে ।

[প্রস্থান ।

চতুর্থ দৃশ্য

পদ্ম-সরোবর

(বট-বৃক্ষতলে মুকুন্দ নিদ্রিত ও ৭টি রাজকুমারীর
প্রবেশ)

প্রথম রাজকুমারী ।

স্বরম্য সরসী ওরে ! কোমল সুন্দর,
কত ভাব জাগে হৃদে হেরি তোর জল,
আনন্দের উৎস তুই—ফটিক-দর্পণ !
এই যে বহিছে বায়ু মুহুমন্দ গতি—
স্বরভি ফুলেরি উহা আকুল নিখাস ।
কোন্ বিধি বল্ দেখি স্বজিগ রে তোরে ?

(ভগিনীগণের প্রতি)

আয় বোন্ থলে ফেলি রত্ন-মলঙ্কার,
হীরকের কর্ণজল মণি-মুক্তা-হার,
খেলি সবে মনস্মখে এই সরোবরে ।
অর্ক-অঙ্গ ঢাকা রবে ফটিক-তরঙ্গে—
রক্ত-নীরদে যেন চপলা খেলিবে ।

(অপ্সরাগণের অবগাহন ও মুকুন্দের জাগরণ)

মুকুন্দ । শুভ লগ্নে স্নানশিচত জনম আমার !

নারী-রত্ন মহারত্ন কথায় যে বলে
—মর্শ্য তার বুদ্ধিলাভ এত দিন পরে ।
সামান্য মানবী নহে, দেবকণ্ঠা এ যে !
কর্ণ-জল কর্ণহার কিবা ধরে শোভা,
প্রভাত-শিশির সম জলিছে মুকুতা !
সমস্ত গগনে যার রক্ত-মহিমা—
এমন চন্দ্রমা সেও হোথা পায় লাজ ।
অসাড় হতেছে দেহ, ইঞ্জিয় অবশ,
এ দৃশ্য মানবে কভু পারে গো সহিতে ?

(অচেতন হইয়া ভূমে পতন, ক্রমে চেতনলাভ)

সৌন্দর্য্য-আদর্শ ও যে—নাহিক উপমা—
চিত্রিতে না পারে তাহা চিত্রকর-তুলী ।
পারি যদি ধরিবারে একটি সুন্দরী,
রাজপুঞ্জে ভেট দেই এই দণ্ডে আমি ।
পুরস্কার কত পাব—নাহি তার শেষ,
দারিদ্র্য ঘুচিবে মোর চিরকাল-তরে ।
হয়েছে !—পাবক নামে পবিজ গোসাঁই
করেন বসতি এই সরোবর-ধারে,
তাঁর কাছে আছে এক সন্ধ্যাহন-কাঁসি,

তাহাতে পড়িবে ধরা ত্রিদিবের পাখী।
এই বেলা যাই তবে—বিলম্বে কি কাজ ?
[প্রস্থান ।

পঞ্চম দৃশ্য

পদ্মসরোবর-তীরস্থ বনে সন্ন্যাসীর আশ্রম।
(সন্ন্যাসী পাবক এবং মুকুন্দের প্রবেশ)

পাবক। যে জন্তু এসেছ বাছা জানি আমি সব,
একটি উপায় আছে ও কার্য সাধিতে।
দৈত্য-রাজ দেয় মোরে সন্মোহন-ফাঁসি,
কমণ্ডলু-ভিতরে তা আছে অনাদরে।
তাহে মোর নাহি কাজ—অস্পৃশ্য আমার,
ইচ্ছা হয় লয়ে তুমি—সাধ তব কাজ।
মুকুন্দ। বড় দয়া তব—লও কৃতজ্ঞ-প্রণাম।
[সন্মোহন-ফাঁসি লইয়া প্রস্থান।

ষষ্ঠ দৃশ্য

পদ্ম-সরোবর

(অঙ্গরাদিগের জল-ক্রীড়া—মুকুন্দের প্রবেশ ও সন্মোহন-ফাঁসি নিষ্ক্ষেপ করিয়া রাজকুমারী দামিনীকে ধৃত করণ—অবশিষ্ট ৩ অঙ্গরা উড্ডীয়মান হইয়া অঙ্গর-দেশে পলায়ন।)

দামিনী। কি বিপদ ভাগ্যে মোর হ'ল অকস্মাৎ !
রক্ষা কর রক্ষা কর—কোথা গেলে বোন ?
এ দারুণ কষ্ট হতে মুক্ত কর মোরে।
বুধা এবে যুঝায়ুঝি—সর্ব্ব অঙ্গ হ'ল
পাষণ-প্রতিমা সম কঠিন অবশ !
কোথা গেলি রক্ষা কর—এই বেলা আয়—
নহিলে মরিল তব প্রাণের ভগিনী !

মুকুন্দ। বুধা বাক্য ছেড়ে দাও অঙ্গর-ঈশ্বরী,
ও কথা কি সাজে তব চারু ওষ্ঠাধরে ?
বিপদ ভাবিছ যারে নহে তা বিপদ—
বরঞ্চ সে পূর্ব্বজন্ম-সুকৃতির ফল।
এ দেশের রাজা যিনি মহা-পরাক্রম,
যাঁর পরে অদৃষ্টেরো নাহিক প্রভাব,
শত শত মহীপতি যাঁর পদে নত,
সে রাজার আছে এক পুত্র গুণবান্।

অভাবের মধ্যে শুধু একটি অভাব—
স্ত্রী-রত্ন চাইকো তাঁর নাশিতে আধার।
মোহন ফাঁসিতে তাই ধরেছি তোমার
করিতে তাঁহার সেই সিংহাসন-ভাগী।

দামিনী। শোন মোর কথা ওগো দয়ালু শীকারী !
অঙ্গরদেশের রাজা—রজ-গিরি-স্বামী—
তাঁর কণ্ঠা আমি হই, জাতিতে অঙ্গরা,
তুমি মোরে বল দেখি, তোমারেই মানি,
কেমনে অঙ্গরা হয়ে মানবেরে ভজি ?
অতএব ছাড় মোরে করি অন্তনয়,
যুগিত বিবাহে জেদ কোরো না গো তুমি।
মুকুন্দ। সুন্দরী-অঙ্গরা-রাণী কেন হুঁথ কর,
অদৃষ্ট প্রসন্ন তব সুকৃতির ফলে।
এমন প্রবল রাজা, বিক্রমে কেশরী—
হৃদয়ে বিভবে তাঁর হবে অধিকারী।
এস এস সুন্দরি গো, হও অমুগামী,
ভবিষ্য-পতির গৃহে চলহ এখনি।

[দামিনীকে লইয়া মুকুন্দের প্রস্থান।

সপ্তম দৃশ্য

পাঞ্চাল-রাজার প্রাসাদশালা

(রাজকুমার ও মুকুন্দের প্রবেশ)

মুকুন্দ। রাজকুমার মহান্ ! যাহার মহিমা
শত শত নৃপতির করে অতিক্রম,
যাঁর পদতলে তারা সদা নতশির,
অমুপম অতুলন ধরে যাঁর রূপ
নয়ন-রঞ্জন সর্ব্ব-কুসুমের গুণ !—
করহ শ্রবণ—আমি ভ্রমিতে ভ্রমিতে
এক অরণ্যের মাঝে,—দিব্য রম্য স্থান,
হরিণ-হরিণী যথা চরে অবিরাম—
আইলাম অকস্মাৎ পদ্ম-সরোবরে।
: হেরিছ, সাতটি দেবী অতুল রূপসী
পঙ্কি-ঝাঁক সম উড়ি নামিল সে তীরে।
উহার একটি ধোরে এনেছি গো জালে,
হুলুভ সে উপহার সঁপিব ও পদে।
দামিনী দেবীরে প্রভু লও দয়া করি,
অঙ্গর-রতন তিনি অতুল রূপসী,
তপত কাঞ্চন সম নির্মল নির্দোষী।

রাজকুমার। সুযোগ্য মুকুন্দরাম! আন করা করি
তব চারু উপহার মম সন্নিধানে।

[মুকুন্দের প্রস্থান ও দামিনীকে লইয়া পুনঃপ্রবেশ)

রাজকুমার। কি হেরি নয়নে হায়! ও মুখ নেহারি
নয়ন-রঞ্জন শশী, লাজে অধোমুখে
মেঘ-ঘোমটার মাঝে লুকাবে এখনি!

রচে যারে শিল্পী কত সুন্দর আকারে—
হেন কাঞ্চনেরো কান্তি হোথা হার মানে।

পদ্ম-সম পবিত্র বা প্রভাত-শিশির!

কিবা আহা গণ্ডস্থল অতি সুকোমল—

প্রজাপতি-পক্ষে যেন সুকুমার রেণু।

মুখে কি সুরভি-খাস। মরি কি সুন্দর

এলায়ে পড়েছে কেশ দামিনী-বরণ।

কণ্ঠস্থরে আহা কিবা সঙ্গীত উথলে,

মধুর লাবণ্য ফরে প্রত্যেক গতিতে!

উনিই আমার যোগ্য হৃদয়-ঈশ্বরী

ওঁরেই করিব আমি অর্ধ-অঙ্গ-ভাগী।

পাত্রমিত্রগণ। সত্য বটে হেনরূপ দেখি নাই কভু,
গুণেতেও অতুলনা হেন মনে লয়।

রাজকুমার। মোহিনি ললনে ওগো অপর-কুমারি!

পঙ্কজ-মুকুল সম ও তব কপোলে

লজ্জার রঞ্জিত-রাগ ঈষৎ বিকাশে!

পূর্ক-জন্মে পুণ্য যাহা করেছি সঞ্চয়

তাহারই সফল এই কহিহু তোমারে।

তাহারি কারণে হই বিভিন্ন অদৃষ্ট

এক সূত্রে, এক গ্রন্থে, হতেছে বন্ধন।

এখনো বিমুক্ত আমি—দাও অভিমতি—

যখন বসিব ওগো পিতৃ-সিংহাসনে

তুমিও বসিবে তাহে হয়ে রাজরাণী।

দামিনী। কি ক'রে হইবে তাহা রাজপুত্র ওগো!

জাতিতে পৃথক্ মোরা—দূর-দেশবাসী,

আকাশ-পাতাল-ভেদ আমা-তোমা-মনে।

অপর-প্রদেশে জন্ম, জাতিতে অপর,

রক্ত-গিরি-রাজা যিনি ঠাহারি হুঁহিতা।

কেমনে মিলিব বল মর্ত্য রাজা মনে,

অধঃপাত হবে, মান খোয়াব তা হ'লে।

অতএব রাজপুত্র! করি অনুনয়

—দাও ছেড়ে, যাই চ'লে পিতার আলয়।

রাজকুমার। তা হবে না, তা হবে না, হৃদয়-রতন!

পৃথিবীতে আছে ষত সুন্দর সামগ্রী

তা সবার তুমি যে গো অমূল্য সমষ্টি।

জীবন যায় বা যদি তাহাও স্বীকার,

তোমা সম রত্ন তবু ছাড়িব না কভু।

করিও না পরিতাপ প্রাণ-প্রিয়তমা

হৃদয়ে রাখিতে তোমা নিতান্ত বাসনা।

(হস্তগ্রহণ)

প্রথম অঙ্ক সমাপ্ত।

(প্রথম ও দ্বিতীয় অঙ্কের ব্যবধান-কাল-মধ্যে
দামিনীর সহিত রাজকুমারের বিবাহ—দামিনী
গর্ভবতী ও শত্রু-সৈন্য কর্তৃক পাক্কালাদেশ আক্রমণ)

দ্বিতীয় অঙ্ক

প্রথম দৃশ্য

পাক্কালা-রাজার প্রাসাদ-শালা।

(মন্ত্রিগণ-পরিবৃত রাজা আসীন)

রাজা। পাত্র মিত্র মন্ত্রিগণ! তোমরা সকলে

যুদ্ধ-বিজ্ঞা-বিশারদ—কর অবধান!

উজ্জীনের লোক আসি পাক্কালা-সীমায়

করিয়াছে আক্রমণ—আজ্ঞা এই মোর,

সৈন্যগণ-নেতা হয়ে কুমার সুধনু

এখনি করুন যাত্রা অরাতি-বিরুদ্ধে।

করিবে নির্মূল যেন না ফেরে কেহই

দোসর-নিধন-বার্তা দিতে নিজ দেশে।

[রাজার প্রস্থান।

(রাজকুমারের প্রবেশ)

১ম মন্ত্রী। সিংহ-রাজ-সম রাজকুমার মহানু।

তুচ্ছিয়া শক্তি তব শত্রু হুঃসাহসী

উড়ায়েছে এই রাজ্যে বিদ্রোহ-পতাকা।

আমাদের প্রভু তব পূজনীয় পিতা

মোরে পাঠিয়েছে তেঁই বলিতে তোমায়

ঠাঁর আজ্ঞা এই—যেন হয়ে সৈন্য-নেতা

এই দণ্ডে শত্রুকুলে করহ নির্মূল।

রাজকুমার । রাজাক্সা এখনি আমি করিব পাগন ।
অথ গজ পদাতিক করহ প্রস্তুত ।
যুদ্ধ-আয়োজন-সজ্জা কর বিধিমতে,
মুহূর্ত্ত বিলম্ব কভু করিব না হেথা ।

[মন্ত্রিগণের প্রস্থান ।

(দামিনীর প্রবেশ)

রাজকুমার । সুচারু শশাঙ্ক-সম ভবিষ্য-মহিষি !
এমনি সৌন্দর্য্য তব—নাহি প্রয়োজন
মণি-মুক্তা-অলঙ্কারে ভূষিতে শরীর,
প্রত্যেক গতিতে তব এমনি লাভণ্য—
বায়ুভরে মুগ্ধমন্দ দোলে যে পদ্মিনী
সেও হার মানে—এবে শোন মোর কথা ।
কর্তব্যের অহুরোধে অরাতি-বিরুদ্ধে
যাইতেছি হেথা হ'তে, কোরো না বিলাপ,
সহচরীগণ-মাঝে মনের আনন্দে
নিরাপদে থাক প্রিয়ে প্রাসাদ-ভিতরে ।

দামিনী । হা নাথ ! বুঝি বা এবে হয়েছ বিস্মৃত
আমি যে মানব নহি, জাতিতে অপ্সরা—
ফেলে গেলে হেথা মোরে, কার পানে চাব ?
কার মুখ হেরি পাব সান্ত্বনা আরাম ?
তা হবে না ওগো নাথ, ছাড়িব না কভু,
যেথায় যাইবে তুমি আমিও যাইব,
তাড়াইলে পদ তব ধরিব জড়ায়ে ।
নিষ্ঠুর মৌয়ামি ওগো ! এই কি সময় ?
গর্ভে ধরিয়াছি তব প্রিয়তম স্নতে—
এ সময়ে তুমি নাথ ত্যজিবে আমারে ?
নিভাস্ত যাইবে যদি—একটু দাঁড়াও,
আঁখি-ভরে দেখে লই জনমের তরে ।
চ'লে যদি যাও নাথ আমায় ফেলিয়ে—
কি আশুনি নিদারুণ জলিবে এ হৃদে !
শতবার পুড়ে যদি বিশ্ব হয় থাক,
শীতল সে অগ্নি তবু মোর জ্বালা কাছে ।
মরিলেই ভাল ছিল—কেন না মরিহু ?
প্রাণ হ'ল ওষ্ঠাগত—বন্ধ হ'ল বাক—

(ক্রন্দন)

রাজকুমার । উপায় নাহিক প্রিয়ে, মুছ অশ্রুধার,
হাসি-মুখে দাও প্রিয়ে, আমারে বিদায় ।
কোরো না বিলাপ—করি শত্রুদলে জয়
মুহূর্ত্তে ফিরিব আমি যুদ্ধক্ষেত্র হ'তে ।

যত দিন আমি প্রিয়ে না আসি স্বদেশে,
ইষ্টদেবে পূজা দিও আমার উদ্দেশে ।
দামিনী । এস এস মৃত্যু মোরে লও দয়া করি,
ছঃখভার হ'তে মোরে মুক্ত কর আসি ।
হৃদয়ে হৃদয় মোর পড়িছে চলিয়া
—বৃক্ষ হ'তে পক ফল পড়ে যথা খসি ।
(পালকে মুচ্ছিত হইয়া পতন)

(পতাকাধারী ও সেনা-নায়কগণ-সমভিব্যাহারে
মন্ত্রিগণের প্রবেশ)

প্রথম মন্ত্রী । প্রস্তুত সকলি প্রভু শাস্ত্র-বিধিমতে ।
সুসজ্জিত সৈন্যগণ বৃদ্ধ-যাত্রা তরে
বড়ই অর্থে—প্রভু চল স্তরা করি,
লয়ে যাও তাহাদের যুদ্ধক্ষেত্র-মুখে ।

রাজকুমার । সুভীষণ সৈন্যদল—শত শত বীর—
পদভরে যার ধরা আমূল কম্পিত,
হেন সৈন্য-দল-নেতা কে না হ'তে চায় ?
আগমন-বার্তা মম ঘৃষুক কামান ।

(দামিনীর প্রতি)

বিদায় হই গো প্রিয়ে—ফিরিব স্তরায় !
হৃদি হ'তে ওঠে শ্বাস আসিতে যে পেরী—
তার আগে আমি পুন দেখিব তোমায় ।

[প্রস্থান ।

দ্বিতীয় দৃশ্য

জঙ্গলে সেনা-নিবেশ

(সেনানায়কগণ ও মন্ত্রিগণ-পরিবেষ্টিত রাজকুমার)

১ম মন্ত্রী । সুসংবাদ আনিয়াছি প্রভু-সন্নিধানে ।
যে দিন করেছ প্রভু যুদ্ধ-যাত্রা হেথা,
যে কুল এসেছ ফেলি, হয়েছে প্রকুল—
রাজবালা করেছেন সন্তান প্রসব ।
বহুমূল্য নবরত্ন-সম মনোহর,
বিপদ আপদ হতে মুক্ত একেবারে ।

রাজকুমার । মিত্রগণ ! এ সংবাদে হলেম প্রসন্ন,
কৃতজ্ঞ-প্রসাদ লও—রাখিলাম নাম
মঙ্গল * তাহার, এবে তোমাদের হাতে
যাই সঁপি পুত্র-দারা বিশ্বাসের ভরে ।

[প্রস্থান ।

* মূলে মৃ—কিয়াউ ।

তৃতীয় দৃশ্য

পাঞ্চাল-রাজপ্রসাদ-শালা

রাজা। সুবিশ্বস্ত বন্ধুগণ! পড়িলে বিপাকে
যাহাদের সুবুদ্ধির লই গো আশ্রয়—
কর অবধান—আমি হীরক-পালকে
আছি শুয়ে, দেখিলাম শত শত অসি
নিষ্কোষিত সমুগ্ধত জিহ্বা লকলকি
চকিতে চপলা সম চমকে চৌদিকে।
দেখিলাম আরো, মম অস্ত্র তিন পাকে
অঙ্গগর সম আছে জড়য়ে প্রাচীরে।
মোহক দৈবজ্ঞে এবে আনো স্বরা করি,
কি স্থচনা করিতেছে, বলুক গণিয়া।

[মন্ত্রিগণের প্রস্থান।

। (মোহক দৈবজ্ঞকে লইয়া পুনঃপ্রবেশ)

মোহক। (স্বগত) সুঘটনা বলি এরে—

হয়েছে সুযোগ।

উদ্ধত সে রাজপুত্র আমার উপরে
বরিষেছে নানাবিধ অপমান-রাশি,
প্রতিশোধ দিতে তার এই তো সময়।
জীকে নাকি রাজপুত্র বড় ভালবাসে ?
সুদ-শুদ্ধ আমি এবে করিব আদায়
হরি তার প্রাণ। (প্রকাশ্যে) এবে শোন
মহারাজ!

দাসেরে করিবে মাপ, সত্য-অহুরোধে
শুনিতে যত্নপি হয় অপ্রিয় সংবাদ।
তব স্বপ্ন সূচ্যে যাহা শোন গো রাজন্—
চক্রান্ত করিবে শত্রু তোমার বিরুদ্ধে,
পদে পদে বিপদ ঘটবে ক্রমাগত,
অবশেষে মৃত্যু আসি গ্রাসিবে রাজন।

রাজা। সত্যই কি হবে হেন? নাহি কি উপায়
খণ্ডিতে অশুভ এই, আচার্য্যমশায়?

মোহক। একটি উপায় আছে, শুন গো রাজন্—
কঠোর অদৃষ্ট তাহা করিছে আদেশ।

শত শত মুগ ছাগ কালিকা * মন্দিরে
বলিদান দাও—আর সকলের শেষে
দিতে হবে বলি প্রভু দামিনীবালারে।

রাজা। বুঝায় সংগ্রাম করা অদৃষ্টের সনে।

* মূলে—যীতনাত—রাজাদিগের ভাগ্যের উপর এই
দেবতার বিশেষ প্রভাব।

ভীষণ বিপত্তি এই খণ্ডিবার তরে
যে পণ চাহিবে তাহা দিতে হবে মোর।
অতএব বলি-তরে কর আয়োজন,
বানাও মন্দির এক কনক-মণ্ডিত,
তাহার মাঝারে দিব্য যজ্ঞবেদী এক;
কালিকা-দেবীকে তাহে করহ স্থাপন।
তার পর রূপবতী অঙ্গরা-হুহিতা
আমাদের বধুমাতা যাইবেন সেথা।

[প্রস্থান।

৪র্থ দৃশ্য

পাঞ্চাল-রাজপ্রসাদে রাজকুমারী

দামিনীর ঘর

(রাজকুমারী নবকুমারকে কোড়ে লইয়া পালকে
আসীনা—মন্ত্রিগণের প্রবেশ)

মন্ত্রিগণ। আইলাম রাজাজ্ঞায় তোমার নিকটে;
কুসংবাদ আছে এক—বলিতে ডরাই।

প্রভুর আদেশ এই—শোন রাজবালা,
বলিদান হবে তব কালিকা-মন্দিরে।

দামিনী। শুনিতে তো ভুলি নাই? অথবা নিশ্চয়
হইয়াছে ভ্রম তব—এ কি কভু হয়?
তিনি যে বাসেন ভাল প্রাণের সমান,
পারেন কি দিতে মোর মরণ আদেশ?

মন্ত্রিগণ। হা! রাজকুমারী ওগো। রাজ-আজ্ঞা যাহা
ঠিক বলিয়াছি মোরা—নাহি তাহে ভুল।

দামিনী। এ কি দশা হ'ল মোর! এ ছথ আমার—
অসৌম জনধি চেয়ে অপার অগাধ।

অভাগা পত্নীরে তাঁর জ্ঞেপ না করি
চলিয়া গেলেন নাথ যুদ্ধক্ষেত্র-মাঝে,
আজ্ঞা হ'ল এবে মোর মরণের তরে।

—আর তো নাথেরে কভু পাব না দেখিতে।

(ক্রন্দন)

না জানি গৌ, পূর্বজন্মে কি করেছি পাপ,
তারি তরে ভুগিতেছি এ ঘোর বিপত্তি।
অঙ্গরা-কুমারী হয়ে কি-কুগুণে আমি
আইলাম মর্ত্য দেশে মরিবার তরে।

(সন্তানের প্রতি)

নির্দোষের প্রতিমূর্ত্তি হৃদয়-রঞ্জন!
জন্মশোধ হৃদে ধরি আয় বাছা তোরে।

আরো আয় বুকে ঘেসি—জুড়াক্ হৃদয় !
 প্রকৃতির গুত্র উৎস মাতৃস্তন হ'তে
 পান করু বাছা এই শেষ বার তরে !
 কেমনে ছাড়িব তোরে ?—জনকেরে তোর ?
 কি যে জালা জলে হৃদে বলিব কেমনে,
 বিধাতা গো, কেন এত আমা'পরে বাম ?
 এত কেন যড়যন্ত্র অবলা-বিরুদ্ধে ?
 আমি যে বাসি গো ভাল প্রাণের সমান
 স্বামি-পুত্র-ধনে, বল, কেমনে এখন
 ছাড়িয়া উভয়ে যাই ফিরিয়া স্বদেশে
 একটি না দিয়া শেষ-বিদায়-চুম্বন ?
 কেঁদ না কেঁদ না বাছা—যাইবার আগে
 পূর্ণ বক্ষ হতে ছধ গালিয়া পাত্রেতে,
 তোর তরে আমি বাছা যাইব রাখিয়া ।
 যে ফুলে মালিকা গাঁথি পরি গো খোঁপায়—
 তা চেয়ে সুন্দরতর আমার যে নাথ,
 আসিবেন ফিরি যবে—বলিবেন আর,
 “কোথায় দামিনী মোর”—বলিস্ তাঁহারে,
 তাঁরি তরে সহিলাম এ সব যন্ত্রণা ।
 তো-হ'তে ছিনিয়া বাছা যেতে এবে হবে ।
 ঐ দেখ্ মেঘরাশি জমেছে আকাশে,
 বহু দূর পথ আর, রয়েছে সম্মুখে ।
 পরিয়া আবার সেই পরী-পরিচ্ছদ,
 দীর্ঘ পক্ষ বিস্তারিয়া আবার সেক্রপ,
 উধাও উড়িব পুনঃ সেই শূন্ত-মাঝে,
 ইন্দ্রধনু-রঙে যাহা রঞ্জিত কেমন !
 মুহুমন্দ অনিলের কোমল পরশে
 ছই কাঁক হবে সেই মেঘ-যবনিকা,
 প্রবেশিব তার মাঝে আমি ধীরে ধীরে ।

(বাদ্যকরদিগের প্রতি জনাস্তিকে)
 উর্জগতি হয়ে যবে উঠিব আকাশে,
 কোমল সঙ্গীত যেন চরে মোর সাথে ।
 বিদায় লই রে বাছা এই শেষ বার—
 তুমিও দাও গো নাথ অন্তিম বিদায় ।
 একবার আসি যদি হেথা প্রাণনাথ
 বিদায়-চুম্বন মোর করিতে গ্রহণ,
 কি সুখের হ'ত আছা—না চলে চরণ,
 থাকিলেও মৃত্যু হেথা, কি করি এখন ।
 (প্রস্থান—ধীরে ধীরে যাত্রা ও তিন তিন বার
 ফিরিয়া আসিয়া পুত্রকে চুম্বন)

পঞ্চম দৃশ্য

অরণ্যমাঝে সন্ন্যাসীর আশ্রম ।

(সন্ন্যাসী ও দামিনীর প্রবেশ)

সন্ন্যাসী । কে তুমি গো অল্পপম রূপসী-ললনা
 প্রকোষ্ঠে বলয় শোভে, কণ্ঠে স্বর্ণহার,
 মুক্তা-মালা দিয়া গাঁথা কৃষ্ণ কেশপাশ
 লুকু অঁখি একবার হেরিলে ও-রূপ—
 ফিরিতে না চায় আর—ফেলে না পলক ।
 কোন্ স্বর্গধাম হ'তে বল গো রূপসী
 নামিলে মরত দেশে ? নির্ভূর অদৃষ্ট
 কেন বা আশ্রম-মাঝে আনিল তোমায় ?
 নৃশংস পতির কোপ এড়াইতে কি গো
 ভ্রমিতেছ পলাইয়া—কিছা অভাগিনী
 রাজপুত্রী কোন, জয়ী পিতৃশত্রু হ'তে
 প্রাণভয়ে পলাইয়া এসেছ হেথায় ?
 সত্য বল, মোরে বাছা, নাহি কোন ভয় ।

দামিনী । তোমারে বলিব পিতঃ সমস্ত খুলিয়া
 আমার এ জীবনের দুখের কাহিনী
 শোন তবে প্রভু, আমি বিবাহিতা নারী,
 রাজপুত্র স্বামী মোর, প্রাণ হ'তে প্রিয়,
 যৌবরাজ্যে শীঘ্র তাঁর হবে অভিষেক ;
 দেশবৈরী যুঝিবারে যেতে হ'ল তাঁরে,
 আমি রহিলাম পড়ি—পতি নাই ঘরে—
 মহারাজ পিতা তাঁর, পরামর্শ পেয়ে
 কু-লোকের, আদেশিলা মম বলিদান
 কালিকা-সমীপে, তাই বাঁচাইতে প্রাণ
 যাইতেছি পলাইয়া—তাই তব ঘরে ।
 রাজপুত্র স্বামী মোর গুনিবেন যবে
 আমি নিরুদ্দেশ, তিনি তখনি আমার
 সন্ধান করিতে ধ্রুব আসিবেন পিছে ।
 খুঁজিতে খুঁজিতে যবে আসিবেন হেথা,
 দিও তাঁরে অঙ্গুরীটি ওগো ভপোধন !
 আরো দিও মস্ত-পড়া এ শিকড়টুকু,

বিপদ সম্পদে নাথে রক্ষিবে সতত ।
 সন্ন্যাসী । আচ্ছা, দিব বাছা—কিন্তু যাইবার আগে,
 ব'লে যাও কোন্ পথে বলিব যাইতে ।
 দামিনী । প্রথমেতে এক দানা প্রচণ্ড ভীষণ,
 অরণ্য-গভীরে তাঁর বিরোধিবে পথ,
 —জটিল অরণ্য-মাঝে পড়ি আটকিয়া

বাহিরিতে করিবেন বহু ঘোষণায়ুঝি ।
এ কাঁড়া কাটিলে, উষ্ণ দ্রব ধাতু-স্রোত
পুন আটকিবে পথ, তার মধ্য হ'তে
ভীম সর্পদৈত্য এক তুলিবেক ফণা,
পা দিয়া তাহারে যেন করেন দলন ।
হয়ে পরাভূত দৈত্য, ষড়্গণার দায়ে
এলাইয়া পাক, হবে সটান বিস্তৃত—
সেই সেতু দিয়া নাথ যাবেন অক্লেশে ।
দেখিতে পাবেন শেষে সাম্রাজ্য-যুগল,
শিমূল বৃক্ষেতে বসি আছে উচ্চদেশে,
খাণ্ডের সঙ্কানে তারা পিতার প্রাসাদে
আসে প্রতিদিন ; মাথে বোলো তপোধন
এই সব কথা যাহা কহিছ তোমায় ।
সন্ন্যাসী । কোরো না সন্দেহ বাছা কহিব তাঁহারে ।
দামিনী । বিদায় হই গো—সহ কৃতজ্ঞ-প্রণাম ।

দাস-দাসী একদল কর নিয়োজিত,
কটাক্ষে পালয়ে যেন উহার আদেশ ।
মন্ত্রিগণ । রাজ-আজ্ঞা শিরোধার্য করিলাম সবে ।
[প্রস্থান ।

সপ্তম দৃশ্য

পাঞ্চাল-প্রাসাদের বহিঃপ্রাঙ্গণ

(পরিচারিকাগণের নেতা হইয়া মালার প্রবেশ)
মালা । ওলো সহচরি তোরা ! শোন বলি কথা,
জয়ী রাজপুত্র দেশে এসেছেন ফিরি,
গুয়া-পান আর ভাল খাবার করিয়া
আয় গিয়া ভেট দেই তাঁর পদতলে ।
(সেনানায়কগণ সনভিব্যাহারে রাজকুমারের প্রবেশ)

[প্রস্থান । রাজকুমার । দমনিয়া শত্রুদলে অতুল প্রতাপে,
প্রতিমুহু ভাবিতেছি কখন আবার
হেরিব নয়নে মোর প্রাণের দামিনী
এস এস মালা এস—কিন্তু এ কিরূপ ?
তোমাদের কর্তীরাগী সকলের শেষে
আসিবেন কি গো হেথা ভেটিতে পতির ?
কে করেছে বন্দী তাঁরে প্রাসাদ-প্রাচীরে ?
“মঙ্গল” কুমার মোর সেই বা কোথায় ?
পিতৃকোলে ঝাঁপাইতে কাঁদিছে না কি সে ?
কিন্তু কেন স্নান এত হেরি তোমা মালা ?
এলায়ে পড়েছে কেশ কেন অযতনে ?

মালা । প্রস্তুত হও গো প্রভু শুনিবার তরে
অশুভ সংবাদ এক—গেছ চলি যেই,
কয়েক ব্রাহ্মণ ছুট, চক্রান্ত করিয়া
মহারাজে ব'লে ক'য়ে কালিকা-সমীপে
রাজকুমারীর বলি করেন স্থগির ।
এ সংবাদ শুনি তিনি—পক্ষ বিস্তারিয়া
গিয়াছেন পলাইয়া জনমের তরে ।

রাজকুমার । বল বল মালা ওগো—পলালে দামিনী
পুত্রের কি দশা হ'ল, বল ত্বর করি ।

মালা । দুখো না রাণীরে প্রভু, অতি অনিচ্ছায়
গিয়াছেন চলি, যথা নব-পক্ষ-ধারী
পক্ষীর শাবক অল্প উড়ি পক্ষতরে
বহুক্ষণ একস্থানে করে ঝটাপটি—
সেইরূপ তিনি প্রভু “যাব কি না যাব”

ষষ্ঠ দৃশ্য

রক্ত-গিরি-রাজের প্রাসাদ

(রাজা আসীন—কোমল বাণ্ডের সহিত
দামিনীর প্রবেশ)

রাজা । এ কি ! দেখি পুনঃ কি রে আমার দামিনী ?
বল বাছা বল বল বন্দী ছিলে যবে
মর্ত্যমাঝে, কি উপায়ে পলাইলে হেথা ?
দামিনী । পিতা ওগো ! পূর্বজন্মে করেছি স্মৃতি
পাঞ্চাল-কুমার-সাথে একত্র মিলিয়া,
তাই বুঝি এ জন্মে বিধির বিধানে
ভাগ্যবতী পত্নী হ'লু সুধনু রাজার ।
কিন্তু সুখ ক্ষণস্থায়ী—বীরশ্রেষ্ঠ স্বামী
দেশবৈরী নাশিবারে গেলা ফেলি মোরে ।
স্বামীর আশ্রয়-ছায়া হারালাম যেই—
রাজা তাঁর পিতা, শুনি কুলোকেব বাণী,
কালী-কাছে বলি মোর করিলা আদেশ ।
এই কথা শুনি আমি, সময় বুঝিয়া
পলায়ে এলাম হেথা শ্রীচরণ-তলে ।
রাজা । পাত্র মিত্র অহুচর ! করহ প্রস্তুত
কুমারীর থাকিবার যোগ্য আয়োজন ।

এইভাবে বহুক্ষণ ছিলেন হেথায় ।
অবশেষে পাত্র ভরি' নিজ স্তম্ভ-নীরে,
মিশায়ে তাহার সাথে অশ্রু-বিন্দুচয়
—দ্রব-মুক্তা ফল-সম—উধাও হইয়া
সুদূর আকাশে তিনি হলেন অদৃশ্য ।
মোরা রহিলাম যারা পিছনে পড়িয়া,
পালিলাম শিশুটিকে করিয়া যতন ।
সে অবধি বরাবর, স্বর্ণ-দোলা' পরে
শিশুটি ঘুমায় যবে—থাকি মোরা জাগি ।

রাজকুমার । শোন বীরগণ ! সবে কর অবধান :—

চুর্দাস্ত অরতিদল আক্রমিয়া যবে
যুদ্ধানল জ্বলাইল সমস্ত পাঞ্চালে,
করিলাম যাত্রা আমি তোমাদের সাথে
স্বদেশ-রক্ষার তরে—সেই অবকাশে
পরামর্শ পেয়ে রাজা ধৃত্ব দৈবকের,
করিলেন দামিনীর মরণ আদেশ
নিতাস্ত অচার্যরূপে—নিশ্চয় এ কথা
প্রবাদ-আকারে লোকে ঘোষিবে জগতে ।
শতবার পৃথী যদি হয় গো বিনষ্ট,
এ কথা তবু না কভু হবে তিরোহিত ।
স্বর্গের বিহঙ্গী-সম আহা সে রূপসী
অযোগ্য মরতে ত্যজি গেছেন উড়িয়া ।
যাইব সন্ধানে তাঁর, যা থাকে অদৃষ্টে ।
ব্রহ্মাণ্ড হউক ধ্বংস শত শত-বার,
পারিবে না টলাইতে এ মোর সঙ্কল্প ।
সাজো সবে সৈন্যগণ—বাজাও চুন্দুভি,
সসৈন্তে যাইব আমি প্রিয়ার উদ্দেশে ।
বল গিয়া মহারাজে, যত দিন আমি
দামিনীকে নাহি পাই, ফিরিব না দেশে ।

[প্রস্থান ।

অষ্টম দৃশ্য

সন্ন্যাসীর আশ্রম

(সন্ন্যাসীর প্রবেশ)

সন্ন্যাসী । কি হেতু বিষম এই সৈন্য-কোলাহল ?
একি দেখি ! চতুরঙ্গ ভীম সৈন্যদল
অস্ত্রশস্ত্রে সুসজ্জিত আসিছে এদিকে,
মুহুমুহু কীপে ধরা তারি পদ-তরে ।

(রাজকুমারের প্রবেশ)

সন্ন্যাসী । মহাবল-পরাক্রান্ত হে রাজকুমার !

কোন দূরদেশ হ'তে, কিসের উদ্দেশে
সসৈন্তে হইল তব হেথা আগমন ?

রাজকুমার । পাঞ্চাল-রাজার পুত্র আমি গুরুদেব !

সুধম্মু নামেতে খ্যাত, একবার যবে
শত্রু নিধনিত্যে যাই স্বদেশ ছাড়িয়া,
মহারাজ পিতা মোর চুষ্টের কথায়
দিলেন আমার স্ত্রীর মরণ-আদেশ ;
সে কথা শুনিয়া সতী গেছেন পলায়ে ।
প্রেম-আশা-ভরে তাই রক্ত-পর্কিতে
ক্রতগতি যাইতেছি প্রিয়ার উদ্দেশে ।
আশ্রম-সৌন্দর্য্য হেরি হইয়া মোহিত
আইলাম তপোধন তব সন্নিধানে ।

সন্ন্যাসী । হুই দিন হ'ল আজি—একটি ললনা

রূপেতে উর্ধ্বশী সম—হরিণীর প্রায়
আইসে হেথায় ; বলে—রাজকুমারী সে,
না জানি কি দেশ—বুঝি রক্ত-ভূধর ।
পূর্কজন্ম-ফলে তব হে রাজকুমার,
মিলন তাহার সাথে হয় সংঘটন ।

কিন্তু সে স্কন্ধ-ফল এবে অবসান,
তা সহ সৌভাগ্য তব—জানিবে নিশ্চয় ।
বিবেচনা কর বৎস, কতটা প্রভেদ
মানব ও অপ্সরার প্রকৃতির মাঝে,
উভয়ে কেমনে বল হইবে মিলন ?
প্রেমে অন্ধ হয়ে বাছা বিয়পূর্ণ পথে
যাইতেছ বহু কষ্টে,—কিন্তু কিবা ফল ?
—বিবেচনা করি দেখ তুমি রাজকুমার !

রূপে শুণে অমুপম এমন যুবক,
তোমার উচিত করা বিবাহ সৎসর
অপর রূপসী কোন, উমান্ন সমান ।
সুগুন্দির কাজ কর,—ত্যজি তার আশা
এই বেলা যাও ফিরি আপনার দেশে ।

রাজকুমার । আমার গিতের তরে যে কথা বলিলে তুমি

তোমা-হেন ঋষি-মুখে শোভা পায় ভালো,
কিন্তু মুহূর্তের তরে আমি, তপোধন ।
তাহার সন্ধানে কভু হব না বিরত ।
স্বর্গ মর্ত্য যদি গো বা রসাতলে যায়,
ইন্দ্রদেব হানে যদি বজ্র মম শিরে,

অদমিত তবু আমি খুঁজিব প্রিয়ায় ।
 রেখো না আটকি' মোরে ওগো তপোধন,
 বলে দাও কোন্ পথে গিয়াছেন প্রিয়া ।
 সন্ন্যাসী । যাবে যদি যাও তবে—কিন্তু গো কুমার,
 যাইবার আগে লও অঙ্গুরাট এই—
 দিয়াছেন প্রিয়া তব—আর এই শিকড়,
 নির্ঝিন্ন করিবে তোমা বিষময় পথে,
 পূর্ণ করিবেক তব সর্ক মনোরথ ।
 বহু দূর পথ তব—পথের মাঝারে
 ভীষণ দৈত্যের হাতে পড়িবে প্রথম,
 তার পরে পাবে এক অরণ্য ছর্গম ।
 শেষে দ্রব ধাতু-স্রোত পাইবে গো পথে,
 সর্প-দৈত্য এক ষেখা রহে অবিরাম ।
 এ সমস্ত বিষ হ'তে হইলে গো পার,
 বহুদূরে নেহারিবে শিমুলের গাছে—
 সাস্রোক-শৃগল এক । উড়িলে তাহারা,
 অহুসরি গতি তার পাবে সেই গিরি ।
 শুনেছি এ সব কথা দামিনীর কাছে,
 করিল সে অহুসর তোমারে বলিতে ।
 যাও তবে বৎস এবে করি আশীর্বাদ,
 সিদ্ধ হোক মনোরথ—পূর্ণ হোক আশ ।
 রাজকুমার) প্রণাম লও গো পিতঃ—হইলু বিদায় ।
 [প্রস্থান ।

নবম দৃশ্য

ঘোর তমসাবৃত অরণ্য

বটবৃক্ষতলে রাজকুমারের অবস্থান

(একটা দৈত্যের প্রবেশ)

দৈত্য । এই তো হেথায় আমি ; দৈত্য মোর সম
 ভীম-দরশন কেবা ?—হয়েছে সময়,
 যাব এবে হিমালয়—অরণ্যের মাঝে—

(বাজকরদিগের প্রতি)

বাজা, ভোঁরা বীর-বাজ ছন্দুভি-দামামা,
 তোলু পুং গণ্ডগোল—আকাশ ছাইয়া,
 পড়িবে সকল চোখ তবে আমা'পরে ।
 সূর্য্যের সহস্র রশ্মি কেন্দ্রীভূত হয়ে
 বেন রে আমার শিরে হয়েছে পতিত ।

(রাজকুমারকে দেখিয়া)

হা হা বেশ বেশ !—গন্ধ পাই মাহুঘের ।
 বড় ভোজ জুটে গেছে, বড় মজা আজ ।

(রাজকুমারের নিকট গমন—ঘোর বাজ)

রাজকুমার । (উঠিয়া) হতভাগা দৈত্য ওরে !
 স্পর্ধা এত তোর ?

সূর্য্যবংশ-অবতংস বীরের সহিত
 আসিস যুদ্ধিতে তুই—নাহি প্রাণে ভয় ?
 হীরক-ভূষিত এই স্বর্ণ-বাণ দিয়া
 অপদার্থ প্রাণ তোর হরিব এখনি !

(বাণ দ্বারা দৈত্যকে হনন—বিজয়-ভেরীর বোর
 রোল—রাজকুমারের অগ্রসর হওন ও
 অরণ্যের বংশবনে তাঁহার আটক)

পারি না, পারি না আর—অবসন্ন দেহ,
 যে দিকে ফিরি না কেন লতিকার জাল
 ছর্গম জটিল—মোর আটকিছে গতি ।
 —হ্যাঁ, হ্যাঁ, সেই মহামন্ত্র শিকড়ের গুণ
 পরীক্ষা করি না কেন, এই তো সময় ।

(শিকড়ের গুণে বন হইতে নির্গত হইয়া অগ্রসর)

রক্ত-গিরির ওগো অঙ্গুরা-রূপসী !
 কি কষ্ট না সহিতেছি তোমার কারণে !
 পরবত-পথে যাই, কিম্বা বনমাঝে,
 দৈত্য কিম্বা হিংস্র ব্যাঘ্রে নাহি করি ভয় ;
 অমূল্য রতন ওগো, তোমারি কারণে—
 প্রেমাধীন দাস তব যুদ্ধিছে নিয়ত ।

(তপ্ত দ্রব ধাতু-স্রোতের নিকট আগমন)

ও কি দেখি হোথা ? তপ্ত দ্রব ধাতু-নদী
 ফুটিতেছে টগবগি, তার মধ্য হ'তে
 ভীম সর্প-দৈত্য এক তুলিয়া মস্তক
 হাঁ করি আমার পানে রয়েছে তাকায়ে ।
 —শিকড়টি পুনর্বার করি গো বাহির,
 সে ওষধি-গুণে, দৈত্য-পৃষ্ঠে মাড়াইয়া
 নির্ঝিন্নে তরিব এই ভয়ঙ্কর নদী ।

(দৈত্য-পৃষ্ঠে নদী পার হইয়া শিমুল বৃক্ষতলে
 আগমন—বৃক্ষোপরি সাস্রোক পক্ষি-শৃগল)
 স্ত্রী-সাস্রোক । প্রিয়তম ভাই ওগো ! জনম অবধি
 একত্র রয়েছি—কভু হইনি পৃথক,
 এক বাসা-মাঝে দৌহে আছি চিরকাল,
 —খাদ্য অধেষণে বল কোথা আজ যাই ?

পুরুষ-সাম্রোক । জান না কি তুমি বোন,

ধর্মরাজ-বালা—

দামিনীসুন্দরী গৃহে এসেছেন ফিরি ?

সেই উপলক্ষে বোন অঙ্গরা-প্রাসাদে

রাজকীয় মহাভোজ বসিবে আজিকে ।

অতএব যাই চল রজত-ভূধরে,

সে ভোজের অংশভাগী হব মোরা দৌহে ।

(রাজকুমার নিজ শরীরের উপর মন্ত্র-পড়া শিকড়চূর্ণ

ছড়াইয়া অদৃশ্য হইলেন ও একটি সাম্রোকের

পৃষ্ঠে উপবেশন করিলেন—সাম্রোকদ্বয়

উড্ডীয়মান)

দশম দৃশ্য

রজত-গিরির প্রাসাদ-প্রাঙ্গণস্থ কূপ ।

(সাত জন পরিচারিকার জল উত্তোলন—

রাজকুমারের প্রবেশ)

রাজকুমার । স্বর্গের দেবতা সবে—কর অবধান,

দামিনীর সঙ্গে দেখা ভাগ্যে যদি থাকে,

কোনরূপ চিহ্ন তার কর প্রদর্শন ।

যদি এই সাত জন রূপসীর মাঝে

স্বর্ণকুন্ত এক জন না পারে তুলিতে,

তবেই জানিব মম অদৃষ্ট প্রসন্ন ।

(ছয় জন বালিকার কুন্ত উত্তোলন—

সপ্তম বালিকা তুলিতে অক্ষম)

সপ্তম পরিচারিকা । সুন্দর যুবক ওগো—

আইস নিকটে,

অক্ষম তুলিতে কুন্ত দাও গো তুলিয়া ।

(রাজকুমারের কুন্ত উত্তোলন ও তন্মধ্যে অঙ্গুরী নিক্ষেপ)

[প্রস্থান ।

একাদশ দৃশ্য

দামিনী রাজকুমারীর ঘর ।

(সহচরী-সমভিব্যাহারে হাত ধুইতে ধুইতে কুন্ত-

মধ্যে রাজকুমারীর অঙ্গুরী দর্শন)

দামিনী । ও মা ! এ কি ! ও মা ! এ কি !

এ কি হ'ল মোর ?

উলট-পালট চিন্তা—দেহ মন ছই

অসাড় অবশ-প্রায় ; প্রাণনাথ মোর

এত দিন পরে বুঝি আইলেন হেথা ।

—ধন্য বীরপনা তব ! কি অধ্যবসায় !

অতিক্রমি সব বাধা উতরিলা আসি

আমার নিকটে ; কি না সহেছেন নাথ

আমার উদ্দেশে—তাই ভাবি মনে মনে !

(ধর্মরাজের প্রবেশ)

রাজা । কেন বাছা ম্লান-মুখ দেখি গো তোমার,

বজ্রাহত লতা যেন লুপ্তিত ধরায় ?

দামিনী । প্রিয়তম পিতা ওগো—এই অঙ্গুরীয়

অঙ্গুলি হইতে আমি ছাড়িনি কখন,—

সাধিতে উদ্দেশ্য কিন্তু আমি একবার

খুলিয়াছিলাম উহা অঙ্গুলি হইতে ।

ফিরিয়া পেলাম এবে ; যেমনি গো আমি

কুন্তমধ্যে দিছি হাত—অমনি আঙুলে

আপনি আসিল উঠি ; অত্রান্ত সূচনা

—আমার সে প্রাণনাথ এসেছেন হেথা ।

মধুর বিস্ময়ে হেন হয়ে অভিভূত

অবসন্ন হ'ব তাহে আশ্চর্য্য কি পিতা ?

রাজা । (অহুচরদিগের প্রতি) কূপ হ'তে কুন্ত

এই কে আনিল বল' ?

একজন পরিচারিকা । দাসীরে করিবে মাপ—

ওগো মহারাজ,

কুন্ত উঠাইতে মোর হয়নি শক্তি—

একটি যুবক ছিল কূপের নিকটে,

তঁহার সাহায্য প্রভু, যাচিলাম আমি,

আমা হ'য়ে তবে তিনি তুলিলেন উহা ।

রাজা । আনো তারে তরা করি দরবার-গৃহে ।

[প্রস্থান ।

দ্বাদশ দৃশ্য

প্রাসাদস্থ দরবার-শালা

সিংহাসনে রাজা আসীন—মন্ত্রিগণ-সমভিব্যাহারে

রাজকুমারের প্রবেশ)

রাজা । কে তুমি যুবক ওগো—রূপ-গুণবান,

সিংহসম সুসাহসী,—কিবা মন্ত্রবলে

আসিয়া পড়িলে এই রজত-ভূধরে ?

সমস্ত খুলিয়া বল—কোরো না গোপন ।

রাজকুমার। বলি শোন মহারাজ, পাঞ্চালের রাজা

—তাঁহার তনয় আমি,—উত্তরাধিকারী।

পূর্বজন্ম-সুকৃতির শুভ পুণ্যফলে

পত্নীরূপে লভি তব চারু ছহিতায়,

সে মিলনে জন্মিয়াছে পুত্ররত্ন ;

কিন্তু আমাদের সুখ অতি ক্ষণস্থায়ী।

গৃহ ছাড়ি একবার শত্রুর বিরুদ্ধে

করিয়াছিলাম যাত্রা, এহেন সময়

ছুষ্টের মন্ত্রণা পেয়ে পিতা মহারাজ

করিলেন স্থির—মম প্রাণের দামিনী

কালিকা-মন্দিরে শীঘ্র হবে বলিদান।

শুনি' সে সংবাদ হায় দামিনী আমার

এসেছেন পলাইয়া তাঁর নিজ দেশে।

ধূলিকণা গণি' প্রাণে প্রেম তুলনায়

করেছিল যাত্রা আমি তাঁহার উদ্দেশে,

পদানত তাই এবে শ্রীচরণ-তলে।

রাজা। পাত্র মিত্র মন্ত্রিগণ ! কর অবধান।

বলিছেন ইনি—মম ছহিতার প্রেমে

হইয়া চালিত এবে এসেছেন হেথা।

উচ্চ হেন পুরস্কার লভিবার তরে,

দেখাইতে হবে—প্রেম সত্য কত দূর,

আরো দিতে হবে গুঁর গুণের পরীক্ষা।

অতএব শীঘ্র আনো অস্তাগার হ'তে

প্রখ্যাত ধনুক সেই, যাহার ছিলায়

ত্রিশ মণ গুরুভার ঝোলে অবিরত ;

বাকায় কেমনে দেখি বিদেশী যুবক।

[প্রস্থান।

ত্রয়োদশ দৃশ্য

প্রাসাদ-প্রাঙ্গণ

(রাজা, মন্ত্রিগণ এবং রাজকুমারের প্রবেশ)

প্রথম মন্ত্রী। এই লও ধনু যুবা,—রাজ-আজ্ঞা এই—

বাকাইয়া ধনুকের দাও গো পরীক্ষা।

(রাজকুমারের ধনুগ্রহণ)

রাজকুমার। এসেছে অদৃষ্টে এবে চূড়ান্ত সীমায় ;

সফল হই গো যদি বাকাইতে ধনু,

দামিনী আমার হবে চিরকাল তরে,

নতুবা খোয়াব মোর সরবস্ব-ধনে।

(ধনু বাকাইতে চেষ্টা ও সিদ্ধিলাভ)

প্রথম মন্ত্রী। পক্ষিরাজ-পক্ষ সম স্ববক্র ধনুক—

লৌহসম স্ককঠিন—ইহার হস্তেতে

তৃণ যেন মহারাজ ! বাখানি যুবারে !

রাজা। পরীক্ষা এখনো কিন্তু হয় নাই শেষ।

অশ্বশালা হ'তে আনো দুই অশ্ব এক,

আর এক বস্ত্র হস্তী যাহার মস্তকে

কঠোর অক্ষুশ আজো হয়নি পরশ,

জল-জল চক্ষু দুটি ঘোষিছে যাহার

অদমিত বস্ত্র তেজ, চড়ি তছপরি

করুক দমন তারে—শুনিলে আদেশ ?

মন্ত্রিগণ। এ বিষম পরীক্ষায় আছ কি প্রস্তুত ?

রাজকুমার। ধনুকের পরীক্ষা কি হয়নি যথেষ্ট ?

আজ্ঞা বেশ মহারাজ, আনো অশ্ব গজ,

কিছুতেই পিছপাও হইব না আমি।

(অশ্ব গজ আনয়ন—নাট্যশালার বাস্তকরদিগের প্রতি)

উৎসাহ-জনন সুর ভৌম বজ্রনাদে

বাজাও তোমরা,—তার প্রতিধ্বনি-রবে

চারিদিক ব্যাপি' যেন সমস্ত ধরণী

আমূল কম্পিত হয় থর-থর-থরে।

(অশিক্ষিত অশ্বের উপর আরোহণ করিয়া রত্নভূমির

চতুর্দিকে পর্য্যটন, পরে অবরোহণ)

বস্ত্র হস্তি-শিরে এবে করি পদার্পণ।

(হস্তীর উপর আরোহণ)

শঙ্কযুক্ত চরণের ইঙ্গিত-নির্দেশে

চলিছে যে দিকে আমি ফিরাই উহারে।

(অবতরণ)

প্রথম মন্ত্রী। (রাজার প্রতি)

এ পরীক্ষাতেও প্রভু যুবক উত্তীর্ণ।

রাজা। ছহিতা আমার যত তাদের সম্মুখে

সাত ভাঁজ যবনিকা হীরক-খচিত

করহ স্থাপন, আর তার মধ্য হ'তে

প্রত্যেকে অঙ্গুলী এক করুক বাহির,

একে একে সাবধানে ; তাহার মাঝারে

চিনিতে পারে গো যদি দামিনী-অঙ্গুলী,

তবেই জানিব আমি, যুবক নিশ্চয়

দামিনীর পাণিগ্রহে স্নাত্য অধিকারী।

(যবনিকা নিক্ষেপ, সকল রাজকুমারীর একে একে
যবনিকা-মধ্য দিয়া অঙ্গুলী বাহির করণ)

রাজকুমার। স্বর্গের দেবতাগণ! হইয়া সহায়,
দয়া করি পাঠাও গো হেন নিদর্শন,
নির্কাচিতে পারি যাতে প্রকৃত অঙ্গুলী।

(দামিনীর অঙ্গুলী বাহিরকরণ ও তাহার উপর
একটি মধুমক্ষিকার উপবেশন)

ঋব এই নিদর্শন (অঙ্গুলী গ্রহণ) এত দিন পরে।
পরশি' ও চাকু হস্ত আমার শরীর
হতেছে লোমাঞ্চ; তাই বুঝিছ গো আমি

এই নির্কাচন মোর হয়েছে সফল;

দাও এবে মহারাজ মোর পুরস্কার।

রাজা। অর্জিলে সাহসী বীর নিজ গুণে আজি
পুরস্কার তব, এবে কর আলিঙ্গন।

(যবনিকার অন্তরাল হইতে দামিনীকে বাহির
করিয়া সম্মুখে আনয়ন)

নেহারো পত্নীরে তব, উহার আনন

লজ্জার রক্তিম রাগে রেঙেছে কেমন।

কি আর বলিব দৌহে—আশীর্বাদ করি,

চিরজীবী হয়ে থাক, সুখে কাল হরি'।

যবনিকা-পতন


::

ধ্যান-ভঙ্গ

কাব্য-চিত্র—গীতিনাটিকা

ভারত-সঙ্গীতসমাজে অভিনয়ার্থ

জ্যোতিরিন্দ্রনাথ ঠাকুর প্রণীত



ধ্যান-ভঙ্গ

প্রথম অঙ্ক

প্রথম দৃশ্য

নন্দন-কানন

ইন্দ্র চিন্তাময়

(নারদের প্রবেশ)

ইন্দ্র । আস্তে আজ্ঞা হোক দেবর্ষি, প্রণাম হই।

নারদ । জয়ন্তু! পিতামহের নিকট কি গিয়ে-
ছিলেন দেবরাজ ?

ইন্দ্র । গিয়েছিলেম বৈ কি । তিনি যা বলেন, সে
বড় সহজ ব্যাপার নয়।

নারদ । কেন ? তিনি কি বলেন ?

ইন্দ্র । তিনি বলেন :—

“শুন শুন পুত্র, তারকেরে দিনু বর,
হৈল তাই ভুবনে দুর্জয়।

গাছ আরোপিয়া মাঠে, কেবা তা আপনি কাটে,
যদিও সে বিশ্বক্ৰম হয়।

বরুণ পবন যম, কেহ নহে তার সম,
বিষ্ণুচক্রে নাহি তার ক্ষয়।

মহেশের পুত্র হবে, ষড়ানন নাম খোবে
তবে তার মরণ নিশ্চয়।

সেই দেব পশুপতি, তপস্বী পরম যতি,
অঁখি মেলি নাহি চায় নারী।

শঙ্করের তেজ সয়, হেন নারী কেবা হয়,
বিনা দেবী হিমন্ত-কুমারী।

চল দেব ইন্দ্ররাজ, সাধহ আমার কাজ
দেবী আছে শলু-সন্নিধানে।

করাইবে ধ্যান-ভঙ্গ, হয়ে যেন এক অঙ্গ,
আরতি দিই গে ফুলবাণে ॥”

নারদ । তবে, এখন মোট কথাটা এই দাঁড়াচ্ছে :—
মহেশের পুত্রের নাম ষড়ানন হবে, পার্বতীর
গর্ভে তাঁর জন্ম হবে, পরে তাঁর সঙ্গে যুদ্ধ করে
তারকের নিধন হবে।—এই না ?

ইন্দ্র । আজ্ঞা হাঁ। তা তো হবে। কিন্তু, আমি
কি ভাবছি জানেন, মহাদেবের ধ্যান-ভঙ্গ তো
বড় সহজ ব্যাপার নয়। কন্দর্পের দর্প কি
সেখানে খাটবে ? তা ছাড়া, মহাদেবের সঙ্গে
সাক্ষাৎই বা কি করে ঘটবে ?

নারদ । সে জ্ঞান চিন্তা নাই দেবরাজ। তার একটু
সুত্রপাত পূর্ব হতেই হয়ে আছে। আমি এক দিন
বেড়াতে বেড়াতে হিমাচলে গিয়েছিলেম, সেখানে
গিরিরাজের সঙ্গে আমার সাক্ষাৎ হয়। তিনি
পার্বতীর বিবাহ সম্বন্ধে আমায় পরামর্শ জিজ্ঞাসা
করলেন এবং তাঁকে আমার নিকট নিয়ে এলেন।
আমি দেখেই বুঝলেম, সতী দেহ ত্যাগ করে
নিশ্চয়ই গিরিরাজের ঘরে জন্মগ্রহণ করেছেন।
কেন না, এমন অলৌকিক রূপলাবণ্য সৃষ্টির মধ্যে
অসম্ভব। তাই আমি তাঁকে বল্লেম, মহাদেবই এই
কন্টার একমাত্র উপযুক্ত পাত্র। ভাগ্যক্রমে
মহাদেবও সেই সময়ে হিমাচলে তপস্বী কর-
ছিলেন। তাই গিরিরাজ সুযোগ পেয়ে, আতিথ্য-
সংকারে তাঁকে পরিতুষ্ট করে, এই টুকুমাত্র
তাঁর কাছ থেকে অহুমতি পেয়েছেন যে,
পার্বতী কুশ-জল অর্ঘ্যাদি নিয়ে প্রতি দিন তাঁর
সেবা গুণগ্রাম করবেন।

ইন্দ্র । তবে তো দেখছি, পূর্ব হতেই পথ অনেকটা
পরিস্কার হয়ে আছে। এখন মদনকে সেখানে
পাঠালে কার্যসিদ্ধি হলেও হতে পারে।

নারদ । হাঁ, মদনকে সেখানে এখনই পাঠান, তিলার্কি
বিলম্ব করবেন না। আমি তবে এখন চল্লেম।
[নারদের প্রস্থান।

ইন্দ্র । প্রতিহারি !

(প্রতিহারীর প্রবেশ)

ইন্দ্র । মদনকে শীঘ্র আমার নাম করে এইখানে
ডেকে নিয়ে এসো।

প্রতিহারী । যে আজ্ঞা দেবরাজ !

[প্রতিহারীর প্রস্থান।

ইন্দ্র। (স্বগত) মদন সেখানে কিছু ক'রে উঠতে পারবেন কি না, সে বিষয়ে এখনও আমার বিলক্ষণ সন্দেহ আছে। তবে চেষ্টা করতে হানি কি? এই যে মদন আসছেন। মদনের আত্মাভিমানে একটু আত্মত্যাগ দেওয়া আবশ্যিক, তা হ'লে আরও উৎসাহিত হবে।

(মদনের প্রবেশ)

ইন্দ্র। এসো, সখা, এসো!

মদন। দাসের প্রতি কি আদেশ?

ইন্দ্র। দেখ সখা, বাহুল্য-কথায় প্রয়োজন নাই।

কোন কারণ-বশতঃ মহাদেবের ধ্যান-ভঙ্গ করা আবশ্যিক হয়েছে। অতএব, এখন তুমি হিমাচলে গিয়ে তোমার ফুল-শরে—

মদন। মহাযোগী ঘোর তপস্বী মহাদেবের ধ্যান-ভঙ্গ?—আমার পুষ্পশরাঘাতে? (মাথা চুলু-কাইতে চুলকাইতে) দাসের প্রতি এক্ষণে কঠিন আদেশ কেন—

ইন্দ্র। দেখ মদন, তোমার উপরেই সমস্ত নির্ভর করছে। এ কাজ তুমি সিদ্ধ করতে না পারলে আমি বড়ই বিপদে পড়ব। আর পারবেই বা না কেন? তোমার অসাধ্য কি আছে?

মল্লার-সারং—কাওয়ালি।

কে পারে এড়াতে তব শর (ওহে মদন)

রক্ষ-যক্ষ নর-অমর গন্ধর্ব্ব-কিন্নর?

মদন। (তা যা আজ্ঞা করছেন, সে কথা বড় মিথ্যা নয়।)

ফুল-শর যে বড় মিষ্টি বিধে মাথা সূধা-বুটি

তাই মজে সব সৃষ্টি বিশ্বচরাচর।

ইন্দ্র। ব্রহ্মা আদি প্রজাপতি

কে রোধে তোমার গতি?

হোন না কেন মহা যতি ভোলা মহেশ্বর।

মদন। (যে আজ্ঞা)

তব আজ্ঞা শিরোধার্য

সাধিব তোমার কার্য

(কিন্তু দেখো যেন)

হর-কোপানলে দাঙ্ক না হই পুরন্দর।

ইন্দ্র। তব বাণ অনিবার্য জেনো তুমি স্মর ॥ ১ ॥

এই লও সখা, আমার প্রসাদ-মালা গ্রহণ কর।

(কণ্ঠে মালা প্রদান)

মদন। (প্রণাম করিয়া) দাসের প্রতি যথেষ্ট অনুগ্রহ। আমি একটু পরেই যাচ্ছি। আপতাতঃ সখা বসন্তকে পূর্নায়োজন করতে এখনি পাঠিয়ে দি।

ইন্দ্র। দেখো যেন বিলম্ব না হয়। আমরা সকল দেবতা মিলে হিমাচলের গগনে গিয়ে তোমার বিজয়-কীর্তি স্বচক্ষে দেখব।—বুঝলে? আমি এখন সজ্জিত হ'তে চল্লম।

[ইন্দ্রের প্রস্থান।

(ব্যস্ত-সমস্ত হইয়া রতির প্রবেশ)

সুরট—ঝাঁপতাল।

রতি। যেও না যেও না নাথ করি গো বারণ,
এসেছি তোমার কাছে হেরি হৃৎস্বপন।
সে বড় কঠিন স্থান, ব্যর্থ হবে তব বাণ,
মিছে কেন অপমান হবে গো মদন?
শঙ্কর ত্যজেছে সূখ, না হেরে নারীর মুখ,
তাই বলি হও বিমুখ, কোরো না গমন।
এই বেলা মানে মানে, চল যাই নিজ স্থানে,
বাসবেরে মুক্ত প্রাণে করি নিবেদন ॥ ২ ॥

সোহিনী—কাওয়ালী।

মদন। ধিক্ ধিক্! এ কি কথা বল সুনয়নে!

কে আছে ফুল-শর-শাসন না মানে?

কোথা আছে ঋষি-মুনি, কোথা আছে জ্ঞানী গুণী,

যে না বশ এই মোর বাণে?

মোর গতি নাহি কোন্ স্থানে?

বকুল চূত-মুকুল, বাণে আছে কত ফুল

আকুল করিয়া তোলে প্রাণে

—জলাঞ্জলি দেয় কুল-মানে।

কোমল নারী-হৃদয় যাতে তাতে পাও ভয়,

দেখো জয় করিব ঈশানে,

চকিতে ভাঙ্গিব তাঁর ধ্যানে।

রতি। সে যে গো বিষম ঠাঁই,

মায়া মোহের নাম নাই,

যোগি-হৃদি গঠিত পাষাণে,

তাই বলি যেও না সেখানে ॥ ৩ ॥

[রতি ও মদনের প্রস্থান।

দ্বিতীয় দৃশ্য

তুষারাবৃত হিমালয় পর্বত
মহাদেবের আশ্রম

(ভূতগণের প্রবেশ)

ইমন-ভূপালী—একতালা।

- ১ জন।—উহুহু হুহুহু, হিহিহি হিহিহি, এ কি রে শীত
বাপ্ রে।
- ২।—হুহু হুহু হুহু, গুডু গুডু গুডু, বুক্ ধরেছে
কাপ্ রে।
- ৩।—দেখ রে দাদা, গাদা গাদা বরফের চাপ্ রে।
- ৪।—উঁচু চুড়ো দেখে খুড়ো লেগে যায় যে তাক্ রে।
- ১।—উঠতে নাবতে, ঘুরতে, ফিরতে লাগে যে বুক্
হাঁপ্ রে।
- ২।—শুকনো তরু, রুক্ষ মরু, নাহি সব্জি শাক্ রে।
- ৩।—প্রাণ আই-চাই করে যে সদাই, না গুনি শেয়াল-
ডাক্ রে।
- ৪।—(আবার) নন্দী দাদা দেয় রে বাধা, ছাড়লে
একটু হাঁক্ রে।
- ৩।—ভোলাই জানে, কি স্মৃথ ধ্যানে, মুদে তিনটি
আঁখ রে।
- ১।—(ওরে!) দাদা এসে ঝট্, দেবে পটাপট্, ওসব
কথা থাক্ রে।
- ৩।—বল্ কি করি, প্রাণে যে মরি, থাকিয়ে চূপ্-
চাপ্ রে।
- ৪।—তড়াক্ তড়াক্ দে রে তবে লাফ, যদি চাম গায়ে
তাপ্ রে ॥ ৪ ॥
(লক্ষ-রম্প-সহকারে প্রস্থান।
(বসন্তের প্রবেশ)

(গাহিতে গাহিতে মন্ত্রপূত জল-সিঞ্চন, আর অমনি
তুষার-কঠিন পায়ণ দৃশ্যের পরিবর্তে ক্রমে ক্রমে
পুষ্প-পল্লব-ভূষিত বসন্ত-শোভার আবির্ভাব)

মিশ্র-কালেংড়া—আড়থেমটা।

বসন্ত। ফোট্ রে কুসুম ফোট্ রে তোরা
(মোর) মায়ী-মোহন মস্তরে।

মুঞ্জরিবে শুক-তরু (এই) শৈল-মরু-প্রান্তরে।
কুঞ্জ কুঞ্জ ছাউক শৃঙ্গ, পুঞ্জ পুঞ্জ লমুক ভৃঙ্গ,
চালুক তান বন-বিহঙ্গ তাহে অবিশ্রান্ত রে।
মুহল মুহল ফেলিয়ে পা, আয় রে মধুর মলয়-বা,
কোমল পরশে শিহরি গা, মুতে কর জীবন্ত রে।

ধবল বসন ত্যজিয়ে আজ, ধরিয়ে শোভন হরিত সাজ,
হাস গো হাস গো ভূধর-রাজ হর্ষ-কুল-অস্তরে ॥৫॥
(মন্ত্রপূত জল সিঞ্চন)

আকাশে—দেবগণ।

হের :—“দক্ষিণের দ্বার খুলি, মুমু মন্দ গতি
ঘরের বাহির হ'ল ঋতু-কুলপতি।
লতিকার গাঁঠে গাঁঠে ফুটাইল ফুল,
পরাইল আহা কিবা পল্লব-হকুল।
কি জানি কিসের লাগি হইয়া উদাস
ঘরের বাহির হ'ল মলয়-বাতাস।
ভয়ে ভয়ে পদার্পয়ে, তবু পথ ভুলে
গন্ধ-মদে ঢলি পড়ে এ-কুলে ও-ফুলে।”
তপস্বী যতক এই শিবের আশ্রমে,
অকালে হেরিয়া মধু-ঋতু-সমাগমে,
বহ যত্নে কোন-মতে বশ করি' মন
মনো-বিকারের বেগ করে সত্বর ॥
বসন্ত। (“ফোট্ রে কুসুম ফোট্ রে তোরা” ইত্যাদি
গাহিতে গাহিতে প্রস্থান)

(আশ্রমবাসী শিবভক্ত তাপসগণের প্রবেশ)

কাশ্যপ।

এ কি হ'ল ভারদ্বাজ, মধু-ঋতু দেখি আজ
সহসা আশ্রমে আসি পশে।

ভারদ্বাজ।

তাই তো গো কাশ্যপ, ব্যর্থ দেখি অপ তপ
যোগে আর মন নাহি বসে।

বাৎসায়ন।

শোনো গো শান্তিল্য মুনি, এই সব দেখি গুনি
তোমার মনেতে কিবা লয়?

শান্তিল্য।

আর কি বল হে বাপু, আমায়ো করেছে কাবু,
এত দিন তো আছি হিমালয়।

কাশ্যপ।

ঠিক্ বলেছ শান্তিল্য, তোমা সনে খুব মিল্লো,
: মন্টা যেন কেমন কেমন করে।

ভারদ্বাজ।

মরু-নাঝে তরু-লতা, জরা ধরে তরুণতা,
দেখে মোর বাক্য নাহি সরে।

বাৎসায়ন।

চূত-মুকুল নব, ছোট্ কিবা মোরভ
উপবন হ'ল যেন শৈল।

শান্তি।

তবে বলি খুলি প্রাণ, আজি যেন করি ভ্রাণ
গৃহিণীর কুস্তলের তৈল।

কাণ্ডপ।

কোকিলের কুহতানে, মোরও যেন আগে প্রাণে
ব্রাহ্মণীর স্তলিত ভাষ।

ভারত্বাজ।

মধুর মলয়-বায়, প্রাণে যেন বহে হায়,
মানিনীর আকুল নিশ্বাস।

কাণ্ডপ।

ও নহে নিশ্বাস শুধু, গায়ে যেন ঢালে মধু
প্রাণটা করে একেবারে ঠাণ্ডা।

বাৎসায়ন।

হাওয়াটি এমন মিষ্টি, ব্রাহ্মণীর হাতের সৃষ্টি
মনে পড়ে শুড়ের সে মণ্ডা ॥

ভারত্বাজ।

থাক থাক ও পাণ-কথা, পলায়ে আইছ হেথা,
এখানেও দেখি রক্ষা নাই।

শান্তি।

মন যদি নাহি বসে, এখন আসিবে বশে
এসো সবে শিব-গান গাই।

সকলে। হাঁ, সেই উত্তম কল্প।

ভৈরব—স্বরক্ষাকতাল।

ভব শিব শঙ্কর হর বিভূতি সাজে
করে ত্রিশূল ডমরু ধরে,

নৃত্যতি কৈলাসপতি শশান-মাঝে।

শিরপরে-গঙ্গা-জটা তাহে তরঙ্গ-ঘটা,

ভালে চন্দ্র-ছটা কিবা বিরাজে।

নন্দী ভূঙ্গী সাথী, আনন্দে মাতি

তাদেই তাদেই ধেই ধেই ধেই নাচে।

ডাকিনী যত যোগিনী, নাচে ধিনিকি ধিনিিনি

ডিমিকি ডিমিকি ডিমিডিমি ডমরু বাজে ॥৬॥

(গাহিতে গাহিতে নাচিতে নাচিতে নন্দীর প্রবেশ)

কেদারা—একতারা।

নন্দী। “যোগী হে যোগী হে, কে তুমি স্বদি-আসনে,
বিভূতি-ভূষিত গুত্র দেহ নাচিছ দিক-বসনে।

মহা আনন্দে পুলকে কায়, গঙ্গা উথলি উছলি যায়,

ভালে শিশু-শশী হাসিয়া চায়,

জটাজুট ছায় গগনে” ॥ ৭ ॥

নন্দী। (ভক্তদের দেখিয়া) বোম্ মহাদেব!

ভক্তগণ। বোম্ মহাদেব! কোথায় যাওয়া হচ্ছে
ভায়া?

নন্দী। ভোলা বাবার জন্তু সমিৎ-কাঠ আহরণ
করতে এসেছি।

ভক্তগণ। এসো, আমরাও তোমার সাহায্য করি।

[“যোগী হে” এই গান গাহিতে গাহিতে
সকলের প্রস্থান।

আকাশে—দেবগণ।

হের :—হিমধরু অপগমে কিম্বর-রমণী

বিশদ-অধরা হল—পাণ্ডুর-বদনী।

বিচিত্র ওদের মুখে চিত্র পত্র-লেখা

স্বেন-বারি বিন্দু বিন্দু দিল তাহে দেখা ॥

(একজন কিম্বরের প্রবেশ)

মিশ্র-পিলু—আড়খেমটা।

কিম্বর। অকালে বসন্ত আহা কার মজে জাগিল

হরন্ত হিমন্ত ঋতু আচরিতে ভাগিল।

কোয়েলা করিছে কুজ, পাপিয়া পিউ পিউ,

প্রাণ করে ছ ছ ছ ছ কোথা প্রিয়ে আয় লো ॥৮॥

(কিম্বরীর প্রবেশ)

কিম্বরী। (দৌড়িয়া আসিয়া কিম্বরের হস্ত ধারণ)

এই যে আমি নাথ!

তুমি মোর মধু-ধরু, তুমিই মকর-কেতু

না জানি অপর হেতু কে বসন্ত আনিল।

কিম্বর। এসো এসো প্রিয়ে এসো, ক’রে দিই ফুল-বেশ

ফুলে দিই বাধি কেশ, ফুলে ফুলে ছাই লো।

(ফুল দিয়া সজ্জিতকরণ)

(ভূতগণের গাছের আড়াল হইতে উঁকি-ঝুঁকি)

কিম্বরী। (দেখিয়া আতঙ্কে)—ও মা গো!

(পলায়ন)

কিম্বর। কি হল কি হল প্রিয়ে!

(পশ্চাৎ পশ্চাৎ ধাবন)

(ভূতগণের প্রবেশ)

মিশ্র ভূপালী—একতারা।

১। এ কি রে ভাই! সে সব কোথায়,

আর সে-বরফ নাই তো!



- ২। তাই তো রে ভাই
৩। তাই তো দাদা
৪। কোথায় সে সব তাই তো।
১। (এ কি রে ভাই!)
ছিল সাদা, হল সবুজ, করলে যে অবাক।
২। (আর) ফুলের গন্ধে ফুলের গন্ধে
সারা হল যে নাক।
৩। (আর) কোকিল-ডাকে হল যে ভাই
কানটা ঝালাপালা।
৪। (হ্যাঁ ভাই?) শশানে সেই ডাকতো পেঁচা
কেমন মধু ঢালা?
১। (আহ!) হুঁকা হুঁকা হুঁকা হুঁকা,
ডাকতো কেমন শেয়াল?
২। (আর) ঘেউ ঘেউ ঘেউ, ঘেউ ঘেউ ঘেউ,
নেড়ী কুত্তার পাল?
৩। (আবার) জলতো কেমন চিতায় আগুন,
কেমন সে রোশনাই?
৪। (আর) মাংস পুড়ে কেমন দাদা
গাদা হত ছাই?
১। কোনও সুখই নাই রে দাদা (হেথা)
কোনও সুখই নাই।
২। ভদ্রলোকে আসে কি গো
এমন খারাপ ঠাই?
৩। আচ্ছা মোরা ভোলার পাকে
পড়েছি হেথা আটকা।
৪। (আবার) মেলে না কিছু পচা-ধসা
সবই এখানে টাটকা।
১। (আহা) শশানেতে ছিলুম ভাল,
কেন এমু হেথা?
২। এখানে ভাই পাইনে দেখতে
একটা মড়ার মাথা।
৩। মাথা থাকুক দূরে দাদা
পাইনে একটা হাড়।
৪। (আর) হাতের সুখও হয় না হেথা
মটকে কারও ঘাড়।
১। (আরে!) চুপ্ কর, চুপ্ কর রে তোরা,
করিসনে ভ্যান্-ভ্যান্।
ঠ্যাং ভান্বে নন্দী দাদা ভান্বে বাবার ধ্যান।
২। (আচ্ছা) ধ্যান-ধ্যান যে বলিস্ খুড়ো,
ধ্যান জিনিসটা কি?
- ১। থাম্ রে মুখ্, থাম্ রে তুই,
সে তোর মাথার বি।
ধ্যান করাটা কাকে বলে,
তাও জানিসনে তুই?
(আরে) তাকেই বলে যখন মোরা
বোসে বোসে ঘুমুই।
২। (ও!) এখন বুঝছ, এখন বুঝছ,
ভাগিয়া ছিল খুড়ো,
তাই ত মোরা পাই একটু জ্ঞানের খুদ-কুঁড়ে।
১। (আরে!) সোর করিসনে, সোর করিসনে,
আসতে কথা ক।
নন্দী দাদা এলেই তখন বনে বাবি রে থ।
২। আসবে যখন, থাম্বো তখন,
করিতো এখন কৃষ্টি,
৩। আয়তো রে ভাই, ধরি সবাই
মোদের নিজ মূর্তি।
৪। ধরতো রে সেই গানটা খুড়ো,
মনটা খুলে গাই।
সকলে। (হ্যাঁ হ্যাঁ) সেই গানটা, গানটা সেই
সেই গানটা ভাই ॥ ৯ ॥
১। ধরু—আমরা
সকলে। আমরা—
মিশ্র-খাষাজ—একতারা।
“আমরা ভূত-পেরেতের দল,
ভবের পদপত্রে জল, সদা করচি টলমল।
মোদের আসা-যাওয়া শূন্য-হাওয়া, নাহিক কলাফল।
নাহি জানি ধরণ-ধারণ, নাহি গুনি কাহার বারণ,
কেবল মানি ভোলার শাসন গো।
আমরা আপন রোখে, মনের কোঁকে ছিঁড়েছি শিকল।
কখন আমরা ধরি কায়া, কখন হই রে গাছের ছায়া,
কতই মোরা জানি মায়া গো।
কখন হয়ে ঝড়ের হাওয়া ফিরি ধরাতল।
(আমরা) অশথ-বটে থাকি লটকে, পথিকের ঘাড়
দিই মটকে,
শূন্যপানে মাই শটকে গো।
(পরে) আবার এসে, শশান-দেশে হাসি খল্খল্।
আমরা এবার খুঁজে দেখি, অকূলেতে কুল মেলে কি
ভোলার ভেলা মোদের মথল।
যদি সুখ না জোটে, দেখব ডুবে কোথায় রসাতল।

আমরা জুটে সারা বেলা করব ভূত-প্রেতের মেলা,
গাব গান, খেলব খেলা গো।
(আর) কণ্ঠে যদি গান না আসে, কবর কোলাহল ॥১০॥
[প্রস্থান।

দ্বিতীয় অঙ্ক

প্রথম দৃশ্য

মহাদেবের আশ্রমের এক অংশ

(মদন ও রতির প্রবেশ)

(প্রবেশমাত্রে চারিদিকে বিহঙ্গমের গীতোচ্ছ্বাস)

মদন। এই বোধ হয় মহাদেবের আশ্রম। দেখছ না
প্রিয়ে! বসন্তসখা এইখানে এসে এই কঠোর
শৈলপ্রদেশকে যেন একেবারে প্রেমোদ-কানন
ক'রে তুলেছেন।

রতি। হাঁ, এ তোমার সখারই কীর্তি বটে।

ভূপালী, কেদারা—একতারা।

ফুলে ফুলে ঢোলে ঢোলে বহে কিবা মূছ বায়,
তটিনী হিল্লোল তুলে কল্লোলে চলিয়া যায়,
পিক কিবা কুঞ্জে কুঞ্জে কুহুকুহুকু গায়
কি জানি কিসের লাগি প্রাণ করে হায় হায় ॥ ১১ ॥

মদন। প্রিয়ে, সম্মোহন-বাণের জঘ এমো আমরা
কতকগুলি বাছা-বাছা ফুল চয়ন করি।

(পুষ্প চয়ন)

আকাশে—দেবগণ।

উদ্যত-কুসুম-ধনু রতির সহিত

ওই দেখ কামদেব হৈলা উপনীত।

সঞ্চারিল প্রেমরস চরাচর-মাঝে,

মিথুনের ভাব সবে প্রকাশয়ে কাজে।

মধুকর অহুসরি আপনার বধু

একই পাত্রে হুই জনে পান করে মধু।

কৃষ্ণসার মৃগীতনু করে কণ্ঠয়ন,

পরশ-সুখের বশে মুদে আসে তাহার নয়ন।

পদ্মগন্ধী জল মুখে গণ্ডুষ করিয়া

মাতঙ্গিনী মাতঙ্গেরে দেয় পিয়াইয়া।

তরুগণে লতাবধু

অবনত শাখা-ভুজে করিল বন্ধন,

ওষ্ঠ নব-কিশলয়

কুসুম-স্তবক গুচ্ছ তাহাদের স্তন।

২৩

মদন। প্রিয়ে, দেখ দেখ, ঐ দিকে অপ্সরা-মিথুন
কেমন প্রেম-রসে মগ্ন।

বেহাগ—কাওয়ালি।

“আজ সখি মূছমূছ, গাহে পিক কুছ কুছ,
কুঞ্জবনে ছ'ছ ছ'ছ দৌহার পানে চায়।
রতি। যৌবন-মদ বিকশিত, পুলকে হিয়া উলসিত
অবশ তনু অলসিত মূরছি জম্বু বায়।

নেপথ্যে অপ্সরা। আজ মধু চাঁদনী, প্রাণ উনমাদনী
শিথিল সব বাঁধনী, শিথিল ভই লাজ।
বচন মুছ মরমর, কাঁপে রিক খরখর
শিহরে তনু জরজর কুসুমবন-মাঝ।

মদন। মলয় মূছ কলয়িছে, চরণ নাহি চলয়িছে,
বচন মুছ খলয়িছে, অঞ্চল লুটায়।

রতি। আধ ফুটো শতদল, বায়ুভরে টলমল,
আঁখি জম্বু চলচল, চাহিতে নাহি চায়।

মদন। অলকে ফুল কাঁপয়ি, কপোলে পড়ে কাঁপয়ি
মধু অলসে তাপয়ি, খসয়ি পড়ু পায়।

রতি। ঝরয়ি শিরে ফুলদল, তটিনী বহে কলকল
হাসে শশী চলচল, ভান্ন মরি যায়।

নেপথ্যে অপ্সরাগণ। আজ মধু চাঁদনী প্রাণ উনমাদনী
শিথিল সব বাঁধনী শিথিল ভই লাজ ॥ ১২ ॥

আকাশে—দেবগণ।

গাহিছে অপ্সরাগণ অতি মনোহর।

তবুও শঙ্কর-দেব ধ্যানেতে তৎপর।

যে পুরুষ আপনি গো আপনার প্রভু

কোন বিষ টলাইতে নারে তারে কভু।

মদন। মহাদেব না জানি কোথায় ব'সে ধ্যান
করচেন। প্রিয়ে, একবার চারদিক ভাল ক'রে
খুঁজে দেখ দিকি। (ছজনের অহুসন্ধান)

রতি। ঐ দেখ নাথ, ঐ দেখ।

মদন। (সেই দিকে অবলোকন করিয়া) ঐ যে!

তাই তো!

দেবদারু-বেদী পরে ব্যাঘ্রচর্মাবৃত,

পূর্ককায় ঋজু স্থির—বীরাসন-খৃত।

রতি। নত ছই স্বল্পদেশ, পাতা করতল,

অঙ্ক-মাঝে আঁহা যেন ফুল শতদল।

মদন। জড়ানো জটা-কলাপে ভুজগ-বন্ধন,

অক্ষমালা ছই ফের কানেতে বেষ্টন,

রতি । গ্রন্থি-যুত কৃষ্ণাজিন পরিধান গায়,
হয়েছে বিশেষ নীল কণ্ঠের প্রভায় ।
মদন । এস প্রিয়ে তবে ওইখানে যাওয়া যাক ।
রতি । না নাথ ! অত কাছে গিয়ে কাজ নাই ।
মদন । ওখানে না গেলে ইন্দ্রের কার্য আমরা কি
ক'রে সিদ্ধ করব ? চল প্রিয়ে !

[উভয়ের প্রস্থান ।

দ্বিতীয় দৃশ্য

মহাদেবের সমাধি-স্থান । লতামণ্ডপে দেবদারু-
বেদীর উপর মহাদেব ধ্যান-মগ্ন

(লতামণ্ডপের দ্বারদেশে হেম-বেত্র হস্তে
নন্দী দণ্ডায়মান)

(ছপ-দাপ ও লক্ষ-কাম্প করিতে করিতে
ভূতগণের প্রবেশ)

নন্দী । (মুখে তর্জনী স্থাপন পূর্বক ভূতগণকে
ইঙ্গিত-আদেশ)

ভূতগণ । (নন্দীকে দেখিবামাত্রই ভয়ে জড়সড় ও
চিত্তাৰ্পিতের দ্বায় অবস্থান)

আকাশে—দেবগণ ।

হের :—

লতা-গৃহ-দ্বারে নন্দী করি আগমন
বাম-করে হেম-বেত্র করিয়া ধারণ,
মুখেতে তর্জনী রাখি ইঙ্গিত আভাসে
“চপলতা ছাড়্” বলি ভূতগণে শাসে ।
নিষ্কম্প অমনি বৃক্ষ, নিভৃত দ্বিরেক,
নীরব বিহঙ্গ, শাস্ত মৃগ-পদ-ক্ষেপ ।
নন্দীর আদেশমাত্র সমস্ত কানন,
চিত্র সম রহে স্থির যেথা যে যেমন ।

ভূতগণ । (অবসর বুঝিয়া নন্দীর চক্ষু এড়াইয়া একে
একে পলায়ন ও বাহিরে গিয়া কোলাহল)
[নন্দী হেমবেত্র উত্তত করিয়া শাসনার্থ
সরোষে প্রস্থান ।

(পা টিপিয়া টিপিয়া মদন ও রতির প্রবেশ)

মদন । (মহাদেবকে দর্শন করিয়া ভক্তি-বিস্ময়ে
স্তম্ভিত ও হস্ত হইতে ধনুর্কাণ খলিত)

রতি । (মদনের বিপদ আশঙ্কা করিয়া তাড়াতাড়ি
মদনের পার্শ্বে আগমন)

আকাশে—দেবগণ ।

মনেরো অধ্বা যেই দেব মহেশ্বর,
অদূর হইতে তাঁরে করিয়া দর্শন,
ভয়ে মদনের হস্ত কাঁপি থরথর,
ধনুর্কাণ পড়ে খসি—না জানে কখন ॥

মদন । হের প্রিয়ে

স্তমিত নয়ন-তারা কিঞ্চিৎ প্রকাশ,
ভুরুষয়ে বিকারের নাহিক আভাস,
পলক নাহিক নেত্রে নাহিক স্পন্দন,
অধোদৃষ্টে নাসিকাগ্র করেন দর্শন,
প্রাণ আদি অন্তর্বাণু হয়েছে নিরোধ,
অবুষ্টি জলদ-ঘটা যেন হয় বোধ ।
নিস্তরঙ্গ স্নগভীর সাগরের সম,
নিবাত নিষ্কম্প-শিখা প্রদীপটি যেন ।
নবদ্বার রোধ করি সমাধির বলে
মনেরে স্থাপন করি হৃদি-মধ্যস্থলে,

আত্মদর্শী ঋষিগণ

অবিনাশী পুরুষ বলি জানেন যাহারে

পরম আত্মারে সেই

শঙ্কর দেখেন নিজ আত্মার মাঝারে ।

ভৈরব—ঋপিতাল ।

মদন ও রতি ।

নমো নমো মহাদেব, নমঃ শিব-শঙ্কর,
নমঃ কৈলাস-পতি, নমঃ চন্দ্রশেখর
নমো নমঃ ঈশান, নমো বৃষবাহন,
নমো ভোলানাথ, নমো দিগম্বর ।
নমো ব্যোমকেশ, নমঃ আশুতোষ,
নমঃ ত্রিলোচন নমো মহেশ ।

নমো নমঃ পশুপতি, নমো নমো মহাশক্তি
নমঃ শূলপাণি নমো বোগীশ্বর ॥ ১৩ ॥

(ছই জন বনদেবী সমভিব্যাহারে পার্কর্তীর প্রবেশ)
মদন ও রতি । (উঠিয়া দাঁড়াইয়া সবিস্ময়ে নিরীক্ষণ)

স্বীকৃত্য— খাষাজ—কাওয়ালি ।

শিব শঙ্কর বোম্ বোম্ ভোলা

ত্রিশূল করে গলে রুণ্ড-মালা ।

শির শোভে জটা-জুট-জালে,

আবৃত বর-তনু বাব-ছালে,

নব-ইন্দু ভালে করে দিক আলা ॥ ১৪ ॥

কেদারা—রাঁপতাল।

মদন ও রতি।

কে গো নিরুপমা বামা অমল-বরণী
সাগর-সঙ্গমে যেন কনক-তরুণী।
আননে স্বরগ-প্রভা, বসনে বসন্ত-শোভা,
চরণ-পদশে যেন কৃতার্থ ধরণী।
কুসুম-মৌরভ অঙ্গে, ভাসে অনিল তরঙ্গে,
সঞ্চারিণী লতা যেন নব পল্লবিনী।
পুন তবে ধরি বাণ, করি এবে সন্ধান,
নিশ্চয় যোগীর ধ্যান ভাঙ্গিব এখনি ॥ ১৫ ॥
প্রিয়ে! এইবার আমার মনে বিলক্ষণ ভরসা
হচ্ছে, এইবার নিশ্চয়ই কার্য্য সিক হবে। এসো,
আমরা সন্মোহন বাণ প্রস্তুত করি।
(দুই জনে পুষ্পাদি দিয়া সন্মোহন বাণ প্রস্তুত করণ)

১ বনদেবী। (মিশ্র—কাওয়ালি)

এস সখি এস হেথা

তোমারে হেরি হরষিত তরুলতা

২। যুথি জাতি সঁউতি, মল্লিকা মালতী

হের, পদে আনতা।

পার্কীতি। বিলপত্র বল কোথা ?

সেথা মোরে লয়ে চল বন-দেবতা।

৩। জানি জানি পার্কীতি, মহেশের প্রিয় অতি,

—ধর সেই পাতা।

(পুষ্প চয়ন)

আকাশে—দেবগণ।

কন্দর্পের বীর্ষ্য ছিল নিভ-নিভ প্রায়,

উদ্দীপিত হ'ল এবে রূপের ছটায়।

বসন্ত-কুসুম যত ভূষণ উমার,

অশোক মল্লিকা যুথি কত পুষ্প আর।

স্তনভারে চারু তনু ঈষৎ নমিত,

তরুণ অরুণ-রাগে বসন রঞ্জিত।

পর্যাপ্ত-কুসুম-ভারে কিঞ্চিৎ আনতা,

আহা যেন সঞ্চারিণী পল্লবিনী লতা।

মহাদেব। (ধ্যান-ধারণায় ফাস্ত হইয়া আসন
শিথিলীকরণ)

আকাশে—দেবগণ।

হের :—

শঙ্কর পরম-জ্যোতি পরম-আত্মায়।

নিরখি হলেন ফাস্ত ধ্যান-ধারণায়।

ক্রমে ক্রমে প্রাণ-বায়ু করিয়া মোচন
শিথিলীলা অঙ্কবদ্ধ দৃঢ় যোগাসন।

(নন্দীর প্রবেশ)

নন্দী। (পার্কীতীকে দেখিয়া) এই যে আমার মা
জননী এসেছেন! (প্রণাম)

নন্দী। (পরে মহাদেবের পদতলে প্রণাম করিয়া)
ভগবন্! সেবা-শুশ্রূষার জ্ঞা উমাদেবী
এসেছেন।

মহাদেব। (জ্ঞেপ-ইচ্ছিতে আসিবার অনুমতি
প্রদান)

সখীদয়। (মহাদেবকে প্রণাম করিয়া সপল্লব হিম-
সিক্ত পুষ্পরাশি মহাদেবের চরণে অর্পণ)

উমা। (প্রণামকরণ ও কর্ণিকার-ফুল অলক হইতে
স্থগিত হইয়া পতন)

মহাদেব। ভদ্রে! অনন্তভাজন পতি লাভ কর।

নেপথ্যে—দেবগণ।

"আশীষিলা মহাদেব যথার্থ আশীষ।

উচ্চারিত হয় যবে ঈশ্বরের বাণী,

কভু বিপরীত অর্থ না হয় ঘটনা।"

মদন। প্রিয়ে :—

তাম্ররুচি করে হের গিরিরাজ-বাণা

এনেছেন মন্দাকিনী-পদ্মবীজ-মালা

ভাঙ্গুর কিরণে গুঙ্গ—শিবেরে সঁপিতে।

আদরে যেমন হর যাবেন লইতে

অমনি আমি গো এই সন্মোহন বাণ

শরাসনে জুড়িয়া করিব সন্ধান।

উমা। (পদ্মবীজ-মালা মহাদেবকে প্রদান)

মহাদেব। (সাদরে গ্রহণ ও উমার প্রতি দৃষ্টিপাত)

উমা। (চোখাচোখি হইবামাত্র লজ্জায় মুখ ফিরাইয়া)

মদন। হের প্রিয়ে!

চন্দ্রোদয়ারস্তে যথা জলধির জল,

হয়েছে হরের মন ঈষৎ চঞ্চল,

চন্দ্রাননা-উমাপানে তাই গো মহেশ

সমগ্র ত্রিনেত্র তাঁর করিলা নিবেশ।

রতি। উমাও মনের ভাব পারিছে না

রাখিতে গো ঢাকি,

তনুটি কদম্ব-সম পুলকিত, লজ্জানত আঁখি।

মহাদেব। (চঞ্চল-চিত্ত হইয়া চারিদিকে নিরীক্ষণ)

মদন। এইবার তবে :—

(ধনুকে সম্বোধন বাণ সংযোজন)

আকাশে—দেবগণ।

“মহাবলী মহাদেব অচ্ছ কেহ নয়,
মুহুর্তে ইন্দ্রিয়-ক্ষোভ নিগ্রহ করিয়া
বিকৃতির কারণ কি জানিবার তরে
করিছেন নেত্রপাত দিগদিগন্তরে।”

[পার্শ্বতী ও বনদেবীঘরের প্রস্থান।

(সহসা গগন মেঘাচ্ছন্ন হইয়া ঘোর অন্ধকার)

নন্দী। অকস্মাৎ এ কি হ'ল!

মল্লার—কাওয়ালি।

“গহন ঘন ছাইল গগন ঘনাইয়া,
তিমিত দশদিশি, স্তম্ভিত কানন,
সব চরাচর আকুল, কি হবে কে জানে,
ঘোরা রজনী, দিক-ললনা ভয়-বিহ্বলা।

মদন। (বাণ সন্ধান করিতে গিগ্ধ ঝলিত হইয়া
পতন) এ কি হ'ল! ফুলগুলি যে আবার ঝরে
গেল প্রিয়ে! এইগুলি বাণে আবার লাগিয়ে দেও।

(ছুই জনে বাণ রচনা)

মহাদেব। (সরোষে চারিদিকে দৃষ্টিপাত)

মদন। (বাণ সন্ধান ও মারিতে উত্তত)

আকাশে—দেবগণ।

দেখ দেখ কামদেব ধনুখানি করি চক্রাকার
(দক্ষিণ অপাঙ্গে লগ্ন কর-মুষ্টি স্বন্ধ নত আর)
আকুঞ্চিয়া বামপদ করে অবস্থান,
উত্তত হইয়া আছে প্রহারিতে বাণ।

মহাদেব। (সরোষে চারিদিকে দৃষ্টিপাত)

নন্দী। চমকে চমকে সহসা দিক উজলি,
চকিতে চকিতে মাতি ছুটেছে বিজুলী,
ধরধর চরাচর, পলকে ঝলকিয়ে
ঘোর তিমির ছায় গগন মেদিনী।

গুরু গুরু নীরদ গরজনে

স্তব্ব আধার ঘুমাইছে (মেঘগর্জন)

মহাদেব। (মদনকে দেখিতে পাইয়া রোষ-প্রজ্বলিত
লোচনে তাহার প্রতি দৃষ্টিপাত)

নন্দী। সহসা উঠিল জাগি প্রচণ্ড প্রভঞ্জন, ধাইল
বাজ ॥ ১৭ ॥

(বিদ্যাবিকাশ ও বজ্রপাত)

মহাদেব। (সেই একই সময়ে ত্রিশূল উন্মুখ করিয়া)
নিপাত!

মদন। (মহাদেবের ত্রিনেত্র-নিঃসৃত বিদ্যাস্রোতায়
মদনের দেহ ভস্মীভূত)

রতি। হা নাথ! (মুচ্ছিতা)

মহাদেব। (শিলা বাদন ও ভীষণ প্রলয়-ঝড়ের
আবির্ভাব)

(ভূতগণের প্রবেশ)

ভূতগণ। (লক্ষ-সম্পদ সহকারে)

পঞ্চ বদনে বোম্বোবোম্ব শিলা ঘোর বাজে
ব্রহ্ম-অণ্ড যেন দ্বিখণ্ড, ঘটে বা প্রলয়-কাণ্ড,
অগণ্য কবন্ধ-মুণ্ড লুপ্তে কণ্ঠ-মাঝে।

ঘোর অন্ধকার রাত, তাহে প্রচণ্ড বজ্রবাদ,
ভূতনাথ ভূতসাথ উর্দ্ধ-হাতে নাচে ॥ ১৮ ॥

[মহাদেবের সহিত ভূতগণের প্রস্থান।

আকাশে—দেবগণ।

লচ্ছাসার—চপক-তাল।

শিব শিব শস্তো, শস্তো মহাদেব মহাদেব!

রোষ প্রভো সংহর সংহর!

ত্রিভুবন কম্পমান, কর ত্রাণ, কর ত্রাণ, কর ত্রাণ।

গেল গেল গেল সব চরাচর,

রোষ প্রভো সংহর শঙ্কর ॥ ১৯ ॥

যবনিকা-পতন

পরিশিষ্ট

কুমার-সম্ভব তৃতীয় সর্গের কিয়দংশের অনুবাদ

দক্ষিণ-অয়ন-কাল করিয়া লঙ্ঘন,
কুবের-রক্ষিতা নারী উদীচীর পাশে
যাইতে উদ্ভত হ'ল নায়ক তপন ;
দক্ষিণের দিগন্তনা অমনি হুতাশে
হুঃখের নিঃশ্বাস মুখে করে বিসর্জন ।
অশোকের স্বক হতে ছাইয়া অমনি
পল্লব সহিত পুষ্প ফুটিল হরষে,
না করি অপেক্ষা আর নৃপু-শিঞ্জিনী
—সুন্দরী-কুলের চারু চরণ-পরশে ॥
কচি পল্লবেতে রচি চারু পক্ষখানি
সমাপ্তি লভিল যেই নব চূত বাণ,
বসন্ত অমনি তথা অলিবৃন্দে আনি
অক্ষরে রচিল যেন মদনের নাম ॥
কর্ণিকার কুল-বর্ণ এমন সুন্দর
তবু গন্ধহীন বলি ফুক হয় প্রাণ ।
একাধারে সব গুণ করা একস্তর
বিধাতার প্রযুক্তি বড়ই তাহে বাম ॥
লোহিত-বরণ অতি কুসুম-পলাশ
বক্র যথা নব ইন্দু অপূর্ণ-বিকাশ,
বসন্তের সমাগমে বনস্থলী যত
শোভিতে লাগিল যেন সজ্জা-নখ-ক্ষত ॥
করিল বসন্ত-লঙ্গী অঞ্জন-রচনা
বসাইয়া সারি সারি ভূঙ্গ অগণনা,
তিলক কাটিল মুখে তিলক-কুসুমে,
চূত-কিশলয় ওষ্ঠ রঞ্জে বালারুণে ॥
মর্দর-শব্দে যথা জীর্ণ পর্ণ করে
হেন বনে উদ্ভত হইয়া মুগকুল
অনিলের অভিমুখে চরে মদভরে,
পিয়াল-মঞ্জরী-রঞ্জে নয়ন আকুল ॥
আস্বাদিয়া বসন্তের নব চূতাকুর
তেজোভরে গাহে পিক অতি সুমধুর ।
মনস্বিনী মানিনীর মান ভাঙ্গিবারে
পিক-রবে যেন স্বর আদেশ প্রচারে ॥

হিম-ধূ-অপগমে কিম্বদ-রমণী
বিশদ-অধরা হ'ল, পাণ্ডুর-বদনী ।
বিচিত্র তাদের মুখে চিত্র পত্র লেখা,
শ্বেদ-বারি বিন্দু বিন্দু দিল তাহে দেখা ॥
তপস্বী যতক ছিল শিবের আশ্রমে,
অকালে হেরিয়া মধু-ধূ সমাগমে,
বহু যত্নে, কোন মতে, বশ করি মন
মনোবিকারের বেগ করে লঘরণ ॥
উদ্ভত-কুসুম-ধনু রতির সহিত
এই ঠাই মদন হইল উপনীত ।
সঞ্চারিল প্রেম-রস জীবগণ-মাঝে,
মিথুনের ভাব সবে প্রকাশয়ে কাজে ॥
মধুকর অহুসরি আপনার বধু
একই পাত্রে দুই জনে পান করে মধু ।
কুম্বসার মুগী-তনু করে কণ্ডয়ন,
সুখ-বশে মুদে আসে তাহার নয়ন ॥
পদ্ম-গন্ধা জল মুখে গণ্ডুষ করিয়া
মাতঙ্গিনী মাতঙ্গেরে দেয় পিয়াইয়া ।
কিম্পুরুষ-নারী মুখে বিরচিত পত্রের রচনা,
পুঁছিয়া গিয়াছে অল্প,
ফুটি তাহে শ্বেদ-বারিকণা ॥
কুসুম-আসব পানে তাহাদের ঘূর্ণিত নয়ন,
কিম্পুরুষ গীত-মাঝে প্রিয়া মুখ করয়ে চুবন ॥
তরুগণে লতাবধু
অবনত শাখা-ভুঞ্জে করিল বন্ধন ;—
ওষ্ঠ নব-কিশলয়,
কুসুম স্তবকগুচ্ছ তাহাদের স্তন ॥
গাহিছে অপরাগণ অতি মনোহর
তবুও শঙ্কর দেব ধ্যানেন্তে তৎপর ।
যে পুরুষ আপনি গো আপনার প্রভু
কোন বিয় টলাইতে নারে তারে কভু ॥
লতা-গৃহ-দ্বারে নন্দী করি আগমন
বাম করে হেম-বেত্র করিয়া ধারণ
মুখেতে তর্জনী রাখি ইঙ্গিত-আভাষে
“চপলতা ছাড়” বলি ভূতগণে শাসে ॥

নিরুপ অমনি বৃক্ষ, নিভৃত ঘিরেফ,
নীরব বিহঙ্গ, শান্ত মৃগ-পদ-ক্ষেপ ।
নন্দীর আদেশমাত্র সমস্ত কানন
চিত্র সম রহে স্থির যেথা যে যেমন ॥
পুরহু গুক্রের সম

নন্দীর দর্শন-পথ করি পরিহার
ধ্যান-স্থানে পশে কাম

নমেরু সংশ্লিষ্ট শাখা যেখানে বিস্তার ।

আসন্ন মরণ নাকি তাই স্মর এবে
নিরখিল আসীন সংযমী মহাদেবে
দেবদারু বেদীপরে ব্যাঘ্রচর্ম্মাবৃত
পূর্বকায় ঋজু স্থির—বীরাসন-ধৃত ।
নত দুই স্বক্কেশ—পাতা করতল
অঙ্ক-মাঝে আহা যেন ফুল শতদল ।
জড়ানো জটাকলাপে ভূঙ্গ-বন্ধন,
অক্ষমালা দুইফের কানেতে বেঁধন ।
গ্রন্থিত কৃষ্ণাজিন পরিধান গায়,
হয়েছে বিশেষ নীল কণ্ঠের প্রভায় ।
স্তিমিত নয়নতারা কিঞ্চিং প্রকাশ,
ভুরুষয়ে বিকারের নাহিক আভাষ
পলক নাহিক নেত্র—নাহিক স্পন্দন,
অধোদৃষ্টে নাসিকাগ্র করেন দর্শন ।
প্রাণ-আদি অন্তর্বাণু হয়েছে নিরোধ,
অদৃষ্টি-জলদ-ঘটা যেন হয় বোধ ।
অথবা তরঙ্গহীন সাগরের সম,
নিবাত নিরুপ-শিখা প্রদীপটি যেন ।
জ্যোতির অঙ্কুর ব্রহ্মরঞ্জে বহির্গত,
ললাটের নেত্র দিয়া পায় যেন পথ,
মৃগালের সূত্র হতে আরও সূকুমার,
মান নব শশধর নিকটে তাহার ।
নবদ্বার রোধ করি সমাধির বলে
মনেরে স্থাপন করি হৃদি-মধ্য-স্থলে ।
আত্মদর্শী ঋষিগণ

অবিনাশী পুরুষ বলি জানেন যাহারে
পরম-আত্মায় সেই

শঙ্কর দেখেন নিজ আত্মার মাঝারে ॥


মনেরো অধ্বা সেই দেব মহেশ্বর
অদূর হইতে তাঁরে করিয়া দর্শন
ভরে মদনের হস্ত কাঁপি থরথর
ধনুর্কাণ পড়ে খসি, না জানে কখন ॥

হেনকালে পারবতী আইলেন তথা,
পিছে তাঁর দুই জন অরণ্যদেবতা ।
কন্দর্পের বীৰ্য ছিল নিভনিভ প্রায়
উদ্দীপিত হ'ল এবে রূপের ছটায় ।
বসন্তকুম্ম যত আভরণ তাঁর :—
“অশোক” সে পদ্যরাগে করে তিরঙ্কার,
“কর্ণিকার” হেমছাতি করিলা হরণ,
“সিন্ধুবার” মুক্তারূপে করেন ধারণ ।
সুনভারে চারুতন্ত্র ঈবং নমিত,
তরুণ অরুণ-রাগে বসন রঞ্জিত ।
পর্যাপ্ত-কুম্ম-ভারে কিঞ্চিং আনতা
আহা যেন সঞ্চারিণী পল্লবিনী লতা ।
বকুল-মেথলা পড়ে খসিয়া খসিয়া
রাখিছেন পুনঃ পুনঃ আটক করিয়া ।
যেন রে বাছিয়া স্থান স্থানজ্ঞ মদন
ধনুতে দ্বিতীয় ছিলা করিলা স্থাপন ।
ভ্রমর তৃষিত হয়ে সূগন্ধি নিখাসে
ঘুরিয়া বেড়ায় বিশ্ব-অধরের পাশে ।
চঞ্চল নয়নপাতে উমা প্রতিক্ষণ
লীলা-শতঙ্গল মাড়ি করেন ধারণ ।
যার রূপরাশি হেরি লজ্জা পায় রতি
অকলঙ্ক সে উমারে নিরখিয়া তথি
জিতেন্দ্রিয় শূলীপরে স্বকার্য সাধিতে
ভরসা পাইল স্মর পুন নিজ চিতে ।
এমন সময়ে নিজ ভবিষ্যৎ-পতি
মহেশের দ্বারদেশে আইলা পার্শ্বতী ।
শব্দেও পরম-জ্যোতি পরম-আত্মায়
নিরখি হলেন ক্ষান্ত ধ্যান-ধারণায় ।
ক্রমে ক্রমে প্রাণবাণু করিয়া মোচন
শিথিলিলা অঙ্কবন্ধ দৃঢ় বীরাসন ।
তখন শেখের সেই ফণার উপর
ধরণীর ভার হ'ল অতি কষ্টকর ।
নন্দী হর-পদতলে প্রণিপাত করি
নিবেদিল “সেবা তরে আইলা গউরী ।”
ক্রমে ইচ্ছিতমাত্র পেয়ে অমুমতি,
নন্দী গিরিনন্দিনীরে পশাইল তথি ।
উমার সে সখী দুটি প্রণমিয়া শঙ্কর-চরণ
পল্লব-জড়িত পুষ্প পদতলে করিল অর্পণ ।
উমাও বৃষভধ্বজে প্রণমিলা ভকতির ভরে,
সুনীল কুন্তল হতে কর্ণিকার পুষ্প ঝরি পড়ে ।

“একপত্নী পতি হোক” হর-মুখে বাহিরিলা কথা।
 ষথার্থ আশিব সেই—ঈশবাক্য না হয় অতথা।
 বহিমুখ-কামী কাম পতঙ্গ সমান
 অবসর বুঝি করে বাণের সন্ধান।
 উমার সমক্ষে ধরি পুষ্প-শরাসন
 মুহুমুহু ধনুর্গণ করে আকর্ষণ।
 হেনকালে পারবতা তাম্ররুচি-পাণি
 মন্দাকিনী পদ্মবোজ-মালা-গাছি আনি
 (সূর্য্যাকর-বিশোধিত সেই বীজমালা)
 তাপস শঙ্কর-করে আরোপিলা বালা।
 ভকত-বাৎসল্য হেতু যেমন শঙ্কর
 লবেন সে মালা-গাছি করিয়া আদর।
 অমনি অব্যর্থ বাণ নাম সন্মোহন
 শরাসনে ঝড়িল কুসুম-শরাসন।
 চন্দ্রোদয়ারস্তে যথা জলধির জল
 হইল হরের মন ঈষৎ চঞ্চল।
 বিদ্বাদর-সুশোভনা উমাপানে তখনি মহেশ
 সমগ্র ত্রিনেত্র তাঁর একেবারে করিলা নিবেশ।

উমাও মনের ভাব পারিল না রাখিতে গো ঢাকি,
 তনুটি কদম্ব সম পুলকিল, বিভ্রমিল আঁখি।
 ঈষৎ বাক্যে মুখ রাখে অতঃপর
 তাহে মুখখানি হ'ল আরো মনোহর।
 বশিষ্ঠ-প্রভাবে এবে যতি মহাদেব
 মুহুর্ত্তেকে স্মরিত্তা ইন্দ্রিয়-আবেগ,
 বিকারের হেতু কিবা জানিবার তরে
 করিলা নয়নপাত দিগদিগন্তরে।
 দেখিলেন, কামদেব ধনুখানি করি চক্রাকার
 (দক্ষিণ-আপাঙ্গে বদ্ধ করমুষ্টি, স্বক নত আর)
 আকুঞ্চিয়া বাম পদ করে অবস্থান,
 উদ্যত হইয়া আছে প্রহারিতে বাণ।
 তপস্তার ভঙ্গে রোষ বাড়িল তখন
 ভীষণ জ্বভঙ্গে হ'ল হৃৎপ্রক্ষ্য আনন।
 তৃতীয় নয়ন হ'তে বহ্নিশিখা অমনি ছুটিল
 “সংহর সংহর ক্রোধ” দেবগণ বলিয়া উঠিল।
 চরিতে লাগিল হোথা দেবগণ-বাণী,
 হেথা হ'ল ভঙ্গশেষ স্মরতনুখানি ॥





বসন্ত-লীলা

(গীতি-নাটিকা)

দোলোৎসব-দিবসে ভারত-সঙ্গীত-সমাজে অভিনীত

জ্যোতিরিন্দ্রনাথ ঠাকুর প্রণীত

পাত্র পাত্রীগণ

রাধা, কুম্ভ, সখীগণ ও ব্রজবাসীগণ ।

এক জন বিদেশী পথিক ।

:



বসন্ত-লীলা

প্রথম দৃশ্য

রাজ-পথ।

নেপথ্যে।—(“হোরি হায়”—“হোরি হায়” কোলাহল ও ঢোল-মন্দিরাদির বাজ)

(এক জন বিদেশী পথিকের প্রবেশ)

পথিক। কিসের এত গোলমাল? চারিদিকেই কেবল হৈ হৈ—রৈ রৈ শব্দ, ব্যাপারটা কি? এই যে, এই দিকে কতকগুলি ব্রজবাসী আসছে, ওদের জিজ্ঞাসা করে দেখা যাক।

(হোরি খেলিতে খেলিতে কতিপয় ব্রজবাসীর প্রবেশ)

পথিক।—আপনাদের আজ এ সব হচ্ছে কি?—আজ এত গোলমাল কিসের?

ব্রজবাসী। তা বুঝি জান না? আমাদের ব্রজরাজ একটা নতন খেলার সৃষ্টি করেছেন, তাতে সমস্ত ব্রজপুরী আজ একেবারে মেতে উঠেছে।

পথিক। কি রকম খেলা?

১ জন। এই দেখুন না, এই লাল গুঁড়ো আমরা সবার কাপড়ে মাখিয়ে দিচ্ছি, আর এরই গোলা-জল নিয়ে পিচ কিরি করে গায়ে দিচ্ছি। এই রকম ছটোপাটি আজ সকাল থেকেই চলছে। আহুন, আপনার গায়েও একটু মাখিয়ে দি।

পথিক। হাঁ হাঁ, কর কি! কর কি! আমার ধোপদস্ত কাপড়খানি লাল করে দিও না।

১ ব্রজবাসী। সে কি হয়? আজ এই আনন্দের দিনে আপনি কাঁক যাবেন, (গায়ে আবীর দেওন) সে হতেই পারে না।

পথিক। হাঁ হাঁ, কর কি, আমি আজ খুঁশুরবাড়ী যাচ্ছি।

২ ব্রজ। আজ মশায়, জামাই খুঁশুর কেউই কসুর যাবেন না।—আজ সবারই এক সুর।

সকলে। (হাস্ত) হা হা হা—ঠিক বলেছ দাদা—ঠিক বলেছ, আজ সকলেরই একসুর—হা হা হা হা!

পথিক। আচ্ছা ভাল, এর উদ্দেশ্যটা কি? ব্রজবাসী। উদ্দেশ্য আর কিছুই নয়, এই নতন বসন্তের সময় একটা আমোদ-প্রমোদ করা।

পথিক। হাঁ, এই সময়ে সমস্ত প্রকৃতিই যখন উৎসবে মেতে উঠেছে, তখন মানুষ আর বাকি থাকে কেন? তা, এ আমোদটা নিতান্ত অসঙ্গত নয়। আচ্ছা, তোমাদের রাজা আজ কার সঙ্গে খেলবেন?

ব্রজবাসী। শুনতে পাই, আজ রাধারাণীর সঙ্গে খেলবেন। তাই আজ সকাল থেকেই তাঁর বাঁশীর তান শোনা যাচ্ছে।

পথিক। বাঁশী কেন?

ব্রজবাসী। তিনি বাঁশী বাজিয়েই রাধাকে ডাকেন। রাধারাণীও বাঁশী শুনলে আর ঘরে থাকতে পারেন না; অমনি চলে আসেন।

পথিক। ও, তাই বুঝি? হাঁ, এ কথা আমাদের গ্রামেও খুব রাষ্ট বটে। রাধা কেন, শুনেছি নাকি কোনও ব্রজনারীই সে বাঁশী শুনলে ঘরে তিষ্ঠিতে পারে না। যা হোক, তোমাদের রাজা খুব রসিক বটে।

১ ব্রজবাসী।—রসিক বোলে রসিক, নাকে রশি দিয়ে যেন মেয়েগুলকে ঘর থেকে টেনে নিয়ে আসে।

সকলে। রশিই বটে—হা হা হা হা (হাস্ত)

একজন। দাদা, তুমি সবটা বলে না, শুধু রশি না—তার পর আবার একটা শিকও আছে। বাঁশী শুনে যে আসে, তার আর নড়ন-চড়ন নেই—অমনি সে শিকে আটকে পড়ে। আমাদের রসিক-রাজের রশিও আছে, আবার শিকও আছে। হা হা হা। কথাটা বড় সরেশ বলেছ—বলিহারি যাই—হা হা হা হা!

পথিক। তোমাদের রাজা যে খুব রসিক, তার আর কোন ভুল নেই। দেখ না কেন, বেছে বেছে, খেলার কেমন সময়টি ঠিক করেছেন। আহা! এই নব বসন্তে কার প্রাণ না আকুল হয়?

ব্রজবাসিগণ!—তা আর বলতে, দেখ না কেন
 বাহার—তেওরা।
 (আজি) আইল বসন্ত, হিম-ঋতু অন্ত,
 প্রকৃতি আনন্দে হাসিছে।
 তরুলতাগুলি, অলসে হেলিছলি
 হরষে কোলাকুলি করিছে।
 যতেক ফুল-বালা, লয়ে পরাগ-ডালা
 মরি কি ফাগ-খেলা খেলিছে।
 ভ্রমরা গুণগুণ গাহে ফাগুন-গুণ
 অশোক কুসুম হানিছে।
 পবন সুমন্দ, ফুল-রেণু-অন্ধ
 মরি কি সুগন্ধ চালিছে।
 লুটায় গিরিপরি, নিঝর পড়ে ঝরি
 উৎস-পিচকারী ছুটিছে।
 কিশোরী সাথে হরি, খেলিবে আজ হোরি,
 রঙ্গে ব্রজপুরী মাতিছে ॥
 [গাহিতে গাহিতে সকলের প্রস্থান।

দ্বিতীয় দৃশ্য

রাধার-গহ-প্রাঙ্গণ।

(নেপথ্যে বংশীধ্বনি)

রাধা আসীন।

রাধা। (গালে হাত দিয়া আকাশ পানে তাকাইয়া
 উদাসভাবে)

বেহাগড়া—আড়খেমটা।

ওগো শোনো কে বাজায়।

বন-ফুলের মালার গন্ধ বাঁশীর তানে মিশে যায়।
 অধর ছুঁয়ে বাঁশীখানি, চুরি করে হাসিখানি
 বঁধুর হাসি মধুর গানে, প্রাণের পানে মিশে যায়।
 কুঞ্জবনের ভ্রমর বৃষ্টি বাঁশীর মাঝে গুঞ্জরে,
 বকুলগুলি আকুল হয়ে বাঁশীর গানে মুঞ্জরে।
 যমুনারি কলতান কানে আসে, কাঁদে প্রাণ,
 আকাশে ঐ মধুর বিধু কাহার পানে হেসে চায়
 (উঠিয়া)

না আর থাকতে পারছিনে, ঘর থেকে বেরিয়ে
 যাই, দেখি শ্রাম কোথায় বাঁশী বাজাচ্ছেন।

(যাইতে যাইতে পায়ে নুপুর-ধ্বনি
 হওয়ায় থমকিয়া দাঁড়াইয়া)

আঃ! এ কি জ্বালা!

ইমন-কল্যাণ—কাওয়ালি।

পায়ে পায়ে বাজে রে
 ঝিনিকি ঝিনিকি ঝিনি
 ঝিনি নিনি নিনি নিনি।
 বাঁশীতে ডাকে কেমনে থাকি,
 এ পোড়া নুপুর কোথায় রাখি রে,
 বাজে ঝিনিকি ঝিনিকি ঝিনি
 ঝিনিনি নিনিনি ॥

নেপথ্যে। রাধে, বলি ও রাধে! ঘর থেকে কোথায়
 বেরিয়ে যাচ্ছিলা?

রাধা। (স্বগত) ঐ গো ননদিনী আসছে। এই
 বেলা একটা কলসী কাঁকে করি (তাড়াতাড়ি
 কলসী কাঁকে করিয়া), (প্রকাশ্যে) এই যমুনাতে
 জল আনতে যাচ্ছি দিদি।

নেপথ্যে। আজ সহরে বড় গোলমাল, পথ-ঘাটে ছুট
 লোকের ভয় আছে, দেখিস্ যেন দেরি করিস্নে।

রাধা। না, আমি দেরি করব না। (স্বগত)
 ননদিনীর জ্বালায় আর বাঁচিনে। একটু ঘরের
 বার হয়েছি কি অমনি দেখতে পেয়েছে।

নেপথ্যে। আর শোন, সে দিন চন্দ্রাবলী বলছিল, তুই
 যমুনার স্নান কচ্ছিলি, আর সেই সময় নাকি
 সেই শ্রাম ছোঁড়াটা ঘাটে বসে বাঁশী বাজাচ্ছিল,
 এ কথাগুলো বড় ভাল নয়। তা, যা বোন,
 কিন্তু দেখিস্ যেন রাত করিস্নে।

মিশ্র-খান্সাজ—খেমটা।

যেও না যেও না যমুনার

সে যে বাজিয়ে বাঁশী মন মজায়।

যাবে যদি যাও রাধে, এদিক-ওদিক চোখ না যায়।

সে যে থাকে কদম-তলে,

বনমালা দোলায় গলে,

রঙ্গ-ভঙ্গ কতই ছলে,

রমণী দেখলেই অমনি চায় ॥

রাধা। ভৈরবী—খেমটা।

সত্যি ননদী আমি শ্রামের পানে চাইনি
 শ্রামের পানে চাইনি, আমি যমুনা-জলে যাইনি।
 জল আনতে যাই বটে, শুধু জল ভরি ঘটে,
 তাই বুঝি দিয়েছে রটে সেই বড়াই বুড়ী ডাইনী ॥
 (নেপথ্যে বংশীধ্বনি)

রাধা । মিশ্র-পূরবী—একতারা

মরি লো মরি আমার বাঁশীতে ডেকেছে যে ।

ভেবেছিলাম ঘরে রব কোথাও যাব না,

ঐ যে বাহিরে বাজিল বাঁশী, বল কি করি ।

গুনেছি কোন কুঞ্জবনে যমুনা-তীরে

সাঁঝের বেলায় বাজে বাঁশী, ধীর সমীরে

ওগো তোরা জানিস যদি আমার পথ বলে দে

দেখি গে তার মুখের হাসি,

তারে ফুলের মালা পরিয়ে আসি,

তারে বলে আসি তোমার বাঁশী

আমার প্রাণে বেজেছে, আমার বাঁশীতে ডেকেছে যে ॥

নেপথ্যে—রাধা ।

(সখি) ঐ বৃষ্টি বাঁশী বাজে (তিনবার) বনমাঝে
কি মনমাঝে ।

বসন্ত বায় বহিছে কোথায়, কোথায় ফুটেছে ফুল

বল গো সজনি, এ সুখ-রজনী, কোনখানে

উদিয়াছে । (বনমাঝে ইত্যাদি)

যাব কি যাব না, মিছে এই ভাবনা, মিছে মরি

লোকলাজে, সখি মিছে মরি লোকলাজে ॥

না জানি কোথা সে, বিরহ-হৃতাশে, ফিরে

অভিসারসাজে (বনমাঝে ইত্যাদি)

তৃতীয় দৃশ্য

(যমুনা নদী-অভিমুখে গ্রাম্য-পথ)

(কলসী-কাঁকে গোপিনীগণের প্রবেশ)

মূলতান—খেমটা ।

গোপিনীগণ ।—

তোরা আয় লো আয়

শ্রামের বাঁশরী বাজে যমুনায় ।

গুনিয়ে শ্রামের বাঁশী,

চিত হ'ল উদাসী,

ঘরে মন রাখা হ'ল দায় ।

(নেপথ্যে বংশীধ্বনি)

(রাধার প্রবেশ)

মিশ্র-পিলু—সাঁপতাল ।

রাধা । মন চুরি করিল মুরলীর তানে,

প্রকাশি বলিতে নারি কি যে হয় প্রাণে ।

না জানি কোথা আছে, কোন্ কুঞ্জমাঝে,

শুধু “রাধে রাধে” বংশী যে বাজে,

আর যে গো ধৈর্য চিত নাহি মানে ॥

(দৌড়িয়া হাঁপাইতে হাঁপাইতে গোপিনীগণের প্রবেশ)

১। আয় ভাই আমরা এই গাছের আড়ালে লুকোই ।

২। এই যে সখি তুমি এসেছ, তবে আমাদের আর
ভয় নেই ।

রাধা । কি হয়েছে, কি হয়েছে? পথে চোর-
ডাকাতের ভয় আছে নাকি?

৩। সে সখি চোর-ডাকাতেরও বাড়ী ।

পথের মাঝে কালা আমাদের দেখতে পেয়ে
গায়ে কাগ দিতে আসছিল ।

রাধা । সে আবার কি?

১। সে এক রকম লাল গুঁড়ো—তাই নিয়ে লোকের
গায়ে ছড়িয়ে দিচ্ছে—আবার তারই গোলা জলে
গায়ে পিচকিরি দিচ্ছে । তাতে সবার কাপড়
ভিজে একেবারে লাল হয়ে যাচ্ছে ।

রাধা । তবে ত বড় বিপদ । এ আবার তাঁর কি
লীলা?

১। এ সখি তাঁর বসন্ত-লীলা!

রাধা । (স্বগত) শ্রাম আমার কত লীলাই জানেন ।

১। আমরা সখি তাই এখানে দৌড়িয়ে পালিয়ে
এসেছি । আমরা জল আনবার ছল ক'রে এখানে
এসেছি, কাপড়ে রং লাগলে কি আর রক্ষা
থাকবে?

রাধা । যদি তিনি এখানে আসেন, তা হ'লে কি
করবে?

গোপিনী । তা হ'লে তুমি আমাদের রক্ষা করবে ।

রাধা । আমি রক্ষা করব? আমাকে কে রক্ষা করে,
তার ঠিক নেই ।

(সহসা কৃষ্ণের প্রবেশ)

গোপিনীগণ । পালাও পালাও সখি—ঐ এসেছে ।

ঃ (সখীগণের প্রস্থান এবং রাধিকা চলিয়া

না আসায় পুনঃ প্রবেশ)

কৃষ্ণ । এস রাই কুঞ্জবনে খেলিব হোরি ।

ঋতুরাজ বসন্ত এল কুসুম-সাজ পরি ।

আবীর অঙ্গে ছাইব, গুলালে মুখ রাঙ্গাইব

কুসুম মারিব মুহু, দিব পিচকারি ॥

কাফি—কাওয়ালি ।

রাধা ও সখীগণ ।

জানি জানি তোমায় কালাচাঁদ
না জানি কি তুমি পেতেছ গো ফাঁদ ।
রাখ রঙ্গ ও ত্রিভঙ্গ, ছুঁয়ো না হাত
হবে তাহে অপবাদ ।
কেন গো রাখাল-রাজ, লালে লাল হেরি আজ
লাল তব পীত সাজ ।
এ কি হেরি বংশীধারী, এ কি অকস্মাৎ !
এ যে তব নব সাধ ।
কাছে মোর এস না, বসনে ফাগ দিও না
বারবার করি মানা ;—
ছিছি ছিছি ছিছি ছিছি, দিয়ে নিশানা
কেন ঘটাবে প্রমাদ ।

সিদ্ধুড়া—কাওয়ালি ।

কৃষ্ণ ।

ও নয়ন-বাণে-বাণে
চিত মন মম হ'ল জরজর
তবু তুমি ত দয়া না কর ।
এখন আসিতে কাছে কেন কর মানা
সখি কোন্ প্রাণে বল সর সর !
দেখ গো সখি এ মম বুক চিরে,
কি দশা করেছে তব আঁখি-তীরে ।
লাল দেখিছ যাহা নহে সে আবীরে,
সখি রক্ত-ধারা পড়ে ঝরঝর ॥

কাফি-সিদ্ধুড়া—ঝাঁপতাল ।

রাধা ও সখীগণ ।—

শ্রাম তব পায়ে ধরি
খেলো না আমা সনে হোরি ।
দিও না দিও না গো অঙ্গে আমারি
আবীর পীচকারি ।
রাঙ্গাগো না মোর সাধের নীলাধরী,
রাখো এ মিনতি মুরারি ।
খেলো না আমা সনে হোরি ।
ছলি ননদিনী এহু গো শ্রীহরি
জল আনা ছল করি ।
কত কথা শুনাবে ঘরে গেলে ফিরি ।
যাব যে গো লাজে মরি
খেলো না আমা সনে হোরি ॥

ভৈরবী—আড়খেমটা ।

কৃষ্ণ ।

তবে কাজ নাই এসে ।
মিটিল না মনসাধ তোমায় ভালবেসে ।
ছিল আশা মনে মনে, হোরি খেগব তোমা সনে,
ভাবি নাই কভু স্বপনে, নিরাশ করবে শেষে ॥
রাধা । (স্বগত) এখন কি করি ? এইবার ওঁর
সঙ্গে যাই । আমার যা হবার তা হবে ।
সখীগণ । (জনাস্তিকে) সখীর মুখের ভাবে মনে
হচ্ছে, শ্রামের কথায় ওঁর মন গ'লে গেছে । বেশ
বোঝা যাচ্ছে, আর একটু কাকুতি-মিনতি করলেই
সখী স্নস্ফড় ক'রে ওঁর সঙ্গে চ'লে যাবেন ।
কিন্তু সখি ! ওঁকে কিছুতেই যেতে দেওয়া হবে
না । তা হ'লে ঘরে গিয়ে উনি কি আর মুখ দেখাতে
পারবেন ? লাজুনা-গঞ্জনার একশেষ হবে ।

মিশ্র-কাল্যাণ্ডা—আড়খেমটা ।

সখীগণ । আর বুঝতে বাকি নাইকো রে শ্রাম
চাতুরী তোমার ।
প্রদোষে, কি দোষে, রাইকে জ্বালাতে এলে আবার ।
গোপিনীদের মাথার কিরে,
যাও হে তোমার গোষ্ঠে ফিরে দেখু চরাতে,
আহা ! রাখাল-হারা হয়ে তারা
করচে হুঁহু-রবে হাহাকার ।
এ যে তোমার চাষার খেলা,
রাই যে মোদের রাজবালা,
ফিরে যাও হে কালা,
তুমি রাখাল ব'লে রেয়াৎ পেলে
তোমার চাষার মত ব্যবহার ॥

(রাধার প্রতি) এসো সখি, এখানে থেকে আর কাজ
নেই ।

[রাধিকাকে টানিয়া লইয়া প্রস্থান ।

কৃষ্ণ ।—আচ্ছা যাও, দেখি তোমাদের কতদূর দৌড় !
যেখানেই থাকো, আমার এই মোহন-বীশী
তোমাদের আবার এইখানে টেনে নিয়ে আসবে ।

[বংশী বাজাইতে বাজাইতে প্রস্থান ।

সখীগণ ।

কথা কস্মনে লো রাই শ্রামের বড়াই বড় বেড়েছে
কে জানে ও কেমন ক'রে মন কেড়েছে ।
শুধু ধীরে বাজায় বীশী, শুধু হাসে মধুর হাসি
(নেপথ্যে বংশীধ্বনি)

(সখীগণের সহিত রাধার প্রবেশ)

খান্ধাজ—ঝাঁপতাল ।

রাধা । বারণ কর লো সই
আর যেন শ্রামের বাঁশী বাজে না বাজে না ।সখীগণ ।
আমরা গোপের বালা, পথে কালা এ কি জ্বালা !
ছল করে জল আনতে যাওয়া মাছে না মাছে না ॥
একজন সখী । এ কি তেমনি কালা যে বারণ মানবে ।
ও যেমন ছল করছে, আমাদেরও তেমনি ছল
করতে হবে । ছলে বলে কোন রকম ক'রে হাত
থেকে ওর বাঁশীটি কেড়ে নিতে হবে । এই
বাঁশীই সখি যত কুয়ের গোড়া ।রাধা । তোমার কথা শুনে সখি বাঁচিনে । তুমি
অবলা রমণী হয়ে শ্রামের হাত থেকে বাঁশী কেড়ে
নেবে ? তোমার সাহস ত কম নয় । এ কি
কখন হয় ?সখী । আচ্ছা, দেখ হয় কি না । কিন্তু তুমি সখি
“আহা উহ” করতে পারবে না, তা বলছি ।রাধা । আচ্ছা, আমি চুপ্ ক'রে থাকব, কোন
কথাই কব না ।সখীগণ । এস সখি, আমরা ঐ গাছের আড়ালে গিয়ে
একটু বুদ্ধি এঁটে আসি ।

[সখীগণের সহিত রাধার প্রস্থান ।

(নেপথ্যে বংশীধ্বনি)

(রাধার পুনঃপ্রবেশ)

সিন্ধু—একতাল ।

রাধা । আমি যাই যাই আর ফিরে ফিরে চাই
যাই যাই ক'রে আসি ।

(ঐ) বাঁশী যে সর্কনাশী ।

বাজায়ো না শ্রাম বাজায়ো না
প্রাণ হয় উদাসী ।মনে হয় যেন, ত্যজি গৃহ জন
হয়ে থাকি ভব দাসী ।আমি যাই যাই আর ফিরে ফিরে চাই
যাই যাই ক'রে আসি ।

(সখীগণের প্রবেশ)

সখীগণ । ঐ বাঁশী যে সর্কনাশী ।

(কৃষ্ণের প্রবেশ)

কৃষ্ণ । আবার কি মনে ক'রে ?

একজন সখী । আচ্ছা তুমি যদি আমাদের সখীর
একটি সাধ মেটাও, তা হ'লে সখীও তোমার সাধ
মেটাবেন ।কৃষ্ণ । কি সাধ, বল । উনি যা বলবেন, আমি
তাতেই প্রস্তুত ।সখী । এ'র কি সাধ হয়েছে, একটু পরেই বলছি ।
এখন তুমি ঐ কদমগাছে ঠেস দিয়ে সেই রকম
ত্রিভঙ্গভঙ্গিমা ক'রে তোমার বাঁশীটি বাজাও
দিকি ।কৃষ্ণ । এ তো সহজ কথা । এ তো আমার
চিরকালের অভ্যাস ।

(ঐরূপ ভাবে দাঁড়াইয়া বংশীবাদন)

কাফি—ঝাঁপতাল ।

সখীগণ ।

“শ্রাম ! এ কি রঙ্গ হেরি—ও ত্রিভঙ্গ-মুরারি !

খেলিবে হোরি, লয়ে সহচরী

অধরে ধ'রে বাঁশরী ।

“রাধে রাধে” বলে বাঁশী বাজিবে

মজিবে গোকুল-নারী ।

(একজন সখী আসতে আসতে পিছনে গিয়া
লতার ফাঁস দিয়া তাড়াতাড়ি হস্ত দৃঢ়রূপে বন্ধন আর
একজন ঐরূপ পদদ্বয় বন্ধন এবং আর একজন বাঁশী
কাড়িয়া লওন ।)

সকলে । (হাস্ত)

বাঁশী কেড়ে-লব, আমরা বাজাইব

শ্রাম তোমায় সাজাব নারী ।

নারী সাজাইব, বামে বসাইব

আমরা হব বংশীধারী ॥

কৃষ্ণ । দেখ রাই, এরা আমার কি অবস্থা করেছে ।
আমাকে ভাল মানুষ পেয়ে ওরা যা-তা করছে ।

রাধা । সখি, হয়েছে হয়েছে, আর না, যথেষ্ট হয়েছে ।

সখী । ছি সখি ! আবার কথা কচ্ছ ?

কৃষ্ণ । (স্বগত) এ আমার শাপে বর হ'ল । রাধার
মন এতে গ'লে যাবে—আমার সাধ না মিটিয়ে
আর থাকতে পারবেন না । (প্রকাশ্যে) উঃ,
এমনি কোরে বেঁধে দিয়েছে, আমি আর নড়তে
পারছি নে ।

সখীগণ। কেমন জ্বল! আর গায়ে আবার দেবে?
কৃষ্ণ। (রাধার নিকটে আসিয়া)

খাঞ্চা—একতাল।

রাই! এই বুঝি তব ফন্দি?
এতক্ষণে বুঝিলাম তব অভিসন্ধি।

পায়ে ধরি, বাঁধন খোল,
মোরে বেঁধে কিবা ফল,
আমি যে গো চিরকাল
আছি তব বন্দী ॥

রাধা। (কৃষ্ণের বন্ধন মোচন)

সখীগণ। আমরা জানি, রাধার প্রাণে অধিকক্ষণ
সহবে না।

কৃষ্ণ। দেখ, আমি তো তোমাদের সখীর সাধ
মেটালুম—আমাকে যত দূর নাকাল করবার তা
করুলে—এখন আমার সাধটি মেটাও।

রাধা। চল সখি, এইবার আমরা ওঁর সঙ্গে যাই—
আমাদের যা হবার, তা হবে।

রাধা ও সখীগণ।—

দিক্—খেমটা।

যদি খেলবে হোরি বংশীধারী
চল চল নিকুঞ্জ চল।

কৃষ্ণ।— চল চল রাই কুঞ্জে চল।

রাধা ও সখীগণ।

পথের মাঝে মরি যে লাঞ্জে
ননদিনী কি বলবে বল।

সখীগণ।—

আজ কেমন তোমায় করু নাকাল
ওগো রাখাল রায়।

কাঁদতে হ'ল রাধার কাছে
মরি যে লজ্জায়।

(শেষে) খেলায় ভঙ্গ দিয়ে ত্রিভঙ্গ
ধবুতে হ'ল চরণ-তল ॥

কৃষ্ণ। সে কথায় আর কাজ কি বল
চল চল রাই কুঞ্জে চল।

[সকলের প্রস্থান।

চতুর্থ দৃশ্য

কুঞ্জ-কানন।

(সখীগণের প্রবেশ)

একজন সখী। এ কি রকম হোরি-খেলা সখি?
আমি মনে করেছিলেন, খুব ছোটোছোটো ছোটোপাটি
হবে—কাননময় আমরা খুব মাতামাতি ক'রে
বেড়াব—শ্রামকে খুব নাকাল করব—না এ কি
হ'ল—এখন দেখছি হুজনে কেবল পাশাপাশি—

১। আবার একটু ঘেঁসায়ের্শি—

২। আবার চোখে চোখে একটু হাসাহাসি—

৩। ও সখি কেবল ভালবাসাবাসি বৈ তো নয়—
হোরি খেলা কেবল একটা ছুতো-নতা।

৪। আর দেখেছ সখি, কুঞ্জে এসেই ওঁদের হুজনের
কেমন ভাব বদলে গেছে।

১। আমাদের সখী শ্রামের মুখের পানে আর ভাল
ক'রে তাকাতে পারছেন না। যেই চোখোচোখি
হচ্ছে, অমনি মুখখানি ফিরিয়ে নিচ্ছেন।

২। আবার শ্রাম সখীর পানে একদৃষ্টে তাকিয়েই
আছেন। চোখ ঘেন আর কোথাও নড়ে না।

৩। এখন শ্রামের আর সেই ছোটোছোটো ছোটোপাটি-
ভাব নেই—ভাল মানুষের মত মুখটি কাঁচুমাচু
ক'রে এক জায়গায় দাঁড়িয়েই আছেন।

৪। আর দেখেছ, বাঁশীটিতে আর ভাল ক'রে সুর
বেরুচ্ছে না।

১। আবার থেকে থেকে বাঁশীটি হাত থেকে পড়েও
যাচ্ছে।

প্রথম একজন তারপর সকলে—

ভূপালি—কাওয়ালি।

আহা কি চাঁদিনী রাত হের লো সখি।
আকাশ প্লাবিল ভাসিল রে বিমল চন্দ্র-করে,
আনন্দ উথলিল।

বিহঙ্গেরা জাগিল ভাবিয়ে প্রভাত

ঐ বুঝি বাজে বাঁশী, আসে ব্রজনাথ,

সব সখী মিলি একতানে

গাও লো মঙ্গল গান।

অনিল-হিল্লোলে মিশিবে সে তান্ বাঁশীর সাথ ॥

২। ঐ যে ওঁরা আসছেন।

(কৃষ্ণের প্রবেশ, পরে রাধার প্রবেশ)

ভৈরবী—কাওয়ালি ।

কৃষ্ণ ও সখীগণ ।

সুন্দরী রাধে আওব বনি
 ব্রজ-রমণীগণ মুকুট-মণি ।
 কুঙ্কিত-কেশিনি, নিরুপম-বেশিনি,
 রস-আবেশিনি ভঙ্গিনি রে !
 অধর-সুরঙ্গিনি, অঙ্গ-তরঙ্গিনি,
 সঙ্গিনি, নব নব রঙ্গিণী রে !
 কুঞ্জর-গামিনি, মোতিম-দশনি,
 দামিনী-চমক-নেহারিনি রে !
 আভরণধারিনি, নব অভিসারিনি,
 শ্রামের হৃদয়বিহারিনি রে !
 নব অনুরাগিণী অখিল সোহাগিণী
 পঞ্চমরাগিণী মোহিণী রে ।
 রাসবিলাসিনি, হাস-বিকাশিনি
 গোবিন্দ-চিত-মন-শোহিনি রে !

আশা-ভৈরবী—ঠুংরী ।

সখীগণ । এই বুঝি হোরি খেলা গো তোমারি (শ্রাম)
 নয়নে নয়নে ছোটে প্রেম-পিচকারি ।
 লাজের রক্তিম রাগে, সখীর কপোল ছুটি দাগে
 সোহাগ-কুঙ্কুম-ফাগে (ও শ্রাম) রঞ্জিলে
 অঙ্গ রাধারি ।

মিশ্র-সিদ্ধ—আড়াঠেকা ।

কৃষ্ণ । দেখি দেখি আবার দেখি
 দেখিবার সাধ মেটে না ত ।
 যত দেখি ও মুখখানি
 দেখিবার সাধ বাড়ে তত ।
 দেখিতে দেখিতে হেন, অঙ্গ অবশ যেন
 আঁখি ছুটি পড়ে ঢুলে
 মন যেন পাগলের মত ॥

কীর্তনের সুর ।

সখীগণ । এ মধু যামিনী এ মধু চাঁদিনী
 এ মধু যমুনা-পুলিনে ।
 দেখ রাই আঁখি মেলি
 পাশে ঐ বনমালী
 আবেশে চাহে মুখ পানে ।

ঘন ঘন বহে শ্বাস আলু খালু কেশ-বাস,
 চল চল আঁখি পড়ে ঢুলে ।

আছিছি বিপিন-বালা, মন-মালীর বন-মালা
 ভুঁয়ে লুটায়, দেও তুলে ।
 ওই যে বাঁশরী স্বরে, উদাসিনী হলি স্বরে
 একাকিনী এলি যমুনায়,
 অলসে অবশ তনু, মরমে ফুল-ধনু,
 চরণ চলিতে না চায় ।
 দেখা যদি হ'ল সখি, ছিছি ছিছি লাজ এ কি ।
 চাহ লো চাহ আঁখি ভোরে
 সখীদের মাথা খাও, শ্রামের পানে চাও,
 আমরা সখীরা ঘাই স'রে ।

[সখীদের প্রশ্নান ।

কৃষ্ণ ।

এসো রাধে আমরা দুজনে এই লতার দোলায়
 ব'সে এই কুঞ্জবনের বসন্ত-মাধুরী উপভোগ করি ।

(দোলায় উপবেশন)

রাধা । (কৃষ্ণের হস্ত হইতে বাঁশীটি লইয়া)

যোগিয়া—কাওয়ালি ।

মুরলী কি গুণ জানে ভাবি তাই মনে,
 কেমনে হরিল সকলি ।
 আমার বলি হেন কিছু নাহি আর,
 কুলমান সব দিনু জলাঞ্জলি ।
 আমি অবলা কুলবালা
 দেখো যেন আমায় শ্রাম
 যেও না ছলি ॥

মিশ্র-সিদ্ধ—ঝাঁপতাল ।

কৃষ্ণ ।

যত দিন দেহে প্রাণ রহিবে,
 আমি তোমারি, আমি তোমারি ।
 যে দিন তোমায় চোখে দেখেছি
 সেই দিনই তোমায় প্রাণ সঁপেছি
 তখনি হৃদে এই স্থির জেনেছি,
 আমি তোমারি আমি তোমারি ॥
 যদি না এসো কাছে না বসো
 মুখের ছট কথা বলে, যদি না তোমায়
 অন্তরে আমারে ভাল না বাস তবু তোমারি ।

(সখীগণের প্রবেশ)

সখীগণ। (রাধা ও কৃষ্ণের প্রতি)

এইবার ঠিক হয়েছে। ঐ যুগলমূর্ত্তি দেখে
আমাদের মন যেন আজ আনন্দে নৃত্য করছে।

কৃষ্ণ। দেখ সখি, তোমাদের নৃত্য মনে মনে না
থেকে বাহিরে প্রকাশ হোক না। আমি ব্রজ-
বাসীদের আজ এই উৎসবে যোগ দেবার জন্ম
বলেছি, তারা এখন আসবে। তারা যদি দেখে,
আমরা ছুটিতে মুখোমুখি হয়ে বসে আছি, তা
হলে ভাল হবে না। তোমরা নৃত্য কর, তা হলে
তারাও তোমাদের স্নানমোদে যোগ দিতে পারবে।

একজন সখী। আচ্ছা, এসো সখি আমরা তবে—

(হাত ধরাধরি করিয়া নৃত্য)

(ব্রজবাসীগণের নেপথ্য হইতে গান করিতে
করিতে প্রবেশ)

ভূপালী—কাওয়ালি।

চরণে বাজে আহা কি মধুর,
আহা বাজে রুনি-রুনি-রুনি-রুনি,
রুনি-রুনি রুনি-রুনি,
ঝনক ঝনক ঝন নন নন চরণে

সব সখী ঝিরি ঝিরি

হাতে হাতে ধরিয়ে

নাচে কত রঙ্গে, ভাবভঙ্গে,
বনমালী করতালি দেয় সঙ্গে,
তাঁহে ঝন ননন ঝন নন আরো
বাঞ্জে ঘন ঘন রে ॥

(ব্রজবাসীদের প্রবেশ)

বেহাগড়া—ত্রিতালী।

ব্রজবাসীগণ।

(নিকটে আসিয়া প্রণাম করিয়া)

মরি হায়! কি শোভা আঁখি জুড়ায় হেরি।

সখীগণ।

যুগল রূপের কিবা মাধুরী।


ব্রজবাসীগণ।

সুন্দর শ্রাম—ঘন-ঘটা,

সখীগণ।

রাধিকা তাহে কনক-বিজুরী ॥

যবনিকা পতন



হঠাৎ-নবাব

প্রসিদ্ধ ফরাদী প্রহসন-কার মলিয়ের-প্রণীত “লে বুর্জোয়া জাঁতিয়ম”
নাগক প্রহসন হইতে

শ্রীজ্যোতিরিন্দ্রনাথ ঠাকুর কর্তৃক

নামান্তরিত স্বাধীন অনুবাদ

পাত্র-পাত্রীগণ

পুরুষ

জুর্দন খাঁ—দোকানদার—হঠাৎ নবাব।
খেলাৎ খাঁ—রোযনীর বিবাহার্থী।
দৌলৎ খাঁ—এক জন নিঃস্ব নবাব—দেলুমনিয়ার প্রণয়ী।
কব্লু খাঁ—খেলাতের পরিচারক।

স্ত্রী

জুর্দন খাঁর স্ত্রী।
রোযনী বিবি—জুর্দনের কণ্ঠা।
দেলুমনিয়া—এক জন বেগম।
নকুলিয়া—জুর্দনের দাসী।

এক জন গানের ওস্তাদ, এক জন নাচের ওস্তাদ, এক জন অস্ত্রশিক্ষার ওস্তাদ,
এক জন তত্ত্বশিক্ষার ওস্তাদ, এক জন তত্ত্ববিজ্ঞান শিক্ষক, দর্জিগণ,
ছই জন পেয়াদা, গায়ক দল ও নৃত্যকারী দল।

হঠাৎ নবাব

প্রথম অঙ্ক

প্রথম দৃশ্য

গান-বাজনার ওস্তাদ, নাচের ওস্তাদ ও
তাঁহাদের দলবল।

গানের ওস্তাদ। (দলের প্রতি) এস হে, তোমরা
এই ঘরে এস; যতক্ষণ না তিনি আসেন, এই-
খানে বোসে একটু আরাম কর।

নাচের ওস্তাদ। (তার দলবলের প্রতি) তোমরাও
এই দিকে ব'স।

গানের ওস্তাদ। (ছাত্রের প্রতি) সেটা কি তৈরী
হয়েছে?

ছাত্র। হাঁ, হয়েছে।

গা-ওস্তাদ। দেখি; বাঃ, বেশ হয়েছে যে!

না-ওস্তাদ। ওটা কি কিছু নতুন চীজ তৈরি হ'ল
নাকি?

গা-ওস্তাদ। ওটা একটা বিরহ টপ্পা। আমার
ছাত্রকে দিয়ে এইখানেই ওটা তৈরি করিয়েছি।

না-ওস্তাদ। আমি কি দেখতে পারি?

গা-ওস্তাদ। যখন আমাদের মনিবের কাছে গাওয়া
হবে, তখনই শুনতে পাবে। আর বেশী দেবী
নেই।

না-ওস্তাদ। আজকাল আমাদের দুজনের হাতেই
খুব কাজ।

গা-ওস্তাদ। তা সত্যি। আমাদের ঠিক মনের মতন
মনিবটি পেয়েছি। আমাদের মনিবই আমাদের
জমিদারী। দোকানদার হঠাৎ বড় মানুষ হয়ে
উঠেছে, মাথায় কতই সখ চেপেছে। এই রকম
সব কাপ্তেন পেলো আমরা আর কিছুই চাইনে।

না-ওস্তাদ। কিন্তু ভাই, একটু সমজদার লোক না
হ'লে তেমন সুখ হয় না।

গা-ওস্তাদ। তা সত্যি। কিন্তু তাতে কি এল গেল।
আমাদের ত বেশ টাকা দেয়; টাকা পেলেই
আমাদের ব্যবসা গুল্জার!

না-ওস্তাদ। আমার কথা যদি বল, ত ভাই, বলতে
কি, আমি একটু প্রশংসা চাই। বাহবা পেলো
আমার মনটা খুব গলে। আর তাও বলি—
একটা উজ্জ্বল জানোয়ারের কাছে গান-বাজনা
শোনান বড় ঝক্‌মারি—হাঁ, যারা বোঝে, তাদের
শুনিয়ে সুখ আছে।

গা-ওস্তাদ। তা সত্যি; কিন্তু ফাঁকা বাহবার সঙ্গে
কিছু কিছু নিরেট মাল থাকাও চাই। লোকটা
নেহাৎ বোকা, নিতান্ত উজ্জ্বল বটে, কিন্তু
এদিকে টাকা-কড়ি বেশ দেয়, আর কি চাই
বল? যে বড় লোকটি এখানে আমাদের পরি-
চয় ক'রে দিয়েছেন, তাঁর চেয়ে এই সামান্য
দোকান্দারটা অনেক ভাল।

না-ওস্তাদ। হাঁ, তুমি যা' বল, তা কতকটা সত্যি
বটে—কিন্তু তুমি ভাই টাকা টাকা ক'রে গেলে
যে! টাকাটা বড় নিচ জিনিস। টাকার উপর
অত টান থাকা কি ভাল মানুষের উচিত?

গা-ওস্তাদ। কিন্তু মুখে তুমি যাই বল, টাকা নিতে
ত বড় কসুর কর না।

না-ওস্তাদ।—তা নিই বটে, কিন্তু আমার তাতে ভাই
সুখ হয় না। লোকটা যেমন ধনী, তেমনি যদি
একটু সমজদার হ'ত, তা'হলে বড় ভাল হ'ত।

গা-ওস্তাদ। তা' বটে, আমরা ত তাকে সমজদার
কোরে তোলাবার চেষ্টায় আছি! কিন্তু আর
কিছু নাই হোক, ও লোকটার দ্বারা ত আমরা
দশ জনের কাছে পরিচিত হ'ছি। সেই আমাদের
আর একটা লাভ! আমাদের মনিবের কাছ
থেকে বাহবা না পাই, টাকা পাব, আর সেই
বাহবা বাইরের দশ জনের কাছে থেকে পুষিয়ে
নেওয়া যাবে।

দ্বিতীয় দৃশ্য

দোকানদার বড়লোক জুর্দন খাঁ (একটা আলখাল্লা ও রাত-পোরে টুপি পরিয়া),
গান-নাচের ওস্তাদ প্রভৃতি ।

জুর্দন । এই যে, তোমরা এসেছ যে, ব্যাপারটা কি ? তোমাদের তামাসা আমাদের দেখাবে ?
না-ওস্তাদ । সে কি ? কিসের তামাসা মশায় ?
জুর্দন । অ্যা, অ্যা, ঐ যে,—তাকে কি বলে ভাল—
ঐ যে যাতে কথা-বার্তার সঙ্গে গান আছে, নাচ আছে ।

না-ওস্তাদ । অ্যা, অ্যা ?

গা-ওস্তাদ । আমরা ত মশায় প্রস্তুত আছি ।

জু । আমার একটু আসতে দেরি হয়ে গেছে ।
তোমাদের একটু খানি বোসে থাকতে হয়েছে ।
তা দেখ, আজ আমি বড়লোকদের মত পোষাক
পরছিলুম ; আমার দর্জি যোড়া কতক রেশমের
মোজা পাঠিয়ে দিয়েছে—সে এমন ভাল যে কি
বলব !

গা-ওস্তাদ । গোলামরা ত হাজির আছে, হজুরের
ফুরশৎ হলেই হ'ল ।

জু । দেখ, যতক্ষণ না আমার সেই পোষাকটা
আসে, ততক্ষণ তোমরা থেকে । আমার
পোষাকটা তোমাদের দেখতে হবে ।

না-ওস্তাদ । হজুরের যা' মর্জি ।

জু । আজ আমি মাথা থেকে পা পর্যন্ত বড়
লোকদের পোষাক পরব ।

গা-ওস্তাদ । তা' পরবেন বৈ কি !

জু । আমার দর্জি বলে যে, বড় লোকেরা সকাল-
বেলা এই পোষাক পরে ।

গা-ওস্তাদ । হজুরের গায়ে বড় সরেস মানিয়েছে ।

জু । ওহে পেয়াদা, আমার দুই দুই পেয়াদা !

প্রথম পেয়াদা । আজ্ঞে হজুর, কি হুকুম ?

জু । না, কিছু না—আমি দেখছিলাম, তোরা হাজির
আছিস্ কি না । (ওস্তাদের প্রতি) চাকর-
দের পোষাক কেমন হে ?

না-ওস্তাদ । চমৎকার ।

জু । (আলখাল্লা খুলিয়া, লাল মকমলের পায়জামা
ও জামা দেখাইয়া) এই রকম পোষাক প'রে
সকালব্যাপি ব্যাড়াতে ট্যাড়াতে বেশ ।

গা-ওস্তাদ । অতি উত্তম ।

জু । পেয়াদা !

প্রথম পেয়াদা । হজুর !

জু । আমার পোষাকটা বর ।—এই রকমেই
আমাকে ভাল দেখছ, না ?

না-ওস্তাদ । অতি উত্তম । এর চেয়ে আর কিছু
হ'তে পারে না ।

জু । এখন তোমাদের তামাসা দেখা যাক ।

গা-ওস্তাদ । হজুর যে বিরহ-টপ্পা ফর্মাৎ করেছিলেন,
তা আমার এই সাক্রেদ তৈরি করেছে । সেইটে
হজুরকে প্রথমে শোনাব ।

জু । একজন সাক্রেদকে দিয়ে তৈরি করা হয়েছে,
তুমি বুঝি নিজে করতে পার নি ?

গা-ওস্তাদ । সাক্রেদের নামে হজুর পিছবেন না ।
এই রকম সাক্রেদ ওস্তাদের মতই লায়েক !
স্বরটা যতদূর ভাল হবার, তা' হয়েছে ।

জু । তবে আমার পোষাকটা দাও । পোষাক
পরলে ভাল কোরে শুনতে পারব—না—না—
খাম, বিনা পোষাকেই শোনা ভাল । না—না—
পোষাকটা দাও—তা' হলে আরও ভাল হবে ।

গান ।

যে অবধি নেত্রবাণ হানিছ খরতর,

সে অবধি বিধুযুধী হয়ে আছি মর'-মর' ।

প্রেমে যে জন গদগদ, তা'রই যদি প্রাণে বধ,
যে জন তোমার শত্রু তার না জানি কি দশা কর ।

জু । এ গানটা কেমন দুঃখের দুঃখের ঠেকছে ।
শুনলে কেমন ঘুম আসে । এমন একটা গান
শুনতে চাই, যাতে প্রাণটা উল্টে ওঠে ।

গা-ওস্তাদ । যে রকম কথা, সেই রকম স্বর হওয়া
চাই ত মহাশয় !

জু । কিছু দিন হ'ল একটা বড় সরেস গান শিখে-
ছিলুম ।—রোস—কি ভাল সে গানটা ?

না-ওস্তাদ । আমি ত মহাশয় জানিনে ।

জু । তাতে একটা পাঠার কথা আছে ।

না-ওস্তাদ । পাঠা ?

জু । হাঁ, পাঠা ।

(গানারম্ভ)

প্রিয়ে, তোরে বড়ই মিষ্টি ভেবেছিলেম আগে,
এমন মিষ্টি মুখশরী পাঠা কোথায় লাগে ।



লোকে কিছ বলে, সুখেই শুকায়
সুখেতেই শ্বাস বহে।
লোকে যা বলুক, কিছুই তা নয়,
স্বাধীনতা সম কিছুই নহে।
১ম গায়ক। প্রণয় যেমন, আছে কি তেমন
মিশিলে মনেতে মনে ?
মানুষের সুখ কোথা বল দেখি
প্রেমের লালসা বিনে,
প্রাণ থেকে যদি প্রেম তুলে লও
প্রাণ থেকে সুখ লইবে ছিনে।
২য় গায়ক। প্রেমেতে প্রেমিক খাটি থাকে যদি
কি সুখ প্রেমের চেয়ে।
কিন্তু হায় হায়, পাওয়া বড় দায়
বিশ্বাসী সরলা মেয়ে।
আমি বলি, ভাল না বাসাই ভাল,
অবিশ্বাসী নারী যত।
১ম গায়ক। কি আছে প্রেমের মত ?
গায়িকা। স্বাধীনতা মজা ভারি।
২য় গায়ক। বিশ্বাসঘাতিনী নারী।
১ম গায়ক। তুমি মোর সাত রাজার ধন।
গায়িকা। তুমি রে আমার সোণার চাঁদ।
২য় গায়ক। তোরে হেরি জ্বলে ঘুণায় এ মন।
১ম গায়ক। সে ত ভাল নয়, দূর কর ঘুণা,
ও কি ও কথা হাঁদ !
গায়িকা। বিশ্বাসী সরলা নারী
এখন দেখাতে পারি !
২য় গায়ক। হায়, হায়, হায়, কোথায় সে জন !
গায়িকা। মোদের জাতির নাম বাঁচাইব,
আমিই রে তোরে সঁপিব মন।
২য় গায়ক। কিন্তু মন তোরে, আজ বাদে কাল
অবিশ্বাসী হবে না সে ?
গায়িকা। পরখ করেই দেখা যাবে দৌহে
কে কেমন ভালবাসে !
২য় গায়ক। চপল যে জন, মরুক সে জন।
তিন জনে। এস মোরা সবে প্রণয়ে মাতি !
প্রণয় কেমন মজার রতন
হৃদয়ে হৃদয় গাঁথি !

জু। বস, হয়ে গেল ?
গা-ওস্তাদ। হাঁ।

জু। গানটা বেশ পরিপাটি। ওর মধ্যে বড় মজার
মজার কতকগুলি কথা আছে।
গা-ওস্তাদ। আমাদের কাজ তবে আরম্ভ করি।
পা ফেলার যত রকম কারিগরী আছে, তা সব
দেখতে পাবেন।
জু। ওতেও আবার রাখাল আছে না কি ?
গা-ওস্তাদ। এতে আপনি খুসী হবেন। (নাচিয়েদের
প্রতি) চলুক।

(নৃত্য)

দ্বিতীয় অঙ্ক

প্রথম দৃশ্য

জুর্দন খাঁ, গান-বাজনার ওস্তাদ, নাচের ওস্তাদ।

জু। বাঃ, এ নিতান্ত মন্দ নয়, ও লোকগুলি বেশ ত্রিঃ
ত্রিঃ ক'রে লাফায় !
গা-ওস্তাদ। নাচের সঙ্গে যখন আবার গান-বাজনা
মিশবে, তখন আরও ভাল লাগবে। আর আমরা
যে আপনার জন্ত একটা নাচ ঠিক করেছি,
তাতে বেশ মজা দেখতে পাবেন।
জু। আজ বৈকালে নিদেন তা হওয়া চাই। আমি
যে ব্যক্তির জন্ত এই সমস্ত উদ্যোগ করেছি, তিনি
অনুগ্রহ ক'রে এখানে আজ আহাৰ কর্তে
আসবেন।
গা-ওস্তাদ। আমাদের সমস্ত প্রস্তুত।
গা-ওস্তাদ। কিন্তু হজুর এক দিনেই কি বস্ হবে।
আপনি যে রকম দেল-দরিয়া মাহুব, ভাল চিহ্ন
দেখতে শুনতে আপনার যে রকম সখ, তাতে
প্রতি বৃধবার, আর বেস্পতিবারে আপনার
বাড়ীতে গান-বাজনার বৈঠক দেওয়া উচিত।
জু। বড় লোকেরা কি তাই করে ?
গা-ওস্তাদ। আজ্ঞে হাঁ, হজুর।
জু। তবে আমিও করব। তা হ'লে ভাল হবে ?
গা-ওস্তাদ। তার কোন সন্দেহ নেই। তা হ'লে
আপনার তিন রকম গলার সুর যোগাড় করা
আবশ্যক ;—উচু, নীচু, মাঝারি। আর এই সকল
গলার সুরের মত যত্নও চাই। ছোট বেয়ালা, বড়
বেয়ালা, আর—

জু। আর তার সঙ্গে একটা একতারাও চাই। এক-
তারা যন্ত্রটা আমার বড় ভাল লাগে—ওর
আওয়াজ বড় মিঠে।

গা-ওস্তাদ। সে সব বন্দোবস্ত আমাদের করতে
দিন।

জু। সে হাই হোক, আমরা যখন খেতে বসবো, গান
করবার জন্ত কতকগুলি গাইয়ে পাঠাতে ভুলো
না।

গা-ওস্তাদ। যা যা আবশ্যিক, সব পাবেন।

জু। বিশেষ যেন নাচটা খুব খাসা হয়।

গা-ওস্তাদ। তা দেখে আপনি খুসী হবেন। আর
তাতে খ্যামটাও থাকবে।

জু। আঃ! খ্যামটাই আমার খাস চোজ, আর এই
নাচ আমি একবার নেচে তোমাদের দেখাতে
চাই। এসো ওস্তাদজী।

না-ওস্তাদ। আজ্ঞা হজুর, একটা টুপি মাথায় দিন।
(জুর্দন, পেয়াদার নিকট হইতে একটা টুপি
লইয়া, তাঁহার কান-ঢাকা রাতপোরে টুপির
উপর পরিধান, ওস্তাদ গান গাইতে গাইতে
তাঁহাকে নাচাইতে লাগিলেন) তা না না না না
না না না না না না না; তা না না না না না
না না না না না না। তালে তালে হজুর। তা
না না না না না। ডান পা, তা না না না না
না। কাঁধ অত নাড়বেন না। তা না না না
না না! তা না না না না না না না। হাত
ছটো জড়সড় আছে। তা না না না না না।
মাথা ওঠান! পায়ের আঙ্গুলগুলি উচু ক'রে
রাখুন। শরীরটাকে সোজা রাখুন।

জু। অ্যা? কেমন?

গা-ওস্তাদ। বাহবা! তোফা হয়েছে।

জু। ভাল কথা! একজন বেগমকে কি রকম
ক'রে সেলাম করতে হয়, আমাকে শিখিয়ে দাও।
আমার এখনি তা দরকার হবে।

না-ওস্তাদ। এক জন বেগমকে কেমন ক'রে সেলাম
করতে হবে?

জু। হাঁ, এক জন বেগম, তাঁর নাম দেলুমনিয়া।

না-ওস্তাদ। আপনার হাত দিন।

জু। না, তুমি করলেই হবে, আমার বেশ মনে
থাকবে।

না-ওস্তাদ। যদি খুব মাঝ দেখাতে হয়, তা হ'লে

পিছু হোটে একবার সেলাম করতে হবে, পরে
তাঁর দিকে এগুতে এগুতে তিনবার সেলাম
করতে হবে—আর শেষ বারটা তাঁর হাঁটু পর্যন্ত
নীচু হয়ে সেলাম করতে হবে।

দ্বিতীয় দৃশ্য

জুর্দন খাঁ, গান-বাজনার ওস্তাদ, নাচের ওস্তাদ,
এক জন পেয়াদা।

পেয়াদা। হজুর, তলোয়ার খেলবার ওস্তাদ এসেছে।

জু। আচ্ছা, তাকে আসতে বল, আমাকে তালিম
দেবে। (গান-বাজনার ও নাচের ওস্তাদদ্বয়ের
প্রতি) আমার ইচ্ছে, তোমরা একবার আমার
খেলা দেখ।

তৃতীয় দৃশ্য

জুর্দন খাঁ, তলোয়ার খেলবার ওস্তাদ, গান-বাজনার
ওস্তাদ, নাচের ওস্তাদ, ছটো তলোয়ার লইয়া
এক জন পেয়াদা।

তল ওস্তাদ। (ছটো তলোয়ার প্রথমে পেয়াদার
নিকট হইতে লইয়া তাঁর একটা তলোয়ার
জুর্দনকে দান করিয়া)—আমুন হজুর, প্রথমে
বন্দেগি। শরীর সোজা ক'রে, বাঁ উরোতের উপর
ভর দিয়ে একটু হেলে থাকতে হবে। পা অত
কাঁক না—এক লাইনের উপর দুই পা থাকবে।
হাতের কজী উরোতের এক লাইনে, তলোয়ারের
মুখটা কাঁধের সামনে থাকবে—হাত অত বাড়িয়ে
না—বাঁ হাতটা চোখ পর্যন্ত উচুতে উঠবে—বাঁ
কাঁধটা আরও চোকোস ভাবে রাখতে হবে।
মাথা সোজা, চোখের দৃষ্টি স্থির। এগোন্।
শরীর হেলবে না। এইবার আমুন, পিছনে
একলাফ, এইবার সামাল সামাল—(দুই তিন
তলোয়ারের যা দিয়া সামাল সামাল বলিতে
বলিতে)

জু। অ্যা!—কেমন?

গা-ওস্তাদ। বড় চমৎকার!

ত-ওস্তাদ। আপনাকে তো আগেই বলেছি, তলোয়ার
খেলায় ছটো জিনিস আছে। সেই ছটো জানলেই

সব জানা হয়। যা দেওয়া, আর যা না দেওয়া।
আর সে দিন আমি প্রমাণের সঙ্গে তা দেখিয়ে
দিয়েছি।

জু। এক জন লোক, যার সাহস নেই, সে তা হ'লে
এই রকম ক'রে নিজে না ম'রে আর এক জনকে
মেরে ফেলতে পারে ?

ত-ওস্তাদ। তার সন্দেহ নেই, আর তার প্রমাণ শুকু,
কি আপনি দেখেন নি ?

জু। হাঁ।

ত-ওস্তাদ। তবে দেখুন, রাজ্যের মধ্যে আমাদের
কতদূর মান হওয়া উচিত। আর সকল রকম
অকেজো বিশ্বের চেয়ে এ বিশ্বে যে কত উঁচু, তাও
বিবেচনা ক'রে দেখুন। অকেজো বিশ্বে, যেমন
নাচ, গান, বাজনা—

না-ওস্তাদ। তলোয়ারের ওস্তাদজি! একটু মুখ
সামলে কথা কও—নাচের কথা অমন অমাগ
ক'রে বোলো না।

গা-ওস্তাদ। এও ভাই তোমাকে বলছি, গান-
বাজনার কথা অমন ক'রে বোলো না।

ত-ওস্তাদ। তোমরা তো বড় মজার লোক হে—
আমাদের বিশ্বের সঙ্গে কি না তোমাদের বিশ্বের
তুলনা!

গা-ওস্তাদ। কি মস্ত লোকটাই বলছে রে!

না-ওস্তাদ। বুকে কবচ প'রে কি মজার জানোয়ারই
সেজেছে!

ত-ওস্তাদ। ওগো নাচের ওস্তাদের পো! তোমাকে
এখনি তুর্কি নাচন নাচিয়ে দেব।

না-ওস্তাদ। ওহে তলোয়ারের ওস্তাদ! তোমার
ব্যবসা আমিও তোমাকে শিখিয়ে দিতে পারি।

জু। (নাচের ওস্তাদের প্রতি) তোমরা কি পাগল
হয়েছ না কি? যে ব্যক্তি প্রমাণ-প্রয়োগের
সঙ্গে এক জন মানুষকে বধ করতে পারে, তার
সঙ্গে আবার ঝগড়া ?

না-ওস্তাদ। ওর প্রমাণ-প্রয়োগ চুলোয় যাক।

জু। (নাচের ওস্তাদের প্রতি) চুপ চুপ, আস্তে।

ত-ওস্তাদ। কি! অভদ্র কাহেকা!

জু। ও আমার তলোয়ারের ওস্তাদজি! কি কর—
কি কর—

না-ওস্তাদ। (ত-ওস্তাদের প্রতি) কি! গাধা
কোথাকারে!

জু। ও আমার নাচের ওস্তাদজি! কি কর—কি
কর।—

ত-ওস্তাদ। তোমাকে একবার যদি পাকড়ে ধরি—

জু। (ত-ওস্তাদের প্রতি) আস্তে!

না-ওস্তাদ। তোমার উপর যদি একবার হাত
চালাতে আরম্ভ করি—

জু। (না-ওস্তাদের প্রতি) আস্তে আস্তে!

ত-ওস্তাদ। আমি এমন ঠেঙ্গিয়ে দেব—

জু। (ত-ওস্তাদের প্রতি) তোমার পায় পড়ি।

না-ওস্তাদ। আমিও এমন পিটিয়ে দেব—

জু। (না-ওস্তাদের প্রতি) ফাস্তি হও, ফাস্তি হও।

গা-ওস্তাদ। হজুর একটু থামুন—কি রকম ক'রে
কথা কইতে হয়, আমরা ওকে একবার শিখিয়ে
দি।

জু। (গা-ওস্তাদের প্রতি) কি সর্বনাশ! তোমরা
থাম না হে!

চতুর্থ দৃশ্য

এক জন তত্ত্বজ্ঞানের শিক্ষক, জুর্দন, গান-বাজনার
ওস্তাদ, নাচের ওস্তাদ, তলোয়ারের ওস্তাদ,
এক জন পেয়াদা।

জু। এই যে! পণ্ডিত মহাশয়, ঠিক সময়ে আপনি
তত্ত্বজ্ঞান নিয়ে এগেছেন—এই ব্যক্তিদের মধ্যে
ঝগড়াটা থামিয়ে দিন দেখি।

তত্ত্বজ্ঞানী। মহাশয়দের মধ্যে কি হচ্ছে? ব্যাপারটা
কি?

জু। কার ব্যবসায় সকলের চেয়ে ভাল, এই নিয়ে
ওদের মধ্যে রাগারাগি হয়েছে, এমন কি,
গালাগালি পর্যন্ত হয়েছে। হাতাহাতি হবারও
উপক্রম হয়েছিল।

তত্ত্বজ্ঞানী। আপনারা মহাশয় ব্যক্তি। ক্রোধে
কি এ প্রকার বিচলিত হতে হয়? বাণভট্ট
ক্রোধের বিষয়ে যে প্রবন্ধ লিখে গেছেন, তা কি
আপনারা পড়েন নি? এই ক্রোধ রিপু অপেক্ষা
জঘন্য ও নীচ আর কি কিছু আছে? ক্রোধেতেই
কি মনুষ্য পশুবৎ ভীষণ হয় না?

না-ওস্তাদ। কি, মহাশয়! আমাদের নাচ ও গান-
বাজনার পেযাকে তাচ্ছল্য ক'রে আমাদের
হ'জনকে ও-ব্যক্তি গালাগালি দিতে আসবে?

তত্ত্বজ্ঞানী। যে ব্যক্তি বিজ্ঞ, তিনি অগ্নের কটু-কাটব্যে
বিচলিত হন না—আত্মদমন ও সহিষ্ণুতাই সেই
সকল কটু-কাটব্যের একমাত্র উত্তর।

ত-ওস্তাদ। ওদের আত্মদমন দেখেছেন মহাশয়!
আমার পেবার সঙ্গে কি না ওদের পেবার
তুলনা!

তত্ত্বজ্ঞানী। তাতে কি আপনার বিচলিত হওয়া
উচিত? বুধা গর্ভ নিয়ে মানুষদের মধ্যে কলহ
হওয়াটা উচিত নয়। আর বিজ্ঞতা ও ধর্ম
নিয়মই অগ্নির সহিত আমাদের বা প্রভেদ।

না-ওস্তাদ। আমি ওকে এই বলছিলাম যে, নৃত্য-
বিদ্যা যেমন সরেস, এমন আর কিছুই না।

গা-ওস্তাদ। আর আমি বলছিলাম, শত শত বৎসর
থেকে গান-বাজনার যে রকম আদর হয়ে আসছে,
এমন আর কিছুই না।

ত-ওস্তাদ। আর আমি ওদের ছ'জনকেই বলছিলাম
যে, অস্ত্র-বিদ্যা সকল বিদ্যা অপেক্ষাই ভাল ও
কেজো।

তত্ত্বজ্ঞানী। তবে তত্ত্ববিদ্যার কি হবে? তোমাদের
তিন জনেরই এতদূর স্পর্ধা ও অহঙ্কার যে, যে
সকল জিনিসকে আমি শিল্প বলতেও রাজি নই,
সেই নাচ, গান বাজনা ও পালোয়ানির নীচ
কাজকে কি না, আমার সম্মুখে অনায়াসে বিদ্যা
ব'লে পরিচয় দিলে?

ত-ওস্তাদ। যাও যাও, পণ্ডিত কোথাকারে!

গা-ওস্তাদ। যাও যাও, বিজ্ঞ-ফলানে ভিক্ষুক ভট্টাচার্য
কোথাকারে!

না-ওস্তাদ। দূর হ নিরীক্ষ টুলো পণ্ডিত!

তত্ত্বজ্ঞানী। কি! পাজি বেটারা—

(পণ্ডিত তাহাদের তিন জনের উপর পড়িয়া
কিল মারিতে আরম্ভ)

জু। পণ্ডিত মহাশয়!

তত্ত্বজ্ঞানী। পাজি, নছার, হতভাগা!

জু। পণ্ডিত মহাশয়!

ওস্তাদ। গাধা, ছ'চো—

জু। ওগো ওস্তাদজিরা!

তত্ত্বজ্ঞানী। নির্লজ্জ!

জু। পণ্ডিত মহাশয়!

না-ওস্তাদ। গর্দভ কোথাকারে!

জু। ওগো, তোমরা কর কি!

তত্ত্বজ্ঞানী। পাজি ব্যাটারা!

জু। পণ্ডিত মহাশয়!

গা-ওস্তাদ। অসভ্য কোথাকারে!

জু। ওগো ওস্তাদজিরা!

তত্ত্বজ্ঞানী। চোর, বাটপাড়, জুয়াচোর, নছার!

জু। ও পণ্ডিত মহাশয়! ও ওস্তাদজিরা! ও

পণ্ডিত মহাশয়!

[মারামারি করিতে করিতে সকলের প্রস্থান।

পঞ্চম দৃশ্য

জুর্দন খাঁ, এক জন পেয়াদা।

জু। যত খুসি তোমরা মারামারি কর, আমি তো
আর পারি নে; আর তোমাদের ছাড়িয়ে দিতে
গিয়ে কি আমার পোষাক নষ্ট করব? আর,
আমি এমন পাগল নই যে, ওদের মধ্যে ঢুকে
আমিও হই চার বা খাই।

ষষ্ঠ দৃশ্য

তত্ত্বজ্ঞানের শিক্ষক, জুর্দন খাঁ, এক জন পেয়াদা।

ত-শিক্ষক। (টিকি ও চশমা ঠিকঠাক করিয়া)
এইবার পাঠ আরম্ভ করা যাক।

জু। আঃ, মহাশয়, আপনি যে মার খেয়েছেন, তার
জন্ত আমি বড় দুঃখিত হয়েছি।

ত-শিক্ষক। সে কিছুই নয়। এক জন তত্ত্বজ্ঞানী
ও-সব অনায়াসে সহ্য করতে পারেন! আর
তাদের নামে কালিদাসের ছাঁদে উপহাস ক'রে
একটা প্রবন্ধ লিখতে যাচ্ছি, তাতে তারা খুব
জ্বল হবে। ও কথা থাক—আপনি কি শিখতে
ইচ্ছা করেন?

জু। যা আমি শিখতে পারব। কারণ, পণ্ডিত
হতে আমার ভয়ানক ইচ্ছে। আর ছোট
ব্যালায় বাপ-মারা আমাকে ভাল ক'রে বিদ্যা
শিক্ষা দেননি বোলে আমার এমন রাগ ধরে।

ত-শিক্ষক। হাঁ, এ কথাটা মনে হওয়া বুদ্ধিসঙ্গত
বটে; “বিদ্যাভাবাৎ জীবিতং খলু মৃত্যুবৎ” এ
শ্লোকটা আপনি বুঝতে পেরেছেন, সংস্কৃত অবশ্য
আপনি জানেন?

একজন নারী

জু। আচ্ছা, মনে করুন, যেন আমি জানিনে। ওর
মানে কি আমাকে বলুন।

ত-শিক্ষক। অর্থার্থ এই—বিচার অভাবে জীবন
মৃত্যুবৎ হয়।

জু। হাঁ, এই সংস্কৃতটাতে খুব জ্ঞানের কথা আছে।

ত-শিক্ষক। বিচার মূলতত্ত্ব কি, আপনার কিছু জানা
আছে?

জু। হ্যাঁ, আছে বৈ কি। আমি লিখতে পড়তে
জানি।

ত-শিক্ষক। তবে কিসের থেকে আরম্ভ করা আপ-
নার ইচ্ছে?—আয়শাস্ত্র শিখতে কি ইচ্ছা করেন?

জু। এই আয়শাস্ত্র জিনিষটা কি?

ত-শিক্ষক। যে বিজ্ঞা দুই প্রকার কার্য সম্বন্ধে
শিক্ষা দেয়।

জু। কি এই দুই প্রকার কার্য?

ত-শিক্ষক। সে হচ্ছে, প্রথম, আর দ্বিতীয়। প্রথম
হচ্ছে, সার্বভৌমিক পদার্থ সংখ্যার দ্বারা ভাল
ক'রে বিচার করা—দ্বিতীয়, আয়ের অবয়ব,
নিগ্রহস্থান, হেতুভাষ প্রভৃতি নির্ধারণ
করা।

জু। কি বিশী কটমটে কথাগুলি। ও সব আমার
পোষাবে না। ও ছাড়া আর কোন ভাল জিনিস
দেখা যাক।

ত-শিক্ষক। ধর্মনীতি কি শিখবেন?

জু। ধর্মনীতি?

ত-শিক্ষক। হাঁ।

জু। এই ধর্মনীতিটা বলে কি?

ত-শিক্ষক। ধর্মনীতি স্মৃতির বিষয় ব্যাখ্যা করে,
মহুষ্যদের রিপু দমন করতে শিক্ষা দেয়, আর—

জু। না না, ও থাক। আমার মেজাজটা বড় গরম।
ধর্মনীতি হোক আর অধর্মনীতিই হোক,
আমার রাগতে ইচ্ছে হলে, খুব রাগতে
ভালবাসি।

ত-শিক্ষক। ভৌতিক বিজ্ঞা কি তবে আপনি
শিখতে চান?

জু। এই ভৌতিক বিজ্ঞাটা বলে কি?

ত-শিক্ষক। ভৌতিক বিজ্ঞা প্রাকৃতিক পদার্থের
মূলতত্ত্ব সকল ব্যাখ্যা করে; পঞ্চভূত, ধাতব
পদার্থ, খনিজ পদার্থ, প্রস্তুত, উদ্ভিদ ও জন্তুদের
প্রকৃতি বর্ণনা করে, এবং উদ্ভা, ইন্দ্রধনু, আগুয়,

ধূমকেতু, বিজ্ঞা, বজ্রবৃষ্টি, তুষার, বায়ু ও ঘূর্ণিবায়ু
সকলের কারণ নির্ণয় করে।

জু। ওর ভিতর ভারি গোলমালে কেতন—অনেক
হাদ্যাম।

ত-শিক্ষক। তবে আপনাকে কি শেখাব বলুন?

জু। আমাকে বানান শেখান।

ত-শিক্ষক। আচ্ছা বেশ!

জু। তার পরে, আমাকে পাঞ্জি দেখতে শেখাতে
হবে, কারণ, কখন চাঁদ ওঠে, আর কখন চাঁদ
ওঠে না, আমার সব জানতে হবে।

ত-শিক্ষক। আচ্ছা, তাই হোক। আপনি যা ইচ্ছে
কচ্চেন, তা শেখাবার জন্ত প্রথমে বর্ণের মূলতত্ত্ব
শিক্ষা দিতে হবে তা হলে পদার্থ সকলের শৃঙ্খলা
অনুসারে বর্ণের প্রকৃতি এবং সেই সকল বর্ণের
উচ্চারণপদ্ধতি শিক্ষা প্রথম আরম্ভ করতে হবে।
আর সে বিষয়ে আপনাকে এই বলতে চাই যে,
বর্ণ-সকল স্বরবর্ণে বিভক্ত—কারণ, তাহারা
কণ্ঠস্বর প্রকাশ করে; এবং ব্যঞ্জনবর্ণে বিভক্ত,
কারণ, তাহারা স্বরবর্ণের সহযোগে উচ্চারিত
হয়—এবং কণ্ঠস্বরের বিভিন্ন উচ্চারণ স্থচনা
করে। স্বরবর্ণ সবশুদ্ধ তেরটি, যেমন, অ, আ,
ই, ঈ, উ, ঊ ইত্যাদি। এর মধ্যে কতকগুলি
দ্রব ও কতকগুলি দীর্ঘ।

জু। ও সব আমি বুঝি।

ত-শিক্ষক। মুখ খুব হাঁ ক'রে আ—বর্ণটি উচ্চারণ
হয়। আ।

জু। আ—আ—হাঁ।


ত-শিক্ষক। চোয়াল নীচের থেকে উপরে আস্তে
আস্তে নিয়ে এলে এ-স্বরবর্ণটি উচ্চারণ করা যায়;
আ—এ।

জু। আ—এ; আ—এ। ঠিক। বাঃ! কি
চমৎকার!

ত-শিক্ষক। ছোটো চোয়াল আরও কাছাকাছি
আনলে আর কানের দিকে মুখের দুই কোণ
বিস্তৃত করলে স্বরবর্ণ ই-স্বরবর্ণটি পাওয়া যায়।

জু। আ—এ—ই—ই—ই—ই। এ কথা ঠিক।
বিজ্ঞাকে বলিহারি।

ত-শিক্ষক। চোয়াল ছোটো খুলে ঠোঁটের দুই কোণ
কাছাকাছি আনলে ও স্বরবর্ণটি পাওয়া যায়
—ও।



জু। ও, খুব ঠিক, আ, এ, ই, ও, ই, ও। বড়
চমৎকার! ই, ও, ই, ও।

ত-শিক্ষক। ও—স্বরবর্ণটি যেমন একটু গোলাকার,
উচ্চারণ করবার সময়ে ঠোঁটের ফাঁক একটি
ছোট গোল হয়ে ওঠে।

জু। ও, ও, ও, ঠিক বলেছে। আহা! সব বিষয়ে
কিছু জানা শুনো থাকা বড় ভাল।

ত-শিক্ষক। হুই পাটি দাঁত একেবারে যোগ না ক'রে
কাছাকাছি এনে আর বাহিরের দিকে ঠোঁট
ছোটো লম্বা ক'রে দিলে, উ-বর্ণটি উচ্চারণ হয়। উ।

জু। উ, উ। ওর চেয়ে আর সত্যি কিছু হতে
পারে না। উ।

ত-শিক্ষক। মেন ভেংচোচ্ছে, এই রকম ভাবে
ঠোঁট ছোটো লম্বা করতে হয়। এ থেকে এই
পাওয়া যাচ্ছে, যখন আপনার কাউকে ভেংচোবার
দরকার হবে, তখন তাকে উ বলেই হবে।

জু। উ, উ, তা ঠিক কথা। আঃ! এসব কেন
আরও একটু আগে থাকতে শিখতে আরম্ভ
করি নি!

ত-শিক্ষক। কাল ব্যঞ্জন বর্ণের বিষয় দেখা যাবে।

জু। সে সবগুলও কি এই রকম মজার ধরণের?

ত-শিক্ষক। তার সন্দেহ নেই। তার দৃষ্টান্ত ড।
উপরের পাটি দাঁতের উপরে জিবের আগা দিলে
এই ড বর্ণটি উচ্চারণ হয়। ড।

জু। ড, ড, হাঁ, বাঃ বেশ জিনিস! বেশ জিনিস।

ত-শিক্ষক। নীচের ঠোঁটের উপর উপরের দাঁত
সকল ভর দিলে ফ এই ব্যঞ্জন বর্ণটি পাওয়া যায়।
ফ।

জু। ফ, ফ। ঠিক কথা। আঃ! মা বাপ!
তোমাদের উপর কি রাগই ধরছে।

ত-শিক্ষক। আর, জিবের আগাটা তালু পর্যন্ত
নিম্নে গেলে র এই বর্ণটি পাওয়া যায়।

জু। র—র—র। ঠিক কথা! আহা, আপনি
কি বিদ্বান, আর আমি যে কতটা সময় হারিয়েছি,
তার ঠিক নেই। র—র—র—র।

ত-শিক্ষক। এই সব চীজ ভাল ক'রে আপনাকে
শিখিয়ে দেব।

জু। আপনার কাছে একটি প্রার্থনা আছে। একটি
গোপনীয় কথা বিশ্বাস ক'রে আপনার কাছে
বলছি। এক জন বড়লোকের মেয়ের সঙ্গে

আমার ভালবাসা হয়েছে। আমি তাঁর শ্রীচরণে
একটি প্রেম-লিপি পাঠাতে চাই। আপনি যদি
সেই চিঠি লিখতে আমাকে সাহায্য করেন।

ত-শিক্ষক। আচ্ছা বেশ।

জু। তা হলে রসিক লোকের মত কাজ করা হয় না?

ত-শিক্ষক। তা সত্য। আপনি কি তাঁকে পত্র
লিখতে ইচ্ছে করেন?

জু। না, না—পত্র না।

ত-শিক্ষক। তবে কি খালি গল্প?

জু। না, আমি গল্পও লিখতে চাইনে, পত্রও লিখতে
চাইনে।

ত-শিক্ষক। হয় পত্র হবে, নয় গল্প হবে; এ দুটোর
একটাও হবে না, তা তো কখনই হতে পারে না।

জু। কেন?

ত-শিক্ষক। মশায়, তার কারণ হচ্ছে এই, ভাব
প্রকাশ করতে গেলে হয় পত্র, নয় গল্পে প্রকাশ
করতে হয়।

জু। গল্প আর পত্র ছাড়া কি তবে আর কিছু নেই?

ত-শিক্ষক। না মশায়। যা গল্প নয়, তাই পত্র,
আর যা পত্র নয়, তাই গল্প।

জু। যখন আমরা কথা কই, তখন সেটা কি?

ত-শিক্ষক। গল্প।

জু। কি! যখন আমি বলি, “নকুলি, আমার
চটি জুতোজোড়া নিয়ে আয় তো, আর আমার
রাভপোরে টুপিটা দে তো” এটা কি গল্প হ'ল?

ত-শিক্ষক। হাঁ মশায়।

জু। আশ্চর্য্য, আমি চল্লিশ বৎসরের বেশী গল্প ব'লে
আমছি, অথচ গল্প যে কি জিনিস, তা আমি কিছুই
জানি নে; আর, আপনি আমাকে এ বিষয়
শিক্ষা দেওয়াতে আপনার কাছে আমি বড়ই
বাদিত আছি। আমি তবে একটি পত্রে তাঁকে
এই লিখতে চাই, “হৃন্দরি বেগম, তোমার সুন্দর
চোখ দেখে, আমি প্রেমে ম'রে যাচ্ছি,” এই কথা-
গুলি আর একটু রসালো ভাবে লিখতে হবে,
একটু ভাল রকমে বদাতে হবে।

ত-শিক্ষক। এই কথা লিখুন যে, তাঁহার নয়নানলে
আপনার হৃদয় ভঙ্গসাৎ হয়ে গেছে, আর তার
জন্ম রাত্রি-দিন আপনার অসহ যন্ত্রণা হচ্ছে।

জু। না, না, না—ও সব আমি চাইনে, আমি যে
কথা আগে তোমাকে বলেছি, আমি কেবল তাই

লিখতে চাই,—“সুন্দরী বেগম, আমি তোমার সুন্দর চোখ দেখে অবধি প্রেমে ম’রে যাচ্ছি।”
ত-শিক্ষক। ঐ কথাগুলি তো একটু বাড়িয়ে বলা চাই?

জু। না, না! আমি ঐ কথাগুলি চিঠিতে লিখতে চাই, কেবল একটু ভাল ক’রে গুছিয়ে বলতে হবে। আচ্ছা, দেখা যাক, তুমি বল দেখি, ঐ কথাগুলি কত রকম ক’রে বলা যেতে পারে?

ত-শিক্ষক। আপনি যে রকম বলছিলেন, প্রথমতঃ তো সেই রকম ক’রে বলা যেতে পারে—“সুন্দরী বেগম, আমি তোমার সুন্দর চোখ দেখে অবধি প্রেমে ম’রে যাচ্ছি।” কিন্তু “প্রেমে ম’রে যাচ্ছি সুন্দরী বেগম তোমার সুন্দর চোখ দেখে অবধি” কিম্বা “তোমার সুন্দর চোখ দেখে অবধি প্রেমে, সুন্দরী বেগম, ম’রে যাচ্ছি”—কিম্বা “ম’রে যাচ্ছি তোমার সুন্দর চোখ দেখে অবধি, প্রেমে।”

জু। কিন্তু এই সকলের মধ্যে কোনটা সকলের চেয়ে ভাল?

ত-শিক্ষক। আপনি যেটা বলেছিলেন; “সুন্দরী বেগম, তোমার সুন্দর চোখ দেখে অবধি আমি প্রেমে ম’রে যাচ্ছি।”

জু। তবুও দেখ, আমি কখন লিখতে পড়তে চেষ্টা করিনি। প্রথম চোটেই কেমন এটা আমার বেরিয়ে গেছে। আপনাকে হৃদয়ের সহিত ধন্যবাদ, আর আমার এই অল্পরোধ, কালও আপনি সকাল সকাল আসবেন।

ত-শিক্ষক। তার ব্যত্যয় হবে না।

সপ্তম দৃশ্য

জুর্দন খাঁ, এক জন পেয়াদা।

জু। (পেয়াদার প্রতি) কি! আমার পোষাক এখনও আনিসনি?

পেয়াদা। না, হজুর।

জু। আজ আমার কত কাজ, আর আজই কি না। লক্ষীছাড়া দর্জিটা আমাকে সমস্ত দিন অপেক্ষা করিয়ে রেখেছে। আমার ভারি রাগ ধরুছে।

দর্জিটা জাহান্নমে যাক, চুলোয় যাক, পাঞ্জি দর্জি—
—লক্ষীছাড়া দর্জি—হতভাগা দর্জি—ছুঁচো দর্জি!
হারামজাদাকে যদি এখন একবার পাই—

অষ্টম দৃশ্য

জুর্দন খাঁ, এক জন কর্তা-দর্জি, তার এক জন অধীনস্থ দর্জি, জুর্দনের পোষাক হস্তে করিয়া এক জন পেয়াদা।

জু। আঃ, এই যে। আমি আর একটু—হলেই তোমার উপর রাগ কচ্ছিলুম।

দর্জি। আমি এর চেয়ে আর শীগ্গির আসতে পারলেম না, আপনার এই পোষাক তৈরি করতে আমার ২০ জন ছোকরা লাগাতে হয়েছিল।

জু। তুমি যে রেশমের মোজা পাঠিয়ে দিয়েছিলে, তা এত ছোট যে, তা আমার পরতে ভয়ানক কষ্ট হয়েছিল, আর এর মধ্যেই তার ছটো সেলাই খুলে গেছে।

দর্জি। কেন, যত টানবেন, ততই তো বাড়ান যায়।

জু। হাঁ, ক্রমাগত যদি সেলাইগুলি খুলে যায়, তা হ’লে বটে! আর তুমি আমার যে জুতো তৈরি করিয়ে দিয়েছ, সেও এমন কষা যে, ভয়ানক পায়ে লাগে।

দর্জি। না মহাশয়, আদপে লাগে না।

জু। কি! আদপে লাগে না?

দর্জি। না মহাশয়, আপনার পায়ে লাগে না।

জু। আমি বলছি, আমার লাগে।

দর্জি। সে আপনার কল্পনা।

জু। আমার লাগছে বলেই কল্পনা কচ্ছি।

দর্জি। দেখুন, সমস্ত রাজবাড়ীতেও এমন সরেশ মানানসই পোষাকের সূট নেই। কালো রং না হয়েও যে এমন ভদ্র রকম কাপড় হ’তে পারে, সে কেবল কারিগরের বাহাজুরি। আর আমি বাজি রাখতে পারি, খুব ভাল ভাল কারিগরেরা দশবার চেষ্টা ক’রেও এ রকম পোষাক তৈরি করতে পারে না।

জু। এ আবার কি? ফুলগুলি সব নীচের দিকে মুখ ক’রে রেখেছে দেখছি।

দর্জি। আপনি তো আমাকে বলেন নি যে, উপর দিকে মুখ ক’রে রাখতে হবে।

জু তা কি আবার বলতে হবে ?
 দর্জি। বলতে হবে বৈ কি। কেন না, বড় লোকেরা
 সবাই এই রকম প'রে থাকেন।
 জু। বড় লোকেরা এই রকম উল্টু ক'রে ফুল
 পরেন ?
 দর্জি। হাঁ মশাই।
 জু। ওঃ! তবে এ বেশ হয়েছে।
 দর্জি। আপনি যদি ইচ্ছে করেন, তা হ'লে উপর
 দিকে মুখ ক'রে দিতে পারি।
 জু। না—না।
 দর্জি। আপনি বোলেই ক'রে দিতে পারি।
 জু। না না, তা করতে হবে না। যা করেছ, বেশ
 করেছ—বেশ করেছ। তোমার মনে হয় কি ?
 আমার গায়ে বেশ লাগবে ত ?
 দর্জি। বলেন কি ! একজন ছবিওয়ালাও তুলি দিয়ে
 এমন ফিট ক'রে পোষাক ঝাঁকতে পারে না।
 আমার কারখানায় একটি ছোগরা কারিগর
 আছে, তার মত রিন্গেব কেউ করতে পারে না
 —তার ও বিষয়ে ভাবি জেহেন্ন। আর একটি
 ছোকরা আছে, তার মত ডবলেট কেউ বানাতে
 পারে না—সে বিষয়ে সে অধিতীয়।
 জু। পরচুলো ও পালকগুলি কি দস্তরমত হয়েছে ?
 দর্জি। সব ঠিক হয়েছে।
 জু। (দর্জির প্রতি দৃষ্টি করিয়া) আহা! আহা!
 দর্জি সাহেব, শেষ বারে তুমি আমাকে যে
 কাপড়ের কোর্টা ক'রে দিয়েছিলে, তোমার
 গায়েও দেখছি সেই কাপড়! আমি বেশ চিনতে
 পাচ্ছি!
 দর্জি। ঐ কাপড়টা আমার এত ভাল লেগেছে
 যে, আমার নিজের জন্ম ঐ কাপড়ের একসুট
 তৈরি করেছি।
 জু। কিন্তু আমার কাপড় থেকে তৈরি করাটা
 তোমার উচিত হয় নি।
 দর্জি। কোর্টাটা কি প'রে দেখবেন ?
 জু। হাঁ, আমাকে দাও।
 দর্জি। একটু সবুর করুন। ও রকম ক'রে পরা
 দস্তর না। তালে তালে কাপড় পরাতে হবে
 ব'লে আমি সঙ্গে ক'রে লোক এনেছি—এসব
 পোষাক ঘটা ক'রে পরতে হয়। ওহে তোমরা
 এসো সবাই।

নবম দৃশ্য

জুর্দন খাঁ, হেড দর্জি, কারিকর দর্জি,
 এক জন পেয়াদা।

হেড দর্জি।—(কারিকরদিগের প্রতি) বড় লোকদের
 যে রকম ক'রে পোষাক পরাতে হয়, সেই রকম
 ক'রে ওঁকে পোষাক পরিয়ে দাও।
 নৃত্যকারিগণের প্রবেশ।—(চারি জন কারিকর দর্জি
 নাচিতে নাচিতে জুর্দনের নিকট আগমন—
 তাহাদিগের মধ্যে হুজন তাঁর কুস্তি করিবার
 পায়জামা খুলিয়া ফেলিল—আর ছই জন ফতুয়া
 খুলিয়া লইল, তার পর নাচিতে নাচিতে তাহার
 নতুন পোষাক পরাইয়া দিল, জুর্দন তাহাদের
 মধ্যে ঘুরিয়া বেড়াইতে বেড়াইতে তাঁহার পোষাক
 তাহাদিগকে দেখাইতে লাগিলেন এবং জিজ্ঞাসা
 করিতে লাগিলেন যে, তাহা ঠিক মানান্-সই
 হইয়াছে কি না)।
 কারিকর দর্জি। নবাব সাহেব এই কারিকরদের
 সরাপ খেতে অসুগ্রহ করে কিছু দিন।
 জু। আমাকে কি বোলে ডাকলে ?
 কারিকর দর্জি। নবাব সাহেব।
 জু। নবাব সাহেব, বা! দেখ, বড় লোকদের মত
 পোষাক পরলে কি হয়! সামান্য লোকের মত
 যদি চিরকাল কাপড় প'রে থাকা যায়, তা হ'লে
 একবারও কেউ পৌছে না। নবাব সাহেব।
 (কিছু টাকা দিয়া) এই নেও, নবাব সাহেব
 বলবার দরুণ এই দিলুম।
 কারিকর। জাঁহাপনা!
 জু। ও! ও! জাঁহাপনা! তুমি একটু দাঁড়াও
 হে; জাঁহাপনা বলবার দরুণ কিছু বকসিস
 পাওয়া উচিত—জাঁহাপনা বড় কম কথা নয়!
 এই নেও জাঁহাপনা তোমাকে এই দিলেন।
 কারিকর। জাঁহাপনা হজুরালিকে খোদা সেলামত
 ঝাঁপুন, এই উদ্দেশ্যে আমরা সকলে মিলে সরাপ
 খাব।
 জু। হজুরালি! ও! ও! ও! সবুর কর;
 তোমরা চ'লে যেও না। আমাকে হজুরালি!
 (মুহুরেরে জনাস্তিকে) যদি বাদসা পর্য্যন্ত উঠে,
 তা হ'লে তো আমি একেবারে খোলেকাড়া হয়ে

পড়বো। (উচ্চস্বরে) হজুরালি বলবার অর্থ
এই বকসিস্।
কারিকর। হজুরালির কি দরাজ হাত—আমরা
সবাই সেলাম ক'রে চলুম।
জু। যাচ্ছে বেশ কচ্ছে—আর একটু হলেই আমার
যথাসর্ব্ব দিয়ে ফেলতেম।

দশম দৃশ্য

(নৃত্যকারিগণের দ্বিতীয়বার প্রবেশ)
(চারি জন কারিকর নাচিতে নাচিতে জুর্দনের অঙ্গ
জয়কার করিতে লাগিল)

তৃতীয় অঙ্ক

প্রথম দৃশ্য

জুর্দন খাঁ, দুই জন পেয়াদা।

জু। তোমরা আমার সঙ্গে এস, আমার এই
পোষাক সমস্ত সহরময় একবার দেখিয়ে আসি।
আর তোমরা ঠিক আমার পিছনে পিছনে
থেকো, তা হ'লে লোক বুঝতে পারবে যে,
তোমরা আমারই পেয়াদা।
পেয়াদা। যে আজ্ঞা হজুর।
জু। আমার দাসী নকুলীকে ডেকে দাও তো হে—
তাকে কতকগুলি ছকুম দিতে হবে। আর যেতে
হবে না; ঐ এসেছে।

দ্বিতীয় দৃশ্য

জুর্দন খাঁ, নকুলিয়া, দুই জন পেয়াদা।

জু। নকুলিয়া!
ন। আজ্ঞে?
জু। শোনো।
ন। (হাসিতে হাসিতে)—হি, হি, হি, হি, হি।
জু। আরে হাসচিস্ কেন?
ন। হি, হি, হি, হি, হি, হি।
জু। আরে মরু, মাগী ও রকম কচ্ছে কেন?

ন। হি, হি, হি, কেমন মজার মজা হয়েছে।
হি, হি, হি।
জু। কেন, কি রকম হয়েছে?
ন। ও মা! আমি যাব কোথা! হি, হি, হি, হি, হি।
জু। আ মরু মাগী, তুই আমাকে নিয়ে তামাসা
কচ্চিস্?
ন। না মশাই, তা কি করতে পারি। হি, হি, হি,
হি, হি, হি, হি।
জু। দেখ, ফের যদি হাসবি তো কিলিয়ে তোর
নাক ভেঙ্গে দেব।
ন। মশাই, আমি হাসি রাখতে পাচ্চিনে। হি, হি,
হি, হি, হি, হি।
জু। তুই ধাম্বি নে?
ন। মশাই, আমাকে মাপ কর; কিন্তু মশাই,
তোমাকে এমন মজার দেখতে হয়েছে যে, না
হেসে থাকতে পাচ্চিনে। হি, হি, হি।
জু। দেখ দিকি মাগীর আঙ্গুল!
ন। তোমাকে ভারি মজার দেখতে হয়েছে। হি হি।
জু। আমি তোকে—
ন। আমাকে মশাই মাপ কর। হি, হি, হি, হি।
জু। দেখ, তুই ফের যদি হাসবি, তোর গালে
এমন চড় কষিয়ে দেব যে, তখন দেখতে পাবি।
ন। আচ্ছা মশাই, এইবার হয়েছে, আর আমি
হাসব না।
জু। দেখিস, খবরদার। আজ বিকেল বেলায় ঝাঁট
দিতে হবে—
ন। হি হি।
জু। শোনু কি বলছি, হলের ঘরটা ভাল ক'রে ঝাঁট
দিস, আর—
ন। হি, হি।
জু। দেখিস্ যেন ভাল ক'রে ঝাঁট দিস্।
ন। হি, হি।
জু। ফের?
ন। (হাসিতে হাসিতে ভূতলে পড়িয়া) বরং
আমাকে মারো মশাই, আমি একবার মন খুলে
হেসে নি—আমার দম ফেটে যাচ্ছে, একটু আমি
হেসে বাচি। হি, হি, হি, হি, হি।
জু। আমার রাগে সর্ব্বাঙ্গ জ্বলছে।
ন। মশাই, তোমার পায়ে পড়ি, আমাকে একটু
হাসতে দেও।



জু। আমি যদি একবার আরম্ভ করি—

ন। মশাই, আমি দম্ ফেটে মরবো যদি না হাসতে পাই, হি, হি, হি।

জু। এমন লক্ষীছাড়া মাগী কেউ কখন কি দেখেছে—আমি কোথায় ওকে হুকুম দিতে এলাম, না ওর এতদূর আশ্পর্দা যে আমার হুকুম না শুনে আমার মুখের উপর ও হাসতে আরম্ভ করেছে।

ন। কি করতে হবে মশাই বল।

জু। আজ বিকেলে নিমন্ত্রণ খেতে আমার এখানে লোক আসবে, হারামজাদি, তাই বলছি বাড়ীটা ঠিকঠাক ক'রে রাখ।

ম। (উঠিয়া) মাইরি, আর আমার হাসতে ইচ্ছে নেই, তোমার কথায় মশাই আমার রাগ ধরছে, যখন তোমার লোকজন আসে, বাড়ীর মধ্যে হলস্থল প'ড়ে যায়।

জু। তোর জন্তে আমার বাড়ীর দরজা বন্ধ ক'রে রাখতে হবে না কি, অ্যা?

ন। নিদেন মশাই কতক লোকের জন্ত বন্ধ করা দরকার।

তৃতীয় দৃশ্য

জুর্দন খাঁর স্ত্রী, জুর্দন খাঁ, নকুলিয়া,
ছই জন পেয়াদা।

স্ত্রী। ভালা যা হোক! এ আবার কি! এ নতুন সাজ আবার কোথা থেকে পেলো? তোমার বুদ্ধি-শুদ্ধি সব লোপ হয়েছে না কি? এই রকম সাজ ক'রে বাহিরে বেরোচ্ছে? তোমার কি এই ইচ্ছে, তোমাকে দেখে সহরশুদ্ধ লোক হাসুক?

জু। এ তুমি বেশ জেনো ঠাকরণ, কতকগুলি পাগল আর পাগলী বই আমাকে দেখে কেউ আর হাসবে না।

স্ত্রী। লোকে হাসতে আর বড় বাকি রাখিনি—তোমার রকম-সকম দেখে অনেক দিন থেকেই সবাই হাসতে আরম্ভ করেছে।

জু। আচ্ছা বল দেখি ঠাকরণ, সবাইটা কে?

স্ত্রী। সবাই, যাদের বুদ্ধি-শুদ্ধি আছে, যারা তোমার মত পাগল নয়। যা হোক, তোমার রকম-সকম

দেখে আমি অবাক হয়েছি। আমাদের বাড়ী আর চেনবার জো নেই। যে রকম গোলমাল, লোকে শুনলে মনে করতে পারে, রোজ রোজ এখানে মোছব বসে—সকাল থেকে, গাইয়েদের চীৎকার আর বেহালার ক্যাকো শব্দে পাড়ার লোকেরা একেবারে ভিত্তিবিরক্ত হয়ে গেছে।

ন। ঠাকরণ ঠিক বলেছেন। তুমি এই রকম লোক-জন রোজ রোজ আনলে আমি তো আর বাড়ী সাফ করতে পারি নে। তারা পায়ে ক'রে এখানে রাজ্যের কাদা নিয়ে আসে, ঘরের মেঝে রগড়াতে রগড়াতে আমার পা খ'সে পড়ে।

জু। বা রে বা নকুলিয়া, পাড়ারগা থেকে এসে যে খুব মুখ স্ফুটেছে দেখছি!

স্ত্রী। নকুলিয়া ঠিক বলেছে, তোমার চেয়ে ওর বুদ্ধি আছে। আচ্ছা, ভাল বল দেখি, আমি জানতে চাই, তোমার এই বয়সে নাচের ওস্তাদের দরকার কি?

ন। আর সেই তলোয়ারের ওস্তাদেরই বা দরকার কি? সে যখন খট খট ক'রে আসে, আমাদের বাড়ীটা কেঁপে ওঠে, মেজের টালিগুলা ভেঙ্গে চুরমার হয়ে যায়।

জু। ওগো আমার চাকরাণী, ওগো আমার স্ত্রী, দুজনেই তোমরা চুপ কর।

স্ত্রী। পায়ের উপর ভর দিয়ে দাঁড়াবার শক্তি নেই—এই বয়সে কিনা তোমার নাচ শিখতে সুখ গেছে!

ন। মশাই, তোমার কি কাউকে মেরে ফেলতে ইচ্ছে হয়েছে?

জু। তোমরা চুপ কর বলছি, তোমরা দুজনেই মুখখু, ও সব লোকের মর্যাদা তোমরা কি বুঝবে?

স্ত্রী। এখন ও সব রেখে যাতে তোমার মেয়ের বিয়ে হয়, তারই ভাবনা ভাবো। তার বিয়ের ষুগি বয়েস হয়েছে।

জু। যখন ভাল পাত্র এসে উপস্থিত হবে, তখন আমার মেয়ের বিয়ের ভাবনা ভাবা যাবে। এখন যাতে ভাল ভাল চীজ শিখতে পারি, এখন আমার তারই দিকে মন গেছে!

ন। ঠাকরণ, আরও আমি শুনলুম নাকি ঝাকাপড়া শেখবার জন্ত একজন ভট্টচার্য্য পণ্ডিত রেখেছেন, তা হ'লেই চুড়োস্ত হবে।

জু।—সত্যিই তো আমি রেখেছি। আমার একটু
বিচ্ছে শিখতে ইচ্ছে আছে, বড়লোকদের সঙ্গে
তা হলে আমি নানা বিষয়ে তর্ক-বিতর্ক করতে
পারব।

স্ত্রী।—তার চেয়ে এই বয়সে পাঠশালায় গিয়ে গুরু-
মশায়ের বেত খাও না কেন ?

জু।—কেনই বা খাব না ? ইস্কুলে লোকে যা শেখে,
আমি যদি তা শিখতে পাই, তা হলে ভগবানের
কাছে এই প্রার্থনা, যেন এখন আমি সকলের
সম্মুখে বেত খাই।

ন।—(স্বগত) হাঁ, তা হ'লে আর কিছু না হোক,
তোমার পিঠের গড়ন অনেকটা ভাল হয়ে
আসে।

স্ত্রী। গেরস্ত-আলি কাজ করবার জন্ত ও সব
তোমার বড় দরকার—না ?

জু। দরকার নেই ?—খুব দরকার। তোমরা দুজনেই
জানোয়ারের মত কথা কচ্চ, তোমাদের মুখখুমি
দেখে আমার ভারি লজ্জা হয়। (স্ত্রীর প্রতি)
তার দৃষ্টান্ত, তুমি এখন যে কথা কোইলে, সেটা
কি, তা কি তুমি জানো ?

স্ত্রী। হাঁ, আমি বেশ জানি, আমি যা তোমাকে
বলুম, তা খুব ভাল কথা—আমি বলেছিলুম,
তোমার ধরণ-ধারণ বদলানো খুবই দরকার।

জু। আমি তা বলছি নে—আমি জিজ্ঞেস করছি,
তুমি যে কথাগুলো কইলে, সে গুলো কি ?

স্ত্রী। সে গুলো ভাল কথা—তোমার মত পাগলামি
নয়।

জু। আমি তা বলছি নে। আমি এই জিজ্ঞেস
করছি, এখন তোমার সঙ্গে যা কথা কচ্ছি,
তোমাকে যা বলছি, সেটা কি জিনিস ?

স্ত্রী। মাথা আর মুণ্ডু।

জু। না না, তা নয়। যা আমরা দুজনেই এখন
বলছি, যে ভাষায় আমরা দুজনে কথা কচ্ছি।

স্ত্রী। অ'্যা ?

জু। তাকে কি বলে ?

স্ত্রী। যা তোমার ইচ্ছে, তাই বলতে পার।

জু। আরে মুখখু, একে বলে গজ।

স্ত্রী। গজ ?

জু। হাঁ, গজ। যা গজ, তা পজ নয়। আর যা
পজ, তা গজ নয়। অ'্যা'হ্যা এখন গাধা

বিচ্ছেটা কি জিনিস ! (নকুলিয়ার প্রতি) আর
তুই, তুই জানিস, উ বলতে গেলে কি করতে হয় ?

ন। সে কি ?

জু। যখন তুই উ বলিস, তখন তুই কি করিস ?

ন। কি ?

জু। আচ্ছা, একবার বল দেখি উ।

ন। আচ্ছা ! উ।

জু। এখন কি করলি ?

ন। আমি বলুম উ।

জু। হাঁ, কিন্তু যখন উ বলিস, তখন কি করিস ?

ন। যা তুমি আমাকে করতে বল, তাই করি।

জু। আঃ ! এই সব জানোয়ারদের বোঝানো
বড় ঝক্কারি ! তুই করিস কি শোন—তুই
ঠোট দুটো বাহিরের দিকে লম্বা ক'রে দিস আর
উপরের চোয়াল কাছাকাছি নিয়ে আসিস ; উ,
দেখছিস ? আমি যেন তোকে ভেংচোচ্ছি,—উ।

ন। বাঃ ! বেশ।

স্ত্রী। বাঃ ! চমৎকার !

জু। এতেই আশ্চর্য্য হলে—যদি তুমি দেখতে ড, ঢ,
ড, ঢ, কি রকম ক'রে উচ্চারণ করতে হয়, তা
হলে না জানি কি করতে ?

স্ত্রী। ও সব মাথা-মুণ্ডু কি বক্ছ ?

ন। ও রোগ সারে কিসে ?

জু। আঃ ! মুখখু স্ত্রীলোকদের দেখলে আমার
ভারি রাগ ধরে।

স্ত্রী। যাও যাও, ঐ লোকদের দূর ক'রে তাড়িয়ে
দেও।

ন। সেই তলোয়ারের ওস্তাদটাকে আগে। সে
ধুলো উড়িয়ে বাড়ীটাকে অঙ্ককার ক'রে তোলে।

জু। বটে ! ঐ ওস্তাদের উপর দেখছি বড় রাগ—

তোমার যে রকম আশ্পর্দা—এখন তার মজা
দেখিয়ে দিচ্ছি (দুটো শেখবার তলোয়ার
আনাইয়া, তার মধ্যে একটা নকুলিয়ার হাতে
দিয়া) এই দেখ—সাক্ষাৎ প্রমাণের সঙ্গে
দেখিয়ে দেব। শরীরের লাইনে। যখন চার
ঘার বা মারতে হয়, তখন এই রকম করতে হয়,
যখন তিনের বা মারতে হয়, তখন এই রকম
করতে হয়—এ জানলে আর কেউ কখন মেরে
ফেলতে পারে না। যখন কারও সঙ্গে যুদ্ধ
করতে হয়, তখন যদি জানা যায় যে, আমার

কিছু হবে না, তা হলে কেমন মজা! আয় তোকে দেখিয়ে দিচ্ছি, ঐ তলোয়ার দিয়ে আমাকে মার দিকি।

ন। (জুর্দনের গায় ছুই চার বার খোঁচা দিয়া) কেমন, হয়েছে ?

জু। আরে! আরে! আস্তে! আস্তে! অত জোরে না, আরে মরু মাগী।

ন। তুমি যে আমাকে খোঁচা দিতে বোলে।

জু। হাঁ। কিন্তু তুই চারের যা না মারতে মারতেই যে তিনের যা মেরে দিয়েছিস্—আর যা আটকাবার সময় পর্যন্ত দিস্নি।

স্ত্রী। তুমি নিশ্চয়ই ফ্লেপেছ—যে অবধি তুমি বড় লোকদের সঙ্গে মিশতে আরম্ভ করেছ, সেই অবধি তোমার মাথায় ঐ সব পাগলামি ঢুকেছে।

জু। যে অবধি আমি বড় লোকদের সঙ্গে মিশতে আরম্ভ করেছি, সেই অবধি বরং আমার বুদ্ধি খুলেছে—আর, তুমি যেমন সামান্য লোকদের সঙ্গে মেশো, এ তার চেয়ে ঢের ভাল।

স্ত্রী। তা তো বটেই! বড় লোকদের সঙ্গে মেশায় তো ঢের লাভ; সেই নবাবটার সঙ্গে ভাব করে তুমি যে রকম কাজ গুছিয়েছ, তা আর—

জু। চূপ; কি বোলুছ তুমি একবার ভেবে দেখো—এ তুমি বেশ জেনো স্ত্রী, যার কথা তুমি বলুছ, সে কেমন লোক, তা তুমি জান না। তুমি জান না যে, সে একজন মন্তলোক, একজন রাজ-দরবারের গণ্য মাত্ত নবাব, আর আমি এখন যেমন তোমার সঙ্গে কথা কছি, তিনি তেমনি রাজার সঙ্গে কথা কন। আর অমন বড় লোক প্রায়ই আমার বাড়িতে আসে, আমাকে প্রিয় বন্ধু বলে তার সমকক্ষ লোকের মত আমার সঙ্গে ব্যবহার করে—এতে কি আমার খুব নাম বাড়বে না? আর আমার উপর তাঁর এত অহুগ্রহ যে, তুমি তা মনেও করতে পার না—আমার সঙ্গে যখন তিনি মাত্ত করে কথা কন, তখন আমি ভ্যাং-চ্যাকা খেয়ে যাই।

স্ত্রী। হাঁ, তোমার উপর তার যথেষ্ট অহুগ্রহ, আর সে তোমাকে খুব আদর করেও বটে—কিন্তু এদিকে তোমার কাছ থেকে টাকা ধার করে যে তোমার ষাড় ভাংছে!

জু। অমন বড় লোককে টাকা ধার দেওয়া কি মানের বিষয় নয়? আর যে নবাব আমাকে প্রিয় বন্ধু বোলে ডাকে, তাকে কি একটু টাকা ধার দিতেও পারি নে?

স্ত্রী। আর সেই নবাব তোমার জন্ত কি করে?

জু। কি করে? সে যে কি করে, তা যদি জানতে, তা হলে আশ্চর্য্য হয়ে যেতে।

স্ত্রী। সে কি?

জু। বস! আমি তা খুলে বলতে চাইনে। এই পর্যন্ত তোমাকে বোলেই যথেষ্ট হবে, আমি তাঁকে টাকা ধার দিয়েছি, আর শীঘ্রই সে টাকা তিনি গুধে দেবেন।

স্ত্রী। বটে! সেই আশায় আছ না কি?

জু। নিশ্চয়ই গুধবেন—তিনি কি আমাকে সে বিষয় কথা দেন নি?

স্ত্রী। হাঁ, হাঁ, গুধবে যত, তা গায়ে রইল।

জু। তিনি শপথ করে আমাকে বলেছেন।

স্ত্রী। শপথ না তার মাথা।

জু। কি সর্বনাশ! স্ত্রী, তুমি ভয়ানক একগুয়ে দেখছি, আমি তোমাকে বলছি তিনি নিশ্চয়ই তাঁর কথা রাখবেন—আমার তাঁর উপর খুব বিশ্বাস আছে।

স্ত্রী। আর আমার বিশ্বাস যে সে কথা সে রাখবে না—আর তোমাকে যে সে এত আদর করে, সে কেবল তোমাকে ভোলাবার জন্তে।

জু। চূপ চূপ—ঐ আসছে।

স্ত্রী। এইবার সারলে দেখছি—আবার বুদ্ধি কিছু ধার করুতে এসেছে, ওকে দেখলে আমার ক্ষিদে-তেফা উড়ে যায়।

জু। চূপ কর, আমি বলছি।

চতুর্থ দৃশ্য

নবাব দৌলত খাঁ, জুর্দন খাঁ, জুর্দন খাঁর স্ত্রী, নকুলিয়া দাসী।

দৌলত। আমার প্রিয় বন্ধু জুর্দন খাঁ, তুমি কেমন আছ বল দেখি?

জু। আপনার আশীর্বাদে বেশ আছি মশায়।

দৌ। আর বিবি-সাহেব, উনি কেমন আছেন?

স্ত্রী। বিবি-সাহেব আছে এক রকম।

দৌ। এ কি! জুর্দন, তোমাকে আজ ভয়ানক ভদ্র দেখতে হয়েছে!

জু। এই দেখুন।

দৌ। এই পোষাকে তোমাকে বড় ভাল দেখাচ্ছে— রাজদরবারে যত বড় লোক আসে, তাদেরও এত ভাল দেখায় না।

জু। অ্যা—অ্যা?

দৌ। (জনাস্তিকে) ও লোকটা চুলকোনির ঠিক জায়গা বুকে চুলকে দিচ্ছে।

দৌ। আচ্ছা, ফেরো দিকি, বাঃ, পিছন দিকটাও বড় চমৎকার হয়েছে।

দৌ। (জনাস্তিকে) সামনেও যেমন, পিছনেও তেমন—চৌকোশ পাগল।

দৌ। মাইরি জুর্দন, আজ তোমাকে দেখবার জন্ম আমি ভারি অর্ধৈর্ষ্য হয়েছিলুম। পৃথিবীর মধ্যে তোমাকে আমি যে রকম শ্রদ্ধা করি, এমন আর কাউকে না, আর আজ এই সকাল ব্যালা রাজ-দরবারে তোমার কথা পেড়েছিলুম।

জু। মহাশয়, আপনার যথেষ্ট অল্পগ্রহ। (দ্বী প্রতী) কি বলছেন শুনেছ, রাজ-দরবারে!

দৌ। টুপিটা খুলে রাখো না—আজ বড় গরম।

জু। আপনার সামনে টুপি খোলাটা বেয়াদবি হয়।

দৌ। না না না না, টুপিটা খুলে ফেল, আমাদের মধ্যে আবার লৌকিকতা কি?

জু। মহাশয়—

দৌ। জুর্দন, আমি বলছি খোলো, তুমি হচ্ছ আমার বন্ধু।

জু। আমি মহাশয়ের দাস।

দৌ। তুমি যদি টুপি মাথায় না রাখ, তা হলে আমিও আমার টুপি খুলে ফেলব।

জু। (টুপি খুলিয়া) বিরক্ত করা চেয়ে আমি অভদ্র হতেও রাজি আছি।

দৌ। তুমি তো জানই আমি তোমার ধারি।

দৌ। (জনাস্তিকে) হাঁ, সে খুব জানি।

দৌ। অনেক সময়ে তুমি আমাকে মুক্ত-হস্তে ধার দিয়েছ, আর আমি তার জন্ম বড়ই বাধিত আছি, সে কথা আমি মুক্তকণ্ঠে স্বীকার করছি।

জু। মহাশয় আপনি ঠাট্টা কচ্ছেন।

দৌ। না না, আর ধার আমি শুধুতেও জানি।

আর লোকের উপকার কি রকম করে করতে হয়, তাও বিলক্ষণ জানি।

জু। সে বিষয়ে আমার কোন সন্দেহ নেই মশায়।

দৌ। তোমার ঋণ থেকে এমন আমি মুক্ত হতে ইচ্ছে করছি, আর সেই জন্ম হিসেব-নিকেশ করতে তোমার এখানে আজ এসেছি।

জু। (দ্বী প্রতী মুহূর্ত্তে) দ্বী, এখন দেখ, তোমার কতদূর বোঝবার ভুল।

দৌ। যত শীঘ্র পারি, আমি লোকের ধার শুধে ফেলতে ভালবাসি।

জু। (দ্বী প্রতী মুহূর্ত্তে) আমি তো তখন তোমাকে বলেছিলুম।

দৌ। দেখা যাক, এখন তোমার আমি কত ধারি।

জু। (দ্বী প্রতী মুহূর্ত্তে) এই দেখ দিকি, তোমার সন্দেহ করাটা কি পাগলামি।

দৌ। তুমি যত টাকা আমাকে ধার দিয়েছিলে, তা কি তোমার বেশ মনে আছে?

জু। হাঁ, বোধ হয় মনে আছে। আমি একটি চিরকুটে তা টুকে রেখেছি, এই দেখুন। একবার আপনার কাছে ২০০ টাকা দি।

দৌ। তা সত্যি।

জু। আর একবার ১২০ টাকা।

দৌ। হাঁ।

জু। আর একবার ১৪০ টাকা।

দৌ। ঠিক বলেছ।

জু। এই সবশুদ্ধ ৪৬০ টাকা।

দৌ। হিসেবটা খুব ঠিক।

জু। তার পর ১৮৩২ টাকা আপনার টুপি-বিক্রী-ওয়ালাকে দেওয়া যায়।

দৌ। ঠিক।

জু। ২৭৮০ টাকা আপনার দর্জিকে দেওয়া যায়।

দৌ। তা সত্যি।

জু। ৪৩৭৯ টাকা ১২ আনা ৩ পয়সা আপনার দোকানদারকে দেওয়া যায়।

দৌ। ভাল। ১২ আনা, ৩ পয়সা। হিসেব ঠিক আছে।

জু। আর ১৭৪৮ টাকা, ৭ আনা, দুই পয়সা আপনার ঘোড়ার জিন-বিক্রীওয়ালাকে দেওয়া যায়।

দৌ। ও সব ঠিক। সব শুদ্ধ কত হ'ল?



জু। সবশুদ্ধ হচ্ছে ১১২০০ টাকা, ৮ আনা, ১ পয়সা।
দৌ। মোট ঐ ঠিক বটে। আর ২০০ টাকা, ৭
আনা, ৩ পয়সা আমাকে দিয়ে ঐ হিসেবে যোগ
ক'রে দেও। তা হলে মোট ঠিক হল ১১৪০০
টাকা। এক দিনেই আমি এই সমস্ত টাকা
শুধে ফেলব।

দ্রী। (জুর্দনের প্রতি মুহূর্তে) এখন দেখ দিকি,
আমি ঠিক আন্দাজ করেছিলুম কি না?

জু। (দ্রীর প্রতি মুহূর্তে) চুপ।

দৌ। যে টাকার কথা বল্লুম, সে টাকাটা দিতে কি
তোমার অস্ববিধা হবে?

জু। অ্যা?—না।

দ্রী। (জুর্দনের প্রতি মুহূর্তে) ও লোকটা দেখছি
তোমাকে কামধেনু পেয়েছে।

জু। (দ্রীর প্রতি মুহূর্তে) চুপ কর।

দৌ। যদি তোমার অস্ববিধে হয়, তা হ'লে বল,
আমি অচ্ছত্র চেষ্টা করি।

জু। না, মশায়।

দ্রী। (জুর্দনের প্রতি মুহূর্তে) তোমাকে সর্বস্বাস্ত
না ক'রে ও ছাড়ছে না।

জু। (দ্রীর প্রতি মুহূর্তে)—চুপ কর, আমি বলছি।

দৌ। আমাকে বোলেই হয়, তোমার অস্ববিধে
হচ্ছে।

জু। না না, মশায়। অস্ববিধে কিছুই নেই।

দ্রী। (জুর্দনের প্রতি মুহূর্তে) ও একজন পাকা
জুয়োচোর।

জু। (দ্রীর প্রতি মুহূর্তে) চুপ কর বলছি।

দ্রী। (জুর্দনের প্রতি মুহূর্তে) তোমার শেষ
পয়সাটি পর্যাস্ত ও শুধে নেবে।

জু। (দ্রীর প্রতি মুহূর্তে) আঃ! তুমি কি চুপ
করবে না?

দৌ। এমন অনেক লোক আছে, যারা আমাকে
খুসী হয়ে টাকা ধার দেবে, কিন্তু তুমি নাকি
আমার প্রধান বন্ধু, তাই মনে করলুম, যদি অচ্ছ
জায়গায় ধার করতে বাই, তা হলে তোমার প্রতি
অচ্ছায় করা হবে।

জু। আমার উপর মশায়ের যথেষ্ট অচ্ছগ্রহ—এখন
আপনার কাজ নিকেশ ক'রে দিচ্ছি।

দ্রী। (জুর্দনের প্রতি মুহূর্তে) কি! আবার তুমি
ওকে ধার দিতে যাচ্ছ?

জু। (দ্রীর প্রতি মুহূর্তে) কি করা যায়?—অমন
বড়লোক। আর, যে ব্যক্তি আজ সকালে
আমার কথা রাজার কাছে বলেছেন, তাঁর কথা
কি অগ্রাহ করতে পারা যায়?

দ্রী। (জুর্দনের প্রতি মুহূর্তে) যাও যাও—তুমি
খুব ওর কাঁদে পড়েছ যা হোক।

পঞ্চম দৃশ্য

দৌলং খাঁ, জুর্দন খাঁর দ্রী, নকুলিয়া।

দৌ। তোমাকে ভারি বিমর্ষ দেখছি যে, তোমার
হয়েছে কি বিবিসাহেব?

জু-দ্রী। আমার আর বাই হোক, আমার মাথা
ঠিক আছে।

দৌ। তোমার মেয়েকে দেখেছিনে যে, তিনি
কোথায়?

জু-দ্রী। আমার মেয়ে যেখানে আছে, সেইখানেই
আছে।

দৌ। তাঁর শরীর গতিক কেমন চলছে?

জু-দ্রী। ছ পায়ের উপর ভর দিয়ে।

দৌ। রাজার বাড়ীতে যে নাচ ও প্রহসন হবে, তা
দেখতে এর মধ্যে কি এক দিন তোমার মেয়েকে
নিয়ে যাবে না?

জু-দ্রী। হাঁ, নিশ্চয়। তবে, কি না, হাস্‌বার
জিনিসের কোথাও অভাব নেই।

দৌ। বিবিসাহেব, তুমি যেমন সুন্দরী ও রসিকা,
তাতে বোধ হচ্ছে যৌবন কালে—

জু-দ্রী। ও না, কি হবে! তুমি বল কি? এর
মধ্যেই কি তবে আমি বুড়ী হয়ে গিয়েছি—
আমার কি শিরঃকম্প উপস্থিত হয়েছে না কি?

দৌ। বিবিসাহেব, আমাকে মাপ করবে, তোমার
যে অল্প বয়স, সেটা আমি ভুলে গিয়েছিলুম—
অনেক সময় অচ্ছমননে আমি কি বলতে কি
বলে ফেলি।

ষষ্ঠ দৃশ্য

জুর্দন খাঁ, জুর্দন খাঁর দ্রী, দৌলং খাঁ, নকুলিয়া।

জু। (দৌলং খাঁর প্রতি) এই নিন ২০০ টাকা,
৭ আনা, ৩ পয়সা।

দৌ। জুর্দন! আমি তোমাকে নিশ্চয় ক'রে বলছি যে, আমি তোমারই। আর, রাজ-দরবারে তোমার বাতে কোন উপকার করতে পারি, তার জন্ত আমি বিশেষ চেষ্টা করছি।

জু। আমি আপনার কাছে খুবই বাধিত।

দৌ। যদি আপনার বিবিসাহেব রাজবাড়ীর নাটক দেখতে ইচ্ছে করেন, তা হ'লে আমি তাঁর জন্ত ভাল ভাল জায়গা ঠিক করে রাখি।

জু-দৌ। আপনার বড় অহুগ্রহ।

দৌ। (জুর্দনের প্রতি মুহূর্তে) আমাদের বেগমও আজ বিকেলে নাচ দেখতে ও আহাৰ করতে এখানে আসবেন—চিঠিতে তো সে বিষয় তোমাকে আগেই খবর দিয়েছিলাম। আমি অনেক বলে-কয়ে তাঁকে এই নিমন্ত্রণে আসতে মত করিয়েছি।

জু। আসুন, আমরা একটু দূরে যাই, তার কারণ আছে।

দৌ। আট দিন হ'ল তোমার সঙ্গে আমার আর দেখা হয় নি। আর তুমি তাঁকে উপহার দেবার জন্ত যে হীরেটা আমার হাতে দিয়েছিলে, সে বিষয়ের খবরটা তোমাকে তাই দিতে পারি নি; কিন্তু তাঁর সঙ্কোচ ভাঙতে আমার ভয়ানক কষ্ট হয়েছিল। এত দিন পরে সবে আজ তিনি ঐ উপহার নিতে সম্মত হয়েছেন।

জু। তাঁর সে জিনিসটা কেমন লাগল?

দৌ। ভয়ানক ভাল লেগেছে; আর ঐ হীরেটি যে রকম সুন্দর, তাতে তোমার উপরে যে তাঁর খুব টান হবে, তা আমার বেশ বোধ হচ্ছে।

জু। আল্লা যেন তাই করেন।

জু-দৌ। (নকুলিয়ার প্রতি) ও লোকটা একবার এলে ছিনে-জৌকের মত ওকে আর ছাড়তে চায় না দেখছি।

দৌ। ঐ উপহারের মূল্য কত, আর তোমার কতটা ভালবাসা, সমস্তই তাকে আমি খুলে বলেছি।

জু। আপনি আমার উপরে কত অহুগ্রহই কচ্ছেন! আর, আপনার মত বড় লোক আমার জন্ত যে এতদূর নীচতা স্বীকার করছেন, এই মনে ক'রে আমি ভারি লজ্জিত।

দৌ। তুমি বল কি? বন্ধুদের মধ্যে কি এসব সঙ্কোচ হওয়া উচিত? আর মনে কর,

আমারও যদি একদিন এই রকম সুবিধে উপস্থিত হয়, তা হ'লে আমার হয়ে কি তুমিও ঠিক এই রকম কর না?

জু। তা আর বলতে, খুদী হয়ে করি।

জু-দৌ। (নকুলিয়ার প্রতি) ও লোকটা যতক্ষণ থাকে, ততক্ষণ আমার মনে যেন একটা ভার চেপে থাকে।

দৌ। বন্ধুর যখন কোন উপকার করতে হয়, তখন আমি আর কিছুই মানি নে। যে সুন্দরী বেগমের সঙ্গে আমার আলাপ ছিল, যখন গুনলুম, তার উপর তোমার মন পড়েছে, তখনই তোমার সাহায্য করতে আমি দেখ নিজেই তোমার কাছে অগ্রসর হলুম।

জু। তা সত্যি। আপনার এই সকল অহুগ্রহে আমি একেবারে হতভম্ব হয়ে গিয়েছি।

জু-দৌ। (নকুলিয়ার প্রতি) লোকটা কি যাবে না? নকু। হুঁজনে একত্র হলে তাঁরা বেশ থাকেন।

দৌ। বা হোক, তাঁর মন ভেজাবার জন্য তুমি বেশ উপায় ঠিক করেছ। দৌলোকদের জন্য খরচ-পত্র করলেই, দৌলোকেরা সন্তুষ্ট হয়; তোমার গান; তোমার ফুলের তোড়া, তোমার আতস-বাজি, তোমার হীরে—এই সকল উপহারে যেমন কাজ করেছে, এমন কাজ হাজার মুখের কথাতেও হয় না।

জু। তাঁর মন পাবার জন্তে আমি কি না খরচ করতে পারি? আমার বিখান, বড় ঘরের দৌলোকেরা ভয়ানক সুন্দরী। ওরূপ দৌলোকেরা জন্ত আমি সর্কস্ব দিতে পারি।

জু-দৌ। (নকুলিয়ার প্রতি চুপি চুপি) হুঁজনে না জানি এত কি কথাই হচ্ছে! বা দিকি নকু, আন্তে আন্তে একটু শুনে আয় দিকি।

দৌ। আজ তুমি মনের সাধে তাঁকে দেখতে পাবে। আর, দেখে তোমার চক্ষু জুড়িয়ে যাবে।

জু। আরও, সাফাই থাকবার জন্ত একটা ফিকির করেছি—আজ আমার দৌকে আমার বোনের বাড়িতে নিমন্ত্রণ খেতে পাঠাচ্ছি, সমস্ত বিকেল-ব্যাপাটা সেখানে সে কাটাবে।

দৌ। বেশ বুদ্ধির কাজ করেছে। তিনি থাকলে আমাদের বাধা হত। আর, রাঁধবার জন্ত বা কিছু দরকার, আমি সব হুকুম দিয়েছি। দেখ,



এই নাটকটা আমার নিজের রচনা—আমার রচনা যে রকম, কাজে যদি ঠিক সেই রকমটি দেখাতে পারে, তা হলে নিশ্চয় বলতে পারি—
জু। (নকুলিয়া শুনিতেছে জানিতে পারিয়া তাহার গালে এক চপেটাঘাত) আরে মাগী! তুই তো ভারি বজ্জাং, (দৌগতের প্রতি) আসুন, আমরা এখান থেকে যাই।

সপ্তম দৃশ্য

জুর্দন খাঁর দ্রৌ, নকুলিয়া।

ন। বিবিসাহেব! শুনতে গিয়ে আমার বিলক্ষণ হয়েছে। দেখ, ভিতরে ভিতরে ওঁদের কি একটা পাক-চক্র চলেছে। একটা কিসের কথা হচ্ছিল, তাতে বুঝলুম, বিবিসাহেব, তুমি যে এখানে থাক, এ তাঁদের ইচ্ছে নয়।

জু-দ্রৌ। দেখ নকু, আজ বোলে নয়, অনেক দিন থেকে আমার স্বামীর উপর সন্দেহ হয়েছে। একটা নিশ্চয় কি প্রেমের ব্যাপার চলছে। এ যদি না হয় তো কি বলছি। সে ব্যাপারটা কি, আমায় সন্ধান ক'রে বের করতে হবে। কিন্তু এখন তা হয়ে উঠবে না, এখন আমার মেয়ের বিয়ের বিষয়টা ভাবতে হবে। তুই তো জানিস, খেলাং খাঁ আমার মেয়েকে কতদূর ভালবাসে। সেই ছেলেটিকে আমার বড় মনে ধরেছে, যদি আমি পারি তো আমার রোষনৌকে তাকেই দেব।

ন। বিবিসাহেব! তোমার যে এ রকম মত হয়েছে, তাতে আমিও ভয়ানক খুসী হয়েছি, কেন না, মনিবকে যদি তোমার মনে ধ'রে থাকে, তার চাকরটিকেও বিবিসাহেব, আমার মনে ধরেছে। আর আমার বড় ইচ্ছে, তাঁদের বিয়ের সময় আমাদেরও বিয়ে হয়ে যায়।

জু-দ্রৌ। আমি যা তোকে বলুম, এখনি তাকে গিয়ে বল, আরও এই কথা গিয়ে বল, যেন এখনি সে এখানে আসে। তা হ'লে যাতে সে রোষনৌকে পায়, আমাতে তাতে মিলে আমার স্বামীর কাছে গিয়ে বলব।

ন। বিবিসাহেব! আমি এখনি যাচ্ছি। আমার

এতে ভারি আফ্লাদ হচ্ছে। এমন মনের মত হকুম আমি কখন পাই নি।

অষ্টম দৃশ্য

খেলাং খাঁ, কবলু খাঁ, নকুলিয়া।

ন। (খেলাতের প্রতি) বাঃ, ঠিক সময়ে দেখা হ'ল, আমি একটা সু-খবর নিয়ে এসেছি।

খে। দূর হ, তোর কথায় আমি আর ভুলি নে।

ন। আমি ভাল কথা বলতে এলুম, আর তুমি কি না—

খে। দূর হ আমি বলছি, আর তোর মনিবকেও বলিস্বে, সরল-স্বভাব খেলাং খাঁ আর তার কথায় ভোলে না।

ন। এ কি রকম বদল? আমার কবলু, তুমিই বল দেখি, এ সকলের মানে কি?

ক। তোর কবলু! হতভাগী কোথাকারে! দূর হ এখান থেকে—আমার চোখের সামনে থেকে দূর হ।

ন। হ্যারে কবলু, তুইও এই রকম বলছিস?

ম। দূর হ বলছি—তোর কথা আমি শুনতে চাইনে।

ন। (স্বগত) বাঃ! এ দেখছি, একই বিচ্ছেদজনকে কামড়েছে। বিবিসাহেবকে সব কথা বলি গে যাই।

নবম দৃশ্য

খেলাং খাঁ, কবলু খাঁ।

খে। কি! যে প্রাণ দিয়ে ভালবাসে, তার সঙ্গে কি না এই রকম ব্যবহার?—তাতে আবার যে পুরুষ এমন বিশ্বাসী ও অনুরক্ত!

ক। আমাদের দুজনের সঙ্গে যে রকম ব্যবহার করেছে, তা অতি ভয়ানক।

খে। এক জনের উপর যতদূর ভালবাসা, যতদূর অনুরাগ হ'তে পারে. তা আমি দেখিয়েছি। তাকে ছাড়া আমি কাউকেই ভালবাসি নে—সে বই আমার হৃদয়ে আর কেউ নেই; আমার সমস্ত যত্ন, সমস্ত বাসনা, সমস্ত সুখ, তাকে নিয়েই; আমি তাকে ছাড়া কোন কথা কই নে, তাকে

ছাড়া কোন ভাবনা ভাবিনে, তাকে ভিন্ন কোন স্বপ্ন দেখিনে—তাকে ছেড়ে নিখাস পর্য্যন্ত ফেলিনে, তাতেই আমার হৃদয় বেঁচে আছে—আর এত ভালবাসার কি না শেষ এই উপযুক্ত পুরস্কার! ছুদিন তাকে দেখি নি, আর এই ছুদিন যেন ছ শো বৎসর ব'লে মনে হচ্ছিল। তার পর, হঠাৎ তার সঙ্গে সে দিন দেখা হয়; তাকে দেখেই আমার হৃদয় উথলে উঠল, আমার মুখে আহ্লাদ যেন কেটে পড়তে লাগল, আমি মনের আগ্রহে দৌড়ে তার কাছে গেলুম, আর সেই বিশ্বাস-বাতিনী আমার দিকে কি না একবার ফিরেও তাকালে না—যেন জন্মেও আমাকে দেখে নি, এই ভাবে চট ক'রে আমার কাছ দিয়ে চ'লে গেল।

ক। আপনার যে কথা, আমারও সেই কথা।

খে। কবল, বিশ্বাসঘাতক অকৃতজ্ঞ রোমনীর কি আর জুড়ি আছে?

ক। আর সেই হতভাগী নকুলিয়ারও কি জুড়ি আছে মশায়?

খে। এত ত্যাগ-স্বীকার ক'রে, এত দীর্ঘ নিখাস ফেলে শেষটা কি না এই হ'ল!

ক। এত সাধাসাধি ক'রে রান্নাঘরে তার হয়ে এত কাজ ক'রে শেষে কি না এই হ'ল।

খে। তার পদতলে কত না অশ্রু বর্ষণ করেছি!

ক। তার হয়ে পাতকুয়ো থেকে কত না জল তুলিছি!

খে। নিজেকে যত না ভালবাসি, তার চেয়ে শত-গুণে তার উপর আমার অসন্ত ভালবাসা।

ক। তার হয়ে কতবার গরম হাঁড়ি নাবিয়ে দিয়ে আমিও অলে পুড়ে মরেছি।

খে। এখন আমাকে দেখলে আমার তাজ্জীল্য ক'রে পালিয়ে যায়।

ক। এখন আমাকে দেখলে সে-ও নাক সিটকে পিছন ফেরে।

খে। এই বিশ্বাসঘাতকতার জন্ত তাকে খুব শাস্তি দেওয়া উচিত।

ক। এর জন্ত তাকেও আমার খুব চড় কষিয়ে দেওয়া উচিত।

খে। আমি তোকে বলছি, কবল,—তার পক্ষ হয়ে আমাকে কখনো কিছু অহরোধ করিস্‌নে।

ক। আমি মশায়!—তা কখনই কোরব না।

খে। আর ছাখ, সেই বিশ্বাস-বাতিনীর দোষ কাটিয়ে খবদার আমার কাছে কিছু বলিস্‌নে।

ক। তার কোন ভয় নেই মশায়।

খে। দেখ, তোকে আমি আগে থাকতে বলছি—হাজার যদি তুই তার হয়ে আমার কাছে বলিস, তবুও কিছু ফল হবে না।

ক। তা বলবার জন্ত কার এত মাথা-ব্যথা মশায়?

খে। আমার এই রাগটা কিছুতেই পড়তে দেওয়া হবে না—তার সঙ্গে আমি আর কোন সংস্রব রাখব না।

ক। আমারও মশায় তাই মত।

খে। ওর বাড়ীতে যে নবাব সাহেব আসে, সেই ওর মাথা ঘুরিয়ে দিয়েছে—আমি বেশ দেখছি, বড় লোক দেখেই ওর চোখ ঝলসে গেছে। কিন্তু

আমাকে ত্যাগ করেছে বোলে ও যে জাঁক করবে, তা আমি ওকে কিছুতেই করতে দেব না—ও যতদূর করবে, আমিও ততদূর করব।

ক। বেশ বলেছেন। সব বিষয়েই আপনার সঙ্গে আমার মতের মিল হয়ে যাচ্ছে।

খে। দেখ, কবল, আমার এই রাগের সময় তুই আমাকে একটু সাহায্য করিস্‌। তার উপর আমার যে ভালবাসা আছে, সেই ভালবাসার দরুণ আমার প্রতিজ্ঞা না টলে যায়, আর সেই জন্তে আমাকে তোর বিশেষ সাহায্য করতে হবে;—এমন ক'রে তার শরীরের বর্ণনা আমার কাছে কর, যাতে তার উপর আমার ঘৃণা হয়। আর শোন, তার উপর আমার বিতৃষ্ণা জন্মে দেবার জন্ত, যত কিছু তার দোষ আছে, সব খুঁটি-নাটি ক'রে আমার কাছে বল।

ক। তার কথা বলছেন? সে যে রকম কদাকার, তার উপর আপনার কি ক'রে যে এত ভালবাসা হ'ল, ভেবে পাই নে। তার রূপ তো নেই বলেই হয়। ওর চেয়ে আপনার যুগ্মি হাজার হাজার রূপসী মেয়ে যেখানে-সেখানে পেতে পারেন। এক তো তার চোখ ছোট।

খে। তার চোখ ছোট বটে, কিন্তু এমন জলজলে, এমন উজ্জল, এমন তীক্ষ্ণ, এমন মর্ষভেদী যে, তেমনটি আর কোথাও দেখা যায় না।

কু। তার মুখটা বেয়াড়া রকম বড়।



খে। হ্যাঁ। কিন্তু সে মুখেতে যে রকম একটি শ্রী
দেখা যায়, সে রকম অল্প কোন মুখে দেখতে
পাওয়া যায় না—আর সেই মুখ দেখলেই
ভালবাসা যেন একেবারে উথলে উঠে।

ক। তার শরীরটাও একটু বেঁটে।

খে। বেঁটে হোক, কিন্তু গড়ন ভাল।

ক। তার চাল-চোল ও কথাবার্তায় কেমন একটা
খাতির নদারদ ভাব দেখা যায়।

খে। তা সত্যি, কিন্তু তার মধ্যেও কেমন একটা
সুন্দর ভাব আছে। তার ধরণ-ধারণ এমন মিষ্টি—
আর তার এমন একটা মোহিনী শক্তি আছে, চট
ক'রে কেমন হৃদয়ের মধ্যে প্রবেশ করে।

ক। আর তার মন—

খে। কবলু, তার মনটি বড় কোমল।

ক। তার কথা-বার্তা—

খে। তার কথা-বার্তায় মোহিত হয়ে যেতে হয়।

ক। কিন্তু একটু গস্তার ধরণের।

খে। অত খোলাখুলি আমোদ-প্রমোদ কি তোমার
ভাল লাগে? যে মেয়েগুলো সব কথাতেই
খিক-খিক ক'রে হাসে, সে মেয়েগুলো কি
ভাল?

ক। কিন্তু তার মত খাম-খেয়ালি লোক আর ভূ-
ভারতে নেই, তা বলছি মশায়।

খে। হ্যাঁ, সে খামখেয়ালি বটে—সে কথা আমি
মানি; কিন্তু সুন্দরীর কি না শোভা পায়?
সুন্দরীর ও সব দোষ সহ্য করা যায়।

ক। এতদূর যখন হ'ল, তখন বেশ বোঝা যাচ্ছে,
এখনও আপনি তাকে ভালবাসেন।

খে। আমি? বরং ম'রে যাব, তবু ওদিকে আর
না। আগে আমি তাকে যে রকম ভালবাসতাম,
এখন আবার সে তেমনি আমার হু চক্ষের
বিষ।

ক। তাকে যদি অত ভাল মনে করেন, তা হলে ও
রকম মনে হবে কি ক'রে?

খে। এত যে ভাল, এত যে সুন্দরী, এত যে রূপসী,
তবুও যে আমি তাকে ত্যাগ করছি, ঘৃণা করছি,
এতেই কি আমার জলন্ত প্রতিশোধের ভাব
আরও প্রকাশ পাচ্ছে না?

দশম দৃশ্য

রোষণীবাবি, খেলাং খাঁ, কবলু খাঁ, নকুলিয়া।

ন। (রোষণীর প্রতি) আমি তার ব্যাভারে অবাচ্
হয়ে গিয়েছি।

রো। নকু, আমি তোকে যা বল্লম, তা ভিন্ন আর
কিছুই নয়, কিন্তু ঐ যে আসছে।

খে। (কবলুর প্রতি) আমি একটি কথাও কব না।

ক। আপনি যা করবেন, আমিও তাই করব।

রো। খেলাং! ব্যাপারটা কি? তোমার কি
হয়েছে?

ন। কবলু! তোর কি হয়েছে বল দেখি?

রো। তোমার কিসের হুঃখ?

ন। তোকে এ রকম হাঁড়ি-মুখো দেখুছি কেন বল
দিকি?

রো। খেলাং! তোমার মুখে কথা নেই কেন?

ন। কবলু! তুই বোবা না কি?

খে। কি প্রতারক!

রো। আমি বেশ বুঝতে পারছি, আজ সকাল
ব্যালা তুমি যে দ্যাখা করতে এসেছিলে, তার
দরুণ তোমার মন খারাপ হয়ে গেছে।

খে। (কবলুর প্রতি) হঁ! তবে ও বুঝতে পেরেছে,
ও কি করেছিল?

ন। (কবলুর প্রতি) আজ সকাল ব্যালাকার
মুলাকাতের মনটা চটে গেছে বুঝি?

ক। (খেলাংয়ের প্রতি) মশায়! ও বুঝেছে, কোথায়
আমার যা লেগেছে।

রো। আচ্ছা, সত্যি ক'রে বল দেখি খেলাং! এই
জগুই কি তুমি রাগ কর নি?

খে। হ্যাঁ নেমক্‌হারাম, যদি বলতেই হ'ল তো বলি;
তুমি অবিখাসের কাজ ক'রে মনে মনে যে ভারি
জাঁক করবে, তা আমি তোমাকে করতে দেব
না—আমিই প্রথমে তোমার সঙ্গ ছাড়াছাড়ি
করব। তুমি আমাকে যে ত্যাগ করেছে, এ কথা
না তুমি বলতে পার। তবে এ নিশ্চয় যে,
তোমার উপর আমার যে ভালবাসা আছে, তা
ভুলতে আমার পক্ষে একটু কঠিন হবে—আমার
তার জগু কষ্ট হবে। কিন্তু কি করা যায়—কিছু
দিনের জগু তা আমি সহ্য করব। শেষে
আমারই প্রতিজ্ঞা বজায় থাকবে। এ বেশ

জেনো রোষনী! কখনই আমি এত দূর গুরুল
 হব না যে, তোমার কাছে আবার ফিরে আসব,
 তার চেয়ে বরং আমি বুকে ছুরি বিধিয়ে মরব,
 সে-ও ভাল।

ক। (নকুলিয়ার প্রতি) মনিবের যে কথা,
 চাকরেরও তাই।

রো। একটা তুচ্ছ বিষয় নিয়ে তোমরা কি গোলটাই
 করছ। আজ সকাল ব্যালায় তোমাকে যে দেখেও
 দেখিনি, তার কারণ কি শোন, খেলাৎ!

খে। (রোষনীর মুখ দেখিব না, এইরূপ ভাণ
 করিয়া) না না, আমি কিছুই গুনতে চাই নে।

ন। (কবলুর প্রতি) কোন কথা না কয়ে তোর
 কাছ দিয়ে কেন চ'লে গিয়েছিলুম, তার কারণ
 তোকে বলি শোন।

ক। (নকুলিয়ার মুখদর্শন করিবে না, এইরূপ ভাণ
 করিয়া) আমি কিছুই গুনতে চাই নে।

রো। (খেলাতকে অহুসরণ করিয়া)—শোন বলি,
 আজ সকালে—

খে। (রোষনীর প্রতি দৃষ্টিপাত না করিয়া চলিয়া
 যাইতে যাইতে) আমি বলছি, আমি গুন্ব না।

ন। (কবলুকে অহুসরণ করিয়া) শোন বলি—
 আমি—

ক। (নকুলিয়ার প্রতি দৃষ্টিপাত না করিয়া চলিতে
 চলিতে) না, নেমক্‌হারাম! আমি গুন্ব না।

রো। শোন বলি।

খে। আর কোন কথা গুন্ছি নে।

ন। আমাকে কথাটা বলতে দে।

ক। আমি কাল।

রো। খেলাৎ!

খে। না।

ন। কবলু!

ক। উঁহঁ না।

রো। একটু দাঁড়াও।

খে। তোমার মাথা!

ন। আমার কথাটা শোন।

ক। ভোর মুণ্ড!

রো। একটু খানির জন্তে।

খে। কিছুতেই না।

ন। একটু খানি সবুর কর।

ক। রস্তা!

রো। হুটি কথা।

খে। না, সে সব শেষ হয়ে গেছে।

ন। একটা কথা।

ক। না, আর কোন কথা না।

রো। (থমকিয়া দাঁড়াইয়া)—ভাল, আমার কথা
 গুনতে যখন তোমার ইচ্ছে নেই, তখন যা
 তোমার ইচ্ছে, তাই কর।

ন। (থমকিয়া দাঁড়াইয়া)—ও রকম যখন করছিস্
 —তখন যা খুসি, তাই কর।

খে। (রোষনীর দিকে ফিরিয়া আসিয়া) আচ্ছা,
 সকাল-ব্যালা ও রকম কেন করলে, তার
 কারণটাই শোনা যাক।

রো। (খেলাতের প্রতি দৃষ্টিপাত না করিয়া যাইতে
 যাইতে) সে কথা বলতে আর আমার ইচ্ছে
 নেই।

ক। (নকুলিয়ার কাছে ফিরিয়া আসিয়া) কি
 ব্যাপারটা হয়েছিল, বল না?

ন। (কবলুর প্রতি দৃষ্টিপাত না করিয়া চলিয়া
 যাইতে যাইতে) আর তোকে বল্‌ছিনে।

খে। (রোষনীর অহুসরণ করিয়া) বল না রোষনী—

রো। (খেলাতের প্রতি ক্রক্ষেপ না করিয়া চলিয়া
 যাইতে যাইতে) না, আমি কিছুই বলব না।

ক। (নকুলিয়াকে অহুসরণ করিয়া) বল না
 আমাকে নকু!

ন। (কবলুর প্রতি ক্রক্ষেপ না করিয়া যাইতে
 যাইতে) না, আমিও বল্‌ছিনে।

খে। তোমার পায়ে পড়ি, বল।

রো। না, আমি বলব না।

ক। তোর পায়ের ধুলো খাই, বল।

ন। কিছুতেই না।

খে। তোমার পায়ে পড়ি।

রো। যাও, যাও।

ক। তোর পায়ের ধুলো খাই।

ন। দূর হ এখান থেকে।

খে। রোষনী!

রো। না।

ক। নকুপি!

ন। না, না।

খে। আল্লার দোহাই!

রো। না, আমি বলতে চাই নে।



ক। বল না আমাকে ।
 ন। কিছুতেই না ।
 খে। আমার সন্দেহটা ভঞ্জন কর ।
 রো। না, আমি কিছুই করব না ।
 ক। আমাকে একটু বুঝিয়ে বল ।
 ন। না, আমার ইচ্ছে নেই ।
 খে। ভাল, আমার কষ্ট নিবারণ করতে যখন তোমার কিছুমাত্র ইচ্ছে নেই—আর তার কারণও কিছু বজ্জে না—আমার ভালবাসার অপমান করলে, তখন বিশ্বাসঘাতিনি, আর আমাকে দেখতে পাবে না—এই শেষ দেখা । আর এখন আমি দূরদেশে গিয়ে বিরহ-যন্ত্রণায় তোর জন্ম প্রাণত্যাগ করব ।
 ক। (নকুলিয়ার প্রতি) আর আমিও মনিবের পিছনে পিছনে যাব ।
 রো। (গমনোত্তর খেলাতের প্রতি) খেলাৎ !
 ন। (গমনোত্তর কবলুর প্রতি) কবলু !
 খে। (খমকিয়া দাঁড়াইয়া) স্যা, কি বলছ ?
 ক। (খমকিয়া দাঁড়াইয়া) কি বলছিস্ বল দিকি ?
 রো। কোথায় যাচ্ছ ?
 খে। সে তো তোমাকে বলেছি ।
 ক। (নকুলিয়ার প্রতি) আমরা মরতে যাচ্ছি ।
 রো। খেলাৎ ! তুমি মরতে যাচ্ছ ?
 খে। হাঁ, নৃশংসে, তোমার যখন তাই ইচ্ছে ।
 রো। আমার ইচ্ছে ?—আমার ইচ্ছে যে তুমি মর ?
 খে। হাঁ, তোমার তাই ইচ্ছে ।
 রো। কিসে বুঝলে ?
 খে। (রোষনীর কাছে আসিয়া) আমার সন্দেহ ভঞ্জন না করা, আর আমার মরণ ইচ্ছে করা কি একই কথা নয় ?
 রো। সে কি আমার দোষ ? তুমি যদি আমার কথা গুনতে, তা হ'লে কি তোমাকে বলতুম না ? আজ সকালে আমার এক জন বৃড়ী জেঠাইমা এসেছিলেন । তাঁর এই মত যে, এক জন পুরুষ-মানুষ কাছে এলেও স্ত্রীলোকের সঙ্গম নষ্ট হয় । এই বিষয়ে তিনি আমাদের ক্রমাগত উপদেশ দেন । আরও বলেন, পুরুষমানুষ মাত্রই এক একটি জল-জ্যাস্তো পিশাচ । তাদের দেখলেই পালাতে হয় ।

ন। (কবলুর প্রতি) আসল ব্যাপারটা কি গুনলি তো ?
 খে। রোষনী, আমাকে তো ভুল বোঝাচ্ছে না ?
 ক। (নকুলিয়ার প্রতি) নকলে! আমাকে তো ভোগা দিচ্ছসনে ?
 রো। বাস্তবিকই কথাটা এই ।
 ন। (কবলুর প্রতি) মাইরি বলছি, এ ঠিক কথা ।
 ক। (খেলাতের প্রতি) এত যুদ্ধের পর এইবার তবে কেলাটা ছেড়ে দিন—আর কেন ?
 খে। আহা! রোষনী! তুমি কি গুণ জান, তোমার একটি কথায় আমার হৃদয়ের সমস্ত উবেগ শান্ত হয়ে যায় ; আর, যাকে ভালবাসা যায়, সে কত অল্প সময়ের মধ্যেই আমাদের বশ করতে পারে !
 ক। এই অদ্বিত জানোয়ার-গুলো ঝটক'রে কেমন আমাদের ভ্যাড়া বানিয়ে দেয় !

একাদশ দৃশ্য

জুর্দন খাঁর স্ত্রী, খেলাৎ খাঁ, রোষনী বিবি, কবলু খাঁ, নকুলিয়া ।

জু-স্ত্রী। খেলাৎ খাঁ! তোমাকে দেখে বড় খুসি হলুম, ঠিক সময়ে এসেছ । আমার স্বামী এখন আসবেন, সেই সময় রোষনীকে বিবাহ করব তুমি ইচ্ছুক, এই কথা তাঁকে বোলো ।
 খে। আহা! বিবিসাহেব! তোমার এই কথা আমার কি মিষ্টিই লাগল—আমার এখন কত আশাই হচ্ছে! তিনি কি আমার অমুকুলে উত্তর দেবেন মনে হয় ?

দ্বাদশ দৃশ্য

খেলাৎ খাঁ, জুর্দন খাঁ, জুর্দনের স্ত্রী, রোষনী বিবি, কবলু খাঁ, নকুলিয়া ।

খে। মহাশয়, আপনার কাছে একটি নিবেদন আছে । অনেক দিন থেকে আমি ভাবছি, বলব । তার উপর আমার নিজের স্বার্থ এতদূর নির্ভর করছে যে, আর না বোলে থাকতে পারছি

নে। তবে আর কোন গোরচন্দ্রিকা না করেই আপনার কাছে এই নিবেদন করছি যে, আপনার জামাতা হতে আমার অত্যন্ত বাসনা। আমার এই বিনীত নিবেদনটি আপনি অগ্রহ ক'রে গ্রাহ্য করুন।

জু। তোমাকে উত্তর দেবার পূর্বে আমি জানতে চাই, তুমি একজন বড়লোক কি না।

খে। এই প্রশ্ন জিজ্ঞাসা করলে অধিকাংশ লোকে বড় একটা ইতস্ততঃ করে না—তখনই উত্তর দেয়। ঐ নামে পরিচয় দিতে কেউ সঙ্কুচিত হয় না। বিশেষতঃ আজ-কালের এই রকম কেমন একটা ধরণ হয়েছে। কিন্তু আমার এ সম্বন্ধে বিলক্ষণ একটু সংকোচ বোধ হয়। আমার এই মত যে, সর্বপ্রকার ভণ্ডামিই ভদ্রলোকের অযোগ্য। আল্লা আমাদের যে অবস্থায় জন্ম দিয়েছেন, তা গোপন করা, অতের পদবী অপহরণ ক'রে লোকের কাছে আপনার বোলে পরিচয় দেওয়াটা অতি নীচ জঘন্য কাজ। যে পিতা-মাতা হতে আমি জন্মগ্রহণ করেছি, তাঁরা অবশ্য ভাল ভাল কাজই করেছিলেন, আর আমিও ৬ বৎসর ধ'রে সৈন্য-শ্রেণীর মধ্যে সজ্জমের সহিত কাজ ক'রে এসেছি। আমার যে ধন-সম্পত্তি আছে, তাতেও লোকের কাছে এক রকম বেশ মুখ রাখা যায়; কিন্তু এ সকল সব্বও আমি এমন নাম নিতে ইচ্ছে করিনে, যা আমার নিজের নয়—না মশায়, আমি স্পষ্টই বলছি, আমি বড় লোক নই।

জু। তবে বিদায় হও, আমার মেয়ে তোমার জন্ত নয়।

খে। কেন?

জু। তুমি বড় লোক নও; তুমি আমার মেয়েকে পেতে পার না।

জু-স্ত্রী। তুমি যে বড় লোক বড় লোক করছ, বড় লোকের মানেটা কি বল দিকি? আমরা কি নবাব সেরাজদ্দৌলার বংশ?

জু। চূপ কর স্ত্রী; তুমি কি বলতে যাচ্ছ, আমি বুঝিছি।

জু-স্ত্রী। সামান্য দোকানদারদের ঘরে কি আমাদের জন্ম, না?

জু। সে ছষ্ট লোকের মধ্যে রটনা।

জু-স্ত্রী। আমাদের ছজনেরই বাপ কি দোকানদার ছিলেন না?

জু। মরু মাগী! ও কথা কি আর ফুরোবে না? তোমার বাপ যদি দোকানদার হন, তবে সেটা তাঁর পক্ষে বড় ভাল কথা নয়; কিন্তু আমার কথা যদি বল, তো লোকে যদি তাঁর বিষয় ওরকম বলে, সে না জেনে শুনেই বোলে থাকে। যাই হোক, আমার এখন বক্তব্য এই, আমি একটি বড়লোক জামাই চাই।

জু-স্ত্রী। আমার ইচ্ছে, তোমার মেয়ের জন্ত এমন একটি বর এনে দেও যে, তার উপযুক্ত হবে; একজন কদাকার ভিক্ষুক বড়লোকের চেয়ে, ভাল দেখতে, টাকা-কড়ি-ওয়ালী এক জন সামান্য ভদ্র লোকের ছেলেও চের ভাল।

ন। সে কথা সত্যি। আমাদের গায়ে এক জন জমিদারের ছেলে আছে, তার মত কদাকার বোকা লোক আমি কোথাও দেখি নি।

জু। (নকুলিয়ার প্রতি) চূপ কর, বেয়াদব! তুই সারা দিন তেড়ে-ফুঁড়ে আমাদের কথার মধ্যে আদিস কেন বল দিকি? (স্ত্রীর প্রতি) আমার মেয়ের জন্ত আমার যথেষ্ট টাকাকড়ি আছে; আমার কেবল এখন মানের অভাব। তাই আমার মেয়েকে আমি নবাবের বেগম করুতে চাই।


জু-স্ত্রী। বেগম?

জু। হাঁ, বেগম।

জু-স্ত্রী। হা! আল্লা যেন তা না করেন।

জু। সে আমি করবই প্রতিজ্ঞা করেছি।

জু-স্ত্রী। আমি তো ও কথায় কখনই মত দেব না। যতই বড়লোক হোক না কেন, তাদের সঙ্গে কুটুম্বিতায় অনেক রকম অসুবিধে। আমি এ চাই নে যে, আমার জামাই আমার মেয়েকে তার বাপ-মায়ের বংশ নিয়ে খোঁটা দিবে, আর তার যে ছেলে-পিলে হবে, তারা আমাকে দিদিমা বলতে লজ্জা বোধ করবে। যদি আমার মেয়ে কোন সময়ে বেগমের মত পোবাক পোরে লোক-লস্কর নিয়ে আমার সঙ্গে দেখা করতে আসে, আর যদি দৈবাৎ পাড়ার কাউকে সেলাম করতে ডুলে যায়, তখন লোকে কত কি কথা বলবে। তারা বলবে, "এখন বেগম হয়ে ওর অহঙ্কারটা



একবার দেখেছ? ও জুর্দনের মেয়ে, ও ছোট
ব্যালায় আমাদের সঙ্গে গিল্লি-গিল্লী খেলা খেলতে
পেলে কত বোর্ডে যেত, ও কখনই ও রকম
বড়লোক ছিল না, ওর বাপ-দাদারা তো বড়-
বাজারে কাপড় বিক্রী করত। তারা ছেলেপুলে-
দের জন্য অনেক টাকা জমিয়ে গেছে, আর তার
জন্য এখন পরকালেও বোধ হয় জবাব দিতে
হচ্ছে; কারণ, সংপথে থেকে কখনই অত ধনী
হতে পারত না”—আমি এই সব কথা শুনে
চাইনে। আমি এমন লোক চাই, যাকে আমার
মেয়ে দিলে সে আমার কাছে বাধিত থাকবে,
আর যাকে আমি অনায়াসে বলতে পারব,
“জামাই এইখানে বোসো, বোসে আমার সঙ্গে
একত্র থাক।”

জু। যাদের মন অতি ছোট, তারাই ঐ রকম ক’রে
বলে—তারা চিরকালই নীচু হয়ে থাকতে ভাল-
বাসে।—স্বাধো, আমার কথায় আর জবাব
দিও না বলছি!—লোকে যাই বলুক না কেন,
আমার মেয়ে নবাবের বেগম হবেই; আর যদি
তুমি আমাকে রাগিয়ে দেও, তা হ’লে আমি
তাকে বাদশার বেগম করব।

ত্রয়োদশ দৃশ্য

জুর্দনের স্ত্রী, রোযনীবিবি, খেলাং খাঁ, নকুলিয়া,
কবলু খাঁ।

জু-স্ত্রী। এখনও ভরসা ছেড়ে না। (রোযনীর
প্রতি) বাছা, আমার সঙ্গে আর; আর খুব
জেন্দ ক’রে তোর বাপকে বল যে, খেলাং খাঁকে
ভিন্ন তুই আর কাউকে বিয়ে করবি নে।

চতুর্দশ দৃশ্য

খেলাং খাঁ, কবলু খাঁ।

ক। দেলু-দরিয়া রকমের কথা-বার্তা কয়ে আপনি
তো দিব্যি কাজ গুছিয়েছেন দেখছি!
খে। আমাকে তুই কি বলাতে চাস্ বল দিকি?
ও বিষয়ে আমার যে সন্দেহ, তা কারও কথায়
যাবার নয়।

ক। আপনি করছেন কি? ঐ রকম লোকের
সঙ্গে কি গস্তীরভাবে কাজ করতে হয়? আপনি
কি দেখছেন না ও একটা আন্তো পাগল?
ওর একটু মন যুগিয়ে যদি চলেন, তা হ’লে
আপনার লোকসানটা কি?

খে। তাও বটে—তুই ঠিক বলেছিস্; আমি আগে
জানতুম না যে, জুর্দনের জামাই হতে গেলে
বড়লোকের পরিচয় দেওয়া আবশ্যিক।

ক। (হাসিয়া) হা! হা! হা!

খে। হাসছিস্ কেন?

ক। তা করলে বড় মজাই হয়।

খে। কি করলে?

ক। সম্প্রতি আমাদের একটা সঙের যাত্রা হয়ে
গেছে, সেইটে এখন বেশ কাজে দেখবে। ঐ
বুড়ো পাগলটাকে নিয়ে একটা রং-তামাসা করা
যাক। যদিও যে মতলবটা করেছি, একটু যার
বুদ্ধি আছে, সেই তা বুঝতে পারে, কিন্তু ও
লোকটার কাছে যা ইচ্ছে তাই বেমালুম চালানো
যায়। বেশি ফিকির-টিকির করতে হয় না।
যা ওকে বুঝিয়ে দেওয়া যাবে, তাই ও বিশ্বাস
করবে। সাজবার লোকও আছে, সাজও মজুত
আছে; আমাকে আপনি এখন কেবল কাজটা
করতে দিন।

খে। কিন্তু আমাকে আগে বল—

ক। আমি এখন সব বলছি। এখন এখান থেকে
যাওয়া যাক, বুড়োটা এই দিকে আবার আসছে।

পঞ্চদশ দৃশ্য

জুর্দন খাঁ একাকী।

জু। এর মানে কি? বড়লোকের কথা বোলে
লোকে আমাকে কেবল ঠাট্টা করে; কিন্তু আমি
দেখছি, বড় লোকদের সঙ্গে মেশার চেয়ে ভাল
কাজ আর কিছুই নেই। তাদের ওখানে যেমন
ভদ্রতা ও সম্মান, এমন আর কোথাও নেই;
আর, রাজা কিম্বা মহারাজা হয়ে জন্মতে গেলে,
যদি আমার হাতের ছুটো আসুল কেটে ফেলতে
হয়, তাতেও আমি রাজি আছি।

ষোড়শ দৃশ্য

জুর্দন খাঁ, এক জন পেয়াদা ।

পে। হজুর, এক জন বেগমের হাত ধরে এক জন নবাব এসেছেন ।

জু। আ! কি সর্বনাশ! আমার যে এখনও কতকগুলো হুকুম দিতে হবে। তাঁদের বল, আমি এখনি আসছি।

সপ্তদশ দৃশ্য

বেগম দেলুমনিয়া, নবাব দৌলৎ খাঁ,
এক জন পেয়াদা ।

পে। আমাদের কর্তা বলেন যে, তিনি এখনি আসছেন।

দৌ। আচ্ছা, বেশ।

অষ্টাদশ দৃশ্য ।

দেলুমনিয়া, দৌলৎ খাঁ ।

দেলু। দৌলত! কাজটা কতদূর সফল, আমি ঠিক বুঝতে পারছি নে; যে বাড়ীর কাউকেই আমি চিনি নে, সে বাড়ীতে তোমার সঙ্গে আসাটা আমার ভারি অস্বস্তি তৈরি করেছে।

দৌ। বেগম! তোমাকে খাওয়ার জন্য তবু কোন্ জায়গাটা ঠিক করব বল দিকি? কারণ, গোলমাল এড়াবার জন্য, তুমি খানাটা নিজের বাড়ীতেও হাতে দিতে চাও না—আবার আমার বাড়ীতেও দিতে চাও না।

দে। আচ্ছা, তুমি কি স্বীকার কর না, কেমন আশ্চর্য্য তোমার প্রেমের উপহারটি নিতে আমাকে রাজি করিয়েছিলে? আমি যতই নেব না বোলে বারণ করে পাঠাই, তুমি ততই জেদ করতে লাগলে—আমি শেষে ক্রান্ত হয়ে পড়লেম! আর তোমার কি এক রকম ভদ্রতার একগুঁয়েমি আছে, যে তাতে করে তোমার যা ইচ্ছে তাতেই এক জনকে আশ্চর্য্য আশ্চর্য্য লওয়াতে পার। প্রথম তো ঘন ঘন আমার বাড়ী আসতে আরম্ভ

করলে, তার পরে তোমার মনের ভাব প্রকাশ করলে, তার পরে আমার নামে ভালবাসার গান বেঁধে পাঠাতে লাগলে—তার পর আমোদ-প্রমোদে নিমগ্ন করতে লাগলে—তার পর উপহার পাঠাতে লাগলে—আমি ও-সব-তাতেই বাধা দিয়েছিলুম, কিন্তু তুমি তো হটবার লোক নও;—আশ্চর্য্য আশ্চর্য্য, এক পা এক পা করে এগিয়ে আমার প্রতিজ্ঞা ভেঙ্গে দিলে। আর আমার নিজের উপর কিছুই ভরসা নেই। এখন আমার এই বিশ্বাস, শেষে তোমার সঙ্গে বিবাহ করতে পর্য্যন্ত আমাকে রাজি করাবে—যা আমার আদর্শে ইচ্ছে নেই।

দৌ। বল কি বেগম, ও কাজটা করে ফেলাই উচিত। তুমি বিধবা মানুষ; নিজেই ঘরের কর্তা, আর, আমিও আমার ঘরের কর্তা। চাখ, আমি তোমাকে প্রাণের চেয়েও ভালবাসি। তবে কেন বল দেখি আমাকে সুখী না করবে?

দে। তুমি বল কি দৌলত, হুজনে একত্রে সুখে জীবন কাটাতে গেলে, উভয় পক্ষেই ভাল ভাল গুণ থাকা চাই। পৃথিবীর মধ্যে যারা খুব সুবোধ লোক, তাদেরও মধ্যে এমন সুখের যুগল মিলন কখনই ঘটতে পারে না—যাতে তারা একেবারে সুখী হতে পারে।

দৌ। বেগম, তুমি ক্ষেপেচ না কি, অত বাধা-বিষ কি আগে থাকতে মনে করতে আছে? আর তুমি ভুক্তভোগী হয়ে যা শিখেছ, তা যে সব অবস্থায় খাটবে, তাও তো নয়।

দে। আমি আবার সেই কথায় আসছি, আমার জন্তে তুমি যে সব খরচ কর, তাতে আমার হুই কারণে ভাবনা হয়। প্রথমতঃ আমার ইচ্ছের বিরুদ্ধে তোমার সঙ্গে জড়িয়ে পড়ছি—আর দ্বিতীয়তঃ (রাগ কোরো না) আমার জন্য খরচ-পত্র করে তোমারও অনেকটা জড়িয়ে পড়তে হচ্ছে, কিন্তু আমার তা ইচ্ছে নয়।

দৌ। আ! বেগম, ও সব কোন কাজের কথা নয়—আর ও রকম করে—

দে। আমি যা বলছি, তা ঠিকই বলছি। তা হাড়া, যে হীরেটা জোর করে আমাকে দিয়েছ, তার যে রকম দাম—

দৌ। ও জিনিসের আবার দাম কি? আমার



ভাগবাসার তুলনায় ও জিনিসের এত কম মূল্য
যে, আমি তোমার যোগ্য ব'লেই মনে করি নে,
আর তোমার কাছে এই মিনতি—এই যে এই
বাড়ীর মালিক এই দিকে আসছে।

ঊনবিংশ দৃশ্য

জুর্দন খাঁ, দেলুমনিয়া, দৌলৎ খাঁ।

জু। (জুইবার সেলাম করিতে না করিতে, দেল-
মনিয়া অতি নিকটে আসিয়া পড়ায়) বেগম,
আর একটু দূরে।

দৌ। সে কি ?

জু। এক পা পিছিয়ে যেতে আজ্ঞে হয়।

দৌ। সে কি ?

জু। তৃতীয় বারের সেলামটা নেবার জন্তে একটু
পিছু হটুন।

দৌ। হাঁ হাঁ, কি রকম খাতির করতে হয়, জুর্দন
তা বেশ জানেন।

জু। বেগম, এ আমার বড় নসিবের কথা যে, আমার
উপর আপনার এতদূর মেহেরবানি, যে মেহের-
বানি ক'রে আমার বাড়ীতে শুভাগমন ক'রে
এতটা মেহেরবানি দেখাচ্ছেন। আর আমার
যদি এতটা গুণ থাকতো যে আপনার গুণের
যোগ্য গুণজ হ'তে পারতাম, আর যদি আল্লা—

দৌ। জুর্দন, যথেষ্ট হয়েছে। বেগম বেশী প্রশংসা
ভালবাসেন না—আপনি যে এক জন সুরনিক
লোক, তা উনি বেশ জানেন। (দেলুমনিয়ার
প্রতি মুহূর্তে) ও এক জন ভালমানুষ গ্রাম্য
দোকানদার, ওর ধরণ ধারণে ভারি হাসি পায়।

দৌ। (দৌলতের প্রতি মুহূর্তে) তা বুঝতে আমার
বড় বাকি নেই।

দৌ। বেগম, ইনি আমার একজন পরম বন্ধু।

জু। ওরূপ বলায় আপনার যথেষ্ট মেহেরবানি
প্রকাশ পাচ্ছে।

দৌ। ইনি খুব এক জন রসিক পুরুষ।

দৌ। ওঁর উপর আমার বিশেষ শ্রদ্ধা আছে।

জু। বেগম, এখনও আমি এমন কিছু করি নি,
যাতে এ অমুগ্রহের যোগ্য হ'তে পারি।

দৌ। (জুর্দনের প্রতি মুহূর্তে) দেখো সাবধান,

যে হীরেটা তুমি দান করেছ, সে হীরের কথা
যেন পেড়ো না।

জু। (দৌলতের প্রতি মুহূর্তে) কেমন তাঁর
লাগল, এ কথাটাও কি তাঁকে জিজ্ঞাসা করতে
পারি নে ?

দৌ। (জুর্দনের প্রতি মুহূর্তে) না না—ও বিষয়ে
বিশেষ সাবধান থেকো! ও কথা বলে ভারি
চাষাড়ে রকম হবে বড় লোকের মত কাজ
করতে হ'লে এই রকম দেখাতে হবে—যেন ঐ
উপহার তুমি দেও নি। (প্রকাশ্যে) বেগম,
জুর্দন বলেন যে, আপনি ওঁর বাড়ীতে আসায়
উনি ভারি খুসি হয়েছেন।

দৌ। উনি আমার খুব খাতির করছেন।

জু। (দৌলতের প্রতি মুহূর্তে) মশায়, আমার
হয়ে ওঁর কাছে এই রকম বলায় আমি আপনার
কাছে অত্যন্ত বাধিত হলাম।

দৌ। (জুর্দনের প্রতি মুহূর্তে) দেখ, অনেক কষ্টে
আমি ওঁকে এখানে এনেছি।

জু। (দৌলতের প্রতি মুহূর্তে) এর জন্তে আপ-
নাকে বহুত বহুত সেলাম।

দৌ। বেগম, ইনি বলছেন যে, আপনার মত সুন্দরী
উনি পৃথিবীর মধ্যে কাউকে দেখেন নি।

দৌ। আমার উপর যথেষ্ট অমুগ্রহ, আর—

দৌ। এখন তবে খাওয়া-দাওয়ার চেষ্টা দেখা যাক।

বিংশ দৃশ্য

জুর্দন খাঁ, দেলুমনিয়া, দৌলৎ খাঁ ও এক জন পেয়াদা।

দৌ। (জুর্দনের প্রতি) হজুর, সব প্রস্তুত।

দৌ। এসো ভাব আহায়ে বসা যাক; আর গাইয়ে-
বাঝিয়েদের এখানে আসতে বলা হোক।

একবিংশ দৃশ্য

নৃত্য-নাট্য। (৩ জন গায়ক নাচিতে নাচিতে
আসিয়া নানা প্রকার খাণ্ড-সামগ্রী আনিয়া
স্থাপন)।

চতুর্থ অঙ্ক

প্রথম দৃশ্য

দেলুমনিয়া, জুর্দন, দৌলৎ, তিন জন গায়ক,
এক জন পেয়ালা।

দে। বাস্তবিক দৌলত, এ যে খুব জমকালো খানার
আয়োজন হয়েছে।

জু। আপনি বলেন কি বেগম, আপনার যোগ্য
কিছুই হয় নি।

(দেলুমনিয়া, জুর্দন, দৌলৎ এবং তিন জন গায়ক
আহারে উপবেশন)

দৌ। বেগম, জুর্দন যা বলছেন, তা ঠিক, এ
আয়োজন আপনার উপযুক্ত নয়। এ খানা
আমি জুকুম দিয়েছিলাম, তাই তেমন ভাল হয়
নি। যদি আমাদের বন্ধু এ খানার জুকুম
দিতেন, তা হ'লে অনেক ভাল হ'ত। এ সব বিচ্ছে
আমার বড় আসে না—জুর্দন ঠিক বলেছেন যে,
এ খানার আয়োজন আপনার যোগ্য হয় নি।

দে। এর উত্তর আর কি দেব, যে রকম আহার
কচ্ছি, তাতেই যথেষ্ট উত্তর দেওয়া হচ্ছে।

জু। আহা, হাত দুখানি কি সুন্দর!

দে। হাত এমনই কি ভাল, তবে হাতে যে হীরেটা
আছে, তার কথা যদি বলেন, হাঁ, সেটা সুন্দর
বটে।

জু। আমি বেগম?—আমি হীরের কথা পাড়ব?—
প্রাণান্তেও না—আল্লা যেন তা হ'তে আমাকে
রক্ষা করেন। তা হলে তো ভদ্রলোকের মত
কাজ করা হবে না; আর হীরেটার মূল্য এমন
কিছুই নয়।

দে। আপনার দেখছি ভারি উচু নজর।

জু। সে আপনার মেহেরবানি—

দৌ। (জুর্দনকে ইসারা করিয়া) আরে কে
আহিস, জুর্দনকে আর এই ভদ্রলোকদের
একটু মদ দেওয়া হোক না। ওঁরা অহুঁত
ক'রে একটা মদের গান গাইতে আরম্ভ করুন।

দে। ভাল ভোজের সঙ্গে ভাল গানবাজনা যেমন
চাটনি হয়, এমন আর কিছু না—যা হোক,
আমাদের আয়োজনটা বেশ হয়েছে।

জু। বেগম, এতো—

দৌ। জুর্দন, এখন এসো আমরা চূপ ক'রে গুনি—
আমরা যাই কথা কই না কেন, তার চেয়ে এই
গায়ক মহাশয়দের কথা অবশি সকলের বেশি
ভাল লাগবে।

(হস্তে পেয়ালা ধরিয়া প্রথম ও দ্বিতীয় গায়ক একত্রে)

ঢাল সুরা প্রিয়ে; ওই চারু করে

মদিরার পাত্র আহা কিবা শোভা ধরে!

মদিরা প্রমদা মিলে প্রাণ করে খুন

বিগুণ জ্বালিয়ে দিয়া প্রেমের আগুন।

এসো তবে তুমি আমি সুরা তিন জনে

পরস্পরে বাধি মোরা প্রেমের বন্ধনে।

সুধা সুধাময় মিশি অধর-সুধায়,

অধর লাবণ্য ধরে সুধার প্রভায়।

দুয়েতেই তুয়া মোর, বড় হয় সুখ

দিতে যদি পারি ছুয়ে সটান চুসুক।

এসো তবে তুমি আমি সুরা তিন জনে

পরস্পরে বাধি মোরা প্রেমের বন্ধনে।

(দ্বিতীয় ও তৃতীয় গায়ক একত্রে)

সবে মিলে এস ভাই সুরা করি পান

সময় বহিয়া যায় নাহি কি সে স্তান?

ঢালো সুরা ঢালো সুরা

পাত্র কর ডরপুরা,

ক'রে লও সুখ, দেহে যত দিন প্রাণ।

পার হ'তে হবে যদি, ঘোর বৈতরণী নদী,

ফেলে যেতে হবে মদ সে নদীর তটে;

এই বেলা কর পান যত দিন আছে প্রাণ,

চিরকাল পান করা কার ভাগ্যে ঘটে?

করুক না মূর্খ তত্ত্ববাগীশের দল

সুখ-দুঃখ-তত্ত্ব নিয়ে ঘোর কোলাহল,

দেখাক না নানা যুক্তি, লইয়ে নির্কাণ মুক্তি,

মোদের নির্কাণ মুক্তি পেয়ালার মাঝে,

আমাদের সুখ যত সেথাই বিরাজে;

ধন যান প্রিয় জন, তাদের কি প্রয়োজন,

জীবনের সুখ তারা পারে কি বাড়াতে?

সংসারে দেখ'ত চেয়ে, কি আছে মদের চেয়ে,

জীবনের দুখ জ্বালা ভাবনা তাড়াতে?

(তিন জনে একত্রে)

ঢালু সুরা ঢালু সাকী, সময় ত নাই বাকী,

ঢালু ঢালু আরো ঢালু ঢালু ঢাকারস,

যতক্ষণ নাহি বলি, বস্ বস্ বস্।

দে। এর চেয়ে ভাল গান আর হ'তে পারে না—
বড় সরেশ!

জু। কিন্তু বেগম, ওর চেয়েও যে একটি ভাল চিৎ
আমার সামনে দেখছি!

দে। বাহবা! জুর্দন সাহেব যে এত রসিক, তা
আমি জানতাম না।

দৌ। বল কি বেগম, তুমি তবে জুর্দনকে কি ঠাওরে
ছিলে?

জু। আমার ইচ্ছে, আমি ওঁকে যে রকমটি বলব,
উনি আমাকে সেই রকমটি ঠাওরান।

দে। আবার যে একটা রসিকতা!

দৌ। (দেলমনিয়ার প্রতি) তুমি ওঁকে চেনো না।

জু। যখন ওঁর ইচ্ছে হবে, তখনি উনি চিনবেন।

দে। না, আমি হার মানলেম।

দৌ। কথায় ওঁর সঙ্গে পারবার জো কি, জবাব
একেবারে হাতে হাতে। আর তুমি কি দেখতে
পাচ্ছ না বেগম, তুমি যে সকল খাবার জিনিস
পর্য করছ, উনি তাই খাচ্ছেন।

দে। যাই হোক, জুর্দন সাহেবকে দেখে আমি
একেবারে মোহিত হয়ে গিয়েছি।

জু। আমি যদি আপনার হৃদয়কে মোহিত করতে
পারতাম, তা হ'লে—

দ্বিতীয় দৃশ্য

জুর্দনের স্ত্রী, জুর্দন, দেলমনিয়া, দৌলত,
গায়কগণ, পেরাদা।

জু-স্ত্রী। বাঃ! বাঃ! এই যে, অনেক লোকজন
নিমন্ত্রণ ক'রে আনা হয়েছে। আমি বেশ
দেখতে পাচ্ছি, আমি এখানে আসব ব'লে কেউ
মনে করে নি। বলি ও কর্তা, এই কাজটি
গোছাবার জন্তই কি আমাকে আমার বোনের
বাড়িতে পাঠাতে তোমার এত মাথাব্যথা
হয়েছিল? নীচে একটা নাটক হচ্ছিল—এই
আমি দেখে এলুম, আবার এখানে যেন একটা
বিবাহের ভোজ্য বোসে গেছে। এই রকম
করেই তুমি টাকাগুলি নষ্ট কর। আর, আমার
অবর্তমানে এই রকম ক'রে তুমি বাইরের অল্প
মেয়েদের এনে ভোজ্য দেও, গান শোনাও, নাটক

দেখাও, আর আমাকে কি না তুমি সেই সময়
অল্প জায়গায় চালান কর।

দৌ। তুমি কি বলছ বিবিসাহেব? এ তোমার
মাথায় কি ক'রে এল বল দেখি যে, তোমার
স্বামীই এই সব খরচ করেছেন, আর এই
বেগমকে খাওয়াচ্ছেন? আমিই এই সব খরচ
করেছি। উনি কেবল আমাকে ওঁর বাড়ীটা
ধার দিয়েছেন এই মাত্র—তুমি কি কথা বলছ,
একটু ভাল ক'রে বিবেচনা ক'রে দেখ।

জু। হাঁ বেয়াদব, নবাব সাহেবই এই বেগমকে
ভোজ্য দিচ্ছেন। বেগম এক জন মস্ত লোক, আর
নবাব সাহেব অল্পগ্রহ ক'রে আমার বাড়ী ধার
নিয়েছেন আর আমাকেও এইখানে আজ
থাকতে নিমন্ত্রণ করেছেন।

জু-স্ত্রী।—ও সব কোন কাজের কথা নয়—আমি যা
বুঝিছি, তা ঠিকই বুঝিছি।

দৌ। বিবিসাহেব, আসল জিনিসটা কি, একবার
চশমা দিয়ে ভাল ক'রে দেখ।

জু-স্ত্রী। আমার চশমার দরকার নেই—আমি বেশ
পষ্ট দেখতে পাচ্ছি। আসল ব্যাপারের আঁচ
আমি অনেক দিন থেকেই পেয়েছি, আমি তে
আর একটা জানোয়ার নই। এত বড় লোক
হয়ে তুমি যে আমার স্বামীর পাগলামিতে সাহায্য
কর, এ তোমার ভারি অজায়। আর তুমি বেগম
বড় ঘরের স্ত্রীলোক হয়ে যে একটি সংসারের
মধ্যে ঝগড়া বাধিয়ে দিচ্ছ, আর তোমার প্রেমে
পড়তে আমার স্বামীকে উৎসাহ দিচ্ছ, এ
তোমার মত লোকের উচিতও নয়, উপযুক্তও নয়।

দে। এ সকলের অর্থ কি? দৌলত, তোমার ভারি
অজায় যে তুমি আমাকে এখানে এনে ঐ মুখ-
ফোঁড় স্ত্রীলোকের কাছে থেকে অনর্থক কতকগুলি
কথা শোনালে।

দৌ। (প্রস্থানোদ্যত দেলমনিয়ার অল্পসরণ করিয়া)
বেগম, বেগম, কোথায় বাও?

জু। যেও না বেগম—নবাব সাহেব, আমার হয়ে
হু কথা বেগমকে বল, আর ওঁকে ফিরিয়ে
আনবারও চেষ্টা কর।

তৃতীয় দৃশ্য

জুর্দনের স্ত্রী, জুর্দন, পেয়াদা।

জু। বেয়াদব কোথাকারে, বড় কাজই করেছ। সকলের সামনে আমাকে অপমান করলে, আর বড় লোকদের কি না আমার বাড়ী থেকে তাড়িয়ে দিলে!

জু-স্ত্রী। বড় লোক না মাথা!

জু। হতভাগী কোথাকারে! তুই যে এসে এই খানার মজলিসটা ভেঙ্গে দিলি, এই খানার বাকি জিনিসগুল তোর মাথায় ছুড়ে মাথাটা যে এখনো ভেঙ্গে দিই নি, এই তোর পরম ভাগ্য।

(পেয়াদার খাদ্য-সরঞ্জাম লইয়া প্রস্থান।)

জু-স্ত্রী। (প্রস্থান করিতে করিতে) ও কথা আমি গ্রাহ্যের মধ্যে আনি নে। আমার নিজের যা হক, আমি তা বজায় রাখব, আর এ বিষয়ে স্ত্রীলোকমাত্রেই আমার দিকে হবে।

জু। এখন পালিয়ে গিয়ে রক্ষা পেলি—আমার এমন রাগ হয়েছে যে—

চতুর্থ দৃশ্য

জুর্দন একাকী।

কি কুক্ষণেই রায়বাঘিনীটা এসে পড়েছিল। কত মজার মজার কথা আমার মাথায় এগেছিল— এমন রসিকতার ভাব আমার মনে জন্মেও কখন হয় নি! ও আবার কি?

পঞ্চম দৃশ্য

জুর্দন, ছদ্মবেশধারী কবলু খা।

ক। মশায়, আপনি আমাকে জানেন কি না বলতে পারিনে।

জু। না মশায়।

ক। (হস্তের ইঙ্গিতে পরিমাণ নির্দেশ করিয়া) আপনি যখন এইটুকু ছিলেন, তখন আপনাকে আমি দেখেছি।

জু। আমাকে?

ক। হাঁ। আপনার মত সুন্দর ছেলে পৃথিবীতে ছিল না, স্ত্রীলোকেরা আপনাকে দেখলেই কোলে নিয়ে কত চুমো খেতো।

জু। আমাকে চুমো খেতো?

ক। হাঁ। আপনার স্বর্গীয় পিতা ঠাকুরের আমি এক জন পরম বন্ধু ছিলাম।

জু। আমার স্বর্গীয় পিতার?

ক। হাঁ। তিনি এক জন খুব বড় লোক ছিলেন।

জু। কি বোলে?

ক। হাঁ, আমি বলছি, তিনি এক জন খুব বড় লোক ছিলেন।

জু। আমার বাপ?

ক। হাঁ।

জু। তুমি তাঁকে ভাল রকম জানতে?

ক। খুব ভাল জানতেম।

জু। আর তুমি জানতে যে, তিনি বড় লোক ছিলেন?

ক। তার সন্দেহ নাই।

জু। তবে লোকগুল কি রকমের, আমি তো কিছুই বুঝতে পারি নে।

ক। কেন?

জু। এমন কতকগুলি পাগল আছে, যারা বলে যে, আমার বাপ দোকান্দার ছিলেন।

ক। তিনি দোকান্দার? সে কেবল লোকের মিথ্যা নিন্দা, তিনি কখন তা ছিলেন না। তিনি যা করতেন, সে কেবল লোকের উপকারের জন্ত। তিনি কাপড়-টাপড় চিন্তেন ভাল, তাই তিনি নানা স্থান থেকে পছন্দ করে সেই সকল কাপড় বাড়ী আনতেন, আর, কিঞ্চিৎ লাভ রেখে তাঁর বন্ধুদের দান করতেন।

জু। তোমার সঙ্গে পরিচয় হওয়ায় আমি ভাবি খুসি হলাম। আমার বাপ যে বড় লোক ছিলেন, তার এক জন সাক্ষী এত দিনে পাওয়া গেল।

ক। সমস্ত জগতের কাছে আমি এর সাক্ষী দেব।

জু। তা হলে তুমি আমাকে বড় বাধিত করবে।

এখন কি জন্ত আসা হয়েছে?

ক। সেই বড় লোক আপনার স্বর্গীয় পিতার সঙ্গে পরিচয় হবার পর আমি ভূ-প্রাঞ্চল করতে বেরিয়েছিলুম।

জু। কিসের দক্ষিণ বলে? বোধ হয়, সে খুব দূর-দেশ?

ক। হাঁ, নিশ্চয়ই। আমি সবে চারি দিন হল সেই
দূরদেশ থেকে এসেছি। আর আপনাদের
সংক্রান্ত সকল বিষয়েরই আমি খোঁজ রাখি কি
না, তাই একটা ভারি স্মৃ-খবর আপনাকে দিতে
এসেছি।

জু। কি স্মৃ-খবর ?

ক। আপনি জানেন যে, তুর্কের বাদসার ছেলে
এখানে আছেন ?

জু। আমি ?—তৈক না।

ক। সে কি ! অনেক লোক-লস্কর আসবাব সঙ্গে
এসেছে, সহরশুদ্ধ লোক যে তা দেখতে যান—
আর তিনি আমাদের দেশে খুব বড়লোক বলে
মান পেয়েছেন।

জু। আল্লার কসম, এ কথা আমি জানতেম না।

ক। আর আপনার পক্ষে সুবিধে এই যে, আপনার
কন্টার উপর তাঁর মন পড়েছে।

জু। তুর্ক বাদসাজাদার ?

ক। হাঁ, তিনি আপনার জামাতা হতে চান !

জু। বাদসার পুত্র আমার জামাতা ?

ক। হাঁ, তুর্ক বাদসার পুত্র আপনার জামাতা।
আমি যখন দেখা করতে গিয়েছিলেম,—আমি
তাঁর ভাষা বুঝি কি না—তাঁর সঙ্গে অনেকক্ষণ ধরে
কথা-বার্তা হয়েছিল। অল্প অল্প কথার মধ্যে তিনি
আমাকে বল্লেন—“আক্লিগাম্ ক্রক্ সলেব অঞ্চ
আলা মুস্তাক গিদেলুম, আমানাহেম বারাহিনী
উস্‌সেরে কার্বুলথ” অর্থাৎ একটা সুন্দরীকে কি
তুমি দেখনি ? তিনি হচ্ছেন সহরের এক জন বড়
লোক জুর্দন সাহেবের কন্টা।

জু। তুর্কের বাদসা আমার কথা এই রকম বল্লেন ?

ক। হাঁ। তার পর যখন আমি তাঁকে উত্তর দিলুম
যে, তাঁর সঙ্গে আমার বিশেষ পরিচয় আছে,
আপনার মেয়েকে আমি দেখেছি, তিনি তখন
বল্লেন, “মারাবাবা সাহেম” অর্থাৎ আমি তার
প্রেমে হাবুডুবু খাচ্ছি।

জু। “মারাবাবা সাহেম” এই কথার মানে আমি
তার প্রেমে হাবুডুবু খাচ্ছি ?

ক। হাঁ।

জু। আল্লার কসম, তুমি এ কথা বোলে খুব ভাল
করলে। কেন না, আমি কখনই বিশ্বাস করতে
পারতুম না যে, “মারাবাবা সাহেমের” মানে

হচ্ছে আমি তার প্রেমে হাবুডুবু খাচ্ছি। বাঃ!
তুর্ক ভাষাটা কি চমৎকার !

ক। ভারি চমৎকার ! আপনি কি জানেন,
“কাকারাকামুধেন্” কাকে বলে ?

জু। কাকারাকামুধেন্ ?—না।

ক। তার মানে হচ্ছে আমার প্রিয় আত্মা।

জু। কাকারাকামুধেনের মানে হচ্ছে আমার প্রিয়
আত্মা ?

ক। হাঁ।

জু। বাঃ কি চমৎকার ! “কাকারাকামুধেন্” আমার
প্রিয় আত্মা। কখনো কি ও কথা কেউ বলে ?
আমি তো কিছুই বুঝতে পাচ্ছি নে।

ক। আমার ঘটকালি তবে শেষ করি। তিনি আপ-
নার কন্টার পাণিগ্রহণে অভিলাষী হয়েছেন। আর
তাঁর পুত্রের যোগ্য শশুর করবার জন্ত তিনি
আপনাকে “মামামুধি” করতে ইচ্ছা করেন। এই
“মামামুধি” হচ্ছে তাঁর দেশের একটা মস্ত
খেতাব।

জু। মামামুধি ?

ক। হাঁ, মামামুধি, অর্থাৎ আমাদের ভাষায় যাকে
নবাব বাহাদুর বলে। মামামুধির মত অমন
মস্ত খেতাব আর নাই—পৃথিবীর যত বড় লোক
আছে, আপনি তা হলে তাদের সমকক্ষ হবেন।

জু। তুর্কের বাদসা তা হলে আমাকে তো খুব মান
দিয়েছেন। এখন তোমার কাছে আমার এই
প্রার্থনা যে, তুমি আমাকে একবার তাঁর ওখানে
নিরে চল—আমি নিজে গিয়ে তাঁকে ধন্যবাদ
দেব।

ক। ঐ যে ! তিনি নিজেই এখানে এসেছেন
দেখছি।

জু। তিনি এখানে এসেছেন ?

ক। হাঁ ! আর আপনাকে সেই খেতাব দেবার
জন্ত যে সব সরঞ্জামের দরকার, তাও সঙ্গে
এনেছেন।

জু। বাঃ ! এর মধ্যেই ?

ক। তাঁর যে রকম অহুরাগ, তাতে বিলম্ব তাঁর
আদর্শে সোজে না।

জু। এখন আমার কেবল এই ভাবনা হয়েছে যে,
আমার মেয়েটা বড় একগুঁয়ে, তার এই জেদ
হয়েছে যে, খেলাত খাঁ বোলে একটা কে লোক

আছে, তাকে ভিন্ন সে আর কাউকে বিয়ে করবে না।

ক। দেখবেন, সেই তুর্ক বাদসার ছেলেকে দেখলেই তার মন বোললে যাবে। আর একটা বড় মজা হয়েছে, তুর্ক বাদসার ছেলেকে খানিকটা খেলাত খাঁর মত দেখতে। আমি খেলাত খাঁকে দেখেছি। সুতরাং তার উপর যে ভালবাসা হয়েছে, তা ওর থেকে গিয়ে শাজাদার উপর অনায়াসে পড়তে পারে—বোধ হয়, তিনি এসেছেন—এই যে!

ষষ্ঠ দৃশ্য

তুর্কবেশে খেলাত ; তিন জন দাস, খেলাতের পরিচ্ছদ ধরিয়া জুর্দন, কবলু।

খে। আব্দুসাহিম্ অকি বোরাক্, জদিনা, সালা-মালেকি।

ক। (জুর্দনের প্রতি) অর্থাৎ “জুর্দন সাহেব, তোমার হৃদয় সমস্ত বৎসর একটি প্রফুল্ল গোলাপের মত হোক”। ওদের দেশে এই রকম ভদ্রতার কথা।

জু। আমি শাহেন শা শাজাদার অতি বিনীত দাস।

ক। কারিগার কাছোডা উস্তিন মোরাক্।

খে। উস্তিন্‌ইয়ক্ কাতামালেকি বাসম বাসে আল্লা-মোরান্।

ক। উনি বলছেন, ভগবান যেন আপনাকে সিংহের ছায় বলবান আর সর্পের ছায় চতুর করেন।

জু। শাজাদা আমাকে খুব মান দিচ্ছেন, আমি তাঁর সর্বপ্রকার উন্নতি কামনা করি।

ক। ওমা বিনামেন সাউক বাবাল্লি ওয়াকাক্ উরাম।

খে। বেল্‌মেন।

ক। উনি বলছেন যে, আপনি শীঘ্র শীঘ্র ওঁর সঙ্গে গিয়ে এই অস্থানের উদ্বোধন করুন, তার পরে উনি আপনার কছাকে দেখবেন—দেখে বিবাহ-কার্য শেষ করবেন।

জু। এতগুলি ব্যাপার ঐ হুই কথায় ?

ক। হাঁ। তুর্ক ভাষাটাই ঐ রকমের, অল্প কথায় অনেক বলা যায়—উনি যেখানে আপনাকে নিয়ে যেতে চাচ্ছেন, শীঘ্র আপনার সেখানে যান।

সপ্তম দৃশ্য

কবলু একাকী।

বড় মজাই হয়েছে! কি ঠকানটা ঠকেছে! সমস্ত কথা মুখস্থ থাকলেও কেউ এমন সরেশ অভিনয় করতে পারতো না। হাঃ হাঃ হাঃ!

অষ্টম দৃশ্য

দৌলৎ, কবলু।

ক। মহাশয়, আপনি অনুগ্রহ করে আমাদের এই কাজটায় একটু সাহায্য করবেন ?

দৌ। (হাস্ত) হাঃ হাঃ হাঃ! কবলু, কার সাখা তোকে চেনে ? কি চমৎকার সেজেছিস্।

ক। দেখুন—হাঃ হাঃ হাঃ!

দৌ। হাসছিস্ কেন ?

ক। মহাশয়, সেটা হাসবারই বিষয়।

দৌ। কি রকম ?

ক। আমার মনিবের সঙ্গে যাতে জুর্দন তাঁর মেয়ের বিবাহ দেন, তার কি ফিকির হতে পারে, আপনি আন্সাজ ক’রে বলুন দেখি।

দৌ। সে ফিকিরটা আমি ঠাওরাতে পাচ্ছি। তবে এই পর্যন্ত বুঝতে পাচ্ছি যে, তুই যখন এর ভার নিয়েছিস, তখন নিশ্চয়ই সফল হবে।

ক। আপনার কাছে সে আনোয়ারটা যে অপরিচিত নয়, তা জানি।

দৌ। ব্যাপারটা কি, আমাকে বল।

ক। আপনি কষ্ট ক’রে একটু তফাতে যান—ঐ ওয়া সবাই আসছে—আপনি দেখে কতকটা বুঝতে পারবেন—বাকিটা পরে আপনাকে মুখে বলব।

নবম দৃশ্য

তুর্ক অস্থান, মুফতি, দবেশ, মুফতির সহকারিগণ।

(নাচিতে নাচিতে গাহিতে গাহিতে প্রবেশ)

দশম দৃশ্য

মুক্তি, দরবেশ প্রভৃতি।

জুর্দন। (তুর্ক পরিচ্ছদ পরিধান, মস্তক মুণ্ডিত)।

মুক্তি। (জুর্দনের প্রতি)

সে তি সাবির

তি রেস পন্দির

সে নন সাবির

তাজির তাজির।

(এই জন দরবেশ জুর্দনকে একটু দূরে
লইয়া গিয়া)মুক্তি। দিবে, কিষ্টার রিস্তা? আনাবাতিস্তা?
আনাবাতিস্তা?

তুর্কগণ। ইয়ক।

মুক্তি। জইদিস্তা।

তুর্কগণ। ইয়ক।

মুক্তি। ককিতা?

তুর্কগণ। ইয়ক।

মুক্তি। জমিতা? মবিসটা? ক্রনিস্তা?

তুর্কগণ। ইয়ক, ইয়ক, ইয়ক।

মুক্তি। হালাবা বালা স্ত বালাবা।

তুর্কগণ। হালাবা বালা স্ত বালাবা বালাদা।

একাদশ দৃশ্য

মুক্তি। (জুর্দনের মাথায় একটা প্রকাণ্ড পাগড়ি
পরায়্যা, তাকে হাটু গাড়িয়া বসাইয়া তাহার
পৃষ্ঠে কোরান চাপাইয়া—উচ্চৈঃস্বরে উর্দুকিকে
বাহুদ্বয় প্রসারিত করিয়া—হ!)

তুর্কগণ। হ হ হ!

জু। (পৃষ্ঠ হইতে কোরান নামাইয়া লইলে পর)
আ! বাচা গেল।—মুক্তি। (জুর্দনকে তলোয়ার দান) দারা দারা
বাস্তোনারা।

তুর্কগণ। দারা দারা বাস্তোনারা।

পঞ্চম অঙ্ক

প্রথম দৃশ্য

জুর্দন ও জুর্দনের স্ত্রী।

জু-স্ত্রী। ও মা, এ কি! এ কি সর্বনাশ! এ কি
মূর্তি! এ রকম ক'রে বাদর সাজিয়ে দিলে কে?
জু। বেয়াদব্ কোথাকারে, এক জন মামামুশিকে
তুমি এই রকম ক'রে বল?

জু-স্ত্রী। সে কি?

জু। হাঁ, এখন আমাকে সকলের মাগ্ন করতে হবে
—এখন আমি মামামুশি হয়েছি।

জু-স্ত্রী। ওর মানে কি?—মামামুশিটা কি আবার?

জু। মামামুশি—মামামুশি।

জু-স্ত্রী। সে কি রকম জানোয়ার?

জু। মামামুশি অর্থাৎ আমাদের ভাষায় যাকে
নবাব-বাহাদুর বলে।

জু-স্ত্রী। কি! নবাব বাদর?

জু। আরে মুখু! আমি বলছি নবাব-বাহাদুর।
এই মাত্র সবাই ধরে-বেঁধে আমাকে নবাব-
বাহাদুর ক'রে দিলে। তারই এতক্ষণ অহুষ্ঠান
হচ্ছিল।

জু-স্ত্রী। সে কি রকম অহুষ্ঠান?

জু। দারা দারা বাস্তোনারা।

জু-স্ত্রী। তার মানে কি?

জু। সে তি সাবির, তি রেসপন্দির।

জু-স্ত্রী। সে কি?

জু। সে নন সাবির, তাজির তাজির।

জু-স্ত্রী। ও সব কি ছাই-ভস্ম বলছ?

জু। ইয়ক ইয়ক ইয়ক।

জু। ওসবের মানে কি?

জু। (গাইতে ও নাচিতে নাচিতে) হুলা বা
বালাস্ত, বালাবা বালাহা। (ভূমিতলে পড়িয়া)জু-স্ত্রী। ও মা! কি হবে! আমার স্বামী কেপে
গেছে!জু। (উঠিয়া ও যাইতে যাইতে) চূপ বেয়াদব,
মামামুশি-সাহেবকে মাগ্ন ক'রে কথা বল।জু-স্ত্রী। (একাকী) কি ক'রে পাগল হলেন?
আমি দৌড়ে যাই, বাড়ী থেকে না বেরিয়ে যান।
(দেলমনিয়া ও দৌলত খাঁকে দেখিতে পাইয়া)

* এই সকল দৃশ্য একটু সংক্ষেপে করা গিয়াছে।

যা বাকি ছিল, তাও এইবার হবে দেখছি!
—চারিদিকেই বিপদ।

দৌ। হাঁ, বেগম, এমন মজার ব্যাপার তুমি কখন দেখিনি—আর আমার মনে হয় না যে, ছনিয়ার মধ্যে ও লোকটার মত পাগল আর কেউ আছে। এখন খেলাতের যাতে বিবাহটা ঘটে, সে বিষয়ে আমাদের চেষ্টা করতে হবে, আর যখন ছদ্মবেশ ক'রে আসবে, তখন তাতে আমাদের একটু পোষকতা করতে হবে। সে লোকটা বড় ভাল, সে সাহায্য পাবার যোগ্য।

দে। তার উপর আমার খুব শ্রদ্ধা আছে, তার মনস্কামনা পূর্ণ হলেই ভাল।

দৌ। তা ছাড়া, এখানে একটা আমাদের গীতিনাট্য হবে—সেটাও তোমায় দেখতে হবে—আমি যেটা কল্পনায় করেছিলুম, সেটা কাজে ঠিক, হল কি না, তাও দেখা দরকার।

দে। ওখানে আমি দেখেছিলুম ভারি জমকালো রকম আয়োজন হচ্ছে—কিন্তু দৌলত, এ সকল আর সস্থ করা যায় না। হাঁ, আমি এইবার তোমার এই খরচের ছড়াছড়ি বন্ধ ক'রে দেব, তুমি আমার জন্তু যে রকম অজস্র খরচ কর, তার শ্রোত বন্ধ ক'রে দেবার জন্তু আমি এই প্রতিজ্ঞা করেছি যে, শীঘ্রই তোমার সঙ্গে আমি বিবাহ করব।

দৌ। আ! বেগম—এ কখন হতে পারে যে, তুমি আমার জন্য এই রকম মধুর প্রতিজ্ঞা করবে?

দে। তোমার যাতে সর্বনাশ না হয়, এই জন্যই আমি বিবাহ করতে রাজি হচ্ছি—তা না হলে আমি বেশ দেখতে পাচ্ছি, আর দিন কতক পরে একটা পয়সাও তোমার হাতে থাকবে না।

দৌ। বেগম, আমার টাকা বাঁচাবার জন্য যে তোমার এত ভাবনা, তাতে তোমার কাছে আমি অত্যন্ত বাধিত হলাম। আমার হৃদয় যেমন, তেমনি আমার সমস্ত ধন-সম্পত্তিও তোমার—আর তোমার যা ইচ্ছে, সেই রকম ক'রে তার ব্যবহার করতে পারবে।

দে। আমি ছয়েরই ভাল ব্যবহার করব। কিন্তু এই যে কর্তা আসছেন! চমৎকার মুর্তি হয়েছে যে!

দ্বিতীয় দৃশ্য

জুর্দন, দেলুমনিয়া, দৌলত।

দৌ। আপনার নূতন পদের সম্মান করতে, আর তুর্করাজার ছেলের সঙ্গে যে আপনার মেয়ের বিবাহ হবে, তাতে আহ্লাদ প্রকাশ করতে আমরা ছুজনে এসেছি।

জু। (তুর্ক-ধরণে বন্দেগি করিয়া) মহাশয়! আমি ইচ্ছা করি যে, আপনি সর্পের ন্যায় বলবান আর সিংহের ন্যায় চতুর হোন্।

দে। প্রথমে যার কথা বল্লেন, আমরা তারই গায় আপনার এই উচ্চ পদোন্নতিতে আহ্লাদ প্রকাশ করতে এসেছি।

জু। বেগম, আমি ইচ্ছা করি, তুমি সারা বৎসর প্রফুল্ল গোলাপ হয়ে থাক। আমার পদোন্নতিতে যে আহ্লাদ প্রকাশ করছ, এজন্যে আমি অত্যন্ত বাধিত হলাম—আর তুমি এখানে ফিরে এসেছ বোলে আমি ভারি খুসি হলাম। আমার স্ত্রী যে রকম বাড়াবাড়ি করেছিল, তার জন্য মার্জনা চাইতে অবসর পেলুম।

দে। সে কিছুই নয়, তাঁর ও রকম ব্যবহারে আমি কিছুই মনে করিনি। আপনার মত হৃদয় তাঁর নিকট নিশ্চয়ই খুব মূল্যবান, আর এমন রত্ন পেয়ে তাঁর যে পদে পদে হারাবার আশঙ্কা হবে, তাতে আর আশ্চর্য্য কি!


জু। বেগম-সাহেব! আমার হৃদয়, সে তুমিই অধিকার করেছ।

দৌ। দেখ বেগম, সম্পদে যারা অন্ধ হয়, সে রকম ধরণের লোক জুর্দন সাহেব নন। এখন যে তাঁর এত উচ্চপদ হয়েছে, তবু দ্যাখো, উনি বন্ধুদের ভোলেন নি।

দে। ও মহৎ অন্তঃকরণেরই লক্ষণ।

দৌ। ভাল, শাজাদা এখন কোথায়? আমরা হচ্ছি আপনার বন্ধু, তাঁর সম্মান করা আমাদের কর্তব্য কাজ।

জু। এই যে, উনি আসছেন! আর তাঁর সঙ্গে বিবাহ দেবার জন্তু আমার মেয়েকে ডাকতে পাঠিয়েছি।



তৃতীয় দৃশ্য

জুর্দন, দেলমনিয়া, দৌলত, তুর্কবেশধারী খেলাৎ।

দৌ। (খেলাতের প্রতি) আপনার শ্রীচরণে আমাদের বহুত বহুত সেলাম। আমরা আপনার খণ্ডরের বন্ধু, আমাদের বিনীত অভিবাদন গ্রহণ করুন।

জু। তোমাদের পরিচয় দেবার জন্ত, আর তোমরা যা বলবে, তা বুঝিয়ে দেবার জন্ত দ্বিভাষীর আবশ্যক—কোথায় সেই দ্বিভাষী? তোমরা দেখো, তোমাদের কথার উনি উত্তর দেবেন এখন—সেই লোকটি বড় চমৎকার তুর্কভাষা কইতে পারেন। ও হে! কোন্ চুলোর সেই দ্বিভাষীটা গেল বল দিকি?

জু। (খেলাতের প্রতি) জুফ্ জুফ্ জুফ্ জুফ্! ইয়ে—সাহেব, বড়া সাহেব, বড়া সাহেব; ইয়ে—বেগম বড়া বেগম (বুঝাইতে পারিতেছেন না দেখিয়া) আ! (খেলাতের নিকট দৌলতকে অল্পলি-নির্দেশ-পূর্বক দেখাইয়া) মশায়, উনি এক জন এদেশী মামামুঘী। আর উনি হচ্ছেন বিদেশী মামামুঘিনী। এর চেয়ে ভাল ক'রে আমি তো আর বোঝাতে পারিনে। এই যে দ্বিভাষী এসেছে, এখন বেশ হবে।

চতুর্থ দৃশ্য

জুর্দন, দেলমনিয়া, দৌলত, তুর্কপরিচ্ছদধারী খেলাৎ, ছদ্মবেশী কবলু।

জু। কোথায় যাচ্ছ হে? তুমি না থাকলে আমরা কিছুই কথা কোইতে পারব না। (খেলাতকে দেখাইয়া) ভাল, ওঁকে একটু বুঝিয়ে বল দেখি যে, এঁরা হচ্ছেন বড় লোক—আর আমার বন্ধু বোলে ওঁরা ওঁকে সেলাম দিতে এসেছেন (দরিমেন ও দৌলতের প্রতি) দেখো কেমন উত্তর দেবে এখন।

ক। আমাবামা জেকিয়াম আককি বোরাম আলাবাসেন।

খে। কাতালেকি তুবাল উরিন সোতের আমালুহান।

জু। (দেলমনিয়া ও দৌলতের প্রতি) দেখেছ?

ক। উনি বোলছেন সম্পদের বৃষ্টি যেন সকল সময়ে আপনার পরিবার-বাগানে জল দেয়।

জু। আমি তো তোমাদের আগেই বলেছিলুম যে, উনি তুর্ক ভাষা চমৎকার বোলতে পারেন।

দে। বাঃ! বড় চমৎকার!

পঞ্চম দৃশ্য।

রোষণী বিবি, খেলাৎ, জুর্দন, দেলমনিয়া, দৌলত ও কবলু।

জু। এসো বাছা; কাছে এসো, এঁর হাতে হাত দেও—ইনি তোমার বিবাহের প্রার্থী হয়ে তোমার মান বাড়চ্ছেন।

রো। একি! বাবা! একি রকম অদ্ভুত সাজে সেজেছ? তুমি কি যাত্রার সং সাজতে যাচ্ছ না কি?

জু। না, না, এ যাত্রা নয়; এ ভারি গস্তীর বিষয়—আর এতে বাছা তোমার যেমন মান হচ্ছে, এমন আর কিছুতে নয়। (খেলাতকে দেখাইয়া) ইনিই তোমার বর।

রো। আমার বর, বাবা?

জু। হাঁ, তোমার। এই এসো, তোমার হাতে আমি ওঁকে সঁপে দিলুম—আর এই স্নুখের জন্ত আল্লাকে ধন্যবাদ দেও।

রো। আমার বিয়ে করতে ইচ্ছে নেই।

জু। আমি তোমার বাপ, আমার এই ইচ্ছে।

রো। আমি তা কিছুতেই করব না।

জু। আঃ! কি গোলমাল! এসো আমি বলছি—হাত দেও।

রো। না, বাবা; আমি তো তোমাকে বলেছি, খেলাত ভিন্ন আর কারও সঙ্গে কেউই আমাকে জোর ক'রে বিয়ে দিতে পারবে না; আর আমি প্রতিজ্ঞা করেছি যে, বরং আমি সব অত্যাচার সহ্য করব, তবু—(খেলাতকে চিনিত্তে পারিয়া) সত্যি বটে, তুমিই আমার বাবা; তোমার আজ্ঞা পালন করা সম্পূর্ণরূপে আমার উচিত—এখন তোমার যা ইচ্ছে তাই করতে পার।

জু। আয়, এত শীঘ্রি যে তোমার কর্তব্য জ্ঞান ফিরে এসেছে, এতে বড় আমি খুসি হলুম; এমন আজ্ঞাকারী মেয়ে কখন কারু হবে না।

শষ্ঠ দৃশ্য

জুর্দনের স্ত্রী, খেলাৎ, জুর্দন, রোযনী, দৌলৎ,
দেলুমনিয়া, কবলু।

জু-স্ত্রী। ব্যাপারটা কি বল দেখি? এ সব কি?
শুনতে পাচ্ছি নাকি তুমি একজন বোবার সঙ্গে
আমার মেয়ের বিয়ে দেবে?

জু। তুমি কি চুপ করবে বেয়াদব? সকল কথাতেই
তোমার না থাকলে চলে না কি? কিছুতেই কি
তোমার একটু বুদ্ধি-শুদ্ধি হবে না?

জু-স্ত্রী। আমার বুদ্ধি হবে না, না তোমার বুদ্ধি হবে
না—তোমার পাগলামি ক্রমেই দেখছি বাড়ছে
—এ সব লোকজন কিসের জন্ত?

জু। আমি তুর্ক-রাজার ছেলের সঙ্গে আমার মেয়ের
বিয়ে দেব।

জু-স্ত্রী। তুর্ক-রাজার ছেলের সঙ্গে?

জু। (কবলুকে দেখাইয়া) হাঁ। এই দ্বিভাবীর
সাহায্য নিয়ে তুমি একটু ওঁর সঙ্গে কথাবার্তা
কও।

জু-স্ত্রী। আমার দ্বিভাবীর দরকার নেই, আমি
নিজেই ওঁর মুখের সামনে বলব যে, ও আমার
মেয়েকে কখনই পাবে না।

জু। ফের আমি বলছি, তুমি কি চুপ করবে?

দৌ। কি! বিবিসাহেব! এমন মানের কাজে
তুমি বাধা দিচ্ছ? শাস্তাদাকে তোমার জামাই
করতে সঙ্গত হচ্ছ না?

জু-স্ত্রী। কি আপদ! নবাব সাহেব, তুমি আপনার
চরকায় তেল দেও না।

দৌ। এমন সৌভাগ্যকে অগ্রাহ করতে নেই।

জু-স্ত্রী। বেগম-সাহেব, তোমাকেও বলছি, তোমার
এতো মাথাব্যথায় কাজ নেই।

দৌ। বন্ধুত্ব আছে বোলেই তোমাদের ভাল-মন্দ
দেখতে হয়।

জু-স্ত্রী। তোমার বন্ধুত্ব আমার দরকার নেই।

দৌ। তোমার মেয়েও তো বাপের মতে মত
দিয়েছে।

জু-স্ত্রী। এক জন তুর্ককে বিয়ে করতে আমার মেয়ের
মত হয়েছে?

দৌ। নিশ্চয়ই।

জু-স্ত্রী। খেলাতকে সে ভুলতে পারে?

দৌ। বড় লোকের স্ত্রী হবার জন্ত কি না করতে
পারে?

জু-স্ত্রী। ও রকম কাজ করলে আমি তার গলা টিপে
মেরে ফেলি।

জু। আঃ! ভাল বকড় বকড় আরম্ভ করেছে।
আমি বলছি, এই বিবাহ হতেই হবে।

জু-স্ত্রী। আমি বলছি, কখনই হবে না।

জু। আঃ! কি গোলমাল!

দৌ। মা!

জু-স্ত্রী। যা যাঃ! তুইও ওই দলের।

জু। (জু-স্ত্রীর প্রতি) যে মেয়ে আমার এমন আত্মা-
কারী, তার সঙ্গে তুমি ঝগড়া কচ্ছ?

জু-স্ত্রী। হাঁ। ও যেমন তোমার মেয়ে, তেমনি
আমারও মেয়ে।

ক। (জু-স্ত্রীর প্রতি) বিবিসাহেব!

জু-স্ত্রী। কি তুমি আমাকে বলতে চাও?

ক। একটি কথা।

জু-স্ত্রী। তোমার কথায় আমার কাজ নেই।

ক। (জুর্দনের প্রতি) মশায়, যদি উনি গোপনে
আমার একটি কথা শোনেন, তা হ'লে নিশ্চয়
বলছি, এই বিবাহে মত দেবেন।

জু-স্ত্রী। আমি কখনই মত দেব না।

ক। ভাল, একবারটি শুনুন।

জু-স্ত্রী। না—আমি শুনতে চাই নে।

জু। উনি তোমাকে বলবেন—

জু-স্ত্রী। ওর কোন কথাই আমি শুনতে
চাইনে।

জু। স্ত্রীলোকের কি ভয়ানক একগুঁয়েমি! ওঁর
কথা একবারটি শুনলে কি তোমার কান পোচে
যাবে?

ক। একবারটি কেবল শুনুন। তার পর যা ইচ্ছে,
তাই করবেন।

জু-স্ত্রী। আচ্ছা! কি?—বল।

ক। (জু-স্ত্রীর প্রতি চুপি চুপি) বিবিসাহেব, এক
ঘণ্টা ধরে তোমাকে ইসারা করছি—এ তুমি
বুঝতে পাচ্ছ না যে, তোমার স্বামীর মন
যোগাবার জন্তই এ সব করছি? এই সব সং-
সেজে ঠেকে ভোলাচ্ছি—খেলাতই তুর্ক-রাজার
ছেলে সেজেছে।

জু-স্ত্রী। (কবলুর প্রতি চুপি চুপি) অ্যা!—অ্যা!

ক। (জু-স্ত্রীর প্রতি চুপি চুপি) আর আমি
কবলু দ্বিভাষী সেজেছি।

জু-স্ত্রী। (কবলুর প্রতি চুপি চুপি) অ্যা! এই রকম
ব্যাপার হয়েছে? তবে আর কি।

জু-স্ত্রী। (জু-স্ত্রীর প্রতি চুপি চুপি) তুমি বিবি-
সাহেব মে এসব টের পেয়েছ, যেন প্রকাশ না
হয়।

জু-স্ত্রী। (প্রকাণ্ডে) আচ্ছা, ভাল, তাই হোক, আমি
এই বিবাহে মত দিলেম।

জু। আ! সকলেরই এখন বুদ্ধিশুদ্ধি ফিরে আসছে
দেখছি। (জু-স্ত্রীর প্রতি) দেখ, তুমি তখন ওঁর
কথা শুন্তে চাচ্ছিলে না। আমি বেশ বুঝতে
পেরেছিলুম যে, তুর্ক-রাজার ছেলে যে কি চাঁদ,
তাই উনি তখন বুঝিয়ে দিতে চাচ্ছিলেন।

জু-স্ত্রী। উনি আমাকে সব বুঝিয়ে দিয়েছেন—আমি
এখন সন্তুষ্ট হয়েছি। এখন একজন মোল্লা ডাকা
যাক!

দৌ। ঠিক বলেছেন। আরও আপনি সন্তুষ্ট হবেন—
যখন শুন্বেন যে, আপনার স্বামীর উপর আপ-
নার যে সন্দেহ হয়েছিল, তা ভঙ্গন করবার জন্ত,

সেই একই মোল্লার দ্বারা এই বেগমের সঙ্গে
আমারও বিবাহকার্য সম্পন্ন হবে।

জু-স্ত্রী। এতেও আমি মত দিলুম।

জু। (দৌলতের প্রতি চুপি চুপি) আমার স্ত্রীকে
বিশ্বাস করাবার জন্ত বুঝি?

দৌ। (জুর্দনের প্রতি) বিবিসাহেবকে ভোগা
দেওয়া যাচ্ছে।

জু। (চুপি চুপি) বেশ বেশ! (উঠেঃ) কে
আছি—শীঘ্রই মোল্লা ডেকে নিয়ে আয়।

দৌ। যতক্ষণ না মোল্লা আসে, ততক্ষণ একটু নাচ-
গান ক'রে শাজাদাকে অ্যামোদ দেওয়া হোক না।

জু। বেশ মংলব ঠাওরেছ। এস আমরা নিজের
নিজের জায়গায় বসি।

জু-স্ত্রী। এখন নকুলিয়ার কি হবে?

জু। ওকে আমি ঐ দ্বিভাষীর হাতে সোঁপে দিলুম;
আর আমার স্ত্রীকে? কেন, যে চায়, তারই
হাতে। হাঃ হাঃ হাঃ!

ক। মশায়ের যথেষ্ট অহুগ্রহ (জনাস্তিকে) এর চেয়েও
যদি কোন বেশী পাগল থাকে, সে কেবল উলোয়।

—নৃত্য-গীত—

সমাপ্ত

কিঞ্চিৎ জলযোগ !

প্রহসন

জ্যোতিরিন্দ্রনাথ ঠাকুর প্রণীত

নাট্যোল্লিখিত ব্যক্তিগণ

বাবু পূর্ণচন্দ্র	একজন ডাক্তার
বিধুমুখী ঘোষ	পূর্ণ বাবুর স্ত্রী
পেঙ্গুরাম	একজন বেকার লোক
ভোলা	পূর্ণ বাবুর পুরাতন ভৃত্য
আর একজন ভৃত্য।			

কিঞ্চিৎ জলযোগ !

প্রথমস্ক

প্রথম গর্ভাস্ক।

পূর্ণবাবুর বৈঠকখানা—চেয়ার, টেবিল, আয়না,
কৌচ, ঘড়ি প্রভৃতি দ্বারা সুসজ্জীভূত।

এই ঘরের প্রবেশ-দ্বারের সম্মুখে ভোলা গুইয়া
কখন মহাভারত পাঠ করিতেছে, কখন হাই
তুলিতেছে, কখনও বা ঘড়ির দিকে
দৃষ্টিপাত করিতেছে।

ভোলা। (ঘড়ির দিকে দৃষ্টিপাত করিয়া) ও হরি!
(হাই তুলিয়া) সবে অ্যাড্ডা, অ্যাহ্ন পাচড়ার
মধ্য আলি হয়? আজ কাল কতাদির আর
গিল্লিডির এইরূপই চলছে! আ! সে এক কাল
গ্যাছে, যখন কতাদির বিয়া হয় নাই, সে কাল
আর ফিরি আসবে না। কাজ নাই, কর্ন নাই,
খাতাম দাতাম আর দিব্যি করি ঘুম মারতাম।
গিল্লিডি য্যান রায়বাধিনী হয়েছেন; কতাকে
ওঠ বুল্লি ওঠেন, বোস্ বুল্লি বসেন। (উঠিয়া
বসিয়া, হাই তুলিয়া, সুর করিয়া মহাভারত
পাঠের উল্লোগ—পুনশ্চ হাই তুলন, তৎপরে
পুস্তক নিক্ষেপ করিয়া) এ ব্যাটার কি বোয়ে
ল্যাখে, সাপ্ নাই, ব্যাং নাই; দূর কর।
(নেপথ্যে পাক্কি-বেহারাদিগের উঁহঁ উঁহঁ শব্দ)
এই যে, পাক্কিতে বুল্লি তারা আলেন! দূর কর,
আর পারা যায় না। যখন ডাক দেবেন অ্যানে,
তখন যাব; অ্যাহ্ন তো এক ছিলিম তামুক
খাই গিয়ে।

[ভোলার প্রস্থান।

ঘরের নিকট অতি দীর্ঘে দীর্ঘে ভয়ে ভয়ে
পেকুরামের আগমন।

পেকুর। (প্রবেশ করিয়া ও ঘরের ভিতর অনেক
লোক জন আছে মনে করিয়া) গোলামকে মাপ্
করুবেন, আমি পথ ভুলে—(তৎপরে ঘরের

চতুর্দিক অবলোকন করিয়া কাহাকেও না দেখিতে
পাওয়ান স্বগত) এখানে যে কাকেও দেখ্ছিনে?
বা! এ কোথায় এসে পড়লেম? একেবল
আমার বাড়ীওয়ালার দোষে এই সব ঘটলো।
সেই ব্যক্তি তাহার কচার বিবাহ উপলক্ষে নাচ
দ্যায়, সেই নাচে আমাকে নিমন্ত্রণ করেছিল;
সে ব্যক্তির সহিত পাছে মনান্তর হয়, এই জ্ঞ
সেখানে গেলেম, না হলে, আমি বড় কোথাও
যেতে টেতে ভালবাসিনে। সেখানে গিয়েছি,
না পড়বি তো পড় একেবারে সেই পাওনাদার
ব্যাটার সম্মুখে গিয়ে পড়েছি। সে ব্যাটা আমার
দিকে কটমট করে তাকাতে লাগলো। ওই
যেমন তাকে দ্যাখা, আর অম্নি সিঁড়ি দিয়ে
ততড় করে নীচে পিটান। সে ব্যাটাও পিছনে
পিছনে ছুটলো! আমাকে আর একটু হলেই
ধরতো আর কি, যদি হঠাৎ একটা ফন্দি মনে না
আসতো। ঐ যে মিরজাপুরে কি স্থানের
গির্জা আছে, সেইখানে দেখি, এক সার
পাক্কি রয়েছে। বেয়ারাওণ মাথায় হাত দিয়ে
ঘুমছে। আমি অম্নি একটা পাক্কিতে ঢুকে
পড়লেম। মনে করলেম, আর এক দরজা দিয়ে
বেরিয়ে পাবা, না, ও মা! আমি সেই পাক্কির
মধ্যে দিয়ে যাব, না বেয়ারাওণ শব্দ শুন্তে
পেয়েই, গা ঝাড়া দিয়ে উঠেই, কথা নেই বার্তা
নেই, পাক্কি কাঁদে করেই উঁহঁ উঁহঁ করে
দৌড়তে লাগলো। আমি যত বলি থাম্ থাম্,
কিছুই শুন্তে পায় না। চুরোটের নেশায় ভেঁ
হয়ে চলেছে—একবার মনে করলেম, লাফিয়ে
পড়ি, কিন্তু আবার মনে হলো, যদি পাওনাদার
ব্যাটা পিছনে পিছনে থাকে; তারপর মনে
করলেম, এক প্রকার ভালই হয়েছে, যেখানে ইচ্ছে
নিয়ে যাক্ না কেন?—এখন তো পাক্কির দরজা
ভাল করে বন্দ করে গট হয়ে বসি, পাওনাদার
ব্যাটা পিছনে পিছনে আর কত দূর ছুটবে?
তারপরে তো এই বাড়ীর উঠানে এসে পাক্কি

নাবালে, কলের পুতুলটির মত আমিও তো
নাবলেম, নেবেই দেখি আমার সামনে একটা
সিঁড়ি উঠেছে। এই সময়ে সেই গণৎকার
ঠাকুরের কথাটা হঠাৎ মনে পড়লো। এই যেমন
মনে পড়া, আর আমিও অমনি ততড় করে
সিঁড়ি দিয়ে উঠে পড়লেম; উঠে তো এই ঘরে
এসেছি, কেউ কোথাও নেই, সেই গণৎকার ঠাকু-
রের কথাটা বুঝি এইবার খাটলো; এই ছয় মাস
ধরে কর্মের চেষ্ঠায় ফিরছি, কোন কর্মই তো
জুটলো না। কিন্তু সেই গণৎকার ঠাকুর, আমার
কামিনীর বাড়ীতে হাত দেপে বলেছিল যে, এক
দিন বেড়াতে বেড়াতে হঠাৎ একটা বাড়ীতে
তুমি গিয়ে পড়বে, সেখানে যদি ভয় না পেয়ে
তিষ্ঠে থাকতে পার, তা হলে তোমার কর্ম
জুটবে।

এ বা বুঝি সেই বাড়ীই হয়, আবার দেখছি
এখানে কেউ নেই, তবে কর্ম দেবে কে? ও
বুঝেছি;—বিধির ফের কে বুঝতে পারে—আমি
শেষে হয় তো এই বাড়ীর মালিক হয়ে দাঁড়াব।
কামিনী তোর কপাল মন্দ, এখন যদি তুই
আমার থাকতিস, তা হলে কৃষ্ণ-রাধার মত
যুগলমূর্তিতে স্মখে দুজনায় এই সোণার গঙ্গায়
বাস কত্তেম। এই চিঠিখানা, যা তোর ঘরে
কুড়িয়ে পেয়েছি, তা দেখে তো বেশ বোধ হচ্ছে
যে, আর একজনের প্রতি তোর মন গ্যাছে।
(পত্র পাঠ) “প্রেরসি! কাল তোমার সঙ্গে
দেখা হবে—প।” প ব্যাটা কে? এর তো
কিছুই সন্দান পাচ্ছিনে। যা হক্, এর সন্দানটা
নিতে হবে। কামিনি! এই কি তোর ধর্ম; এত
দিন খাওয়ালাম পরালাম, শেষকালে কি
না তুই আর এক জনের হলি?

(অগ্ণমনে গান করিতে করিতে)

গীত।

পদী রে! তবু আমি আছি তোর।

এত যে খারাবি করুলি মোর ॥

মেগে পেতে কর্জ করে, খাওয়ালাম পরালাম তোরে,
এখন কেবল বাকি আছে, হতে সিঁদেল চোর ॥

ও বাবা! এ কোথায় এসে পড়েছি, সত্যি সত্যি
কি শেষে এই বাড়ীর মালিক হয়ে দাঁড়াব?

কিন্তু ভিতরটা কেমন কেমন হচ্ছে যে; মন!
সাহস ধর, (বুক ফুলাইয়া সাহসের ভঙ্গিমা)
(নেপথ্যে হঠাৎ প্রহারের ধ্বনি ও উড়ে বেয়ারা-
দিগের “মেরে পকাই দিল, পকাই দিল” ইত্যাদি
শব্দ) ও বাবা! এ আবার কি? এখানে
লোক জন আছে না কি? (ভয়ে কম্পমান ও
ঘর হইতে বাহিরে গিয়া এক বারান্দায় উপস্থিত)
এখন দিয়ে কোথায় যাওয়া যায়, দেখা যাক।
(পলাইবার পথ অন্বেষণ) এমন বিপদেও লোকে
পড়ে গা; হা কামিনি! এইবার বুঝি—

[পেরুরামের প্রস্থান।

পূর্ণ ডাক্তার ও তার স্ত্রী বিধুমুখী ঘোষের প্রবেশ।

বিধুমুখী। আজ ভাই যে কি বিপদে পড়েছিলাম,
তা ঈশ্বর জানেন। দৈবাৎ কখন কেউ একটু
মাতাল হল, তা নয় সওয়া যায়; কিন্তু ব্যাটারা
এরূপ ঘোর পাপপঙ্কে নিমগ্ন, সংসারের ঘন
মোহে আচ্ছন্ন, হৃদয় এরূপ গুরু, ও পাপ-তাপে
অসাড় হইয়া গ্যাছে, যে মদমত্ত হয়ে, আমাকে
না নিয়েই স্বচ্ছন্দে পাকিটা নিয়ে উড়ে বেহারাগুণ
চলে গেল।

পূর্ণ। (তঁাহার টুপি ও চাপকান খুলিয়া টেবিলের
উপর রাখিয়া তরলভাবে) মাই ডিয়ার্ ডার্লিং,
কি বিষয় তুমি লেক্চার দিচ্ছ বাবা? মদনমত্ত
হয়ে এসেছ, এই বলছ? মদনমত্ত হয়েছ, বেশ
কথা। আমি তোমার তো মদনমোহন রয়েছি,
(আপনাকে অঙ্গুলির দ্বারা প্রদর্শন)

বিধু। ও কি তুমি পাগলের মত বকছ, ও কি
সব অশ্লীল কথা মুখে আনছো?

পূর্ণ। ও বাবা! অথের স্ত্রীলিঙ্গ অশ্বিনী, আবার
ব্যাকরণ! ঘাট হয়েছে!

বিধু। তুমি ঈশ্বরকে সাক্ষী করে অঙ্গীকার
করেছিলে যে, আর কখন মত্তপান করবে না—
আবার ফের মাতাল হয়েছ?

পূর্ণ। মাতাল! ছেলেব্যালায় ব্যাকরণ পড়েছিলাম
—জ্যা? একটা সন্ধি করব? মাতাল!
মাতা ছিল আল—অর্থাৎ যে জিনিসের দ্বারা
মাথা আল হয়, রোশনাই হয়। আর তাহাই
ধিনি পান করেন, তিনি কে? না মাতাল,
(হাস্ত) হা হা হা হা! হ্যা ডিয়ার, মদ খেলে



কি কখন পাপ হয়, শ্রানজার কাছে এত দিন
লেখচার শুনে কি শেষে এই বিচ্ছেদ হল ?

বিধু। কি? পাপের উপর পাপ? একটা
পাপ করে কোথায় অহুতাপ করবে, না ফের
পাপ! আমাদের পরমগুরু, পরমপূজনীয়, শ্রদ্ধা-
স্পদ, ভক্তিভাজন পাপীর গতি শ্রীপতিতপাবন
সেন মহাশয়কে কি না তুমি শ্রান্জা বলে?
পূর্ণ। স্যান্জা বল্লম এতেও দোষ হল? এই ছাও
ঘাট হয়েছে, আর আমি কথা কব না।
(পার্শ্ব পরিবর্তন)

বিধু। আমার কাছে ঘাট মানুষে কি হবে?

পূর্ণ। ঘাট তবে আর কার কাছে মানবো? তুমিই
তো আমার সর্বস্ব ধন, তুমি যা বল, আমি তাই
শুনি। বলে, সাঁইজির গির্জের যাব, ভাল তাই
যাও! বলে রব্বেনের ওখানে চা খাব, ভাল
তাই খাও। বলে, মেয়েমানুষের স্বাধীনতা
আছে, আমি যেখানে খুসি উড়বো—ভাল তাই
ওড় গিয়ে! আমি কোন্ কথাটা শুনি নি
বল দেখি ডিম্বার? (বিধুমুখীর পদ ধরিয়ে
ক্রন্দন।)

বিধু। ওকি ওকি! ছি ছি ছি! আমার
পায়ে পড়লে কি হবে? একবার অহুতাপ কর,
তা হলেই পাপ ক্ষয় হবে।

পূর্ণ। অহুতাপ করব? তা হলেই মাপ করব।
তাকেমন করে অহুতাপ করব?

বিধু। কেমন করে করবে? উর্জদিকে হস্তোত্তোলন
করে ক্রন্দন করিতে করিতে বল, আর এমন
কর্ম করব না।

পূর্ণ। উর্জদিকে, হস্তোত্তোলন কর্তে কর্তে কৌদল—
কি বলে?

বিধু। না না;—করবোড় করে এই রকম করে
বল যে, আর আমি পাপ করব না!

পূর্ণ। (ক্রন্দনের ছায় স্বর করিয়া) আর আমি
এমন কর্ম করব না।

বিধু। ওঠ। এবার তোমাকে প্রভু মার্জনা করলেন।

পূর্ণ। (নেশা কিঞ্চিৎ উপশম হওয়ার স্বগত)
আ! রাম! বাচলেম! কি দৈব!

পূর্ণর ক্রন্দন শুনিত্তে পাইয়া, তাঁহার পুরাতন বৃদ্ধ
ভৃত্য ভোলা দৌড়িয়া ধরের ভিতর আসিয়া
দেখে, পূর্ণ বিধুমুখীর পদতলে।

ভোলা। কি হয়েছে, কি হয়েছে? কান্না-কাটির
দোর পড়েছে কেন? আমার বাবুরে এই
রাইবাঘিনী সারি ফ্যালো। আমার বাবুরে
দেখছি কি গুণ করেছে! হয়েছে! আমাদের
শ্রাকালে স্বামীর পায়ের ধূলা পালে, ম্যায়েগুলো
বর্তায় যাত! এর কি আশ্পর্কা! জগদম্বার
মত মূর্ত্তি করে দাঁড়িয়ে রয়েছেন, গাহ না!

বিধু। (লজ্জিত হইয়া) ওকি, পায়ের কাছে প'ড়ে
আছ, ঐখানে উঠে ব'স না।

ভোলা। ঠারণ, তোমার আক্কেল ভারি! এতক্ষণ
আমার বাবুরে পায়ের তলায় রাখিছ?

পূর্ণ। (উঠিয়া) আমার সামনে তুই প্রেয়সীকে
অপমান করি, ইউ ইম্পার্টিনেন্ট রেচ? বিগন!
না হ'লে এখনি তোর ঘুসিয়ে হাড় ভেঙ্গে দেব।
যা এখন থেকে।

ভোলা। (নিকটে গিয়া, পূর্ণ বাবুর দাড়ি ধরিয়ে)
আহা! বাছার মুখখানি কাঁদি কাঁদি শুকায়
গ্যাছে! আহা, ল্যাঙ্গটা হয়ে যখন ব্যাড়াতে,
তখন ভোয়া ভোয়া করি আমাকে কত ডাকতে,
আমার কোল ছাড়ি কোথাও নড়তি চাতে না।
তোমার ইঞ্জী কি খাওয়ায়ে যে তোমারে গুণ
কলে, তা বলতি পারি না।

পূর্ণ। আবার এখনও বক্চিস? পালা এখন
থেকে। (মারিতে উজ্জত)

বিধু। থাক, থাক, আর বুড় মানুষকে মাল্লে কি
হবে। সেতে দেও। বুড় পাগলের কথা ধর্তে
নেই।

ভোলা। তোমার ইঞ্জী যে কি গুণ কলে, তা বলতি
পারি না। আহা, সোণার চাঁদেরে যেন গোলাম
করি রাখেছে। গাহ, ইঞ্জী আর কুন্তরে নাই
জ্বালেই বাড়ে চড়ে। স্বাধীনতা স্বাধীনতা করি
যে, কি মন্ত্র তোমার কাণে পড়িল, সেই অবধি
তোমার ইঞ্জী তাধিন্তা তাধিন্তা করি আপনিও
যেহানে সেহানে নাচি বেড়ায়, তোমারেও নাচায়।

পূর্ণ। চোপ রাও, ইউ ড্যাম ফুল, ফের যদি কথা
কবি, তো এই তলবার দিয়ে—

(তলবার উঠাইয়া ভয় প্রদর্শন)

ভোলা। বাপ পুই রে, মলাম রে!

(পলায়ন)

পূর্ণ। আ, বাঁচা গেল, এমন ইম্পাটিনেন্ট চাকর তো দেখিনি!

বিধু। ও অনেক কালে পুরাতন ভৃত্য, তোমাকে মানুষ করেছে, আর বিশেষ খণ্ডর মহাশয় মৃত্যুকালে ব'লে গিয়েছিলেন যে, চাকরটিকে ছাড়াবে না। এই জ্ঞাৎ ওকে কিছু বলিনে, অজ্ঞ ভৃত্য ওরকম বেয়াদবি কলে, তৎক্ষণাৎ আমি তাকে জুতো মেরে তাড়িয়ে দিতাম।

পূর্ণ। আমাকে কোন্ কালে মানুষ করেছিল ব'লে কি ওর এই সকল বেয়াদবি আমাকে সহ্য করতে হবে? তুমি তো ঐ রকম নাই দিয়ে দিয়েই ওর বুদ্ধি বাড়িয়েছ।

বিধু। তা তো বটেই,—যা হোক, যা হয়ে গ্যাছে হয়ে গ্যাছে; আর কেন? এস, এখন তোমার মাতায় একটু জল দিয়ে আনি, তা হ'লে নেশাটা একেবারে ছুটে যাবে।

পূর্ণ। (সচকিত হইয়া) নেশা! মাইরি কোন্ শালার আর নেশা আছে।

বিধু। আবার দিল্লি কচ্ছ? দিল্লি করা ভারি পাপ তা জান?

পূর্ণ। (জিব কাটিয়া) এই! (স্বগত) এর লেকচারের জালায় আর বাঁচিনে। কোন ছুত ক'রে এখন থেকে এখন পালাতে পাঞ্জে হয়।

বিধু। চুপ ক'রে যে বসে রইলে? ওঠ না।

পূর্ণ। (সভয়ে) এই যে উঠছি। (উঠিয়া পশ্চাতে পশ্চাতে গমন।) (স্বগত) তুমি এখন জল ঢালতে পার, যা খুসি তাই করতে পার, এখন তোমার একতারাে আছি বাবা, আর একটু পরে শ্রামবাজারের কামিনীর কাছে যাব, সেখানে গেলে আর তোমাকে কি ভয়? সেখানে গেলে প্রাণটা জুড়াবে। [উভয়ের প্রস্থান।

দ্বিতীয় গর্ভাঙ্ক

পূর্ণবাবুর বৈঠকখানা। :

আত্র মস্তক পূর্ণবাবুকে লইয়া বিধুখুখীর প্রবেশ ও উভয়ের কোঁচে উপবেশন।

পূর্ণ। আমার মদ খাওয়াটা অভ্যাস নাই; আজকের আমার বন্ধুরা ভারি অমুরোধ ক'রে ধরুলে, তাই একটু মুখে ঠেকিয়েছিলেম।

বিধু। (স্বগত) তা কেমন। (প্রকাশে) যা হয়ে গ্যাছে, হয়ে গ্যাছে। অমুরোধ করেছ; আর কেন? আর কেন কখনও খেও না।

পূর্ণ। (স্বগত) অমুরোধ করিয়েই যে ছেড়ে দিলে, এই ঢের! (প্রকাশে) আমি আবার মদ খাব, ইহজন্মে তো আর না। (কিঞ্চিৎকাল মৌন থাকিয়া হঠাৎ) হ্যা, মাইডিয়ার, তুমি উড়ে বেহারাদের কথা তখন কি বলছিলে? আমার তখন মাথা ঘুরছিল ব'লে বুঝতে পারিনি।

বিধু। আমি তখন বলছিলেম কি—যে তোমারই তো দোষ;—

পূর্ণ। (সচকিত হইয়া স্বগত)—আবার কি দোষ ধরে? যত দোষ নন্দ দোষ!

বিধু। তোমার উড়ে বেহারাদের তুমি তো ছাড়াবে না। আজকের মন্দিরের সন্নিহিত হয়ে টয়ে গেলে আমি বেরিয়ে পাকিতে উঠতে যাই, না দেখি, পাকিও নেই, বেহারাও নেই, কেউ কোথাও নেই। অন্ধকার রাজি, কি করি, এমন সময়ে আমাদের প্রচারক মহাশয় প্রেমনাথ বাবু আমাকে এই রকম অবস্থায় দেখতে পেয়ে বজ্রন যে, এস, আমি তোমাকে বাড়ীতে পৌঁছে দেব। আ! আমি তখন বাঁচলেম, তখন আমার মনে হ'ল, যেন প্রভু দীর্ঘশ্রীষ্ট স্বয়ং এসে আমাকে এই বিপদ-সাগর হ'তে উদ্ধার করেন; তারপর তিনি সন্মুহে ভাবে আমার হস্ত ধারণ করে, আমাদের বাড়ীর দরজা পর্যন্ত পৌঁছে দিলেন, তারপর “স্বর্গরাজ্য সন্নি-কট” ব'লে আমার নিকট হ'তে বিদায় ললেন, আমিও ভক্তিভাবে তাঁর পদতলে প্রণাম ক'রে বাটীর মধ্যে ঢুকলেম।

পূর্ণ। (স্বগত) অতি ভক্তি চোরের লক্ষণ! সন্দেহ হচ্ছে, “অন্ধকার রাজি!” আবার “হস্তধারণ ক'রে”? (প্রকাশে) কি বিপদ? ভারি খারাপ তো, বোধ হয় উড়ে বেহারাদের তুমি কি ব'লে দিয়েছিলে, তা তারা বুঝতে পারে নি।

বিধু। খুব সম্ভব; উড়েগুণ যে বোকা! বিশেষ যে বেহারাগুণকে রেখেছ, তারা যদি বাহালার একটা কথা বুঝতে পারে, আর তোমার যেমন বাতিক, কতকগুলি উড়ে ম্যাড়া চাকর রেখেছ, কিছুই কথা বোঝা যায় না।

পূর্ণ। কিন্তু ‘যা বল ডিয়ার—এ তোমার স্বীকার



কতে হবে যে, উড়েদের মধ্যে যেমন পান্ডি-বেহারা
সরেশ হয়, এমন কোন জেতে নয়।

বিধু। তার সন্দেহ কি! আর বিশেষ যার প্রতি
মঞ্চে মন, কিবা হাড়ি কিবা ডোম; (অভিমান
ও স্থানান্তরে উপবেশন।)

পূর্ণ। মাইডিয়াবু, বলতে কি, এ সব বিষয়ে তোমা-
রও দোষ আছে। তখন সেই ভোলা চাকরটা
যে রকম ক'রে বেয়াদপি করেছিল, তা তুমি কিছু
না বলে, বরং তার পোষকতা কলে।

বিধু। ভোলা! অবশ্য আমি তার হয়ে বলব,
তোমার কি? আমি যদি তার কথা সহ্য কতে
পারি। সে কত দিনকার পুরন চাকর, তা
জান, তার কথা কি ধর্তে আছে?

পূর্ণ। তা যেন হ'ল—তাই ব'লে তার বেয়াদপি সহ্য
কতে হবে?

বিধু। উড়ে বেহারাদের কিছু দোষ নেই, আর
ভোলারই যত দোষ হ'ল। আমি ভোলাকে
অবশ্য রাখব, তোমার কি?

পূর্ণ। (স্বগত) আর পারা যায় না, এইবার একটু
চট্টরে দিয়ে শামবাজারে যাবার ফিকির দেখা
যাক, (প্রকাশে) আচ্ছা বেশ, তুমি ভোলাকে
রাখ, আমিও উড়ে বেহারাদের অবশ্য রাখব।
(বিধুর হাই তুলন—পূর্ণ উঠিয়া বস্ত্র পরিধান
করত বিধুর নিকট গমন।)

বিধু। (পূর্ণকে ধরিয়) বুঝেছি! বুঝেছি! তোমার
শামবাজারের সেই লোকটির কাছে যাচ্ছ,
সেখানে প্রায় তুমি তো রোজই যাচ্ছ, তবু কি
তোমার আশ মেটে না?

পূর্ণ। এক জন মাহুঘ মরুছে, তাকে আমি দেখতে
যাব না? এই কি তোমার ধর্ম হ'ল, আর
রোজ রোজ সেখানে কবে যেতে দেখলে
ডিয়াবু?

বিধু। (অভিমানভরে) তুমি এখনই সেখানে যাও।
আর আমি ধ'রে রাখব না। পাপ কলে ঈশ্বরের
কাছে তুমিই দায়ী হবে, আমার কি? আর
বিশেষ তিন চারি বৎসর ধ'রে যে মেয়ে মাহুঘের
সঙ্গে ভাব, তাকে যে এখন তখন দেখতে ইচ্ছে
হবে, তাতেই বা আশ্চর্য্য কি?

পূর্ণ। (টুপি পুনর্বার টেবিলের উপর রাখিয়া ও
বিধুর নিকট বেসিয়া বসিয়া) মাইডিয়াবু, তুমি

বেশ জানবে যে, আমি তোমা ভিন্ন আর কাকেও
ভালবাসিনে।

বিধু। তবে তোমার মতন ভয়ানক মিথ্যাবাদী আর
ছনিয়ায় নেই! শামবাজারের কামিনীর উপর
তোমার যে আসক্তি ছিল, তা এমন কি আমা-
দের বিয়ে হবার আগে লোকে বলাবলি করত।
যা হোক, আমি গত বিষয়ের জন্ত ভাবিনে, এখন
কেবল আমার এই মনে হয় যে, আমাকে বিয়ে
না ক'রে যদি তাকে বিয়ে কতে, তা হ'লে
তোমার পক্ষেও ভাল হ'ত, তার পক্ষেও ভাল
হ'ত।

পূর্ণ। এ রকম ভাবনা তোমার অহুচিত ডিয়াবু;
এস এস, আর কেন?

বিধু। কেন কেন? যাও না, তার কাছে যাও না,
অমন সুন্দরীকে ফেলে তোমার কি এখানে থাকা
উচিত? যাও না, মিছে কেন দেরি কচ্ছ?

পূর্ণ। তবে আমার উপর তোমার বিশ্বাস নেই?

বিধু। (উঠিয়া) বিশ্বাস! আমি জেনে শুনে
তোমার কাঁদে পড়তে চাইনে, এই আমার
অপরাধ।

পূর্ণ। (উঠিয়া) ও! সন্দেহটা কি ভয়ানক জিনিস
এ বিষয়ে তোমার সঙ্গে আমার ঐক্য হয় না
ডিয়াবু। এই মনে কর না কেন, আমি যদি
দেখতে পাই,—একজন বেগানা লোক এসে
তোমার পায়ে পড়ে আছে, তা হলে আমার
হৃৎ মনে কি হয়? আমার তো মনে আর
কিছু হয় না—আমার মনে হয়, বুঝি একজন মুচি
এসে তোমার পায়ের জুতোর মাপ নিচ্ছে।

বিধু। (হাস্য সঞ্চার করিতে না পারিয়া) হা হা
হা! বেশ বাহোক!

পূর্ণ। নানা ঠাট্টা নয়, বাস্তবিক আমার মনে
কোন কুসন্দেহ প্রায়ই উপস্থিত হয় না।

বিধু। (নিকটে গিয়া) দেখ, মেয়েমাহুঘকে
খঁটিও না। কখন তোমার সন্দেহ হয় না?

পূর্ণ। কখন না। আমার স্বভাবই ও রকম না,
তা তুমি বললে কি হবে? তা কেন, সে দিন
নাচ দেখতে গিয়েছি; আমি যে কাছে আছি,
তা দেখতে পায় নি—একজন লোক আর
একজন লোকের কাছে বসে যে, প্রেমবাবু সমস্ত
হুপার ব্যালাটা বিধুমুখীর ওখানে কাটিয়ে এসেছে।

বিধু। যদিও বা তিনি আমার সঙ্গে সমস্ত দিনটা কাটিয়ে থাকেন—তাতেই বা দোষটা কি ? তিনি হচ্ছেন, আমাদের একজন প্রধান প্রচারক, গুরুলোক !

পূর্ণ। (তাড়াতাড়ি) তাই তো, আমিও তো তাই মনে করি। লোকে যে রকম প্রেমনাথ বাবুর বর্ণনা করে, দেখতে সুশ্রী, বেশ মিষ্টি মিষ্টি কথা—তাতে অণু লোকের ঐ কথা শুনে হটাৎ ভয় হতে পারে বটে, কিন্তু ঐ কথা যখন আমার কাণে এল, তখন তো আমার কিছুই মনে হল না। এমন কি, যদি তুমি এই বিষয় আগে না পাড়তে, তা হলে আমি যে কিছু কথা শুনেছিলেম, আমার তাও মনে আসতো না।

বিধু। (উঠিয়া টেবিলের নিকট গমন) আহা ! তাই তো গা, আমার উপর তোমার কি অটল প্রেম !

পূর্ণ। মাই ডিয়ার ! এ তুমি বেশ জেনে রেখো যে, সন্দেহ করার চেয়ে পাগলামি আর জগতে কিছুই নেই। এই যে সন্দেহটা, যে প্রথমে সৃজন করেছিল, সে নিশ্চয় কার নিকট হতে ভালবাসা পায়নি—না পেয়ে অন্দেরও ভালবাসাতে যাতে বাগড়া পড়ে, এই তার চেষ্টা হল।

বিধু। মুখে মধু—হৃদে ক্ষুর ! যাও যাও, আর তোমাকে আমার বোঝাতে হবে না !

পূর্ণ। বাস্তবিক, আমার মনে কখন সন্দেহ হয় না।

বিধু। যাও, যাও, আর মিছে দেরি কর কেন ? গ্রামবাজারে গিয়ে আমোদ কর গে।

পূর্ণ। তবে নিতান্তই দেখছি তুমি আমাকে তাড়াবে ? আমি গেলেই যেন তুমি বাঁচ ? (সাইতে সাইতে, বড়ি খুলিয়া দর্শন) ও ! অনেক রাত্রি হয়েছে, রোগীটা মল কি বাঁচল, কিছুই বলতে পারিনে, এলেম বলে ডিয়ার ! রাগ টাগ কোরো না।

[পূর্ণর ও পরে বিধুমুখীর প্রস্থান।

তৃতীয় গর্ভাঙ্ক

পূর্ণবাবুর বৈঠকখানা।

বিধুমুখীর প্রবেশ।

বিধুমুখী। যা হোক, এত যে জারি জুরি করলেন, এখন আমায় একবার দেখতে হবে যে, আমার উপর ওঁর বাস্তবিক সন্দেহ হয় কি না ? এই গহনাগুণ এই টেবিলের উপর থাক্। (ঘরে সংক্রমণ করিতে করিতে আয়নার নিকট গমন) বাস্তবিক কি আমি দেখতে এত খারাপ যে, আমাকে তাঁর মনে ধরে না। আঃ, পুরুষজাতিটাই খারাপ ! সবাই সমান ; রোগ, আজকের একটু সাজ-গোজ করা যাক্, সারারাতটাই এই রকম করে কাটান যাক্। শুধু উপদেশ দিয়ে আর কিছু হয় না। গালে একটু আলতা দি, খোঁপায় এক ছড়া মালা দি ;—পান খেয়ে ঠোঁট লাল করি। এই রকম না করলে আর মন পাওয়া যায় না। তিনি এতক্ষণে বেরিয়ে গেছেন কি না বলতে পারিনে। (পূর্ণর ঘরের কাছে গিয়া কর্ণপাত) কিছুই তো শোনা যায় না।

(বাহিরে সাইবার পথ খুঁজে না পাওয়ার ঘুরে ফিরে এই ঘরে পুনরায় পেরুরামের প্রবেশ।)

পেরুরাম। সকল দরজাগুলি বন্ধ, এ বাড়ীটা প্রকৃত গোলকধাঁধার মত দেখছি ; একবার ঢুকলে আর বেরোবার ষো নেই। এই বাড়ী থেকে এত করে পলাবার চেষ্টা করছি, কিছুতেই তো পেরে উঠছি।—প্রথমে যে ঘরে এসেছিলেম, আবার দেখি, সেই ঘরেই এসে পড়েছি।

বিধু। (দীর্ঘ নিশ্বাস ত্যাগ করিয়া) বাই, আমার ঘরে গিয়ে শুই গে। (গহনা লইবার নিমিত্ত টেবিলের দিকে গমন ও পেরুরামের সহিত হঠাৎ সাক্ষাৎ) ওমা গো ! (ভয়ে থমকিয়া দণ্ডায়মান।)

পেরু। অ্যা ! (ভয়ে তটস্থ) মা ঠাকরণ ! (স্বগত) বা ! বা ! কি চেহারা !

বিধু। (স্বগত) নিশ্চয় এ চোর—তাতে আবার আমি এখানে একলা। (টেবিলের চতুর্পার্শ্বে ধাবমান।)

পেরুরাম। (বিধুর নিকটে গিয়া) আমি দেখেছিলেম—



বিধু। (ভাঙ্গা ভাঙ্গা গলায়) এই নে বাপু—
এই মুক্ত, এই হীরে, এই সব নে—কেবল
আমাকে প্রাণে মারিস্ নে!

পেরু। বেয়াপবি মাপ করবেন, আমাকে ঠিক
ঠাওরাতে পারেন নি। (বুঝাইয়া বলিবার নিমিত্ত
বিধুর নিকটে গমন)

বিধু। (রঙ্গস্থলের অপর পার্শ্বে দৌড়িয়া গিয়া)
তোর পায়ে পড়ি বাপু—এই সব নে! তোর
দল বল নিয়ে চলে যা! সব নে, আমাকে প্রাণে
মারিস্ নে।

পেরু। (অত্যন্ত ভীত হইয়া বিধুর পশ্চাতে গমন
ও তাহাকে তার বাস্তবিক অবস্থা বুঝাইবার
নিমিত্ত নানা প্রকার চেষ্টা) দল বল, মা
ঠাকরণ? আমার দল বল নেই। আমি একলা,
আমার কেউ নেই; আমি অতি দুঃখী বেচারী!
পথ ভুলে এই বাড়ীতে এসে পড়েছি!

বিধু। পথ ভুলে এই বাড়ীতে এসে পড়েছ, তার
মানে কি? কে তুই? কোথায় থাকিস্? এ
রাত্রে কি সাহসে এখানে এলি?

পেরু। অদৃষ্ট! অদৃষ্ট! ঠাকরণ; আমার বাড়ী-
ওয়ালার যত দোষ!

বিধু। তোমার বাড়ীওয়াল! (পেরুর অগ্রসর ও
বিধুর পশ্চাৎগমন।)

পেরু। ঠাকরণ! আমি চোর নই, আমি যে
নির্দোষী, তার কি প্রমাণ দেব?

বিধু। যদি তুই—

পেরু। আমাকে যদি বলতে দেন, তা হলে আমি
সব খুলে বলি।

বিধু। (স্বগত) লোকটা কিছু বোকা বোকা রকম
দেখছি! এতে একটু সাহস হচ্ছে। (প্রকাশ্যে)
আচ্ছা বল দেখি, কেমন করে এখানে এলি।

পেরু। পাকি চড়ে ঠাকরণ! বেশ পাকিখানি!

বিধু। পাকিতে?

পেরু। মিরজাপুরের গির্জার সামনে একটা
পাকি ছিল, সেই পাকিতে চড়ে এই বাড়ীতে
এসেছি।

বিধু। ও! আমার সেই পাকিতে? তুই কি
রকমে তার ভিতর ঢুকলি?

পেরু। কেমন করে ঢুকলুম? (স্বগত) বেড়ে
চেহারা! ঠিক সত্যিটা বলা হবে না—সব কথা

খুলে বললে পাছে আমাকে নীচ ঠাওরায়।
(প্রকাশ্যে) কোন বিশেষ কারণ জ্ঞান—কোন
বিশেষ লোকের হাত হতে আমায় এড়াতে হল—

বিধু। তার পর?

পেরু। নিবেদন কচ্ছি! আমাকে কথাটা সমস্ত
বলতে দিন! তারপর সেই লোকটা আমার
পিছনে পিছনে তাড়া করাতে পলাবার আর
অন্য উপায় না দেখে—একটা পাকি সামনে
পেয়েই তার দরজাটা খুলে ফেলুম। তার পর
পাকির মধ্যে ঢুকে মনে কল্লম, আর এক দিক
দিয়ে নেবে পড়ব—না হঠাৎ বেয়ারাশুণ পাকির
দরজা খোলবার শব্দ শুনতে পেয়ে, পাকিটা কাঁদে
করে নিয়ে, বৌ বৌ করে দৌড়ল।—আমি
এত বলি থাম্ থাম্, কিছুতেই থামল না।

বিধু। (হাস্ত সঞ্চরণ করিতে না পারিয়া মুখে
রুমাল প্রদান) হ্যাঁ হ্যাঁ বুঝেছি, কি রকম
ব্যাপারটা হয়েছিল।

পেরু। (স্বগত) বা! বেশ মেয়েমানুষ! এ
বুঝেছে কি রকম ব্যাপারটা হয়েছিল! বা!
চমৎকার মেয়েমানুষ!

বিধুমুখী। আঃ, উড়ে বেয়ারাশুণ—

পেরু। উড়ে বটে, ঠিক; আমিও তাই ঠাউরে-
ছিলাম! (বিধুর কাছে যাইয়া) আমি চোর
নই, এখন ঠাকরণ, ইচ্ছা হয় তো সব খুঁজে
দেখুন—এই কাপড় ঝাড়া দিচ্ছি। (কাপড় ঝাড়া
দিতে উত্তত)

বিধু। (হাসিয়া) না না না, আর কাপড় ঝাড়া
দিতে হবে না—তুমি যা বলছ, তা আমি অবিশ্বাস
কচ্চিনে।

পেরুরাম। তবে ঠাকরণ, তা যদি হয়—আমার
উপর আর কোন সন্দেহ না থাকে যদি—(স্বগত)
এমন সুখের আলাপ ভঙ্গ দিতেও ইচ্ছা হয় না।
(ঘড়ির দিকে দৃষ্টিপাত করিয়া প্রকাশ্যে)
এখন বোধ হচ্ছে প্রায় ছট বাজে, আর থাকাটা
ভাল হয় না—অল্পগ্রহ করে যদি যাবার পথটা
দেখিয়ে দেন।

বিধুমুখী। (ঘড়ির নিকটে গিয়া) ছট বেজেছে;
তাই তো, এক জন চাকরকে তবে ডাকি;
(চাকরকে ডাকিবার জ্ঞান ঘরের নিকট গমন ও
কি ভাবিয়া পুনর্বার প্রত্যাবর্তন) চাকর এলেই

বা মাথামুণ্ড তাকে কি বলবে? তাই তো, এ যে ভারি মুন্সিগ দেখছি! তুমি আমাকে ভারি বিপদে ফেলে। এই দুট রাত্রে একাকী এক জন বেগানা পুরুষের সঙ্গে রয়েছি, চাকরুরা দেখে কি মনে করবে; এ ভারি বিপদ বটে। পেরু। তবে ঠাকুরণ, এমন একটা উপায় বলে দিন, যাতে করে আমি এই বাড়ী থেকে বেরিয়ে যেতে পারি, অথচ আমাকে কেউ দেখতে না পায়।

বিধুমুখী। আর তো কোন উপায় দেখিনে, তবে যদি ঐ গবাক্ষ দিয়ে?—

পেরু। (না বুঝিতে পারায়) কি বল্লেন ঠাকুরণ? ক-ক-ক অক্ষ দিয়ে?

বিধু। (স্বগত) তোমার পেটে ক অক্ষর গোমাংসই বটে। (প্রকাশ্যে) না না না, আমি বলছি, এই গবাক্ষ অর্থাৎ জান্না দিয়ে যা এক পলাবার পথ আছে।

পেরু। জান্না? (জান্নার কাছে গিয়া ভাল করিয়া নিরীক্ষণ ও জান্না খুলিয়া বাহিরে দৃষ্টি) ও বাবা! যে উঁচু! এ আমার কৰ্ম্ম নয়— শেষে কি জান্না খোয়াব?

বিধুমুখী। তবে আর উপায় নেই; আর এই তো দোতলা বৈ তো নয়;—এখান থেকে স্বচ্ছন্দে;—

পেরু। (স্বগত) ও বাবা! এ যে দেখছি পুরুষের ঘাড়ে হাগে! দোতলা বৈ ত নয়! (প্রকাশ্যে) গোলামকে মাপ করবেন, আমার লাফানটা বড় এসে না; কিন্তু লক্ষটা শিখতে আত্যন্তিক বাসনা আছে। এখন নাকি গুন্তে পাই, যে লাফাতে পারে, সেই ডিপুটী মাজ্জিষ্ট্রেটের পদ পায়। আর যদি কোন কৰ্ম্ম না জোটে, ঠাকুরণ! তা হলে দেখছি, সেই এককালে লাফাতে হবে।—

বিধু। এখন ম্যালা ফাল্ ত বকলে কি হবে? হয় এই জান্না দিয়ে লাফিয়ে পড়, না হয় তো দেখছি ঐ বন্দুকের গুলী খেয়ে প্রাণটা যাবে।

পেরু। বন্দুক? বাবা রে! (স্বগত) যে মেয়ে-মানুষ, বলে কি না “দোতলা বৈ ত নয়,” তার অসাধ্য কিছুই নেই,—(প্রকাশ্যে) মাঠাকুরণ! পারে পড়ি, আমাকে মের না! আমি তোমার পায়ের গোলাম।

বিধু। আমি মেয়েমানুষ, আমি তোমাকে মারতে যাচ্ছি,—তবে কি না আমার স্বামী ভারি;—

পেরু। (স্বগত) ও বাবা! আবার স্বামী আছে নাকি?—(প্রকাশ্যে ব্যতিব্যস্ত হইয়া সকাতির) একটা পথ আমাকে দেখিয়ে দাও মাঠাকুরণ। তোমার পায়ের পড়ি—আর এমন কৰ্ম্ম কখন করব না।

বিধু। ঐ গবাক্ষ ভিন্ন আর কোন উপায় নেই।

পেরু। (নিরাশ হইয়া) আচ্ছা, একবার চেষ্টা করে দেখা যাক। (লক্ষ্যবস্ত) ও বাবা! প্রথমে লাফিয়ে জান্নাটার উপর উঠতে হবে, তার পর আবার জান্না থেকে নীচে লাফিয়ে পড়তে হবে; আমার কৰ্ম্ম নয়; লাফিয়ে যদি জান্নায় উঠতে যাই, তা হলে নিশ্চয় প’ড়ে যাব—আর জান্না মাঠাকুরণ! আমার একটা ভারি বদ-রোগ আছে, শরীরে আমার একটু ব্যথা নয় না; ভারি স্নায়ু শরীর; যদি একটু কোথাও লাগে, তা হলে আমি এমনি চীৎকার ক’রে উঠব যে, বাড়ী গুল্ল লোক জেগে পড়বে।

বিধু। তা বটে, তবে শীঘ্র জান্নাটা বন্দ ক’রে দেও। (পেরু জান্না বন্দ করিতে গিয়া অঙ্গুলী চিমটিয়া যাওন ও ব্যথা প্রযুক্ত নানা প্রকার অঙ্গভঙ্গি ও চীৎকার করিতে উত্তত।)

বিধু। (পেরুর প্রতি) চূপ্ চূপ্! (স্বগত) এইবার দেখছি বাড়ী গুল্ল জাগালে, আ! কি আপদেই পড়েছি। এ পাপকে কি রকম ক’রে বিদায় করি? আর একটা কোন উপায় ঠাওরান যাক। (সংক্রমণ ও চিন্তা করিতে করিতে) আর তো কোন উপায় দেখিনে, তবে আমার স্বামীকে পষ্টাপষ্ট বলা যাক না কেন যে, এই রকম ঘটনা হয়েছে; সত্য কথাই ভাল। আর এতে কোন ভয় নেই, কারণ, তিনি আমাকে সারাদিনই বলেন যে, তাঁর কিছুমাত্র আমার উপর সন্দেহ হয় না। (পূর্ণবাবুর ঘরের দরজার কাছে গিয়া) ওগো! ওগো! (চিন্তা করিয়া) না না না না, একটা কথা মনে পড়েছে। তখন আমাকে তিনি আমাদের প্রচারক মহাশয় প্রেমনাথ বাবুর কথা বলেছিলেন—ভাল, একেই প্রেমবাবু বলে চালালে

হয় না? হাঁ হাঁ, এই বেশ কথা। (পেরুরামকে নিরীক্ষণ।)

পেরু। (স্বগত হাই তুলিয়া) আজ অদৃষ্টে কি আছে, বলা যায় না;—গণকর ব্যাটার মুখে আশ্রয়। এত কর্তব্যভোগও ছিল! প্রায় তো আড়াইটে হয়েছে, আ! এতক্ষণ কামিনীর বাড়ীতে দিবি ক'রে নিদ্রা যেতেম!

বিধু। (স্বগত) তিনি যে বড় বলেন, তাঁর মোটেই সন্দেহ হয় না, ভাল, তাঁকে একবার পরীক্ষা ক'রে দেখতে হবে, কেমন তাঁর সন্দেহ হয় না, (প্রকাশে পেরুরামের প্রতি) দেখ, আমি একটা উপায় ঠাওরেছি।

পেরু। (ব্যস্তসমস্ত হইয়া) টাওরেছেন? বেশ, কোন্ দিক দিয়ে যেতে হবে? (হাইবার পথ অব্বেষণ।)

বিধু। (একটা চৌকি দেখাইয়া) না না না, এইখানে বোসো!—এই চৌকিতে।

পেরু। (আশ্চর্য হইয়া) এইখানে বসবো?

বিধু। হাঁ! (বিধুর কোঁচে উপবেশন ও পেরুরামের চৌকিতে আলগোঁচে আড়াই হইয়া উপবেশন) পূর্বে তুমি কি কাষ কত্তে?

পেরু। ও ঠাকুরণ, এককালে আমি মস্ত কাজ করেছি,—আফিসের কেরানী ছিলাম।

বিধু। আমার একজন সরকার চাই, বোধ করি, তুমি সরকারের কর্তব্য করতে পারবে?

পেরু। সরকার?

বিধু। মাসে আড়াই টাকা আর খাওয়া-পরা।

পেরু। (উঠিয়া) মাসে আড়াই টাকা, আবার খাওয়া-পরা। আমার এই চের! আজকালের বাজারে এই বা পায় কে? কত বি এ, এম্ এ কাষের জন্ত হিম্‌সিম্‌ খেয়ে যাচ্ছে!

বিধু। তবে তুমি এতে রাজি হলে?

পেরু। (পুনরুপবেশন করিয়া) তাতে আর সন্দেহ নাই।

বিধুমুখী। তবে তো এক রকম সমস্তই ঠিক হল,—তোমার এখন নামটা জানতে হবে যে?

পেরু। (উঠিয়া ঘোড়হস্তে বিনীতভাবে) আজ্ঞে, আমার নাম পেরুরাম।

বিধুমুখী। (হাসিয়া) ওকি বিচ্ছিরি নাম? ও নাম বদলালে তোমার কোন ক্ষতি আছে?

পেরু। আজ্ঞে, কিছুমাত্র না। নামে কি এসে যায়? আপনি গোলামকে যা আজ্ঞা করবেন, তাতেই রাজি আছি!

বিধু। প্রেমনাথ কেমন নাম?

পেরু। প্রেমনাথ। বা! এমন শরেশ নাম তো আমি কখন শুনিনি।

বিধু। তবে ঐ নাম তোমার হ'ল। (বিধু উঠিল, পেরুও উঠিয়া অন্তমনস্ক হইয়া "আড়াই টাকা" ইত্যাদি অল্পলীতে গণনা। ইতিপূর্বে বিধুমুখী তাঁর স্বামীকে তাঁর নিজ কামরায় আসিয়া অগম্যভাবে গুইতে দেখিয়া তাঁর মনে সন্দেহ উৎপাদন করিবার নিমিত্ত উচ্চৈঃস্বরে পেরুরামকে লক্ষ্য করিয়া) প্রেমনাথ বাবু! ও প্রেমনাথ বাবু! কিঞ্চিৎ জলযোগ করবেন?

পেরু। (প্রথমে অন্তমনস্ক প্রবৃত্তি গুণিতে না পাওয়ার) আজ্ঞে! গোলামকে বলছেন? জলযোগ? জলযোগটা হলে ভাল হয় বটে; ক্ষুধাটাও আত্যন্তিক প্রবল হয়েছে! (স্বগত) আর পেটে খেলোও পিঠে সয়, এখন জানুলা থেকে পড়তে হয়, কি স্বামী ব্যাটার বন্দুকেই মারা পড়তে হয়, তার তো কিছুই ঠিক নেই।

বিধু। (স্বগত) আমার স্বামী ঘরে এসে আস্তে আস্তে গুয়েছেন, তা আমি টের পেয়েছি! এত চেষ্টায় প্রেমনাথ বাবু প্রেমনাথ বাবু ক'রে ডাক্‌চি, তবু যে তাঁর মনে কোন সন্দেহ হচ্ছে না? রোস্, ভোলাকে এর জন্ত জলখাবার আনতে ব'লে দি। ভোলা! ভোলা!

ঘুমের ঘোরে চক্ষু রগড়াইতে রগড়াইতে ভোলার প্রবেশ।

ভোলা। ঠারণ, আমায় ডায়েছেন?

বিধু। ভোলা!

ভোলা। ঠারণ!

বিধু। কিছু জলখাবার নিয়ে এস তো!

ভোলা। আজ্ঞে! (পেরুরামকে দেখিয়া অবাচ্ হইয়া কিঞ্চিৎকাল দণ্ডায়মান) (স্বগত) এ রাত্তির ব্যালা আবার একটা কারে জোটায়ে আনেছে! আমার বাবুরে যে কি গুণ করেছে, তা বলতে পারিনে—সে দ্যাছেও দ্যা হবে না—শোনেও শোনে না।

বিধু। জলখাবার নিয়ে এসো গে না! আবার
দাঁড়িয়ে রইলে কেন?
ভোলা। এই যাই।

[ত্যক্ত হইয়া ভোলার প্রস্থান।

পেরু। (স্বগত) আ! এখন খেয়ে বাঁচব—সমস্ত
দিনটা আজ পেটে অন্ন পড়ে নি! (পূর্ণ-
বাবু এই সময়ে ঘরের নিকটে আগমন ও পেরু-
রামকে দেখিয়া থম্কিয়া দণ্ডায়মান—পরে
মশারির পিছনে লুকায়িত হইলেন)—

বিধু। (পূর্ণকে দেখিতে পাইয়া আফ্লাদে স্বগত)
এই যে, উনি আড়াল থেকে গুন্ছেন! (চৌকিতে
বসিতে পেরুকে ইসারা ও আপনিও কোচে উপ-
বেশন। পেরুর প্রেমে বিধুমুখী পড়িয়াছে মনে
করিয়া পেরুর নানাপ্রকার ভাবভঙ্গী) এইবার
খুব চেষ্টা করে এর সঙ্গে কথা কওয়া যাক (প্রকাশে)
প্রেমবাবু! সে দিন মন্দিরে ভাগ্য তোমার
সঙ্গে দেখা হয়েছিল।

পেরু। (কিছু বুঝিতে না পারিয়া স্বগত)
মন্দিরে আবার এর সঙ্গে কোথায় দেখা হ'ল?
কালীঘাটের মন্দিরে এ সে দিন গিয়েছিল না
কি?

বিধু। যা হোক, এখন ধর্মপ্রচারটা কেমন
চলছে?

পেরু। (কিছু বুঝিতে না পারিয়া স্বগত) ও!
ধর্মতলার বাজারের কথা বুঝি বলচে। (প্রকাশে)
ধর্মতলার বাজার এখন খুব গুল্জার।

বিধুমুখী। (স্বগত) না না, এ সব বিষয়ে আর এর
সঙ্গে কথা কোয়ে কাষ নেই—যদি এক চুপ
কোরে থাকে, তা হলে না হয় ওকে আমাদের
প্রচারক প্রেমনাথ বাবু ব'লে এক রকম দাঁড়
করাতে পারি। কিন্তু এ যে রকম উত্তর দিচ্ছে,
তা শুনে পাছে তিনি আর কিছু ঠাওরান।
যাতে তাঁর মনে সন্দেহ না হয়, এমন কোন কথা-
বার্তা কওয়া যাক (প্রকাশে) ভারতশ্রম, কি
চমৎকার জায়গা! সেখানে বেশ দুজনে ঝুঁখে
থাকা যাবে।

পেরু। (আশ্চর্য হইয়া) ভারতবর্ষ চমৎকার
জায়গা। আমি সেখানে একবার গিয়েছিলাম—
ও কথা বলবেন না—অমন জায়গা আর দ্বিতীয়
নেই।

বিধুমুখী। মিষ্টালাপে সময়টা কেমন সুখে অতি-
বাহিত হয়!

পেরুরাম। (কিছু বুঝিতে না পারিয়া স্বগত)—ও!
মিষ্টানের কথা বলছে বুঝি! এখন সে মিষ্টান
এলে হয়—পেটটা ক্ষিদেতে চৌ চৌ কচ্ছে।

বিধুমুখী। আচ্ছা, একটা ব্রহ্ম-সঙ্গীত গাও দেখি?
পেরুরাম। (স্বগত) বাঃ? মেয়ে মানুষটা খুব রসিক
দেখছি, আবার গাইতে বলে! আচ্ছা, একটা
গাচ্ছি।

সিন্ধু-ভৈরবী।

(গান)

প্রাণ তুমি কার হবে আমি যদি মুদি আঁখি।
অকৃতী সন্তান ব'লে আমারে দিও না কাঁকি ॥

বিধুমুখী। (লজ্জিত হইয়া) থাক, থাক, আর কাষ
নেই।

পেরুরাম। (স্বগত) ও! বুঝিছ, শ্রামা-বিষয়ক
গান ব'লে এর মনে ধবুল না। মেয়ে মানুষটা
খুব রসিক না কি, তাই একটা রসের গান
গুন্তে চায়। (প্রকাশে) আর একটা ভাল
দেখে গান গাব?

বিধুমুখী। আচ্ছা, এবার একটা ভাল গান গাও।
পেরুরাম। আচ্ছা—

ভৈরবী।

ও কালাচাঁদ বাতাস কর গরুমিতে মরি,
গরুমিতে মরি কালাচাঁদ গরুমিতে মরি।

বিধু। থাক থাক—আর কাজ নেই (পূর্ণর মশারি
নড়িতে দেখিয়া—স্বগত) এইবার বোধ হচ্ছে ওঁর
মনটা একটু চঞ্চল হয়েছে। যা হোক, আমিও
তো আর হাসি রাখতে পারছি। (প্রকাশে)
পেরুর প্রতি) আমি চাকরটাকে জলযোগের
তাড়া দিয়ে আসি—আমি এলেম ব'লে।

পেরুরাম। আঃ! তা আর আমার কাছে বলতে
হবে না, এ তো ঘরের কথা।

বিধু। আমি এলেম ব'লে। (স্বগত) একটু হেসে
আসি গে; দমটা ফেটে যাচ্ছে।

[বিধুমুখীর প্রস্থান।

পেরুরাম। খাসা মেয়ে মাহুষ বটে! কেবল ভারত-
বর্ষের কথা আর ধর্মতলার বাজারের কথা কেন
বলে, আমি কিছুই বুঝতে পারলেম না। (পেরুর
কোঁচে আসে উপবেশন)

(মান ও ব্যাকুলভাবে পূর্ণবাবুর প্রবেশ)

পূর্ণ। (স্বগত) এ দেখছি বড় বেশি বাড়াবাড়ি!
যা হোক, যতদূর স্থিরভাবে থাকতে পারি, তার
চেষ্টা করতে হবে।

পেরু। (সম্মুখে পূর্ণ বাবুকে দণ্ডায়মান দেখিয়া)
আরে মনু, এ ব্যাটা আবার কে এল? (উত্থান)

পূর্ণ। আমি।

পেরু। আমি? আমি কে?

পূর্ণ। তুই ব্যাটা আমার জায়গায় কি করে এসে
ভর্তি হলি?

পেরু। (স্বগত) ওঁর জায়গাই বটে! ও, বুঝেছি, এ
ব্যাটা এ বাড়ীর পুরানো সরকার—যাঁর জায়গায়
ঠাকুরণ আমাকে বাহাল করেছেন;—এ নিশ্চয়
সেই ব্যাটা!

পূর্ণ। আমার কথার উত্তর দিচ্ছি নে যে বড়?

পেরু। যা যা। তোর আপনার চরুকায় তেল
দি গে যা! আমাকে ত্যক্ত করতে এসেছে!

(জলখাবার লইয়া ভোলার প্রবেশ)

পূর্ণ। (পেরুর প্রতি) হারাম্জাদা ভণ্ড কোথা-
কারে! ছফুর রাতে এখানে প্রচার করতে
এসেছেন—প্রচার করবার আর জায়গা পেলেন
না। (ভোলার প্রতি) এ সব কি?

ভোলা। জলখাবার।

পূর্ণ। আমার জন্তে?

ভোলা। এর জন্তে।

পূর্ণ। ওর জন্ত জলখাবার! নিয়ে যা এখন
থেকে।

ভোলা। ঠারণ আমার আন্তি বলেন।

পূর্ণ। আমার কথা শুনছি নে?

ভোলা। (আশ্চর্য হইয়া) অ্যান কার কথা শুন
ম্যানে! [অত্যন্ত চটিয়া ভোলার প্রস্থান।

পেরু। আমার জন্ত জলখাবার এল: উনি নিয়ে
যেতে বলছেন! কি স্মৃথ! আমার যদি তোর
দশা হত, তা হলে তো আমি এত গুলি কত্তেম
না।

একটা কর্ম থেকে ছেড়ে যাওয়া কষ্ট বটে; কিন্তু
তোরই কি একলা কর্ম গ্যাছে—পৃথিবীতে কি
আর কারও কর্ম যায় নি, না যাবে না? তুই
যদি এখন কর্মের যুগিয়া না হোস, সে তো আর
আমার দোষ না।

পূর্ণ। যুগিয়া না হোস! তার মানে কি রে ব্যাটা?
পেরু। মানে! মানে এই যে, গিন্নী তোকে আর
পছন্দ করে না। মানে আবার কি হবে?
মেয়ে মানুষের মন তো জানিস—কার প্রতি
কখন সদয় হয়, তার কি কিছু ঠিকানা আছে?
আবার দিন কতক পরে আমার উপরেও ঐ
রকম হতে বা আটক কি?

পূর্ণ। তুই মনে করিসনে, আমি এই সকল কথা সহ
কোরে থাকব।

পেরু। আরে বাপু—তুই করবি কি? আর কি
কোন চারা আছে; মাইনেটা হাতে চুকিয়ে
দিলেই ধিরু ধিরু কোরে চলে যেতে হবে!

পূর্ণ। এ ব্যাটা পাগল না কি?

পেরু। তা বলবার যো নেই বাবা! পাগল হলে
গিন্নীর মনে ধরত না!

পূর্ণ। আরে ঠাকাম রেখে ছাও! ছোট লোকের
মত কথাগুলি ছেড়ে ছাও! ওতে আমি ভুলি
নে! ইদিকে, প্রচার করবার সময় কেমন মস্ত
মস্ত সংস্কৃত কথা! আবার এখন ঠাকাম দেখ
না! (স্বগত) এ নিশ্চয় সেই প্রেমনাথ বাবু—
আমি তখন আড়াল থেকে গুন্ছিলেম, কি
প্রচারের কথা হচ্ছিল।

পেরু। ওরে ব্যাটা, আমি ছোট লোকের মত
কথা কচ্ছি! তুই ব্যাটা ছোট লোক।

পূর্ণ। কি বলব, আমার হাতে এখন চাবুক নেই,
না হলে তোকে একবার দেখিয়ে দিতেম!

পেরু। (ভয়ে স্থানান্তরে উঠিয়া বসিয়া) চাবুক
নেই, ভালই হয়েছে! কথায় কথায় হচ্ছিল,
আবার হাতাহাতি কেন বাবা?

(পূর্ণ কটমট করিয়া পেরুর প্রতি নিরীক্ষণ।)

পূর্ণ। তুই ব্যাটা ভারী ভীতু!

পেরু। তা বটেই তো! ভীতু! আমি শুধু শুধু
এই রাতে চাবুক খেয়ে মরি আর কি, তোর যে
রকম গরম মেজাজ দেখছি বাবা, তাতে যে

গিন্নীর কাছে এত দিনও টিকে ছিল, এই তোর
পরম ভাগ্যি বলতে হবে।

পূর্ণ। চুপ রও! ফের যদি একটা কথা কবি তো
দেখতে পাবি! বেরো এ ঘর থেকে! তোর
কথা আমি অনেকক্ষণ সহ করেছি, বেরো
হারামজাদা! (পেরু টেবিলের চতুর্দিকে ধাব-
মান ও পূর্ণ তাহাকে ধরিবার চেষ্টা।)

পেরু। ওঁর ভারি সুখ! “ঘর থেকে বেরো”!
(দৌড়িয়া রঙ্গভূমির অপর পার্শ্বে পলায়ন) আর
এক ঘণ্টা আগে যদি বেরোতে বলতিস, তা হলে
আমি বক্তিয়ে যেতেম—এখন ওর জায়গায় জুত
কোরে বোসে নিয়েছি—এখন বলে কি না
“বেরো” (পূর্ণ ক্রুদ্ধ হইয়া ঘরের প্রবেশ-
দ্বারের নিকট গমন ও দ্বার উদ্বাটন—পেরু
ধাবমান)

পূর্ণ। এই শেষবার বলছি, বেরো ঘর থেকে, না
হলে জোর কোরে ঐ জান্না দিয়ে বাহিরে
ফেলে দেব।

পেরু। (স্বগত) এ-ও যে আবার জান্না দিয়ে
বেকতে বলে! এ বাড়ীর সকলেরই এই একটা
বাতিক আছে না কি?

পূর্ণ। (পেরুর নিকটে গিয়া) আমার কথা শুনছি? (তলবার লইয়া আক্রমণ)

পেরু। ও বাবা! এ দেখি ঠাট্টা না! (চোৎকার)
মাগ্নে রে! মাগ্নে রে! পুলিস্‌ম্যান! চৌকিদার!
চোর! চোর! গেলুম রে! গেলুম রে!

(পূর্ণর নিকট হইতে পলায়ন চেষ্টা—পূর্ণ পশ্চাতে
ধাবমান—পেরুর চৌকি বাধিয়া পতন—
ও তৎক্ষণাত্ উঠিয়া পলায়ন চেষ্টা,
বিধুমুখীর প্রবেশ)

বিধু। এ সব কি? কি ভয়ানক শব্দ!

পূর্ণ। বেশ সময়ে এসেছ! এখন অহুগ্রহ কোরে
বল দেখি একবার, এই সকল ব্যাপারের মানে
কি? এই ব্যক্তি এই বাড়ীতে কি কোঁঠে
এল? এ ব্যক্তির সঙ্গে যেরূপ মিষ্টাঙ্গাপ হচ্ছিল,
তাও আমি সব শুনেছি!

বিধু। ছি ছি ছি! এমন কর্মও করে? দরজার
আড়াল থেকে দেখছি তবে সব কথাই শুনেছ!

পেরু। (নিকটে আসিয়া) এ ভারি অশ্রয়!

পূর্ণ। চোপরাও হারামজাদা, না হলে এই তলবার
দিয়ে তোর মুণ্ডু ছথানা কোরে ফেলবো!

পেরু। (সরিয়া গিয়া) লোকটা ভারি বদ্রাগী
দেখছি!

বিধু। (পূর্ণর প্রতি) যদি তুমি সব শুনেই থাক,
তা হলে অধিক কিছু আর আমার বলবার
নেই; বোধ হয়, তা হলে তুমি এতক্ষণে জানতে
পেরেছ যে, এই লোকটিকে আমি সরকার
রেখেছি।

পূর্ণ। এখন তোমার ঠাট্টা মস্করাম রেখে ছাও;
যে রকম ব্যাপার দেখেছি, তাতে তো আর কিছু
মাত্র সন্দেহ নেই।

বিধু। সন্দেহ! সন্দেহের মানে কি বল দেখি?

পূর্ণ। সন্দেহের মানে কি, আপনি মনে বুঝে দেখ না।

বিধু। তবে দেখছি আমার উপর তোমার একটা
জব্ব্ব সন্দেহ উপস্থিত হয়েছে?

পেরু। ও ব্যাটার সঙ্গে আবার শিষ্টাচার কি?
আমি যদি হতুম, তো এখনি ওকে গলাচাকা
দিয়ে তাড়িয়ে দিতুম।

(পূর্ণর পুনর্বার পেরুর প্রতি আক্রমণ)

বিধু। (পূর্ণর প্রতি) যে রকম তোমার ব্যবহার
দেখছি—আজকের অবধি তোমার সঙ্গে আমার
ছাড়াছাড়ি হ'ল।

পূর্ণ। বেশ তো! আমারও তাই ইচ্ছে! আজকে
থেকে ছাড়াছাড়ি হল, আর এখন ডাইভোসেরও
আইন হয়েছে; তোমার টাকাকড়ি তোমাকে
বুঝিয়ে দিয়েই আমি স্বচ্ছন্দে চলে যাব।

বিধু। কালই আমি বাপের বাড়ী যাব—আর
সেখানে যদি বাপমায়ে না ছায়, তা হলে
আমাদের ভারতশ্রম হোটেলে গিয়ে বাস করুব।

পূর্ণ। আমিও কালকে থেকে উইলসনের হোটেলে
গিয়ে থাকুব।

[ক্রোধভরে পূর্ণ ও বিধুমুখীর প্রস্থান।

পেরু। হুজনেই চলে গ্যাছে, আমিও আমার পথ
দেখি। ও ব্যাটা যে রকম গোয়ার লোক
দেখছি—আবার কখন হুঁকে টুকে দেবে। গিন্নী
এ রকম মানুষকে যে ছাড়িয়ে দেবে, তাতে আর
আশ্চর্য কি? (হুড়াহুড়িতে একটা বোদাম

ছি ডিয়া ইতিপূর্বে পড়ায় তাহা টেবিলের নীচে
অধেষণ।)

পূর্ণর পুনঃপ্রবেশ।

পেরু। (টেবিলের নীচে হইতে উঠিবার সময় পূর্ণকে
সম্মুখে দর্শন।)

পূর্ণ। (ক্রুদ্ধ হইয়া) আজ যে রকম ব্যাপার ঘটেছে,
তাতে আর এ কলঙ্ক কিসে যাবে?—এই তলবার
দিয়ে—

পেরু। (ভয়ে) ও বাবা রে! আমাকে মারিস্ নে
বাবা! তোর পায়ে পড়ি বাবা! তোর কর্ম
তোকে ছেড়ে দিচ্ছি বাবা!

পূর্ণ। প্রেমবাবু! এই কি তোমার ধর্ম? এই কি
তোমার প্রচার? “পরিবার বন্ধন” “পরিবার
বন্ধন” “পরিবারের মধ্যে শাস্তি” এই রকম কতক-
গুলি কথা ক্রমাগত মুখে মুখে ব’লে বেড়াও, আর
তুমি নিজে কি না এই রকম ক’রে এক জন ভদ্র-
লোকের পরিবারের শাস্তি ভঙ্গ কতে এস; এখন
আবার ধরা প’ড়ে পাগলের মত আপনাকে
দেখাতে চেষ্টা করুছ?—তোমাকে আমি এর
সমুচিত শাস্তি দেব—(তলবার হস্তে আক্রমণ ও
পেরু ভয়ে কম্পমান।)

পেরু। আমি কিছুই বুঝতে পাচ্ছি নে বাবা! আমি
নিজে হতে এখানে আসি নি বাবা! এ বাড়ীর
পাকি-বেহারারা আমাকে নিয়ে এসেছে।

পূর্ণ। তবে তো আরও ভাল দেখছি; আবার পাকি-
বেহারাদের ঘুসু দেওয়া হয়েছে; আর কথা না—
(তলবার দ্বারা আঘাত করিতে উত্তত) বাবু
পূর্ণচন্দ্রকে যে অপমান করে, তার আর নিস্তার
নেই। (পেরু পলাইবার চেষ্টা করিতেছিল,
এমন সময়ে পূর্ণ বাবুর নাম শুনিয়া থমকিয়া
দাঁড়াইল।)

পেরু। আপনি কি পূর্ণ বাবু?

পূর্ণ। তবে দেখছি, তুমি আমার নামও জানতে।

পেরু। না, আমি তা জানতেন না। আমি মনে
করেছিলেম, আপনি এ বাড়ীর সরকার।

পূর্ণ। (আশ্চর্য হইয়া) তার মানে কি? বল দেখি
ব্যাপারটা কি?

পেরু। আপনার নাম পূর্ণ বাবু! আপনি যে
আমার মুরকি। আমি মহাশয়ের কাছে কত

বেয়াদবি করেছি, তা বলতে পারি নে। অহুকুল
বাবু আমার বিষয় মহাশয়ের কাছে সুপারিশ
করেছেন! আমার নাম পেরুরাম!

পূর্ণ। পেরুরাম!

পেরু। অহুকুল বাবু আপনাকে একটা পত্র দিয়ে-
ছিলেন—ঐ পত্রখানা মহাশয়ের কাছে কালকে
আমার নিয়ে যাবার কথা। (পত্র প্রদান।)

পূর্ণ। (পত্র পাঠ) “প্রিয় পূর্ণ বাবু! এই পত্র-
বাহককে কোন একটা কর্ম প্রদান করিলে
বাধিত হব। ব্যক্তিটা নিতান্ত বোকা, কিন্তু
আসলে লোক মন্দ নয়।”

পেরুরাম। (তাড়াতাড়ি) তিনি আমাকে বেশ
চেনেন—এই আমার সার্টিফিকেট। (পূর্ণবাবুকে
প্রদান।)

পূর্ণ। তবে “প্রেমবাবু” নাম তোমার কি ক’রে এল?

পেরু। আ! রাম রাম রাম রাম! আমি কি
আমার নাম প্রেমবাবু রেখেছি! এ বাড়ীর
গিন্নী ঠাকুরণ আমাকে ঐ নাম দিয়েছিলেন!
প্রথমে যখন তিনি আমাকে দেখেছিলেন, তিনি
আমাকে চোর ঠাওরেছিলেন—তার পরে
তিনি আমাকে তাঁর সরকার রাখলেন;
তার পর তিনি এতদূর আমার উপর সদয়
হয়েছিলেন যে, আমাকে জলযোগ করিতে
পর্যন্ত অহুরোধ করেন—যা হউক, সে জলযোগ
আমার অদৃষ্টে নাই।

পূর্ণ। (স্বগত) এতক্ষণে আমি মোদাখানা বুঝতে
পায়েম! বিধুমুখী আমাকে নিয়ে রঙ্গ কচ্ছিলেন।

পেরু। গিন্নী আমাকে যে কর্ম দিয়েছেন, তাতে
যদি অহুগ্রহ কোরে আমাকে বাহাল রাখেন।

পূর্ণ। আচ্ছা, তা পরে বিবেচনা করা যাবে। (অগ্র
গমন।)

পেরু। (পশ্চাতে পশ্চাতে গমন করত) তা হলে
চিরকাল মহাশয়ের পায়ের ছুঁচ হয়ে থাকবে!

পূর্ণ। (স্বগত) আচ্ছা ডিয়ার! আজকে তুমি
বড় এক হাত আমার উপর নিয়েছ! এইবার
আমার পালা! রোসো, তোমাকে একটু ভয়
দেখাই! একটা মত লব, ঠাওরেছি। (চিন্তা
করিয়া) বিধুমুখীর কামরার জানলা দিয়ে,
আমাদের বাড়ীর বাগান বেশ দেখা যায়।
(প্রকাণ্ডে পেরুরামের প্রতি) পেরুরাম!

তোমাকে সেই কক্ষে বাহাল রাখব—কিন্তু তোমার একটি কাজ করতে হবে।

পেরু। গোলাম তো হাজির আছে—যা আঞ্জের করবেন—

পূর্ণ। এই ছুট তলবার ঝাও, নীচে বাগানে গিয়ে যুদ্ধ করতে হবে।

পেরু। আঁ! যুদ্ধ! (হাত পিছনে সরিয়া দণ্ডায়মান)

পূর্ণ। সত্যিকের যুদ্ধ নয়; যেন আমরা ছুজনে যুদ্ধ কচ্ছি, এই রকম আমি দেখাতে চাই।

পেরু। আর বলতে হবে না। আমি বুঝেছি।

কিন্তু মিথ্যা যুদ্ধ করতে গিয়ে কার কোথায় আবার দৈবাৎ লেগে যাবে! আর বিশেষ, যখন যুদ্ধ কচ্ছি, এইটে দেখান নিয়ে বিষয়, তখন ছুজনে যাবার আবশ্যিক কি? আমি একলা সেখানে গিয়ে অস্ত্রগুণ বন্ বন্ কজেই তো হল?

পূর্ণ। (হাসিয়া) আচ্ছা, তাই ভাল; আর এখন অন্ধকারে পষ্ট কিছুই দেখা যাবে না! আচ্ছা, তুমি একলাই যাও, আমিও তা হলে কি হচ্ছে, তা সব এখান থেকে দেখতে পাব। (দ্বার উদ্বাটন) এই সিঁড়ি দিয়ে নেমে যাও—নেমে গিয়ে, বাঁ হাতী একটা দরজা দিয়ে বাগানে যাওয়া যায়।

পেরু। আচ্ছা!

[তলবার লইয়া পেরুর প্রস্থান।

পূর্ণ। (স্বগত) বিধুমুখী আজকে যা হোক আমাকে বড় ঠকান্টা ঠকিয়েছিলে—এখন দেখি, আমি তাকে ঠকাতে পারি কি না! (বিধুমুখীর ঘরের দরজার নিকট গমন ও দ্বারের ছিদ্র দিয়া দর্শন) এই যে এই দিক দিয়েই আসছে! (অস্ত্র দ্বারের পর্দার আড়ালে লুকায়িত হইলেন ও যখন বিধুমুখী প্রবেশ করিল, তখন ঐ দ্বার দিয়া অলক্ষিতভাবে পলায়ন)

(বিধুমুখীর প্রবেশ)

বিধু। তারা গেল কোথা? বোধ হয়, এতক্ষণে পেরুরামের সঙ্গে কথাবার্তা করে আসল বুভাস্তটা টের পেয়েছেন। আর যে তাঁর মনে কখন সন্দেহ হয় না, সে গুমরটাও বোধ হয় এতক্ষণে ভেঙেছে! কিন্তু কোথায় তিনি?—রাগ তো

করেন নি; যদি রাগই বা ক'রে থাকেন, তা হলে আমাকে এসে ধমকাচ্ছেন না কেন? বা হোক, আমার ভয় হচ্ছে! কেন আমি মরতে তাঁর সঙ্গে রঙ্গ করতে গিয়েছিলেম? তাঁর সঙ্গে এখন দেখা হলে সমস্ত বুভাস্তটা বুঝিয়ে বলি।

পূর্ণ। (নেপথ্য হইতে ভাণ করিয়া বিকট চীৎকার) হা! বিধুমুখি!

পেরু। (নেপথ্যে) সামাল! সামাল! (তলবারে তলবারে ঝন্ঝনি শব্দকরণ)

বিধু। বাগানে কার গলা শুন্তে পাই? (জান্নার কাছে গিয়া—তলবারের ঝন্ঝনি শব্দ শ্রবণ)

পেরু। (নেপথ্য হইতে) মার্ ব্যাটাকে, মার্ ব্যাটাকে।

বিধু। ও মা কালী, রক্ষা কর, কি ভয়ানক শব্দ! (জান্না খুলিয়া দর্শন—বাহিরে অত্যন্ত অন্ধকার) তলবারের শব্দ! মারামারি হচ্ছে। আমারি নির্বুদ্ধিতার ফল! বাঁচা রে। বাঁচা রে! থাম, থাম, (কোঁচে মুর্ছা হইয়া পতন ও পূর্ণবাবুর তাহার নিকট দৌড়িয়া আগমন)।

পূর্ণ। (ব্যস্ত হইয়া) ও কি মাই ডিয়ার!—ও কিছুই নয়—আমি তামাসা কচ্ছিলেম। মুর্ছা গ্যাছে দেখছি—কে আছি ওখানে? এ দিকে আর রে! কি পাগলামিই করেছি!

তলবার লইয়া পেরুরামের প্রবেশ।

পেরু। (হাসিতে হাসিতে) পূর্ণবাবু! এখন মনের মত হয়েছে তো? আমি খুব যুদ্ধ ক'রে এসেছি।

পূর্ণ। (ভয়ে ব্যস্ত হইয়া) বেশী মাত্রা হয়ে গ্যাছে। এইখানে তুমি একটু দাঁড়াও, আমি স্মেলিং সলট নিয়ে আসি।

[পূর্ণবাবুর প্রস্থান।

বিধু। (চেতন পাইয়া) কে ও? নাথের গলার আওয়াজ শুন্ছিলেম না?

পেরু। (তাড়াতাড়ি) আমি ঠাকুরণ! আমি পেরুরাম।

বিধু। রে ছুট নরাধম! তুই আমার প্রাণনাথকে হত্যা করিয়াছিস?

পেরু। তোমার গা ছুঁয়ে বলচি, আমি না।

বিধু। যা হোক, তুই এখান থেকে পালাতে



পারবিনে, (চীৎকার) ভোলা! ভোলা! খুন
কলে। ডাকাত এসেছে!

পেরু। (স্বগত) বাবা রে! কি ভয়ানক মূর্ত্তি
করেছে দেখ! আমিও এই সময়ে পালাই!

[তলবার হস্তে পেরুরামের পলায়ন।

বিধু। ভোলা! ভোলা! খুন করে! ডাকাত
এসেছে!

(ভোলা ও আর এক জন ভৃত্য আসিয়া
পেরুর প্রতি আক্রমণ)

(বিধুমুখী চীৎকার করিতে করিতে দ্বারের নিকট গমন,
এমন সময় পূর্ণ আসিয়া বিধুমুখীকে আলিঙ্গন)।

ভোলা ও আর একজন ভৃত্য পেরুরামকে
লইয়া প্রবেশ।

পেরুরাম আড়ষ্ট ও ভয়ে কম্পমান!

ভোলা। যখন ঠারগ আমায় ডায়েলেন, তখন দ্যাকি
কি না, এই ব্যাটা যমকিঙ্করের মত খাড়া হাতে
বাগানের দিকি পলাতি যাচ্ছে! বুড়া হয়েছি
বটে, তবু হাড়ে মজবুত আছি। শালা ডাকাতি
কত্তি আয়েছেন। (গুঁত প্রদান)

পেরু। ও বাবা রে! (পূর্ণবাবুকে দেখিতে পাইয়া)
একি পূর্ণ বাবু?

পূর্ণ। (হাসিতে হাসিতে) ভোলা! ওকে ছেড়ে দে!
[ভোলা ও অণু চাকরের প্রস্থান।

পেরু। (বস্ত্রাদি সামলাইয়া) রক্ষা কর! বাঁচলম।
ব্যাটারদের পাঁচ মিনিট ধরে বোঝালম,—বলি—
ঠাকুরগ আমাকে সরকার য়েখেচেন, ব্যাটার কি
কিছুতেই বুঝবে না?

বিধু। (স্বগত) বুঝেছি, উনি আমার সঙ্গে রহ
কচ্ছিলেন,—যা হোক, এ লোকটা বড় কষ্ট
পেয়েছে—এর জন্ত কিছু জলখাবার আনতে বলে
দি। ভোলা!

ভোলা। ঠারগ!

বিধু। জলখাবার নিয়ে এস।

ভোলা। (না শুনিত পাইয়া) কি বলেন?

বিধু। জলখাবার নিয়ে এস!

ভোলা। এই যাই, (স্বগত) এ কি হচ্ছে, আমি তো
এর কিছুই ব্যাওরা পাই না।

[ভোলার প্রস্থান।

পূর্ণ। পেরুরাম! তুমি যে সব কষ্ট আজ সহ
করেছ,—তার পুরস্কারস্বরূপ তোমাকে সর-
কারের পদেই বাহাল রাখলেম। আরও যদি
তোমার কোন উপকার করতে পারি, তাও
বল;—

পেরু। (স্বগত) আর কি বলি? রোস, সেই
চিঠিটার কিছু সন্ধান ব'লে দিতে পারেন
কি না দেখি; (প্রকাশে) গোলামের উপর যদি
এতই কৃপাদৃষ্টি হয়েছে,—তা আমাকে যদি
একটা সন্ধান ব'লে দিতে পারেন, তা হ'লে
আমার বড় উপকার হয়।* আর আমার কোন
প্রার্থনা নেই।

বিধু। আচ্ছা, বল না, কি শুনি?

পেরু। যদি বেয়াদপি মাপ করেন তো বলি।
ঠাকুরগ! আমার মতন হতভাগা লোক আর
ছনিয়ায় নেই। কামিনী ব'লে এক জন পরমা
সুন্দরী মেয়েমানুষকে আমি ভালবাস্তেম;
আমি ভাব্তেম, সেও বুঝি আমাকে ভালবাসে,
কিন্তু হঠাৎ একদিন দেখি, আর একজন আমার
জায়গায় উড়ে এসে জুড়ে বসেছে। সেই লোকটা
কে জানুবার জন্ত আমি ভারি অস্থির হয়েছি।
আর কোন চিহ্ন নেই, যা দেখে আমি তার
সন্ধান পেতে পারি,—কেবল এই পত্রখানা
আছে;—এর উপরে একটা 'প' লেখা আছে;
—এই চিহ্ন দেখে যদি কিছু আপনারা সন্ধান
ব'লে দিতে পারেন!

বিধু। (স্বগত) এ লোকটা নিতান্ত বোকা দেখছি,
এর সন্ধান আবার আমাদের জিজ্ঞাসা কর্তে
এসেছে। ওঁর ভালবাসার কে আর একজন
ভালবাসা আছে, তার সন্ধান কি না ওঁকে
আমাদের ব'লে দিতে হবে। যা হোক, কি বলে,
শুনাই যাক না কেন।

পূর্ণ। (আপনার হস্তের লিপি চিনিত পারিয়া
স্বগত) কামিনীর সঙ্গে আবার এ ব্যাটারও
ভাব আছে নাকি? কামিনীকে যে পত্র লিখে-
ছিলম—এ ব্যাটা কোথা থেকে কুড়িয়ে পেলে?
এখন ভালোয় ভালোয় কাঁড়াটা উত্রে গেলে
বাঁচি। এ ব্যাটা চিঠিখানা বিধুমুখীর হাতে না
দিলে বাঁচি। রোস! আগু থাকতে ওর কাছ
থেকে পত্রখানা চেয়ে নি।

পূর্ণ। (পেরুর প্রতি)—পত্রখানা দেখি।

পেরু। এই নিন্ (পত্র প্রদান)

(পূর্ণ যেমন এই পত্র গ্রহণ করিবে, এমন সময় বিধুমুখী তাঁর হস্ত হইতে কাড়িয়া লইলেন)

বিধু। (উঠিয়া) এ 'প' চিহ্ন আমি বেশ জানি;

(পূর্ণর প্রতি) এ যে তোমার মোহর দেখছি!

পূর্ণ। (স্বগত পেরুর প্রতি) দূর বোকা! তুই ব্যাটা আমাকে মজালা!

পেরু। (স্বগত) অ্যা? কি? আমি তো কিছুই বুঝতে পাচ্চিনে; অতবড় মস্ত লোক পূর্ণবাবু যে কাঙ্কালের ধন চুরি করবে, এ তো দেখলেও বিশ্বাস হয় না।

বিধু। (পূর্ণর প্রতি) হাতের লেখাও দেখছি তোমার। (পাঠ) "প্রেয়সী কাল তোমার সঙ্গে দেখা হবে"

—প;—সংক্ষেপ বটে; কিন্তু অর্থ—পূর্ণ!

পূর্ণ। মাই ডিয়ার, এই চিঠি—

বিধু। অনেক দিনের চিঠি বল্চ? কিন্তু চিঠির তারিখটা দেখ দিকি একবার! চার দিনের কথা।

পেরু। (স্বগত) আমি তো কিছুই বুঝতে পাচ্চিনে।

(জবখাবার লইয়া ভোলার প্রবেশ)

পূর্ণ। মাই ডিয়ার!—

ভোলা। জলখাবার আনেছি ঠারগ।

বিধু। (পত্র ক্রোধে ছিঁড়িয়া ফেলিয়া) ভোলা! জলখাবার নিয়ে যাও, আর শীঘ্র পাকি আন্তে বল।

ভোলা। কি বল্চেন ঠারগ?

বিধু। তুমি কি কাল না কি? জলখাবার এখান থেকে নিয়ে যাও আর শীঘ্র পাকি আন্তে বল।

ভোলা। আগুগে! (স্বগত) সবাই ক্ষ্যাপেছে না কি?
[ভোলার প্রস্থান।]

বিধু। আর আমার এ বাড়ীতে থাকা হয় না। আমি এক্ষণি ভারতশ্রমে যাব।

পূর্ণ। (আর কোন উত্তর খুঁজিয়া না পাওয়ায়) ছি মাই ডিয়ার! আবার আমার সঙ্গে রঙ্গ কচ্ছ?

বিধু। আমি রঙ্গ কচ্ছি বৈ কি!

পেরু। (স্বগত) ও! এতক্ষণে বুঝেচি! গিন্নী পূর্ণবাবুর সঙ্গে আবার তামাসা কচ্ছে! কিন্তু কৈ

—এবার যে পূর্ণবাবু আর পাল্টা মারতে পাচ্ছেন না। গিন্নী প্রথমে একবার পূর্ণবাবুর সঙ্গে তামাসা করেছিলেন, পূর্ণবাবুও তার পর গিন্নীর উপর এক আড়ে হাত নিয়েছিল। এবার ফের গিন্নী পূর্ণবাবুর সঙ্গে তামাসা কচ্ছে—কিন্তু কৈ, পূর্ণবাবু তো দেখছি এবার আর কোন ফন্দি বের করতে পাচ্ছে না। রোস, আমি পূর্ণবাবুর হোয়ে একটা পাল্টা জবাব দিচ্ছি! (প্রকাশ্যে) আমাকে দুট কথা বলতে দেবেন? তা হলেই সব গোল মিটে যাবে।

পূর্ণ (স্বগত) আবার এ ব্যাটা বলে কি দেখ! আজ আমাকে মজালা! (প্রকাশ্যে পেরুর প্রতি) সব বোঝা গ্যাছে, আর কিছু বলতে হবে না।

বিধু। (তাড়াতাড়ি) আচ্ছা, বল না, বল না কি? শুনি!

পেরু। আচ্ছা, আমি বুভাস্তটা বলি, শুহুন্! পূর্ণবাবুকে নিয়ে আপনি একবার রঙ্গ করেছিলেন—তাই পূর্ণবাবুও আপনার সঙ্গে একটা তামাসা করুবেন, মনে করেছিলেন। তাই, আপনি যখন এই ঘর থেকে একবার বেরিয়ে গিয়েছিলেন, তখন তিনি এই পত্রখানা লিখে আমাকে বলেন যে, যদি কোন রকম করে এই পত্রখানা তুমি গিন্নীর হাতে ফেলতে পার, তা হলে তোমাকে পুরস্কার দেব।

পূর্ণ। (স্বগত পেরুর প্রতি) বেশ বলেছি বাবা! বেশ জুগিয়ে বলেছি! মাইনে বিগুন কোরে দেব! কে বলে তোকে বোকা? বুদ্ধিতে তুই বৃহস্পতির বাবা! (প্রকাশ্যে) কেমন ডিয়ার, শুন্লে তো? সকলেরই পালা আছে!

বিধু। আমাকে তাই বোলে মিছি মিছি কি এই রকম কোরে কষ্ট দিতে হয়? সারাদিন রঙ্গ ভাল লাগে না।

(ভোলার প্রবেশ)

ভোলা। ঠারগ! পাকি তৈরি।

বিধু। আর দরকার নেই, যেতে ব'লে দেও। (পূর্ণবাবুর প্রতি) এক যদি তোমার শামবাজারে যাবার দরকার থাকে!

পূর্ণ। ছি ডিয়ার, আর ও কথা বোলো না!

বিধু। ভোলা!

ভোলা। ঠারণ!

বিধু। জলখাবার নিয়ে এস।

ভোলা। (আশ্চর্য হইয়া) ঠারণ।

বিধু। জলখাবার নিয়ে এস।

ভোলা। (স্বগত) সবাই ক্যাপে গেল না কি!

[ভোলার প্রস্থান।

পেরুরাম। ঠাকুরণ, তবে এখন আমি বিদায় হই?
ভোর হয়ে গ্যাছে!

বিধু। কি? জলযোগ না করেই যাবে?

পূর্ণ। আমাকেও কিছু জলযোগ করতে হবে,—
সমস্ত রাতটাই হুটপাটি করা গ্যাছে।

(বারকোবে জলখাবার লইয়া ভোলার প্রবেশ)

ভোলা। জলখাবার আনেছি ঠারণ!

বিধু। বেশ করেছ—ঠিক সময়ে এনেছ, আমারও

যবনিকা-পতন।

ফিদে পেয়েছে! (একটা থাল উঠাইয়া
লইয়া)

পেরু। (ঐ থাল লইবার জন্ত ব্যস্ত) ওটা ঠাকুরণ,
পেরুরামের জন্ত।

পূর্ণ। (ঐ থালা লইয়া) মনিবের জন্ত আগে!

পেরু। তবে দেখি আমার অদৃষ্টে নেই!

বিধু। (ঐ থালা পূর্ণর নিকট হইতে কাড়িয়া
পেরুকে প্রদান,) এখন তো হল?

পেরু। (আহ্লাদে) আ! এতক্ষণের পর! (আহার)
বা! চমৎকার জিনিস! (পূর্ণ আর এক থাল
উঠাইয়া লইয়া বিধুমুখীর হস্তে প্রদান।

বিধুমুখী থাল হস্তে দর্শকগণের প্রতি।—

মিটিল ঝগড়া-ঝাঁটি আর গোলযোগ!

সুখে করে পেরুরাম এবে জলযোগ!

তারি লাগি এতক্ষণ এই কন্দ-ভোগ!

এখন দর্শকগণ খ্যাটে দেও যোগ!

এ
আ
জা
স্থ
কা
হই
দে
দে
উপ
sior
কো
উপ
তাহ
টং-নি
এবং
সহিব
রক্ষণ
লো

প্রবাসীর আত্মকথা

(পিয়ের-লোটির ফরাসী হইতে) *

জ্যোতিরিন্দ্রনাথ ঠাকুর অনূদিত

প্রাভাতিক সরকারী কাজে

২৭ আগষ্ট, ১৮৮৩

এখন প্রভাত। উপকূলের এক উপসাগরের মধ্যে আমরা “আরাম”† প্রদেশে; বার-দরিয়ায় আমাদের জাহাজ নদ্র ফেলিয়া আছে। ঐখানে কোন এক স্থানে “তুরান” নামে একটি ক্ষুদ্র নগর আছে; সরকারী কাজের আস্থানে সেইখানে আমাকে যাইতে হইবে।

কাজটা এই:—প্রধান “মান্দারীন্কে” আমাদের জাহাজে আনিতে হইবে। তিনি আসিয়া আমাদের সহিত বগ্ৰতা-জ্ঞাপক সাক্ষাৎকার করিবেন।

* “পিয়ের লোটি” ছদ্ম নাম। আসলনাম Viaud ফরাসী ঔপন্যাসিক ও ভ্রমণবৃত্তান্ত লেখক। তিনি একজন impressionist; এই ক্ষেত্রে তিনি পূর্ব কৃতিত্ব দেখাইয়াছেন। একটা কোন পদার্থ দেখিলে হঠাৎ মনে যে, একটা মানুষের আভাস উপলব্ধি হয় এবং তদনুরূপ ঐ পদার্থের বর্ণনা করিয়া হয়, তাহাই “আভাস-গ্রাহী”—লেখকের বর্ণনার বিশেষত্ব।—শ্রীজ্যো...

† কোচিন-চাইনার অন্তর্গত প্রদেশ। আন্দামের উত্তরে টং-কিং; পূর্বে চীন সমুদ্র; দক্ষিণে কোচীন-চীন ও কাঞ্চোদিয়া এবং পশ্চিমে শ্রামদেশ। প্রধান বন্দর “তুরান”। চীনের সহিত ১৮৮৬ সালের সন্ধিসূত্রে এই প্রদেশ ফরাসীদিগের রক্ষণাধীন হইয়াছে। জনসাধারণ বৌদ্ধধর্মাবলম্বী; শিকিত লোকেরা কংফুচু-ধর্মাবলম্বী।—শ্রীজ্যো...

তাহার পর আমাদের সহিত এই প্রদেশের মৈত্রী সন্ধি প্রতিষ্ঠিত হইবে। পূর্বেই এই প্রদেশ রক্ষণাবেক্ষণের নিমিত্ত আমাদের প্রদত্ত হয়।

উপসাগরটি সুন্দর ও বিস্তীর্ণ। ইহা তিনটা কক্ষবর্ণ উচ্চ পর্বতের দ্বারা পরিবেষ্টিত; কেবল পশ্চাৎ সীমান্তে একটা সমতল সৈকতভূমির মেখলা; উপসাগরটি শেষ করিবার উদ্দেশ্যে, আর কিছু বেশী ভাল খুঁজিয়া না পাওয়ার ঘেন ভিন্ন দেশের এক টুকরা ওখানে আনিয়া ফেলা হইয়াছে।

মনে হইতেছে, ঐ পশ্চাদ্ভাগের ভূখণ্ডে, ঐ সমতল-ক্ষেত্রে, এক নদীর ধারে এই “তুরান”কে দেখিতে পাইব। কিন্তু এখনও ঐ নদীর প্রবেশ-মুখ দেখা যাইতেছে না।

আমাকে বাছিয়া লইতে বলায়, আমি ৬ জন মাথালো মাথালো লোক বাছিয়া লইলাম। উহারা এই দুঃসাহসিক কাজে আমাদের সঙ্গে যাইবে।

ইহারা সদ্বংশজাত পাকা নাবিক, তাতে আবার অল্পশস্ত্রে সুসজ্জিত; এসিয়ার একটা সমগ্র নগরের উপর চাপিয়া বসিবার পক্ষে এই কয়েকটি লোকই যথেষ্ট।

দিনের আলো দেখা দিয়াছে। আমরা একটা তিমি-মৎস্তের নৌকায় উঠিয়া যাত্রা করিলাম।

আমাদের মধ্যে কেহই “তুরান” দেখে নাই। তাই এই অজ্ঞাত দেশে আমরা এইরূপ শাসন প্রচার করিতে যাইতেছি মনে করিয়া আমাদের খুব আশ্রয় হইতেছে।

পর্বতগুলার মাথায় কালো গন্ধুজের আকারে মেঘ লাগিয়া আছে। উর্দ্ধদেশে আমাদের মাথার উপর গুরুভার অন্ধকার স্তূপাকার হইয়া আছে।

পক্ষান্তরে হোথায়, এই নিয় ভূখণ্ডের উপর যেখানে আমরা যাইতেছি, আকাশের একটা আলোকোজ্জ্বল গভীর ফাঁক দেখা যাইতেছে। তা ছাড়া, একটা অসংলগ্ন খাপছাড়া জিনিসের ছায়া-ছবি মাটির উপর অঙ্কিত রহিয়াছে; ইহা “মার্কেল-পর্বত”; ইহার সহিত আর কিছুই সাদৃশ্য নাই; এই গঠনটি সমতল-ক্ষেত্রের মধ্যে দূরে পৃথকভাবে একাকী মাথা তুলিয়া আছে। রঙের প্রথর উজ্জ্বলতা; এই বালুকারাশির মধ্যে, ইহা যেন একটা স্থপিত্তা জিনিস; খুব একটা বড় ধ্বংসাবশেষ, না, একটা এবড়ো-খেবড়ো পাহাড়? ইহার মধ্যে, কোনটা তা কে জানে। এইটের উপর সকলেরই নজর পড়ে, এটা যেন এখানকার ভূগর্ভের একটা অপূর্ণ চীনা-পুতুলের খেলনা।

যখনটানেক যাত্রার পর, জায়গাটা অনেকটা কাছাকাছি হইয়া পড়িল। প্রথম দৃষ্টিতে যাহা সাদামাটা সচরাচর জিনিস বলিয়া মনে হইয়াছিল, এখন তাহার সমস্ত খুঁটিনাটি নজরে পড়িল; এক সারি সমপরিমাণ নিয়মিত বালুকাস্তূপ, তাহার উপর আমাদের দেশের স্থায়ী গাছপালা। নদীর মুখটা এখন দেখা যাইতেছে, দুই বালুময় বিন্দুর মাঝে একটা প্রবেশ-পথ। প্রবেশ-পথের ধারে একটা ক্ষুদ্র গৃহ। এই জায়গাটায় কতকটা “গ্যাস্কেইন্” কিংবা “স্যাভোন্সের” ভাব আছে; এবং দূর হইতে বেশ মনে করা যাইতে পারে, যেন ক্রান্ত দেশের কোন ছোটখাটো বন্দরে আসিতেছি। যাত্রা-পথে কখন কখন এই বিলম্বটা মনে আনিতে ভাল লাগে।

কিন্তু গৃহটা যখন আরও কাছাকাছি হইল, তখন উহাকে একটা অদ্ভুত আকারের বলিয়া মনে হইল, যেন মুখ-ভ্যাংচাইতেছে। উহার বক্র-রেখাযুক্ত ছাদের উপর নানা-প্রকার কদর্য্য দৈত্য-দানব খোঁচা বাহির করিয়া আছে, উহাদের শিং আছে, উহাদের বক্র-নখযুক্ত থাণ্ডা আছে, এবং উহার মধ্যস্থলে মন্দিরস্বলভ

একটা বৃহৎ পদম আছে...আ!...এই ত বুদ্ধ! এই ত প্রান্তিক এসিয়া!...কিছু পূর্বে প্রবাসের কথাটা ভুলিয়া ছিলাম, আবার সহসা প্রবাসের ভাবটা, বহু-যোজনব্যাপী ব্যবধানের কথাটা মনে পড়িল। এই নিস্তক পুরাতন মন্দিরের চতুর্দিকে পাণ্ডুবর্ণ মুসকর-তরু সর্বত্র কণ্টক উড়াইয়া রহিয়াছে। ইতস্ততঃ ছোট ছোট জীর্ণ বেঞ্চের উপর ধূপাধার স্থাপিত আছে—এই বেঞ্চগুলি বৌদ্ধ চৈত্য। মন্দিরের রাস্তাটা প্রচ্ছন্ন রাখিবার জন্ত সম্মুখে, জলের ধারে, পর্দার আয় একটা চৌকোণা দেওয়াল গাঁথা হইয়াছে। এই দেওয়ালের গায়ে বিকটাকার থাণ্ডা-বিশিষ্ট একটা কাল্পনিক পশুর রঙিন দ্বিধুদগত ক্ষোদাই-কাজের মূর্তি রহিয়াছে—উহা ভীষণ বক্রদন্ত বাহির করিয়া হাসিতেছে। দেওয়ালের কার্ণিসের নিয়াংশে একটা লম্বা ভীষণ বাহুড় পাথরের পাখা মেলিয়া দিয়া আমাদের দিকে রক্তবর্ণ জিহ্বা বাহির করিয়া আছে। ভূতলে, একটা চীনা-মাটির কচ্ছপ মাথা তুলিয়া আমাদের পানে চাহিয়া আছে। ইহা ছাড়া, অত্যন্ত ক্ষুদ্র বিকটাকার জীব দেখা যাইতেছে; উহার নিশ্চল; শীকার করিবার সময় হিংস্র পশু যেরূপ লাফ দিবার উদ্যোগ করে, সেইরূপ ভঙ্গীসহকারে দেহ সঙ্কোচ করিয়া যেন লক্ষ প্রদান করিতে উদ্যত। এই সমস্ত মূর্তি অতি পুরাতন; কালপ্রভাবে ও ধূলার আক্রমণে ক্ষয় হইয়া গিয়াছে; কিন্তু উহাদের মুখে একটা জীবন্ত ভাব আছে—ছুঁটামীর ভাব আছে; যেন আমাদের দিকে বলিতেছে—বহুকাল হইতে আমরা এই নদীর প্রবেশ-পথ আগলাইয়া রহিয়াছি; যাহারা এই পথ দিয়া যাইবে, তাহাদের আমরা সর্বনাশ করিব।

বলা বাহুল্য, ইহা সন্দেহ, আমরা প্রবেশ করিলাম। কোথাও জনমানব নাই। মহা-নিস্তকতা, এবং একটা পরিত্যক্ত ভাব বিরাজ করিতেছে।

এই দেখ, কতকগুলো কামানের গাদা। (এগুলো ফরাসী হাউইটজার কামান, দেখিলেই চেনা যায়। ১৮৭৪ সালের সন্ধিস্থত্রে এগুলো রাজা তু-হুকে ছাড়িয়া দেওয়া হয়।) ঐখানে বালুরাশির মধ্যে, চালাঘরের নীচে উহার উণ্টাইয়া পড়িয়া আছে, কোন কাজে আসিতেছে না। তা ছাড়া, কতকগুলো নোঙ্গর ও লোহার শিকল একস্থানে গাদা

হইয়া রহিয়াছে। মনে হয়, আমাদের নদীর পথ
রোধ করাই উহাদের উদ্দেশ্য ছিল।

ইহার পরেই বুরুজ-ওয়াল। একটা বড় কেলা।
বুরুজের কামান বসাইবার মাটির রক্ষস্থানগুলা বাস,
বুনো আনারস ও মনসা গাছে আক্রান্ত। একটা
দণ্ডের প্রান্তদেশে, গিলটিকরা একটা কাঠের বিকট
জীবের মূর্তি, তাহার মুখের ভিতর, আন্ডাম দেশীয়
একটা পটমণ্ডপ;—এই মুখটা, নিশ্চল ও উষ্ণ বায়ুর
মধ্যে, হুলিতেছে না, শুধু বুলিয়া আছে। সবে-মাত্র
সূর্য্য উঠিয়াছে; ইহারই মধ্যে অনলবর্ষী প্রচণ্ড
উত্তাপ। এ স্থানটা বরাবরই জনমানবশূন্য। অবশ্য
এখন প্রভাত, লোকেরা এখনও ঘুমাইতেছে।

কিস্ত এ কি? একজন শাস্ত্রী পাহারা দিতেছে!
আমাদের একজন নাবিক আকাশের দিকে তাকাইয়া
দেখিতে পাইল—ঐ লোকটা আমাদের মাথার উপর
কাঠের চার-পায়াওয়াল। এক রকম ক্ষুদ্র ঘরের মধ্যে
উবুহইয়া বসিয়া আছে। তাহার পাশে বিপদ-সঙ্কেত
করিবার জন্ত একটা ঢাক রহিয়াছে। তাহার আপাদ-
মস্তক কাপড়ে ঢাকা; দেখিলে মনে হয়, যেন একটা
কদাকার বুড়ী—তাহারই মত পরিচ্ছদ, তাহারই মত
মাথায় ঝুঁটি খোঁপা।

লোকটা আমাদের পাশে তাকাইয়া তাকাইয়া
দেখিতে লাগিল—পুতুলের মত নিশ্চল; মাথা না
নাড়িয়া শুধু চোখ ফিরাইয়া দেখিতে লাগিল।

নদীর মুখটা আমাদের সম্মুখে উদ্ঘাটিত হইল—
বেশ সিধা, বেশ একটু চওড়া। উজ্জ্বলিত গলুই ও
দীর্ঘ-মাস্তুল-বিশিষ্ট কতকগুলো নৌকা হোথায় নদীর
ছইধারে নঙ্গর করিয়া আছে; তুরান নগর এখনও
একটু দূরে দেখা যাইতেছে। টালি কিংবা পাতা-
ছাওয়া ঘর গাছপালার মধ্যে ইতস্ততঃ বিকীরণ
রহিয়াছে; একটা ষষ্টির মাথায় লাগানো চীনা 'সাইন
বোর্ড', কতকগুলো বাঁশঝাড়, কতকগুলো "মিরাদর"
(নহবৎখানা), কতকগুলো মন্দির। এই সমস্ত আমাদের
নিকট ক্ষুদ্র ও নিতান্ত দীনহীন বলিয়া মনে হইল। এ
কথা সত্য, গাছপালার মধ্য দিয়া নগরটা আঁত্রিও
অনেক দূর পর্য্যন্ত চলিয়া গিয়াছে; কিন্তু তাতে কিছু
আসিয়া যায় না—আমরা আশা করিয়াছিলাম, ইহা
অপেক্ষা বড় নগর দেখিব।

নদীর উচ্চ পাড়ের উপর কে-একজন লোক
আপনাকে আপনি হাত-পাথায় বাতাস করিতেছে

এবং বেশ একটু দরদ দেখাইয়া হাতের ইমারা করিয়া
আমাদিগকে আহ্বান করিতেছে।

হাত-পাথা নাড়িয়া এমন সুন্দর ভঙ্গীসহকারে কে
আহ্বান করিতেছে? পুরুষ না রমণী? এ দেশে
তাঁহা জানিবার জ্ঞো নাই। একই রকম পরিচ্ছদ,
মাথায় একই ধরণের ঝুঁটি-খোঁপা, একই রকম
কুৎসিত চেহারা...

কিস্ত না। এ যে মোসিয়ো হোয়ে—উত্তর-
জাতীয় মধ্যবর্তী ব্যক্তিবিশেষ—যিনি অনতিবিলম্বে
তুরানের সহিত আমাদের সন্ধি-সম্বন্ধ স্থাপনের কাজে
একটা প্রধান স্থান গ্রহণ করিবেন; পাদ্রির মত
আলখাল্লা পরা, বানরের মত মুখ, মাথায় খুব উচ্চ
একটা খোঁপা-ঝুঁটি; তাহার উপর দিয়া একটা কুমাল
বাঁধা;—মনে হয়, যেন একজন বুদ্ধ লোক বিছানায়
শুইতে যাইতেছে। সে 'চিন্‌চিন্' বলিয়া নতশিরে
নমস্কার করিল—তাহার পর "গাইডের" ভাব ধারণ
করিয়া ফরাসী ভাষায় বলিল—“বৌ জুবু ম্যাসিয়!”
তখন আমার তিমি-ডিম্বিটা সবেগে বালির উপর
আনিয়া ফেলিলাম, এবং তীরে ভিড়াইলাম।

মোসিয়ো হোয়ে আবার আমাদের প্রত্যেককে
সাত বার নতশিরে নমস্কার করিয়া, উপাধি সহ
নিজের নাম ঘোষণা করিলেন—“মহাশয়, আমি
মোসিয়ো হোয়ে, আদ্রান্ কালেজের পুরাতন ছাত্র,
এবং মহামহিম রাজশ্রী তু-জুকের সরকারী দোভাষী।”
এই কথা বলিয়া আমাদের দিকে একটা ছোট কদা-
কার হাত বাড়াইয়া দিলেন—হাতটা আঁচিলে ভরা;
চীনীয় সাহিত্যিকদের মত হাতের নখগুলো—যেন
উহার বুদ্ধি এখনো শেষ হয় নাই। এইবার তিনি
আমাদের পাশে আসিয়া বসিলেন।

বোধ হইতেছে, “মান্দারীন,” ঐ ওদিকে একে-
বারে প্রান্তভাগে থাকেন। আমরা আমাদের
নদীপথে বরাবর চলিতে লাগিলাম।

নদীর ধার দিয়া যাইবার সময় দেখিলাম, বুনো
গোলাপ-গাছে গুচ্ছ-গুচ্ছ গোলাপফুল, এবং অনেক
প্রকার ফুল গালিচার মত ভূতলে বিস্তৃত—ইহার রং
লাল।

বৃক্ষের শাখাপল্লব সর্বত্রই উজ্জ্বল বর্ণের—চীনারা
এইরূপ উজ্জ্বল বর্ণের শাখাপল্লব চিত্র করিতে ভাল-
বাসে; ধূতরা, মনসা; একটু খর্ককায়, কিন্তু খুব তাজা
ঝোপঝাড়; সবুজ পালকের মত নারিকেল গাছ



ইতস্ততঃ রোপিত; শীর্ণকায় বাশঝাড় যন্ত্র বৃক্ষাদি অপেক্ষা উচ্চ—তৃণ-জাতীয় উদ্ভিদসমূহত স্বীয় সৌকুমার্য্য বজায় রাখিয়া, বুনো ছোলার মত খুব হালকা ভাবে হুইয়া পড়িয়াছে।

এই সুন্দর হরিৎ-শোভার মধ্যে গৃহগুলা কলাকার, মানুষগুলা ততোধিক কুৎসিত। এইবার কুটি-বীধা পুরুষ দেখা যাইতে আরম্ভ করিয়াছে—আমাদিগকে দেখিবার অল্প উহার ছুটিয়া আসিতেছে।

তুরানের কাছাকাছি স্থানগুলা সজীব হইয়া উঠিয়াছে। পাতলা খেঁকি কুকুরগুলা আমাদের পিছনে ভেউ-ভেউ করিতেছে। কালো কালো কতকগুলা শূকর মুখে বেশ একটা সজীব শূকরের ভাব—মাটিতে পেট ছুঁয়াইয়া চলিয়াছে—উহাদের পিছনে কতকগুলা লাল-ককুদ-বিশিষ্ট কুকুরকায় গরুও চলিয়াছে। প্রকাণ্ড প্রকাণ্ড মহিষ—আকারে অগ-হস্তীর মত—উচ্চ ঘাসের ভিতর মজ্জিত হইয়া আছে। উহাদের আঁত্র নাদা প্রায় মাটা ছুঁইয়া আছে; উহাদের শৃঙ্গ অতি ভীষণ; আমাদের গন্ধ পাইয়া নাক তুলিয়া নিখাস গ্রহণ করিতেছে—যেন আমাদিগকে আক্রমণ করিবার অল্প উদ্ভত।

এইবার একটা সহরতলীর মত স্থানে আসিয়া পড়িয়াছি। নদীতটের ধারে কতকগুলা পর্ণ-কুটির।

কতকগুলি পীতবর্ণ রমণী—অতি কদাকার—কুটির হইতে বাহির হইল এবং জলে পা ডুবাইয়া, আমাদিগকে ভাল করিয়া দেখিবার অল্প অগ্রসর হইল। উহারা প্রভাতের সাজসজ্জায় সজ্জিত। অশ্বপুচ্ছের ছায় কর্কশ কক্ষ কুস্তগরাশি বাকাইয়া ধরিয়া আমাদের সম্মুখে এলোদরণের খোঁপা বাধিল। উহারা পাণ ও সুপারী চিবাইতেছে। ইচ্ছা করিয়াই ছোট ছোট হাই তুলিয়া উহাদের বহিঃকদমত লম্বা দন্তপংক্তি আমাদিগকে দেখাইতেছে। দাঁতগুলা মিশ্-কালো। (আনাম প্রদেশে ভাবুনে মেয়েরা লাফার প্রলেপ দিয়া এইরূপ কৃত্রিম রঙে দন্ত চিত্রিত করে)।

স্পষ্ট দেখা যাইতেছে, ইহারা তুরানের “বসন্ত-সেনার” দল। মুখের উপর এই সব দাগ, আস্থানের এই সব মুচুকি হাসি—একটু পরে আমরা এই-সব আরও দেখিতে পাইব; কারণ, পৃথিবীর সর্বত্রই এই একই জিনিস দেখিতে পাওয়া যায়।

মোসিয়ো হোয়েকে জিজ্ঞাসা করায়, তিনি

চোখ নীচু করিয়া উত্তর করিলেন—“হাঁ, এ সেই অঞ্চলই বটে।” এই কথা শুনিয়া আমার খালাসীরা হাসিয়া উঠিল। অন্ধনির্মৌগিত চক্ষে সলজ্জভাবে হোয়ে মহাশয় এই কথাই পুনঃ পুনঃ বলিতে লাগিলেন। “হাঁ মহাশয়, তাই বটে—হাঁ মহাশয়, ওরা বাস্তবিকই তাই।”

তথাপি, পুরো-মানুষলের খালাসী ঘনিষ্ঠ ধরণে তুইতাকারি প্রয়োগ করিয়া স্বীয় মনোভাব গুঞ্জ-গুঞ্জ করিয়া চাপা স্বরে উহাদের নিকট ব্যক্ত করিল।

—তোরা ত বাদরী—তোরা আবার হাবভাব দেখাচ্ছিস—রূপের বড়াই করছিস... আমি যদি বাদর হতুম, তাহলে বটে... কিন্তু যা দেখছি—না, কতকগুলা বাদরী। না না, কখনই না।”

তটভূমির সবুজ ঝোপঝাপের মধ্যে কোন কোন-টায় সাদা ফুলের গুচ্ছ—গজদন্তের মত সাদা—কন্দ-মূলজাতীয় উদ্ভিদের আকার। আর কতকগুলা অগ্নিশিখার মত অগস্ত টকটকে লাল ফুল। উহার পাপড়িগুলা শিখের মত উর্ধ্বে উঠিয়াছে। ইহা যেন চীনা আতসবাঞ্জির মত, হরিৎ উদ্ভিদের মধ্যে ইত-স্ততঃ জলিয়া উঠিয়াছে।

বড় বড় প্রজাপতি, খুব বড় বড় মাছি এই সব ফুলের উপর বিচরণ করিতেছে—অনেকগুলা প্রজাপতি একেবারেই কালো, ডিগবাজি খাইয়া উণ্টাইয়া উণ্টাইয়া পড়িতেছে; পাখা বেশী ভারী বলিয়া উহারা আপনাদিগকে সামলাইতে পারিতেছে না। দেখিলে মনে হয়, যেন মথর্মলের পাখা।

সমস্ত প্রান্তিক এসিয়ার ছায়, এ দেশে যুগনাভির গন্ধ সর্বত্র পাওয়া যাইতেছে। যতই অভ্যন্তর-প্রদেশে প্রবেশ করা যাইতেছে, ততই যুগনাভির এই তীব্র গন্ধ আরও তীব্ররূপে অস্বভূত হইতেছে। ইহার সঙ্গে এই-সব গাছপালা-নিঃসৃত সুরভিখাসে, প্রথর সূর্য্যের কিরণে, উত্তপ্ত মহুয়া-বিষ্ঠার গন্ধ মিশ্রিত হইয়াছে।

এখন আমরা উজ্জ্বলিত-গলুই কতকগুলা নৌকার সম্মুখ দিয়া যাইতেছি। প্রত্যেক নৌকায় ছইট্টা ছইট্টা রং করা চোখ; নৌকার পুরোভাগটা মাছের মাথার মত। সমস্ত মৎস্যজীবী জেলিয়া এই-খানে উপস্থিত;—নৌকার উপর ছোট ছোট মাটির উনানে পুত্তিগন্ধময় ভাত ও চিংড়ির ঝোল রান্না হইতেছে। কতকগুলি নগ্ন শিশু—আপাদমস্তক পীতবর্ণ, লম্বা চুল,—সমস্ত নৌকাময় পিলপিল করিয়া,

কিবলি করিয়া বেড়াইতেছে, দাঁড়ের উপর বসি-
তেছে, লক্ষের মধ্যদণ্ডের উপর বসিতেছে, একটা
সতর্কতা ও বৈরতার ভঙ্গীসকহারে আমাদিগকে
দেখিতেছে। উহার মধ্যে সবেমাত্র জন্মিয়াছে, এইরূপ
খুব ছোট ছোট শিশুও আছে; উহার পাছার উপর
স্বয়ং হস্তমুষ্টি রাখিয়া পেট বাহির করিয়া "যুদ্ধং দেহি"
ভাব ধারণ করিয়াছে।

নদীর দক্ষিণ তীরে, কোন ছলভ জীব-বিশেষ
চরিত্রা বেড়াইতেছিল, তাহা আমাদিগকে দেখাইবার
জন্য হোয়ে মহাশয়ের বিশেষ আগ্রহ—একটা বোড়া।
এ বোড়াটা শাদা; আর একটা কালো বোড়াও
আছে (তুরানে লোকে পাকী করিয়াই বেড়ায়)।—
"ধর্মবাদ মোসিয়ো হোয়ে; কিন্তু অল্প দেশেও আমরা
এই জাতীয় জানোয়ার দেখিবার সুযোগ পাইয়াছি।"

তুরানের প্রথম বাড়াগুলা আমাদের চোখের
সামনে দিয়া যাইতেছে—বেশীর ভাগ বাশের পর্ণকুটির
—খুবই ক্ষুদ্র, ফেরিওয়ালো লোকানের মত শুধু তাহার
তিন দিক আছে। রানে, সহজে নাড়ান যায়, এইরূপ
বেতের কপাট দিয়া বন্ধ করা হয়; কিন্তু দিনের বেলা
ওদের কাজকর্ম সমস্ত দেখিতে পাওয়া যায়। এখন
উহার কালো-রং-করা দস্তুর সাহায্যে প্রান্তর্ভোজনে
ব্যাপৃত; একটা চীনা মাটির বাটিতে উহাদের সেই
চিরন্তন ভাত ও মাছ। এই বাটির গায়ে নীল রংএ
দৈত্যদানব আঁকা।

সর্বত্রই উহার ভোজনে ক্ষান্ত হইয়া কৌতূহল ও
উৎসেহ সহকারে আমাদিগকে দেখিতেছে।

এখন আমরা খুব আস্তে আস্তে চলিতেছি—এই
সব লোকদিগকে ভাল করিয়া দেখিবার সুযোগ
পাইয়া আমাদের খুব আনন্দ হইতেছে। নদীর
ধার দিয়া যে সরু পথটা গিয়াছে, সেই পথে এখনই
লোক চলিতে আরম্ভ করিয়াছে। সকলেরই গায়ে
আঁটসাঁট একই রকমের জোকা; কিন্তু রংএর
বৈচিত্র্য আছে। গরীব লোকদের ময়লা পুসর রংএর
পাশে জর্দা ও সবুজ রং;—শেযোক্ত এই দুই রং
সুবেশী সৌখীন লোকদিগের পছন্দসই। খড়ের টুপি;
—যত রকম মাপের টুপি আমাদের জানা আছে,
ইহা তাহার বহিভূত। স্ত্রীলোকদের কানা-বাহির
করা টুপি বাহু-প্রদেশের প্রকাণ্ড চাকের মত।
পুরুষদের টুপি কোণালো ও হুচালো—যেন একটা
প্রকাণ্ড বাতির ফাটল। উহার নীল ও লাল রংএর

পরিচ্ছদ পরিয়া কেজো লোকের মত মুখের ভাব
করিয়া, হেলিয়া হুগিয়া গদাইলক্ষরী চালে নদীর ধার
দিয়া চলিয়াছে—এই সাজসজ্জা ও চলিবার ভঙ্গী যে
কতটা রহস্যজনক, সে বিষয়ে উহার সম্পূর্ণ অচেতন।
সকলে একই স্থানে আসিয়া সমতল "জঙ্ক" নৌকায়
উঠিয়া ওপারে যাইতেছে। যাত্রাকালে আরও কতক-
গুলি ছোট ছোট পুরাতন জীর্ণ মন্দির দেখিতে পাই-
লাম। উহাদের গায়ে চিত্রিত দৈত্যদানব সমস্তই
কাল-বশে ও ধূলার বর্ষণে ক্ষয় হইয়া গিয়াছে। তাহার
পর এক জায়গায়—যেখানে তীরভূমি একটু উন্নত
—একটা সবুজ গড়ানে মাটা। মোসিয়ো হোয়ে
একটা সরু পথের সম্মুখে আমাদিগকে থামাইলেন;
আমরা তখন একটা নৌকার গা বেঁসিয়া আমাদের
সাদা তিমি-নৌকাটা নোদ্বর করিলাম। নোদ্বর
করিয়া বালুর উপর লাফাইয়া পড়িলাম।

ডাঙ্গায় নামিবামাত্রই খুব গরম বোধ হইতে লাগিল;
ঐ গরমটা একটু বেশী গুরুভার—ভিজা ভিজা।
চীনা-পর্দার হালুকা বাঁশগুলা একটা চলন্ত কম্পমান
ছায়া বিস্তার করিয়াছে; এই উষ্ণ ছায়ায় না পাওয়া
যায় আরাম, না পাওয়া যায় বিরাম। কতকগুলি
পাথরের ধাপ দিয়া আমরা উপরে উঠিলাম; "মান্দা-
রীন" অর্থাৎ প্রধান কর্মচারীর দ্বারপ্রকোষ্ঠ আমাদের
সম্মুখে আবির্ভূত হইল; ইহার ফটক ভারতীয়
ধরণের; ফটকের মাথায় নহবৎখানার মত একটা
ঘর; সেই ঘরে প্রহরীর একটা কুলদী আছে, আর
একটা ঢাক আছে।

মনে হইতেছে, যেন এই গৃহের সকলেই এখনো
নিদ্রাভিভূত—যদিও প্রাতঃসূর্য্য এরই মধ্যে স্বীয়
দারুণ অলস ক্রমে দিগ্বিদিক আলোকিত
করিয়াছে।

একা আমরাই শুধু এই ক্ষুদ্র বাগানটিতে
রহিয়াছি। বাগানটি একটু পুরাতন ধরণের—
কিন্তু তকিমাকার ধরণের। বাগানের মধ্যস্থলে অলঙ্কার-
স্বরূপ একখণ্ড চৌকোপা দেয়াল অবস্থিত—আনামু
প্রদেশে এইরূপ ইমারতি অলঙ্কারের খুব রেওয়াজ
আছে। আর একটা খুব প্রাচীন "বাসু রিলীফ"
মূর্ত্তি পাদপীঠের উপর দণ্ডায়মান।

চীনা মাটির ফলকের উপর চিত্রহরণ এবং অস্বাভাবিক
কাল্পনিক মূর্ত্তি প্রদর্শিত হইয়াছে; চীনা ধরণের
গাছের তলায় উহার অবস্থিত, গাছের পাতাগুলি



সবুজ ঝিলুকে গঠিত। ছোট ছোট পথ আড়া-আড়ি ভাবে ঘুরিয়া ফিরিয়া গিয়াছে। বালু-মাটির উপর পেরিউইফলু ফুল, ডালিমের ফুল, ঘোর কালো রঙের অতি ক্ষুদ্রকায় বর্ষীয় গোলাপ ফুটিয়া আছে। একটা নিস্তরুতা ও স্বর্ষ্যের প্রথর তাপে দিগ্বিদিক্ অভিলুত। গুরুভার কালো কালো প্রজাপতি উড়িয়া বেড়াইতেছে। উত্তানের পশ্চাৎগে একটা গৃহ। গৃহ একেবারেই রুদ্ধ।

হোয়ে মহাশয় স্বীয় বানর-কণ্ঠস্বরে ডাক দিতে-ছেন, কথাবার্তা চালাইতেছেন, চাৎকার করিতেছেন। তখন কতকগুলো নীচাশয় ভূত ভীতভাবে তাড়াতাড়ি আসিয়া ঘরের দরজা খুলিয়া দিল। আমরা গৃহে প্রবেশ করিলাম। এই উদ্ভাটিত গৃহ এক্ষণে একটা গভীর-পরিমর চালাঘরের মত মনে হইল। জনপ্রাণী নাই—অন্ধকার।

ভূতেরা মান্দারীকে জাগাইতে গেল। আমরা অপেক্ষা করিতে লাগিলাম। ইত্যবসরে এই স্থানটা ভাল করিয়া দেখিতে লাগিলাম। না জানি, কোন্ স্বপ্নের অতীত যুগের কতকগুলো অকেজো স্থাবর জিনিস, রাজকীয় উৎসব-অনুষ্ঠানের জিনিস, রাজ-বৈভব প্রদর্শনের জিনিস, কতকগুলো চামর, কতক-গুলো রাজচ্ক্র, কতকগুলো পালুকা, অন্ধকার চাঁদোয়া ছাদের গায়ে, মাকড়সার জাল ও ধূলারাশির মধ্যে হুকে ঝোলানো রহিয়াছে। একটা তালপাতার পর্দার আড়ালে, ঘরের একটা কোণে, তুরানের বিচারকার্য নির্বাহের জন্ত বাহা কিছু আবগুক, সমস্তই রহিয়াছে—দাঁড়িপাল্লা, কলুদী, শান্তির দণ্ড-কাঠ, পা পিবিবার জন্ত শক্ত কাঠের সাঁড়াশী, প্রেতাঙ্গাদিগকে আবাহন করিবার জন্ত বণ্টা, প্রহার করিবার জন্ত কতকগুলো বেত।

আবাসগৃহের মধ্যস্থলে একটা সন্ধানের টেবিল; টেবিলের চারিদিকে ফোদাই-কাজ-করা পুরাতন বেঞ্চের উপর বসিয়া আমরা মান্দারীনের জন্ত অপেক্ষা করিতে লাগিলাম। মান্দারীনের শুভাগমন কখন হইবে কে জানে।

পরিশেষে একটা পিছনের দরজা দিয়া, চওড়া-আস্তিনওয়ালা নীল ক্রেপের পরিচ্ছদ-পরিহিত একজন অতি বৃদ্ধ খুব কাঁপিতে কাঁপিতে ঘরে প্রবেশ করিলেন। খাবুড়া-খোবড়া এশিয়া-খণ্ডস্থল মুখশ্রী সঙ্কেত, মুখখানা দেখিতে মন্দ নয়। চুলের উপর

যেন সাদা বরফের গুঁড়া ছড়ানো এবং তাহার এবুড়া-খেবুড়া ছাগলে-দাড়ি মোড়লীয় ধরণে ছাঁটা; মনে হয়, যেন একটা হলুদে রংয়ের মুখপে লাগানো এক গুচ্ছ সাদা বালাফি বুলিতেছে।

তিনি খুব ঘাড় হেঁট করিয়া চিন্চিন্ .অভিবাदन করিলেন; তাহার পর আমার প্রসারিত হস্ত গ্রহণ করিয়া শান্তিস্থাপনের নিদর্শনধরূপ, ভীতিবিস্ময়-সহকারে হস্ত মর্দন করিলেন। তাহার পর টেবিলের চারিদিকে ঘুরিয়া ঘুরিয়া যে সব নাবিক আমার সহিত একত্র বসিয়াছিল, সকলেরই হস্ত মর্দন করিলেন। তাহার লম্বা লম্বা নখের দরুণ এবং চওড়া আস্তিনের তাঁজের দরুণ এইরূপ হস্তমর্দন করিতে তাহার একটু বাধো-বাধো ঠেকিতেছিল।

এই বড় অন্ধকেরে ঘরটা ক্রমে ক্রমে লোকে ভরিয়া গেল, তাহারা নিঃশব্দে প্রবেশ করিয়া, কথাবার্তা শুনিবার জন্ত দাঁড়াইয়া রহিল। অনেক-গুলি বৃদ্ধ 'মমি'র মত পিঙ্গলবর্ণ, পরিচ্ছদ অতি দীন ধরণের; চোঁকা মাথা; হুঁজাতিসুলভ মুখমণ্ডল। একদল চীনা, মুখে ধূর্তামীর ভাব, প্রথম শ্রেণীর মধ্যে অনধিকার প্রবেশ করিয়া আমাদের নিকট পর্য্যন্ত ঠেলিয়া আসিয়াছে। তা ছাড়া, আনাম্ প্রদেশের বিদ্রোহ-উত্তেজক অনেক বদ্-মায়েসও উপস্থিত আছে। এই সব এশিয়া-সুলভ মুখগুলার পশ্চাতে, গৃহের শেষ প্রান্তে এখন স্পষ্টরূপে দেখা যাইতেছে—কতকগুলো ভাঙ্গা-চোরা কিস্তুত-কিমাকার জিনিস সর্বত্র ঝুলানো রহিয়াছে, যথা—চাক, চোল, কতকগুলো ঝাকুড়া কাপড়, কতকগুলো পাকী বাহা পুরাকালে সোনার দৈত্যদানবের মূর্তিতে বিভূষিত ছিল, এক্ষণে এই সমস্ত ধুলার বর্ষণে ক্ষয় হইয়া গিয়াছে। মৃত জগতের এই সমস্ত পুরাতন পুতুলের মধ্যে আমার নাবিকেরা বিজয়-সুলভ খাতির-নদারদভাবে বসিয়া আছে, মুখে বেশ জীবন্তভাব—গর্বোন্নত ভাব, অবাধ সহজ ভাব।

যখন আমি তুয়ান-আনুএর খণ্ডযুদ্ধের কথা, আমাদের জয়লাভের কথা, ছয়ের রাজার সহিত আমাদের সন্ধিস্থাপনের কথা বলিতে আরম্ভ করিলাম, তখন সকলে নিস্তরু হইয়া শুনিতে লাগিল। দোভাষী আমার কথাগুলো ধীরে ধীরে ভাষান্তর করিতে লাগিল; আমাদের চারিপাশে হাত-পাখা ও চামর-ব্যজনের লবু শব্দ ছাড়া আর কিছুই শুনা যাইতেছিল

না। তথাপি উহাদের মনোযোগপূর্ণ মুখে কোন প্রকার আবেগের চিহ্ন দেখা গেল না। খুব সম্ভব, পরাজয়ের খবরটা উহারা পূর্বেই রাজার বার্তা-বাহকের মুখে শুনিয়াছিল। এখন কেবল উহাদের মধ্যে ইসারা বিনিময় চলিতেছে, উহাদের উপরদিকে-তোলা ছোট-ছোট চোখের চোখ-টেপাটেপি চলিতেছে, যেন আপনাদিগের মধ্যে এই কথা চলিতেছে—“ভালই হয়েছে; যা আমরা শুনলেম, তা ভালই মনে হচ্ছে; ওঁর বর্ণনাটা খুব ঠিক।”

অবশেষে যখন আমার দেখা-সাফাতের কাজ শেষ হইল, তখন বুদ্ধ মান্দারীন্ ভীত হইয়া পড়িল। ফরাসী জাহাজের উপর উঠিতে হইবে, এই কথা মনে করিয়া বুদ্ধ ভয়ে কাঁপিতে লাগিল।

প্রথমে সে একটু তর্কবিতর্ক করিল, তাহার পর অমুন্নয় করিতে লাগিল।—যখন যাইতেই হইবে, তখন অবশ্যই যাইবে; কিন্তু বন্দীর ঞায় আমাদের সহিত একলা, আমাদের সাদা জাহাজে উঠিবে না। এই কথা মনে করিয়াই তাহার ভয় হইতেছিল, কষ্ট হইতেছিল আপনার বাঁচায়ার জ্ঞান এবং জাঁকজমকের উদ্দেশে ও সুবিধার হিসাবে—যদি আমরা তাহার কথার উপর বিশ্বাস করি—আমাদের একঘণ্টা পরে অমুচরবর্গের সহিত ছত্রাদি লইয়া সর্বৈবভাবে নিজের নৌকা করিয়া যাইবে বলিল।

তাহার পলিত কেশ ও মুখের অকপট ভাব দেখিয়া আমি তাহার সমস্ত কথাতেই সন্মত হইলাম। এখন আমরা একেবারেই বন্ধুর সামিল হইয়া পড়িলাম। তখন সহকারী কর্মচারীরা,—আর কিছু শুনিলে নাই দেখিয়া, নিঃশব্দে কথা কহিতে কহিতে “চিন্‌চিন” ও নতশিরে অভিবাদন করিতে করিতে প্রস্থান করিল।

তথাপি, উহারা আমাদের জ্ঞান বেশ সুস্বাদু চা প্রস্তুত করিয়াছে, যাইবার আগে এই চা আমাদের পান করিতে হইবে। নীলরঙের ছোট ছোট চীনা-মাটির পেয়ালার মান্দারীন্ নিজহস্তে চা পরিবেষণ করিতে লাগিলেন। পেয়ালার খালি হইবামাত্রই আবার ভরিয়া দিতে লাগিলেন। চায়ের খালাটা প্রজাপতি ও কীট-পতঙ্গের আকারের কিছুকে খচিত—অতি চমৎকার; চা-দানীটা পুরাতন চীনা বাসনের; তাঁবার কাতলীটা যেন চিত্রশালার কতকগুলো খণ্ড; কিন্তু আমাদের ৭ জনের জ্ঞান কেবল

একটা সীসার চামচ;—তিনি ঘুঁটিবার জ্ঞান ঐ একই চামচ সকলের কাছে ফেরানো হইতে লাগিল; কোণালু আকারের স্বচ্যগ্র সিগারেট, হাতে গুটাইয়া তাড়াতাড়ি আমাদের দিল। কারণ, এই সময় বিদায় লইবার জ্ঞান উঠিয়া পড়িয়াছিল। আমাদের পৌছাইয়া দিবার জ্ঞান মান্দারীন্ বাহির হইয়া স্বীয় স্বর্ঘ্যদণ্ড উত্তানের ভিতর দিয়া চলিতে লাগিলেন। আদব-কায়দার নিয়মামুসারে এক ভূত্য তাঁহার সম্মুখে একটা কালো ছাতা ধরিল—ছাতাটা নিনিভানগরের একটা বাসুরিলীফের মত। মনে হইতে লাগিল, যেন প্রাচীন এসিয়ার না জানি কোন্ স্বদূর অতীত যুগের একটা স্মৃতি সমস্ত পদার্থের মধ্যে আকাশে বাতাসে চরিয়া বেড়াইতেছে; বর্তমান শতাব্দীর ধারণাটা আমাদের মন হইতে ক্ষণকালের জ্ঞান বিলুপ্ত হইল।

বাঁশঝাড়ের নীচে একটা সরু পথে কতকগুলো লোক নিষ্ঠুরভাবে খুব ছোট ছোট গোল খাঁচার ভিতর কতকগুলো মুরগ-মুর্গী পুরিয়া আমাদের নিকট বিক্রয় করিবে বলিয়া অপেক্ষা করিতেছে। তার পর ডিম, কলা, পাতিহাঁস ও নেবুও বিক্রয়ার্থ রাখিয়াছে। ম্যাসিয় হোয়ে আবার উচ্চৈশ্বরে বলিয়া উঠিলেন—“কোনও জিনিস কিনিতে হইলে লোক এই বাজারে আসে।” আমরা দেখিয়াছি, নদীর অপর পারে সমস্ত লোক আসিয়া থাকে।

শীত্ৰই আমরা নদী ছাড়াইয়া গেলাম। এক্ষণে আমরা তুরানের জনতার সহিত মিশিব। আমাদের খুব আমোদ হইবে। তা ছাড়া, জাহাজের পীড়িত লোকদিগের জ্ঞান ডিম, ফল ও অচ্ছাচ্ছা তাজা আহার-সামগ্রী পাঠাইতে হইবে।

কিন্তু এই দেখ, আমাদের সেই পুরোমান্বলের নাবিক যখন তার দাঁড়ে বসিতে যাইবে, সেই সময় হঠাৎ তার মন বদলিয়া গেল—একটু পূর্বে সেই রমণীদের সখ্যে তার যে মনোভাব ছিল, হঠাৎ সেই মনোভাবে একটা পরিবর্তন উপস্থিত হইয়াছে। এই নদীর তীর ত্যাগ করিবার পূর্বে আবার তাহাদের সহিত একবার দেখা করিবার জ্ঞান আমার নিকট অমুমতি চাহিল। বড়মান্বলের নাবিকও তাহার সঙ্গে যাইবে বলিল।

একটা ছোট পুষ্পিত পথ দিয়া উহারা সেখানে শীত্ৰই উপস্থিত হইল। সেখানে খুব অলক্ষণ থাকিয়া



উহারা একটা ঝাপান-নৌকা করিয়া ফিরিয়া আসিল।

—“আঃ না—না—এই গ্যালাটি বড়ই বিপদজনক; এতে খুবই অনিষ্ট হবার কথা। কতকগুলি মানবাঙ্গা আমার হেপাজতে আছে;—আমি খুব রাগ প্রকাশ ক’রে অস্বীকার করলেম।”

এই বাজারটা অতি জঘন্য—কত পোকা-মাকড় কিলুবিলু করিয়া বেড়াইতেছে।

একটা চৌকোণা খোলা জায়গায় বাজারটা বসিয়াছে। মাথার উপর প্রথর রৌদ্র। বাজারের প্রত্যেক ধারে ডবল-সারি চালা-ঘর; সেই-সব চালা-ঘরে বিক্রেতার। বসিয়াছে। শেষ একটা প্রান্তে মন্দির-প্রাচীর; এই প্রাচীরের উপর চীনা-মাটির পুরাতন ক্ষুদ্রাকৃতি বিকট জীব-সকল উপবিষ্ট।

চা-প্রস্তুতকারীরা দৈত্যদানা-চিত্রিত নীল রঙের পেয়লায় সকলকে গরম-গরম চা পরিবেশন করিতেছে। তাহার পর মেঠাইওয়াল, কিছুত-কিমাকার চীনা-পুতুলের মূর্তি-বিক্রেতা—ইহারাও আছে, সবুজ পাতায় রক্ষিত কিম্বাই করা মাংসের ছোট ছোট গুলি, মাছের ডিমে তৈরী আমলেট; ধূম-বাসিত ছাপ দেওয়া, কড়-মৎস্তের ধরণে চ্যাপটা করা কতকগুলো শুকানো কুকুর; গোটা শূকর কতকগুলো বেতের ভিতর আবদ্ধ রাখা হইয়াছে—এবং ধরিবার জন্ত একটা মুষ্টি-হাতল তাহাতে লাগানো আছে। যে-সব জিনিস দেবতাদের কাজে আসে;—যথা লাল চর্কির বাতি ও ধূপ-কাঠি প্রভৃতি রহিয়াছে। লোকগুলা অতি নোংরা, সকলেরই দীন দর্শা, আর পরস্পরের মধ্যে কেবলি গালিগালাজ চলিতেছে।

মাথার উপর সূর্যের প্রথর কিরণ। ভিক্ষু ও ভিক্ষুণীর দল হস্ত প্রসারিত করিয়া লোকদিগকে বিরক্ত করিতেছে। পাঁচড়া-গাত্র ভিক্ষুকেরা বানর-স্বলভ দক্ষতা-সহকারে গা চুলকাইতেছে। কতকগুলো লোকের দেহ কুষ্ঠগতে আচ্ছন্ন; মূখ ঘায়ে ভরা; কতকগুলো বড়ীর ঠোঁট নাই, চোখের পাতা নাই। এবং নাকের পরিবর্তে একটা ছিদ্র মাত্র আছে—যেন মৃত্যুকে আশ্রয় করিতেছে।

প্রথমে যেন কি একটা ভয়ে উহারা আমাদের নিকট হইতে দূরে সরিয়া গিয়াছিল; এখন আবার আমাদের নিকটে আসিল। এই জনতার মধ্যে কতকগুলি শিশু উহাদের অদ্ভুত রকমের

ছোট মুখ, সুন্দর অলঙ্কালে চোখ, একেবারে নগ্ন, মাথায় উচু করিয়া ঝুঁটি বাঁধা; কতকগুলি তরুণী, উহা-দিগকে স্ত্রী বলিলেও চলে; লম্বা চুল, গ্রীকধরণে বাঁধা, বিড়ালের মত চোখ। দাঁত সর্বদাই কালো রঙে রংকরা; চুণ-দেওয়া পাণ চিবাইতেছে, তাহাতে করিয়া ঠোঁটের উপরেও একটা লালের পৌচ পড়িয়াছে। কতকগুলি অল্পবয়স্ক যুবক; বক্ষোদেশ নগ্ন, ছিপছিপে স্তবন্ধিম গঠন; স্ত্রীলোকের মত সুন্দর কেশগুচ্ছ; কিন্তু পরে পরিণত বয়সে ইহারা কুৎসিত দেখিতে হইবে; তখন উহাদের দাড়ির চুল গজাইতে সুরু করিবে—Seal মৎস্তের ঠোঁটের লোমের মত—১০।১২টা কর্কশ লম্বা লোম বুলিয়া পড়িবে।

এই সকল মুখ বড় বড় টুপির ছায়ায় আচ্ছন্ন; এই টুপির প্রত্যেক পাশ হইতে, ঘটি নাড়িবার দড়ির মত এক একটা ঝাপা বুলিতেছে; এই ঝাপাগুলো ঝিমুকের ছলের দ্বারা বিভূষিত; ঝিমুকে প্রায়ই বাহুড়ের মূর্তি অঙ্কিত। যখন বাতাস বহিতে থাকে, তখন উহারা দুই হাতে দুই ঝাপা ধরিয়া থাকে, পাছে বাতাসে উড়িয়া যায়।

ক্রমে অল্প অল্প করিয়া, বড় বড় মূর্গা ও খুব সুন্দর সুন্দর কদলীতে আমাদের তিমি-জাহাজ ভরিয়া গেল।

আমরা সজ্জনের মত খরিদপত্র করিলাম—এমন কি, মূল্যও খুব বেশী বেশী করিয়া দিলাম। নাবিকেরা বার-দরিয়ার দীর্ঘকালব্যাপী খাওয়ার অভাব ভোগ করিবার পর, এক্ষণে পেট ভরিয়া ফল খাইতে লাগিল এবং নিকটস্থ রমণীদিগকে ভাল করিয়া নিরীক্ষণ করিবার জন্ত টুপি উঠাইতে লাগিল। তা ছাড়া এক্ষণে নাবিকেরা ধনাঢ্য। সাপেক্ (এক প্রকার বিদ্ধ করা মুদ্রা;—ছিদ্রের ভিতর দিয়া রজু চালাইয়া দেওয়া হয়) মুদ্রার কয়েক সারি বা নহর উহাদের কোমরে মালার মত জড়ানো রহিয়াছে। এক্ষণে ডাপায় নামিবার আনন্দে এবং এতগুলো কলা খাইতে পাইয়াছে বলিয়া আনন্দে উৎফুল্ল হইয়া, যে মূল্যই উহাদের নিকট বিক্রেত্রীরা চাহিতে লাগিল, তাহাই নাবিকেরা যদৃচ্ছাক্রমে উহাদিগকে দান করিতে লাগিল; নাবিকেরা উহাদিগকেই হিসাব করিতে বলিল এবং উহাদের ইচ্ছামত উহারা নিজেই নাবিকদিগের কটিবন্ধ হইতে মুদ্রা খুলিয়া লইতে লাগিল। উহাদের মধ্যে যাহারা একটু ভাল দেখিতে

ও তরুণবয়স্কা, তাহারা এই অধিকার আরও বেশী
করিয়া লাভ করিল।

আমাদের আর আধঘণ্টা সময় আছে। আমরা
সকলে মিলিয়া এইবার তাড়াতাড়ি তুরান্ দেখিবার
জন্ত বাইতেছি।

সরু সরু বালুময় পথ; উহার ধারে ধারে খুব
সবুজ কোপ-ঝাড় অথবা বাঁশের বেড়া। এই পথ
ধরিয়া আমরা সারি বাঁধিয়া চলিয়াছি। কোপ-
ঝাড়ের মধ্যে কতকগুলো ছগ্নর ইতস্ততঃ বিক্ষিপ্ত
রহিয়াছে এবং কুক্ষিত-পত্র-বিশিষ্ট খুব ছোট ছোট
সুপারী গাছ দেখা যাইতেছে—খাগড়ার ডাঁটার
প্রান্তভাগে যেন সাম্রোক পাখীর পালকের গুচ্ছ।
এখানে উদ্ভিজ্জের প্রাচুর্য্য, কিন্তু একটিও বড় গাছ
নাই।

যতগুলো বাড়ী, ততগুলো মন্দির। অতি ক্ষুদ্রাকৃতি
পুরাতন মন্দির; ভিতরের সমস্ত কদাকার মূর্তিগুলি
সমেত উহাতে ৫৬ জন লোক ধরে কি না সম্ভব।
মন্দিরকে বিভূষিত করিবার জন্ত মনে হয়, যেন পুরা-
কালে নরকের সমস্ত কল্পনা উহার উপর পুঞ্জীভূত
করা হইয়াছিল। সকল প্রকার ভীষণ ও বীভৎস
জিনিস উহার ছাদে ও দেওয়ালে চিত্রিত ক্ষোদিত ও
উৎকর্ষিত রহিয়াছে—যথা কাঁকড়া ও বিছার মালা;
বলয়াকার কীটসমূহের পরস্পর জড়াজড়ি—মনে হয়
যেন কতকগুলো কেঁচো; থাবা-ওয়াল শিং-ওয়াল
লম্বা লম্বা কতকগুলো গুঁয়া-পোক। ভীষণভাবে চোখ
পাকাইয়া আছে; ছোট ছোট বিকটাকার জীব—অর্ধ-
কুকুর অর্ধদানব—একই রকম অবর্ণনীয় ভাবে দাঁত
বাহির করিয়া হাসিতেছে। সর্বগ্রাসী সূর্য্যকিরণ,
সাপরোধিত মলিন কুয়াসা, "টাইফুন" ঝটিকার
প্রলয়ঙ্কর বাতোজ্জ্বাস, এই সকল জিনিসকে গুঁড়াইয়া
দিয়াছে, ফাটাইয়া দিয়াছে, গ্রন্থিত্য করিয়াছে,
তথাপি বহু শতাব্দীর ধূসর প্রলয়ভঙ্গ গায়ে মাখিয়া
একটা ভীত জীবন্ত ভাব এখনও উহার বজায়
রাখিয়াছে। উহার খাড়া হইয়া আছে, বক্রভাবে
হুইয়া আছে, কাঁটা খোঁচা উঁচাইয়া আছে এবং
প্রবেশপথে আড়-চোখে দেখিতেছে; যেন যেকোন
ছঃসাহসী হইয়া এখানে আসিবে, অমনি প্রচণ্ড
রোষভরে তাহার উপর উহার লাফাইয়া পড়িবে।

চারিদিকে বালুময় ছোট ছোট বাগান; এই
বাগানের অল্পত গাছগুলো উত্তাপে ও আলোকে

মূর্ছিতপ্রায়; কতকগুলো খালি ঘরের ভিতর—
অশ্রান্ত অনির্দেশ পথ মূহ্যকে যেন মুখ ভেঙাইতেছে।
এবং রাস্তার ধারে ধারে সেই একই রকমের প্রস্তর-
যবনিকা স্থাপিত। যবনিকাগুলো অল্পত রকমের
মালাভূষণে বিভূষিত, ভীতিপ্রদ দৈত্যদানবের
মূর্তিতে আচ্ছন্ন।

মন্দিরের অভ্যন্তরে জরাজীর্ণ বার্ককা মূর্তিমান;
ধূলা ও যবক্ষারের প্রভাবে দেয়ালের পুতুল ও বিহু-
কের উৎকর্ষিত লিপিগুলো ক্ষয় হইয়া গিয়াছে।
অন্ধকার দেবালয়ের মধ্যে একটা ক্ষুদ্র প্রদীপ অলি-
তেছে; ইহার আলোকে কীটদষ্ট-শ্মশ্রুশোভিত বিকট-
কার দৈত্যদানবদিগকে ভাল করিয়া দেখা যাইতেছে
না। একটা ধূপধূনার গন্ধ পাওয়া যাইতেছে, গুহা-
গহ্বরস্বলভ একটা ছাতা-ধরা গন্ধ পাওয়া যাইতেছে;
এবং শেখ প্রান্তে, একটা বেদীর উপর, আধো-
আধারের মধ্যে লম্বোদর, অশ্লীল বুদ্ধ, প্রতীকস্বরূপ
কতকগুলো বক ও কতকগুলো কচ্ছপের মধ্যে উপবিষ্ট
হইয়া আনন্দের উজ্জ্বলে অট্টহাস্য করিতেছেন।

২

...জাগিয়া উঠিয়া, যে তাজা শৈবালের উপর ঘুমাইয়া-
ছিলাম, সেই শৈবালগুলো দেখিতে লাগিলাম।—আমা-
দের স্রান্দের শৈবালের মত দেখিতে এক রকম
স্বপ্ন তৃণও ছিল; আমার পরিচিত বনভূমির তৃণকে
মনে করাইয়া দিল—তৃণগুচ্ছ জন্মাইবার অহুকুল
পাথুরে মাটির উপর, বড় বড় ওক গাছের ছায়ায়
এই জাতীয় তৃণ দেখা যাইত। আমার শৈশবে ঐ
বনভূমিতে বাস করিয়াছি...

একটা পুরাতন ছোট প্রাচীরের শানদেশে,
একটা খুব ছায়াময় কোণ—এই জায়গায় আমি
ঘুমাইয়া ছিলাম।

এই প্রাচীরের নিম্নদেশ—যাহার গায়ে আমার
মাথা ঠেস্ দিয়া ছিলাম—ইহাও অপরিচিত বলিয়া
মনে হইল না। উহা আমাদের গ্রামাদির ছোট
ছোট গৃহের দেওয়ালের মত; সেকালে পল্লীগ্রামের
ধরণে এক পোঁচ চূণের কলি দিয়া সাদা করা হইয়া-
ছিল—এক্ষণে সমস্ত সবুজ; গর্তগুলার মধ্যে পাতা-
বাহারের গাছ জন্মিয়াছে...তরুণ প্রদেশের মধ্যে
বিচ্ছিন্নভাবে অবস্থিত কোন এক পরিত্যক্ত কুঠীর



এই প্রাচীর সম্মুখে নাই (ইহার চতুর্দিকে ঘন নিবিড় হরিৎ-পুঞ্জ)।

ছই সেকেণ্ড ধরিয়া স্বদেশের ভাব—একটা সম্পূর্ণ স্বদেশের ভাব অহুভব করিলাম—আমাদের ফ্রান্সের গ্রীষ্মকাল রমণীয় শোভাসৌন্দর্য্য অহুভব করিলাম। আমাদের কোন কোন বনভূমিতে সংঘটিত আমার শৈশব-জাগৃতির বিস্ময় উপলক্ষি করিলাম...

...তথাপি বৃক্ষশাখার মধ্য দিয়া এই যে জোর বাতাস বহিতেছিল, ক্রমাগতই বহিতেছিল, এই বাতাসটা খুবই গরম, উহার সহিত অপরিচিত স্বগন্ধ ভাসিয়া আসিতেছিল...তাহার পর আমার নিকটেই সমুদ্রের গর্জন শুনিতে পাইলাম—এবং আমার মাপার উপর আর একটা শব্দ,—সুদূর বেলাভূমিতে তরঙ্গধাত-শব্দ শুনিতে পাইলাম—এই সব শব্দ হঠাৎ আমাকে অজ্ঞান এক বিমিশ্রস্বপ্নের জগতে লইয়া গেল—তখন আমি উপর দিকে চাহিয়া দেখিলাম—এই আকাশের অপরিখ্যাপ্ত আলোকের মধ্যে স্বকীয় দীর্ঘ হস্তের উপর আরুঢ় হইয়া একটা নারিকেল গাছ তাহার আলুলায়িত বড় বড় পালোকগুলা লুটাইয়া আছে...

এই বিষাদময় শব্দটা সামুদ্রিক স্বপ্নপুঞ্জবর্তী বেলাভূমির বিশেষধরনের শব্দ; আবার মুহূর্তের মধ্যে গুটাহিটির অনেক কথা মনে করাইয়া দিল—যে-সব কথা ভুলিয়া গিয়াছিলাম—স্মৃতি হইতে একেবারে মুছিয়া গিয়াছিল—আমি মনে মনে ভাবিলাম, আমি কি এখন সেইখানে আছি?...

কিন্তু না, যে প্রাচীরটা ফ্রান্সের গ্রামের কথা মনে করাইয়া দিয়াছিল, সেই ক্ষুদ্র প্রাচীরের উপরটা আমার চোখে পড়িল; দেখিলাম, উহা অদ্ভুতভাবে মাগ্যাকারে বিভূষিত; শিং ও বক্র নখ-খাবায় এবং কালবশে ক্ষয়প্রাপ্ত, এবড়ো-খেবড়ো নানাপ্রকার মৃষ্টিতে গিস্গিস্ করিতেছে; এবং চীনা মাটির একটা বিকট জীব ছাদের কানার উপর বসিয়া, আমার দিকে চাহিয়া আছে ও চীনা ধরণে দাঁত বাহির করিয়া হাসিতেছে...

চীন! দূরবর্তী চীন! তা হ'লে আমি চীনদেশে আছি! বৃহৎ "স্বর্গীয় রাজ্যের" কোন একটা কোণে আমি তা হ'লে বুমাইতেছিলাম—শান্তভাবে বুমাইতেছিলাম—সেই গ্রীষ্মকাল নিদ্রায় নিমগ্ন ছিলাম...

ও! তখন আমাদের ফ্রান্সের স্বরম্য গ্রীষ্মদিনের

কথা, সেই সুন্দর বৎসরগুলার কথা, যাহা কিছু ভালবাসি, যাহা কিছু ভালবাসিয়াছি, তাহা হইতে বহু দূরে, যে যৌবনটা সম্ভবতঃ এখানে অতিবাহিত করিতে হইবে, সেই যৌবনের শেষ বৎসরগুলার কথা মনে করিয়া বুক ফাটিয়া যাইতে লাগিল।

...পুরাতন মন্দিরটার নিকটে নিদ্রা গিয়াছিলাম, এই মন্দির আমার নিকট এখন খুব পরিচিত—হরিৎ শ্রামল স্বীপের মধ্যে বিচ্ছিন্নভাবে অবস্থিত; এইখানে মৎস্যজীবীরা যাহাতে তাহাদের জাল মাছে ভরিয়া যায়, এইজন্ত বৃক্ষদেবের নিকট প্রার্থনা করিতে আসে।—এবং চোখ না খুলিয়াও আমার মনোদর্পণে দেখিতে পাইতেছি, সেই বৃহৎ উপসাগর, সেই অন্ধকারময় পর্বতগুহা—যাহার দ্বারা এই হরিৎ শ্রামল স্বীপটা পরিবেষ্টিত হইয়া আছে। তা ছাড়া আরও দেখিতে পাইতেছি, এই কাঠনির্মিত মন্দিরের অভ্যন্তরদেশ, সেই-সব পুতুল, সেই তিন চারিটা ক্ষুদ্র বিকট মূর্তি, সোরায় ভরা কতকগুলো ভূতপ্রেত—সকলেই এই আত্ম-অন্ধকারের মধ্যে নিদ্রা যাইতেছে।

কেমন করিয়া এখানে আসিলাম? এই তুরান্ন দেশে, চৈনিক সাগরের ধারে?...আর, এই প্রবাস হইতে না জানি আমি কখন বাহির হইতে পারিব?

আমার এখন স্মরণ হইতেছে—সেটা শীঘ্রই ঘটয়াছিল:—কোন এক রমণীয় বসন্তের দিনে, একটা বস্ত্রপাতের মত প্রস্থানের আদেশ আসিয়া পৌছিল। এই অঞ্চলে একটা যুদ্ধ বাধিয়াছে; এখন সমস্ত ছাড়িয়া ছুড়িয়া "ব্রেট্ট" বন্দরে গিয়া জাহাজে উঠিতে হইবে—পিছনে না তাকাইয়া বিনা আক্ষেপে প্রস্থান করিতে হইবে। আয়োজন-উজোগ বিদায়-সম্বাষণ প্রভৃতিতে এক সপ্তাহ ব্যস্তভাবে কাটিয়া গেল, তাহার পর পাড়ী দিবার দিন উপস্থিত হইল; জাহাজের উপর প্রস্থানের গভীর আস্থান ধ্বনিত হইল;—"ব্রেটনের" উপকূল আমাদের পশ্চাতে সুদূর অনন্তের মধ্যে বিলীন হইল।

তাহার পর সমুদ্র আরও নীল হইল, আকাশ অন্ধ্র ও স্বচ্ছ হইল, সূর্য্য আরও উষ্ণ হইল; আলুজেরিয়া সমুখে দেখা দিল,—আলুজেরিয়া পূর্বের মত আমাকে মাতাইয়া তুলিল।

এসিয়ায় পীতবর্ণ নরকে পৌছিবার পূর্বে, এই আলুজেরিয়ার বিশ্রামস্থলের দিনটা অতীব ক্ষণস্থায়ী, অতীত অস্থির বলিয়া মনে হইল। এই চিত্তবিমোহন

আল্জেরিয়ার সহিত আমার অতীত জীবনের কত স্মৃতিই জড়িত। তা ছাড়া, এই আলোকে, বাতাসে আত্মিকার কি এক অপূর্ণ সৌরভ বিচরণ করে, তাহা অবর্ণনীয়—তাহা ধরা-ছোঁয়া যায় না।

দিনের বেলা, ছায়াতলে অলসভাবে ভ্রমণ করিতাম, অথবা পূর্বের মত বঙ্গবর সৈ-মহম্মদের সহিত ঘোড়ায় চড়িয়া বেড়াইতাম। আর রাতে উচ্চদেশে জ্যোৎস্নাধবল রহস্যময় মুরজাতীয় নগরের মধ্যে, ঘণ্টার পর ঘণ্টা ধরিয়া ছোট ছোট আরবী বাশীতে সেই চিরন্তন বিষাদময় সুর ধ্বনিত হইতেছে আর সেই সঙ্গে খুব সজোরে ঢাক বাজিতেছে গুনিতাম। ঐ সঙ্গীত এখনও আমাকে মুগ্ধ করে। মার্জিত সঙ্গীত গুনিয়া গুনিয়া আমি ক্লান্ত হইয়া পড়িয়াছি।

তাহার পর "পোর্ট সৈয়দ" পর্যন্ত আবার আমরা প্রশান্ত নীলজলরাশির উপর দিয়া চলিলাম—পোর্ট সৈয়দে যুরোপীয় সমস্ত জাতির একটা খিচুড়ি পাকিয়াছে;—কিন্তু বনিয়াদটা ইজিপ্টের;—অসীম বালুকার রাজ্য।

ক্রম পূর্ব হইয়া গেলাম—সুয়েজের ষোড়কভূমি, মুলার দেশের ঝিকমিকে বালুরাশি, মরীচিকাদি, নদীর উচু পাড়ের উপর সার্থবাহের দল;—তাহার পরেই লোহিত সাগরে অবতরণ করিলাম।

উত্তাপ বাড়িয়া উঠিল, আকাশের নীলিমা বালুর সংস্পর্শে ম্লান হইয়া গেল। আমাদের শ্বাসরোধ হইয়া আসিল। তখন জুলাই মাস, উনানের তপ্ত বায়ু প্রবলবেগে পিছন হইতে আমাদের গলা দিতেছে। রাতে তারার বদল হইল, "cross of the south" নক্ষত্র আশে আশে আকাশে উঠিল; ঐ নক্ষত্রকে আমি সুদূর স্মৃতির আবেগে অভিবাদন করিলাম।

পরিশেষে ভারত-সাগরে প্রবেশ করিলাম। বাতাস সমানভাবে বহিতেছে। হাওয়া কবোক্ষ ও নির্মল। বিদায়-বিচ্ছেদের দারুণ যন্ত্রণার পর, মনের ভিতরে এখন একটু শান্তি আসিয়াছে। দূরত্বের ব্যবধান ক্রমেই বাড়িয়া চলিয়াছে।

আকাশ কৃষ্ণবর্ণ, ঝড়ের মত বাতাস সবেগে বহিতেছে; পরমাশ্চর্য্য সিংহলদ্বীপ উকিঝুঁকি মারিতেছে... তত্রত্য বিস্তৃত বিশাল ওরুমগুপ হইতে রাশি রাশি পত্রপুষ্প পতিত হইয়া ঐখানকার ভূমিকে ছাইয়া ফেলিয়াছে এবং বৃষ্টির প্লাবনে ভিজাইয়া দিয়াছে;

ওখানকার রাজিগুলা উষ্ণ ও ঘোর তমসাস্রুত এবং মৃগনাতির তীব্র গন্ধে বাতাস ভরপুর। ডাগর ডাগর ভারতীয় চোখ, রূপার কলসী কাঁখে, লাগশাড়ী পরা রমণীরা সায়াহ্নের অন্তরে একটা গুরুভার ইন্দ্রিয়-বিক্ষোভ উৎপাদন করিয়া, দেবীর মত প্রশান্তভাবে চলিয়াছে—তাহার পর আবার সাগরস্বলভ স্বাস্থ্য ও বিশ্রামদায়িনী জীবনলীলা আরম্ভ হইল; একটা উদার শান্তি আসিয়া সমস্ত বিক্ষোভচাঞ্চল্য মুছিয়া দিল। আমরা মালাকার অভিমুখে যাত্রা করিলাম। প্রতিদিনই সেই একই রকম চমৎকার নির্মল আকাশ, সেই একই রকম আলাকের মোহিনী মায়া।

একদিন রাতে একটার সময়, এই বঙ্গ-উপসাগরের মধ্যস্থলে আমাকে জাগাইয়া দিবার জন্ত, জাহাজের হালধারীদের উপর আদেশ জারি করা হইয়াছিল—সেদিন আদেশ দিবার পর পোয়া ঘণ্টাও অতীত হয় নাই। আমরা হিসাব করিয়া সেই দিক পানে চলিতে লাগিলাম—যে-জায়গায় আমার ভাইকে সাগরজলে নিমজ্জিত করা হইয়াছিল। আমি জাগিয়া উঠিয়া আমার চারিদিকে, সাগর ও যামিনীর নীলাভ স্বচ্ছতা দেখিতে লাগিলাম।

এই রাত্রিতে সমস্তই শাস্ত-প্রশান্ত; চন্দ্রমা একটু অবগুপ্তিত। দক্ষিণদিকের দিগ্বলয়টা খুবই গভীর। পক্ষান্তরে উত্তর-দিকে, ঐ কবর-স্থানের দিকে, ঘন-নিবিড় কতকগুলো মেঘ জলরাশির উপর চাপিয়া বসিয়াছে—তাহার ছায়া বিশাল পর্দার মত ছড়াইয়া পড়িয়াছে।

মৌসুমের বাতাস, যাহা ইতিপূর্বে আমাদের গলা দিতেছিল, বিঘ্নবরেন্থার কাছাকাছি আসিয়াই মরিয়া গেল। তাহার পর একদিন সায়াহ্নকালে আচেম্ রাজ্যের ট্যাংকের মাথাটা স্বর্ণোজ্জ্বল আলোকের মধ্যে, আমাদের নেত্রসমক্ষে উপস্থিত হইল। এখন জল আরও গরম হইয়া উঠিয়াছে—এই উষ্ণ জলের উপর, বাজ্জের কোঁচকান ডানার মত পাল তুলিয়া, কতকগুলো মাছ ধরিবার ডিক্সি প্রথম দেখা দিয়াছে। আমরা প্রান্তিক এসিয়ায় উপনীত হইয়াছি, আমরা পীত নরকের মধ্যে প্রবেশ করিতেছি। শিল্পাপুরে বিঘ্নব-মণ্ডল-স্বলভ বড় বড় গাছের নীচে, আমাদের চতুর্দিকে, রগের-উপর-টানা চোখ, মুণ্ডিত মস্তক, বেণী ঝোগানো নোংরা চীনাঙ্গের জটলা ও কপি-স্বলভ চাঞ্চল্য আরম্ভ হইয়াছে।

দক্ষিণ-পশ্চিমের মৌসুম বাতাসের ঠেলায় আমরা চীনসাগরে ক্ষুণ্ণ আসিয়া পড়িলাম।

আকাশ অন্ধকার, মুগলধারে বৃষ্টি হইতেছে, এই সময়ে কি না আমরা টংকিনে পৌঁছিলাম। কি ভয়ানক! ঐ দিন আমি সর্দিগর্শ্বি হইতে সবেমাত্র সারিয়া উঠিয়াছি, তখনও খুব দুর্বল। এই সর্দিগর্শ্বি আমার জীবনের একমাত্র গুরুতর পীড়া—পূর্বে একবার মরিতে মরিতে বাঁচিয়া গিয়াছিলাম। এখন সবেমাত্র প্রভাত হইয়াছে। আমার নাবিক সিল্ভেস্টার—যে আমাকে জাগাইয়া দিয়াছিল, সে যখন দেখিল আমি চোখ খুলিয়াছি, তখন সে আমাকে এই কথা বলিল :—“কাপ্তেন সাহেব, আমরা টংকিনে পৌঁছিয়াছি।” আমাদের জাহাজ বরাবর সমান চলিয়াছে, কিন্তু আমার ক্যাবিনের খোলা পার্শ্ব-ছিন্নপথ দিয়া, একেবারে নূতন ধরণের কতকগুলি অসম্ভব জিনিস অস্পষ্টরূপে দেখিতে লাগিলাম :—ডুইড যুগের প্রকাণ্ড প্রকাণ্ড ধূসরবর্ণের প্রস্তরস্তম্ভ সমুদ্রের সকল স্থান হইতেই উঠিতেছে। এইরূপ হাজার হাজার পাথর একটার পর একটা সারি দিয়া চলিয়াছে—এই সব দাঁড়ানো পাথরে বোধি নিশ্চিত হইতেছে, সার্কাস নিশ্চিত হইতেছে, মেজের শান নিশ্চিত হইতেছে। আমার মনে হইল, এখনও আমি খেয়াল দেখিতেছি, মানা প্রকার কাল্পনিক জিনিস দেখিতেছি। তখন আবার ঘুমাইবার চেষ্টা করিলাম।

কিন্তু না, এ যে হা-সঙের উপসাগর। এ স্থানের আকার-প্রকার পৃথিবীর মধ্যে বেশ একটু অনন্যসাধারণ। মরিবার মত বেশী না হইলে, এই সর্দিগর্শ্বির আবেশ বেশীকণ স্থায়ী হয় না। তার পর দিন আবার কাজে প্রবৃত্ত হইতে পারিলাম; এই দেশটা বাস্তব বলিয়া তখন আমার প্রতীতি হইল।

ভাহার পর এই নোঙ্গর স্থান ছাড়িয়া ছয়ে নদীতে প্রবেশ করিবার জন্ত যাত্রা করিলাম। এই হাড়ভাঙ্গা স্রব্বের নীচে, ঘটনাগুলো ক্ষুণ্ণ চলিতে লাগিল। তিন দিনের গোলাবর্ষণের পর, যুদ্ধের পর থুয়ান আন দখলে আসিল; এবং এই সমস্ত প্রচেষ্টার পর আমাদের প্রবাসের শান্তি তুরান্-এ আরম্ভ হইল। এই শান্তি, বিষাদময় প্রথর উত্তাপে অভিভূত; আগ্রামের কোন্ এক অজ্ঞাত কোণে, অনির্দিষ্ট সময়ের জন্ত এই যে শান্তি, ইহা নির্কাসিতের শান্তি।

বন্দরগুলাসমেত এই সমস্ত প্রদেশটা আগলাইবার জন্ত আমাদেরকে দেওয়া হইয়াছে। এখন এই আবহাওয়ার সহিত অভ্যস্ত হইতে হইবে; বোধ হয়, এই শীতকালটা এইখানেই কাটাইতে হইবে। হায়! এক্ষণে ইহাই আমার বহুদূরস্থ অজানা সমাধিস্থান!

যেখানে আমাদের জাহাজ নোঙ্গর করিয়াছে, এই বৃহৎ উপসাগরের চারিদিকে কতকগুলি উচ্চ কালো কালো পাহাড়। ওদিকে, দূর-পশ্চাতে একটা নদীর মুখ—উহার প্রথম বাঁকেই পুরাতন ভগ্নদশাগ্রস্ত একটা গ্রাম শীর্ণকায় বাঁশঝাড়ের মধ্যে প্রচ্ছন্ন রহিয়াছে। বাঁশগুলো বড় বড় পুষ্পিত ছোলাগাছের মত দেখিতে।

কিন্তু এখন এই গ্রামের সহিত আমি এত ভাল-রকম পরিচিত, উহার ভিতর দিয়া “ইস্পার ইস্পার” করিয়া এতবার বেড়াইয়াছি, শেষপ্রান্ত পর্যন্ত সমস্ত স্থান তন্ন তন্ন করিয়া দেখিয়াছি, খোঁজ করিয়াছি যে, এখন আমার কাছে উহা বাসি বলিয়া মনে হয়, নিতান্ত সাদামাটা বলিয়া মনে হয়। প্রথম কোঁতুহলের আগ্রহটা চলিয়া গিয়াছে, এখন আর এই দেশ আমার কখনই ভাল লাগিবে না, এই বিষয় পীতবর্ণ জাতির লোকদিগকে ভাল লাগিবে না; আমার পক্ষে বাস্তবিকই নির্কাসিতের দেশ; এখানকার কিছুই আমাকে ধরিয়া রাখিতে পারে না—আমাকে মুক্ত করিতে পারে না।

এখন আমি হরিৎ শ্রামল দ্বীপটিকে, এই মন্দিরের ছায়ায় বরণ করিয়া লইয়াছি। নিশ্চয় জীবন উপভোগ করিবার জন্ত, তরুণতার শৈত্য উপভোগ করিবার জন্ত, মধ্যাহ্নের প্রথর উত্তাপের পর, যখন সূর্য অস্ত যায়, সেই সন্ধ্যার সময় আমি এখানে আসিয়া থাকি। ডিঙ্গির নাবিকদের লইয়া আমি একলাই আসিয়া থাকি। উহাদের খুব আমোদ হয়। যদিও এই বনভূমে শুধু কতকগুলি লতাগুলি ও যুথি জড়াজড়ি করিয়া আছে, আর বাসিন্দার মধ্যে আছে কেবল কতকগুলি বানর।

এই চিরপরিত্যক্ত মন্দিরের সতিত ইহারই মধ্যে আমরা খুব পরিচিত হইয়া পড়িয়াছি। বিশেষতঃ মন্দিরটা আমাদের আনাগার হইয়া দাঁড়াইয়াছে। মন্দিরের অন্ধকারের মধ্যে যে সকল ভূত-প্রেত, যে সকল পুরাতন ক্ষুদ্র ভীষণ বিকট জীব পাহারা

দিত্তেছে, আমাদের কাপড়চোপড় তাহাদের জিন্মায় রাখিয়া আমরা স্নান করিতে যাই।

যাহাই হউক, এই সমস্ত সত্ত্বেও, এই বৌদ্ধ-মন্দির আমাদের একটা শ্রদ্ধা আকর্ষণ করে। উহার কোন জিনিসই আমরা স্থানচ্যুত করি না এবং ঐখানে আমরা খুব মুহূর্ত্তের কথা কহি।

মন্দিরটা অন্ধকার; এই-সব স্থানে কত কাল ধরিয়া কত লোকে পূজা-অর্চনা করিয়াছে, কত অপরিচিত ধূপ-ধূনার স্মৃগন্ধে চারিদিক আমোদিত হইয়াছে। খুব প্রাচীন কালের “ব্রেটন” প্রদেশের গির্জার মধ্যে, পৃথিবীর সমস্ত পুরাতন ধর্ম্মমন্দিরের মধ্যে প্রবেশ করিলেই একটা অতি প্রাকৃতের ডাব আসিয়া আমার চিত্তকে পীড়ন করে।

কি গোলমালের কারখানা আমার এই জাহাজের কামরাটা। নানাপ্রকার অদ্ভুত জিনিসে, লম্বোদর বুদ্ধমূর্ত্তিতে, হাতীতে, ঝিনুকে খচিত কবাটে, চা-য়ে, আতপত্রে ভরা। তা ছাড়া তিনটা কটকটে ব্যাং—বেশ জীবন্ত কটকটে ব্যাং একটা খাঁচার ভিতরে। ইঁহর-গুলা আমার দস্তানা ও বুটজুতা আক্রমণ করিত; ইঁহর তাড়াইবার এই ফন্দিটা ইংরেজ নাবিকেরা আমাকে শিখাইয়া দিয়াছে। (রাত্রে সিল্ভেষ্টার নাবিক এই খাঁচাটা আমার কামরায় রাখিয়া দেয়। মনে হয়, ব্যাঙের ভয়ে ইঁহর আর ঘরে ঢোকে না)।

সর্কোপরি, কতকগুলো ফুল, তোড়ার আকারে, আঁটি-বাধা। এই সব ফুল “পারীর” স্মন্দরীরা তাহাদের উষ্ণ উদ্ভিদগৃহে কখনও চক্ষে দেখে নাই, উহাদের সৌরভ কখনও আঘ্রাণ করে নাই, ওরূপ ফুলের অস্তিত্ব আছে বলিয়া সন্দেহও করে নাই; এই সকল ফুল উহাদের নিকট একটা অপরিচিত ধারণা বহন করিয়া লইয়া যাইবে। কৃত্রিম রঙের নামহীন অনেক কীটাকৃতি পরগাছা; রং যথা:—ননী-ধবল, তাহাতে একটু সবুজের আভা; স্নান অরুণ-নীলে পর্যাবসিত; চীনদেশের এক প্রকার ক্রেপ কাপড়ের মত। তার পর পত্রপল্লব ও কতরকম ছলভ স্মৃগন্ধ! এই-সব সৌরভের মধ্যে, আমার নাবিক সিল্ভেষ্টার কোন এক প্রভাতে যখন আমাকে জাগাইতে আসিবে, তখন আসিয়া দেখিবে, আমি মরিয়া কাঠ হইয়া পড়িয়া

আছি—আমার মত রূপাপাত্র সাগর-পর্যটকের অস্তিম দশাটা খুবই কবিত্বপূর্ণ হইবে সন্দেহ নাই।

আমার নাবিকেরাই মিঠা জলের ধারে গিয়া প্রতিদিন আমার জন্ত এই সকল পুষ্পগুচ্ছ তুলিয়া আনে। এখানকার পাহাড়ের কোপঝাড়ে এই সকল ফুল ফোটে। আমাদের দোভাবী হোয়ে মহাশয় বলেন, এই পাহাড়ে অল্পস্বল্প বাদ “মহাশয়” আছেন, অনেক কুকুর-মুখো বানর “মহাশয়ও” আছেন।

গতকাল্য তুরান্-এ উপর দিয়া একটা বড় রকম “টাইফুন” ঝড় বাহিয়া গিয়াছিল; সমস্ত ওলটপালট করিয়া দিয়াছে, বৃক্ষসমেত গৃহের ছাদ প্রভৃতি নীচে আছড়াইয়া ফেলিয়াছে। অনেক লোক মারা গিয়াছে। সমস্ত স্থান উজাড় হইয়া গিয়াছে।

অধিকাংশ গৃহই ভূপতিত হইয়াছে; বুদ্ধমূর্ত্তি ও পুতুলগুলার ভাঙ্গা টুকরা কুড়াইয়া লইয়া, লোকেরা ঘাসের উপর বাস করিতেছে। একটা বড় পাহাড়ের আড়ালে আমাদের জাহাজটা কোন রকমে টিকিয়া ছিল, কিন্তু কয়েকঘণ্টা কাল, উহার অবস্থা শোচনীয় হইয়া উঠিয়াছিল; মধ্যরাত্রে ঝড়টা চলিয়া গেল; তার পর আর কিছুই দেখা গেল না। কেবল একটা ভীষণ গর্জন শুনা যাইতে লাগিল; সমুদ্রে বায়ুর দ্বারা বিক্ষোভিত ও চূর্ণীকৃত হইয়া তপ্ত ফুটন্ত জলের মত ধুঁয়াইতে লাগিল।

আজ আবার সব শান্ত হইয়া গিয়াছে। জলমগ্ন জীবজন্তু ও ধ্বংসাবশেষ বহন করিয়া নদী শান্তভাবে সাগরাভিমুখে চলিয়াছে।

এখন সন্ধ্যা; যখন রাত্রি হয়, তখন মনে হয়, যেন এখানে আসিয়া সবই হারাইয়াছি, চিরকালের মত নির্কাসিত হইয়াছি।

হায়! এখান হইতে পৃথিবীর অবশিষ্ট দেশ কত-কত যোজন দূরে! এখানকার গোপুলিকালের রং অতি অপূর্ণ ও নহিমপ্রধান দেশেরই মত; এই উষ্ণ দেশে এইরূপ গোপুলি হওয়াই আশ্চর্য্যের বিষয়। পীতাভ, সীসবর্ণ আকাশের গায়ে, ধূসর অথবা মসৌরু পাহাড়গুলো খুব উচ্চদেশে স্বীয় তীক্ষ্ণা কঠিন দস্তপংক্তির কাটা কাটা রেখা-ছবি আঁকিয়া দিয়াছে। এই সময়ে এই পাহাড়গুলোকে খুব প্রকাণ্ড বলিয়া মনে হয়।

এবং ইহা হইতে কোন-কোন চীনা-চিত্রকরের



কলা-কৌশল, তাহাদের অঙ্কিত দৃশ্যচিত্রের ভাবটা বুঝা যায়। উহাদের চিত্রের গভীর পরিপ্রেক্ষিতগুণা স্বাভাবিক রঙে চিত্রিত নহে—স্বচ্ছ রঙে চিত্রিত। এবং তাহার ভিতর যে একটা আঙ্গুণি রকমের পরিকল্পনা আছে, তাহা বিবাদময় ও ভীতিপ্রদ।

আজ প্রাতে আমার ৩টা ব্যাঙের মধ্যে একটা ব্যাঙ মরিয়া গিয়াছে—দেখিয়া বড় কষ্ট হইল। আমার নাবিক সিল্ভেস্টারু তার ব্রেটন প্রদেশের উচ্চারণ সহ অস্থোটিকালে এই সংক্ষিপ্ত স্ততিবাদ করিল;—“এই নোংরা জীবদের মধ্যে একটা ইহলীলা সঞ্চার করিল, কাপ্তেন” এই কথা বলিয়া মৃত ভেকটাকে একটা চিমটা দিয়া উঠাইয়া তাহার অস্থিম নিবাস সাগরজলে নিক্ষেপ করিল।

এই সময়টা আমাদের সকলেরই বড় খারাপ লাগিতেছে—আমাদের মধ্যে যেন একটা অবসাদের ভাব আসিয়াছে। ফ্রান্স হইতে যে সব চিঠিপত্র আসে, তাহা পড়িতে আমরা সকলেই উৎসুক—কিন্তু আমরা ফ্রান্সে এখন আর নাই—উত্তর দিবে কে? এটা আমরা জানি, এবং পূর্বেও এইরূপ কষ্ট আমরা অহুভব করিয়াছি। সুদূর পদার্থসমূহের উপর আস্তে আস্তে একটা আঘাত পড়িয়া যাইতেছে; সূর্য্য, এক-ঘেয়ে জীবন, অবসাদ, ঔদাস্য—এই সমস্ত আমাদিগকে বিনাশের অভিমুখে লইয়া যাইতেছে...

৪

আজ প্রাতে “সাগুন” জাহাজখানা খুব তাড়াতাড়ি এখানে আসিয়া পৌঁছিয়াছে। আমাদের অর্ধেক সরঞ্জাম, লোকজন, কামান প্রভৃতি এই জাহাজে উঠাইয়া দিতে হইবে, এইরূপ সরকারের হুকুম আসিয়াছে। আরও যাহা কিছু ভাল জিনিস আমরা দিতে পারি, ঐ জাহাজ তাহাও লইবে। আরও এই কথা বলিয়া দেওয়া হইয়াছে—রাজ্যেই এই সব লোকজন ও সরঞ্জাম এই নবগত জাহাজে উঠাইয়া দিতে হইবে; এবং আনামবাসীরা এই যাত্রার কথা বিন্দুবিসর্গ যেন জানিতে না পারে, আমাদের জাহাজ এতটা খালি হইয়া পড়িয়াছে, তাহা যেন তাহাদের গোচরে না আসে। ডেক পরিষ্কারের কাজ হইয়া গেলে, উহারা চলিয়া গেল,—অন্ধকার রাজ্যে। গম্যস্থান অজ্ঞাত। তাড়াতাড়ি অস্ত্রশস্ত্রে সজ্জিত হইয়া, বোচকা-বুচুঁকি গুছাইয়া লইয়া, বাস্ত-সামগ্রী

সঙ্গে লইয়া যখন উহারা গেল, তখন উহাদিগকে দেখিয়া আমরা যার-পর-নাই ব্যথিত হইলাম।

আমার উচ্চ মাস্তুলের বেচারী নাবিকেরা, যাহারা আমার জন্ত ফুল তুলিয়া আনিত, তাহারা সবাই চলিয়া গিয়াছে। তাহাদের মা-দের জন্ত, বাগদত্তা প্রণয়িনীদের জন্ত, তরুণী ভার্যাদের জন্ত, আমাকে ছোটখাটো কত-কি করুমাইস করিয়া গিয়াছে। কেহ বা টাকাকড়ি, কেহ বা ঘড়ি, কেহ বা ছোটখাটো মূল্যবান জিনিস আমার জিন্মায় রাখিয়া গিয়াছে, তাহারা জানে না, তাহাদের ভাগ্যে কি আছে।

তাহাদের সঙ্গে কেবল একজন নৌ-কর্মচারী গিয়াছে, পাঠশালায় যখন পড়িতাম, তখন হইতেই আমাদের দুজনার মধ্যেই বেশ জানাশুনা ছিল; আমরা দুজনে সহদয় সহচরের মত একসঙ্গে থাকিতাম—আমাদের পরস্পরের উপর পরস্পরের বেশ শ্রদ্ধা ছিল। যখন তাহার নিকট হইতেও ফরমাইস পাইলাম, বিদায়-চুম্বন পাইলাম, তখন বেশ বৃষ্টিতে পারিলাম, আমাদের মধ্যে ভালবাসার কিরূপ পাকা ভিত্তি ছিল, আমরা পরস্পরের প্রতি কতটা আসক্ত ছিলাম।

আঁধার রাতের মাঝখানে, ডিম্বি করিয়া যখন উহারা গেল, ডিম্বিগুলা ভরপুর বোঝাই হইয়া খুব গাদাগাদি হইয়াছিল। একবার অস্ত্রশস্ত্রের বনংকার, তাহার পরই নিয়ন্ত্রণে বিদায়-সম্ভাষণ। কোন চীৎকারের শব্দ নাই, কোন জয়ধ্বনিও নাই;—ইহা প্রকৃত বীরজনোচিত প্রশান্ত যাত্রা। তাহার পর বাতাসের শব্দ ও সমুদ্রের কল্লোল ছাড়া আর কিছুই নাই; এবং যাহারা এইমাত্র দূরে চলিয়া গেল, তাহারা এই ঝোড়ো রাতের ঘোর অন্ধকার মাথায় করিয়া গিয়াছে, উহারা সকলে কোথায় যাইতেছে? উহাদের মধ্যে কে-কে না জানি আর ফিরিয়া আসিবে না?...

উহাদের প্রস্থানের পর, আমি দুই ঘণ্টাকাল ঘুমাইয়াছি; জাহাজের একজন হালধারী একটা মৌমবাতী জ্বলাইয়া আমার কামরায় প্রবেশ করিল এবং আমাকে বলিল,—সেই চিরস্থান বাক্য যাহা এত বৎসর ধরিয়া শুনিয়া আসিতেছি! “বারোটা (রাত) বাজতে আর পোয়া ঘণ্টা বাকি।” তখন আমি দেখিলাম, আমার সারি বাধা বুদ্ধমূর্তিগুলা বাতির আলোয় উদ্ভাসিত হইয়া উঠিয়াছে। জাগিবার

পর হইতে, প্রবাসের ভাবটা প্রান্তিক এসিয়ার কথা আমার মনকে দখল করিয়া বসিল। মন বিধাদে আচ্ছন্ন, হৃদয় বেদনায় কাতর। আমার জাহাজ অর্ধেক খালি হইয়া গিয়াছে—কোন প্রকারে এই পোয়া ষণ্টাকাল জাহাজের উপর অতিবাহিত করিতেছি।

পোয়া ষণ্টাকাল জাহাজ নোঙ্গর করিয়া আছে—আবার সব শাস্ত হইয়া গিয়াছে; এখন আর কিছুই করিবার নাই।

“কর্মচারীদের ডাক দাও”—আমাকে উত্তর দিল, এখানে কোন কর্মচারীই আর নাই। ঠিক কথা, আমি ভুলিয়া গিয়াছিলাম। কোন প্রকার যোগাযোগ করিয়া কর্মচারীর অভাব পূরণ করিলাম। তাহারা যখন কাজে হাজির হইল, তখন আশ্বিনোদনের জন্ত ‘লৈলা হানুম’ নামক এক নবপ্রকাশিত গ্রন্থ হাতে পাইলাম। ইস্তাখুলের কথা আছে বলিয়া আমার বন্ধুরা এই পুস্তক আমার নিকট পাঠাইয়াছিলেন।

এই গ্রন্থপাঠ করিবার কোন সম্ভাবনাই ছিল না, আমি কখনই পুস্তক পাঠ করি না। কিন্তু হঠাৎ এই গ্রন্থের একটা জায়গায় আমার নজর পড়িল—এই অংশটা অতি মনোরম। ইহা পাঠ করিয়া একটা স্মৃতির যন্ত্রণা আমার মনে জাগিয়া উঠিল।

“...কোন এক বসন্তপ্রাতে ‘নজিবে’ অবগুষ্ঠিত হইয়া একাকী সুলতান-আখমেতের নিকটে গেল; এই সুরম্য ঋতুতে রাস্তার কোণে কোণে সৌরভপূর্ণ নার্গেশ চাঁপা বিক্রীত হইয়া থাকে...”

হাঁ, বাস্তবিকই—আমার স্মরণ হইতেছে—সেই সব ফুলের ব্যাপারীদের কথা—সেই সুরম্য বসন্ত ঋতুর কথা।—ঠিক এই সময়েই আমাকে তুর্কদেশ ছাড়িয়া আসিতে হইয়াছিল—যার এখন দেখ এই, লৈলা হানুম গ্রন্থের এই মধুর বাক্যটি দূরগত মৃত্যু-ষণ্টার মত আমার মাথার ভিতর ধীরে ধীরে অঙ্কুরিত হইতেছে। ওঃ! ইস্তাখুল হইতে আমার সেই প্রস্থান-কাল! তখন আমার মনে যে-স্বপ্ন ভাবের উদয় হইয়াছিল, তাহা কি বর্ণনা করিব,—উহার সহিত এত রকম জিনিস মিশ্রিত রহিয়াছে; আমাদের ভালবাসার হৃদয়ভেদী ভীষণ যন্ত্রণা, এই ইসলাম মহানগরীর জন্ত দারুণ মৃত্যুশোক, সেই আসন্ন নববসন্তের রমণীয় শোভা, সেই পরিত্যক্ত

ছোট ছোট রাস্তার ধারে পীচগাছের লাল লাল ফুল ...জাহাজ ছাড়িবার পূর্বে সেই শেষ-দিনগুলো, সেই সুন্দর সময়টা, সেই নববসন্তে যখন নার্গেশ চাঁপার মধুর সৌরভে চারিদিক আমোদিত হয়, যখন সেই চম্পক পুষ্প ইস্তাখুলের রাস্তার কোণে কোণে বিক্রীত হইয়া থাকে—এই সব কথা আমার মনে আসিল।

তার পর আমি বইটা বন্ধ করিয়া আবার ডেকের উপর উঠিলাম। জাহাজ এখন অপেক্ষাকৃত নিস্তব্ধ, রাত্রিটা পূর্বাশ্রমে আরও প্রশান্ত।

কোন এক হতভাগ্য আতুরাশ্রমে যন্ত্ররোগে শয্যাশায়ী হইয়া ক্রমাগত আর্ন্তনাদ করিতেছে, এখন কেবল সেই আর্ন্তনাদের শব্দই শুনা যাইতেছে। যন্ত্রবিদ্বেষটক—এই পীত দেশের একটা প্রচলিত ব্যাধি।

কতকগুলো গৃহ আমাদের সন্মুখে পড়িল। গৃহের ভিতর কি হইতেছে দেখিবার জন্ত আমরা গৃহের মধ্যে প্রবেশ করিলাম। অধিবাসীরা বাহিরে গিয়াছে; খুব সম্ভব বাজারে। কতকগুলো বুড়া ও কতকগুলি শিশু ছাড়া বড় একটা কাহাকে দেখিতে পাইলাম না। উহাদের পিছন দিকটা সমস্ত খোলা রাখিয়া উহার লুকাইয়া ছিল; কেবল কতকগুলো শীর্ণকায় কুকুর আমাদের গা শুঁকিয়া তাহার পর লেজ নীচু করিয়া ভয়ে চীৎকার করিতে লাগিল।

এই দৈনন্দনশাগু গৃহগুলো—সবই প্রায় এক রকমের। ইহাদের শুধু ভিনটা পাশ আছে। লোকেরা একেবারে প্রান্তভাগে, এক প্রকার মঞ্চের উপর শয়ন করে; মাটানুগুলা নল-খাগড়ার পর্দা দিয়া আড়াল করা। সকলের মধ্যস্থলে, সম্মানের স্থানে, একটা বিশেষ পর্দার পিছনে পারিবারিক বুদ্ধগণ একটা কুলদ্বির ভিতর, গৃহের সমস্ত বহুমূল্য সামগ্রীর দ্বারা পরিবৃত্ত হইয়া সমাসীন; এই সব সামগ্রীর মধ্যে আছে—চীনাঁয় বা জাপানী গামলা, পর্দা, ছোট ছোট কাঁসর ও ছোট ছোট হাত-বটি।

নাবিকেরা সব দেখিতে দেখিতে, আমোদ করিতে করিতে, কোথায় ফলাদি পাওয়া যায়, কোথায় কি আছে—এই-সব সন্ধান করিতে করিতে একবার বামে, একবার ডাইনে বক্রগতিতে চলিয়াছে। উহার হঠাৎ মুখ হইয়া কি একটা দেখিবার জন্ত আমাকে ডাকিল। উহার একজন ধনী গৃহ আবিষ্কার করিয়াছে; উহার বলিল, গৃহটি অতি সুন্দর।

এই ধনি-গৃহের ভিতরটা অন্ধকারাচ্ছন্ন; ছলভ কার্ঠের ভারী ভারী থাম ছাদের কাঠামটাকে ধারণ করিয়া রহিয়াছে। থামগুলো অতি সূক্ষ্ম ফোদাই কাজে আচ্ছন্ন। খুব ভিতর দিকে দেখিতে পাওয়া যায়, বড় ফুকরওয়ালা কতকগুলো কার্ণিশ; চন্দন-কার্ঠের, আবলুস-কার্ঠের, মেহগনি-কার্ঠের জালি-কাজ—সোণা দিয়া বিভূষিত; তাহার পর লাফার বড় বড় কার্ঠের কপাটের গির্টি করা কতকগুলো উৎকীর্ণ লিপি। ছাদের জড়ানো পাকানো কড়ি-কার্ঠে কতক-গুলো ভাল ভাল সামগ্রী ঝোলানো রহিয়াছে, যথা—ধূম-বাসিত শূকরের শুক মাংস, পিটাইয়া-চ্যাপটা করা কুকুর, পেটানো পাতিহাঁস, শুটকী মাছ; তাহার পর কতকগুলো অস্বাভাবিক নকল পশু,—গাছের ডাল-পালা দিয়া উহাদের থাবা গঠিত হইয়াছে, গাছের শিকড় দিয়া উহাদের চোখ নির্মিত হইয়াছে। এই-রূপ ধনাচ্যের গৃহে বুদ্ধের আবাসস্থান অবশু খুব ভাল হইবারই কথা। নাবিকেরা ২০ মিনিটের মধ্যেই এ দেশের সমস্ত প্রথার সহিতও সুপরিচিত হইয়াছে; উহার ঐ সব বুদ্ধমূর্তি দেখিবার জন্ম একেবারে সিধা গিয়া মাঝখানের পর্দাটা উঠাইল। মূর্তিগুলো পর্দার পিছনে অবস্থিত।

এক্ষণে মূর্তিগুলো আমাদের সম্মুখে আবির্ভূত হইল। উহার বৃত্তাকারে বসিয়া আছে। সকলের গায়ে সোনা ঝিকমিক করিতেছে। ধূপদানীটা এক সুশিষ্টা ভিক্ষুণীর আকারে গঠিত।—ভিক্ষুণীর নিতম্ব-দেশ খুব উচ্চ। উহাদের চারিদিকে কতকগুলো পর্দা রহিয়াছে; পর্দাগুলো সবুজ ও গোলাপী রঙের ঝিমুকে আচ্ছাদিত; নীলরঙের চীনাগাম্ভার মধ্যে কতকগুলো ময়ূরপুচ্ছ এবং পূজার সময় লোকের মনোযোগ আকর্ষণ করিবার নিমিত্ত কতকগুলো রূপার কাঁসর রহিয়াছে।

মাথার ঝুঁটিটা সমস্ত সাদা হইয়া গিয়াছে, এইরূপ এক হাবলা বুদ্ধা আমাদের সম্মুখে দেখিতে লাগিল;—মাটি পর্যন্ত অবনত হইয়া প্রণাম করিতে করিতে, একটা কোণ হইতে বাহির হইল এবং করুণধরণের কতকগুলো শব্দ উচ্চারণ করিতে লাগিল—মুখের ভাবে মনে হয়, যেন আমাদের নিকট ক্ষমা প্রার্থনা করিতেছে। এই ধনী লোকটা নিশ্চয়ই এই-সব জিনিসের অধিকারী। ৩১২ নম্বরের নাবিক ফরাসী ভাষায় উহাকে “বৌ-জুর” বলিয়া অভিবাদন

করিল। অতঃপর আমরা সেই দেবতাদের পর্দাটা আবার নামাইয়া দিলাম; এবং তাহাদের আর অধিকক্ষণ উৎকণ্ঠিত না করিয়া সেখান হইতে চলিয়া আসিলাম।

বাহিরে আবার সেই উজ্জল আলোক। আমাদের মাথায় সাদা টুপি; টুপির নীচে যেন আশুন জলি-তেছে। আমাদের রগ পুড়িয়া যাইতেছে এবং মাঝে মাঝে একটা গভীর বেদনা সমস্ত মাথাময় অহুভূত হইতেছে। সেই মৃগনাভির গন্ধ, সেই বিষ্ঠার গন্ধ আকাশে বিচরণ করিতেছে,—নিঃশ্বাস ভারগ্রস্ত হইয়া পড়িয়াছে।

নাবিকেরা আমরা পিছনে পিছনে চলিয়াছে—পূর্বাংগে একটু টিলা চাল, উত্তাপে ক্রমেই উহার অভিবৃত্ত হইয়া পড়িতেছে। যতই সূর্য উর্দ্ধে উঠিতেছে, ততই উত্তাপের বৃদ্ধি হইতেছে। বালুর উপর চলিয়া নাবিকদিগের নগ্ন পা পুড়িয়া যাইতেছে—এবং মোটা মোটা লতা-গুল্মের কাঁটায় পা ছিঁড়িয়া যাইতেছে।

যদৃচ্ছাক্রমে উহার ঝোপের বেড়া হইতে মুঠা মুঠা কুল তুলিয়া উহাদের কামিজে রাখিতেছে অথবা হাতে রগড়াইয়া তাহার পর শিশুর ছায় ছুড়িয়া ফেলিতেছে। কখন কখন হালুকা বাথারী-বেড়ার পিছনে মহিষের ধূসরবর্ণ একটা বড় মাথা দেখা যাইতেছে—তাহারা স্বল্প প্রসারিত করিয়া আমাদের কাছে আসিয়া করিতেছে—নিশ্চল ও নির্দোষ—তাহার আদ্র নাসারঙ্গ হইতে একটা সাদা ধোঁয়া বাহির হইতেছে।

তাহার পর মন্দিরের কোণে কোণে, যে-সকল চীনা মাটির ছোট ছোট পুরাণ বিকট-মূর্তি সর্বত্র অধি-ষ্ঠিত, তাহারা স্বকীয় কাচ-নেত্র হইতে প্রথর দৃষ্টি নিক্ষেপ করিতেছে। চলিবার পথে উহার যেন বলি-তেছে, আমাদের মানুষ ও পদার্থসমূহ এবং উহাদের মানুষ ও পদার্থসমূহ—এই উভয়ের মধ্যে কি একটা গভীর অতলস্পর্শ ব্যবধান বিদ্যমান। আমরা বিভিন্ন আদিম অন্ধকার হইতে নিঃসৃত হইয়াছি—আমাদের গোড়ার উৎপত্তির মধ্যে কতই উৎকট বৈসাদৃশ্য।

আমরা আবার যখন দোকানগুলোর মধ্যে, বিক্রেতাদের মধ্যে আসিয়া উপস্থিত হইলাম,—এই-বার উহার আমাদের কাছে প্রত্যাগত বজ্রের ছায় অভ্যর্থনা করিল। ইহা আমাদের প্রার্থনার অতীত, এবং কতকগুলো সাপেক্ষ-মুদ্রা মুক্তহস্তে বিতরণ করায় ভিক্ষকেরাও আমাদের অহুযাত্রী হইয়া সঙ্গে সঙ্গে

চলিল। এখান হইতে প্রস্থান করিবার পূর্বে, এই বাজারের অল্প-ভূমির উপর তুরানের সবচেয়ে বড় যে মন্দিরটি অধিষ্ঠিত, সেই মন্দিরটি দেখিতে ইচ্ছা করিয়া ঐ মন্দিরের মধ্যে আমরা প্রবেশ করিলাম। জনতা আমাদের সঙ্গে সঙ্গে চলিল।

মন্দিরটি প্রায় খালি,—ঠিক যেন পূর্বেদিকে সমস্ত দ্রব্য লুণ্ঠপাট হইয়া গিয়াছে। কতকগুলি আনুষ্ঠানিক অস্ত্র এখনো দেওয়ালে ঝুলানো রহিয়াছে; কতকগুলি পুরাকালের জটিলধরণের অস্ত্র; ছুষ্ঠামীতে ভরা, উহাতে দাঁত আছে—হাসি আছে; এবং সমস্ত চীনের সামগ্রীর মত, উহাতে পঙ্কর আকৃতি, পঙ্কর বিকৃত অঙ্গভঙ্গী অঙ্কিত। মাটির উপর রহিয়াছে—আতপত্র, লঠন, শব বহন করিবার নিমিত্ত দৈত্যদানব-মূর্তি-সমন্বিত ডুলী; এবং হোএ মহাশয় বিশ্বস্তভাবে আমাদের কাছে বলিলেন—রাষ্ট্রনৈতিক হেতুবশতঃ বুদ্ধ, গাম্ভী, সমস্ত বিকট-মূর্তিগুলা স্থানান্তরিত করিতে গতকল্য সমস্ত দিন কাটিয়াছে—বহু দূরে পল্লীগ্রাম অঞ্চলে উহাদিগকে লুকাইয়া রাখা হইয়াছে।

ঘরের কোণে একটা প্রকাণ্ড ঢাক রহিয়াছে। উহা হইতে কিরূপ শব্দ বাহির হয়, জানিতে উৎসুক হইয়া নাবিকেরা উহা বাজাইবার জন্ত আমার অনুমতি চাহিল। আমিও উহার বাজ শুনিবার জন্ত কম উৎসুক ছিলাম না। হস্তের প্রত্যেক তাড়নে শব্দ হইতে লাগিল:—বুম্! বুম্! বুম্! ভয়ানক শব্দ; কানে তালা লাগে। কি হইতেছে জানিবার জন্ত সমস্ত বাজারের লোক ছুটিয়া আসিল; এবং আমাদের চারিদিকে ভয়ানক ভীড় জমিয়া গেল! এখান থেকে যাওয়া যাক, আর না।

কিন্তু উহারা আমাদের সঙ্গে সঙ্গে আসিতেছে। তরুণবয়স্ক সমস্ত ভিক্ষুকেরাই আমাদের প্রতি আসক্ত। যাহাদের মুখ ঘায়ে ভরা, যাহাদের গা পাচড়ায় আচ্ছন্ন, কতকগুলি রমণী যাহাদের নাক নাই—এই সমস্ত লোক আমাদের কাছে অসুসরণ করিতেছে, আমাদের আন্তরিক ধরিয়া টানিতেছে, তাহার পর আমাদের কাছে ছাড়াইয়া যাইতেছে। এই প্রথমবার সাপেক-মুদ্রা বিতরণ করিতেই যত অনর্থ ঘটিল। এখন আমরা বিনা-গণনায় মুঠা-মুঠা পয়সা ছড়াইতে লাগিলাম। এ একটা হট্টগোল। উহারা আমাদের কাছে বেঠন করিতেছে, স্পর্শ করিতেছে, আলিঙ্গন করিতেছে—নোংরা হাতে আমাদের গায়ে হাত বুলাইতেছে;

আমরা খুব বেঁসাবেঁসিভাবে দল বাধিয়া পলাইতেছি, উহাদের স্পর্শের ভয়ে আমাদের হাত লুকাইয়া রাখিতেছি। দয়া করিতেও সাহস হইতেছে না, ঘৃণা করিতেও সাহস হইতেছে না, উহাদের দিকে তাকাইতেও সাহস হইতেছে না;—আমরা কেবল “দে ছুট দে ছুট”! আমাদের পিছনে কেবল চীৎকারের ঘূর্ণিপাক, আর লোকের গোলমাল।

সৌভাগ্যক্রমে এইখানেই আমাদের ভিমিনোকাটা আছে!—আমরা তাহার ভিতর লুকাইয়া পড়িলাম।—“ঠেলা দে”—“ঠেলা দে”। ঐ-সব জনতা তখন পিছাইয়া গেল—উহাদের গুঞ্জন নির্বাপিত হইল। বাজারটা বাশঝাড়ের পিছনে, তীর-ভূমির পিছনে দ্রুত সরিয়া গেল। আবার আমরা প্রশান্ত জলের উপর আসিয়া পড়িলাম—শ্রোতের টানে চলিলাম। যাক, এ পালাটা সাঙ্গ হইল...

ঐ হোথায় যে সুন্দরীদিগকে প্রাতে দেখিয়া ছিলাম, তাহারা এখনো তীরভূমির উপর দাঁড়াইয়া আছে। এবার উহারা, আমাদের কাছে আরও বেশী আকর্ষণ করিবার উদ্দেশ্যে, কতকগুলি পাতিহাঁস ও কয়েক ছড়া কদলী আমাদের কাছে দেখাইতে চেষ্টা করিতেছে;—দোকানদারের ভাব ধারণ করিয়াছে। যখন ইহাতেও কৃতকার্য হইল না, তখন উহারা প্রতিশোধ লইবার জন্ত একটা বড় মুর্গীর ডিম আমাদের উপর ছুড়িয়া মারিল; উহা ৩১৫ নম্বর প্রথম মাস্তলের নাবিকের পিঠে পড়িয়া চ্যাপ্টা হইয়া গেল।—“ও! মাদাম, তুমি বড় অভদ্র।”

আমরা বড়-দরিয়ার বাকের মাথায় আসিয়া পৌছিলাম; একটা মন্দির, প্রবেশ-পথটা আগলাইয়া আছে। স্থানটি একেবারে নিস্তরু, আলোকে পরিপ্লাবিত। সৈকত-ভূমির উপর মুসকর-তরুর ঘেরের ভিতর প্রাচীন দৈত্যদানা-সকল অধিষ্ঠিত; আমাদের যাত্রা-পথে উহারা সেই একই রকম মুখভঙ্গী করিতেছে—একই রকমের ভীষণ হাসি হাসিতেছে। তাহার পর আমাদের সম্মুখে, একটা বিশাল নোঙ্গর-স্থান উন্মুক্ত হইল—স্নান-নৌল জলরাশি; দীপ্তিময়, সূর্য্যদেবের যেন একটা বিশাল দর্পণ। বায়ুখাস লেশমাত্র নাই। সূর্য্যোদয়-কালে, যে মেঘজালে উহা তমসাক্ষর ছিল, সে মেঘজালের এখন চিহ্নমাত্রও নাই; আকাশের প্রথর উত্তাপে উহা শুঁড়া হইয়া গিয়াছে, গলিয়া গিয়াছে। দূরবর্তী গিরিসমূহ—

যাহা অন্তরীপ গড়িয়া তুলিবার জন্ত, সমুদ্রের মধ্যে আগাইয়া আসিতেছে—উহারা একপ তীক্ষ্ণাণ্ট ছুঁচালু, একপ মানান্দই ভাবে কাটা-ছাঁটা যে, উহাদের মুখে যেন একটা চীনা ভাব লক্ষিত হয়। কিন্তু মনে হইতেছে, যেন এই পাহাড়গুলাও এই প্রথর উত্তাপ-প্রভাবে একটু নীচু হইয়া গিয়াছে, একটু গলিয়া গিয়াছে; আর এই নোঙ্গর-স্থানটা যেন আরও প্রবর্তিত হইয়াছে।—আমাদের জাহাজটা এখনও অনেক দূরে; হায়! উহার ধূসর ছায়াচিত্রখানি প্রায় দিগন্ত স্পর্শ করিয়া আছে,—মরীচিকার মায়া উহাকে একটু উর্দ্ধে উত্তোলিত করিয়াছে। এই সূর্য্য ক্রমেই আকাশের উর্দ্ধে উঠিতেছে; সমুদ্র উত্তপ্ত; এই পথ ধরিয়া দুবন্টা কাল যাত্রা করিতে হইবে। বেচারী নাবিক—উহারা তাপ-অভ্যস্ত ও বেশ মজবুৎ হইলেও, উহাদের বাহুর একটু অতিরিক্ত খাটুনি হইবে।

কিন্তু এই নোঙ্গর-স্থানটা এখন কেমন লোকাকীর্ণ; পূর্বে আসিবার সময় যখন ইহা পার হইয়াছিলাম, তখন উহা একেবারে খালি ছিল। এখন দেখিয়া আশ্চর্য্য হইতেছি, মাছ ধরিবার কত নৌকা, কত ডিঙ্গি, এই নীল জলরাশির উপর মাছির ঝাঁকের মত ব্যাপ্ত হইয়া পড়িয়াছে। না জানি উহারা কোথা হইতে বাহির হইল? লোকগুণার পীতবর্ণ বস্ত্রের উপর ভরপুর সূর্য্যের আলোক পড়িয়াছে, ফাল্গুনের মত টুপি ছায়ায় উহাদের মাথা রহিয়াছে; চর্কি-কলের উপর বসানো পুতুলের মত খুব সহজভাবে চটপট করিয়া উহারা কাজ করিতেছে। উহাদের লাল মৎস্ত-জাল অবলীলাক্রমে নিষ্কিপ্ত হইতেছে; এবং লক্ষমান মৎস্তে পূর্ণ ঐ জাল ক্ষণে ক্ষণে আবার উত্তোলিত হইতেছে। দূর হইতে ঐ মৎস্তগুলা ঝিঙ্ককের ধূলায় মত ঝিক্‌মিক্‌ করিতেছে।

তাহার পর, “কিয়েন চা” অন্তরীপের পাদদেশে, ঐ যে বড় বড় কতকগুলা অস্বাভাবিক আকারের পণ্ডর দল সলিল-দর্পণে মুখ দেখিতেছে—উহারা কি?—নিশ্চয়ই রাজবাড়ীর জন্ত চাউল বোঝাইকরা রাজকীয় “জঙ্ক” নৌকার বহর; ঐ চাউল হৈনান্দ্রীপ হইতে আমদানী করা হইয়াছে। উহাদের যেরূপ আকার-প্রকার, তাহাতে রাজকীয় নৌ-বহর ছাড়া আর কিছু হইতে পারে না।—উহারা

বার-দরিয়ার পণ্ড; পীতভ লোহিত বর্ণের দীর্ঘ পক্ষবিশিষ্ট; কোন কোন নৌকার বাজুড়ের পাখা; পাখার প্রসারিত ঝিল্লী-ত্বক্ অদ্ভুত রকমে কাটিয়া ছাঁটিয়া বাহির করা হইয়াছে। আবার কোন-কোন নৌকার স্বেভোভন প্রজাপতির পাখা; সাদৃশ্যটা সম্পূর্ণ করিবার জন্ত মধ্যস্থলে একটা মস্ত চোখ বসানো হইয়াছে। চীনাদিগের পাশবতার ভাবটা এত প্রথর যে, উহারা যাহা কিছু করে, তাহাতে জীবজন্তুর আকার না দিয়া থাকিতে পারে না। নৌকাগুলা আসিয়া এইমাত্র নোঙর করিয়াছে; এবং খুব আন্তে আন্তে শ্রান্তভাবে পালগুলা আবার গুটাইয়া লইতেছে। উহাদের রক্তভ বর্ণচ্ছটা দৌরকর-প্রতিবিম্বিত এই সমস্ত উজ্জ্বল নীলবর্ণকে খণ্ডিত করিয়াছে! দূরত্ব ও মায়াবিভ্রম-প্রভাবে, উহারা এক অপূর্ণ ভাব ধারণ করিয়াছে; উহাদিগকে বৃহৎ বলিয়া মনে হইতেছে, লঘু বলিয়া মনে হইতেছে।

আমার এই নাবিক ভায়ারা এমন ভাল!—উহাদের মুখে একটুও অশান্তি বা বিরক্তির ভাব নাই; ভয়ের চিহ্নমাত্র নাই! একটু সুরাপান করিবার জন্ত, গায়ের কামিজ খুলিয়া ফেলিয়া একটু আরাম করিবার জন্ত আমি উহাদিগকে ছুটি দিয়াছি। উহারা পরস্পরকে উৎসাহিত করিয়া, তাহার পর এই প্রচণ্ড তাপদগ্ধ আকাশের তলে, জলরাশি ভেদ করিয়া ছুটিয়া চলিয়াছে। ধীরে ধীরে বালুর বিন্দুগুলা আবার রুদ্ধ হইল, আবার আচ্ছাদিত হইল এবং এই পুরাতন অদ্ভুত ধরণের নগরটা, নিম্ন বালুস্তূপের পিছনে একেবারে অস্তহিত হইল। বালুস্তূপগুলাও দূরে সরিয়া যাইতে লাগিল, চ্যাপ্টা হইতে হইতে ক্রমে একটা রেখায় পরিণত হইল; আমরা এখন এই বিস্তৃত জলরাশির মধ্যস্থলে;—জল ঝিক্‌মিক্‌ ঝিক্‌মিক্‌ করিতেছে; উপর হইতে প্রচণ্ড সূর্য্যের কিরণ বর্ষিত হইতেছে।

আমাদের পশ্চাতে, একটা বড় জঙ্ক-নৌকা নদী হইতে বাহির হইল; লাল রঙ্গের ডোরা-কাটা একটা ছুঁচালো পটমণ্ডপ বহন করিয়া আনিতেছে। এই পটমণ্ডপের ভিতর দীর্ঘপরিচ্ছদবিশিষ্ট ও ছত্রসম্বিত কতকগুলি লোক দেখিতে পাওয়া যাইতেছে। স্বীয় অঙ্গীকার পালন করিবার উদ্দেশ্যে, মান্দারীন আমাদের জাহাজে উঠিবেন বলিয়া আসিতেছেন।

চল, যাওয়া থাক। আমাদের কাজ যেটুকু বাকি ছিল, অন্ততঃ এইবার তাহা সম্পূর্ণ হইবে।

কিন্তু স্নাননীল সাগর-পৃষ্ঠের উপর, আরও ঘোর-নীলবর্ণের কতকগুলো মণ্ডল অঙ্কিত হইয়াছে, মনে হয়, যেন শাখা-প্রশাখা বিস্তার করিয়া ছুটিতেছে; উহারা বিড়াল-পুচ্ছের স্থায় দীর্ঘ-প্রসারিত। আকাশের উপরেও পাতলা মেঘগুলো সটানভাবে বিস্তৃত—একটু বাতাস উঠিবে বলিয়া জানাইয়া দিতেছে। এইমাত্র একটু ফুবু-ফুরে বাতাস উঠিল... প্রথমে কতকগুলো ছোট ছোট দম্কা রকমের বাতাস উঠিয়া আমাদের সূনা চাঁদোয়াটাকে নাড়াহেঁতে লাগিল; বাতাসটা একবার মরিয়া যাইতেছে, আবার বাঁচিয়া উঠিতেছে।

কিন্তু শীঘ্রই সমস্ত নোঙ্গর-স্থানটা এই ঘোর বর্ণের দ্বারা আক্রান্ত হইল—যেন তেলের একটা প্রকাণ্ড কালো দাগ প্রসারিত। সমস্ত নোঙ্গর-স্থানের উপর নীলরেখা পড়িল; মুছ-মন্দ বায়ু বহিতে লাগিল, আমরা যেন আবার প্রাণ পাইলাম।

এই কিছু আগে, মাছের নৌকাগুলার ভিতরে সমস্ত জড়ভাবাপন্ন নিম্পন্দ ছিল, এখন আবার একটা চাকল্যের আবির্ভাব হইয়াছে। আবার জালগুলো আনা হইয়াছে; মস্তের স্থায় মাস্তলের সংখ্যা সর্বত্র বাড়িয়া গিয়াছে;—গাঁইটবিশিষ্ট লম্বা লম্বা থালা; লম্বা-লম্বা শিং; লম্বা-লম্বা গুঁয়া। এবং মাহুরের পাল একটার পর একটা উদ্বাটিত হইল,—পাখীর ডানার যত রকম আকার হইতে পারে, সেই-সমস্ত আকারেই উহা বিরচিত। দূর হইতে মনে হয় যেন কতকগুলো সমুদ্রের পাখী, কতকগুলো গুবরে পোকা, কতকগুলো প্রজাপতি; যেন কোনো পরী তাঁহার মায়াদণ্ডের এক আঘাতে, এই-সব স্থগু গুটিপোকাদের ফুটাইয়া তুলিয়াছেন; এবং এই-সব আশ্চর্যজনক লোকেরা সজীব হইয়া উঠিয়াছে, সজাগ হইয়া উঠিয়াছে, বার-দরিয়ার মাছ ধরিবার জন্ত মহানন্দে যাত্রা করিতেছে।

মুছ মন্দ বায়ু অনবরত বহিতেছে। এই-সকল নৌকার মধ্যে কতকগুলো নৌকা স্বীয় উদ্দাম পাল-ভরে একেবারে হুইয়া পড়িয়াছে; উহাদের ভারসাম্য রক্ষা করিয়া কোঁক সামলাইবার জন্ত, উহাদের মাঝিরা, আঘাত বাঁচাইবার উদ্দেশ্যে কাঠের ফ্রেমের উপর, বাহির দিকে বানরের মত পা ঝুলাইয়া

বসিয়াছে। উহারা আমাদের ডান দিক দিয়া বাঁ-দিক দিয়া, গা-ঘেসিয়া চলিয়াছে; উহারা আমাদের সম্মুখ দিয়া চলিয়াছে—আমাদের আড়া-আড়ি চলিয়াছে...সেঁ। সেঁ। শব্দে হাক্কাভাবে চলিয়াছে;—জলের উপর একটু সাদা রেখা-চিহ্নও রাখিয়া যাইতেছে না। আমরাও আমাদের দাঁড় বাহির করিয়াছি; এবং যতটা পারা যায় পাল তুলিয়া দিয়াছি। আমরা নেহাৎ মন্দ চলিতেছি না; এই ফুবু-ফুরে বাতাস আমাদেরিগকে বাঁচাইয়া তুলিয়াছে। তথাপি এই-সব উড়ন্ত ছুটন্ত জিনিসের মধ্যে এই রকম থপ-থপে চালে চলার দরুণ কেমন বিরক্তি বোধ হইতেছে...

৩

এখনকার আকাশের ভাবটা খুব একটু বিশেষ রকমের; অতীব নির্মল; উত্তাপ মুগ্ধমধুর। 'গুন্-আন্' প্রদেশের অঙ্কিসন্ধি জানিবার জন্ত তিমি-নৌকা করিয়া যাত্রা করিলাম। উপসাগরের অপর পারে, এবং যাহাকে আনামবাসীরা "মেঘ-দ্বার" বলে, সেই উচ্চ পর্বতশ্রেণীর সঙ্কীর্ণ শৈলপথের পাদদেশে এই 'গুন্-আন্' অবস্থিত। সেখানে দীনদশাগ্রস্ত ধীবর-দিগের একটিমাত্র কুটীর ছাড়া আর কিছুই নাই। কিন্তু অতি সুন্দর একটা ক্ষুদ্র মন্দির আছে। তাহাতে পলাস্তারা ও চীনা-মাটার স্তম্ভ চিকণের কাজ। দুর্নম্য খাড়া ও গস্তীর বড় বড় গাছের নীচে, ছায়াময় গভীর প্রদেশে এই মন্দিরটি অবস্থিত। এই গাছগুলো "মন্দির-তরু" বলিয়া অভিহিত হইয়া থাকে। এই সমস্ত আর্দ্র অঞ্চলে, স্কুমার ও দুর্লভ পাতাবাহার, পুরানো প্রাচীরের গায়ে যেন গালিচা বিছাইয়া দিয়াছে।

লোকগুলো কুৎসিত ও ভয়-তরাসে।

গ্রামের প্রবেশ-পথে, একটা বড় পাথরের পর্দার উপর ব্যাঘ্রমহাশয়ের ঈষদ্-উদ্গত মূর্তি ফোদিত রহিয়াছে।

স্বাভাবিক রং-এ রং-করা; বালাঞ্চি দিয়া ওষ্ঠ রচিত, চোখ কাচের; সম্পূর্ণ চীনা-ধরণের মুখভঙ্গী। উহার পদতলে স্নগন্ধি লাল মোমবাতি অলিতেছে। লোকেরা বলিল, ব্যাঘ্রমহাশয়কে ঠাণ্ডা করিবার জন্ত এইরূপ করা হইতেছে। কারণ, তিনি "ম্যাও-ম্যাও" করিবার উদ্দেশ্যে আসিয়াছেন—তাঁহার ডাক রাস্তা হইতেও শুনা যায়।



ধানের ক্ষেতের মধ্যে ঐ ওদিকে মান্দারীনের একটি গৃহ। এই ধানের রং আমাদের এপ্রিল মাসের গমের সবুজ রং অপেক্ষা আরও কোমল। জলপ্লাবিত ধানক্ষেত্রের উপর দিয়া যে-সব সরু সরু আলের পথ গিয়াছে—সেই আল-পথের উপর দিয়া আমরা সেখানে উপনীত হইলাম। এই-সব আল আমাদের ফ্রান্সের লোণা জলা ভূমির তোলা-মাটির মত। গৃহের দরজা বন্ধ; সম্ভবতঃ সম্প্রতি অতিবৃদ্ধ মান্দারীনের মৃত্যু হইয়াছে। উহার বিধবা স্ত্রী, শোকগ্রস্তা এক বৃদ্ধা বানরী দ্বার খুলিয়া দিল; আমরা ঘরের ভিতর প্রবেশ করিলাম। ঘরটা নীচু, খুব পুরাতন। ঘরের সমস্ত ভারী ভারী কড়িঙলায় শোণিতপায়ী বাহুড় ও বিকটাকার নানা প্রকার জীবের ছবি চিত্রিত রহিয়াছে। বৃদ্ধা তাহার বস্ত্রম, তাহার খালা-বাসন, তাহার সমস্ত কৃত্রিম সামগ্রী, তাহার ছত্রাদি বিক্রয় করিতে চাহিল।

আমাদের নাবিকেরা, মৃত মান্দারীনের এই সমস্ত ধনসম্পত্তি উঠাইয়া লইয়া আমাদের তিমিনৌকা বোঝাই করিল।

সূর্যাস্তে আমাদের ফিরিবার সময়, টৈনিক সাগর হইতে একটা পরিষ্কৃত তরঙ্গ আসিয়া আমাদের দোলাইতে দোলাইতে লইয়া গেল। এই তরঙ্গ ধীরে ধীরে আইসে এবং এই উপসাগরে আসিয়া মরিয়া যায়।

সায়াক্সের সঙ্গে সঙ্গে শরৎকালস্থলভ বেশ একটা ভাঙ্গা ও জীবনপ্রদ মুহুমধুর শৈত্য এবং বিশুদ্ধ স্বর্ণবর্ণের গোধূলি আসিয়া আবির্ভূত হইল।

আমরা পাল তুলিয়া শান্তভাবে যাত্রা করিতেছি, এমন সময় ঐ অদূরে দিগন্তদেশে, আমাদের জাহাজের জন্ত চিঠিপত্র লইয়া ডাক-জাহাজ আসিয়া উপস্থিত। সৌভাগ্যক্রমে আমাদের আজিকার এই সন্দিনের সুখের মাত্রা পূর্ণ হইল। আমাদের খুব আমোদ হইবে। কেবল পরশদিন আমাদের সঙ্গীরা কোন এক অজ্ঞাত দেশের উদ্দেশে যাত্রা করিয়াছে, এই স্মৃতিটি আমাদের মন হইতে কিছুতেই মুছিয়া যাইবে না।

হায়! কেন, আমরা উহাদের সহিত যাইতে চাহিলাম না?

এই কথা যখন ভাবি, তখন আমরা এখানে বেশ নিরাপদে আছি বলিয়া যেন লজ্জা বোধ হয়।

অবরোধ-রক্ষকের কাজ যতই প্রয়োজনীয় হোক না কেন, পরিশেষে ইহা মারাত্মক হইয়া পড়াইবে...

৬

আমার নাবিক সিল্ভেষ্টার মোয়াকে আমি পূর্বেই জানিতাম। তখন সে ছোট Cabin boy বা ক্যাবিনের ছোকরা-চাকর ছিল এবং 'Islande'-এ মাছ ধরিত।

সে একটা বোঝার মত একটু বেশী জায়গা জুড়িয়া থাকে, শুধু এইজন্যই আমি তাকে তিরস্কার করি। কিন্তু ইহা তাহার অপরাধ নহে; আমার ক্যাবিনের দরজার পক্ষে সে বেশী লম্বা ও কাঁধে চওড়া। তার বাহু দুইটা ভীষণাকার; তাহার দাড়ির চুল খুব কালো। দূর হইতে ভীষণ দেখিতে; নিকট হইতে—মুখখানি স্নন্দর শান্ত মধুর ও সরল; বয়স ১২ বৎসর; নীল চোখ একেবারেই তরুণ; রকম-সকম, কণ্ঠস্বর, সরসতায় ঠিক শিশুর মত।

সিল্ভেষ্টার ও জাহাজের পোয়া বিড়াল তু-হুক (ইহাকে আল্জিরিয়া হইতে চুরী করিয়া আনা হয়) এই দুজন আমাকে খুব ভালবাসে। তু-হুকের গাত্রাবরণ ধূসরবর্ণ ও কালো কালো ফুটকি দেওয়া, লেজের প্রান্তদেশ ও ষাড়ের নীচের দিকটা (সাদা) সূক্ষ্ম লোমে ঢাকা। দৈনিক আয়তনের পার্থক্য সত্ত্বেও সিল্ভেষ্টার ও তু-হুকের মধ্যে একটা সাদৃশ্য আছে; একই রকম চাল-চলন, একই রকম আছরে রকমের হেল-হুলে চলা; উভয়েরই মানস-ক্ষেত্র স্বল্পকর্ষিত, উভয়েই সম্পূর্ণরূপে প্রত্যাৎপন্নমতি। আমার মুসন্দের কাঠের দোলা হইতে আমি উভয়কেই দেখিতেছি; উভয়েই নিঃশব্দ চটুলতার সহিত এক-সঙ্গে আসিতেছে কিংবা বাহির হইয়া যাইতেছে। আমার কামরায় সজ্জিত বুদ্ধ-মূর্তি ও পুষ্পগুচ্ছের মধ্যে আসিয়া উভয়েই নিজ নিজ ছোটখাটো কাজে ব্যাপ্ত হইতেছে। হাত বাড়াইয়া দিলেই তু-হুক লাফ দিয়া আসে, সিল্ভেষ্টার তাহা পারে না। কিন্তু সে তার ঠাকুণ্ডামাকে চিঠি লিখিতে বসে; এ কাজটা আরও শক্ত হইবার কথা।

এখন আমাদের তুরাণে বেশী গরম নাই; ভরা দিনের বেলা বা একটু গরম; কিন্তু সন্ধ্যার সময় শীতের নৈকট্য বেশ অগ্রভব করা যায়। এই হরিৎ জুখুটি অনেকটা হস্তপন্নব হইয়াছে এবং

চারিদিক্-কার জল ঠাণ্ডা হইয়া পড়িয়াছে। ব্রেভাইএ-এর শরণ দিবসের মত বৃষ্টি হইতেছে; দিনগুলো অন্ধকরে ও ছোট।

এমন একটা বিষয় সময় আসিবে, তাহা পূর্বে কখনো ভাবি নাই। নিশাগমে, একেবারে নভেম্বরের ভাব মনে আনিয়া দেয়। ফ্রান্সের সন্দনয় বৃদ্ধাদের কথা মনে পড়ে, গৃহস্থের অন্তঃপুরস্থ অধিকুণ্ড-সমুখিত হর্ষোৎফুল্ল অগ্নিশিখার কথা মনে পড়ে।

আমাদের নিজের অবিবেচনার ফলে, নানা জিনিসের অভাবে অনর্থক কষ্ট ভোগ করিতে হইতেছে। যে সকল ছোটখাটো জিনিস সচরাচর ফ্রান্স হইতে আনা হইয়া থাকে, তাহা হইতে আমরা একেবারেই বঞ্চিত; এই সকল জিনিস নিঃশেষ হইয়া গেলে, তাহার স্থান আর কিছুতেই পূরণ করা যায় না। বহির্জগতের সহিত গতিবিধির অভাবে, আমাদের মনি-ব্যাগের ভিতর একটা পরমাণু নাই। জাহাজে সাবানও আর নাই; আমাদের কাপড় আমাদের নাবিকেরা লোনা জলে ধুইয়া থাকে এবং তাহা হইতে একটা চীনা চীনা গন্ধ বাহির হয়।

আমাদের জাহাজ ঘটনাচক্রে নানাপ্রকার লোকের আবাসস্থান হইয়া পড়িয়াছে। আহত, সস্তো-রোগ-মুক্ত, দোভাষী, আনামবাসী 'মাটা', হাইনানের জলদস্যু। উত্তরোত্তর বেশী বেশী করিয়া পীত উপাদানে আমরা আক্রান্ত হইয়া পড়িতেছি। এইবার দরজা বন্ধ করিয়া দিতে হইবে। কিন্তু আমাদের নাবিকেরা যেক্রম সহজ-শোভন-ভাবে উহাদের সহিত ব্যবহার করে, তাহা দেখিয়া খুব আমোদ বোধ হয়।

৭

এই দশ দিনের মধ্যে অনেক ব্যাপার হইয়া গিয়াছে—বীরত্বের ব্যাপার—অদ্ভুত রকমের ব্যাপার, আমোদজনক ব্যাপার অথবা নিরীক্ষিত ব্যাপার। কিন্তু উহা এত কম গভীর যে, তৎসম্বন্ধে পূর্কদিনের ধারণা তাহার পরদিন আর মনে থাকে না। ঘটনাগুলো তাহার চিহ্নমাাত্রও রাখিয়া যায় না।

একটা ছোটখাটো টাইফুন-ঝড় উঠিয়া আমাদের হাওয়াটা একটু ঠাণ্ডা করিয়া দিয়াছে। তার পর কত বাজে লোক মরিল, তাহাদের সমাধি হইল, কত নূতন তরঙ্গ আসিল, আমাদের জাহাজ হইতে যাহারা

চলিয়া গিয়াছিল—তাহাদের মধ্যে কয়েকজন ফিরিয়া আসিল। আমাদের রাষ্ট্র হইতে আনাম-রাজ্যের নামে, সখ্য-নিদর্শনস্বরূপ দূত-সমভিব্যাহারে কতক-গুলো উপঢৌকন আসিয়াছে। (যাত্রা-পথে পথ হারাইয়া যাওয়ায় এখন গ্রামে গ্রামে তাহাদের পশ্চাতে ছুটিতে হইতেছে)।

আজ বেশ সমুদ্রের শান্ত—থমথমে ভাব। আজ শনিবার, জাহাজ ধুইবার দিন; দ্বিপ্রহর দিবানিজার সময়; কিন্তু দৈবক্রমে আজ ঘুমাই নাই। আমার কামরায় চীনা-চীনা গন্ধ; এই গন্ধে ক্রমশঃ আমাদের কাপড়চোপড়, আমাদের টুকিটাকি জিনিসগুলোও পরিমিত হইয়াছে। আমার বুদ্ধ, আমার হাতি, আমার "ভান্নিক" বক-পক্ষী—এই-সব মৃতি, আমার নাবিক তাকের উপর এমনভাবে গুছাইয়া রাখিয়াছে—যেন এখনই কেহ আসিয়া উহা পরিদর্শন করিবে!

আমার সন্নিকটে "বুড়ো খোকা" সিলুভেটার মন্দিরের একটা প্রদীপ মন দিয়া খুব ঘবামাজা করিতেছে; যে জায়গা ঘবামাজা শক্ত, সেই জায়গায় একটু জিব বাহির করিয়া কাজ করিতেছে। আমার কামরায় কামান-ছিদ্র পথ হইতে, কিয়নচা-র উত্তম কোণালু পর্কতগুলো দেখা যাইতেছে—বরাবর একই রকম; সেই চীনা-খেলনার ভাব।

সমুদ্রের নীল আন্তরণের উপর শুভ্র সূর্য্য প্রতিভাত হইয়াছে; এবং এই দর্পণের উপর লোকাকীর্ণ "জক" নৌকাগুলো, কদাকার মরা মাছির মত আজ নিশ্চল হইয়া রহিয়াছে। যে-জাহাজ পূর্বে একটু কিছু শব্দ হইলেই বড় গাঁতার-যন্ত্রের মত অল্পবর্ণিত হইত—আজ সেই জাহাজের কোন শব্দ নাই। আমার কামরায় কামান-রঙ্গুপথ দিয়া আমার গভীর প্রদেশে নিমজ্জিত। চীনা-চীনা গন্ধ আরও যেন বেশী পাওয়া যাইতেছে; জমির উপর কতকগুলো অদ্ভুত পদার্থ, অসঙ্গত পদার্থ, গুরু দিবানিজায় সব মিলিয়া মিশিয়া গিয়াছে। সৈনিকদিগের থলিয়া, চাউলের বস্তা, কতকগুলো কটোরা, কতকগুলো পাল; একটা "গং"-ঘণ্টার ভিতর "তু-তুক" বিড়াল ঘুমাইতেছে। কয়েকজন নথ নাবিক স্বীয় পেশীবহুল বাহুর উপর মাথা রাখিয়া ঘুমাইতেছে, কতকগুলো চীনা, ফকীরের মত শীর্ণকায়, কালো রেশমী পরিচ্ছদ পরিয়া সোজা সটানভাবে ঘুমাইতেছে; কয়েক জন তরুণ আনামবাসী গুলি-বাজ—নারীহুলভ

স্থিতিভঙ্গী, বন্ধনী আকারে মাথায় চিরুণী গোঁজা, গ্রীবাদেশে “অ্যাপলো” ধরণে ঝুঁটি বাঁধা; মাথায় একটা রাখালী টুপী, ঝুঁটির নীচে একটা লাল ফিতা দিয়া বাঁধা; হৈনান দ্বীপের কয়েকজন জলদস্যু হাঁ করিয়া ঘুমাইতেছে, উহাদের সাদা দাঁত দেখা যাইতেছে;—ইহারা এসিয়াবাসীর সুন্দর আদর্শ—উহাদের কালো দীর্ঘ কেশগুচ্ছ উহাদের মাথায়, পাগড়ীর মত জড়ান রহিয়াছে;—তাহার পর, বেচারী কতকগুলি সৈনিক, বন্দুকের গুলীতে আহত, কিংবা আশায় রোগে নিতান্ত ক্ষীণ বেচারী কতকগুলি গোলন্দাজ স্রের ঘুম-ঘোরে হাঁপাইতেছে...

এই-সব লোকই জাহাজে কাজ করে; অবশ্য পীড়িত লোক ছাড়া—আমাদের অর্ধেক নাবিকের অভাব উহাদের দ্বারাই পূরণ হইয়া থাকে। আজ প্রাতে আমার হুকুমে, উহারা আমার পদতলস্থ নোঙ্গর তুলিবার চক্রবস্ত্র ঘুরাইবার জন্ত সমবেত হইয়াছে।—এই যন্ত্রটা যেন একটা প্রকাণ্ড লাটাই;—মেগার কাঠের ঘোড়াগুলার মত ইহাকে ঘুরাণো হইয়া থাকে। ইহাকে ঘুরাইতে লাগিল নাবিকেরা, ঘুরাইতে লাগিল রাখালী টুপীধারীরা; ঘুরাইতে লাগিল বেণীঝোলানো চীনারা, ঘুরাইতে লাগিল ‘মটারী’, কয়েদীরা, জলদস্যুরা! এই মানব খিচুড়ী যাহা ডাঙ্গার উপর একেবারেই অনির্দেশ্য ও একাকার বলিয়া মনে হয়—প্রান্ত-এসিয়ায় এই সাগর-পৃষ্ঠে সেই মানব-খিচুড়ীর বেশ একটা ছবি পাওয়া যায়।

৮

এই উপসাগরের একটা অধুষিত অঞ্চলে, একটা বিবাদময় ময়দান আছে, আমরা সন্ধ্যার সময় মাঝে মাঝে ঐখানে যাই। ঐখানে ১৮৬৩ অব্দের মৃতেরা নিদ্রা যাইতেছে, এই লেহিতাভ ভূখণ্ডে ১২'১৪ জন ফরাসী নাবিক কিংবা সৈনিক অস্তিম শয্যায় শয়ান রহিয়াছে। যখন এই দেশ দখলের প্রথম চেষ্টা আরম্ভ হয়, সেই সময় সান্নিপাতিক স্রেরে উহারা ভবধাম হইতে অপস্থত হইয়াছিল। এখনও কাঁটা গাছের ঝোপঝাড়ের নীচে উহাদের গরীবী রকমের ছোট-ছোট জুশ পড়িয়া আছে—অতিকষ্টে লক্ষ্য করা যায়। উষ্ণ বৃষ্টিপাতের সঙ্গে সঙ্গে এই সমস্ত এখানে শীত হই বিনষ্ট হয়; এখানকার ঠরং প্রকৃতি অশ্রুস্থান অপেক্ষা বেশী সর্দগ্রাসী।

তুরাণের লোকদিগের সহিত আমাদের ব্যবহারে বাহ্যত বেশ একটা সখ্যভাব রক্ষিত হইয়া থাকে। প্রাতে বাজারের জনতার মধ্যে গিয়া যদি কখন দৈব-ক্রমে আমরা ক্রুদ্ধ হই, উহারা তাড়াতাড়ি ‘চিন্‌চিন্‌’ করিয়া অতি বিনীতভাবে আমাদেরকে অভিবাদন করে। তখন না হাসিয়া থাকা যায় না;—তখন আমাদেরকে হার মানিতে হয়। এক্ষণ বুড়োটে ধরণের ও শিশুপ্রকৃতির লোকদিগের উপর আমরা সত্যিকারভাবে কখনও রাগ করিতে পারি না।

সময়ে সময়ে পার্শ্ববর্তী উপসাগরে আমরা সন্ধান লইতে যাই; অথবা ডিঙ্গিতে করিয়া কোন সন্দেহ-জনক নৌকার পশ্চাতে ছুটিয়া চলি। ইহা ছাড়া এই অবরোধ রক্ষার দিনগুলোয় একটুও সজীবতা লক্ষিত হয় না। আমাদের সকলেরই মধ্যে যেন একটা অবসাদ আসিয়া পড়িয়াছে; এখন আমাদের নাবিক-দিগের গানও প্রায় শোনা যায় না।

৯

এখানকার স্বপ্নগুলো বড়ই অদ্ভুত, বিশেষতঃ দ্বিপ্রহরে যখন গভীর দিবানিদ্রায় আমরা মগ্ন হই। সেই স্বপ্নের পর, নিতান্ত বিসদৃশ, অসংলগ্ন, গূঢ়-রহস্যময় কতকগুলো ছবি পশ্চাতে থাকিয়া যায়। সেই-সব ছবি সন্ধ্যা পর্য্যন্ত আমাদেরকে অনুসরণ করে।

আজ এক প্রাচীন পল্লীভবনস্থ অলিন্দের স্বপ্ন দেখিলাম; আমি যখন শিশু ছিলাম, সেই জায়গাটা আমার খুব ভাল লাগিত। স্বপ্নে দেখিলাম, রাজিটা খুব গরম গ্রীষ্মরাত্রি; অগ্নিদ হইতে ঝোপঝাড়ের মাঠ দেখা যাইতেছে। আমার নিকটে কতকগুলি তরুণী রহিয়াছে। সকলেই সমবয়স্কা হইলেও, উহারা বিভিন্নযুগের পরিচ্ছদ পরিয়াছে। একটু ইতস্ততঃ না করিয়াই বেশ চিনিতে পারা গেল, উহারা আমার মা, আমার পিতামহী, আমার খুল্লপিতামহী; তাহাদের বয়স ১৬ বৎসরের মধ্যে; যদিও তাহাদের পরিচ্ছদ সেকালে ধরণের। এমন কি, উহাদের মধ্যে আমাদের পরিবারের শেষাগত অভ্যাগতটিও ছিল—আমলে খুবই ছোট। লম্বা লম্বা কটা চুল। একসঙ্গে থাকার দরুণ কিংবা আমাকে তাহাদের মধ্যে দেখিয়া তাহার কিছুমাত্র বিস্ময় হয় নাই—সে খুব উল্লাসের সহিত সেকালের গল্প করিতেছিল।

সুদীর্ঘ পদ-কণ্ঠ-কালিদ্রো নামক রক্তবর্ণ জলচর পাখীর ঝাঁক প্রায় ভাষর উচ্চ আকাশে উড়িতেছে, তখন আকাশ ঘনঘোর অন্ধকারে আচ্ছন্ন। গ্রীষ্মশুলভ অতি মধুর স্নগন্ধের আশ্রয় পাওয়া যাইতেছে। এই অলিন্দের পাখরগুলো অসংলগ্ন হইয়া পড়িতেছে, ভগ্না-বশেষের স্থায় উহাতে শেওলা ধরিয়াছে, জুইগাছের ডালপালা চারিদিক্ হইতে বাহির হইয়াছে। সেকালে মহিলারা এই জুইএর ডাল তাহাদের আঙ্গিনায় গুঞ্জিয়া রাখিত—এ চংটা এখন বাতিল হইয়া গিয়াছে।

স্নগভীর ও অন্ধকারময়, গুল্মপূর্ণ খোলা মাঠের উপর আকাশটা নিছক কৃষ্ণবর্ণ শোকবস্ত্রের স্থায় কৃষ্ণবর্ণ হইয়া পড়িয়াছে। এখন, কি একটা বদ-রকমের জিনিস, একরকম পাণ্ডুবর্ণ চাক্তি, দিগন্তের প্রান্তদেশ হইতে ধীরে ধীরে উথিত হইল। ঐ সব মেয়েরা বলিল—“ওটা চাঁদ; আমরা ওরই প্রতীক্ষায় ছিলাম” এই বলিয়া উহারা খুব হাসিতে লাগিল, এ হাসিটা বেশ তাজা রকমের হাসি—উপছায়ার মত হাসি নহে। কিন্তু আমার মনটা এই চাঁদ দেখিয়া বিচলিত হইল, কৃষ্ণবর্ণ আকাশে উঠিয়া চাঁদটা বে-পরিমাণ বর্ধিত হইল, এবং ক্রমাগত স্নানভ হইতে লাগিল; তার পর একটা স্বচ্ছ বৃহৎ প্রভাসগুলের আকারে, বলয়-রেখার আকারে, আস্তে আস্তে আকাশে মিলাইয়া গেল।

তার পর ঐরকম আর একটা চাঁদ ভূতল হইতে যেন বাহির হইয়া ঐ একই জায়গায় উথিত হইল। তখন আমার ভয় হইল। মনে হইল, যেন আমি জগতের মহাপ্রলয় প্রত্যক্ষ করিতেছি। উহারা সকলেই বলিল—

—“না, তা নয়! জ্যোতিষীদের পঞ্জিকায় এটা পূর্বেই গুণে বলা হয়েছিল, এই রকম আরও দুইটা চাঁদ উঠবে।”

ফলত: আর দুইটা চাঁদ একসঙ্গে উদয় হইল এবং উহারাও বড় বড় প্রভাসগুলের আকারে আকাশে মিলাইয়া গেল; পশ্চাতে শুধু একটা কম্পমান স্নান আলোক-চ্ছটা রাখিয়া গেল। আমার সত্যই খুব ভয় হইল।

উহারা আমার ভাব দেখিয়া হাসিতে লাগিল :—
“চল এখন থেকে যাওয়া যাক—ওর ভাল লাগছে না। কিন্তু ছি! পুরুষ মানুষের এত ভয়!” তার পর আমরা একটা সরু পথ দিয়া চলিতে লাগিলাম।

পথের মাথাটা উচ্চ লতামণ্ডপে আচ্ছাদিত। জায়গাটা ক্রমশই গরম ও অন্ধকার বলিয়া মনে হইতে লাগিল। যতটা দেখিতে পাওয়া গেল, তাহাতে মনে হইল, যেন বৈশাখ মাসের মত ‘হর্ষণ’ ফুটিয়া আছে।

মেয়েরা আগে আগে চলিয়াছে সবাই—সেই রকম তরুণবয়স্কা। সবচেয়ে যে ছোট, তার কটা চুলের গুচ্ছ হঠাৎ কাঁটা গাছে আটকাইয়া গেল।

উহাকে সাহায্য করিবার জন্ত আর সকলেই দাঁড়াইল। কৌকড়া চুলগুলো কতকগুলো ডালপালার গায়ে সাপের মত জড়াইয়া গেছে। চুল এত লম্বা যে, কাঁটাগাছ হইতে ছাড়ান মুশ্কিল। আমরা পরিশ্রমে ক্রান্ত হইয়া পড়িলাম, তবু কোন ফল হইল না। আরও গরম বোধ হইতে লাগিল। এই অন্ধকারের মধ্যে চুলের জট কিছুতেই ছাড়ান গেল না—যতই ছাড়ান হয়, আবার ততই নুতন করিয়া জট পাকাইয়া যায়। পরিশেষে সকলে বন্দুকের মত একটা আওয়াজ করিয়া কোথায় কে জানে—একটা নিবিড় জঙ্গলের মধ্যে প্রবেশ করিল।

অদ্ভুত রকমের এক তরুণী বলিল :—

—“কাটতে হবে, কাটতে হবে, নৈলে আবার গজিয়ে উঠবে। (আমার খুল্লপিতামহী—যাহাকে ৮০ বৎসরের বৃদ্ধা বলিয়া জানিতাম—তারই এখন এইরূপ চটুলতা।)

তিনি গাছটা মুড়াইয়া কাটিলেন,—কচাৎ, কচাৎ, কচাৎ! তার কোমরের সিকলিতে একটা বড় কাঁচি ঝোলানো ছিল—সেই কাঁচি দিয়া কাটিলেন। তার পর সমস্ত দলকে দল আবার লাফাইয়া লাফাইয়া চলিতে আরম্ভ করিল, এবং বলিল :—“আর আমরা বনে যাব না।”

আমরা উজানের প্রান্তদেশে, একটা পুরাতন চতুষ্কোণ গৃহে (kiosque) আসিয়া পৌছিলাম—দেওয়ালের জাফির উপর যেন গোলাপের গালিচা বিহান রহিয়াছে। তরুণীরা গৃহের মধ্যে প্রবেশ করিল। সেখানে মাত্র দুই তিনখানা কেদারা ছিল, অপেক্ষাকৃত বেশী বয়সের মেয়েরা, একটু ভদ্রতার কথা বলিয়া ঐ কেদারায় বসিয়া পড়িল।

গ্রীষ্ম-গোধূলিশুলভ সেই একই উত্তাপ, সেই একই বাসের স্নগন্ধ, সেই একই ফুলের সৌরভ। কিন্তু ঐ তরুণীরা আর গান গাহিতেছে না; হঠাৎ যেন তাহারা গম্ভীরভাবে ধারণ করিয়াছে।



যাহারা দাঁড়াইয়াছিল, তাহারা একটা আলমারি খুলিল; আলমারিটা দেওয়ালের ভিতর প্রচ্ছন্ন ছিল; সেই আলমারি হইতে একটা শিশুর পরিচ্ছদ টানিয়া বাহির করিল...মৃত্যুর অবশেষ, না জীবনের পূর্ব-সূচনা?—রহস্যময় ও নীরব হাস্য-সহকারে, ঐ ছোট পোষাকটি উহারা আমাকে দান করিল; আর আমিও যেন সব বুঝিতে পারিলাম। ঐ পোষাকটি যখন দেখিতেছিলাম, তখন একটা মধুর কোমলভাব অন্তরে অনুভব করিতেছিলাম—সেই অমৃতভূতিটা এত তীব্র ও প্রবল যে আমি জাগিয়া উঠিলাম...

সব শেষ হইয়া গেল; স্বপ্ন মন্ত্রমোহে ছুটিয়া গেল, ভাঙিল—আবার তাহাকে ধরা অসম্ভব—সেই গ্রীষ্ম-সুলভ গোধূলি, সেই সব তরুণী, সেই পুরাকালের গন্ধ, সেই সমস্ত এক মিনিটের মধ্যেই, অস্থায়ী তমসচ্ছন্ন স্বপ্নরাজ্যের মধ্যে বিলীন হইল। আবার দিবা দ্বিপ্রহরে আসিয়া পড়িলাম—আবার আমার সেই জাহাজের কামরায়, সেই প্রবাসদেশে আসিয়া পড়িলাম।

‘তু-ছক্’ বিড়ালটা আমার পদতলে ঘুমাইতেছে; আরও দেখিলাম, সিল্ভেষ্টার তাহার চওড়া কাঁধ দিয়া আমার জানালা ঢাকিয়া রাখিয়াছে। ‘চাঁদের’ নিকট হইতে এইমাত্র সে কতকগুলো কদলী সওদা করিয়াছে। ‘চাঁদ’ তাহার ডিক্রিতে দাঁড়াইয়া আছে, তাহার গোল-গোল ট্যাবাটোবা মুখখানা দেখা যাইতেছে। এই চাঁদ (আমার সেই স্বপ্নের চাঁদ নহে) একজন আনামবাসী দোকানদার রমণী, বয়স ১৮ কিংবা ২০ বৎসর, প্রতিদিন সে আমাদের জাহাজের ধারে আসিয়া ফল বিক্রয় করে; ‘চাঁদ’ বলিয়া ডাকিলে সে উত্তর দেয়, নিছক গোলাকৃতি বলিয়া নাবিকেরা তাহার এই নাম দিয়াছে।

একটু ভাবুনেপনার সহিত সে তাহার স্কুল বাছ তাহার হলুদে হাত বাড়াইয়া দিল এবং সিল্ভেষ্টারের কষ্ট বাচাইবার জন্ত যেন সে নিজেই একশো মুদ্রা গণিয়া লইতে চাহিল। কিন্তু সিল্ভেষ্টার পাছে আমার ঘুম ভাঙ্গে, এই ভয়ে সে নিম্নস্বরে তাহাকে উত্তর করিল—“না, না, না; আমি জানি, তুই ভারি বজ্জাত, তুই চোর, তোর গুণতে হবে না...” এই কথা বলিয়া সিল্ভেষ্টার, যে শেষঘনসিসুত্রে তাম্রমুদ্রা গাঁথা ছিল, সেই সূত্র হঠাৎ অতি কষ্টের সহিত কতকগুলো মুদ্রা খুলিয়া লইল—কারণ, উহাই এখন আমার যথাসর্বস্ব।

উহাদের পশ্চাতে দূর-দৃশ্যটি অতি সুন্দর। গুল্ল-স্বচ্ছ আলোকের মধ্যে ঐ উচ্চ পর্বতটা দেখা যাইতেছে। উহাই ছয়ের যাত্রাপথ, উহারই নাম “মেঘদ্বার”; লোকলোচনের অগোচর রাজার সহিত সাক্ষাৎ করিবার জন্ত ছয়ে নগরে আসিতে হইলে ঐ পর্বত লঙ্ঘন করা আবশ্যিক; তাহার পর আবিলা সমুদ্রের উপর, “জঙ্ক” নৌকার ভীড়—

—সেই ক্ষুদ্র শিশুর পরিচ্ছদ দেখিয়া আমার মনে যে মধুর, গভীর, ব্যাখ্যাভীত, অনির্বচনীয় একটা ভাব আসিয়াছিল, তাহা রাত্রি পর্য্যন্ত ছিল...

২০

রাত্রি ১টা। আগষ্ট মাসে যেখানে আমরা প্রথমে উত্তাপে দগ্ধ হইয়াছিলাম, সেই খুয়ানু-আনের সম্মুখে ছয়ে-নদীর প্রবেশ-পথে আমরা নোঙ্গর করিয়া আছি। সেই চিরন্তন ভাঙ্গা-ভাঙ্গা তরঙ্গের উপর দিয়া হুর্গরক্ষী সৈন্যদলের নিকট খাণ্ডসামগ্রী পাঠাইবার জন্ত, আমরা দুই দিন ধরিয়া শান্ত সমুদ্রের অপেক্ষায় আছি।

কিন্তু সেই নিস্তক শান্ত সমুদ্র আর আসেই না! যাই হোক, সমুদ্র একটু শান্ত হইয়াছে, নৈশ গগনে তারা উঠিয়াছে; কিন্তু সেই একই রকম মধুরগামী প্রকাণ্ড প্রকাণ্ড তরঙ্গ ক্রমাগত ফুলিয়া ফুলিয়া উঠিতেছে, উহাদের ক্রান্তি নাই। আমরা জাহাজের উপর দোল খাইতেছি, অবিরাম দোল খাইতেছি, এবং বেলাভূমির দিক হইতে বাঁচিভঙ্গের গর্জন ক্রমাগত শুনা যাইতেছে।

এই ছয়ে নগরের ভিতর—এখন এই নগরটা আমাদের খুবই কাছে—স্বাক্ষর রাতে একটা শোক-নাট্যের অভিনয় হইতেছে;—প্রাসাদ-প্রাচীরের শেষ বেটনের মধ্যে এখনই তাহা হইতেছে। যে রাজদরবার দর্শন নিষিদ্ধ, যাহা দেখিলে প্রাণদণ্ডে দণ্ডিত হইতে হয়, সেই রাজদরবারের গণ্যমাণ ব্যক্তিগণ তাহাদের উপর-তোলা ক্ষুদে ক্ষুদে চোখ ভীষণ রোষে বিক্ষারিত করিতেছে। যে রাজা সন্ধিপত্র স্বাক্ষর করিয়াছিল, সেই রাজাকে সিংহাসন-চ্যুত করা হইতেছে—খুব সম্ভব উহারা তাহার শিরশ্ছেদ করিতেছে...

আজ সায়াহ্নে রাজপ্রাসাদের নহবৎখানা আমরা দূর হইতে দেখিতেছিলাম। উহা অন্তর্মান সূর্যের

কিরণে উদ্ভাসিত। ঐ দৃশ্যবেশ্য গৃহে ঐ-সব লোক-
লোচনের অগোচর দৃশ্যের মধ্যে গিয়া উপস্থিত হইতে
আমাদের খুবই কৌতূহল হইল।

যাহারা যুদ্ধের পক্ষপাতী, তাহাদেরই জয়
হইয়াছে; শেষ খবর পাওয়া গেল,—বিশপকে,
ফরাসী দূতকে রাস্তায় লোকেরা শাসাইতেছে। এই
সব গভীর তরঙ্গের উপর দিয়া এখন ডাঙ্গায় একটি
লোকও পাঠাইবার জো নাই। এই সমস্ত জনতার
মধ্যে—যেখানে আমাদের লোকেরাও আছে—জাহাজ
হইতে যদৃচ্ছাক্রমে গোলাবর্ষণ করিবারও জো নাই।
তাই আমরা চূপ করিয়া এখানে বসিয়া আছি—
অবসাদক্রান্ত ও শক্তিহীন।

১১

আবার সমস্তই নূতন বন্দোবস্ত হইয়াছে; নূতন
রাজার সঙ্গে সঙ্গে, প্রাচীর-বেষ্টিত নগরে আবার
শান্তি ফিরিয়া আসিয়াছে। আমরাও আমাদের
গৃহে—সেই প্রবাসের উপদাগরে প্রত্যাগমন
করিয়াছি।

আজ তুরাণে ফরাসী ভাষায় লেখা একটা সাইন্-
বোর্ড এই প্রথম খাড়া করা হইয়াছে:—“শাংহু,
সামুদ্রিক দ্রব্যসামগ্রীর সরবরাহকারী।” একটা লম্বা
ছড়ির আগায় লাগানো একটা তক্তির উপর এই
কথাগুলি লেখা আছে। ইহা প্রায় নগণ্য।
মন্দির ও ধূল্য আচ্ছন্ন এই ক্ষুদ্র নগরটির মাঝখানে
এই জিনিষটা ইহারই মধ্যে বেসুরা বলিয়া মনে
হইতেছে।

আমাদের জাহাজে, আমাদের নাবিকেরা শাংহুর
নাম দিয়াছে—“সবুজ চীনা”; কারণ, শাংহু সচরাচর
সবুজ পরিচ্ছদ পরিধান করে। আমাদের অধিষ্ঠানে
আকৃষ্ট হইয়া শাংহু তাহার শোভন ভাবভঙ্গীর
অলঙ্কিত প্রভাবে ক্রমশঃ আমাদের অপরিহার্য
অস্তরঙ্গ হইয়া পড়িয়াছে। সে সব-জিনিষেরই
জোগান দিয়া থাকে, লোকের সুবিধা করিয়া দিতে
খুব তৎপর, খুব চতুর, খুব তরুণবয়স্ক, খুব মজার
ধরণের লোক; তাহার শরীরের উপর, তাহার
বাহারে বেণীর উপর তার খুবই যত্ন; সে বাঁশের মত
সরু ও তার গায়ে চন্দনের গন্ধ।

উপস্থিত-মত কাজ চালাইবার জন্ত এই-সব
দোকান-ঘর—কতকগুলো খাগড়ার চালা, নদীর

ধারে উঠানো হইয়াছে। রেশমী-কোমল বেণী
ঝোলানো, খুব স্থূলকায়, খুব লম্বা-মোজা-পরা,
নগ্নোদর দোকানীরা বেশ প্রসন্নবদনে তাহাদের
পুতুলী-সদৃশ দৈহিক স্থূলতা সকলের সমক্ষে অনাবৃত
করিয়া দেখাইতেছে। দেওয়ালের একটা বুদ্ধমূর্তি—
মূর্তিটিও লম্বোদর—ক্রয়বিক্রয়ের অধ্যক্ষতা করিতেছে।
উহার কয়লা বিক্রয় করিতেছে, জীবন্ত গরু বিক্রয়
করিতেছে, পয়সার মালা বিক্রয় করিতেছে, বস্তা-
ভরা চাউল বিক্রয় করিতেছে, সাম-চোর বুয়েম
বিক্রয় করিতেছে। আমাদের নাবিকেরা যেরূপ
বলিয়া থাকে—উহার ভিতর “চীনা চীনা” গন্ধ খুবই
পাওয়া যাইতেছে। শীর্ণপত্রপল্লবভূষিত বাঁশ-ঝাড়
ইতস্ততঃ হেলিতেছে ছলিতেছে;—এবং বাঁশ-ঝাড়ের
মধ্যে মশার কাঁক নৃত্য করিতেছে।

মাদাম্ শাংহু সম্প্রতি কান্টন হইতে আসিয়াছেন।
তাঁর খাত্তর-নদারদ ভাব; ভাবুনেপনাও আছে;
তাঁহার চোখ এতটা উপর দিকে তোলা যে, চোখের
তারা—যাহা তাঁহার হাতপাখার মতনই চঞ্চল—
মনে হইতেছে যেন উপর হইতে নীচে ক্রমাগত ঘুর-
পাক দিতেছে। মাদাম্ তাঁহার পুতুল-পায়ের উপর
ভর দিবা হেলিয়া-ছলিয়া বেড়াইতেছেন।

উহাদের দুই মুখের যোগাযোগে, ক্ষুদ্র শাংহুর
মুখখানি না-জানি কিরূপ আকার ধারণ করিবে।
আগামী মাসে নব অভ্যাগত পৃথিবীতে আবিভূত
হইবেন, এইরূপ ঘোষণা করা হইয়াছে।

১২

...এক বর্ষার দিনে, কোন এক পর্বতের চূড়ায়।
খানিকটা ফাঁকা আকাশ, খানিকটা নিস্তব্ধতা।
আমার পায়ের নীচে হরিদবর্ণ ঢালু ভূমি গভীর
সমুদ্রের দিকে নামিয়া গিয়াছে।

ঐ গিরিশিখরের উপর আমি একটা কাজে
নিয়োজিত হইয়াছিলাম। জাহাজের প্রধানাধ্যক্ষ
ত্রিকোণমিতি-সংক্রান্ত জরিপ করিবার জন্ত, একটা
উপসাগরের দিগ্-নির্ণয় করিবার জন্ত আমাকে
পাঠাইয়াছিলেন। আমাদের বড়ি ফিরাইবার মিস্ত্রী
এই কাজে আমার সাহায্য করিয়াছিল। একটা
শৈলখণ্ডের উপর আমাদের তাম্র-যন্ত্রগুলো সম্বন্ধে বস-
ইয়াছিলাম—শৈল-গাত্র স্থূষ পাতাবাহার গুণ্ডা
আচ্ছাদিত—যেন গালিচা বিছাইয়া দিয়াছে। আরও



কতকগুলি উচ্চতর পাহাড়, তাহাদের উদ্ভিজ্জপূর্ণ ভূমসাজ্জর গুরুভার দেহপিণ্ড লইয়া, আমাদের মাথার উপরে ঝুলিয়া রহিয়াছে। কখন কখন ধূলর মেঘ নামিয়া আমাদের প্রাণিত করিয়া চলিয়া যাইতেছে। বর্ষণের সময় নিস্তরু হইয়া নিশ্চলভাবে মাথা নীচু করিয়া, কখন দিগন্ত আবার আলোকে উদ্ভাসিত হইবে, দূরস্থ অন্তরীপগুলা আবার দৃষ্টিগোচর হইবে, তাহারই প্রতীক্ষা করিতেছি। এই অন্তরীপগুলা প্রায়ই কুয়াসায় আচ্ছন্ন থাকে।

যখন আমরা এইরূপ প্রতীক্ষা করিয়া থাকিতাম, তখন আমাদের মন স্বদূরে চলিয়া যাইত। একজন "Lande"-বাসী নিশ্চয়ই তাহার দেবদারু-বনের কল্পনায় বিভোর হইত। আর আমার কথা যদি জিজ্ঞাসা কর, আমি কল্পনা করিতাম, যেন আমি দালুমাসিয়ায় আছি। এই সব উচ্চ পর্বতের চম্চমে হাওয়া, এই সব তরুণ বিশাল ঢালুভূমি, আর এই দূরস্থ সমুদ্র—এই সমস্ত হইতেই একটা মায়াবিভ্রম স্বতই উৎপন্ন হইতে আরম্ভ করিয়াছে।

কান্তারো-প্রদেশের সহিত, এড্রিয়াটিকের ঢালু দেশের সহিত, এসিয়ার এই কোণটুকুর বাস্তবিকই একটা সাদৃশ্য আছে।

একটা অবগুণ্ঠনের ভিতর দিয়া দেখিবার জ্ঞ, আধো চোখ বুজিয়া, সেই গভীর স্বপ্নরাজ্যের মধ্যে আস্তে আস্তে ক্রমশঃ আপনাকে নিমজ্জিত করিলাম। ঐ-সব দেশের খুব স্পষ্ট, খুব জটিল, খুব জীবন্ত ধারণা আমার মনে আবার জাগিয়া উঠিল। যে-সব জিনিষ চলিয়া গিয়াছে, তৎসম্বন্ধে স্মৃতির একটা বিবাদের ভাব—নির্ভূর বলিলেও হয়—আবার আমার মনকে অধিকার করিল। সেই-সব অভীতের জিনিষ আর কখন ফিরিয়া আসিবে না...আহা কান্তারোর সেই উপসাগর—একটু বিষাদময় সেই কবোফ শরৎকাল—সেই বন-প্রান্তে বসিয়া ধ্যান-চিন্তায় মগ্ন থাকা—সেই মেদী গাছের তলায় নিদ্রা যুওয়া—আর,—হেজোঁগেভিনিয়ের একটি ক্ষুদ্র বালিকা, ঐ শান্ত বিজন দেশে ভেড়া চরাইবার জ্ঞ যে প্রতিদিন আসিত, তাহাকে দেখা...

এই পর্বত ও আকাশের নিস্তরুতার মধ্যে, হঠাৎ একটা সরু-সরু শব্দ! সরু সরু হাত যেন ধূসর-রংএর দস্তানা পরা—সেই হাত দিয়া ডালপালা সরাইয়া দিয়া আমাদের দেখিতেছে:—হইটা বড় বানর।

...বনমানুষ-জাতীয়; মানুষের মত মুখ—সমস্তটাই গোলাপী রংএর; দাড়ীর চুল সাদা। উহারা নিশ্চয়ই আমাদের পিছনে অনেকক্ষণ ধরিয়া ছিল; যখন দেখিল, আমরা কোন অনিষ্টকর কার্যে লিপ্ত নই, তখন উহারা বানর-স্বভাব তীব্র কৌতূহল সহকারে উহাদের স্বচ্ছ চোখ খুব দ্রুতভাবে মিটমিট করিতে করিতে আমাদের নিরীক্ষণ করিতে লাগিল।

এক নাবিক গন্তীরভাবে উহাদিগকে অভিবাদন করিল এবং হাত নাড়িয়া বন্ধুত্বের একটা ভঙ্গী করিয়া বলিল—সকল ভাষাতেই যাহার অর্থ এই:— "মহাশয়গণ, একটু কষ্ট করিয়া যদি...ইত্যাদি... আমরা তাহা হইলে খুবই খুশী হইব—"

এই হস্তভঙ্গীতে উহারা ভয় পাইল। তখন উহারা সাধারণ পশুর মত চার পায়ের উপর ভর দিয়া ছুটিয়া পলাইল। উহাদের পলায়নের সময়, আমাদের চক্ষু জুঁইগাছ ও অচ্ছা হরিৎ গুল্মের মধ্য দিয়া, উহাদিগকে অনুসরণ করিল।

ছুটিয়া যাইবার সময়, উহাদিগকে বড় খরগোসের মত দেখাইতেছিল। মানুষের মত মাথা ও বুদ্ধ-লোকের মত শ্মশ্রু ছাড়া, মানুষের সাদৃশ্য আর তাহাদের কিছুই ছিল না।

১০

যরের শানের উপর দিয়া হেঁচুড়িয়া চলিবার শব্দ—একটা ফোঁপানির শব্দ।—এই মন্দিরের একটা আধার কোণে অনেকক্ষণ ধরিয়া শান্তভাবে ছিলাম; খিলান মণ্ডপের গায়ে যে সব বিরাট মূর্তি, কাল্পনিক মূর্তি ছিল, তাহারই ছবি আঁকিতেই ব্যাপৃত ছিলাম,—এমন সময় ঐ শব্দ গুণিতে পাইয়া, কে প্রবেশ করিতেছে জানিবার জ্ঞ দরজার দিকে মুখ ফিরাইলাম।

একটি বৃদ্ধা রমণী দীনদশাপন্ন ও প্রায় উলঙ্গ। তাহার হাতে আছে চাউল ও মৎস্যপূর্ণ ছোট তিনটা কটোরা এবং ছোট তিনটা গোলাপী রংয়ের মোমবাতি। নিশ্চয়ই দূর হইতে আসিয়াছে; দেখ যেন শ্রান্তিতে ভাঙ্গিয়া পড়িয়াছে, মনে হইল, কি একটা দারুণ হুঃখে অভিভূত। এই সর্বজনপরিচিন্তা বেচারী বৃদ্ধা সম্ভবতঃ তাহার যথাসর্বস্ব বেচিয়া এই নৈবেদ্য-সামগ্রী,—এই হাশ্রম, প্রকাণ্ডকায়, সোনা-স্বকম্বি দেবতার সম্মুখে যজ্ঞ-বেদীর উপর অর্পণ করিতে আসিয়াছে। তাহার পরেই সে কাঁসর পিটিতে

লাগিল, এবং প্রেতঘোনিদিগকে ডাকিবার ঘণ্টা বাজাইতে লাগিল।—যেন সে এই কথা বলিতে চাহে, —বাবা বুদ্ধ! তুমি এখানে একবার এসে দেখো, তোমার জন্ম আমি কি জিনিষ নিয়ে এসেছি; আমার যথাসাধ্য এই উপহার সংগ্রহ করেছি; আমার উপর দয়া করো, কৃপা করো, আমি যা প্রার্থনা করছি, তা আমাকে দাও...”

ছোট মোমবাতিগুলো পুড়িয়া গেল; মাছেরা ছোট তিনটা বাটির উপর নামিয়া নৈবেদ্য-সামগ্রী খাইতে লাগিল;—বেচারী বুদ্ধা চলিয়া গেল।

একটা মর্শ্বেভেদী, চীৎকার করিয়া বুদ্ধা হঠাৎ আবার সেই বেদীর নিকট ফিরিয়া আসিল। তাহার অন্তরে কে যেন বলিল, এখনও তার “ভূত” ছাড়ে নাই; অথচ সে যথাসাধ্য দেবতাকে উপহার দিয়াছে। তাই সে ছুটিয়া আসিয়া কোঁপাইতে কোঁপাইতে আর্ন্তরব করিতে করিতে আবার প্রচণ্ডভাবে “গং” পিটিতে লাগিল, ঘণ্টা বাজাইতে লাগিল;—বুম্! বুম্! বুম্! ডিং! ডিং! ডিং! তাহার তাৎপর্য এই:—

“বাবা বুদ্ধ! তুমি আমার কথা শুনলে না, আমার দিকে একবার চেয়েও দেখলে না; আমি যে একজন গরিব বুদ্ধা রমণী—অতি অভাগিনী—তুমি কি এত নির্ভর হবে,—আমার কথায় কর্ণপাতও করবে না—এ কখনই সম্ভব নয়।”—তাহার পর, হৃদয়ে পাচ মেষ্টের মত তাহার মুখের উপর দিয়া অশ্রু গড়াইতে লাগিল।

সিল্ভেষ্টার,—ব্রেতাঞ্-প্রদেশে যাহার খুব-গরিব এক বুদ্ধা পিতামহী আছে—সেই সর্বপ্রথমে উঠিয়া তাহার কাছে যাহা ছিল—৫ ফ্যাঙ্ক মূল্যের “সাপেক” মুদ্রা—সমস্তই তাহাকে দিল। আমিও আমার থলে ঝাড়িয়া তাহাকে সমস্তই দিলাম। সে ভ্যাবাচাকা খাইয়া, খুব নতশিরে “চিন্ চিন্” করিতে করিতে আমাদিগকে ধন্যবাদ জানাইল। এই অনপেক্ষিত ধনলাভ করিয়া নিশ্চয়ই তার বেশ একটু উপকার হইল। সে ইসারা-সঙ্কেতের দ্বারা আমাদিগকে বুঝাইয়া বলিল:—সে আর-একটা ভিক্ষার জন্ম এখানে এসেছিল—সে ভিক্ষা দেওয়া মানব-দয়ার সাধ্যাতীত...

১৪

আজ দিনটা খুবই বিক্ষুব্ধ। পূর্বের জোর বাতাস, আকাশ অন্ধকার, দুই দিন ধরিয়া আমরা থুয়ান্

আনের সম্মুখে আছি। আজ প্রাতে সূর্য্যোদয়-কালে জাহাজ আর নোঙ্গর মানিতেছে না; কাজেই নোঙ্গরটা মাটা হইতে একটু উপরে উঠানো গেল (এই কোশলটা বিপদজনক); তাহার পর, আমরা আমাদের অভ্যস্ত আশ্রয়স্থান তুরানে গিয়া আশ্রয় লইলাম।

আর আমি,—নির্দিষ্ট পোয়া ঘণ্টা কালের পাহারার কাজে নিযুক্ত হইলাম—বেশ একটু কড়া পাহারা, কিন্তু সেই-সঙ্গে একটু বাৎসল্য ভাবও ছিল বরং সচরাচরের চেয়েও বেশী। আমি বিষয়টিতে মনে মনে ভাবিতেছিলাম, এই পাহারাটা কি আমার শেষ পাহারা হইবে?

গতকাল একটা ডাকের জাহাজ যখন এখান দিয়া চলিয়া যায়,—তখন একটা হুকুমনামা আমাকে দিয়া গিয়াছিল। এই হুকুমটা একেবারেই অনপেক্ষিত; পারীতে ফিরিয়া যাইতে হুকুম হইয়াছে। সৈন্যবাহী “করেজ” নামক জাহাজে আমাকে ফ্রান্সে লইয়া যাইবে। হা-লং হইতে ফিরিয়া আমাকে লইবার জন্ম জাহাজটা তুরানে আসিয়া থাকিবে—আর কাল আমাদের যাত্রাকাল জানানো হইবে। সকল সময়েই এই নৌ-বিভাগের ব্যাপারে তাড়াতাড়ি ও হরুদুম!

দুইটার সময় আমাদের সেই তুরানের উপমাগরে প্রবেশ করিলাম—সেখানে সমুদ্র বেশ শান্ত। এখন খুব তাড়াতাড়ি আমাদের তোরঙ্গগুলো শুছাইয়া লইতে হইবে। আমার কামরায় সমস্তই বিশৃঙ্খল ও ওলট-পালট হইয়া রহিয়াছে। যে-সকল বাকসো তাড়াতাড়ি “সবুজ চীনা”কে অর্ডার দেওয়া হইয়াছিল, তাহা একটা “ঝাঁপান” নৌকা করিয়া আসিয়া পৌঁছিয়াছে। যে গরম,—সিল্ভেষ্টার হাঁসফাঁস করিতে করিতে কাজে চলিয়া গেল। এই জটিল গাঁঠির বাধা কাজে আরও তিন জন সিল্ভেষ্টারের তাবে খাটিতে লাগিল। আরামে কাজ করিবার জন্ম সকলেই বিবস্ত্র হইল।

রাত্রি হইল। আমিও প্রস্তুত হইলাম। আমার গম্যস্থানের অনুসরণ করিতে, বেচারী প্রবাসসঙ্গীদিগের সহিত বিদায়-সম্ভাষণ করিতে প্রস্তুত হইলাম। আমার সকলের জন্মই কষ্ট হইতে লাগিল...আমার জীবনের এই আকস্মিক পরিবর্তনে এতই বিপর্য্যস্ত হইয়া পড়িয়াছিলাম যে, আজ ঘুমাইতে বেশ একটু দেবী হইয়া গেল।

একজন উচ্চমানুষের নাবিক, আমার কামরায় পোত-ছিদ্রের নীচে সকালের বিবাদময় খুব একঘেয়ে



একটা বেতাঞ্ প্রদেশের সুর গাহিতেছিল, তাহা শুনিয়া খুব ভোরে আমার ঘুম ভাঙিয়া গেল। দিনটা শান্ত নিশ্চল, সুন্দর;—এই মেঘ-বৃষ্টির দেশে, এই ঋতুতে এইরূপ দিন খুবই বিরল। পাহাড়গুলা রামধনুর মত বিচিত্রবর্ণে রঞ্জিত; সমুদ্র গাঢ় নীলবর্ণ; একটা স্নানমধুর দীপ্তচ্ছটা, গৌরমণ্ডলসুলভ একটা গভীর স্বচ্ছতা চারিদিকে বিরাজ করিতেছে; এই সব তুমুল ঋতু-বৃষ্টির পর, সমস্ত প্রকৃতি যেন আরামে বিশ্রাম করিতেছে। আর কিছুই করিবার নাই; আমার কাজ ছাড়িয়া দিয়াছি, আমার তোরঙ্গগুলা বন্ধ রাখা হইয়াছে। সিল্ভেটার আমার বুদ্ধমূর্তি ও আমার পুতুলগুলাকে এইমাত্র কাপড়ে জড়াইয়া গুছাইয়া রাখিয়াছে;—ইহার আমার সহযাত্রী।

আমার বিশ্বাস,—আমার শ্রমক্রান্ত জীবনে, কোন স্থান হইতে এমন শান্তভাবে প্রস্থান করা কখনও ঘটে নাই। সমস্ত দিন আমি দিগন্তের পানে চাহিয়া আছি, সমুদ্রের উপর চাহিয়া আছি—“করেজ” জাহাজখানা কখন না জানি আমাকে লইতে আসিবে। কিন্তু সাদা-পাল-ওয়াল কতকগুলো “জঙ্ক” নৌকা ছাড়া আর কিছুই নেত্রগোচর হয় না।

সেই “সবুজ-চীনা” শাংহু ফুল-কাটা রেশমের একটা জাঁকালো পোষাক পরিয়া, সন্ধ্যার সময় আমাদের নিকট বিদায় লইতে আসিল। শীত ঋতুর জন্ম এই পোষাক সে কাটন হইতে আনাইয়াছে।

সূর্যাস্ত-সময়ে প্রায় শীতকালের মত ঠাণ্ডা; মনে হয় যেন ডিসেম্বর মাস। কৈ, “করেজ” জাহাজের ত দেখা নাই; আর-এক রাত্রি এই উপসাগরে, এই অন্ধকারময় পাহাড়গুলা মধ্য কাটাইতে হইবে। পাঁচমাস কাল উহাদের মধ্যে আমি বন্দী ছিলাম। আবার উহাদিগকে দেখিতে আসিব না, ইহা নিশ্চয়। আজ শেষ-রাত্রি, তাই আজ রাত্রে উহাদিগকে একটু বিষয়চিত্তে দেখিতেছি...কি অদ্ভুত, শেষে সকলেরই প্রতি কেমন একটু মমতা জন্মে...সূর্যাস্তের স্নান পীত আভার উপর এই-সব পাহাড়—এমন কি, দূরস্থ পাহাড়গুলাও নিছক্ কালো বলিয়া মনে হইতেছে; আর দূরত্বের ব্যবধান অল্পভূত হয় না; মনে হয় যেন একটিমাত্র প্লেট-পাথরের খাঁজ-কাটা দেওয়াল, শীত-আকাশের নীহারশীতল গায়ে ছায়াচিত্রের আকারে খাড়া হইয়া আছে।

এই “করেজ” জাহাজখানা আমাদের গণনাগুসারে

অন্ততঃ আজ পৌছনো উচিত ছিল; উহার আসিতে খুবই বিলম্ব হইয়াছে! কাল প্রাতে নিশ্চয়ই আসিয়া পৌছিবে।

সন্ধ্যার “ডেক-পরিষ্কার”এর পর, আমার “পাহারা-ঘরে”র বন্ধুরা আমার সহিত সাক্ষাৎ করিবার জন্ম আমার কাম্রায় আসিল;—তাহারা নানাপ্রকার ফর্মাশ করিল, বিদায়-সম্ভাষণ করিল।—সবশেষে যে আসিল, সে হইতেছে সিল্ভেটার—কিছু গুছাইবার আছে কি না, তাহাই দেখিবার জন্ম সে স্বতই আসিয়াছে। সে ভয়ে-ভয়ে একটি ক্ষুদ্র মূর্তি আমাকে দিল। এই মূর্তিট সে তার প্রথম “Communion” অর্হুষ্ঠানের সময় পাইয়াছিল। এট কতকটা তাহার রক্ষাকবচের মতঃ—“স্বতিচিহ্নরূপ এটি কি নিয়ে যাবে কাপ্তেন?”—সে আরও মনে করে—এটি আমাকে আপদে বিপদে রক্ষা করিবে।

আমাকে কেন আবার ফ্রান্সে তলব হইল, এ কথা আমার নাবিকেরা ঠিক বুঝিতে পারিতেছে না; তাহার কারণ করিতেছে,—আমার কি দশা হইবে, আমার প্রতি কর্তৃপক্ষেরা কিরূপ আচরণ করিবে, আমি যেন তাহা নিজেই জানি না...

উহার এই ক্ষুদ্র উপহারটি বহুমূল্য জ্ঞানে বুকে চাপিয়া ধরিলাম। মূর্তির বিষয়টি এইঃ—ঘোর তমসাজ্জন ঝটিকার মধ্যে একটি শিশু নতজাহু হইয়া আছে। তাহার সহিত এই পৌরাণিক কাহিনীটি আছেঃ—“বিপুল জগরাশি আমাকে বিরিয়া ছিল, কিন্তু হে ভগবান্, তুমিই আমাকে রক্ষা করিয়াছ।”

তাহার পর, সিল্ভেটারও যেন আমার সহিত দস্তরমত মূল্যকাৎ করিতে আসিয়াছে—এই ভাবে তাকেও আমার কাছে একটু বসাইলাম; এবং ব্রেতাঞ্ সঘন্ডে বাক্যালাপ করিলাম। তাহার গোয়েলো প্রদেশে আমার কখন কখন কাজ পড়ে, সেই সময় তাহার পিতামহীর কুটীরে গিয়া তাহার সহিত সাক্ষাৎ করিব—এইরূপ স্থির হইল।

তখন, সে যেন কি একটা চিন্তায় বিভোর হইলঃ—এই ব্রেতাঞ্ এখান হইতে কত কত মাজন দূরে!...তাহার গ্রামে কিরিয়া গিয়া আবার কি আমার সহিত তাহার সাক্ষাৎ হইবে?—তাহা কি কখনও ঘটিবে? এই ধানামে বসিয়া তাহা কল্পনা করাই যায় না—তাহার সাধের দেশের সম্মুখে যেন একটা ছর্ভেজ যবনিকা রহিয়াছে...

তাহার পর, তাহার ভাবনা হইল,—তাহাদের কুটারে গেলে কি করিয়া আমার যথাযোগ্য আদর অভ্যর্থনা করিবে। সে মাথা নীচু করিয়া আমাকে বলিল :—“জানেন, আমাদের বাড়ী, ...সেটা একটা খোড়ো চালাঘর”—বেচারী নেহাৎ শিশু! খোড়ো চালাঘরের কথা বলিবার পর, আমি তাহার হস্ত-মর্দন করিয়া তাহাকে শুইতে বাইতে বলিলাম। সে যদি জানিত, এই সব খোড়ো চালাঘর—ব্রেতাঞ্জ-প্রদেশের এই সব পুরাতন চালাঘর আমি কত ভালবাসি...

আজ রাত্রে “করেজ” জাহাজ আসিয়া পৌঁছিয়াছে। আমাদের জাহাজের পাশ দিয়া যাইবার সময় যেক্রপ কোলাহল উঠাইল—যেক্রপ জল মাপিবার বুলি বলিতে লাগিল, তাহাতে আমি জাগিয়া পড়িলাম। যাক্—এইবার তবে প্রস্থানের সময় আসিয়াছে, আমার জীবন-পথের এই শেষ যাত্রা; সব অবসানই বিবাদময়—এখন দেখা যাইতেছে, এই প্রবাসের অবসানটাও বিবাদময়।

আজিকার দিনটাও বেশ উজ্জল মনোরম। প্রাতঃকাল হইতেই যাত্রার জন্ত শেষ-উদ্যোগ-আয়োজনের চাঞ্চল্য দেখা দিয়াছে; ৯ টার সময় “করেজকে” সজ্জিত হইতে হইবে। আমার অধুরক্ত ভক্ত সিল্ভেস্তার ও অত্যাঁচ নাবিকেরা আমার বোচ্কাবুচ্কা বাধিবার জন্ত, ঐখানে জমা হইয়া পরস্পরের গায়ে ঠেলাঠেলি করিতেছে। তাহার পর বিদায় লইবার জন্ত এক-লাইন হইয়া উহার আমার কামরার সম্মুখে আসিয়া দাঁড়াইল। এই সকল সরলমতি নাবিকদের বিদায়সম্ভাষণ বাস্তবিকই মর্ম্মস্পর্শী।

আমার “পাহারা-ঘরে”র সহচরেরা আসিয়া আমাকে বিদায়-চুম্বন করিল; স্নান-বিহীন—যা-তা কাপড় পরা—এইরূপ কতকগুলো নাবিক আমাকে তাহাদের জাহাজে লইতে আসিল। একটা ডিম্বি আমার জন্ত অপেক্ষা করিতেছিল—আমাদের জাহাজ হইতে এই ডিম্বিতে নামিবার সময় আমার বুক যেন ফাটিয়া যাইতে লাগিল।

“করেজ” সজ্জিত হইয়াছে, যাত্রা করিতে উত্তত, এমন সময় একটা জঙ্ক-নৌকা—মান্দারীনের—নানা-রকম ইসারা-সঙ্কেত করিয়া তাড়াতাড়ি আমাদের নিকট আসিল।—সেই “সবুজ চীনা,” আমার যাত্রাপথের জন্ত একরকম খুব মিহি চা বাল্লোবন্দী করিয়া পাঠাইয়াছে।

আমাদের জাহাজের পাশ দিয়া আমরা চলিয়া গেলাম—রবিবারের প্রাভাতিক পরিদর্শনের জন্ত, জাহাজের সরঞ্জামসকল ডেকের উপর দস্তুরমত সারি সারি সাজাইয়া রাখা হইয়াছে। আমাকে বিদায়-সম্ভাষণ করিবার জন্ত উপরিতন কর্মচারীরা শিরদ্বাণ এবং টুপি নাড়িতে লাগিল। যখন সব দূরে সরিয়া গেল—যখন সেই-সব পরিচিত গিরি-মাগার পিছনে তুরানের উপসাগর ধারে ধীরে আবার রুদ্ধ হইয়া পড়িল—যখন আমাদের পূর্বজাহাজের মাস্তুলগুলো একেবারে দৃষ্টির বহির্ভূত হইল, তখন আমি আর চোখের জল রাখিতে পারিলাম না।

১৫

সমস্তই যেন ছুটিয়া পলাইল, নীলিমার মধ্যে বিলীন হইল। মধ্যরাত্রির পূর্বেই আমরা “বার-দরিয়া”য় আসিয়া পড়িয়াছি।

তখন সেই সমুদ্রের শাস্তি আবির্ভূত হইল—সেই সমুদ্র যাহার দ্বারা সমস্তই পরিবর্তিত ও বিধ্বস্ত হইয়া থাকে। একটা সময়ের অবসানে, চিরকালের মত যেন একটা দাঁড়ি পড়িয়া গেল; এবং এই শাস্তির মধ্যে, আমাদের পূর্ব-জাহাজ ও তুরানের উপসাগর চট করিয়া যেন দ্রবীভূত হইল।—কোন স্মৃতি যেন বিলীন হইল—আমার মনে একটা স্মৃতিও রাখিয়া গেল না। আমি জানিতাম, উহার স্মৃতি চলিয়া যাইবে, কিন্তু এত শীঘ্র যাইবে বলিয়া মনে করি নাই—আমি ইংহাতে বিশ্বয়বিহ্বল হইলাম। মোট কথা, প্রেমের বন্ধন ছাড়া আর কোন বন্ধন পৃথিবীর কোন স্থানেই আমাকে বাঁধিয়া রাখিতে পারে নাই।

সমাপ্ত

ঘণ্টা-তিনেকের আত্মবিনোদন

(চীন হইতে ফ্রান্সে যাইবার যাত্রাপথে)

(পিয়ের-লোট্রির ফরাসী হইতে)

...রাত্রি ৯টা। কাফি-গৃহের অভ্যন্তরে। সমস্ত খোলা। তবু ঘরের ভিতরে বিষম গরম। কতকগুলো টেবিল পাতা; টেবিলগুলো একটু সন্দেহজনক। মহুরী ও ব্র্যাণ্ডির গন্ধ ছাড়িতেছে। একটা সাদা ঘর; রাণী ভিক্টোরিয়া ও তাঁহার পরিবারবর্গের প্রস্তর-মুদ্রাঙ্কিত রঙ্গীন ছবির দ্বারা ঘরের দেওয়াল বিভূষিত। দুটি ফর্মা-রং বালিকা, দুইজন সুরাপরিবেষণের পরিচারিকা, কতকগুলো রোদে-পোড়া সাহেবের চারিদিকে কতই হাবভাব দেখাইয়া ঘোরাফেরা করিতেছে। সাদা হাত-কাটা-জামা-পরা—সাহেবেরা বিভিন্ন যুরোপীয় ভাষায় কথা কহিতেছে।—ভয়ানক গরম, ভয়ানক গরম; চাঁদোয়া-ছাদে ঝুলানো, পিটোলদৌপগুলার চারিদিকে মশক ও পতঙ্গবৃন্দ বৌ বৌ শব্দ করিতেছে। একটু ইংরেজ বালক একটা যাজিক পিয়ানোর হাতল ঘুরাইয়া দিল আর অমনি তাহা হইতে “অপেরা”-নাটিকার একটা পরিচিত সুর বাহির হইয়া পড়িল। এই সময় বাহির হইতে একটা কোলাহলশব্দ আসিয়া উহাকে অনেকটা বেসুরো করিয়া তুলিল।

একটা মোজা রাস্তার সম্মুখস্থ একটা বড় গোছের খোলা জায়গা হইতে, যান-বাহনের তরঙ্গহিজোল ও শব্দসহস্র লগ্নন সমেত, একটা জন-স্রোত ঠেলিয়া আসিতেছে।

মনে হয়, যেন কোন গ্রীষ্ম-সায়াকে পারীনগরের “বুলভারের” (Boulevard) দৃশ্য।—দেখিতে পাওয়া যায়, এবং দেখিয়া বিস্মিত হইতে হয়—পুতুলের পরিচ্ছদ পরিয়া লোকগুলো চলিয়াছে, গাত্র হইতে আফিম ও মৃগনাভির গন্ধ বাহির হইতেছে; তার পর পৃষ্ঠদেশ অনাবৃত, গায়ের রং হলুদে, বেণী ঝুলিতেছে...যাহারা বাহুতঃ যুরোপের অভিনয় করে,—খুব নিকট হইতে তাহাদিগকে নোংরা চীনার ঝাঁক বলিয়া বেশ বুঝা যাইতেছে!—এই দ্রুতগামী অধিকাংশ গাড়ীতেই

ঘোড়ার মতো ধাবমান মানুষকে জুড়িয়া দেওয়া হইয়াছে। যাহারা গাড়ী টানিতেছে, তাহারা চীনা, নগকায়, বেণীটা খোঁপার মত. মাথায় জড়ানো, ফানসু আকারের টুপী-পরা; উহার তাহাদিগকে টানিয়া লইয়া যাইতেছে, তাহারাও চীনা; মাথার বেণী বাতাসে ছলিতেছে, হাত-পাখা হাতে লইয়া গট হইয়া বসিয়া আছে। দোকান—চীনা; রঙ্গীন লগ্ননগুলো—চীনা; কণ্ঠস্বর, কোলাহল, বাদ-বিসম্বাদ—চীনা।—সমস্তই পীতবর্ণ, ব্যস্তসমস্ত, অতিলোভী, বাহুরে-ধরণের ও অশ্লীল।—ঝটিকা-গর্ভ একটা ভিজে গরম; মালুঘের গায়ে ঘামের গন্ধ, গাঁজিয়া-উঠা ফলের গন্ধ, মাটির উপর সাজানো বীভৎস খাদ্যদ্রব্য, পুড়াই-বার ধূপ ও পুরীঘের স্তূপ; আর সকলকে ছাড়াইয়া উঠিয়াছে মৃগনাভির গন্ধ—উহা বড়ই তীব্র, স্নায়ুপীড়ক, বমন-উদ্বোধক ও অসহ...

এই নগরই—শিঙ্গাপুর। এই জনতার মধ্যে চলিয়াছে দেবতার মত সুন্দর কতিপয় ভারতবাসী, কতকগুলো মালাবারী, কতকগুলো মালাই, কতিপয় পার্শি, শিরঞ্জাণ মাথায় কতিপয় ইংরেজ, সকল জাতীয় নাবিকবৃন্দ, এবং জাপানের আমদানী কতকগুলি রঙ্গিনী রমণী; কিন্তু এই চীনাক্রম পিপড়ার চিবির মধ্যে উহারা ঘেনডুবিয়া গিয়াছে—হারাইয়া গিয়াছে।

মধ্যকার বড় রাস্তার ধারে ধারে, বাষ্পভারাক্রান্ত চিরন্তন আকাশের নীচে, সকল রকম মন্দির উথিত হইয়াছে; রহস্যময় মূর্তিবিশিষ্ট হিন্দুমন্দির; ভীষণ দৈত্যদানবসম্মিত চীনামন্দির; মুসলমান মসজিদ; প্রটেষ্ট্যান্ট ও রোম্যান-সম্প্রদায়ের খৃষ্টগির্জা—সমস্তই পাশাপাশি ভ্রাতৃত্বাবে অবস্থিত—এই চিত্তক্লঙ্কর ভ্রাতৃত্বাব রক্ষা করিবার ভার ইংরেজ পাহারা-ওয়ালাদের উপর...

রাত্রি দশটা।—একটা কাফির আড্ডায় সঙ্গীত হইতেছে। গৃহটা কাঠের, কিন্তু উহার গঠনাদি

গুরুভার ও প্রকাণ্ড পরিমাণের এবং গ্রীক-দেব-
মন্দিরকে উপহাস করিয়া যেন উহার স্তম্ভশ্রেণী
নিরলঙ্কার কঠোরতার সহিত নির্মিত হইয়াছে। হস্বে-
রীয় নারী-বাদকের একটা দল ষ্টাউস্ রচিত একটা
নাচের সুর খুব কোলাহলসহকারে বাজাইতেছে ;
তাহার পর এক Bardlai রমণী সঙ্গীতমঞ্চের উপর
উঠিয়া "বেড়ার" গান গাহিল। পক্ষি-বিক্রেতা কতি-
পয় ভারতীয় দোকানদার ময়না লইয়া, আশ্চর্য্য-
রকমের টিয়া লইয়া, হীরামন লইয়া বিয়ার-পায়ীদের
টেবিলগুলার ভিতর দিয়া ঘুরিয়া-ফিরিয়া বেড়াই-
তেছে। হীরামনগুলা বহুবর্ণ, মনে হয় যেন রং দিয়া
চিত্রিত। ৪০০ হাত দূরে কোলাহলহীন শাস্ত্র একটা
চতুষ্কোণ পরিসর ভূমি ; মিসি-বাবারা একখণ্ড শ্রামল
শাওল-ভূমির উপর পায়চালি করিতেছে। ঐ ভূমির
বাস ইংরেজ ধরণে একেবারে মুড়িয়া ছাঁটা। উহার
মধ্যস্থলে স্ত্রীকল্পন ধাঁচায় কালো-চূড়াওয়াল একটা বড়
গির্জা।—কিন্তু বাতাসটা গুরুভারাক্রান্ত—এবং
জোনাকি ঝাঁকে ঝাঁকে উড়িতেছে...

রাত্রি ১১টা। গাড়ী ও জনতার দুই-কদম দূরে
হিন্দু মন্দিরের অঙ্গনটা একেবারে খালি ও নিস্তব্ধ।
জ্যোৎস্না ফুটিয়াছে—সেই বিবু-ব-রেখা-প্রদেশস্থলভ
জ্যোৎস্না—যেন সোনালি রংএর দিনমান। এই
অপূর্ব আভাবিশিষ্ট আলোকের জমির উপর, মন্দিরটা
স্বকীয় সারিবদ্ধ চূড়াগুলার ছবি আঁকিয়াছে।
মন্দিরের নীলাভ বিশাল ছায়ার দরুণ মন্দিরকে যেন
যাত্নমন্ত্রবদ্ধ একটা লঘুধরণের জিনিস বলিয়া মনে
হইতেছে—যেন এখনই অস্তহিত হইবে। যেন উহা
একটা অতিপ্রাকৃতিক রসে সর্বতোভাবে পরিষিক্ত
এবং উহার চতুর্দিকে একটা ধর্মজনিত শাস্তি বিরাজ
করিতেছে। বাহিরে যে অবস্থা চীন-জগৎ অবস্থিত,
মনে হয় যেন সেখান হইতে আমরা বহুদূরে
রহিয়াছি। দেবালয়ের উন্মুক্ত দ্বারের ভিতর দিয়া
দেখা যাইতেছে, কতকগুলো ঝুলানো দীপ জলিতেছে।
খুব পিছনে বড় বড় মাথাওয়াল কতকগুলো দুষ্টবুদ্ধি
দেবতাও দেখা যাইতেছে—তাহাদের চারিদিকে
কতকগুলো অজানা বিগ্রহ ; উহাদের সম্মুখে বৃন্তহীন
কতকগুলো ফুল ছড়ানো রহিয়াছে—মল্লিকা ও গন্ধ-
রাজের গন্ধে চারিদিক আমোদিত।

৩৪ জন ভারতবাসী নবীন যুবক ঐখানে পাহারা
দিতেছে ; খাটো ধুতি-পরা ; বালিকার মত চুল কাঁধ

পর্যন্ত ঝুলিয়া পড়িয়াছে ; মুখের ভাবটা বুনো ধরণের,
চোখের সাদাটা দেখিতে কতকটা মিনার মত। উহা-
দের মুখ স্ত্রী এবং উহাদের গণ্ডদেশ শাশ্রুহীন ; কিন্তু
উহাদের গোলাকার বক্ষের উপর, ঘণাজনক কালো
রোয়। গজাইয়া উঠিয়াছে, সর্বশুদ্ধ ধরিতে গেলে,
উহার। যেমন বিশ্বয়-উদ্দীপক, তেমনি বীভৎস ; মনে
হয় যেন উহার। নারী, বানর ও হরিণ হইতে প্রসূত।
দেবতাদের নিকটবর্তী স্থানে, উহার। ঘনিষ্ঠ
আত্মীয়ের মত খুব খোলাখুলিভাবে কথাবার্তা কহি-
তেছে, হাসিতেছে।

উহাদের মধ্যে একজন, কতকগুলো জুঁইফুলের
মালা হাতে লইয়া গোলাপী জ্যোৎস্নার আলোকে,
অঙ্গন পার হইয়া একটা অতিক্রম নির্জন দেবালয়ের
নিকট আসিল। এই মন্দিরের পুতুলটা খুব প্রাচীন
বলিয়া মনে হইল। এই দেবতার ৬টা বাহু, মাথায়
একটা উচ্চ মুকুট ; কাচের বড় বড় চোখ, মুখের
ভাবটা অ-শিব ও ভীষণ ; অদ্ভুত জীবন্তের স্ময়,
বাকানো, দোমড়ানো, যন্ত্রণাব্যঞ্জক ; দেবতা একাই
আছেন—সঙ্গীর মধ্যে একটি ক্ষুদ্র দীপ ;—উহার
সম্মুখেই জলিতেছে।

কোন পশুর সম্মুখে যেরূপ তাহার খাণ্ড আনীত
হয়, সেইরূপ দেবতার দিকে একবারও না তাকাইয়া,
সেই জুঁইফুলের থালাটি ঐ নরীন যুবক দেবতার
পদতলে রাখিয়া দিল।

ষিপ্রহর রাত্রি। শিলাপুরের শেষ বাড়ীগুলো ও
শেষ আলোকচ্ছটা আব-ডো-খাবডো একটা মাটির
পিছনে অস্তহিত হইল ;—একটা খোলা ময়দান—
উদ্ভিজ্জে পূর্ণ। নগরের দ্বারদেশ হইতেই হরিৎশ্রামল
সতেজ দুর্গম জটিল জঙ্গল আরম্ভ হইয়াছে—
"মালাই" প্রায় দীপের প্রায় সমস্ত স্থানই এই জঙ্গলে
আচ্ছন্ন।

কি চমৎকার রাত্রি—কি সুন্দর। আমাদেরই
মতন ওক গাছ, পপলার গাছ, ম্যাগনোলিয়া গাছ—
কিন্তু সবই যেন পরিবর্জিত আকারে ; এবং সমস্তই
বড় বড় সুরভি ফুলে আচ্ছাদিত।

আর.—পাতাবাহারেরই বা কি বাহার, তাল-
জাতীয় বৃক্ষেরই বা কি শোভা !—এই জাতীয় গাছ-
গুলো সকল প্রকার আকার ধারণ করিয়া জ্যোৎস্নার
আলোকে, ধাতব পত্র-পল্লবের মত বিকম্বিক
করিতেছে ; প্রথমে, বিশাল পক্ষসম্বিত নারিকেল,

তারপর সুপারী গাছ—খুব উচ্চ, জলাভূমির খাগড়ার মত সূক্ষ্ম ও সোজা, পলুকা বৃন্তের অগ্রভাগে কুঞ্চিত পালকের গুচ্ছ। সর্কাপেকা বিশ্বরজনক—“পর্যটকের তরু”। উহার বড় বড় পাতা; পেরু পাখীরা যেরূপ প্যাখম মেলিয়া ঘুরিয়া ঘুরিয়া বেড়ায়, সেইরূপ প্যাখমের ছায় উহার পাতাগুলো বেশ সুসমভাবে নিজ বৃন্তের চারিদিকে যেন প্যাখম ছড়াইয়া আছে—মনে হয় যেন চীনের প্রকাণ্ড পর্দাগুলো বনের মধ্যে পুতিয়া রাখা হইয়াছে। এই সমস্ত শামল উদ্ভিজ্জের রং এতটা সবুজ যে, এই দ্বিপ্রহর রাত্রিতেও এই গোলাপী রংএর জ্যোৎস্নালোকে আরও যেন বেশী সবুজ বলিয়া মনে হইতেছে।

রাস্তাটা খুব নির্জন। কিন্তু এ কি! পল্লব-মণ্ডপের প্রান্ত হইতে গাড়ীর লণ্ঠন দেখা যাইতেছে—দীর্ঘ-সারি বাধিয়া গাড়ী আসিতেছে—কিন্তু ঘোড়ার সাড়াশব্দ নাই।

আমাদের পাশ দিয়া চলিয়া গেল। গাড়ীগুলো খুবই ছোট; প্রত্যেক গাড়ীর আরোহী সাদা পোষাক-পরা একজন ইংরেজ নাবিক; নথকায় এক চীনা গাড়ীতে যোতা;—ক্রান্ত হইয়া হাঁপাইতেছে।

স্পষ্ট দেখা যাইতেছে, এই নাবিকেরা একটা বাজির খেলা খেলিতেছে। যে প্রথমে পৌঁছবে, সেই বাজির টাকা পাইবে। এই নাবিকেরা বেশ কায়দা-দুরন্ত ও গস্তীর; মুখের কথায় বাহবা

দিয়া, হাততালি দিয়া খাবকদিগকে উহারা উত্তেজিত করিতেছে।

উহারা চলিয়া গেল—অস্তহিত হইল। আবার এই দ্বিপ্রহর রাত্রিসুভ রহস্যময়ী নিস্তরতা আসিয়া উপস্থিত হইল। একটা মুহূ আলোকচ্ছটা তরুমণ্ডপের ভিতর দিয়া যেন ছাঁকিয়া আসিতেছে; তরুমণ্ডপের ভলায়, সবুজ কাদা অস্পষ্ট দেখা যাইতেছে; কিন্তু সময়ে সময়ে, উজ্জল চাঁদের কিরণ পত্রপল্লবের ফাঁক দিয়া উপর হইতে নামিতেছে,—তাহাতে করিয়া লতাবাহারগুলো অথবা বড় বড় সুন্দর তাল-জাতীয় বৃক্ষগুলো উদ্ভাসিত হইয়া উঠিতেছে। এই গাছগুলো পরী উন্মানের গাছের মত নিশ্চল।

ওঃ! এই নীরবতা, এই উজ্জল আলোকচ্ছটা, এই ঝিঝি পোকাকার লবু সঙ্গীত, এই মাটির গন্ধ, গাছ-গাছড়ার সুগন্ধ, ফুলের সৌরভ—কি চমৎকার!

কিন্তু সকলকে ছাড়াইয়া উঠিয়াছে সেই তীব্র মৃগনাভির গন্ধ—এমন কি, এই বনভূমির মধ্যেও। এই মালাই দেশে সবই মৃগনাভিগন্ধা; এমন কি, মুষিকের মত একপ্রকার নৈশ জীব—পাখীর মত হর্বোৎসুল্ল মুহূবরে—“কুইক্”! “কুইক্”! “কুইক্”! করিতে করিতে যাহারা রাস্তার উপর দিয়া প্রতি মিনিট খুব দ্রুত চলিয়া যায়—তাহারাও তাহাদের পিছনে তাহাদের মৃগনাভিসিক্ত গায়ের গন্ধ রাখিয়া যাইতেছে...

⋮

1
2
3
4
5
6
7
8
9
10
11
12
13
14
15
16
17
18
19
20

ভারতের উপকূলস্থ “মাহে * নগর”

(পিয়ের লোটর করানী হইতে)

১

একটি প্রশান্ত ক্ষুদ্র দেশ,—মাথার উপর তাল-
বৃক্ষের খিলান-মণ্ডপ । এই খিলান-মণ্ডপটি অব্যবচ্ছিন্ন-
ভাবে সটান চলিয়াছে । नीচে মাহুঘ ও পদার্থসমূহ ।
অতিকায় তালবৃক্ষপুঞ্জের রন্ধের মধ্য দিয়া অতিকণ্ঠে
একটু আকাশ দেখা যাইতেছে এবং সেখান হইতে
আলোক-কিরণ নামিয়া আসিতেছে । তালগাছগুলা
জড়াজড়ি করিয়া আছে—বেঁসাবেঁসি করিয়া আছে ।
কতকগুলি গাছ যেন প্যাখোম ছড়াইয়া আছে ; আর
কতকগুলি গাছ কুঞ্চিত পালকগুচ্ছের মত যেন
সাজানো রহিয়াছে এবং খুব নীচে ঝুঁকিয়া পড়িয়াছে ।
এই তরুমণ্ডপটি উচ্চ আকাশে মাথা তুলিয়া আছে—
দার্ব ও ভদ্রর বৃন্তগুলা উহাকে ধারণ করিয়া আছে ।
এই বৃন্তগুলা খাগড়ার মত নমনীয় । একটা চিরস্তন
ছায়ার মধ্যে, একটা স্বচ্ছ হরিৎ রাত্রির মধ্যে,
লোকেরা চলাফেরা করিতেছে ।

সন্ধ্যা প্রায় ৫টার সময়, জাহাজ হইতে বালুরাশির
উপর নামিয়া পড়িলাম । একটা শীর্ণকায় নদীর
মুখ । আমি স্তব্ধ হইতে—শেষপ্রান্তিক এসিয়া হইতে
আবার ফিরিয়া আসিয়াছি । ভারতের এই মোহিনী
শোভা, এই উজ্জ্বল প্রভা আমি প্রায় ভুলিয়াই গিয়া-
ছিলাম । এইসমস্ত অনন্তসাধারণ ও অতুলনীয় সামগ্রী
আবার পাইয়া আমি মুগ্ধ হইলাম । যে নদী দিয়া আমি
আসিলাম, সূর্য্য অন্তগামী হইলেও সমস্ত নদীকে
কিরণে রঞ্জিত করিয়াছে ; কতকগুলি তালবৃক্ষ সূর্য্যের
করম্পর্শে আশ্চর্য্যরকম সোনালি হইয়া উঠিয়াছে এবং
মনে হইতেছে, আকাশ যেন সোনার ধূলায় সমাচ্ছন্ন ।
আমার ডিম্বি তাঁরে ভিড়িতেছে দুই নদীর তটদেশে,
বিশাল সবুজ পদ্মার মত এই সব তালগাছের নীচে,
কতকগুলি লোক দাঁড়াইয়া তাহাই দেখিতেছে ।

* Mahe (উচ্চারণ মারে) করানী উপনিবেশ—মাজাজ
উপকূলে—কালীকটের উত্তরে ।

উহারা সাদা লাল অথবা হলুদে বসনে আচ্ছাদিত
হইয়া দেবতার মত চমৎকার ভঙ্গীতে দাঁড়াইয়া
আছে । তাহারা এবং তাহাদের গাছপালা, তাহাদের
দেশ, তাহাদের আকাশ, সমস্তই মনে হয় যেন একটা
দেব-ছাতিতে পরিপ্লাত ।

একটা বারান্দাওয়ারা গৃহ—সাদা ধপ্পে,—
সবুজ-জানালা-খড়খড়ি-বিশিষ্ট—জলের ধারে, অস্ত-
রীপের মত একটা শৈলখণ্ডের উপর স্থাপিত । সুন্দর
বাড়ীটি, খুব পুরাতন,—ইষ্ট ইণ্ডিয়া কোম্পানীর
আমলের ; এই ছায়া-নিবিড় উপনিবেশটি এই
কোম্পানীর শাসনাধীনে ছিল ।

বালুভূমির উপর দিয়া কয়েক পা গিয়াই একটা
নিম্ন উচ্চানে প্রবেশ করিলাম—এই উচ্চান এই গৃহেরই
সংশ্লিষ্ট । উচ্চানের মাথার উপরে—যেমন সর্বত্র—
সবুজ গাছপালার খিলান-মণ্ডপ প্রসারিত । এই
মধুর ছায়াতলে আসিয়া মনে হয় যেন এক পরীর
উচ্চানে আসিয়াছি ;—নানাপ্রকার অজ্ঞাত ফুল,
ফুলের মত পাতা-পল্লবও সমুজ্জ্বল ও নৈত্রাকর্ষক ;
বেগুনী, লাল, সাদা ও হলুদে-কুটকি-দেওয়া—বিচিত্র
বর্ণের ; যেন চিত্রকরের স্বৈচ্ছাসারে নানা বর্ণে
চিত্রিত । সেকালের ধরণে বাগানের ভিতর ছোট
ছোট গলি-পথ, পাথরের বেঞ্চি শেওলা পড়িয়া সবুজ
হইয়া গিয়াছে ! ভূম্পত্তির মালিক মরিয়া গেলে
কোন পল্লী যেরূপ হয়—এই উচ্চানটি যেন সেইরূপ
জীর্ণ ও পরিত্যক্ত আকার ধারণ করিয়াছে ।

বাগানে প্রবেশ করিয়া, ফটকের দরজাটা আবার
বন্ধ করিয়া দিলাম । রাস্তার মত একটা কিছু যেন
আমার সম্মুখে ; এই রাস্তাটা অতিকণ্ঠে তালীবন ভেদ
করিয়া চলিয়াছে ; দেখিলে মনে হয়, যেন দক্ষিণ-
ফ্রান্সের আমাদের কোন গ্রামকে স্থানান্তরিত করিয়া
এখানে বসানো হইয়াছে এবং বিষুব-রেখাবর্তী প্রদেশ-
স্থলভ শক্তিশালী রঙ্গ ইহাকে একেবারে পিষিয়া
ফেলিবে ; বড় বড় তালগাছ ছায়ার মধ্যে অবস্থিত ;



কিন্তু উহাদের মাথা এখনও অন্তগামী সূর্যের দ্বারা
কনক-রঞ্জিত ; এবং এই ছোট ছোট গৃহগুলি, উহাদের
উর্ধ্বোখিত দীর্ঘ বৃন্তগুলার কাছে কি নীচুই মনে হয়!...
এখানে একটি ছোট নগর দালান আছে ; উহার উপর
তে-রঙা নিশান উড়িতেছে, লাগ জামা গায়ে, তাম্রবর্ণ
সিপাহীরা ফটকের সম্মুখে পাহারা দিতেছে ; এখানে
অদ্ভুত রকমের একটা ছোট হোটেল আছে—কোন
মুসাফীরদের জ্ঞান কে জানে ; একটি ছোট পাঠশালা
আছে, ছোট ছোট কতকগুলি দোকান আছে ; এই
দোকানে ভারতবাসীরা কলা ও গরমমশলা কেনে।
তাহার পর আর কিছুই নাই ; উহারই জেরস্বরূপ
কতকগুলি দীর্ঘ তরুবাধি বরাবর প্রসারিত হইয়া
হরিৎপুঞ্জের গভীর দেশে বিলীন হইয়া গিয়াছে ; মাটির
রং রক্তাভ, উহাতে পড়িয়া শাখা-পল্লবের রং যেন
আরও উজ্জ্বল ও অলৌকিক আকার ধারণ করিয়াছে।
উপরে যেখানে মধ্যে মধ্যে তালীবন একটু বিরল
হইয়া পড়িয়াছে, সেইখানকার আকাশের ফাঁকগুলো
আলোকে উদ্ভাসিত হইয়া উঠিয়াছে এবং খুব গভীর
বলিয়া মনে হইতেছে। রাত্তার দুইধারে যে-সব তাল-
গাছের পালক গুচ্ছ জ্বলিতেছে, সেই নমনীয় গাছগুলার
মধ্যে, বাজপাখীর ঝাঁক কর্কশস্বরে চীৎকার করিতে
করিতে ক্রমাগত যাওয়া-আসা করিতেছে। সমস্ত
প্রকৃতির মধ্যে, জীবজন্তুদের মধ্যে, উদ্ভিদদিগের মধ্যে,
একটা জীবন-তরঙ্গ যেন উথলিয়া উঠিতেছে ; কিন্তু
উহার মধ্যে নিমজ্জিত ক্ষুদ্র নগরটি যেন মৃত।

এই সব ছায়াময় পথে যে সকল লোক দেখিতে
পাওয়া যায়, তাহারা সকলেই সুশ্রী শাস্ত্র উদার-
প্রকৃতি ; উহাদের বড় বড় মথমলের চোখ—সেই
কালো রহস্যময় চিত্তবিমোহন ভারতীয় চোখ। বক্ষো-
দেশ অর্ধনগ্ন ; উহাদের শরীর প্রাচীন গ্রীসীয় ধরণে
সাদা কিংবা লাল মসলিন-কাপড়ে আচ্ছাদিত। রমণী-
গণ দেবীর স্তায় সাজসজ্জায় বিভূষিত ; উহাদের
পীতাম্বর কণ্ঠদেশ দেখা যাইতেছে,—গ্রীক
মার্কেলের যেন প্রায়-অতিরঞ্জিত তাম্র-প্রতিরূপ
বলিলেও হয়। পুরুষদের ফোলানো বুক, শরীরের
গড়ন রমণীদিগেরই মত পাতলা, কেবল কাঁধ অপেক্ষা
কৃত চওড়া ; নীলকণ্ঠ শ্মশ্রু, প্রাচীন গ্রীক ধরণে
কুঞ্চিত। আমাদের চাষীদের মত উহারা ফরাসীতে
“বৌ জুর” বলে এবং ঐ কথা বলিবার সময়, তাহারা
আমাদেরই নিজের লোক এই মনে করিয়া, উহাদের

মুখে একটা গর্ভের ভাব প্রকাশ পায়। উহাদের
ইচ্ছা একটু দাঁড়াইয়া আমাদের সহিত কথাবার্তা
কহে। যাহারা আমাদের ভাষায় একটু কথা কহিতে
পারে, তাহারা একটু হাসিয়া বুদ্ধের সন্ধে, চীন-
দেশের ব্যাপারাদি সন্ধে কথা আরম্ভ করিয়া দেয়।
বলে—“আমাদের নাবিক, আমাদের মৈনিক”...ইহা
অনপেক্ষিত ও অদ্ভুত ! হাঁ, উহারা যেন এইখানে
ঠিক ফ্রান্সেই আছে। তখন আমার মনে পড়িল,
একবার (Saigon) সাইগোঁর আদালতে কি একটা
অপরাধে অপরাধী একজন ভারতবাসীর বিচার
চলিতেছিল। বিচারক কদিক্যান্ মেজিষ্ট্রেট, অপত্য
জ্ঞানে দেহীভাবে তাহার সহিত ব্যবহার করায় সে
উত্তর দিয়াছিল :—“তোমাদের দুইশত বৎসর পূর্বে
আমরা ফরাসী হইয়াছি...”

এখানে একরকম ঢাকা শকট দেখা যায়—উটের
মত ককুদ-বিশিষ্ট দুইটা সাদা গরুতে টানিয়া লইয়া
যায় ; উহাদের অদ্ভুতরকম নিশ্চল লম্বা মুখ ! এ
প্রদেশের ইহাই একমাত্র যান-বাহন ; উহারা টেলি-
চারি কিংবা কেনানোরে চড়নদার লইয়া যায়। ঐ
দুইটি সবচেয়ে নিকটবর্তী ইঙ্গ-ভারতীয় নগর। সহরের
রাত্তার মত, অনেকগুলো চওড়া চওড়া রাস্তা, তালী-
বনের ভিতর দিয়া আড়া-আড়ি ভাবে চলিয়া
গিয়াছে। প্রায় সব রাস্তাই মাটির ভিতরে নিমজ্জিত,
তাই আরও আর্দ্র ও ছায়া-নিবিড়। উহাদের দুই
ধারে যে মাটির ঢিপি আছে, তাহা সুন্দর পাতা-
বাহারে ও সুন্দর শৈবালে মণ্ডিত। এখানকার বন-
নিবিড় অরণ্যের মধ্যে,—“মাগে” যে সময় একটা বড়
নগর ছিল, সেই সময়ে তাহার চারিদিক বেষ্টিত করিয়া
যে প্রাচীর ছিল, সেই প্রাচীরের চিহ্ন সকল দেখিতে
পাওয়া যায়। চৌদ্দ লুই আমলের ফটকের ভগ্নাবশেষ,
টানা-পুলের ভগ্নাবশেষ। ফলতঃ এই উপনিবেশের
মধ্যে যাহা কিছু পুরাতন—সাজিকার দিনে,—সমস্তই
পরিত্যক্ত। আমাদের পাশ্চাত্য নগরদিগের স্তায়
উহারও একটা অতীত আছে। উহার গৌরবান্বিত
শতাব্দীর স্থতিগুলি,—যাহা এক্ষণে উদ্ভিজ্জশ্রামল শব-
আচ্ছাদনে আবৃত হইয়া চির-নিদ্রায় নিমগ্ন,—মনের
মধ্যে একটা বিষাদের ভাব আনিয়া দেয়।

পথ-চলুতি লোকেরা বিভিন্ন জাতের ও বিভিন্ন
বর্ণের ; কেহ কেহ শুধু শ্রামবর্ণ ; তাদের বড় বড়
চোখের সাদাটায় একটু নীলিমার আভা দেখা যায় ;

আর কতকগুলি লোক প্রায় কৃষ্ণবর্ণ, মুখে একটা বুনো ভাব; কিন্তু তারাও দেখিতে সুশ্রী,—সেই অতুলনীয় ভারতীয় সৌন্দর্য্য তাহাদের মুখেও লক্ষিত হয়। এই দেখ কতকগুলি লোক (নিশ্চয়ই দেশের গণ্যমান্য) যুরোপীয় পোষাক-পরা; আমরা যখন তাদের সম্মুখ দিয়া যাইতেছিলাম, তখন তাহারা একটু চিমা চালে চলিতে লাগিল—শিশুদের মত তাদের ভাবটা এই যে—আমরা তাহাদিগকে একবার চাহিয়া দেখি। কিন্তু দুঃখের বিষয়, ঐ পোষাকে উহাদিগকে আদৌ মানাইতেছিল না। বিশেষতঃ স্ত্রীলোকেরা যেরূপ স্বাস্থ্যসজ্জা করিয়াছিল, তাহা দেখিলে না হাসিয়া থাকা যায় না; কিন্তু তাদের যে সুন্দর চোখের দৃষ্টি—সেই দৃষ্টির খাতিরে আমরা হাস্য সঞ্চরণ করিতে বাধ্য হইয়াছিলাম—এবং আমাদের মনে হইল, যেন আমাদের যাত্রা-পথে কতকগুলি রহস্যময় অন্ধকারের ফুল কুড়াইয়া পাইলাম। সেই চিরস্তন-সবুজ তালীবন-মণ্ডপের ছায়াতলে দেশীয় লোকদের গৃহ, গৃহের চারিদিকে কলাগাছ, পুষ্পিত "লান্তানা", লাগ "হিরিস্কস";—যে-সকল উদ্ভিজ্জ কোন উদ্ভানকে মনোমুগ্ধকর করিতে পারে, তাহা সমস্তই আছে। এই ছোট ছোট গৃহের সাদা দেওয়াল, শার্সি-হীন জানালা,—চওড়া-চওড়া গরাদে দিয়া বন্ধ; নিবিড় শাখাপল্লবের দরুণ গৃহের ভিতরটা অতি কষ্টে দেখা যায়; ভিতরটা নগ্ন ও প্রায় খালি। কিন্তু সব সময়েই একটা টেবিলের উপর একটা কিছুকের দোস্তাত ও কতকগুলি কাগজ থাকে;—সেইখানে বসিয়া উহারা লেখে—কতকগুলি সাদামাটা চলুতি বিষয়ের কথা; কিন্তু সেই কথার পুরাতন শব্দগুলি পৃথিবীর আদিম কাল হইতে চলিয়া আসিতেছে; এবং আমাদের পাশ্চাত্য ভাষাসমূহের মূল অনুসন্ধান করিবার জন্ত আমাদের মহোপাধ্যায় পণ্ডিতেরা এক্ষণে উহার অহুশীলনে ব্যাপৃত রহিয়াছেন।

...দিবস চলিয়া যাইতেছে, দিনের আলো স্পষ্ট মামিয়া পড়িয়াছে। এখনো কিছু স্বর্ণরাশি ইতস্ততঃ তালগাছের মাথায় গড়াইয়া চলিয়াছে; তাহার ঐ এই শেষ প্রতিবিম্বছটা যখন নিবিয়া গেল, তখন আবার "হরিংরাত্রি" সর্বত্র ঘনাইয়া আসিল—তখন এই বিজন-স্তব্ধ তরু-বীথির মধ্যে কেমন একটা বিষাদের ভাব আসিয়া পড়িল। আমার কাছ দিয়া একটা বালিকা চলিয়া গেল—তার গাল দুটি ঈষৎ

তাস্রাভ, নীল রং-এর যুরোপীয় পরিচ্ছদ পরিয়াছে। তাহার যেরূপ অপ্রচলিত চং-এর সাজসজ্জা, ছিপ্-ছিপে পাতলা গড়ন, কৌকড়া কৌকড়া কালো চুল, তাহাতে সেকালের উপন্যাসের পীতবর্ণ "ফ্রেংল" রমণীদের ভাবটা আমার মনে আসিল,—যেন কোন "ভর্জিনী", যেন কোন "কোরা"। তাই একটা বিষাদময় ঔৎসুক্য সহকারে তাহাকে আমি নিরীক্ষণ করিতে লাগিলাম। এই ভারতীয় বালিকাটি নিশ্চয়ই খুব গরিব; কেন না, সে নিবিড় গাছপালার ভিতরে প্রবেশ করিয়া ঘন পল্লবে ঢাকা একটা কুটারের মধ্যে স্তব্ধ করিয়া ঢুকিয়া পড়িল এবং লোকালয় হইতে বিচ্ছিন্ন সেই বিজন আকাশের নিস্তব্ধতা ও অন্ধকারের মধ্যে অন্তর্হিত হইল...

পথের আলো ক্রমেই কমিয়া আসিতেছে; এই সময় একজন পুরুষ, যুগ-স্বলভ নিস্তব্ধ লঘুতা সহকারে, প্রায় আমার গা-বেঁসিয়া আমার সম্মুখ দিয়া চলিয়া গেল। এ আর এক জাতের লোক, আরও আদিম কালের মানব-জাতির কোন এক শাখার লোক। প্রায় নগ্ন, কোমরে ছুরী ঝোলানো, ঘোর কৃষ্ণবর্ণ, ভালুকের মত শক্ত বন লোমে তার বক্ষোদেশ আবৃত। জাহাজের মাস্তুলের চেয়েও লম্বা ও সোজা একটা প্রকাণ্ড তালগাছের কাছে আসিয়া সে থামিল; এবং হাত-পা চালাইয়া খুব তাড়াতাড়ি গাছ বাহিয়া উঠিতে লাগিল—যেন ঐ গাছের উপরে একটা কি জরুরি কাজ রাতারাতি শেষ না করিলে চলবে না।—আশ্চর্য্যরকম বানরের মত চটুল লোকটা। এরই মধ্যে খুব অন্ধকার হইয়া পড়িয়াছে—এই অন্ধকারে তালীবনের মধ্যে সে আমার দৃষ্টির বহির্ভূত হইয়া পড়িল...

শেষ গোধূলিতে, আমার ডিক্রিতে উঠিবার জন্ত যখন আমি ফিরিয়া আসিলাম, তখন কতকগুলি বালক, এক প্রকার ঘাসে-বোনা হাতপাখা, কমলা-লেবু, তীব্রগন্ধা বৃজনীগন্ধা ফুলের তোড়া বিক্রী করিবার জন্ত অসিয়া আমাকে ঘিরিয়া ফেলিল। তাহাদের লম্বা চুল, আঁটা-সাঁটা ধুতি কোমরে জড়ানো।

দাঁড়ের কএক আঘাতেই, আমরা নদীর এই ক্ষুদ্র নমুনাটিকে অতিক্রম করিয়া, সাগরে আসিয়া পড়িলাম। তখন সমুদ্র আমাদের সম্মুখে হরিং-ঝিলুকের বিজনতার মত প্রসারিত হইল—এই ঝিলুকের প্রতিবিম্বছটা অতীব পরিবর্তনশীল—



প্রতিবিম্বগুলি নিজেই যেন স্বয়ম্প্রভ হইয়া উঠিবে, এক্রপ ভাব ধারণ করিল।

যে পুষ্পগুচ্ছগুলি বালকেরা আমার নিকট বিক্রয় করিয়াছিল, অন্ধকারে তাহার গন্ধ আরও বেশী তীব্র বলিয়া মনে হইতেছে—অত্যাশ্চর্য অপ্রীতিকর গন্ধের সহিত ডাঙ্গা জমি যতই দূরে সরিয়া যাইতেছে, ততই এই গন্ধের তীব্রতা আরও অশুভূত হইতেছে। আমাদের যাত্রাপথে জলের উপর এই রজনীগন্ধার গন্ধ রাখিয়া যাইতেছি।

দিক্চক্রবাল,—নিম্নে একটু লাল, তার পর

বেগনী, তার পর সবুজ, তার পর ইস্পাতের রং, ময়ুরের রং—এইরূপ ইন্দ্রধনুর ছায় স্তবকে স্তবকে রঞ্জিত হইয়াছে। তারাগুলি এক্রপ ঝকঝক করিয়া জ্বলিতেছে যে, মনে হয় যেন আজ রাত্রে বুঝি উহার পৃথিবীর খুব নিকটে আসিয়াছে—সেই সীমাবিন্দু পর্যন্ত আসিয়াছে, যেখানে অন্তমান সূর্যের স্পষ্ট গোলাপী কিরণচ্ছটা এখনো নীল-গগন-মণ্ডলে ছড়াইয়া রহিয়াছে। এইবার রাত্রি সমাগত—কিন্তু তথাপি যেন আলোক-উৎসবের একটা ঐন্দ্রজালিক আলোকে সর্বত্র উদ্ভাসিত হইয়া উঠিয়াছে।

সুবে
উপ
মরী
আব
দিক্
ধূসর
নাবি
বলিয়
যায়—
অসম
উহার
এইরূ
মলিন
শক্তি
কতক
রেখাব
ব
সর্কাপে
জ
তখন,
রকমের
উঠিল।
“ধদ্”—ব
সূর্য্যকি
গোলাপী
প্রদেশে
* পু
বন্দর
অধিকার

“ওবক-বন্দর” *

(মাতাপথে)

(পিয়ের লোটি)

সূর্যোদয় হইয়াছে। আমরা এখন এডেনের উপসাগরে—এই প্রদেশটা চিরকালই গরম ও মরীচিকার অধিষ্ঠানভূমি।

আমাদের সম্মুখে (যাহারা অপরিবর্তনীয় নীল-আকাশ-সমন্বিত ভারতবর্ষ হইতে ফিরিয়া আসিতেছে) দিক্চক্রবাল এক্ষণে একটা গুরু আবরণ-বস্ত্রে একটা ধূসর-বেগুনে ও কালিম রঙে আবৃত।

যারা দূর হইতে ভূমি চিনিতে অভ্যস্ত, সেই নাবিকের চক্ষে উহার নীচে নিশ্চয়ই মাটি আছে বলিয়া প্রতীতি হয়। না দেখিয়াও অনুমান করা যায়—এই সকল মেঘ-রাশি, না যেন কি-একটা অস্বচ্ছ ও নিশ্চল পদার্থ। বেশ মনে হইতেছে, উহার কতকগুলো দ্বীপ।

কেহ পূর্ন হইতে বলিয়া না দিলেও সন্দেহ হয়,— এইরূপ বাষ্প-রাশির দ্বারা যে পদার্থ এই আকাশকে মলিন করিয়াছে, তাহা অবশ্যই প্রকাণ্ড হইবে, শক্তিশালী হইবে, অপরিমেয় হইবে। ঐ দূর অঞ্চলে কতকগুলো বড় বড় গঠন, একটা মহাদেশের অনন্ত রেখাবলী যেন দেখিতেছি বলিয়া অনুভব করা যায়।

বস্তুতই একটা মহাদেশ—এবং সর্বাপেক্ষা গভীর, সর্বাপেক্ষা অপরিবর্তনীয় মহাদেশ :—আফ্রিকা।

ক্রমেই আমরা উহার নিকটে অগ্রসর হইতেছি। তখন, প্রথম দৃষ্টিতে একটা সিধা একাকার এক-ধেয়ে রকমের শৈলপিণ্ডের চিত্র নেত্র-সমক্ষে ফুটিয়া উঠিল। উহা শক্ত বালুরাশির ভিতর অবস্থিত এবং “বন্দ”-কাটা সরু সরু পথে সমাকর্ষণ। প্রভাতেই সূর্য্যকিরণে, সূর্য্যভীর ছায়ার পশ্চাতে উহা খুব উজ্জ্বল গোলাপী আভা-বিশিষ্ট বলিয়া মনে হয়। আভ্যন্তরিক প্রদেশের পশ্চাদ্ভাগে অন্ধকেরে পর্দাটা এখনও খুব

* পূর্ন-আফ্রিকার অন্তর্গত এডেন উপসাগরের উপকূলস্থ বন্দর (ফরাসী নোমালিয়াও) এক সময়ে ফরাসীদের অধিকারভুক্ত ছিল।

বেশী পরিষ্কৃত আকারে বিদ্যমান। কতকগুলো মেঘ, কতকগুলো পাহাড়, গভীর অন্ধকারের মধ্যে, জড়পুটলি হইয়া, একাকারভাবে অবস্থিত।—যেন একপ্রকার আত্ম সৃষ্টির বিশৃঙ্খল বিক্ষুব্ধ জড়পিণ্ডরাশি, যেখানে পৃথিবীর সমস্ত ঝড়-ঝটিকা প্রচ্ছন্ন রহিয়াছে। এই ঝিকমিকে শৈলপিণ্ড যাহা ভূ-ই-মাটির প্রথম স্তর—এই শৈলপিণ্ডকে নেত্রের দ্বারা অনুসরণ করিতেছে—ইহা দৃষ্টির বাহিরে চলিয়া যাইতেছে—সেই একই-রকম বিষাদাচ্ছন্ন, অব্যবহার্য্য, মৃত; যখন এইরূপ দৃষ্টি এড়াইয়া ক্রমাগত দূরে সরিয়া যায়, তখন যাহার স্থানের অপ্রতুলতা নাই, সেই মরুময় মহাদেশের প্রশস্ততা স্বথেকে একটা জ্ঞান লাভ হয়; উষ্ণ ও উজ্জ্বল সুবিস্তীর্ণ আফ্রিকার একটা আভাস পাওয়া যায়।

ইতস্ততঃ কতকগুলো ঝোপ-ঝাড়—একটু বেশী কাছে আসিলেই ঠাণ্ডা করা যায়। ঝোপ গাছগুলো দেখিতে ছোট ছোট গোলাকার ফুলের তোড়ার মত, ছোট ছোট আতপত্র-ছাতার মত। উহার সবুজ রং ম্লান হইয়া গিয়াছে, অতিরিক্ত সূর্য্যের তাপে শুকাইয়া গিয়া নীল হইয়া গিয়াছে; উহাদের পত্রপল্লব একরূপ লঘু ও শীর্ণ যে, মনে হয় যেন উহার স্বচ্ছ।

যে দেশে আমরা আসিয়া পৌঁছিয়াছি, উহা দাঁকালিদের দেশ। দাঁকালিরা তাদজুরার স্থলতানের অধীন। এই উপকূলের ধার দিয়া একটু নীচে অবরোধ করিলেই ফরাসীদের আড্ডা “ওবকে” আসা যায়।

একটা ভায়র বাষ্পের মধ্যে এই ওবক শীঘ্রই দেখা দিল। মরীচিকা-স্থলভ একটা কম্পনে এই বাষ্পরাশি অবিরত চঞ্চল। প্রথমে একটা বড় নুতন ইমারৎ, এডেনের গৃহাদির মত বারান্দা—ধবধবে সাদা বালুরাশির উপর অবস্থিত, দূর হইতে দেখা যায়। ইহা কোম্পানী কর্তৃক নির্মিত; এই কোম্পানী

যাত্রাপথের জাহাজদিগকে কয়লা সরবরাহ করিত। এখানে ঐ একটিমাত্র গৃহ, এই লক্ষ্মীছাড়া দেশের ভিতরে, এই গৃহের একটা স্বথস্বচ্ছন্দতার ভাব, একটা নিরাপদ নির্দ্বন্দ্বিতার ভাব দেখিয়া বিস্মিত হইতে হয়।

তাহার পর, শুক মৃত্তিকার একটা দেয়ালের ঘের, সেই ঘেরের ভিতর একটা অষ্টচুড়ার শৃঙ্গদেশের ভগ্নাবশেষ। দেখিলে মনে হয়, যেন খুব প্রাচীন কোনো একটা মসজিদের ধ্বংসাবশেষ; কিন্তু আসলে গণনাগ উহার অস্তিত্বকাল তিন বৎসরের মাত্র। উহা ফরাসী রেসিডেন্টের প্রথম আবাস-গৃহ; আরব কারাগৃহের ধরণে নির্মিত হয়। বিগত বৎসর এক সুন্দর রাজিতে আবিসিনিয়ার পাহাড়-পর্বত হইতে হঠাৎ একটা বজা নামিয়া উহাকে ভূমিসাৎ করিয়া দেয়।

একটা ক্ষুদ্র গ্রাম, তাহার পরেই একটা আফ্রিকা-দেশীয় পল্লী; ওখানকার মাটি ও বালির মতনই, উহার লালচে ধূসর রং, সূর্যের উত্তাপে একই রকম হাজাপোড়া। উহার কুটারগুলো দরুমার, খুব নীচু, দেখিতে পশু-আবাসের মত; দূর হইতে দেখিতে পাওয়া যায়, অদ্ভুত পুতুলের মত ৪৫ জন নড়াচড়া করিতেছে, উহাদের লাল হৃদয়ে কিধা সাদা রংএর খুব উজ্জ্বল পোষাক—সেই পোষাকের মধ্য হইতে লম্বা লম্বা কালো হাত বাহির হইয়াছে—আবার, আর কতকগুলো লোক একেবারে উলঙ্গ, তাহাদের ছায়া-ছবি বানরের মত।

পরিশেষে ঐ অদূরে, একপ্রকার অস্বরূপের উপর কতকগুলো ছোট ছোট নূতন বাড়ী;—লাল টালির ছাদ; সবস্বল্প ১০।১২টা বেশ সুসমভাবে শ্রেণীবদ্ধ; চেহারাটা একটা কাবুখানার মত, কিংবা মজুরসহরের মত। ইহাই সরকারী ওবক্—শাসন-কর্তার ওবক্—সেনানিবাসের ওবক্। চারিদিক্-কার বিরাট মরুর উপর ইহা যেন একটা অখণ্ড বেঞ্চাপ্লা জিনিস বলিয়া মনে হয়।

যে জায়গাটাকে “ওবক্-বন্দর” বলে, সেইখানকার প্রশান্ত জলের উপর আমরা নোঙ্গর করিলাম। বস্তুতঃই ইহা একটা বন্দর; বারদরিয়ার উত্তাল তরঙ্গ ওখানে আসিতে পারে না; উহা বেশ একটু সুরক্ষিত আশ্রয়স্থান। কিন্তু প্রথম দৃষ্টিতে তাহা মনে হয় না; কেন না, যে প্রবালের ঘেরের দ্বারা উহা সংরক্ষিত, সেই ঘেরটা একেবারেই জলের সমতল;

সমুদ্রের সমস্ত নিশ্চল নীলবর্ণের উপর স্বেৎ সবুজ রঙের একটা গোল রেখা অতিকণ্ঠে দৃষ্টিগোচর হয়।

আমরা খুব একটা গরম জায়গায় আসিয়া পৌছি-য়াছি। এই প্রভাতকালে সবে আটটা বাজিয়াছে, ইহারই মধ্যে যেন একটা বৃহৎ অধিকুণ্ডের খুব কাছে আছি বলিয়া মনে হইতেছে; আমাদের গাল, রগ, যেন পুড়িয়া যাইতেছে, এইরূপ অনুভব করিতেছি। এবং সমুদ্রের উপরে নিকটবর্তী জ্বালাময়ী বায়ুরাশির উপরে সূর্য্যরশ্মি কি ভীষণ-ভাবেই প্রতিফলিত হইতেছে। কিন্তু কোচীন-চীনে ও আনামে যে “বয়লারের” আর্দ্র উত্তাপ আমরা পশ্চাতে ফেলিয়া আসিয়াছি, তাহার তুলনায় এখানকার এই উষ্ণতা শুক ও অনেকটা স্বাস্থ্যকর; এখানে যে বায়ু বহিতেছে—সেখান হইতেই আসুক না—উহা আফ্রিকা ও আরবের জল-হীন বড় বড় মরুভূমির উপর দিয়া আসিতেছে সন্দেহ নাই। বেশ অনুভব করা যায়—এই বাতাসটা বিগুণ্ড, এমন কি, জীবনপ্রদ বলিলেও বলা যাইতে পারে।

কবোফ জলের উপর, ডিম্বিবোগে যাত্রা করিয়া অল্পসময়ের মধ্যেই ডাঙ্গার পদার্পণ করিলাম; লাল মাটি যেন আগুনে পুড়িতেছে। তাহার পর, একটা বালির সরু পথ দিয়া একটা কেলা ময়দানের মত জায়গায় আসিয়া পড়িলাম; এই ময়দান সমুদ্রের উপর আধিপত্য করিতেছে। ময়দানের চারিদিকে লাল টালি-বিশিষ্ট ছোট ছোট বাড়ী। এই স্থানটা মুরোপীয় ওবকের অস্তভূত।

মধ্যস্থলে শাসনকর্তার আবাস-গৃহ; পলাস্তারাকরা একটা সিঁড়ি দিয়া উপরে উঠিতে হয়। সিঁড়িটা শুক কর্দম ও স্বেৎ ধূসরবর্ণের পলাস্তারা দ্বারা নির্মিত; কৃষ্ণবর্ণ কাফ্রি-সর্দারদিগের অভ্যর্থনারই উপযুক্ত। এই ধাপগুলার উপরেই আবাস-গৃহ; কঁক-বিশিষ্ট গরাদে ছাড়া উহার আর কোন দেয়াল নাই; গৃহটি মূর্গির খাঁচার মত খাড়া হইয়া আছে; উহার ভিতর দিয়া সমস্ত বাতাস প্রবেশ করিতে পারে। উহার সমুখ চারিটা ক্ষুদ্র কামান—এই তোপসজ্জা একটা হাফর ব্যাপার—আর একটা মাস্তুলের ডগায় একটা ফরাসী পতাকা উড়িতেছে। অল্প গৃহগুলো একই-রকমে নির্মিত, এই শাসনকর্তার জঁকালো আবাস-গৃহের প্রত্যেক দিকে সৌম্য-সহকারে শ্রেণীবদ্ধ। এই সব গৃহে ৬০ কি ৮০ তোপখানার

লোক এ
ইহারই
এই
বেড়া;
গাছ সা
করিয়া
কণ্টকম
এই
সৈনিক
প্রান্তর্ভে
ও টনকি
মুখ পের
ইহাদের
হাতাহী
প্রভাবে
হয়।
জামল
উহ
তুলিয়া
শাকসবি
উহার
হইয়াছে
সমস্ত শ
নিগ্রো-
আরব
উহাদের
পাশ্চাত্য
জীবন্ত
এক
হইতে
মনে হয়
গিয়াছে
হইতে
দিকে বি
পথ দি
ইহ
অতীত
একটি
হইয়া
রাস্তাটি

লোক এবং নৌবিভাগের পদাতিকেরা বাস করে।
ইহারাই ওবকের দুর্গরক্ষী সৈন্য।

এই গোরা-অঞ্চলের রক্ষণার্থ একটা সামান্য বেড়া; আতপত্র-ছাতার আকার কতকগুলো ঝোপ-গাছ সারি সারি ও পাশাপাশি জমির উপর শ্রেণীবদ্ধ করিয়া এই বেড়া প্রস্তুত হইয়াছে। যেন বড় বড় কণ্টকময় ফুলের তোড়া।

এই ঘরের ভিতর কতকগুলি সতর্ক ও ব্যস্ত সৈনিক ঘোরা-ফেরা করিতেছে। এক্ষণে উহার প্রান্তভোজনের আয়োজনে ব্যাপৃত। কোচিন-চাইনা ও টনকিনে যেরূপ দেখিতাম, এখানে সৈনিকদিগের মুখ সেরূপ টানা-টানা ও কঁয়াকাশে দেখিলাম না। ইহাদের ভাল চেহারা; সাদা শিরদ্বাণ মাথায়, হাতাহীন একটা জামা গায়ে;—সৌর উত্তাপের প্রভাবে, উহাদের মুখে একটা স্বাস্থ্যের ভাব লক্ষিত হয়। বেগুইন আরবদিগের মত উহাদের নথ বাহু জামল হইয়া পড়িয়াছে।

উহারারান্না করিতেছে; প্রকৃত শাক, প্রকৃত সজ্জি তুলিয়া আনিয়াছে; এই নিছক মরুর মাঝে এই সব শাকসজ্জি দেখিয়া আশ্চর্য্য হইতে হয়। মনে হয়, উহার একটা বাগান তৈয়ারী করিতে কৃতকার্য হইয়াছে; এবং উহাতে প্রচুর জলসেক করায় এই সমস্ত শাক-সজ্জি গজাইয়া উঠিয়াছে। উহাদের মধ্যে নিগ্রো-শিশুরা খেলা করিতেছে। এই ক্ষুদ্র জীবগুলো আরব ও ভারতবাসীর যৌন-মিলন হইতে উৎপন্ন। উহাদের টানা টানা চোখ, ওষ্ঠযুগল বেশ পাংলা, পার্শ্বমুখ বেশ সুন্দর। এই ওবকের বেশ একটা জীবন্তভাব আছে।

একটা বালুময় গভীর গিরি-পথ, কাফ্রি গ্রাম হইতে এই সৈনিক-অঞ্চলটাকে পৃথক্ করিয়াছে; মনে হয়, এক বৎসরের মধ্যে এই গ্রামটা খুব বাড়িয়া গিয়াছে। কিন্তু যাই হোক, এই লোকগুলো কোথা হইতে আসে? অনতিদূরেই যখন মরুভূমি চাপ্তি-দিকে বিস্তৃত, তখন কোন্ রাস্তা দিয়া, কোন্ বিজন পথ দিয়া উহার এখানে আসিয়া সম্মিলিত হয়?

ইহা নিশ্চিত, ওবকে বাণিজ্যব্যাপারের একটা অতীব ক্ষুদ্র কেন্দ্র গড়িয়া উঠিয়াছে। এক্ষণে ইহা একটা ছোট রাস্তা মাত্র—আমাদের সম্মুখে উদ্ঘাটিত হইয়া লম্বা চলিয়া গিয়াছে—সৌরকর-কবলিত এই রাস্তাটি—সারি-সারি ২০।৩০টা গৃহের মধ্য দিয়া

প্রবেশ করিয়াছে। এমন কি, প্রবেশ-পথে, প্রকৃত দেয়ালবিশিষ্ট একটা ক্ষুদ্র গৃহ অবস্থিত, মুরদিগের ধরণে গঠিত; এদেশে “অ্যাব-স্যাভ” মদের ইহা একমাত্র দোকান। একটা যুরোপীয় উপনিবেশ, ইহারই মধ্যে আমাদের সৈনিকদের ব্যবহারের জন্য এই দোকান খুলিয়াছে। বাদবাকী সমস্তই দেশীয়-দিগের কুটার—এত নীচু যে, উহার চাল হাত দিয়া স্পর্শ করা যায়; কতকগুলো গাঁঠি-ওয়াল কাঠের দ্বারা পরিবৃত, কাঠখণ্ডগুলো দেখিতে পুরাতন অস্থির মত, দোম্‌ডানো বুদ্ধের জজ্বার মত (যে ঝোপ-ঝাড়ে শাসনকর্তার গৃহের বেড়া নির্মিত—সেই একই ঝোপঝাড়); এবং একটার সঙ্গে আর-একটা শেলাই-করা কতকগুলো দর্মা দিয়া আচ্ছাদিত।—যেন কতকগুলো-জোড়া-তাড়া-দেওয়া ছিন্নবস্ত্র। মাটি পদদলিত, হুমুশ-করা; পরিত্যক্ত ময়লা জিনিসের সহিত মিশ্রিত; এই সব জঞ্জাল পচিতেছে—গুকাইয়া যাইতেছে। অগণ্য মাছির পাল বাতাসে উড়িতেছে।

আমাদিগের সহিত সাক্ষাৎ করিবার জন্য দুইটি কক্ষবর্ণা তরুণী আসিয়া উপস্থিত হইল।—পাতলা পাতলা ঠোঁট—মুখে কপট ছুটামির হাসি; একজন পথচলুতি কাফ্রি-বালক, পরিচয় করিয়া দিবার ভাবে বলিল, “এঁরা ‘দীকালি’ মাদাম”। এই রমণীরা টাটকা-ছাড়ানো বাঘের চামড়া আমাদের নিকট বিক্রয় করিতে আসিয়াছে। উহাদের মধ্যে এক জনের কাঁধের উপর একটা চামড়া ঝুলিতেছে। এই “মাদাম-দীকালিদের” অদ্বুতরকমের মাথা; উহার উহাদের অলঙ্কারে চোখ ঘুরাইতে ঘুরাইতে, আমাদের নিকট কত বর্ষরধরণের মুখভঙ্গি করিতে লাগিল। সূর্য্যের আলোয় মনে হইতে লাগিল, তেলে-মাজা আবুস কাঠের মত যেন উহাদের গাত্রচর্ম চিক্‌চিক্‌ করিতেছে।

বরাবর এই রাস্তার ধারে ছোট ছোট কাফি-ঘর, ছোট ছোট দোকান। এই সব দর্মা-ঘরে কিছু-না-কিছু পান করিবার থাকে, কিছু-না-কিছু কেনা-বেচা হয়। এই সমস্তের মধ্যে একটা উপস্থিত-মত করিয়া তুলিবার ভাব, পাছশালার ভাব রহিয়াছে—যেন ভাবী কাফ্রি-বাজারের এইখানে সূত্রপাত হইয়াছে।

আরব-ধরণের কাফি-ঘর; এইখানে, বড় বড়

তীব্র গড়গড়ায় ধূমপান করিতে করিতে, ছোট ছোট পেয়ালায় পানীয় দ্রব্য পান করা হয়; এই সব পেয়ালা এডেন হইতে আনীত। এইখানে গোলাপী রঙের তাম্বুজ ও আক্ দেদার পান হইতেছে।

দোকানগুলো ধার-পর-নাই ক্ষুদ্র; খাপ-ওয়ালি একটা টেবিলের উপর জিনিসপত্র সাজানো রহিয়াছে;—একটা খোপে কিছু চাল, আর-একটা খোপে একটু লবণ; কিছু দারচিনি, কিছু জাফান, কিছু আদা; তার পর উদ্ভট-রকমের ছোট ছোট পেয়ালা। ঐ একই দোকানদার, কাপড়ের পাগড়িও বিক্রী করে, কাফি-ব্যবহৃত ধুতিও বিক্রয় করে।

ক্রোতা ও বিক্রোতা (সবস্বল্প হদ্দ ২০০ জন) সকল জাতিরই অন্তর্গত লোক। খুব কৃষ্ণবর্ণ কাফি, চিক্চিকে কোঁকড়া চুল, নগ্ন গাত্র, বেশ উন্নত দেহভঙ্গী। আরব—রং-করা বড় বড় চোখ, সাদা কিংবা উজ্জ্বল সবুজ কিংবা সোনালি জর্দা রঙের পরিচ্ছদ। কপিশবর্ণ মুখের রং; লম্বা ও পাতলা গড়ন; রাজহংসের মত গ্রীবা, ছাগলের মত পার্শ্বমুখ, লাল-রং-করা লম্বা চুল, কাঁধের উপর ঝুলিয়া পড়িয়াছে। ব্রনজ্ ধাতুর উপর যেন মেরিনো-মেঘের গাত্র হইতে ছাঁটা পশম। দাঁকালিরা শামুকের হার গলায় পরিয়াছে। আর ছই তিন জন মালাবার যেন পথ ভুলিয়া এখানে আসিয়া পড়িয়াছে—এই জটিলার মধ্যে পার্শ্ববর্তী ভারতের একটা স্থিতি আগাইয়া তুলিয়াছে।

কাফি-বরগুলা ছোট ছোট খড়ের খোপের মত; উহার পশ্চাদভাগে লোকগুলো বিশৃঙ্খলভাবে একসঙ্গে বসিয়া জুয়া খেলিতেছে কিংবা সুরা পান করিতেছে। কেহ কেহ বা পাশা খেলিতেছে।

আবার কেহ কেহ মরুভূমির একটা অপেক্ষাকৃত সাধাসিধে খেলা বাছিয়া লইয়াছে। এই খেলা হইতেছে—বালির উপর নানা-প্রকার সন্মিলিত রেখা কাটা। ছই জন কাফি একেবারে উলঙ্গ—রক্ষা-কবচের অলঙ্কারে বিভূষিত, খুব উৎসাহের সহিত তাস খেলিতেছে, মধ্যে মধ্যে তাসের পিটগুলা টেবিলের উপর সজোরে আছড়াইয়া ফেলিতেছে। উহাদের বুনো হাতে সত্যিকার তাস দেখিয়া বিস্মিত হইতে হয়।

উহাদের পাশে, আর তিন জন ডমিনো (দশ-পচিশ ?) খেলিতে বসিয়া গিয়াছে। ইহারা কপিশবর্ণ

ও পাতলা-গঠনের একজাতীয় লোক—উহারা চুলে সাদা রং দেয়। এখন উহাদের চুল, একটা ভিন্ন রঙের প্রস্তুত মশলার দ্বারা আচ্ছাদিত, কাল উহা উঠাইয়া ফেলিয়া আবার সুশ্রী হইবে; এ মশলাটা একটা ঘন জমাট শক্ত ছালের আকারে মাথার উপর রহিয়াছে। দেখিলে মনে হয় “মমির” গায়ে যে শক্ত চূণের প্রলেপ থাকে, সেইরূপ চূণের প্রলেপ।

এই খেলুড়ীদের মাথার উপর যে দর্মার চাল আছে, তাহাতে কষ্টে-কষ্টে একটু ছায়া হয়। সূর্য্যের কিরণ,—ভীষণ সূর্য্যের কিরণ, ছাঁকুনীর শত ছিদের মত, উহার ভিতর দিয়া প্রবেশ করে; এবং উহার চারিদিকে যে সব অতিতপ্ত কুটীর দৃষ্টির বহিভূত—তাহারাও এই অসীম আফ্রিকার মধ্যে জলিতেছে, পুড়িতেছে.....

শীঘ্রই এই গ্রামের শেষপ্রান্তে আসিয়া পড়া গেল। শেষের দিকের চারিটা গৃহ অল্পগুলো হইতে একটু বিচ্ছিন্ন হইয়া একটা বালুকাস্তরের উপর অবস্থিত:—ইহা বিলাসিনীদের নকল; উহারা দেখিতে মন্দ নহে; এইসব হাব্‌সি, সোমালি, কিংবা দাঁকালি-জাতীয় রমণী, উহাদের দর্মার কুটীরে অপেক্ষা করিতেছে। উহাদের লাল দৌর্ব পরিচ্ছদ, উহাদের পদ-গুলুকে ও মণিবন্ধে ভারী ভারী রূপার বলয়; যেন শিকারের সন্ধানে বসিয়া আছে; মুখের ভাবটা আধো রহস্যময়, আধা হিংস্র-ভীষণ। এই কৃষ্ণবর্ণ নির্লজ্জতার মধ্যে খুব একটা গাঙ্গুয়ী আছে। উহারা ধর্মের অন্তর্ধানের মতো উহাদের ব্যবসা চালাইতেছে এবং একটা সাদা চক্চকে মুদ্রার জন্ত কি করাসী সৈনিক, কি বেহুইন, কি রক্ষা-কবচ-ধারী কাফি—যে-কেহ রাস্তা দিয়া চলিতেছে, তাহাকেই উহারা ব্যাঙ্গিণীর মিষ্টি হাসি হাসিয়া আহ্বান করিতেছে।

এই অঞ্চলটা শেষ হইয়া গেলেই, স্রগভীর ঝিকমিকে, মরীচিকা-সম্বল, সূর্য্যদীপ্ত, করাল মৃত্যুরূপী মরুভূমি আরম্ভ হয়।

এখানেও ভূমির একটা নকলের মতো, স্রবৎ সবুজ রঙের একটা জিনিস রহিয়াছে:—বাগান, সেই প্রখ্যাত বাগান—বাহা সৈনিকেরা, জলসেকের দ্বারা সযত্নে তৈয়ারী করিয়াছে ও বাঁচাইয়া রাখিয়াছে। ইহা ছাড়া আর কিছুই নাই। আমাদের সম্মুখে এই শূন্যপ্রদেশটা প্রসারিত—মানচিত্রে বাহা “মৃগ-মালভূমি” নামে নির্দেশিত হইয়াছে।

দিক্চক্রবালের শেষ প্রান্তে, ভূমির পার্শ্বদেশে সেই চিরস্তন একই জলদজাল ও গিরিমালা এই উজাড় বিস্তারটাকে সীমাবদ্ধ করিয়াছে। কতকটা আকাশের অন্ধকারের সহিত মিশিয়া, দূরত্বের সঙ্গে সঙ্গে আরও কৃষ্ণবর্ণ হইয়া গিয়া এই উচ্চ পর্বতগুলা একটা স্তূপাকার ছায়াচিত্রের মত সর্বত্রই অন্ধিত হইয়াছে। এই সব অভ্যন্তর অঞ্চলে “সাদা” লোকদিগের গতিবিধি নাই। এই অভ্যন্তরপ্রদেশ যাহা আজ একরূপ তমসাচ্ছন্ন, উহা হইতে আবার বালুবাশির স্বর্ণরঞ্জিত দীপ্তিছুটা বাহির হইবে, অলস্ত আলোকে নিঃসৃত হইয়া আবার চোখ ঝলসাইয়া দিবে।

এই “মৃগ-মালভূমির” উপর দিয়া যতই আমরা অগ্রসর হইতেছি, ততই লাল টালি ও তিনটি গৃহসমেত এই ক্ষুদ্র “ওবক্” দূরত্বের মধ্যে নামিয়া পড়িতেছে, মুছিয়া যাইতেছে, অন্তর্হিত হইতেছে; ভাস্বর ও বিষাদময় সমতলভূমি আমাদের চতুর্দিকে নিয়তই বাড়িয়া চলিয়াছে।

সমুদ্রও দৃষ্টিবহির্ভূত হইয়া পড়িয়াছে। তবুও মাটির উপর প্রবালের শাখা-প্রশাখা ও শামুক দেখিতে পাওয়া যায়। ইতস্ততঃ কতকগুলি লোহিতীকৃত তৃণগুচ্ছ; কতকগুলি অদ্ভুত চারা গাছ; উহার সবুজ রং একরূপ স্তান হইয়া গিয়াছে যে, মনে হয়, সূর্য্য বৃষ্টি উহার রং উদরস্থ করিয়াছে। তার পর, একটু দূরে দূরে, যেন ইংরেজি বাগান তৈরী করিবার জন্তই এই সব চক্রাকৃতি শীর্ণ ঝোপঝাড়। উহাদের সরু ও উজ্জল পত্রপল্লব স্বকীয় শীর্ণ বৃন্তের উপরে দক্ষিণে ও বামে হেলিয়া রহিয়াছে। ইহা একটা বিষয় “লজ্জাবতী”—আফ্রিকা দেশের এই চিরস্তন লজ্জাবতী যাহা অভ্যন্তর প্রদেশের সমস্ত অর্ধবৃত্ত ভূমিতে জন্মায়—সেনেগালের বালুবাশির মধ্যে বড় মরুভূমির ওদার পর্য্যন্ত; এই লজ্জাবতী গাছ হইতে কিছুই উৎপন্ন হয় না, উহা কোন কাজে আসে না—এমন কি, একটু ছায়া দানও করে না.....

কাহারো এই রকম জমি পোষণ করে? এই কিছু পূর্বে আমরা ওবক্ গ্রামের আদিম নিবাসী পাতলা ও কপিলবর্ণ, বিড়াল-মুখী, বুনোরকমের দৃষ্টি, যে “দীকালি”দিগের কথা বলিয়াছিলাম, নিশ্চয় তাহারাই। এই সব লোক এই দেশের সঙ্গে বেশ খাপ খাইয়াছে। উহারা এখানে ইতস্ততঃ ভ্রমণ করিয়া জীবন যাপন করে; বালির মধ্যে—জঙ্গলের মধ্যে

উহারা বিরলভাবে অবস্থিতি করে; এবং এখানকার চিরস্তন উত্তাপ, মনে হয়, উহাদিগকে গুকাইয়া ফেলিয়াছে, উহাদের শরীরকে হরিণের মত পাংলা করিয়া দিয়াছে।

আমাদের যাত্রাপথে কতকগুলি লোকের সহিত আমাদের সাক্ষাৎ হইল; উহারা অভ্যন্তর প্রদেশ হইতে আসিতেছে, পিঠে হাক্কা বৌচকা-বুঁচকি; আগেকার মত “মাদাম দীকালিদের” আর এক দল, গুজ সুন্দর দস্তপাঞ্জির ভিতর হইতে সেই একই রকম কপট হাসি হাসিতে-হাসিতে আমাদের সম্মুখে আসিয়া দাঁড়াইল। আর-একটা ব্যাত্র-চন্দ্র উহারা আমাদের নিকট বিক্রয় করিবার নিমিত্ত সম্মুখে বিছাইয়া দিল।

এই সমতল ভূমির মধ্যে, দূর হইতে দূরান্তরে, উত্তপ্ত মাটির উপর লোকেরা আড্ডা গাড়িয়াছে। উহারা পশুর মতো মাথা নোয়াইয়া উহাদের কুটারে প্রবেশ করে। এখানে উহারা বসিয়া থাকে—উহাদের সঙ্গে রহিয়াছে কতকগুলি গাধার বাচ্চা, কতকগুলি চামড়ার বোতল, কতকগুলি রফা-কবচ এবং খুন-খারাপিধরণের কতকগুলি তলোয়ার ও ছোরা। নিশ্চল, অলস,—উহারা ব্যবসার উদ্দেশ্যে, কিংবা শুধু দর্শনের জন্ত ওবকের অভিমুখে আসিয়াছে। উহাদিগকে কেহই বড় একটা দানব অভিযর্থনা করে না, বরং উহাদিগকে দেখিয়া লোকে ভয় পায়। এখানকার বাসিন্দা এবং উহারা উভয়ের মধ্যে সাক্ষাৎকার ঘটিলে উভয়েরই মন বিস্ময় ও অবিখাসে পূর্ণ হয়।

এখন বেলা ১১টা। এই সব মরীচিকার মধ্যে এই সব বালুবাশি হইতে প্রতিফলিত কিরণের মধ্যে, সমস্তই ঝিকমিক করিতেছে, সমস্তই কম্পিত হইতেছে। মাটি হইতে একটা নেত্রাঙ্ককারী প্রভা সমুখিত হইতেছে।

আমরা দূর হইতে দেখিতে পাইতেছি, কতকগুলি খুব সাদা জিনিস, মাঠের উপর স্তূপাকারে অবস্থিত। কোনো অলৌকিক শক্তি-যোগে ওখানে একটু বরফ পড়িল নাকি? কিংবা কতকটা চূণ, কিংবা কতকগুলি পাথর? কিন্তু না, উহা যে নড়িতেছে।—তবে বোধ হয়, আরব ধরণের মাথা-ঢাকা কতকগুলি লোক?—কিংবা কতকগুলি পশু? হরিণ?—ঘোড়া? যাই ইচ্ছা তাহারই সহিত সাদৃশ্য আছে বলিয়া মনে করা যাইতে পারে, এমন কি, সাদা

স্তাব
ছো
পের
রঙে

হাতীরও সহিত; কেন না, কি দূরত্ব, কি বৃহত্ত্ব—সে
সম্বন্ধে একটা সম্পূর্ণ ধারণা আর হয় না। একটু দূরত্ব
সব জিনিসই বিকল্প ও পরিবর্তনশীল হইয়া পড়িয়াছে।

এক
—
এক
আ
পে
বি

উহা কতকগুলো ভেড়া বই আর কিছুই নহে।
ভেড়াগুলো একটু মজার-রকমের, পায়ের রং খুব সাদা,
মাথা বেশ কালো এবং ইজিপ্টের মেঘের মতে পুঙ্খ
হাতপাখার মতো চারিদিকে ছড়ানো। না-আনি কি
প্রকার তৃণ চর্ষণ করিবার জন্ত এই সব দুর্লভ-জাতীয়
মেঘগুলোকে দিনের বেলা এখানে পাঠান হইয়া
থাকে; এবং সূর্য্য অস্ত হইলে—হিংস্র জন্তদের বাহির
হইবার পূর্বেই উহাদিগকে তাড়াতাড়ি আবার ওবক
গ্রামের দিকে লইয়া যাওয়া হয়।

সব
চি
দে
বি
পা
গা
লা
প
নে
শ
ক
প
ও

এই অসীম মরুভূমির মধ্য দিয়া চলিতে চলিতে
এই শেষ জীবন্ত প্রাণী আমাদের নয়নগোচর হইল।
একটু পরেই মধ্যাহ্ন আসিয়া পড়িল। এই সময়ে
সাদা লোকেরা কখনই ঘরের বাহির হয় না। আমরা
সব দেখিবার জন্তই এখানে আসিয়াছি—আমাদের
অবিবেচনার ফল আমাদের ভোগ করিতেই
হইবে। সাদা কাপড়ের ভিতর দিয়া আমাদের
কাঁধের উপর একটা অনল-দহন-আলা অহুভব করিতে
লাগিলাম। চলিবার সময়, মাটিতে আমাদের আর ছায়া
পড়িতেছে না, পায়ের নীচে একটা ছোট্ট কালো চক্র
মাত্র—আমাদের পায়ের নীচে আসিয়া থাকিতেছে।
সূর্য্য উচ্চ গগনে, ঠিক আমাদের মাথার উপর;—
সেখান হইতে সোজাভাবে অনল-কণা পৃথিবীর উপর
বর্ষণ করিতেছে।

উ
হ
এ

কোথাও কিছু নড়িতেছে না; উত্তাপে সমস্তই
মরিয়া গিয়াছে; অস্তান্ত দেশে, এই গ্রীষ্ম-মধ্যাহ্নে

বাহারা অবিরাম শব্দ করে, সেই কীটদিগেরও
সঙ্গীত আর শোনা যায় না। সমস্ত মরুভূমির মধ্যে
কম্পন ক্রমশই বৃদ্ধি পাইতেছে—কেবলই কম্পন,
কম্পন, কম্পন—ইহার গতি অবিরাম, উন্নত ও
অরতাবাপন্ন; কিন্তু কল্পনার সামগ্রীর মতো—
স্বপ্নের মতো একেবারেই নিস্তব্ধ।

খুব সূদূর পর্য্যন্ত, কি-একটা অনির্দিষ্ট দূরত্ব
প্রসারিত,—মনে হয় যেন, এমন একটা মরুভূমি
জলপ্রবাহ কিংবা একটা কিন্নিকিনে “গজ” মরুভূমি
হাওয়ার নড়িতেছে—বাহার অস্তিত্ব মাত্র নাই। বাহা
মরুচিকা বই আর কিছুই নহে। দূরত্ব লক্ষ্যবস্তুর
গাছগুলো অহুত আকার ধারণ করিয়াছে। একটা
প্রবল জলরাশির মধ্যে প্রতিবিম্বিত হইয়া আমাদের
দিকে উহারা বিগলিত হইয়া পড়িয়াছে; এই প্রবল
জলরাশি নিঃশব্দে সমস্ত বালুরাশিকে আক্রমণ করি-
য়াছে, একটা নিঃশব্দ না ফেলিয়াও নড়াচড়া
করিতেছে; এবং তৎসমস্ত হইতেই পৃথিবী
নিঃশব্দ হইয়া চোখ ঝলুদাইয়া দিতেছে, শব্দকে
ক্লান্ত করিতেছে।

এই মরুভূমির বিষাদময় বিরাট দীর্ঘতায়
কল্পনাকে বিক্ষুব্ধ করিয়া তুলে।

দূর পশ্চাতে সেই একই অন্ধকেরে পাহাড়পর্বত,
পর্বতের মাথার উপর গুরুভার জলদগুপ, পর্বতের
এইদিকে একপ্রকার অপরিচ্ছিন্ন তমসাজ্বর উজ্জ্বল
ভূমিতে আসিয়া সমস্ত পর্য্যবসিত হইয়াছে, সূর্য্যের
ক্রমবর্ধনের মধ্যে দুটি হারাইয়া যায়; ইহাই আভিষ্কার
অভ্যন্তর-দেশ; ইহা সমস্ত অন্ধকার ও ঝড়-বাতিকার
পশ্চাতে অবস্থিত।

: সমাপ্ত

:

1
2
3
4
5
6
7
8
9
10
11
12
13
14
15
16
17
18
19
20

সেই কীটনিসেবণ
মস্ত মরুভূমির মাথা
-কেবলই কাম্পন,
বিরাম, উরু ও
সামগ্রীর মতো—

অনির্দেশ্য জিনিস
একটা মনোভা
ন "গজ" কাম্পন
মাত্র নাই, যা
দূরত্ব লক্ষ্যবস্তুর
করিয়েছে। এই
ত হইয়া থাকে
হ; এই গজক
ক আক্রমণ করি
লয়াও নড়াচড়া
হইতেই কাম্পন
দিতেছে, শরীরকে


রাট দীর্ঘকাল


রে পাহাড়পর্বত,
দপ্ত প, পাহাড়ের
মসাজ্জর উজা
ইয়াছে, পাহাড়ের
ইহাই আক্রমণ
ও ঝড়-বাতিকার





২
উব
হো
পের
রঙে
এক
—
এক
আদ
পের
বিজ
সক
চিক
দেহ
কিং
পরি
গড়
লাল
পড়ি
মে
শাম
জম
পড়ি
এক
উক
বসি
কো
সাম
হই
কা
কব
খো
উপ
বুনে
হই
পা





सुविधापूर्वकं विना सुखपूर्वकं न भवति । १२/१२

